

ESQUEL
BIBLICA

160

N

36.

BIB. NAZ. NAPOLI

BIBL. NAZ.
VITT. EMANUELE III

160

N

36

NAPOLI



102

D 32

34

NOTÆ
IN EVANGELI-
CAS LECTIONES QVAE
PER TOTVM ANNVVM DOMI-
NICIS DIEBVS IN ECCLESIA

CATHOLICA RECITANTVR.

OPVS AD PIE MEDITANDVM
*ac simul ad precandum DEVM accommo-
datum, & nunc primum in lucem
editum.*

AUTHORE

R. P. PETRO CANISIO SOCIETATIS
IESV Doctore Theologo.



Cum peculiari Privilegio Sac. Cas. Mat. ad decennium.

FRIBVrgi HELVETIORVM,
Ex officina Typographica Abrahami Gemperlini.

Anno M. D. XCV.



Summa Priuilegij Cafarei.

PROPRIO diplomate Dn. RVDOLPHI Secundi Romanorum Imperatoris D.N.clementis.cautum ac decretum est, vt præter Abrahamum Gemperlinum Friburgi apud Heluetios Typographum, nullus excudat opus R.P. Petri Canisij è Societate Iesv Doctoris Theologi, quod inscribitur *Nota in Euangelicas lectiones, quæ tam Dominicis quàm Festis diebus alijs in Ecclesia Catholica quotannis recitantur.* Idemque opus siue in toto, siue in parte, intra decem annorum spaciũ, à primo editionis die computãdo, sine dicti Abrahami ac hæredum eius consensu nullus aut typis excudere, aut excusum vendere & distrahere poterit in Cæs.Mai.Regnis, hæreditarijs prouincijs, adeoque in vniuerso Romano Imperio. Si quis autem secus fecerit, in pœnam confiscationis & amissionis bonorum incurrerit, ac aliam subibit mulctã in literis priuilegij eiusdẽ expressam. Datum in Arce Regia Pragæ, die vigesima quinta mensis Martij, anno Domini Millesimo, quingentesimo, octuagesimo nono. Regnorum nostrorum, Romani decimo quarto, Hungarici decimo septimo, & Bohemici itidem decimo quarto.

Rudolphus.

Ad mandatum Sac.Cæs.Maie-
statis proprium.

Iacobus Curtius à Senfftenau.

Io. Barnitius, D.



ADMODVM RE-
VERENDIS ET EXIMIIS VI-
RIS, DOMINO PETRO SCHNEVLI-
NO, IN SPIRITVALIBVS REVEREN-
dissimi Episcopi Laufannensis Vicario, Dominis Erhardo
Torino Przposito, alijsque Ecclesiæ Collegiata Friburgi
Helueticorum Canonicis, ac reliquo ditionis Friburgens.
Clero, PETRVS CANISIVS gratiam & pacem
sincerè à IESV CHRISTO
precatur:

RVOLVTVM est iam decennium, Viri co-
lendi & Ecclesiastica dignitate spectabiles,
quum ego primùm in Friburgensem hanc vr-
bem non sponte procurrens, sed autoritate
maiorū impulsus perueni, vt qualemcūq; seu
operarium, seu ecclesiasten in ista excolenda
messe præstarem. Ita enim Deo Opt. Max. cuius est proprium in
vineam suā operarios destinare, placuit, vt ego per legitimum
ostium introductus, extremā ætatis meæ quasi scenam hic agerē,
ac militiā quam vocant emeritā inter Helueticos obtinerē. Neg-
verò me piget ac tædet in hoc ipso agro tamdiu versari, vbi re-
ipsa cōperio, vestram erga me & institutū hoc nostrum beneuo-
lentiam esse singularē, simulq; præclara pietatis vestra studia,
quibus DEI summi verbum & cultum quotidie promouetis,
permulti mecum animaduertunt. Vnde non possum perenni
bonorum omnium auctori non gratias agere, simulq; gaudere,

quod obedientia duce confusus, & caritate comite animatus, in hac aetate qualiscunq; collega & cooperator hucusq; vobiscum degam, & communem Christi Ecclesiæq; causam, qua nihil nobis debet esse antiquius, aliqua ex parte vestro incitatus exemplo confirmem ac proueam. Scio enim probè, qualè quantamq; prouinciam religionis, ergo tot annis sustineatis, & quàm grauter pro Catholica fidei sincera confessione, solidaq; doctrina decertetis, præsertim tot monstris errorum ac hæresum undiq; grassantibus, qua miserè conuulsum proh dolor, hunc Episcopatum magis magisq; dilacerant. Vestra enim vigilantia, & simul incorrupti Senatus nostri autoritate constanti factum est (dicto absit inuidia) ut multa Catholicorum millia, tanquam electa & dilecta reliquia Israël, hætenus in Friburgensi ditione conseruentur, suaq; genua coram Baal & idolis alijs recens erectis non incuruent, sed potius instar senioris Tobie, Dominum Deum Israël in sancta Hierusalem veròq; eius templo sincerè quarant, innocenti ac adorent. Quis verò prudens vel ambigat, vel inficietur permagni referre, ut sana & orthodoxa doctrina depositum, quod Apostolus Paulus Timotheo suo commendauit, multis populis inseruiat, illisq; integrum custodiatur, & semper Apostolicus ille obseruetur canon: Doctrinis varijs & peregrinis nolite abduci: optimū est enim gratia stabilire cor, & non escis? Ament interim alij, sibiq; sumant antiqua nomina, & speciosis Pastorum, Doctorum & Præpositorum titulis glorientur. Vos rectius per Dei gratiam sapitis, qui ut Christi ministros, & mysteriorum Dei dispensatores reipsa præstetis, ab omni hæresi & schismate alieni, nullis noua falsæq; doctrinæ ventis circumacti, in Apostolicis Patrumque traditionibus probè fundati persistitis, id ipsum omnes dicitis, in eadem permanetis regula, vnanimes uno ore Deum & Patrem Domini nostri I E S U Christi cum subiectis o- uibus honorificatis, semperq; solliciti estis seruare unitatem Spiritus in vinculo Catholicæ & Ecclesiastica pacis, quemadmodum iam pridem ab electo diuinæ gratiæ vase Paulo estis edocti. Eapropter quod ille ipse suis tribuit Philippensibus, id

ego vobis vestrisq; fratribus adscribere non verebor, bonorum nempe omnium auctorem Deum in vobis collaudans, qui velut in medio nationis prava & perversa, non secus ac luminaria quadam hucusq; splendeis, verbumq; vitae, quod saluat animas, haud sine multorum profectu, consolatione, & salute firmiter continetis.

Quae res mihi sanè calcar addiderunt, ut mecum erga vos animum ac studium hoc aperto scripto testarer, vestraq; omnium pietati, qui de magno Christi grege bene mereri pergitis, ex animo gratularer. Meministis enim procul dubio, quam diuinum, salutare, fructuosum & necessarium sit isthuc pascendi docendiq; munus, quod ille etiam encomio Daniel Propheta decorauit: Qui docti fuerint, fulgebunt quasi splendor firmamenti: & qui ad iustitiam erudiunt multos, quasi stelle, in perpetuas eternitates. Accedit quod officio meo consentaneum esse duxerim, ut quae per aetatem apud vos viua voce prestare nequeo, praesentis saltem opere compensarem, meiq; desiderij & communis studij, quod formandi Christiani populi animis debemus, hoc quaecumq; testimonium ac specimen adhiberem. Tractamus ergo Euangelicas Notas in illis fundatas lectionibus, quae festis diebus in Catholicis templis proponi, & ex more tum antiquissimo, tum probatissimo explanari publicè consueverunt. Quod argumentum sicut à mea professione non videtur alienum, ita vobis Orthodoxae doctrinae studiosis gratum, simulq; ad pietatem populo instillandam non infrugiferum fore confido. Etenim haec Nota, nisi planè fallor, locos & capita suggerunt, quae cum saepe aliàs, tum diebus maximè Dominicis in mentem reuocari, & hoc quidem pestilenti tempore ad morbos animorum sanandos vix unquam satis inculcaris posse videntur. Quanquam non ignoro, multos & praestantes Theologos reperiri, qui de huiusmodi lectionibus Euangelicis multa utiliter & praeclarè scripserint, ut illa non solum à doctores sine concionatoribus, sed etiam ab auditoribus Catholicis merito perlegantur. Nos verò, qui talibus coryphaeis ac ductibus libenter cedimus, paulò aliam docendi rationem sequi, & viam ab

alijs non nihil disparem ingredi decreuimus. Etenim quod alijs
 uisatum est, circa sensum quem uocant, literatè non haeremus,
 sed historiam Euangelicam uerborum contextu anxie discutere
 ut plurimum superse demus. Sat enim habemus pauca & præ-
 cipua doctrinae salutaris capita ex propositis Euangeliorum le-
 ctionibus excerpere, eaq; ad meditandum, docendum simul &
 precandum accommodare: ut si non doctis, saltem bonis & can-
 didis Lectoribus pro nostra tenuitate consulamus, neq; tam ad
 intellectum illustrandum, quàm ad affectus religiosè concitan-
 dos in medium aliquid adferamus. Siquidem res ipsa loquitur,
 nimis ueram esse multorum querelam de summa horum exul-
 ceratorum temporum iniquitate, quibus antiqua Orthodoxy-
 rum pietas in plurimorum animis uel iacet extincta, uel adeò
 quidem refluxit, ut ad vigorem pristini officij uix resuscitari
 posse videatur. Multis igitur & ingentibus stimulis indigemus,
 ut cõmunis ille tepor ac corpor, qui nostros animos iam pridem
 fœdè occupat subinde discutiat, usq; falsa reiecta securitate,
 quæ fundi nostri est calamitas, ad diuinum timorem & amorẽ
 in nostris animis renouandum postliminio redeamus, ne alio-
 quin in hac uelut longa, sœua & rigente prorsus hyeme, qua a-
 grum nostrum informem ac sterilem efficit, tam diu herere ac
 infrugiferi esse pergamus. Nimum est sanè stupidus, qui non in-
 telligit, Christi uaticinium ad hac nostra & postrema tempora
 pertinere. Multi pseudopropheta, inquit, surgent, & seducent
 multos, & quoniam abundabit iniquitas, refrigescet charitas
 multorum. Qui autem perseuerauerit usq; in finem, hic saluus
 erit. Nec dissentit Apostolus, cuius quidem sententiam in dies
 magis ac magis uidemus impleri. In nouissimis dieb. ait, instabũt
 tẽpora periculosa, & erũt homines seipsos amantes: habentes
 quidem speciem pietatis, uirtutem autem eius abnegantes,
 ut cetera præteream.

Igitur, ut unde deflexit, cõ redeat oratio, opera facturus præ-
 tium uidebar, si eiusmodi Euangeliorum lectionibus, qua sin-
 gulari DEI spiritus selecta atq; digesta, toties in Ecclesia repe-
 tuntur, quasdam notas adscriberem. Harum uerò usum &

fructum

fructum in eo ponimus, ut si fieri queat, velut surdusque veli-
centur aures, & dormitantibus torpor excutatur, frigidaq;
mentes incalrescant, ac de mumociosi maleq; feriati homines ad
suum officium, quod Christo Ecclesiæq; cumprimis debent, pro-
pius reuocentur, maximeq; ad precandi & meditandi studium,
quod modò passim, ac turpius quidam neglectum cernimus,
magis ac magis assuescant. Etsi enim complures hodie reperimus,
qui matris Ecclesiæ præscriptum & ordinem in his ipsi le-
ctionibus probent acseruent: tamen qui fiat nescio, ut pauci ad
festos dies Ecclesiasticosq; ritus animum seriò applicent, utq; ger-
manorum filiorum instar, sanctissima parentis sensus & af-
fectus spirituales induant, illisq; synocrè ac piè delectentur.
Nam quod iam olim Gallia lumen & decus Hilarius de suis ci-
uib; est quaestus, in nostros quoque Catholicos hoc sæculo com-
petit, ut iure cum illo dicamus: Plerumque, immò semper,
vitio nostro accidit, ut qua legi in Ecclesia audimus, auribus
atque animis nostris longè ab his peregrinantibus negligamus,
ut per audiendi incuriam vilescat apud nos calissimum dicto-
rum dignitas. Locus est in explicatione Psalmi 135. Etenim
haudquaquam est satis, Catholicum retinere nomen, & ma-
nuere in Ecclesia, nisi legem etiam Ecclesiæ obseruemus, quem-
admodum illa sancti Spiritus confirmat sententia: Audi,
fili mi, disciplinam patris tui, & nè dimittas legem matris
tuæ, sicut hunc locum Epiphanius interpretatur. Neque
abs re quidem fore putauimus, si dum nostra sensa proferi-
mus, quedam etiam è sacris literis Patrumque monumentis
testimonia commisceremus. Hac enim velut stellula qua-
dam & gemme lucentes, suam apud pios tenent gratiam,
ac sicut profanam nouitatem sapè coarguunt, ita Ortho-
doxam veritatem nunc maxime oppugnatam non parùm il-
lustrant ac reborant.

Demum quicquid isthuc est operis, de quo alios aliter si-
nimus iudicare, id nos ad summam summi Dei gloriam & sin-
gularem Lectorum utilitatem euulgamus, vestroque cum pri-
mò ordini, honorabiles viri, verbisq; diuini præcones, & omni

mus, vt hunc librum emant, sibi & alijs commendatum habeant, cuiusq; lectione & instructione frequenter vtantur. Ita enim futurum speramus, vt iuuante Domino ex hisce Notis Euangelicis & sibi fructum non poenitendum colligant, & ad populum rectè pièq; formandum subinde paratiores accedant. Datum Eriburgi ex ædibus nostris, Anno post CHRISTVM natum scsquamileximo nonagesimo primo.

DIVVS HIERONYMVS ad Nepotianum.

DIVINAS scripturas sapius lege, immò nunquàm de manibus tuis sacra lectio deponatur. Disce quod doceas: obtine eum qui secundùm doctrinam est fidelem sermonem, vt possis exhortari in doctrina sana, & contradicentem reuincere.

D. IO ANN. CHRYSOST. Homel. 22. ad populum.

VERSARE semper in diuinis scripturis. Sicut enim vinum bibitur, tristitiam sedat, & cor commutat in lætitiā: sic & spirituale vinum dum bibitur, in lætitiā conuertit animam tuam.

INDEX DIERVM DOMINICORVM, CHRISTOQVE SACRORVM,
in quibus Euangelicæ Lectiones Notis quibuscum illustrantur.

PRÆCEDVNT autem Prolegomena duo, seu meditationum generalium.

Prus de congrua totius anni in festos dies distributione, pag. 1.

Posterius de Dominicis & alijs festis dieb. cū fructu celebrādis. 12

Nota meditationum de sacro Aduentus tempore. pag. 28

De præcipuis personis in Aduentu piè considerandis, 33

De Isaiæ vaticinijs ad eundem Aduentum pertinentibus. 40

Sequuntur Aduentus Dominicæ cum suis Notis.

Prima; Matth. xxj.

pag. 45.

INDEX DIERV

<i>Secunda, Luc. xxi.</i>	58
<i>Tertia, Matth. xi.</i>	70
<i>Quarta, Ioanni.</i>	84
<i>Ad series Domini natalitius praeambula & nota.</i>	98 & 103
<i>In feriis Christi natalitius, Luc. ij.</i>	120
<i>Dominica infra Octavas Dominica natiuitatis, Luc. ij.</i>	133
<i>FESTVM Circumcisionis Domini, Luc. ij.</i>	147
<i>FESTVM Epiphaniae seu Dominica apparitionis, Matth. ij.</i>	159
<i>cum eiusdem Octaua ac Notis.</i>	169
<i>Dominica infra Octavas Epiphaniae, Luc. ij.</i>	194
<i>Dominica II. post Epiphaniam, Ioann. ij.</i>	207
<i>Dominica III. Matth. viij.</i>	219
<i>Dominica IV. Matth. viij.</i>	pag. 232
<i>Dominica V. Matth. xij.</i>	244
<i>Dominica VI. Matth. xij.</i>	259
<i>De Dominica vltima post Epiphaniam, Matth. xi.</i>	271
<i>Dominica Septuagesime, Matth. xx.</i>	272
<i>Dominica Sexagesima, Luc. viij.</i>	287
<i>Dominica Quingesima, Luc. xvij.</i>	pag. 301
<i>Feria quarta Cinerum seu in capite Ieiunij. Ioel. xi. & Matth. vi.</i>	pag. 313
<i>Dominica I. Quadragesima dicta Inuocauit, Matth. iv.</i>	327
<i>Dominica II. Quadragesima dicta Reminiscere, Matth. xv.</i>	342
<i>Dominica III. Quadrag. dicta Oculi, Luc. xi. pag.</i>	357
<i>Dominica IV. Quadrag. dicta Latere, Ioann. vi.</i>	371
<i>Dominica V. Quadrag. dicta Passionis & Iudica, Ioan. viij.</i>	385
<i>Dominica vltima Quadrag. siue Palmarum, Math. xxi.</i>	398
<i>In die cana Domini, Ioann. xij. pag.</i>	413
<i>Feria vi. Parasceues, Ioann. xvij. & xix. Vbi & Nota de precibus Christi Domini afflictionibus attextuntur.</i>	426
<i>De recto & Christiano vsu diei Parasceues.</i>	449
<i>De precibus cum sancto die Parasceues coniungendis.</i>	455
<i>Ad Paschale FESTVM introductio, cum Notis de Christi Domini resurrectione.</i>	pag. 457

DOMINICORVM.

<i>Dominica Resurrectionis siue FESTVM Paschatis</i> <i>Marc. xvi. cum suis Notis Octauae festi respondentibus.</i>	468
<i>Feria secunda Paschatis, Luc. xxiv.</i>	pag. 494
<i>Feria III. Paschat. Luc. xxiv.</i>	509
<i>Dominica I. post Pascha quae in Albis dicitur, Ioan. xx.</i>	522
<i>Dominica II. post Pascha, qua Misericordia nuncupatur, Ioan. x.</i> <i>pagina 540</i>	
<i>Dominica III. qua Iubilare dicitur, Ioann. xvi.</i>	533
<i>Dominica IV. qua Cantate dicitur, Ioann. xvi.</i>	569
<i>Dominica V. qua vocem iocunditatis appellatur, Ioan. xvi.</i>	584
<i>In FESTO Dominica Ascensionis, Marc. xvi. 598 cum 2 Notis</i> <i>adeiusdem FESTI Octauam pertinentibus.</i>	
<i>Dominica VI. post Pascha, seu infra Octauam Ascensionis Do-</i> <i>mini, Ioan. xv. & xvi.</i>	626
<i>Ad FESTVM diem Pentecostes praambula & Nota.</i>	641
<i>In die FESTO Spiritus sancti siue Pentecostes, Ioan. xiv.</i>	647
<i>cum festi eiusdem octauis per Notas explicatis.</i>	
<i>Feria secunda proximè post Pentecosten, Ioann. iij.</i>	682
<i>Feria III. post Pentecosten, Ioan. x.</i>	698
<i>DOMINICA sanctissima Trinitatis, Ioan. iij. pag.</i>	712
<i>FESTVS DIES CORPORIS CHRISTI, cum Notis Octa-</i> <i>nam eius illustrantibus, & venerandum Eucharistiae Sacra-</i> <i>mentum declarantibus, Ioann. vi.</i>	pag. 730
<i>Dominica prima post FESTVM TRINITATIS, Luc. xxi pa-</i> <i>gina 776</i>	
<i>Dominica II. post Trinitatis, Luc. xiv.</i>	795
<i>Dominica III. post Trinit. Luc. xv.</i>	810
<i>Dominica IV. post Trinit. Luc. vi.</i>	825
<i>Dominica V. Luc. v.</i>	841
<i>Dominica VI. Matth. v.</i>	857
<i>Dominica VII. Marc. viij.</i>	876
<i>Dominica VIII. Matth. vij.</i>	892
<i>Dominica IX. Luc. xvi.</i>	908
<i>Dominica X. post Trinit. Luc. xix.</i>	925
<i>Dominica XI. Luc. xviij.</i>	944

INDEX DIERV.

<i>Dominica XII. Marc. vij.</i>	960
<i>Dominica XIII. Luc. x.</i>	976
<i>Dominica XIV. Luc. xvij.</i>	993
<i>Dominica XV. Matth. xj.</i>	1009
<i>Dominica XVI. Luc. xij.</i>	1027
<i>Dominica XVII. Luc. xiv.</i>	1042
<i>Dominica XVIII. Matth. xxij.</i>	1058
<i>Dominica XIX. Matth. ix.</i>	1075
<i>Dominica XX. Matth. xxij.</i>	1090
<i>Dominica XXI. Ioan. iv.</i>	1107
<i>Dominica XXII. Matth. xvij.</i>	1122
<i>Dominica XXIII. Matth. xxij.</i>	1141
<i>Dominica XXIV. Matth. ix.</i>	1157
<i>Dominica XXV. Matth. xiv.</i>	1173
<i>De vltima Dominica. Ioan. vi.</i>	1194

FINIS *Lectionum Evangelicarum, quæ suis Notis in hoc Opere illustrantur.*

Accedit demùm INDEX locorum, qui in ipso contextu se passim offerunt.

~~~~~

## Ad Christianum Lectorem.



VANDO QUIDEM præsens opus nullis æquè ac verbi diuini concionatoribus destinatur atq; deseruit, haud abs re fuerit, nos de illorum officio veterique more, nonnulla hoc loco præfari. Est sanè munus hoc concionatorium minimè nouum, sed peructustum, vt etiam Noë, qui ab Adam inter priscos patres successione fuit decimus, iustitiæ præco ab Apostolo Petro dicatur. Nec isthuc est vulgare aut profanum, sed si vllum aliud sublime, sacrum, excellens, salutare, adeoq; necessarium

opus atque ministerium in Ecclesia. In quo munere sancti Prophetæ luxerunt, & sanctiores Apostoli, vnâ cum sanctissimo Messia nostro, qui vere λόγος, siue verbum existit, se perquàm gnauiter, & cum fructu totius orbis maximo exercitârunt. Ac sanè Christus è terris cœlum cōscensurus, & summum beneficium fidelibus suis relicturus, nouum hunc ordinem instituit, certoque ac inuiolabili mandato munuit, inquiens: Prædicate Euangelium omni creaturæ. Cuiusmodi prædicatores Euangelici, vt reliqua sileã, eximijs omninò priuilegijs cohonestantur, ex quibus præclari manârunt tituli, vt in sacris literis illi vocentur missi homines a Deo, legati Dei, ministri Christi, verbi Dei seminatores, dispensatores misteriorum Dei, Dominicæ vinee cultores, angeli Domini exercituum, prædicatores Euangelij pacis, Euāgelium regni annunciantes. De horum instituto, quod satis laudari nunquàm potest, vnicuique illorum diuinum intonat oraculum: Clama, nè cesses, quasi tuba exalta vocem tuam, & annūcia populo meo scelera eorum. Ecce dedi verba mea in ore tuo, vt euellas, & destruas, & disperdas, & dissipes, & ædifices, & plantes. Speculatorem dedi te domui Israël, & audies de ore meo verbum, & annunciaris eis ex me. Quid verò augustius illis promissionibus & commendationibus, quibus hunc cœtum maximorū testium suorum supre-



mus orbis doctor exornat. Ecce ego inquit, mitto vos sicut agnos in medio luporum. Sicut misit me pater, & ego mitto vos. Ego elegi vos, & posui vos, ut eatis & fructum afferatis. Vos estis sal terrae, vos lux mundi. Qui vos audit, me audit: qui vos spernit, me spernit. Qui recipit vos, me recipit. Hos ipsos ab omnibus non solum audiri, sed etiam ob cathedram in qua docet, praeter ceteris honorari, & in pretio haberi postulat, etiam si mores inculpatos non afferant, ut eorum non tam vita & sanctitas, quam officium & doctrina spectetur: Bone Deus quanta illorum est dignitas, quibus vnicus finis & scopus proponitur ut diuina maiestatis gloriam & pereuntium animarum salutem sua cura operaque procuraret. Quod quum faciunt, ut auctori suo, & Angelis eius cum primis grati sunt, ita & publicum Ecclesiae commodum maxime promouent, digni certe, quibus praeter omnes Prophetis illis verbis acclament: Quam speciosi pedes euangelizantium pacem, euangelizantium bona?

Et vetus quidem synagoga suos olim concionatores non parum honorabat, & ritibus quibusdam externis reddebat plerisque commendatiores. Precedebant enim quidam in hoc delecti, ut tuba clangerent, ac populum excitarerent, ne quis nesciret adesse tempus non feriandi modò, sed sacrum etiam publicumque conuentum instituendi, ob quem sese omnes ordines ad sacram aedem con-

ferre,



ferre, Deiq; summi verbū sacratissimum corā  
audire, suisq; mādare animis oporteret. Aliquis  
igitur Esdras, vtpote probatus Ecclesie minister  
& sacerdos legitimus, adhibebatur, qui locū in  
Cathedra Moyli sibi assignatū teneret, ac sacris  
derebus è sublimi loco differeret. Fidem certē  
merētur Iosephus & Philo, qui disertē scribunt,  
à Moysē propheta hunc manasse morem, vt con-  
ciones apud Iudæos sacris in locis, vbi frequens  
esset auditorium, & festis diebus, omnibusque  
sabbatis publicè haberentur. Quid quòd in Eu-  
angelio legimus, Christum dominū in templo  
& synagogis ita esse versatum, vt per sabbata po-  
pulum instituerit, sacrū præterea locum & tent-  
pus miraculis cohonestārit, ipsumq; sabbati diē  
benedictione Patris à principio sanctū (sic enim  
Tertullianus loquitur) benefactione sua effe-  
cit sanctiorem. Ac de Apostolis quidem constat,  
quod post acceptum Spiritum sanctum non so-  
lū in hoc ipso Iudæorum more, sed etiam in  
Christi magistri exemplo retinendo perse-  
runt, quemadmodum varijs in locis Euangelista  
Lucas exponit.

Nihil ergò mirū, nostros quoq; maiores hanc  
piam cōsuetudinē veluti per manus acceptā, ad  
nos porrò transmisisse, eāq; tot seculis vbiq; gen-  
tiū obtinuisse, vt cū indicta Ecclesie festa cele-  
brantur, suū etiam illustrem locum habeāt con-  
cionatores postquā ab Episcopis legitime sunt

ordinati


ordinati & ad docendū idonei iudicati, cum auctoritate publice prodeū, ac honeste vestiti, de fide ac pietate sic disserūt, vt modeste ac reuerēter sublimi ex loco ab omnib. ordinib. exaudiātur. Proximū est, & rationi sanè cōsentaneū, vt auditores diuino percepto semine, ad precandū Deū boni fructus omnis autorē se cōuertāt, suasq; illi preces & oblationes, sicut & Paulus monuit, p Magistratibus, alijsq; grauib. negotijs religio se cōmendent. Hoc quippe nō modò præsētis, sed etiā veteris & nascētis Ecclesiæ institutū est, quod insignes Theologi, qui Apostolicorū temporū fuere vicini, præsertim Iustinus ac Tertullianus, aperte confirmāt, & nos paulò post pluribus euincemus. Vbi de industria præterimus varias & graues corruptelas, quæ in hōc sanctū ministeriū paulatim irrepsērunt, & nunc quidē latissime patent, multisq; perniciē grauissimam creant. Aceō magis summū Deū precari parest, vt sacrā eiuscemodi functionē, cui Satā maximè inuidet, à foedis vitijs vindicare, grataśq; sibi & salutares nobis voces in deserto clamātis destinare dignetur. Cōmunis enim atq; vtinam falsa multorū querela est, fidos, idoneos & peritos cōcionatores passim desiderari, messē vbiq; gentiū inēultā desertāq; iacere, & ex multis paucos reperiri, quales Christus requirit, & isthęc ætas postulat operarios, hominumq; piscatores, qui Evangelico reti conuenienter vtantur, & Verbum virtute multa euangelizent. PRO-



PROLEGOMENA  
DVO IN OPVS ISTVD  
PRÆPARATORIA:

P R I V S

DE CONCINNA VNIVER-  
SI ANNI IN DIES FESTOS  
distributione.



**C**VM INPRIMIS AVTHORI BO-  
norum omnium Deo, eiusque diuinæ sa-  
pientiæ gratias agam, quòd inter alia be-  
neficia mortalibus præstita, iam inde ab  
orbe condito sol, luna, dies, nox, hebdo-  
mada, mensis, æstas, hyems, secundum na-  
turalem annui temporis reuolutionem & vicissitudinem,  
in pulchrè decurrant, & ad commodiorem humanæ vi-  
e vsum iucundam adferant vtilitatem, multumq; fru-  
tū huic inferiori orbi, sicut res ipsa quotidie docet, alter-  
tatione sua præbeant. *Omnia enim tempus habent, & suis  
actijs transeunt vniuersa*, postquam videlicet mundi con-  
tor Deus semel ita decreuit: *Fiant luminaria in firmamen-  
cæli, & diuidant diem ac noctem: & sint in signa & tempo-  
& dies, & annos*, In quem locum scribit \* Basilius Ma-  
us: Tempora, existimamus Scripturam dicere quatuor

Ecclef. 3.

Genes. 1.

\* Hem. 6.

in Hexa-  
mero.

vicissitudines temporis, hyemis in quā, veris, æstatis, ac autumnus: quorū periodus ordine miro ab ordinatissima proficiscitur luminarium motione. ] Ac rursus: Hæ temporum vicissitudines, ait, hæ varietates Solis motiones consecrantes, vitam nobis & quæ ad vitam sunt necessaria, disponunt ac administrant. ] Quæ decora temporis constitutio nihil mirum, si Prophetam regium in admirationē rapuerit, ac nunc pios etiam rapiat, vt cum illo ex animo canant: *Quam magnificata sunt opera tua Domine? omnia in sapientia fecisti. \* Ordinatione tua perseverat dies, quoniā omnia seruiunt tibi.* Vt enim præcedens dies, ita & succedēs nox authoris sui magnificentiam providentiamq; commendat, ac simul admonet, res mundi omnes omnibus seculorum ætatibus illi esse curæ, qui ad hominis vitam, incolumitatem, commodum ac temperamentū cuncta constanter ac providē moderatur. Quamobrē lætus & gratus ego illud modulabor: *Cæli exarrant gloriam Dei, & opera manuum eius annuntiat firmamentum. Dies dici eructat verbum, & nox nocti indicat scientiam.* Atq; hæc perpetua dierum ac noctium vicissitudo dici certē non potest, quanto operē non solum hominibus, sed feris etiam ac bestiis cōferat, quemadmodum idem Psalmographus, ad laudem conditoris luculenter exponit. Vnde Cassianus sacris literis consonans dixit: Diuina sapientiā per Ecclesiasten omni rei, id est, vniuersis siue prosperis, siue quæ aduersa putantur & tristia, tempus esse proprium designauit, dicens: Omnibus tempus est, & tempus omni rei sub cœlo.]

Psal. 103.

\* Psal. 118.

Psal. 18.


Psal. 103.

Cassian. lib.

21. collatio.

cap. 12.

Eccles. 3.



**E**XCITABIT me & illud ad nomen Dei altissimi celebrandum, quod res ipsa docet, huius optimi Patris in nos mortales beneficentiam ac sapientiam singularem existere, per quam tempus in Ecclesia fidelibus ex more dispensatur, atq; ad varium pietatis vsum

accommodatur. Vult enim certas & peculiare serias institui atque celebrari, in quibus eximia ipsius opera & infinita beneficia serio in animum reuocemus. *MEMENTO*, inquit, *ut diem Sabbati sanctifices. Sex diebus operaberis, & facies omnia opera tua. Septimo autem die, sabbatum Domini Vetus est: non facies omne opus in eo, tu, & filius tuus, & filia tua, seruus tuus & ancilla tua, iumentum tuum & advena, qui est intra portas tuas.* Est enim tam lenis & indulgens hic Legislator, ut licet hominem totum multis nominibus sibi deuinctum ac obstrictum teneat, qui sacro eius cultui perpetuò vacet, tamen sex dies ad operandum eidem homini largiatur, & vnum sibi referuet Sabbatum, ac in eo etiam non modò religionis negotium sedulò exerceri precipiat, sed sinat in super domesticam priuatamque quietem & commoditatem hominibus iumentisque constare. Unde quod Propheta regius toties repetit, hinc ego iure dixerim: *Confitemini Domino, quoniam bonus, quoniam in seculum misericordia eius.* Sumus enim populus in nomen, laudem & gloriam Dei, ut Hieremias loquitur, agglutinat. Ego verò etsi Deum, utpote magnum & laudabilem nimis, pro dignitate colere & venerari nequeam: tamen in hoc totus versabor, ut modicam saltem partem temporis, quod statutis ferijs circumscribitur, ad honorè & cultum diuinum studiosè conuertam, debitæque gratitudinis & obedientiæ specimen tunc praebeam & ostendam. Debet enim apud me valere diuinum oraculum; *Sabbata mea custodite, & sanctuarium meum metuite: ego Dominus.* Ac iterum: *Custodiant filij Israël Sabbatum, & celebrent illud in generationibus suis.*

Exod. 20.

Psal. 107.

117.

Hierem. 13.

Psal. 47.

Leuit. 19.

\* Exod. 31.

## III.

**N**ihil mihi commune sit cum Iudaico Sabbato, & cum festis & caeremonijs Mosaicæ legis iam pridem per Christum abrogatis, qui a legis est finis, ac b Sabbati Dominus, nosque in Christianam asseruit c liber-

a Rom. 10.

b Matt. 12.

c Ioan. 8.

d Heb. 12.  
e Ioan. 1.

Galat. 4.  
Thren. 1.

Ioan. 10.  
Iudith 16.  
Hester. 16.

tatem. Gloriabor igitur in *d* auctore & consummatore fidei nostræ, de quo verissimè *e* Ioannes affirmat: *Lex per Moysen data est: gratia & veritas per Iesum Christum facta est.* De illo testatur & Paulus, quod sub lege sit factus, ut eos qui sub lege erant redimeret, ut adoptionem filiorum reciperemus. Etsi verò Iudaicum Sabbatum, quod Ethnici immeritò deriserunt, unà cum suis ceremonijs morte Christi antiquatum sit, manet tamen, & ad finem mundi usque manebit Christianum Sabbatum, mihi & fidelibus omnibus legitimè celebrandum. Etenim lex naturæ inuiolabilis exigit, certum aliquod tempus sacris usibus deputari, ut populus à negotijs corporisque laboribus seriat, Deum piè colat atque veneretur, illique pro acceptis beneficijs gratias agat peculiares. Gaudebo igitur tam decenter quàm vtiliter prospectum esse Ecclesiæ, in qua non sine summi numinis dispensatione distributio temporis facta est, dum aliam anni partē sibi vindicat Aduentus, aliam Natiuitas, aliam Passio, Resurrectio & Ascensio Christi Domini occupat. Certos enim dies habemus, qui ob redemptionis nostræ mysteria religioni sunt cōsecrati, magnumque pondus adferunt, ut ingentium beneficiorum à Christo perceptorum memoria fidelibus omnibus quotannis renouetur atque confirmetur. Ac veteris quidem synagogæ proceribus obtemperandum erat, mandantibus non solum solemnes & in verbo Dei præscriptas ferias obseruari, sed plures etiam festos dies, vti de tēpli dedicatione (Ioannes Encenia vocat) & de Iudith Hesterq; victoria quotannis celebrari.

Cur ergo dubitem, tantundem, immò & plus auctoritatis penes Ecclesiam Christianā, eiusq; præpositos existere, ut sicut alia quæ ad Dei cultum & religionis augmentum spectant, ita dies etiam festos constituere, atque à fidelibus colendos exigere possint? Cuiusmodi instituta mihi tanto libentius amplectenda, & firmitus retinenda sunt, quantò certiùs constat Apostolos, & Apostolicos viros esse,

qui




qui iam olim per Spiritum sanctum instructi, præclaras id genus institutiones ac traditiones induxerunt, cultumque diuinum peculiaribus feriis exornârunt, ac omnium ferè gentium populis commendârunt. Quare res multiplicem attulit vtilitatem, nimirum vt Dei verbum crebrius prædicaretur & audiretur, maior cunctorum ordinum in externo cultu esset consensus & exercitatio, sed & accuratior duraret observatio illius Apostolici Canonis: *OMNIA honestè & secundum ordinem fiant in vobis.*

I. Cor. 14.

Cur igitur ego tam sim vnquam insulsus, vt à venerandæ antiquitatis discedam vestigijs? maximè cum Augustinus me doceat: illa quæ non scripta sed tradita custodimus, quæ quidem toto orbe terrarum observantur, dantur intelligi vel ab ipsis Apostolis, vel à plenarijs Concilijs, quorum est in Ecclesia saluberrima authoritas, commendata atque statuta retineri. Sicut inquit, quod Domini Passio & Resurrectio, & Ascensio in cœlum, & aduentus de cœlo Spiritus sancti anniuersaria solēnitare celebrantur.]

Epist. 118. ad  
Ianuarium.

## IV.

 V I hodie nouandæ religioni student, nouas Ecclesiarum suarum formulas & ordinationes figunt ac refigunt, cum sint non solum in multis dogmatis, sed hic etiam Proteo mutabiliores semperque ad destruendum quàm ad ædificandum vehementiores. Horum ego vicem valde dolebo, quod non bono Spiritu ducti, tantum sanctissimis Ecclesiæ Patribus derogent, quantum sibi vanè arrogant atque sumunt in causa religionis. Vnde dies Christo Domino, eiusque sacrosanctæ Matri & venerandis Apostolis, alijsque Sanctis exinijs iam pridem dicatos superbè contemnunt, quin etiam vbi possunt pro libidine sua impiè abrogant, & è medio tollunt. Tantum enim illis est studium, vt è sacro non sacrum faciant, perinde ac si cum antiquis Epicureis & Atheis dicere viderentur: *Quiescere faciamus omnes dies festos à terra.* Ac de Cal-

Psal. 74.

Genes. 26.

Vide Euseb  
lib. 1. de vita  
Constantini.

uinianis quidem hodiè grassantibus constat, natalitium Christi diem adeò illis ingrati & aduersum esse, vt festum hoc celeberrimum iuxta & antiquissimum multis in locis abolendum, & proposita lege, ne quisquam ferietur, prohibendum enixè procurent. Tum in eo conspirant huius æui sectarij, quod ignorent, aut nauseabundi respuant Aduentum, Septuagesimam, Quinquagesimam, Quadragesimam, quodq; similes serias quotannis recurrentes, & magno in pretio à maioribus nostris habitas, vtiliterque seruandas omninò auersentur ac insectentur. Ego verò à firmis Ecclesiæ columnis probatisque Patribus me diuelli nunquam sinam, vt cum illis insaniam, qui non minus Græcæ quàm Latinæ Ecclesiæ morem, totque seculis receptum vbiq; ferè gentium ordinem seditiosè perturbant, ac violent pestilenter. Qui festorum demolitores, immò & diuini cultus profanatores, pulchrè scilicet Philistæos Dei simul & Patriarcharum aduersarios imitantur, quales inuidia simul & malitia pessimis cōsultoribus incitati, puteos à fidelibus magni patris Abrahæ seruis effossos, meris ruderibus terraq; aggeribus opplere non formidabant. Militant isti certè in castris Licinij, qui Tyrannicè olim imperans, foedū egit apostatam, & nefarias leges publicè proposuit, vetans inter alia, ne viri cum mulieribus precationis causā in Catholicis Ecclesijs conuenirent, nevé Presbyteri vel Episcopi mulierum aures sacris præceptis imbuerent: satis enim illi, què admodum & nostris Anabaptistis, fore visum est, si populus in campis suburbanis suos conuentus haberet. Cuius Licinij impiam audaciam, & audacem impietatem fregit, qui tunc Imperator erat religiosissimus, & ad sacra promouenda intentissimus Constantinus. Dolebo igitur, apertos Ecclesiæ hostes hoc sacrilego seculo impunè progredi, vt non solùm Festis abrogandis, sed profanandis etiā templis, omniq; religione spoliadis locis sacris barbaricā præbeant operam, & sancta ferè cum prophanis misceāt omnia. Reuixerunt enim velut cineres Eustachianorum, quos iam-

pridem




pridem Synodus Gangrensis damnauerat, vt meritò in  
pijs communis exciterur luctus, & cum Hieremia ploran-  
tes dicamus: *Via Sion lugent, eò quod non sint qui veniant ad  
solennitatem.* Quod si ego pastorum principem Christum  
in suis Legatis Ecclesiæque rectoribus loquentem hîc non  
audio, quid nisi Satanæ diuino cultui semper inuidenti &  
aduersanti obsequor, Christumque ipsum cõtemno, cùm  
in Cathedra sedentes non audio? dignus profectò, qui cum  
Ecclesiam non audiam, pro Ethnico ac publicano habear,  
atque damner. Nota est enim Domini sententia: *Si non  
audierit (frater) eos, dic Ecclesiæ: Si autem Ecclesiam non au-  
dierit, sit tibi sicut ethnicus & publicanus.*

Canon.5.

Thren.1.

Matth.18.



V.

**D**EPLORABO & Catholicos re bona perperam v-  
tentes, quandoquidem ex veteri more quidem,  
sed sine Spiritu & fructu festos dies transigunt, &  
quamuis corpore, non tamen animo rebus diuinis solen-  
nibusq, sacris præsentibus interfunt. Etenim grauissimi præ-  
cepti, *Memento vt diem Sabbati sanctifices*, obliuiscuntur,  
nec secum expendunt, quàm seuerè Deus festorum viola-  
tores iam olim castigârit, & quantum intersit Ecclesiæ, vt  
fidelium religio & pietas tam sacro loco & tempore splen-  
deat. Quis verò pius non meritò lugeat, veterem disci-  
plinam cum Sabbati sanctificatione coniunctam tantope-  
re concidisse, vt Christiani Iudæis quantumuis impuris &  
perfidis, hac in parte sceleratiores facti esse videantur? Mi-  
nus enim honoris ac studij festis diebus tribuunt, quando  
fenestram omnem vulgo ad licetiam nequitiãq; patêre,  
ac ordines omnes petulanter peccare solene est. Quid? hoc-  
cine Sabbatũ sit sanctificare? ac non potius polluere? Nun-  
quam enim ferè magis, quàm in celebratione festorũ, ho-  
nestatis ac pietatis sepes & limites omnes transiliuntur: nun-  
quam studiosius insanæ cupiditati, ventriq; ac lasciuiæ la-  
xantur habenæ, vt non fructus quidem Spiritus appareant,

Exod.20.

Num.15.

Ezech.20.

Hierem.17.

Galat. 5.

sed carnis opera, sicut Apostolus vocat, bonam sacri temporis partem fœdè occupent, communisq; populus licentia diffuere videatur. Meritò igitur, cum ob alia crimina, tum ob violationem Sabbati Deum nobis iratum habemus, qui certè non minus Christianum quàm Iudaicum

Ezech. 20.

populum Prophetica illa voce corripit: *Sabbata mea violauerunt vehementer: dixi ergo vt effunderem furorem meum super eos, & consumerem eos.* Ac iterum: *Iniqui sunt cœtus vestri, calendæ vestras & solennitates vestras odiuit anima mea factæ sunt mihi molestæ, laboravi sustinens.* Rursum: *Conueriam festiuitates vestras in luctum, & omnia cantica vestra in plangitum.* Cæterum ad pios & sedulos festorum obseruatores, quorum non ad eò ingens est numerus, dulcis illa

Esaï. 1.

spectat consolatio, & Euangelica vere promissio: *Hac dicit Dominus Ennuchis, qui custodierunt Sabbata mea, & elegerunt quæ ego volui, & tenuerunt fœdus meum: Dabo eis in domo mea, & in muris meis locum, & nomen melius à filiis & filiabus; nomen sempiternum dabo eis, quod non peribit.*

Amos 4.

Esaï. 56.

## VI.

Esaï. 55.

Apoc. 2. &amp; 3.

In Epist. ad

Philipp.

**C**ONFIRMABO animum ac voluntatem in diuino præcepto ac Ecclesiastico instituto, quod ab autore Spiritu sancto vtrique profectum accepimus, ac firmiter complecti debemus. Igitur ad sacras ferias & sedulò, & reuerenter celebrandas illud etiam Propheticum mihi sumam: *Venite ad me, audite, & viuet anima vestra, & feriam vobiscum pactum sempiternum.* Ac velut Apostolicam illam tubam audiam: *Qui habet aurem audiatur, quid Spiritus dicat Ecclesiis:* me totum ad obedientiam hinc præstandam accingam. Ecclesiæ autem eadem quæ Diui Ignatii vox est: *Dies festos nolite inhonorare.* Quare tunc seponam curas alias, & externas, quoad eius fieri poterit, occupationes excutiam, ne me ipsum impediam, vt fieri solet, in diuinis illis mysterijs, operibus ac beneficijs, maxime ad Christum Dominum spectantibus, ritè ponderandis.

Vbi singularem rationem habebō, vt tam venerandæ sanctæque Matris sensum & affectum induam, eiūque me pro virili conformem. Illa modò gaudet, modò luget, aliquādo mala deprecatur, vel de acceptis beneficijs latè gratias agit, nimirum in varios sese transformans affectus, quales etiam in sanctis a Apostolis, immò in b Christo capite nostro luxisse, ac frequentes extitisse, scriptura diuina testatur. Ad hunc modum, quando Ecclesiæ ordo & institutum requirer, alium atque alium pium affectum à Deo petam, & studio quodam adiuncto præ me feram, vt iam ad pium gaudium, iam ad salutarem luctum, interdum ad singularem gratiarum actionem, vel ad communem orationem, aut etiam deprecationem peculiari modo exercitatus atq; comparatus accedam. Nullum enim alimenti genus tam opiparum ac pretiosum esse potest, quod nō varietate ipsa delectet, quodque si semper æquale sit, tedium non generet manducanti.

## VII.

**I**N his quæ ad cultum Dei statasque ceremonias pertinent, non sat habeo Ecclesiæ Catholicæ obedire, cū scriptum sit: *Nec dimittas legem matris tue*, verum etiam exemplo & verbo alios, si possim, impellam, vt iuxta eiusdem Ecclesiæ mentem ac disciplinam sese componant, summum gratissimumque cultum, qui latría dicitur, diuinæ Maiestati sincere persolaturi. Non enim solum docemur: *Seruite Domino in timore & tremore*: sed & illud ab eodem Propheta mandatur credentibus: *Afferre Domino filij Dei, afferre Domino filios arietum: afferre Domino gloriam & honorem, afferre Domino gloriam nomini eius: adorete Dominum in atrio sancto eius*. Monet verò Basiliius, magno Domino gloriam & honorem afferri, quum opera nostra splendore probitatis hominum oculis irradiant, nosque ad Dei cultum alios prouocamus, atque adducimus, vt ita per filios Pater glorificetur. Scribit insuper

a 1. Tim. 3.

2. Tim. 2.

Philipp. 3.

&amp; 4.

b Heb. 12.

Psal. 21. &amp; 68

Prou. 1. &amp; 6.

Psal. 2.

Psal. 28.

Homel. in

Psal. 28.

Oratione

43.

Dan. 3.

In cap. 3.

Danielis.

Gregorius Theologus, quod omnia Deum laudent, cumque inenarrabilibus ac mutis etiam vocibus glorificare videantur. Hinc extat sacer hymnus à tribus pueris in medijs flammis decantatus, & in Concilio quarto Toletano approbatus, in quo res multæ ratione, voce sensuque carentes, immò & creaturæ omnes ad summum Deum laudandum prouocantur. Omnis enim creaturæ, inquit Hieronymus, non voce, sed opere laudat Dominum, quia ex creaturis consequenter creator intelligitur, & in singulis operibus, ac effectibus Dei magnificentia demonstratur.

Atque in hoc quidem totus ero, ut sacra lectio, quam die festo commendat nobis Ecclesia, sedulo à me percipiat, ac deinde in meditationem conuertatur. Nam & humano corpori nō confert cibus quamlibet pretiosus & exquisitè paratus, nisi in stomachum traiciatur, ac probè digestus, ad varia sese membra transfundat, eaq; corroboret. Atqui sacra lectio (animæ pabulum longè saluberrimum) opimi lectissimi que cibi gerit similitudinem, ac veluti condimento eget sedulæ meditationis, ut quod lectione quaeritur, meditatione ipsa comparetur, si tamè precatio accesserit, quæ mentē Deo deuotam, & spiritualem cibum quasi sapidum reddit, eamque cœlestem impetrat gratiam, quæ tum ad amouenda mala, tum ad consequenda bona desideratur. Fœlices porro illi, qui cum precatōe coniungunt nunquam satis laudatam cōtemplationem, per quam animus igne diuini amoris incensus, velut extra se rapitur, & cum summo bono sese mirabiliter vnit, sæpè & cœlestis vitæ gustum & arrhabonem inexplicabilem obrinet, cum sit Manna illud absconditum, quod nemo scit, nisi qui accipit. Dabo igitur operam, ut hic deuotionis ignis, quem Christus venit in terras mittere, ut arderet, si vnquam aliàs, tum maximè festis diebus in mea meditatione exardescat, & animæ meæ fundum cœlesti luce atque calore compleat. Ita enim mihi quoque cum Propheta dicere licebit: *Renuit consolari anima mea: memor fui Dei & delectatus sum, & ex-*

Apoc. 3.

Luc. 12.

Psal. 76.

*ercitatus*

*exercitatus sum, & defecit spiritus meus. Ac rursus: Concaluit cor meum intra me: & in meditatione mea exardescet ignis. Et iterum: Cor meum & caro mea exultauerunt in Deum uiuum.*

Psal. 8. 3.

Psal. 83.

VIII.

**R**ECABOR à Deo gratiam singularem, vt omnis temporis in hac vita mihi concessi, & porrò concedendi curam ingentem habeam, ac meam quidem memoriam, intelligentiam ac voluntatem, si ad tempus vllum, certè ad statas Ecclesiæ ferias velut diuinam ordinationem, applicem diligenter. Tunc enim Deum ipsum mihi proponam, velut suis hoc seriò demandantem: *Vacate & videte quoniam ego sum Deus: exaltabor in gentibus, & exaltabor in terra.* Ego verò velut ad rem negotij maximi conficiendam euocatus, tunc ex animo dicam: *Lauabo in ser innocentes manus meas, & circumdabo altare tuum Domine, vt audiam vocem laudis tue, & enarrem vniuersa mirabilia tua: In conspectu Angelorum psallam tibi: adorabo ad templum sanctum tuum, & confitebor nomini tuo super misericordiam tuam & veritatem tuam.* Neque solùm tunc lotus, sed & nuptiali veste velut ornatus (vniuersa enim delicta operit charitas) prodire contendam magis vt placeam supremo regi, ad cœleste me conuiuium inuitanti atque expectanti, ne alioquin mihi quoque dicatur: *Amice, quomodo huc intrasti, non habens vestem nuptialem?*

Psal. 15.

Psal. 173.

Prou. 10.

Matt. 22.

Orabo etiam me participem effici bonorum spiritualiũ, in quibus veteres Catholici circa huiusmodi ferias religiosè versati sunt, & verè pij adhuc passim cum sancta deuotione versantur, nimirum vt quod à me hac in parte negligitur, accuratiore aliorum studio & vigilantia in Domino suppleatur atq; compensetur. Non enim tam benefacta mea, quàm aliorum merita debeo æstimare, ac reliquos fideles mihi antepone, velut cui locus in Dei regno infim⁹ debeatur. Ad verum Salomonem Christum cum Saba re-

Luc. 14.



3. Reg. 10.

Psal. 118.

Psal. 118. &  
ibidem Ba-  
silii.

Psal. 115.

gina proloquar, *Beati viri tui, & beati serui tui, qui stant coram te semper, & audiunt sapientiam tuam.* Ac rursus Prophetam regium sequens, vt me augusta illa & felici communione sanctorum consolet, magna cum fiducia dicam: *Particeps ego sum omnium timentium te, & custodientium mandata tua.* Inprimis verò partem aliquam optabo mihi ex piorum benefactis contingere, qui vera fide, spe & charitate nitentes, & sacra Christiana toto orbe peragentes. æternum Deum legitime colunt, inuocant & adorant. Nec enim temerè testatur Spiritus sanctus: *Adorate Dominum in aula sancta eius,* eo ipso designans, prout locum Basilii Magnus interpretatur, Deo gratū & homini salutarem nō esse cultum adorationis, si extra Ecclesiam, quæ sancta Dei aula est, vel à Iudæis, vel ab hæreticis perficiatur. Vnde Psalmographus alibi quoque monet, *Vota mea reddam in conspectu omnis populi eius,* nimirum vt ostendat, sacrificia, vota & preces non nisi in medio Ecclesiæ offerri oportere, eodem Basilio teste.

PROLEGOMENON  
POSTERIVS:

DE DOMINICIS ET ALIIS  
DIEBUS FESTIS CVM CHRISTIA-  
no fructu celebrandis.

I.



NSIGNEM summi Dei bonitatem gratus amplectar, cui visum est per sanctos Apostolos in Ecclesia constituere, vt Iudaicum Sabbatum è medio tolleretur, ei que dies Dominicus subro-

garetur,

garetur, atque ita septimus hebdomadæ dies in octauum commutaretur. Ac Dominicus quidem ille dictus est, quòd in eo Christus à mortuis resurgens, verè se Deum & Dominum, vt nunquam antea, declararit, & eundem præclaris beneficijs mirè illustrarit. Confirmat & Augustinus Dominicum diem esse, quem Apostoli religiosa solennitate habendum sanxerint: quin facit expressam eius mentionem Ioannes Apostolus, cùm scribit se illo die fuisse in Spiritu: ornant illum Scriptores vetustissimi, inter quos *a* Ignatium & *b* Iustinum Martyres numero, illumq; eminentissimum & regalem appellant. De illo *c* Maximus hoc scriptum reliquit: Dominica idè nobis venerabilis est, atq; solennis, quia in ea Saluator, velut Sol oriens, discussis infernorum tenebris, luce resurrectionis emicuit: at propterea ipsa dies ab hominibus sæculi dies Solis vocatur, quod ortus eam sol iustitiæ Christus illuminet.] Hieronymus in hunc modum scribit: Quomodo Maria virgo mater Domini inter omnes mulieres principatum tenet; ita inter ceteros dies hæc omnium dierum mater est. Hæc est dies quæ appellatur octaua: vnde & quibusdam Psalmorum titulis superscribitur pro octaua. Hæc est, in qua synagoga finitur, & Ecclesia nascitur.] Quid igitur à Christiano pectore magis fuerit alienum; quam hunc clarissimum semperque probatissimum in Ecclesia diem vel ignorare, vel prætermittere, cultuque peculiari non prosequi, quem Christus tanti fecit, & Apostoli Apostolicique viri, immò & orthodoxi omnes tot sæculis, tantoque consensu vbique gentium cohonestarunt? Extat apud Clementem Romanum Iudaici Sabbati & Dominici diei collatio in hunc modum descripta: Sabbatum est requies à fabricatione mundi, perfectio vniuersi, legum inquisitio, laus grati animi pro beneficijs in homines collatis Deo adhibita. Dominicus verò dies, his omnibus est præstantior, vt qui representet ipsum Mediatorem, prouidentem legislatorem, authorem resurrectionis, primogenitum omnis creaturæ, Deum ver-

bum,

Serm. 251.

Apoc. 1.

*a* Ad Magnesianos.

*b* Quest. 115.

ad Orthodoxos.

*c* Serm. in die Pentecost.

Serm. in die Resurrectionis.

Lib. 7. Apostolicarum institut.

cap. 37.

In dictum  
illud: Om-  
nia mihi  
tradita.

bum, eundemque hominem ex Maria natum solum sine coniunctione viri, sanctè in vita versatum, cruci affixum, sub Pontio Pilato & mortuum, atque à mortuis suscitatum.] Nec minus luculenter dixit Athanasius: Sicut Deus prioribus temporibus Sabbati diem seruari voluit in monumentum finis priorum: ita Dominicum diem veneramus, vt monumentum exordij secundæ reparationis, quando nempe Dominus resurrexit, & veterem hominem renouauit & restaurauit.]

## II.

Basil. Hom  
2. in He-  
xamero.

Matth. 28.  
\* Apoc. 1.

**N**VLVS dies Dominicus mihi præterlabetur, quo Christiani Sabbati sanctificandi rationem à meipso peculiarem non exigam, plus vt temporis ac operæ ponam in cultu Dei tum interiore tum exteriori præstando. Ac præcipuè quidem curabitur, vt in mentē reuocem triplex opus seu beneficium, quo beatissima trinitas hominem totum sibi suæque gratiæ prorsus hoc die deuinxit, opus nimirum, sicut in scholis dici solet, creationis, redemptionis atque sanctificationis. Etenim Dominicus dies erat, quo Pater æternus cælum & terram ex nihilo condidit, vt mundo initium daret, eumque diem Basilius primum & primitias dierum luciæque coætaneum diem appellat. Erat hic quoque dies, quo Christus de virgine in Berhlehem natus, in lucem prodijt, & iuxta Moyse legē circumcissus, magnoque cum applausu populi Rex Israël in Regia vrbe publicè salutat, & quod longè præstantius est, victor etiam à morte resuscitatus fuit, immò & seipsum vitæ ac mortis principem nõ sine summo miraculo declarauit, iure vt suo hoc sibi soli sumat: *Data est mihi omnis potestas in cælo & in terra.* \* *Ego sum primus & nouissimus, & viuus, & fui mortuus, & ecce sum viuens in sæcula seculorum, & habeo, clanes mortis & inferni.* Hoc ipso die Spiritus ille sanctus, qui fons est omnis gratiæ & sanctitatis, congregatos vnà Christi discipulos donis admirandis copiosè compleuit, simulque to-

tam



tam Christianam Ecclesiam in æternum sibi sanctificandam, regendam, tuendamque suscepit, vt in illa vsque maneat doctor atque rector. Quapropter cum Leone magno ad summam summi Dei gloriam profitebor: Tantis est hæc dies diuinarum dispensationum mysterijs consecrata, vt quicquid à Domino est insignius institutum, in huius diei dignitate sit gestum. In hac mundus; sumpsit exordium, in hac per Christi resurrectionem & mors interitum, & vita sumpsit initium. In hac Apostoli à Domino prædicandi omnibus gentibus Euangelij tubam sumunt, & inferendum vniuerso mundo, sacramentum regenerationis accipiunt. In hac sicut Ioannes Euangelista testatur, cum congregatis in vnum discipulis, clausis ianuis ad eos Dominus introisset, insufflauit & dixit: Accipite Spiritum sanctum. In hac denique promissus à Domino Spiritus sanctus aduenit. Ita cœlesti quadam regula insinuatū & traditum nouerimus, in illa die celebranda nobis esse mysteria sacerdotalia, in qua collecta sunt omnia dona gratiarum.] Cum his non malè congruunt quæ apud Chrysostomū legimus, vbi præcipua Dei dona quibus per Christi resurrectionem potiti sumus, ad diem Dominicum refert, sicut hæc ipsa illius verba demonstrant: Eo die destructus est infernus, extinctum maledictum, disparuit peccatum, cōfractæ inferorum portæ, captiuus factus est Diabolus, diuturnum bellum diremptum, conciliati Deo homines, nostrumque genus ad pristinam, immò ad maiorem redijt dignitatem: viditq; Sol inopinatum & admirabile illud spectaculum, quod homo factus est immortalis. Cogita igitur homo, inquit, quanta & qualia bona accepisti hoc die, quantis malis es liberatus. Perditi eramus & reuiximus, inimici eramus & reconciliati sumus.] Monet insuper idem Chrysostomus Dominicum diem spirituali honore nobis esse colendum ac vènerandum, vt qui totius humanæ naturæ natalitius possit appellari.

In epist. 21

Ioh. 20.

Serm. i. de  
eleemosy-  
na & colle-  
ctione.

### III.

Psal. 49.

Psal. 18.

Malach. 1.

Iob 38.

Esaiz 6.

Psal. 117.

**H**Æc aliæque multa & illustria Dei beneficia, quæ Dominicum diem cunctis mortalibus apprimè commendant, me potenter incitabunt, ut illum valdè charum & venerabilem habeam, eundem singulari laudatione & gratiarum actione prosequar, meque diuinis & adorandis illis tribus personis deuotum ostendam. Huc ego meipsum incitans dicam: *Immola Deo sacrificium laudis, & redde altissimo vota tua.* Vbi autem est fides & spes, charitasque tua? Vbi reuerentia & obedientia supremo Numini debita, non tuo tantùm ac mortalium, sed etiam clementorum, bestiarum & rerum omnium homini ceu principi subiectarum nomine? *Omnia enim, vt Psalmodographus canit, subiecisti sub pedibus eius, minuisi eum paulò minus ab Angelis, gloria & honore coronasti eum, & constituisti eum super opera manuum tuarum.* Ingens est profectò Dei beneficium in mundo creando, conseruando atque gubernando. Maius adhuc in mundo per Filium redimendo, instaurando & sanctificando. Maximum autem in humano genere, ut animo & corpore sit beatitudinis particeps, tandem absolueno. Cur igitur anima mea illum bonorum omnium fontem, saluatorem & consummatorem non colis? non amas? non celebras? ac intimè non complecteris? Quid est obsecro, quod munera illius præterita, præsentia & futura non te afficiunt & excitant magis? Quin saltem illum obiurgantem audi: *Si Pater ego sum, ubi est honor meus? & si Dominus ego sum, ubi est timor meus, dicit Dominus exercituum?* Cur ego mutus ac linguis perlisto, cum laudent illum astra matutina, ac tot miriades Angelorum non sine metu nocte ac die illi concinant, *Sanctus Sanctus Sanctus Dominus Deus exercituum. Plena est omnis terra gloria eius.* Proinde illius dei præstantia me non poterit non commouere, quæ Propheta in spiritu tantùm præuidens, sancta & voluptate perfusus, tam late cantauit: *Hæc dies*

quam

quam fecit Dominus, exultemus & latemur in ea. ò Domine saluum me fac. ò Domine bene prosperare. Et rectè scripsit Athanasius, Deum tunc Solis instar exoriri, & vniuscuiusq; animam illustrare. Sapit igitur Ecclesia, cum inter alia lætitiæ signa & cantica illam exultantis vocem Dominico die depromit: Benedicamus Patrē & Filium cum sancto Spiritu: laudemus & superexaltemus eum in secula. Et quoniam ego multis modis egeo diuina gratia & benedictione, hoc tam sacro die vnà cum Rege David procidam, adorabo & plorabo, simulq; à summa æternaque maiestate rogabo illud: *Benedicat nos Deus, Deus noster, benedicat nos Deus, & metuant eum omnes fines terra.*

In illud dictum. Omnia mihi tradita sunt.

Psal. 94.  
& 95.

## IV.

**Q**uo maiora & excellentiora extant munera, nec Angelorum, nec hominum linguis vnquam satis explicanda, quibus æterna bonitas nostram naturam hoc die cumulauit & extulit, eo vberiore animi voluptatem capere, ac iustiore lætitiâ hoc ipso die præ me ferre conabor. Siquidem apertè confitetur Ecclesia, in resurrectione Domini cælum & terram lætari, omnemq; Dominicum diem non nisi lætis canticis & iucundis ceremonijs transigit, ieiunio autem & luctui nullum locum relinquit. Hinc & Chrysostomus grauiter eos obiurgat, quibus olim libebat die Dominico ieiunia celebrare, ac illo etiam antiquior Tertullianus communi Orthodoxorū nomine palàm pronunciat: Die Dominico ieiunium nefas ducimus. ] Nam & Clemens Romanus inter Apostolicas institutiones illam reponit: Cunctis Dominicis diebus cōuentus Ecclesiasticos celebrantes lætitiâ fruimini: reus enim peccati erit, qui vllum diem Domini festum in mœstia egerit: lætari enim his diebus oportet, non autem lugere. ] Quocirca si vnquam aliàs, hoc die vel maximè dictum & Catholicis obseruandum esse ducam quod præcepit Apostolus: *Gaudete in Domino semper, iterum dico gaudete.*

Oratione in Iudeos. Libro de corona militis. Lib. 6. c. vlt.

Philip. 4.

Isai. 63.

Isai. 12.

Quod pium sanctumque gaudium Ecclesiæ cantica, quæ tunc resonare solent, mihi confirmabunt, sicut & Prophetica verba intimis animi mei sensibus complectēda renouabunt ac prouehent. Dicam enim & ego: *Miserationum Domini recordabor, laudem Domini super omnibus qua reddidit nobis Dominus, & super multitudinem bonorum domui Israël, quæ largitus est eis secundum indulgentiam suam, & secundum multitudinem miserationum suarum.* Sed & credētium omnium nomine, qui Christi beneficium amplectuntur, Isaias hoc lætissimè vaticinatur: *Dicetis de die illa, Confitemini Domino & inuocate nomen eius: notas facite in populis adinventiones eius: Mementote quoniam excelsum est nomen eius. Cantate Domino quoniam magnificè fecit, annunciate hoc in uniuersa terra.*

V.

Psal. 49.

Psal. 146.

Ecclesi. 15.

Psal. 49.



V M laus Dei sit præclarum, nec satis prædicatum vnquam sacrificium, quo sublimis rerum opifex maximè delectatur (*Sacrificium laudis*, inquit, *honorificabit me*: ) ego hoc ipsum tantò studiosius ac reuerentiùs, quantò sacratiùs hæc est dies, offerre curabo. Memineto igitur, hostiam laudis, quæ pura & decora sit, in primis exigi: quoniam speciosa laus nō est in ore peccatoris: quando Deus illi ipsi palam exprobat: *Quare tu enarras iustitias meas, & assumis testamentum meum per ostium.* Sic ergo sacrificium diuinæ laudationis instituam, vt illud quod cordis contriti sacrificium ab eodem Propheta dicitur, minimè prætermittam, sed ad me quoque pertinere putem illam sententiam: *Sacrificium Deo spiritus contribulatus: cor contritum & humiliatum non despicies.* Cuius quidem sacrificij virtus quanto operè conferat pœnitēti, rex *a* Achab, *b* Petrus Apostolus ac peccatrix *c* Magdalena non obscure declarant. Præterea illorum sequar exemplum, qui cū iusti essent, vt *a* Moyses, *b* Hieremias, *c* Baruch, *d* Daniel

*a* 1. Reg. 21.*b* Luc. 5.*c* Luc. 7.*a* Exod. 22.*b* Hier. 9.*c* Baruch. 1.*d* Dan. 9.

&amp; c. Eccl.

& *Eldras*, non modò sua, sed & aliena populiq̃ peccata confiteri ac deplorare neutiquam intermiserunt. Et à Daniele quidem ita dictum accepimus: *Non in iustificationibus nostris prosternimus preces ante faciem tuam, sed in miserationibus tuis multis.* Quare cùm idem Daniel sua simul & populi peccata lugens confiteretur, & pro tota Ecclesia preces ardentes offerret, non Angelicam modò, sed diuinam quoque consolationem abundè percepit. Dabo igitur & ipse operam, vt Dominico die partim solus, partim cum alijs Deum iratum precer, ac Propheticam illam sententiam accuratè perpendam: *Scrutemur vias nostras, & queramus, & reuertamur ad Dominum. Leuemus corda nostra cum manibus ad Dominum in celos. Nos iniquè egimus, & ad iracundiam pronocauimus: Idcirco tu inexorabilis es.* Vbi laudatam illam Publicani submissionem à meipso exigam, viasq̃ meas ita recogitare contendam, vt superioris hebdomadæ sordes qualescunq̃ contractas dolenter expendam, nouaq̃ contritione & melioris vitæ proposito diluam. Quod sanè rectius fiet, si ego impuritatis meæ conscius, ad misericordiæ fontem Christum lauandum recurram, & cum pœnitente Propheta ex animo dicam: *Asperges me Domine hyssopo, & mundabor: lauabis me, & super nixem dealbabor:* Sicut nempe leprosi perfectam à Christo purgationem sunt assequuti. Est enim hic fons patens domui Dauid & habitantibus in Hierusalem, in ablutionem propositus, quemadmodum loquitur Zacharias. Sed & aqua sacra & lustralis, qua Orthodoxi ex peruetusto sanctoque more tunc asperguntur, me commune faciet ablutionis & purgationis, quam in sacro Baptismo semel accepi, quæque post Baptismum tantò diligentius & crebrius mihi adhibenda est, quantò longius à prima illa purgatione discessi, quantoque maioribus vitiorum maculis vestem meam candidam & in Baptismo concreditam deturpauit. Igitur ad Dominicum quoque diem referam, quod præcepit Apostolus: *Mundemus nos ab omni*

Esd. 9.

Thren. 3.

Luc. 18.

Psal. 50.

Luc. 17.

Zach. 13.

2. Cor. 7.

Iacob. 4.

Serm. 5. de  
lapis.\* Lib. de  
pœnitētia.  
A&or. 19.

*inquinamēto carnis & spiritus, perficientes sanctificationem in timore Dei: quodque Iacobus dixit: Emundate manus peccatores, & purificate corda. Quare nec grauabor ex omni loge sin facere, sicut Cyprianus post \* Tertullianum appellat, ut certior fiam de remissis mihi à Deo peccatis per clauēs Ecclesiæ, utque illorum sequar exemplum, qui primū ab Apostolis instituti, veniebant confitentes & annunciantes actus suos, uti Lucas meminit Euangelista.*

## VI.

Lib. 12. com.  
ment. in ca.  
4. o. Ezech.In cap. 56.  
Isai.

Deut. 5.

**R** VRSVS Dominico die mihi studium precandi, & tempus meditandi augebo, de sacris libentiùs loquar, legam & audiam, non nunquam & sacras ædes inuisam. Nec enim à me alienum esse ducam, quod sæculo suo cum pijs multis fecit diuus Hieronymus, diebus Dominicis templa religiosè petens, quemadmodum hæc eius verba testantur: Dum essem Romæ puer, & liberalibus studijs eruderer, solebam cum exteris eiusdem ætatis & propositi, diebus Dominicis sepulchra Apostolorum & Martyrum circumire, crebreque cryptas ingredi.] Tum Isaiam explanans meminit, quod orationes in Basilicis Martyrum ex more celebrârit, licet idcirco Catholici à Vigilantianis deriderentur, quod sacras Diuorum reliquias publicè honorarent. Quicquid demum honorem cultumque summi Dei promouere & decorare poterit, id ad rectam Sabbati sanctificationem referre, atque ad meum officium pertinere mihi persuasum habebō. Quid enim est, quod religionis & gratitudinis ergo illi præstare non conueniat, qui tanta in mortales munera contulit, nosque totos Dominico die sibi vendicare, suoque cultui vacare vult maximè? Perinde ac si ille nunc quoque dicat: *Obserua diem Sabbati, ut sanctifices eum, sicut præcipit tibi Dominus Deus tuus.* Ac iterum: *Sabbata mea custodite, ego Dominus DEVS vestester.* Et

rursus:



rursus: *Sabbata mea custodite, & sanctuarium meum metuite. Ego Dominus.* Tum per Ezechielem: *Sabbata mea sanctificate, ut sint signum inter me & vos: & sciatur quia ego sum Dominus Deus vester.*

Leuti. 19.

Ezech. 20.

## VII.

**P**RÆTEREA meminero veteris & per sanctæ consuetudinis, quæ Dominico die charitatem Christianam declarat, & aliquam in fratres pauperes elemosinam expendi postulat, quoad eius fieri possit. Etenim hac de re Paulus Apostolus quoque monet, cùm scribit de collectis, quæ una siue prima, Dominica nempe die, in Sanctos conferebantur, quæadmodum Chrysostomus, Theophylactus & alij Paulinum locum interpretantur. Et satis indicat Tertullianus, propositam olim in publico fuisse arcam, in quam fideles sponte conferrent quasi deposita pietatis, ut de pueris, puellis, orphanis, senibus, naufragis victis & alijs egenis alendis bene mererentur. Eam verò beneficentiam tali tempori congruere Chrysostomus notat, nimirum ut in subsidium pauperum tunc erogeretur aliquid ac reponatur, cùm Christus adeò se liberalem & munificum orbi declaravit, maximaque in mortales beneficia contulit. Isetenim quùm ex inferis rediret, tot patrum millia, quos ex limbo tanquam carcere liberauerat, saluos secum ad superos adduxit, suæque resurrectionis gratia mirabiliter exhilaravit, ac præterea suos discipulos tunc sapiùs amanter inuisit. Eosdem postea, cum Pentecoste celebraretur, perquam liberaliter Spiritu sancto ita complevit, ut varijs linguis magnalia Dei publicè loquerentur, & ea præstarent, quæ Iudæi & Gentes satis non poterant admirari, quæque ad fundandam Ecclesiam maximè pertinebant. Huc demùm spectat solenne conuiuium & agape fratrum, siue fraterna dilectio, quemadmodum a Clemens, b Tertullianus, & c Cyprianus meminere. Quocirca si

1. Cor. 16.

In Apologetico &amp; lib. de orat.

Orat. 43. in epistola 1. ad Corint.

a lib. 2. Apostol. constit. cap. 28.

b lib. ad Martyr. &amp; in Apolog. c lib. 3. ad Quirinum.

vinquā alias, hoc die maximē tubam Apostolicam sonare, & meas penetrare aures ita putabo: *Esstote imitatores Dei, sicut filij charissimi: & ambulate in dilectione, sicut & Christus dilexit nos, & tradidit semetipsum pro nobis oblationem & hostiam, Deo in odorem suauitatis.* Atque vt Dominicus dies abundantiorē proximi charitatē à me impetret, non solum corporalibus, sed & spiritualibus misericordiā operibus præstandis insistam: potissimum vt omnes Ecclesiæ ordines, publicasque calamitates ardenti precatione summo Deo commendem, nec minus pro Ecclesiasticis & Politicis Magistratibus, sicut Apostolus præscripsit, peculiari- ter vota faciam, ac preces meas simulque communes Ecclesiæ offeram. Hunc precandi morem, qui satis extolli ac promoueri nequit, etiam cum primis Christi cultoribus tenuit Tertullianus, & Clemens \* Romanus ex Apostolica traditione confirmat.

1. Tim. 2.

In Apolo-  
get \* lib. 8.  
constit. A-  
post. cap. 10.  
11. & de in-  
ceps.

## VIII.

**N**OTABO è sacris Concilijs ea pietatis officia, quæ Dominico die fidelibus exercenda mandantur, vt illa ipsa velut à Spiritu sancto tradita & commendata, sedulo exequar. In Matisconensi Consilio secundo definitum hoc præclarè pronuntiatur: Custodite diem Dominicam, quæ nos denuò peperit, & à peccatis omnibus liberauit. Nullus vestrum litium somnibus vacet: nullus causarum actiones exerceat: nemo sibi talem necessitatem exhibeat, quæ iugum ceruicibus iumentorum imponere cogat. Estote omnes hymnis & laudibus Dei animo corporeque intenti. Si quis vestrum proximā habet Ecclesiam, properet ad eandem, & ibi Dominico die semetipsum precibus & lachrymis afficiat. Sint oculi manusque vestrae toto illo die ad Deum expansæ. Ipse est enim dies requiectionis perpetuus, ipse nobis per septimæ diei ymbra in sinuatus noscitur in Lege & Prophetis. Iustum igitur est, vt hanc

Cap. 1.

diem

diem vnanimiter celebremus, per quam facti sumus, quod non fuimus. Fuimus enim antè serui peccati, sed per eam facti sumus filij iustitiæ. Exhibeamus Domino liberam seruitutem, cuius nos nouimus pietate de ergastulis liberatos erroris. Non quia hoc Dominus noster à nobis expetit, vt corporali abstinencia diem Dominicum celebremus, sed quærat obedientiam, per quam nos, calcatis terrenis aëlibus, ad cœlum vsque misericorditer prouehat.] Tum synodus Triburiensis postulat, fideles omnes diebus Dominicis & Festis à strepitu forensi, secularibus negotijs, litibus & contentionibus supersedere, ne alioquin si secus fiat, iustus Deus illis irascatur, qui opus & cultum eius faciunt negligenter, quo tempore vigilijs & orationibus insistere, Missas audire, oblationes offerre, ac soli Deo vacare oportebat. Præterea in Concilio Agathensi & Aurelianensi sanctè decernitur, vt fidelium quisque Missam Dominico die integram audiat, solennibus sacris se non subtrahat, sed in oratione perseueret, neque ante sacerdotis benedictionem è templo egrediatur. Cui decreto non malè respondet Canon decimus Apostolorum. Sed & Concilium Moguntinū luculenter præcipit: Omnes dies Dominicos cum omni veneratione decreuimus obseruare, & à seruii opere abstinere.] Sicut autem Apostoli sacrificârunt, vt Lucas ostendit: ita modum sacrificandi commonstrat *a* Iacobus, *b* Dionysius, *c* Iustinus, vt alios Apostolicos viros prætermittam. Neque Latini modò, sed etiam Græci & Syri, aliæque vetustissimæ gentes Missæ sacrificium, siue Liturgiam in vsu perpetuo tenuerunt, multisque cæremonijs decorârunt. Et Apostoli quidem, sicut Clemens exponit, definiuerunt, vt fideles omnes conuenirent Dominico die ad agendum gratias Deo, & profitendum beneficia, quibus nos Deus per Christum affeci, atque ad complendum dictum illud Propheticum, nempe, *In omni loco sacrificatur & offertur nomini meo oblatio munda, quia magnum est nomen meum in gentibus, dicit Dominus exercituum.*

Canon. 35.

Canon. 47.  
\* Canon. 128

Canon. 36.  
& 37.  
Astor. 13.  
a In liturgia.  
b de Ecclesiast. Hierarchia.  
c In Apostolog. 2.  
Lib. 3. Apostolic. institut. cap. 31.  
Malach. 1.

bus tamen Dominicis diebus communicandum & suadeo  
& hortor, si tamen mens sine affectu peccandi sit.]

## XI.

**E** Superioribus demum colligam, & seriò mecum  
animo reputabo, cur Ecclesiastico cōuentui cūm  
aliās, tum Dominico die libenter debeam inter-  
esse. Christus quippe suos qui in ipsius nomine congregati  
sunt, efficaciter visitat atq; benedicit, qui & Sabbatum ve-  
tus, vt Athanasius meminit, in diem Dominicum transtu-  
lit. Libentius autem eo die Sacrum audiam, vt ineffabilis  
sacrificij, quod incruentè, sicut Cyrillus appellat, per sacer-  
dotein offertur, indignus ego particeps fiam. Est enim di-  
ui Cypriani ac totius Ecclesiæ communis & constans ist-  
hæc confessio: Ex quo à Domino dictum est: Hoc facite in  
meam commemorationē, hæc est caro mea, & hic est san-  
guis meus, quotiescunque his verbis & hac fide actum est,  
panis iste substantialis & calix benedictione solenni sacra-  
tus ad totius hominis vitam salutemq; proficit, simul me-  
dicamentum & holocaustum ad sanandas infirmitates &  
purgandas iniquitates existens.] Celebrant Græci tremen-  
da, vt sæpè vocant, mysteria, & planè confitentur, sanctos  
Angelos assistere altaribus, qui & ter adorandæ maiestati  
reuerentiam adhibeant maximam. Nec vllum reperias  
diem, quem Christi & Domini diem cum Paulo rectius ap-  
pellare possis, & in quo vltimum gloriosumque Christi Ad-  
uentum concinnius mediteris. Venit Christus ex morte  
resurgens, vt totus orbis meritò decantet: *Dominus regna-  
uit, decorem indutus est, indutus est Dominus fortitudinem, &  
præcinxit se.* Veniet idem Christus hoc ipso (vt putant) die,  
ad viuos & mortuos iudicandos, quando magnus erit dies  
Domini, & videbunt omnes Filium hominis venientem in  
nubibus cœli cum virtute multa & maiestate. Erit enim il-  
le cœlestis iudicij dies, quo Christus (omne\* enim iudiciū

Matth. 18.  
Homel. de  
semente.  
In epist. 10.  
ad Nestor.

Cyprian. in  
serm. de cor-  
na Domini.

Phil. 1. & 2.

Psal. 91.

Ioël 2.  
Soph. 1.  
Matth. 24.  
Luc. 21.

\* Ioan. 5.

Lib. 5. diuini institut.

dedit illi Pater) pro suis quęquę meritis aut honoret aut puniat, vt à Lactatio dictum est. Ergo nē diem hunc niueo, vt aiunt, lapillo notare, & singulari studio religionis, nec minus ardenti foelicitatis desiderio transigerem, mentem huc aduocans maximē, vt duos fidei articulos de resurrectione carnis, & æterna vitæ propositos, mecum diligenter expendam?

Isai. 66.

Luc. 3.

Isai. 58.

Heb. 4.

Isai. 40.

1. Theff. 4.

Lib. 7. de diuini offic.

cap. 13.

Apoc. 6.

O Sabbatum ex Sabbato, vt more Prophetico loquar, quando reuelabitur gloria Domini, & videbit omnis caro salutare Dei. O Sabbatum delicatum, quod populo Dei Sabbatismum perfectum adseret, quando electi omnes de morte corporis huius liberati, & sicut aquilę innouati, peninis assumtis recentibus, mutabunt fortitudinem, ac simul in nubibus obuiam Christo Regi rapientur in aëra, cum illo tam diu optata quiete perpetuò fruituri. Tunc enim electi omnes, vt Rupertus admonet, qui nunc post depositionē carnis vna & simplici solius animæ beatitudine perfruuntur, sicut in Apocalypsi legimus, quia datæ sunt illis singulæ stolæ albæ, duplici, id est, corporis & animæ foelicitate remunerabuntur, sicquę binas, perennis gloriæ stolas accipient. ] O Sabbatum sanctum, quum redempti à Domino, sedebunt in pulchritudine pacis, ac molestiæ omnis expertes, misericordias Domini, & melos Angelicum consonis vocibus in æternum dulcissimē concinent. Tunc fugiet dolor, luctus, clamor & mors: Sabbatumquę festiuum celebrabitur, in quo regis Augusti in throno sedentis magna vox latē personabit: *Ecce noua facio omnia. Qui vicerit, possidebit hæc, & ero illi Deus: & ille erit mihi filius. Quid verò tunc dilecta & electa illa cohors, nimirum nuptiali veste resurgens vndique, ac de subactis hostibus perfectum triumphum reportans? an non latissimē cuncti concinent.* Alleluia: *quoniam regnauit Dominus Deus noster omnipotens. Gaudeamus & exulemus, & demus gloriam eius: quia venerunt nuptia Agni, & uxor eius preparauit se? Quam foelix autem eadem vxor & sponsa, quæ in communi & am-*

Isai. 40.

Apoc. 21.

Ibidem.

Apoc. 18.

Isai. 61.

plo triumpho sibi gratulans dicet: *Gaudens gaudebo in Domino, & exultabit anima mea in Deo meo, quia induit me vestimentis salutis, & indumento iustitiæ circumdedit me, quasi sponsum decoratum corona, & quasi sponsam ornatam monilibus suis.* Proinde si vnquam aliàs, certè Dominico die, qui foelicissimum nec desitutum vnquam Pascha præstabit, meritiò leuabo caput in cœlum, & ob communem perfectamque redemptionem electorum, quæ certò certius appropinquat, fiducia plenus, cum viro sancto Iob dixerò: *Scio quod Redemptor meus viuit, & in nouissimo die de terra surrecturus sum: & rursus circumdabor pelle mea, & in carne mea videbo Deum saluatorem meum.* Hoc erit vtique maximum Sabbatum, non habens vespèram, Dominicus planè dies, velut octauus æternus, Christi resurrectione simul & manifestatione sacratus, neque solum spiritus, verum etiam corporis requiem quæ nunquam cessabit, Dei populo allaturus. Qua de re pluribus differentem, si vacet, consulam Augustinum. Quàm sunt interim & miseri, & miserandi, qui momentaneis huius vitæ bonis declinari, ad foelicem illum Sabbatissimum non adspirant, neque perueniunt, vt futura illa filiorum Dei gloria in ipsis quoque manifestetur? Hanc Paulus tantoperè desiderabat, vt ingemiscens diceret: *Ipsi intra nos gemimus, adoptionem filiorum Dei expectantes, redemptionem corporis nostri. Spe enim salui facti sumus.* Verùm hæc satis, & fortasse plus quàm satis, de Dominico die celebrando: nunc ad ipsum Aduentum Domini propius accedamus.

Luc. 21.

Iob. 19.

 Lib. 22. de  
 ciuitat. Dei  
 cap. vlt.


Rom. 7.







NOTÆ MEDITA-  
TIONVM QVÆ CVM  
ADVENTV DOMINI, VT VO-  
CAMVS, CONGRVNT.



**E**RIT mihi hoc tempus idcirco cordi magis, quòd sit totius anni sequentis veluti vestibulum & atrium, imago etiam veteris Synagogæ & priscorum Patrum sub lege degentium, atque ad Christi aduentum & gratiam tot seculis adspirantium venusta representatio. Nullum est anni tempus accommodatius ad sacrosanctum Dominicæ incarnationis mysterium, velut redemptionis humanæ exordium, omnibus omnium hominum ordinibus & ætatibus & mentibus commendandum, atque intimo cum sensu pietatis die nocteq; meditandum. Laudandi sanè sunt Germani verustiores, qui cum viderent, aduentum & ortum Domini in mensem Decembrem incidere, nomen ei mensi proprium indiderunt, Christmonat à Christo ipso appellantes, quemadmodum & omne tempus hoc gratioso Aduentus nomine honorarunt, immò & den heiligen Aduent nuncupârunt, nimirum vt sicut in fide & religione, sic in cultu quoque diuino sanctæ Matri Ecclesiæ Romanæ sese conformarent. Volens prætereo, quàm sapienter veteres orthodoxi hunc Aduentum pijs cæremonijs, lectionibus Propheticis & Evangelicis, canticis peculiaribus, ieiunijs frequētibus & pre-

cationibus

cationibus ardentibus cohonestârint. Meipsum igitur inculcabo, si maioribus, matri, fratribus desim in Adventu unâ cum pijs omnibus religiosè auspicando atque celebrando.

Quod si scripturæ phrasim sequimur, de Adventu Domini capiemus, quoties audimus commendari nobis dies salutis, tempus acceptum, nouissimos dies, vel nouissimum tempus, ac etiam temporis plenitudinem. Quicquid enim in hac sexta mundi ætate viuitur, tempus est reuelatæ salutis, & usque ad finem huius seculi durat, hodieque nominatur iuxta illud: *Hodie si vocem eius audieritis*, quemadmodum Paulus istud hodie de tempore Christiano interpretatur. Quid autem illo mundi statu, qui Christi præcessit aduentum, sub globo lunari tristius atque funestius? Erat enim tunc seruitus, captiuitas, tenebræ, peccatum, nox & mera tyrannis Satanæ. Cum verò tot modis desideratus ac necessarius Messias accessit, facta est manifestatio gloriæ Dei, & prædicatio gratiæ Christianæ, ut miseris omnibus liceat esse scælices, & Satanæ filij, qui modò Redemptori parent, in benedictos Dei filios cooptentur. *Quotquot enim receperunt eum, dedit eis potestatem filios Dei fieri.* Et Paulina vox est: *Apparuit gratia Dei Saluatoris nostri omnibus hominibus*, qua nempe iustitiam consequimur, & gratiæ effici-mur cooperatores, ut nouo lumine illustrati, in noua vita secundum spiritum ambulemus. Ac licet isthæc aduentus Dominici ratio quam diximus, sit generalis, cuius primariæ quidem tubæ Apostoli orbe toto extiterunt: tamen nihil hoc impedit, quo minus ex Ecclesiastico instituto & proprio quidem tempore nostrum celebremus aduentum. Id enim ex priore illo veluti fonte manat, & nouam animi excitationem lucemque fidei suggerit, ut quod anno toto vix facimus, saltem ante natalem Domini cum speciali Dei dilectione ac perfectiore studio decentiùs faciamus.

2. Cor. 6.

Isai. 22.

1. Ioan. 2.

Galat. 4.

Psal. 49.

Heb. 4.

Ioan. 1.

Tit. 2.

1. Cor. j.

## II.

CERTA meditationum capita mihi proponam, in quibus crebrò verser hoc tempore, nimirum vt in animum reuocem, quis & quantus ille sit, cuius aduentum celebramus, vnde idem & quò, qua de causa, quādo & quomodo veniat, cū ad nos primū accedit. Hæc enim omnia diuinis literis de aduentu Domini consideranda traduntur, suntque notatu dignissimais, qui Christum sapientiæ & salutis omnis authorem ex animo quærunt & amant, vel saltem cum offenso illo cupiunt reconciliari.

- Quis igitur ille, cuius aduentum anniuersaria recolimus commemoratione? Nempe promissum in paradiso semen mulieris tam potens, vt eo caput & imperium maledicti serpentis conteratur. Nisi Dominus exercituum hoc semen nobis reliquisset, quasi Sodoma fuisset, & quasi Gomorrha similes essemus.* Est hic vernus ille Noe, in quo patris Lamech impletur vaticinium: *Iste consolabitur nos ab operibus & laboribus manuum nostrarum in terra, cui maledixit Dominus.* Est & semen Abrahæ & posteris eius promissum, in quo gentes omnes benedicuntur. Est magnus Propheeta de gente Israhel, deque medio fratrum à Deo excitandus, quem omnes non minus quàm Moysen, ni prorsus pereant, debent audire. Est leo de tribu Iuda, filius David, rex & dominator in Israhel. Est lumen & expectatio gentium, vnus ille Messias, cui potestatem & honorē & regnum dedit Dominus, vt omnes populi, tribus & linguæ ipsi seruiant obediuntque, cum sit Rex regum, Dominus dominantium, Sanctus sanctorum & princeps pacis. Est Verbum quod erat in principio apud Deum, vnigenitus Patris, plenus gratiæ & veritatis, hæres vniuersorum constitutus, primogenitus omnis creaturæ, in quo condita sunt vniuersa in cœlis & in terra, visibilia & inuisibilia. Est denique pri-

marum

matum in omnibus tenens, quem omnes adorant Angeli, cunctus & sacerdotium & regnum est sempiternum. Veniet desideratus cunctis gentibus, inquit Aggæus, vel sicut Hebræi legunt, Veniet desideratus omnium gentium.

*Vnde ille ad nos? A summo cælo egressio eius, Dominator in Israël egressus ab initio, à diebus eternitatis. Cum enim in sinu Patris esset, exiliens de cælo à regalibus sedibus venit. Exiit, inquit, à Patre, de cælo nempe descendens, in quo apud Patrem erat in principio, cum eo cuncta componens, antequam quicquam faceret. Nemo enim ascendit in cælum, nisi qui descendit de cælo, Filius hominis qui est in cælo.*

*Et quò se contulit? In mundum hunc inferiorem ab ipso conditum, ubi princeps mundi Satan habebat imperium, & orbem vniuersum seducebat. Huius mundi exilium & carcerem adiit, naturam humanam assumens. Lux venit in mundum: & quum in mundo esset, à mundo cognitus & receptus non est, sed odio habitus, quia testimonium perhibuit de illo, quod opera illius mala essent.*

*Qua de causa porrò venit? Propter nimiam charitatem & immensam misericordiam suam, ut humanum genus miserè afflictum, & in Satanæ potestatem redactum sponte visitaret, perditumque restitueret, factus ipse non solum homo, sed Dei & hominum mediator, qui inimicos Deo Patri reconciliaret. Dedit semetipsum pro nobis, ut nos redimeret ab omni iniquitate, & mundaret sibi populum acceptabilem, sectatorem bonorum operum. Venit ut pastor ouem errantem requireret, & sicut Iosue, exules amissæ patriæ restitueret. Venit, ut sedentes in tenebris & umbra mortis summus ipse Oriens illuminaret. Deus homo factus est, ut hominem plus quàm Angelum, immò quodammodo Deum, siue ut Petrus testatur, naturæ diuinæ consortem faceret ac exaltaret, nosque iustitia Dei in ipso efficeremur.*

Psal. 96.  
Psal. 109.  
Luc. 1.  
Agg. 2.  
Psal. 18.  
Mich. 5.  
Ioan. 1.  
Sapient. 18.  
Ioan. 16. & 1.  
Prouer. 8.  
Ioan. 3.  
Ioan. 1.  
Ioan. 12.  
Heb. 2.  
Apoc. 12.  
Ioan. 3. & 1.  
Ioan. 3. & 15.  
Rom. 5.  
Tit. 3.  
Luc. 1.  
Ephes. 1.  
1. Tim. 2.  
Tit. 2.  
Luc. 15.  
& 19.  
Ios. 21.  
Luc. 1.  
2. Pet. 1.  
2. Cor. 8.

Gal.1.  
Rom.1.

1. Cor.10.

Luc.2.

Genes.49.  
Malach.3.1.  
Matt.3.11.

Luc.1.

Hierem.31.  
Isai 7.  
Ioan.1.  
Matth.1.

*Quando ad nos venire voluit?* Cùm adesset plenitudo temporis, post varias Dei promissiones Patribus factas, post diuersos typos de Messia aduentu editos, post multa longaque fidelium desideria & suspiria tot ætatibus profusa. Venit tandem in postrema mundi iam senescentis ætate, cùm lex naturæ & Moyse suum tenuissent cursum, neque viam ad iustificandum hominem præstare possent, iamque pessimè haberet totum genus humanum, & vltima mundi Monarchia, Augusto imperante, penes Romanos existeret. Venit sublato iam Regio sceptro de Iuda, præsentēque Ioanne, qui tanquam præcurzor viam venienti Messia parauit, vt essent homines ad legem Euangelicam amplectendam promptiores, atque paratiores.

*Quod aduentus eius initium? quæ primordia?* Magnus Angelus Gabriel à summo Deo, velut Paranympheus futurus, è cælo mittitur, qui cum Maria tot modis benedicta virgine, vt volens mater fiat Redemptoris, transigat. Illa vt incomparabilis Dei sponsa, cœlestibus monitis semper obsequens, consentit & concipit, summo Deo Patre & beatissimo Spiritu sancto, vt solus Dei filius homo fieret, cooperante, tota interim rerum natura ad summū hoc Dei opus atque miraculum obstupescēte. Sic è vestigio, quod Angeli & homines non capiunt satis, Verbum sit caro, Deus humanam naturam assumit, Virgo illibata concipit Emmanuelē, conceptumque foetum castissimo ventris sui sinu nouem gestat mensibus, quoad virgo eundem in Bethlechem Iudæ pariat Emmanuelē.



NOTAE DE PER-  
SONIS IN ADVENTV CONSI-  
DERANDIS, NIMIRVM DOMINA NO-  
STRA, EIVSQVE SPONSO IOSEPH ET  
Gabriele Archangelo, nec non puero  
Christo concepto.

## I.

**H**oc sacro tempore operam dabo, vt in Palæsti-  
nam sæpè peregrinatum eam, & in prouinciam  
Galilæam diuertam, ibique oppidum Naza-  
reth petam, in quo ædes Mariæ virginis cum  
Ioseph sponso fortè habitantis, & iam è Spiritu sancto præ-  
gnantis libenter inuisam. Etenim quod Ieremias Propheta  
prædixerat, in hac ipsa completum esse constat: *Creauit Do-*  
*minus nouum super terram: Femina circumdedit virum.*  
Eòdem referunt & illud Isaïæ: *Habitabit iuuenis cum virgi-*  
*gine, & gaudebit sponsus super sponsam.* Contemplabor il-  
lam vt virgo erat regia, & sicut magni Patriarchæ Abrahæ,  
ita & Dauidis principis filia lectissima, ipsis etiã sanctis Pa-  
rentibus Ioachim & Anna sanctior, talemque inde ab ini-  
tio vitam degens, qualis & Deo esset gratissima, & Dei Ma-  
tri optimè congrueret. Spectabo illam, vt à mundi amo-  
re & carnis voluptate, mentisq; tumore semper alienam,  
& quæ castitatis, humilitatis ac virtutis omnis nunquam sa-  
tis commendadum fuit exemplar. Videre mihi videbor  
virginem incomparabilem, quæ se totam Deo deuouerit,  
vt etiam ante traditum Euangelium Euangelicè philoso-  
phetur, & Antesignana sit virginum Euangelicarum, quæ

Luc. i.

Ierem. 31.

Isai. 62.

1. Cor. 7.



a Oratione  
de humana  
Christi ge-  
neratione.  
b Lib. de  
sancta vir-  
ginit. cap. 4.  
Luc. i.

Luc. i.

Prou. 31.  
Isai. 8. & ibi.  
Basil.

Luc. i.

Prou. 31.  
In tragœdia  
de Christi  
passione.

Ioan. i.

& corpore & spiritu sanctæ esse gaudent. Nam & a Gre-  
gorius Nyssenus & b Aurelius Augustinus ita sentiunt, eam  
ex voto virginem fuisse, sicut & Euangelica eius verba ri-  
tè ponderata conuincunt. Adhæc in verbis & moribus  
virginis DEIPARÆ obseruandis aduigilabo, præsertim v-  
bi illa cum Gabriele, & deinde cum cognata Elizabetha  
sermonem instituit. Etenim tam sapienter, circumspe-  
ctè, grauitè, modestè, verècundè, religiosè sese gèrit, vt ve-  
rè prudentem, benedictam, plenam Deo, plenam gratia il-  
lam consiteri necesse sit. Atque hinc quinque sensus cor-  
poris, percurram, & ad meditandum adhibebo, vt à cor-  
poris ad spiritualia diuinaque cognoscenda, pro mea qui-  
dem imbecillitate facilius quodammodo manu ducar. Tres  
illa menses exegit in domo Zachariæ, nec semel hymnum  
cecinit Deo, panemque suum neuriquam otiosa, sed sanctè  
negotiosa comedit, mulier illa fortis & rara, quam à Salo-  
mone descriptam habemus, quamq; Prophetissam secun-  
dum Basilium nominat Isaias.

Meum igitur erit, si aliàs toto anno, hoc in primis tem-  
pore DEIPARÆ colere atque suspicere, quam tanti ha-  
buit præ cæteris Diuis beatissima Trinitas, quam Archæ-  
angelus Gabriel à Deo missus tam honorificè salutauit & or-  
nauit, cui vt matri Domini sui sancta Elizabetha reueren-  
tiam exhibuit singularem, & quæ vniuersas Dei filias varijs  
gratiæ gloriæque donis longè supergressa est. Satis hoc loco  
sit è multis testibus vnum Gregorium Theologum produ-  
xisse, qui Mariam castissimam, foelicissimam, nulli æquan-  
dam, & supra omnes decoram, maximamque virginē cla-  
rissimè prædicat, eamque cunctos cœlitum ordines exce-  
dentem. Sicut autem Ioannes Baptista in matris Elizabe-  
thæ uterogestatus, & necdum in lucē editus, Domini Dei-  
que sui matrem præsentem agnouit, & ex eius aduentu fru-  
ctum cepit mirificæ sanctificationis: ita ego, licet cum hoc  
Baptista nulla sim ex parte conferendus, eandem Domini  
matrem mihi præsentem statuam ac rogabo supplex, vt no-

uam

uam purificationis & sanctificationis gratiam menti meæ impetret, aduentumque filij sui mihi & meis salutarem esse procuret. Certè cum Athanasio dicere non intermittam: Recordare nostri sanctissima Virgo: intercede hera, & Domina, & regina, & mater Dei pro nobis.]

In Euangelium de sanctissima.

## II.

**E**RIT mihi quoque commendatus Mariæ sponfus Ioseph, non minus mente quam genere nobilis, verè iustus vir, & singularis amicus Dei. Testatur Chrysostomus, cum fuisset in omnibus præclarum, ac omnigena virtute insignitum, qui ea quæ Patris sunt, ex mandato diuino præstiterit, ac supra legem sapuerit, semper meditationi Prophetarum inhærens.] Commendat illum quoque Bernardus, vt fidelem seruum & prudentem, quem constituerit Dominus suæ matris solatium, suæ carnis nutritium, illumque in terris magni consilij coadiutorem fidissimum. Igitur multis magnisque de rebus Iosephus me admonet ac instruit, maximè vt vocationi meæ in omni castitate & pietate seruiam, vtque iusti viri officium coràm Deo & hominibus præstem, syncerè suū cuique ius attribuens. Quæ iustitia verè Dauidis, immò & Dei filios alit, homines Angelicis cõformat moribus, & in cruce ipsa Iosephos exercet. Ab eodẽ Iosepho discam, cum in alijs rebus diuinis, tum in sublimi mysterio incarnationis Christi, missas facere cogitationes humanas, nempe quomodo virgo sine virili semine concipere, Dei Filiū in vtero gestare, ac demum clausa in lucem parere potuerit, vt pudicitie florè sibi perpetuū reseruaret. Turbatur Ioseph & angitur ad tempus, cum videt suæ castissimæ virginis, quam custodiendam acceperat, vterum intumescere, velut ex incontinentiæ peccato prole concepisset. Sed illius viri dubitatio erit mihi veræ fidei confirmatio, vt certò credā, sicut & ille credidit Angelo affirmanti, fœtū hunc grauidæ virginis ex


In breuiario Matthæi.

Hom. 2. de Maria virgine.  
Matt. 1.

Isai. 7.  
Luc. 1.

Isai. 7. iuxta  
septuag. in-  
terpretes.

virtute maxima diuini Spiritus prouenire, & supernatura-  
lem planè conceptum esse, quemadmodù Isaias claris ver-  
bis prædixerat fore: Quod quidem apud Deum non sit im-  
possibile omne verbum quicquid tandem caro & ratio in  
diuinis mysterijs cæcutiant, & nobis sæpè falsà persuadere  
conentur. Adedò verum est illud Prophetæ dictum: *Nisi  
credideritis, non intelligetis.*



## III.

**P**RÆTEREA mihi spectandus magnique facien-  
dus est Angelus Gabriel, nouus vtique & illustris  
legatus, ampla cum potestate missus à summo  
Deo, adeoq; sanctiss. Trinitatis nomine. Meminero, quam  
ille alacriter, lætè, reuerenter ac honorificè illam salutârît  
Virginē, quæ more suo diuinis vacabat studijs, & sola cum  
solo Deo in secreto conclauì religiosissimè colloquebatur.  
Ac Gabrielis quidem inter sacra virgine salutanda exem-  
plum, quod hodie complures repudiant, ita mihi commē-  
datum habebō, vt si antea sæpè, nunc multò magis in corde  
& ore meo repetam illud: *A VE MARIA GRATIA  
P L E N A. Dominus tecum, Benedicta tu in mulieribus.*

Philip. 2.  
Apoc. 6.

In Euang.  
de sanctis-  
sima.

3. Reg. 2.  
Cantic. 8.

Nec meo tantùm, sed etiam cœlestium & terrestrium  
& eorum qui sub terra sunt nomine, verbis vtar Angelicis,  
idq; cum aliqua honoris significatione, nec sine officio  
pio gratulandi. Monet enim & Athanasius, salutationis  
huius formulam cœlestibus hierarchijs adedò gratam & re-  
ceptam esse, vt magna cum voluptate & communi gaudio  
illa verba iterum ac iterum repetant ac decantent. Neque  
dubitauero, mihi & pijs omnibus ad virgini Matri gratu-  
landum causam grauem suppetere, quùm apertè liqueat  
plena, gaudij, pulchritudinis & felicitatis in Deipara nunc  
reperiri omnia, vt quam veluti suum parentem verus ille  
Salomon in summo honoris fastigio collocauit, ideo-  
quæ illa delicijs affluere, & super dilectum  
suum innixa esse dicatur.

## IV.

**N**AM verò ad Christum puerum in virgineo utero latitantem, si sapio, me studiosè, sed non sine pudore ac timore conuertam, perinde ac si hoc modo dicerem, O Emmanuel Rex & Legifer noster, expectatio Gentium & Saluator earum, obsecro ne irascaris, si loquar ad Dominum meum, cùm sim pulvis & cinis. *Quæ* Gen. 18.  
 te bonitas quæso vicit, vt summus summo de cœlo descendas, & homo miseros homunciones in hoc miserando exilio sponte adeas ac inuisas? Quid autem in causa est, quod 3. Reg. 3.  
 tu omnium Dominus, nullo vel cœlorum vel locorum ambitu comprehensibilis, non solùm in hanc miseriam nostræ abyssum te ita demittas, sed etiam tot mensibus in hoc virginæ matris tabernaculo velut inclusus latites? Itane verbum caro factus, te ipsum adhuc cōtrahis & abscondis, paucissimis quidem in orbe notus? *Quare quasi colonus fu-* Jerem. 14.  
*turus es in terra, vt cum Propheta loquar, & quasi viator declinans ad manendum? Quare futurus es velut vir vagus?*  
 Cur demum post nouem menses natus ad ætatem vique virilem, & annos penè triginta in abdito transiges, vt homines de te nihil fermè præclari, nisi vt de fabri filio, adeoque 6. Marc. 6.  
 fabro ipso, sentire ac dicere videantur? Sed ita demùm sermo tuus impletur, quo per Prophetam verè dixisti: *Non* Isai. 55.  
*cogitationes mea cogitationes vestra: neq. via vestra, via mea, dicit Dominus. Verè tu es DEVS absconditus, DEVS Is-*  
*raël Saluator.*

## V.

**P**regnans virgo mater, tot tantisque gratiæ muneribus cumulata, & inter mulieres omnes benedicta, ac velut lilium inter spinas habenda, licet te solam Domini ancillam agnoscas: an ego miserrimus non suspiciam, non amem hanc tuam & summi filij tui sub

uisionem, & studiosam in omnibus detectionem? Vitam ege vetere homine posito, tandem aliquando renasci, & vitam secundum spiritum ordiari: veram solidamque humilitatis fundamentis, quæ à te tuoque filio iacta sunt, in imo collocatis. O si tuis adiutus precibus, illis Ecclesiæ filijs annumerari possim, qui ad sanctam & scelicem natiuitatem aspirant, vt per filij tui aduentum secundum spiritum regenerentur, quibuscum & ego noua efficiar creatura. Ipsius enim (Dei) sumus factura, creati in Christo Iesu, in operibus bonis, quæ præparauit Deus, vt in illis amblemus.

## VI.

**N**VSUPER ad sanctum Christi natalem excipien-  
dum, me Mariæ & Ioseph, sanctissimis coniugibus, quoad eius fieri poterit, conformare nitar.  
In illis animi & corporis integritas eximia relucebat: in illis fides de tanto mysterio firma vigeat, vt potè quam ambo ex Angelicis verbis diuinisque testimonijs abundè confirmatam haberent. Nec deerant flagrantis affectus, quos ad videndum & amplectendum Emmanuelem, in ipsis non minus quam in alijs Patribus multis assisse, prudens nemo ambigit. An non cum Iacobo Patriarcha suspirando dicerent: *Salutare tuum exspectabo Domine?* Et cum Moyse: *Obsecro Domine mitte quem missurus es.* Et cum Isaia itidem: *Emitte agnum Domine dominatorem terre.* Atq; cum Dauide: *Domine inclina celos tuos & descende. Ostende Domine nobis misericordiam tuam, & salutare tuum da nobis.* Vtique cum Prophetis, Regibus, iustis, & præcipuè cum Abraham & Simeone, coram videre & excipere Messiam desiderabāt illum, qui perpetuò in domo Iacob regnaret, & in quo gentes omnes benedicerentur. Ingens igitur & vehemens Mariæ & Iosepho diuini partus & natalis Christi erat expectatio, vt per hoc Salutare, quod illis commendarat Angelus, restitueretur Israël, illuminarentur gentes, & in melius

omnia

Ephes. 2.

Gen. 49.

Exod. 4.

Isai. 16.

Psal. 143.

&amp; 84.

Luc. 10.

Ioan. 8.

Luc. 2. &amp; 1.

Gen. 22.

Matt. 1.

Luc. 2.

omnia conuerterentur. Vtinā & ego, sicut illi, tempus hoc  
 fœlix, in quo visitat nos Deus, & cogitationes pacis cogitat,  
 fidei oculis apertis agnoscam, tantoque Redemptoris mei  
 desiderio flagrem, ac me totum ad illius aduentum ritè ex-  
 cipiendum instruam, vt cum p̃storibus Bethlehemiticis  
 & ipsè gaudeam de nato Saluatore, qui nobiscum habitare,  
 quin & se totum petentibus, quærentibus, pulsantibus of-  
 ferre magnopere gaudet. Vetustum est sanè festum Hi-  
 spanis, quod Expectationem beatæ Mariæ, ac etiam nomi-  
 ne, ô ô iam pridem appellant, nec longè antè Christi nata-  
 lem celebrāt, nimirum vt populus etiam meminerit, cum  
 eādē sacrosancta Virgine, in amabili fœlicissimi partus  
 expectatione versari, & cum priscis fidelibus tam diu pro-  
 missi Messia in terras aduentum ex animo desiderare.

Luc. 2.

Matth. 7.

Ex quibus nemo non facilè perspicit, Rupertum Tui-  
 tiensem rectè sapienterque hoc modo scripsisse: Tempus  
 quod Dominicæ natiuitatis memoriam antecedit, idè  
 Aduentus nuncupatur, quia totus eius Ecclesiasticus ordo,  
 iuxta contemplationem aduentus Domini dispositus est.  
 Aduenire autem Dominus rectè dicitur, qui vbique est in-  
 uisibili præsentia maiestatis, dum assumpto eo quod visibile  
 & nostrum, visibus carnis visibilem se ostendit, Quod  
 tum factum est, quando Verbum (per quod omnia facta  
 sunt, quod erat in mundo, & mundus per ipsum fa-  
 ctus est, sed mundus cum non cognouit)

Lib. 3. de di-  
uin. officijs  
cap. 1.

Ioan. 1.

caro factum est, vt visibiliter habi-  
 taret in nobis.]





placuit sibi in illo anima mea : dedit spiritum meum super eum, iudicium Gentibus proferet.

Rorate cœli desuper, & nubes pluant iustum : aperiatur terra, & germinet Salvatorem : & iustitia oriatur simul : ego Dominus creavi eum. Isai. 45.

Parum est vt sis mihi seruus ad suscitandas tribus Iacob, & feces Israël conuertendas. Ecce dedi te in lucem gentium, vt sis salus mea vsque ad extremum terræ. Isai. 49.

Parauit Dominus brachium sanctum suum in oculis omnium Gentium : & videbunt omnes fines terræ salutare Dei nostri. *Et post :* Ecce intelliget seruus meus, exaltabitur, & eleuabitur, & sublimis erit valdè. Isai. 51.

Iste asperget gentes multas, super ipsum continebunt Reges os suum : quia quibus non est narratum de eo videbunt : & qui non audierunt, contemplati sunt. Ibidem.

Spiritus Domini super me, cò quod vnxit Dominus me : ad annunciandum mansuetis misit me, vt mederer contritis corde, & prædicarem captiuis indulgentiam, & clausis apertionem. Videbunt gentes iustum tuum, & vocabitur tibi nomen nouum, quod os Domini nominabit. Isai. 61.

*Ex eodem Propheta etiam atque etiam notabo priscorum Patrum ac fidelium in expectando Messia vota & desideria, tum ob diuturnitatem permolesta : Spes enim quæ differtur affligit animam : tum ob venientis persone maiestatem flagrantia, quod Christi presentia nihil augustius & amabilius liceret excogitare. Vnde in persona illorum omnium dixit Isaias : Vtinā dirumperes cœlos & descenderes : à facie tua montes defluerent. Atque hac ipsa desideria veterum, qui vt Stephanus loquitur, de aduentu Iusti prænuntiabant, ego tantò pluri faciam, quòd non obscura sint vera fidei fiducia, argumenta, Deo utiq; accepta, qui laborem & dolorem considerat, gemitumq; pauperum libenter exaudivit : quodq;* Prouer. 12.

*Isai. 64.  
Actor.*

Rom. 19.

*Messia nobilitatem & praestantiam, qui legis Prophetarumque finis ac scopus est, egregie probent. Quorum Patrum velut personam suscitans Ecclesia, & simul ad exoptatum promissum Messiae aduentum nos excitans, cantica ex Prophetarum verbis pulchrè collecta depromit, atque ut magis praesentes afficiant animos, ea certis diebus sub Christi natalem repeti, & suauiter hoc modo in templis resonare iubet.*

O sapientia, quae ex ore Altissimi prodijisti, attingens à fine vsque in finem, fortiter suauiterque disponens omnia, veni ad docendum nos viam prudentiae.

O Adonai & dux domus Israël, qui Moyse in igneae flammæ rubi apparuisti, & ei in Sina legem dedisti, veni ad redimendum nos in brachio extento.

O radix Iesse, qui stas in signum populorum, super quem continebunt Reges os suum, quem gentes deprecabuntur, veni ad liberandum nos: iam noli tardare.

O clavis Dauid, & sceptrum domus Israël, qui aperis, & nemo claudit: claudis & nemo aperit: veni & educ vinatum de domo carceris, sedentem in tenebris & umbra mortis.

O Oriens, splendor lucis aeternae, & sol iustitiae, veni, & illumina sedentes in tenebris & umbra mortis.

O Rex Gentium & desideratus earum, lapisque angularis, qui facis utraque vnum: salua hominem quem de limo formasti.

O Emmanuel, Rex & legis noster, expectatio Gentium & saluator earum: veni ad saluandum nos Domine Deus noster.

*Ceterum ex huiusmodi Patrum longis suspirijs ac vehementibus desiderijs, quae ingentes angores, diuturnas sollicitudines, multasque lacrymas illis creauerunt, scitè colligit Bernardus, & mecum ipse perpendam, nostram hoc tempore segnitiam ac ingratisudinem merito reprehendi, quando amplissima exhi-*

biti

bus Redemptoris gratia minus nos sponsi filios afficiat, quam sola eiusdem promissio veteres veluti seruos, in summa illa legum obscuritate, ac veluti nocte lugentes & expectantes, commouebat. Bernardi verba, si quis fortè requirât, hæc sunt: Ardorem desiderij Patrum suspirantium Christi in carne presentiam frequentissimè cogitans, compungor & confundor in meipso: & nunc vix contineo lachrimas, ita pudet temporis torporisq. miserabilium temporum horum. Cui namq. nostrum tantum ingerat gaudium gratia huius exhibitio, quantum veteribus sanctis accenderat desiderium promissio? Ecce enim quàm multi in hac eius, quæ proximè celebranda est, natiuitate gaudebunt, sed utinam de natiuitate, non de vanitate. Illorum ergo (Patrum) desiderium flagrans, & pia expectationis affectum spirat mihi vox ista: Osculetur me osculo oris sui.] Quomodo igitur nos, ut Paulinis verbis utar, effugiemus, si tantam neglexerimus salutem, à priscis illis Patribus tantoperè desideratam, à primis fidelibus in summo pretio habitam, à viris Apostolicis toto orbe propagatam, à Christianis populis magnifice predicatam, ab omnibus Ecclesia ordinibus salutariter comprehensam: quæ cum initium accepisset enarrari per Dominum, ab eis qui audierunt, ut idem Apostolus loquitur, in nos confirmata est? Atque hæc spectat, quod notauit Lactantius, ubi totum Ecclesia institutum de hoc aduentu paucis, sed commodis verbis complectitur, ut eam merito repetamus: Descendens, inquit, de cælo sanctus ille Spiritus Dei, sanctam virginem cuius utero se insinuerat, elegit. At illa diuino Spiritu hausto repleta concepit, & sine vllò attactu viri repensè virginalis uterus intumuit.] Ac iterum. Summus Deus ac parens omnium, cum religionem suam transferre voluisset, Doctorem iustitiæ misit de cælo, ut nouis cultoribus nouam legem in eo vel per eum daret.] Atque ut in hoc ingens Christi in carne aduentantis beneficiū Ecclesia Christiana non minus necessarium quàm salutare esse credamus, multos sacre scripture locos adducit Lactantius, & ex illis rectè colligit, Prophetas omnes denunciassse de Christo, fore aliquando,

Serm. 2. super cantica.

Cantic. 1.  
Heb. 2.

Lib. 4. de vera sapientia.

*ut ex genere David corporaliter natus, constitueret æternum  
templum Deo, quod appellatur Ecclesia, & uniuersas Gentes  
ad religionem Dei veram conuocaret, Hac (Ecclesia) est, in-  
quit, domus fidelis, hoc immortale templum, in quo si quis non  
sacrificauerit, immortalitatis præmium non habebit. Cuius  
templi & magni & æterni, quoniam Christus fabri-  
cator fuit, idem necesse est habeat in eo  
sacerdotium sempiter-  
num.]*





# DOMINICA PRI- MA ADVENTVS.

## *Sequentis Euangelij Argumentum,*



VANGELIUM hoc nobis depingit partim solennem & regalem Christi in urbem Hierosolymorum ingressum, partim Apostolorum paratam in asina & pullo adducendo obedientiam, partim commune populi studium, & alacre obsequium

in suo Messia excipiendo ac publicè celebrando. Et si autem isthæc historia nō hoc anni tempore, sed prope festum Pascharis gesta est, tamen in plurimis Ecclesijs non temerè huic Dominicæ accommodatur. Multa enim & præclara de Christi in carnem, ut vocant, aduentu consideranda, ac præsertim illud insigne Zachariæ vaticinium meditandum proponit, quod ab omnibus Euangelistis repetitum cernimus: Dicite filiæ Sion, ecce rex tuus venit tibi mansuetus, &c.] Et sanè Christus, ut Hierosolymam die Palmarum, ita inde ab initio sui ortus in hunc mundum affectus venit, non utique terribilis ac metuendus, non exactor ac iudex, sed Rex planè mansuetus, humilis, pauper, ac simul amabilis, immò & lacrymans, ut Sion, hoc est, Iudæorum Synagoga tam gratiofo Regis aduentu meritò exhilaretur. Venit præterea sedens super asinam & pullum, ut se comitantes in templum adduceret, hoc ipso typo nimirum adumbrans, quod utrumque populum, Iudæorum & Gentium sibi subiecturus, & in vna fide Ecclesiaque consociatum, in templo pacis æterno fœliciter coniuncturus esset. Huc spectat cum primis illustre magni Patriarchæ Iacob vaticinium, de aduentu Messia, quod ille sub mortem suam co-

Zach. 9.  
Matth. 21.  
Marc. 11.  
Luc. 19.  
Ioan. 12.

Gen. 49.

In collo-  
quio cum  
Tryphon.

ram duodecim filijs ita recitavit: Non auferetur sceptrum de tribu Iuda, & dux de femore eius, donec veniat qui mittendus est; & ipse erit expectatio Gentium, ] (siue vt Chal-dæi legunt, Messias) Addit è vestigiò: Ligās ad vineam pul-lum suum, & ad vitem, ô fili mi, asinam tuam. ] Vbi Iacob mentionem facit de pullo & asina, sicut & Zacharias in Eu-angelio citatus: vtrumque locum Iustinus Martyr contra Iudæos vrget, vt probet, præsentis Messia signum euidens esse Iudæorum & Gentium conuersionem. Iudæos enim qui legem à Prophetis impositam gestant, per asinam cli-tellatam, Gentes autem per pullum indomitum signifi-cari.



## EVANGELIVM EIVSDEM

Dominicæ. Matth. xxi.

**I**n illo tempore, Cum appropinquas-  
sent Hierosolymis, & venissent Bet-  
phage ad montem oliueti, tunc Iesus  
misit duos discipulos, dicens eis: Ite in castellum  
quod cōtra vos est, & statim inuenietis asinam  
alligatam, & pullum cum ea: Soluite & addu-  
cite mihi. Et si quis vobis aliquid dixerit, di-  
cite: Quia Dominus his opus habet: & conse-  
stim dimittet eos. Hoc autem totum factum est  
vt adimpleretur, quod dictum est per Prophe-  
tam dicentem: Dicite filie Sion, Eccerex tuus  
venit tibi mansuetus & sedens super asinam &

pullum



*pullum filium subiugalis. Euntēs autē discipuli, fecerunt sicut praecepit illis Iesus. Et adduxerunt asinam & pullum, & imposuerunt super eum vestimenta sua, & eum desuper sedere fecerunt. Plurima autē turba strauerunt vestimenta sua in via. Alij autē ramos cedebant de arboribus & sternebant in via. Turba autē quae praecedebant, & quae sequebantur, clamabant dicentes: Hosanna filio Dauid: benedictus qui venit in nomine Domini.*

NOTÆ MEDITATIONVM ET  
PRECATIONVM CIRCA IDEM  
EVANGELIUM.

*Dicite filiae Sion: Ecce Rex tuus venit tibi mansuetus, & sedens super asinam.*

**M**IRABOR, inter Christum Dominum & mundi principes tam longum esse discrimē. Hi cum primum in regiam urbem aliquam ingrediuntur, ut suam potentiam ac dignitatem subditis comprobent, multum splendoris, pompæ, ostentationis & fastus præ se ferunt, nec sine armis & militari satellitio & equis phaleratis prodeunt. Christus verò Iudææ metropolin adiens, ubi Rex declarandus erat, regium apparatus omnem negligit, & insigne præbet specimen spontaneæ demissionis, miræ mansuetudinis, ac perpetuæ benignitatis. Nam & vili asina ve-

aus,

Ifai 62.  
Zach. 9.

Ioan. 1.

Coloss. 3  
Cantic. 2.

Ioan. 1.

Matth. 11.

is, & discipulorum pauperum comitatu contentus, in publicum ipse procedit, ac licet interim amaras fundat lacrymas, & communem totius populi sortem depleoret, tamen rex Israël agnoscitur, ac pro illo publicè saluatur. Hæcne satis sunt ad me commonefaciendum, ut Christi Domini humilem, placidū & mansuetum aduētum agnoscam, immò & intimo completar affectu? Talem illius aduentum Isaias & Zacharias, alijque sacri Prophetæ prædixerūt, nec alium experti sunt Israëlita, qualem & venciandi Apostoli orbe toto prædicarunt: *Vidimus*, inquit, *gloriam eius, gloriam quasi unigeniti à Patre, plenum gratia & veritatis.* Ac iterum: *Lex per Moysen data est, gratia & veritas per Iesum Christum facta est.*

Vtinam verò anima mea sit germana, nec surda filia Sion, quæ sacris siue Propheticis, siue Apostolicis intenta vocibus, vana, exotica & peregrina respuat omnia, de rebusque puris ac spiritualibus curet maximè. Scio enim quis protulerit: *Quæ sursum sunt quaerite: ubi Christus est, in dextera Dei sedens. Quæ sursum sunt sapite, non quæ super terram.* Cum sancta illa sponsa frequenter dicere satagam: *Dilectus meus mihi, & ego illi, qui pascitur inter lilia.* O me foelicem, si norim & amplectar hunc mansuetissimi Davidis filium, & eundem Agnū Dei benignissimum de coelo missum, nobisque protenso velut digito à Ioanne Baptista monstratū, atque ut mundi peccata tolleret aduentantem. Is neque ad nos homunciones venire voluit, nisi blandissimi pueri speciem ac indolem assumpsisset, ne quisquam ipsius confortium reformidaret, ac perpetuum vitæ candorem ostēdit, ut cunctorum sibi animos ac beneuolentiam conciliaret. *Discite à me*, inquit, *quia mitis sum & humilis corde.* Proinde si de Christo rege & Messia, quòd venerit, mihi gloriadum putabo, illius etiam ingenium, modestiam atque mansuetudinem dillegam & exprimam, à superbiæ & arrogantis spiritui maximè alienus. Nihil enim illo humilior atque simplicius, qui cum summus esset, se omnium nomine infimum

fecit

fecit, ac sicut Paulus loquitur, semetipsum exinanivit, formam serui accipiens, & in similitudinem hominum factus. Quare CHRISTI dictum mihi semper commendatum habebō: *Filius hominis venit non ministrari, sed ministrare, & dare animam suam in redemptionem pro multis.* Et illud: *Venit filius hominis querere & saluum facere, quod perierat.*

Væ interim ciuibz Hierosolymitanis, quibus Christi aduentus in ruinam potius quàm resurrectionem positus fuit, quandoquidem cùm illos Oriens ex alto visitaret, hoc suæ visitationis tempus duntaxat leuiter ac perfunctoriè agnouerunt, nulloq; fructu solido complexi sunt. Ego duce Spiritu corroboratus, fidem & cōstantiam præstabo maiorem, vt à Rege Christo semel suscepto me nunquam diuelli sinam, sed datam illi fidem perpetuò seruem; ne sim alioquin ex illis, quos Euangelium temporales appellat, quoniam ad tempus credunt, & in tempore tentationis recedunt. Quamuis ergo alij verbis aut factis Christi Ecclesiæq; maxime offendantur; ego tamen cum Apostolo Petro magnanimijter dicam: *Domine ad quem ibimus? verba visa aeterna habes, & nos credimus & cognouimus, quia tu es Christus filius Dei viuis.* Sed & cum Paulo ingenuè profitebor: *Quis nos separabit à charitate Christi? Scio cui credidi, & certus sum, quia potens est depositum meum seruare in illum diem.* Nec vllus est Messias alius, cuius aduentum Ecclesia Catholica tot celebravit sæculis, ac celebrat etiam nū, præterquàm Dei & Mariæ filius, vnus idemq; mediator ac redemptor, sed & fidei nostræ author atq; consummator Christus Iesus, qui est super omnia Deus benedictus in sæcula. Quoties autē sacram de more Liturgiā celebramus, quæ ante tempus Antichristi non abolebitur, hunc ipsum Regem Israël & Dauidis filium velut ad nos venientem excipimus Orthodoxi, & exceptum non modò fide, sp̃e & charitate, sed cultu etiam externo publicè honoramus, illiq; inuitis Ecclesiæ hostibus omnibus cum Israëlitis ac eorum pueris accinimus palam: *Benedi-*

Philip. 2.

Matth. 20.

Luc. 19.

Luc. 2.

Luc. 1.

Matt. 13.

Ioan. 6.

Rom. 8.

2. Tim. 1.

Heb. 12.

Rom. 9.

Dan. 12.

Marth. 21.

*Etus qui venit in nomine Domine, Hosanna in excelsis.* Hunc honorem & cultum, quem Siriaca & Græcanica, non minus quàm Latina vero Christo iam pridem defert Ecclesia, noui sectarij tam agrè concedunt, quàm illum olim Iudæi Pharisei iu die Palmarum Christo attribui permolestè tulerūt, & in cantantibus paruulis per summam inuidiam reprehenderunt. Videntes enim Principes Sacerdotum & Scribæ, quod pueri in templo clamarent, Hosanna filo Dauid, indignati sunt & dixerunt ei: Audis quid isti dicant? Iesus autem dixit eis, Vtique nunquid legistis, *Quia ex ore infantium & lactentium perfecisti laudem?* sicut Matthæus commemorauit.

*Plurima autem turba strauerunt vestimenta sua in via.*

*Ac de facto discipulorum Christi.*

Gen. 4.

Gen. 8.

Gen. 26.

1. Paral. 17.

23. &amp; 24.

3. Reg. 6. 8.

Psal. 25.

CERTO credam, & olim credentibus licuisse, ac nunc etiam licere, vt in cultu Dei quædam spontè ac iniussu faciant, quæ cultores ipsos Deo summo commendent. Nam respexit Deus ad Abel, & ad munera eius, cum de sui gregis primogenitis, de quæ adipibus eorum offerret. Deinde patriarcha Noë, cum nullum Dei præceptum extaret, altare Domino ædificauit, & super illud munda obtulit holocausta, Deo tam grata, vt Moyses affirmet: *Odoratus est Dominus odorem suauitatis.* Neque tacet scriptura, cur Abraham magnus patriarcha ingentes à Deo acceperit promissiones: eò nempe quòd obedierit ille voci Dei, eiusque præcepta & mandata, sicut & caeremonias legesque seruauerit. Habent præterea in Dei verbo laudem Dauid & Salomon, qui Mosaicæ legis ritibus non contenti, diuinum cultum auxerunt, nouaque sacra posteris celebranda piè condiderunt, & in templo quidem orando atque amplificando mirificè laborarunt. Vna vtriusque patris & filij mens erat atque sententia: *Domine dilexi decorem domus tue, & locum*

*habes-*

*habitationis gloria tua.* Nota sunt & opera pœnitentium Niniuitarum, quæ licet diuinitus illis præcepta non essent, tamen hoc diuinæ scripturæ testimonio decorantur: *vidit Deus opera eorum*, nimirum in seüero ieiunio, vilitate sacrorum, constanti oratione, simulque prauæ vitæ integra conuersione. Quare nec otiosum videri debet, quod Hierosolymitani ciues, simulque Apostoli hoc loco describantur, qui multa tentârunt atque perfecerint ad suum in Christum amorem apertè prodendum, atque ad nos etiam submonendos, vt eius gloriæ quæ Christo debetur, inprimis cupidi ac studiosi esse gaudeamus. Etsi enim illi, qua fide & mente singula instituerent, non satis exploratum habebât, tamen non prorsus errabant, quod cœli terreque principem & monarcham externis rebus ac quibusdam ritibus honorare contendrent, vt pote quando arbores vltro conscendunt, ramos amputant, vestes exuunt, & in via sternunt, flores deportant, asinam tegunt, se ordine consequuntur, & siue magni, siue parui Christum publicè concelebrant, & in templum vsque deducunt, à festiuis interim ac honorificis laudibus in illo itinere non abstinentes. Nec dubium, quin ijdem diuino quodam spiritu afflati, tantû laudis & honoris, quantum antea nunquam, Christo tribuerint: quandoquidem sicut Lucas disertè côm memorat, cœperunt omnes turbæ descenduntum gaudentes laudare Deum voce magna super omnibus quas viderant virtutibus dicentes: *Benedictus qui venit Rex in nomine Domini, pax in celo & gloria in excelsis.* Quæ omnia me iure commonefacient, vt si vsquam aliàs, in cultu ceterè diuino meam in Christum reuerentiam atque gratitudinem non modò priuatim, sed & publicè testatam faciam, nullumque humano pudori ac timori locum relinquam. Etenim hûc verè dixeris illud quod scriptum est: *Benedicentes Dominum, exalate illum quantum potestis: maior enim est omni laude. Exaltantes cum replemini virtute, ne laboretis, non enim comprehendetis.* Pulchrum est in hac publica supplicatione locum vel inter paruulos adi-

Ion. 3.

Luc. 19.

Eccles. 43.

Matt. 19.

Matt. 11.

Heb. 13.

1. Pet. 2.

Psal. 8.

3. Reg. 15.

Prou. 10.

1. Thess. 4.

Acor. 16.

piscis: de quibus paruulis & Christus ipse testatur: *Sinite paruulos, & nolite eos prohibere ad me venire: talium est enim regnum cælorum.* His paruulis reuelat Pater sua mysteria. Nec minus pulchrum est, quosdam ab Apostolis paruulos, nouasq; Dei creaturas effici, vt Hosianna publicè personent, dignasque Deo laudes offerant & exsoluant iuxta illud: *Per ipsum offerimus hostiam laudis semper Deo.* Ac omnibus quidem ætatibus verum est, Christo suos infantes, lactentes ac paruulos existere, quales Petrus Apostolus nos esse flagitat, ex quorum ore suam & perfectam ipse laudem magis magisque colligat atque perficiat, sed ita, vt simul interim destruat inimicos atq; calumniatores, qui Christo & sponsæ eius Ecclesiæ obstrepere nunquam desistunt.

Habeo itidem quam notem ac discam in Apostolis Domini obedientiam, eamq; cum sancta simplicitate cõiungendam, & maleuolorum inuidia semper exercendam. Etenim hi discipuli, vt Christi Domini mandatum expleant, ad alienum iumentum soluendum & adducendum sese conserunt, licet mandantis ipsius animum nondum explorarum haberent. Tam probè didicerant illud, quod superbus ille Rex Saul à Samuele nunquam discere potuit: *Melior est obedientia quàm victima:* quodque Salomon optime tradidit: *Qui ambulat simpliciter, ambulat confidenter.* Obseruabo & illud in discipulis, quod vtriq; iumento (asinæ & pullo) suas vestes imponant, vt ita commodiùs sedeat Dominus, & illi suum ministerium decentius obeant. Per hæc autem vestimēta quid aliud putem designari, præterquam instituta, decrera, & traditiones primorum Christi discipulorum? hæc enim ad cultum Dei amplificandum, & ad Ecclesiæ ministerium commadandum, vim ac auctoritatem obtinent singularem. *Qui illa ipsa spernit, non hominem spernit, sed Deum, qui etiam dedit Spiritũ suum sanctum in nobis,* sicut de se suiq; ordinis hominibus Paulus luculenter affirmat. Vnde Lucas non temerè testatur, eundem Paulum & Barnabam in eo studiosè versatos esse, vt fidelibus præci-



perent custodire dogmata, quæ ab Apostolis & senioribus fuerant Hierosolymis edita atque definita. Nec obscurus ille Canon est, qui semper valuit & valebit in Ecclesia: *Stete fratres, & tenete traditiones, quas didicistis siue per sermonem, siue per epistolam nostram.* Id quod Basilii Magnus magis illustrans, perspicue dixit, sicut & ego nunquam nō meminisse debeo: Dogmata quæ in Ecclesia prædicantur, partim ex conscripta doctrina habemus, partim ex Apostolorum traditione ad nos delata in mysterio recipimus, quæ vtrâq; eandem ad pietatem vim habent, & nemo ijs contradicit, qui vel saltem modicam Ecclesiasticarum legum experientiam habet.] Et iterum: Apostolicum arbitror esse, etiam in non scriptis traditionibus perseverare.]

2. Thess. 2.

Lib. de Spiritu sancto. cap. 27.

Cap. 29.

*Benedictus qui venit in nomine Domini:  
de q̃ nostra in Christum gratitudine  
debita.*

DIGNI sunt profecto Israëlitæ, quos obseruem, magnique faciam: tam multa & præclara præstant obsequia in Christo Domino excipiendo, laudando atque deducendo. Quid aliud quæso prudentius ac decentius facerent ad se veros & germanos Abraham filios fide ac re ipsa declarandos? De Abraham quidem patriarcha Christus ipse testatur: *Abraham pater vesler exultauit ut videret diem meum: & vidit, & gausus est.* Merito igitur me nunc pudeat ac pi-geat, si ego his Israelitis ignauior, tanti Regis aduentum non excipio, & exceptum non ardenti gaudio complector, illique summas non ago gratias, sicut illi quidem plurima beneficiorum & miraculorum repetitione facta gratias egisse scribuntur. Quid quod ille de summo cœlo descendens, se ad nos vilissimos vsq; demisit, & ad alienigenas vltro venit, seq; adhuc nobis indignis offert humanissimè? Nec omnibus tantum, sed & singulis, quoties exoptamus, esse vult hospes, spūsus, medicus, doctor, saluator, amicus, frater, & quid

Ioan. 8.

Luc. 19.

Prøb. 3.  
Ibidem.  
Ioan. 3.  
Ioan. 12.  
Apoc. 22.  
Matt. 11.

Apoc. 3.

Luc 1.

Ioan. 1.

Ibidem.

non? *Delicie mee, inquit, esse cum filiis hominum. Ego diligentes me diligo: & si qui mane vigilant ad me, inuenient me. Ego sum Lux mundi: qui sequitur me, non ambulat in tenebris, sed habebit lumen vite. Ego lux in mundū veni, ut omnis qui credit in me, in tenebris nō maneat. Qui sitit, veniat: & qui vult, accipiat aquam vite gratis. Venite ad me omnes: qui laboratis & onerati estis, & ego reficiam vos. Ego ne incogitantia, segnitiam ac duritiem meam ipse deplem, quod multis modis expectatus, & hactenus inuitatus, nō probis Israëlitis ac sinceris Abraham filijs confocior, ut optimo maximoq; Regi obuiam eam, illumq; mihi reddam intimè familiarem? Quoties surdis velut auribus pulsantem illū transeo, & suauissimam vocem illius audio: Ecce sto ad ostium & pulso. Si quis audierit vocem meam, & aperuerit mihi ianuam, intrabo ad illum, & cenabo cum illo, & ipse mecum. Cur demens illum non redamo, qui solus mihi prestare potest omnia? illum non laudo & celebros, qui summum & æternum bonum existit? Quare supplex Christo factus, die ac nocte non repeto, quod me per Zachariam Baptistæ parentem docuit Spiritus sanctus. *Benedictus Dominus Deus Israël, qui uisitauit & fecit redemptionem plebi suæ?* Augebo igitur in me spiritum gratitudinis, ut Abraham & Patrum priscorum vigor in me frigido reuiescat, & ego aliqua ex parte ingenuos imiter Israëlitas, qui se obuios ad Christum excipiendum cumulati effundunt. Ex his Andreas ille fuit, qui cum primū de præsentē Messia cognouisset, ne solus tanto thesauro potiretur, suum fratrem Simonem non sine audenti zelo ad Christi familiaritatem adduxit. Nec dissimilis quidem Philippus & ipse Galilæus, ut qui de Christi aduentu factus certior, continere se non potuit, quin tanti Euangelij captus dulcedine, communis fructus & gaudij cōsortem redderet Nathanaëlem, ideoque in verba illa prorumpet: *Quem scripsit Moyses in lege & Prophetæ, inuenimus Iesum à Nazareth.* Mirum sanè dictū, veteres Prophetas in præsentem Messia aduentum intuentes, non sibi tantū, sed*

nobis

nobis etiam tantoperè gratulari voluisse, neque nos incredibili illorum ardore ac studio ad Christum amandū magis accendi, atq; indies commoueri. Parum igitur aut nihil nos pungunt ac penetrant illa Prophetica vel dicta, vel spicula: *Exulta, subila, canta filia Sion. a Tempus requirendi Dominum, b cum venerit qui docebit vos iustitiam. c Domus Jacob venite & ambulemus in lumine Domini. d Eamus & deprecemur faciem Domini, & quaramus Dominū exercituum,* vt alia id genus permulta ad diuinam Christi charitatem nos inflammantia prætermittam.

a Isai. 12.

&amp; 61.

b Osee 10.

c Isai. 2.

d Zach. 8.

Meminero igitur, hoc tempus acceptabile, & hos dies salutis, sicut Paulus appellat, nouo obseruare studio, vt non modò Christum in lege & Prophetis promissum, iamq; nobis certò certius exhibitum fide percipiam, sed etiam credendo exultem lætitia inenarrabili & glorificata, nihil hæsitans de fide, fideiq; sine, qui animæ meæ salus æterna est, vnà cum electis & obedientibus omnibus consequendo, quemadmodum princeps docuit Apostolorum. Quem Christum ego nō solum corde ac ore coram amicis ipsisq; hostibus Ecclesiæ confitebor, verū etiam Christianæ iustitiæ officijs clām palamq; sanctificabo, sicut idem Apostolus verbis illis ostendit: *Dominum Christum sanctificate in cordibus vestris, parati semper ad satisfactionem omni poscenti vos rationem de ea qua in vobis est spe & fide.* Potissimum verò ad laborabo, vt ne quod Israëlita pro suo merito iam pridem audierunt, in me quoque competat, Christo illis publicè redarguente: *Quid vocatis me Domine Domine, & non facitis qua dico? Hypocritæ faciem celi & terræ nolitis probare: hoc autem tempus quomodo non probatis?* Cuiusmodi hypocritis aggregandi sunt, qui cæci & manu tentantes ab Apostolo Petro dicuntur, quoniam vacui & sine fructu in Domini nostri Iesu Christi cognitione versantur: quiq; secundum Paulum Deum ore confitentur, factisq; negāt, quū sint ad omne opus bonum reprobi. Ab horum confortio me subducā sedulò, ne fidem otiosam mortuamq;ue

2. Cor. 6.

1. Pet. 1

1. Pet. 3.

Luc. 6.

Luc. 12.

2. Pet. 1.

Tit. 1.

Iacob. 2.

Ioan. 12.

coniecter, illisq; conformer, de quibus Ioannes Euangelista testatur: *Ex principibus multi crediderunt in illum, sed propter Phariseos non confitebantur, ut è Synagoga non eycerentur. Dilexerunt enim gloriam hominum magis quàm gloriam Dei.*

## DE PRECIBVS CVM HOC EVANGELIO CONIUNGENDIS.

Rom. 13.

**P**RECANDVS est mihi Deus, et cum Catholico clero & populo sacrum tempus Aduentus feliciter ordiar, illudq; iuxta Ecclesie institutum cum fructu transigam. Hora enim est iam nos (qualescunq; demùm sumus) surgere. Nox præcessit; dies autem appropinquauit, prout Apostolus Doctor gentium per omnes clamat Ecclesias.

Galat. 5.

DEINDE rogabo Dominum, ut ad sanctificandum hoc tempus passim abijciantur & supprimantur opera tenebrarum, quæ & carnis opera Paulo dicuntur, & Dei regnum excludunt, sicuti commestationes, ebrietates, lasciuie, impudicitie, contentiones, emulationes, rixæ & scelerata. Nam & vetus Ecclesia disciplina exigit, ut ad vanitatem, luxum & ventrem spectantia, sicuti nuptie, choreæ, voluptates, ludicra, vanaq; spectacula, ex quibus multorum malorum seges proficiscitur, hoc tempore intermittantur. Pro his autem penitentiae & charitatis opera tanquam arma lucis exproffesso à Dei filijs assumuntur, perinde ac si preceptum illud Apostolicum recens inculcetur: Probate quid sit beneplacitum Deo: & nolite cõmunicare operibus infructuosis tenebrarum, magis autem redarguite. Quæ noua Ecclesie purificatio per Christi præcursores Baptistam olim adumbrata, Christianos ordines omnes ad puriorem vitam excitat & impellit, nimirum ut ineffabilem aduentus Domini fructum & diuinis Christi virtutes facilius participemus, quin etiam Christum ipsum institutæ stolam induamus. Hic autem Christus ipsum institutæ stolam induamus, prout Ambrosius docet, qui se ab omni errore & turpitudine separauerit, ne in conuiuiis nuptiarum sine veste eius inuentus, & turpiter abiectus tenebris mancipetur.]

Ephes. 5.

Luc. 3.

In cap. 13. ad

Roman.

Matt. 22.

ORABO,

ORABO insuper pro cunctis infidelibus, quibus vera mundi lux Christus nondū diluxit, & pro Ecclesia Catholica aduersus in petram ipsam Christum impingentibus, maximē quod aeri temporis huius, & venerandæ antiquitatis, diuinig cultus propter Christum in templis instituti rationem omnem superbe contemnunt: tantum abest, ut ordinis & politie religionisq; cura & disciplina tangantur. Ac tantō magis ego me ad hoc pium Ecclesia institutum applicabo, nouumq; mihi studium indicam orandi, meditandi, legendi, aliaq; salutis meae viciniora sectādi, perinde ac si ad me propriè spectaret illud: Surge qui dormis, & exurge à mortuis: & illuminabit te Christus. Videte fratres, quomodo cautē ambuletis. Participes Christi effecti sumus, si tamen in istum substantia eius vsq; ad finem firmum retineamus. Proinde non modò detestandum incredulitatis & peccati somnum, sed & quemlibet reprehensibilem ignorantia, negligentia ac inertia torporem mihi prohiberi, maioremq; solutio spiritalis discipline distractionem à me flagitari putabo, veluti Salomonem ipsam subinde increpantē audiam: Vsq; quo piger dormis? vsq; quo de somno confurges? Parum inquam, dormies, modicum dormitabis. Hodie si vocem eius (Christi) audieritis, nolite obdurare corda vestra, sicut Apostolus ea verba interpretatur.

Prætermisiss autem Aduentus nostri concionatoribus, qui apud veteres multi & præclari extiterunt, illustrem doctorem Augustinum duntaxat attingā. Is ante mille annos de huius temporis ratione disseruit, & inter alia sub finem concionis ita suos instituit auditores: Hoc admonuimus fratres, ut quia natalis Domini imminet, tanquā ad nuptiale & cœleste conuiuium, ab omni luxuria alieni, & bonis operibus adornati, nos per Christi adiutorium præparemus, elemosynas pauperibus erogemus, iracundiam vel odium, velut venenū, de cordibus nostris respuamus. Castitatem fideliter conseruate, ad conuiuia vestra frequenter pauperes reuocate, ad vigilias maturius surgite, in Ecclesia stantes aut orate aut psallite: verba otiosa aut secularia


Ephes. 5.  
Heb. 3.

Prou. 24.

Psal. 94.  
Heb. 3.

Serm. 2. de  
tempore.

nec ipsi proferte, & eos qui proferre volunt castigate. Pacem cum omnibus custodite, & quos discordes agnoscitis, ad concordiam reuocate. Hęc si fideliter Christo adiuuante volueritis implere, & in hoc sæculo ad altare Domini cū securā conscientia poteritis accedere, & in futuro ad æternā beatitudinem fœliciter peruenire.] Atq; ita quidem veteres de Aduentu, cuius & Chrysostomus meminit, sunt philosophati, vt ex illo quasi parasceuen facerent ad natalem Domini, sacramq; synaxin dignè ab omnibus excipiendam. Huc & crebræ conciones instituebantur, & varia pietatis exercitia, simul & fraternæ charitatis opera populo commendabantur.



## DOMINICA II.

### ADVENTVS.

#### *Sequentis Euangelij Argumentum,*

**T**RISTISSIMA signa huius mundi finem Christi que ad iudicium extremum aduentum proximè antecessura, hoc loco describuntur. Horribiles mutationes tunc fiunt in cœlestibus simul & terrestribus creaturis, vt hinc mali omnes timore maximo concutiantur, simulque propter imminentes perpetuæ damnationis pœnas grauissime discrucientur. Nunquam id verius clucebit quod sanctus Propheta fore prædixit: Peccator videbit & irascetur, dentibus suis fremet & rabeſcet: desiderium peccatorum peribit.] Præterea in hoc Euangelio habent boni & electi mirificam consolationem, quandoquidem futura mundi consummatio, & extremi iudicii dies incommensurabilis

Psalm.

creabit



creabit gaudium, ac nouam pariet felicitatem. Cùm enim victorum ac mortuorum iudex Christus, vt orbem totum iudicer, in sede maiestatis suæ sederit, iusti perfectam animi & corporis liberationem assequentur, ac iudicem ad eò sibi propitium sentient, vt ab eo ceu benedicti Patris ad æternum Dei regnum possidendum suauiter inuidentur, perpetuoque cooptentur. Nam in singulis electis illam sententiam compleri necesse est: Beatus vir qui sustinet tentationem; quoniam cum probatus fuerit, accipiet coronam vitæ, quam repromisit Deus diligentibus se. Vnus igitur & idem est diuini iudicij dies, qui damnandis terrorem ac luctum acerbissimum, electis autem consolationem & gloriam vberissimam adferet, omnibus interim creaturis sanctorum libertatem quodammodo suspirantibus, sanctisq; ipsis ad supernam illam filiorum Dei gloriam maxime aspirantibus, sicut Paulus ipse testatur. Atque hinc demùm referri potest, quod Iustinus & Hippolytus Martyres comprobant, Christi Domini aduentum in sacris litteris duplicem commemorari, priorem quidem secundum carnem, qui abiectus fuit, eò quòd ille humilis coram mundo apparuit: posteriorem verò ad extremum illud iudicium verè gloriosum & splendidum, quando veniet idem è cœlis cum potentia, cum Angelis, & gloria Patris. Proinde sicut præcedens Dominica priorem illum aduentum nobis cõmendauit, & per Zachariam Prophetam in Euangelio propositum comprobauit: ita præsens Dominica de posteriore aduentu nos admonet, quem Christi verba in Euangelio sequenti aperte commonstrant. Eoque magis probandum est Ecclesiæ institutum, quæ de illo priore nunc sæpè cantat ex Isaia: Ecce virgo concipiet & pariet filium, & vocabitur nomen eius Emmanuel: de hoc autem posteriore aduentu subinde repetit Zachariæ vaticiniũ, Ecce Dominus veniet, & omne sancti eris cum eo, & erit in die illa lux magna. Hic locendi ordo admonet, vt aduentum vtrumq; nobis meditandum suscipiamus, neque solum in fide, verum etiam in timore Christi hoc tempore confirmemur.

Matth. 25.

Iacob. 1.

Rom. 8.  
Apolog. 2.  
Oration. de  
cõsummat.  
mundi.

Zach. 9.  
Matth. 21.

Ioan. 7.

Zach. 14.



## EVANGELIVM EIVSDEM

Dominicæ. Luca. XXI.

**I** N illo tempore, dixit IESVS discipulis suis: Erunt signa in Sole, & Luna & Stellis, & in terris pressura Gentium præ cōfusione sonitus maris & fluctuum, arescentibus hominibus præ timore & expectatione quæ superuenient uniuerso orbi, nam virtutes cælorum movebuntur: Et tunc videbunt filium hominis venientem in nube cum potestate magna & maiestate. His autem fieri incipientibus, respicite & leuate capita vestra: quoniam appropinquat redemptio vestra. Et dixit illis similitudinem, Videte ficulneam & omnes arbores: cum producunt iam ex se fructum, scitis quoniam propè est regnum Dei. Amen dico vobis, quia non præteribit generatio hæc, donec omnia fiant. Cælum & terra transibunt: verba autem mea non transibunt.

¶ 50



NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Erunt signa in Sole & Luna & Stellis, &  
in terris pressura gentium.*



Non modo Christi Domini gratiam & misericordiam mihi promissam lætus amplectar, sed & iustitiam tanti iudicis in Evangelicis litteris propositam reformidabo. Idem enim Christus uti ad se conuersus est perbenignus, amplissima pollicetur & offert, ita ingratis ac sine timore peccantibus iratum se, ac in puniendo valde seuerum exhibet. Quid illo dicto lenius ac blandius: Venite ad me omnes qui laboratis & onerati estis, & ego reficiam vos? Quid rursus illo seuerius? *Va mundo à scandalo.* Necessè est enim ut veniant scandala: *veruntamen vobis in istis per quem scandalum venit, Ingentem præbet consolationem atque fiduciam: Si quid petieritis Patrem in nomine meo, dabit vobis: Petite & accipietis.* Sed rursus terrificum illud haberi debet: *Qui dixerit fratri suo fatue, reus erit gehenna ignis. Ex verbis tuis iustificaberis, & ex verbis tuis condemnaberis.* Delectat planè suavis illa promissio: *Iugum meum suauè est, & onus meum leue. Omne quod venit ad me non eijciam foras.* Sed rursus iure pios absterret, cum audiunt: *Omne cui multum datum est, multum quæretur ab eo: & cui commendauerunt multum, plus petent ab eo: Reddet unicuique secundum opera eius.* Quare mihi satis non erit, in Christum gratiæ plenum, qui humiliter in hunc modum venerit, nosterque propitiator esse ac saluare omnes cupiat credere: sed præterea fidem meam circa secundum eius

Matth. 11.

Matth. 18.

Ioan. 16.

Matth. 5.

Matth. 12.

Matth. 11.

Ioan. 6.

Luc 11.

Matth. 16.

Matt. 24.

&amp; 25.

Luc. 12. &amp; 16

Ioan. 5.

Marc. 33.

Luc. 31.

Isai. 13.

Ioël. 3.

Isai. 13.

Matth. 24.

Ioël. 1.

aduentum, quo potenter & in maiestate veniet, totiq; orbi terrorem ingentem adferet, & secundum opera sua quemlibet iudicabit, etiam atque etiam exercebo. De quo posteriore aduentu Christus ipse nunc & sæpè aliàs dislerit, ut pote verax Propheta, qui de signis terrificis sub mundi finem, suumque iudicium apparituris, & cum iudicio ipso coniunctis sic vaticinatur, ut cuncti audientes, maleque sibi conscij, merito extimescant. Etenim Sol & Luna (præcipua mundi lumina) cum planetis, stellis, alijsque mundi signis mirabiliter obcuratis terrorem maximum ingerent. Aër corruptus pestes & morbos grauissimos passim excitabit. In mari & fluminibus insolite tempestates & inundationes mortales plurimos perdent. Terræmotus crebri & vehementes, domos, arces, turres & ciuitates enercent innumerabiles. Cælum & terra terribili fragore resonabunt, elementa demum cum creaturis omnibus tam horridum aspectum induent, tantumq; luctum quantum antea nunquã, cunctis excitabunt mortalibus, ut à Propheta verè dicatur: *Ecce dies Domini venit crudelis & indignationis plenus, & ira furorisq; adponendam terram in insolitudinem, & peccatores eius conterendos de ea.*

*Tunc videbunt Filium hominis venientem in maiestate.*

SI TOTVS mundus tremet atq; cohorrescet, si virtutes Angelorum commouebuntur, si omnes tribus terræ plangent, si sancti & cum Deo reconciliati sæpè expauescunt, cum illam aduentantis Iudicis maiestatem, extremiq; iudicij seueritatem tantum animo secum reputant: cur ego miser, qui coram eodem tremendo Christi tribunali vel inuitus assillam, omnisque vitæ meæ antea acta rationem exactam reddam, cur inquam, ob huius tremendi iudicij certissimam denunciationem & firmissimam fidem nō totus concutior, ac sæpenumero contremisco? An non Spiritus sanctus per Ioëlem luculenter affirmat: *Magnus dies Do-*

*mini,*

*mini, & terribilis valde: & quis sustinebit eum? Nisi hunc dic-  
em Iob sanctus extimuisse, non utiq; illa sollicitudinis ple-  
na verba prodidisset: Quid faciam, cum surnexerit ad iudi-  
candum Deus? & cum quasi fuerit, quid respondebo illi? Semper  
quasi tumentes super me fluctus timui Deum. Ac rursus alibi:  
 Verebar omnia opera mea, sciens quod non parceres delinquen-  
ti. Nec dubitat Hieronymus de seipso testari: Ego cunctis  
peccatorum sordibus inquinatus diebus ac noctibus oppre-  
rior, cum tremore reddere nouissimum quadrantem. Scie-  
bat enim Apostolicam sententiam: Terribilis est expectatio  
iudicii, & horrendum incidere in manus dei viventis, qui illu-  
minabit abscondita tenebrarum, & manifestabit consilia cor-  
dium, & reddet unicuique secundum opera eius. Quibus & illud  
consonat: Omnes nos manifestari oportet ante tribunal Chri-  
sti, ut referat unusquisq; propria corporis, prout gessit, sine bo-  
num siue malum. Statimq; subiungit: Scientes ergo timorem  
Domini hominibus suademus. Neque tacet princeps Aposto-  
lorum. Si iustus vix saluabitur, impius & peccator ubi pare-  
bunt? nimirum cum iudex ille scrutabitur Hierusalem in  
lucernis, ipsa q;que hominum iustitias iudicabit. Etenim ut  
nullum bonum irremuneratum, ita & malum nullum im-  
punitum relinqui potest ab eo, qui orbem in æquitate iudi-  
caturus est, ut suum cuiq; vel præmium, vel supplicium per-  
petuum decernat.*

Væ igitur mihi ad voces Propheticas & Apostolicas ob-  
surdescenti, si instar phrenitici, tam multos & irrefutabiles  
huius postremi aduentus præcones ac testes non audiam  
& obseruem. Quid obsecro certius est Orthodoxo, quam  
iustum iusti Dei iudicium imminere, quod nullus queat ef-  
fugere, quodq; in his quæ præsent, durissimum fiat? Quis  
Christianus de illo fidei articulo ab Apostolis tradito sub-  
dubitet, Inde venturus est iudicare viuos & mortuos? Quod  
Ioannes sic etiam clariùs reddidit: Ecce venit cum nubibus,  
& videbit eum omnis populus, & qui cum pupugerit, & plan-  
gent super eum omnes tribus terra. Atque hæc de postremo

iudicio

Iob. 31.

Iob. 9.

In epist. ad  
Florentin.

Heb. 10.

1. Cor. 6.

1. Cor. 5.

1. Pet. 4.

Soph. 1.

Plal. 74.

Matt. 25.

Sap. 6.

Apoc. 1.

firmavit: *Ille servus qui cognovit voluntatem Domini sui, & se non praparanit, & non fecit secundum voluntatem eius, vapulabit multis. Qui autem non cognovit & fecit digna plagis, vapulabit paucis.*

Ego verò ut maiorem & certiore ex fide diuini iudicii fructum capiam, sepe in animum reuocabo, diem illum Christi, ut Paulus vocat, non ita procul abesse, quandoquidem pleraque signa de fine mundi & aduentu Christi, sicut in sacris literis prædicta legimus, bona ex parte se nobis ob oculos offerunt, ipsiisque sensibus percipiuntur. Quæ de re alibi plenius disseremus. Deinde Scriptura ipsa nos ita loquitur: *Tempus propè est. Nouissima hora est. Ecce index ante ianuam adest.* Accedit quod Christus fideles crebrò ac seriò admonet non solum de generali, sed etiam particulari, ut vocant, iudicio expectando, perinde ac si quisque nostrum quotidie ad tribunal Christi iudicis sit euocandus atque sistendus. Vnde à Paulo etiam dictum est: *Vnusquisque onus suum portabit. Vnusquisque nostrum pro se rationem reddet Deo.* Sed & ipsa iudicis Christi vox est: *Si non vigilaueris, veniam ad te tanquam fur, & nescies qua hora veniam ad te.* Quod Christi iudicium tantò mihi debet esse commendatius, quantò dies ac hora illius cuique manet incertior, summa Dei sapientia prouidè nobiscum agente, ut si frugi serui esse velimus, ad heri nostri aduentum excipiendum vigilantiam, precationem, & sobrietatem nunquam non adhibeamus. *Videte, inquit, vigilate & orate, nescitis enim quando tempus est.* Ex quibus omnibus colligam, ad verum ac proprium vsum fidei de Christi iudicio pertinere, ut singularem in me timorem excitem, quoniam is initium est sapientiæ, virtutum retinaculum, & custos beatitudinis, sine quo nec possit homo iustificari. Nam & Christus ipse non frustra mandauit fidelibus: *Timete eum, qui potest & animam & corpus perdere in gehennam,* quemadmodum in ipso extremi iudicii die hanc potestatem publicè coràm omnibus mortalibus declarabit. Ad-

Ioan. 21.

Phil. 1. &amp; 2.

Apoc. 1.

Ioan. 2.

Jacob. 3.

Matth. 24.

Marc. 13.

Luc. 12.

Galar. 6.

Rom. 14.

Apoc. 3.

Luc. 12.

Marc. 13.

Prou. 1.

Eccles. 1.

Matt. 10.

Matt. 25.



Pfal. 118.

hæc familiaris erit mihi huius iudicii meditatio, vt cum Psalmographo dicere possim: *Confige timore tuo carnes meas, à iudicijs enim tuis timui.* Indiget enim vetus homo tali pedagogo, qui illum à mundi curis, carnisque voluptatibus vel nolentem auocet, atq; animum ad Christi aduentum efficiat alacriorem ac paratiorem. Vt hinc etiam moneat sapiens: *In omnibus operibus tuis memorare nouissima tua, & in æternum non peccabis.* Sicut & Ecclesiastes grauissimè dixit: *Deum time, & mandata eius observa, hoc est enim omnis homo.*

Ecclef. 7.

Ecclef. 12.

*Leuate capita vestra, quoniam appropinquat redemptio vestra.*

Pfal. 72.

Marth. 24.

2. Tim. 4.

Apoc. 2.

QVAM bonus Deus Israël his qui recto sunt corde? quàm beati sunt serui, quos dies ille Domini reperiet vigilantes? quàm se Christus benignum, liberalem ac latum ostendet electis, qui vnà cum Paulo certamen bonum in hoc certant stadio, & in omni vocatione fidem integram seruant? His enim promissam iustitiæ coronam donat, quam iustus ipse index & agonothesia suis probatis militibus, & aduentum ipsius diligenter in illa die cumulatissimè reddet: Sic enim spopondit qui mentiri nō potest, nec fallere: *Esse fidelis vsq; ad mortem: & dabo tibi coronam vitæ.* Perinde ac si dicat, Deleui quod commisisti, serua quod præcepi, vt habeas quod promisi. Erro alloquin turpiter ac perniciosè, si cum sectarijs nouis vanisq; Iudeis promissiones & præcepta Dei separo, & eas nudè apprehendo, nec obseruo cōditiones annexas, quemadmodum de agenda poenitentiæ, de obedientia, charitate, patientia exercitanda. Scriptum est enim: *Pœnitentiam agite: appropinquabit enim regnum calorum. Si vis ad vitam ingredi, serua mandata. Hoc fac' & viues. Qui non accipit crucem suam, & sequitur me: non est me dignus. Qui facit iustitiam, iustus est. Qui non diligit, manet in morte.* Proinde quod regius Propheta cantauit, nos etiam Christo

Marth. 4.

Matt. 19.

Luc. 10.

Matth. 10.

1. Ioan. 3.

largiri possumus & debemus: *Cum sancto sanctus eris, & cum viro innocente innocens eris, & cum electo electus eris, & cum peruerso peruerteris* Piorum autem & iulorum, quos Christus coronabit, proprium est, in carne sine carne viuere, & calcatis terrenis amare coelestia, neq; sicut pecudes solent, humi repere, ac sensum oblectamenta sectari, sed leuare capita, sursum erectos tenere animos, & in coelis quodammodo habitare, dum ad promissa illa cœli gaudia & æternæ patriæ præmia cum Apostolis prorsus aspirant. Hinc illa vox Christum ducem in via crucis insequentium: *Nōstra conuersatio in cælis est: unde etiam Saluatorem expectamus Dominum nostrum Iesum Christum, qui reformabit corpus humilitatis nostræ, configuratū corpori claritatis suæ.* Cum autem is apparuerit, quantumuis electi hîc abiecti videantur, ac pauperes uiuant & inglorij, tamen similes erunt Capiti, & ubi est Dominus, illie & ministri manebunt, habituri, vt Petrus asserit, hæreditatem incorruptibilem & incontaminatam, & immarcescibilem, atque in cœlis conseruatam. *Si enim filij & hæredes, hæredes quidem Dei, cohæredes autem Christi, si tamen compatimur, vt & glorificemur, & si non secundum carnem, sed secundum spiritum ambulemus,* vt Paulinus verbis utamur. Quid autem optabilius atque iucundius obsecro, quàm Christum sic sibi deuinctum habere, vt sic idem nobis amplissimus benefactorum remunerator, & simul in anima & corpore, saluator perfectissimus, immò & Deus omnia in omnibus. *Ego, inquit, protector tuus sum, & merces tua magna nimis.* Hæc illa spes est & sacra fiducia anchora, quæ non confundit electos, nec solum in laborando eos alacres, sed etiam in cruce & morte ipsa securos ac lætos reddit. Norunt enim, quàm verè dictum sit illud: *Oculus non vidit Deus absque te, quæ preparasti expectantibus te,* quodque ab Apostolo traditur: *Non sunt condignæ passionēs huius temporis ad futuram gloriam, quæ reuelabitur in nobis.* Cur igitur ego cum viro, qui secundum cor Dei erat, & sicut oliua florebat in domo Domini, non fre-

Psal. 17.

Phil. 3.

1. Ioan. 3.

Ibidem.

Ioan. 12.

1. Pet. 1.

Rom. 8.

1. Cor. 15.

Gen. 15.

Heb. 6.

Rom. 5.

Isai. 64.

1. Cor. 2.

Rom. 8.

Pfal. 41. 16.  
118.

1. Ioan. 2.

In epist. 2.

quenter & ex animo dico: *Situiuit anima mea ad Deum fontem viuum: quando veniam & apparebo ante faciem Dei? Ego in iustitia apparebo conspectui tuo: satiabor cum apparuerit gloria tua. Heu mihi, quia incolatus meus prolongatus est.* Ioanne Apostolo dignum est sanè præceptum, quod ego menti meæ semper infixum geram. *Sicut docuit vos (Christus) manete in eo: Et hunc filioli manete in eo: Et cum apparuerit, habeamus fiduciam, & non confundamur ab eo in aduentu eius.* Nec dissimilis est eiusdem communitio alibi tradita: *Ecce prædixi vobis ut in die Domini non confundamini.*

## DE PRECIBVS CVM HOC EVANGELIO CONIUNGENDIS.

Pfal. 142.

Soph. 1.

1. Pet. 4.

**P**RECABOR Christum, viuorum ac mortuorum iudicem, ut mihi tum ex mortali vita migranti, tum in extremo die resurgenti propitius esse dignetur. Quare cum Propheta regio sæpè dicam: Ne intres in iudicium cum seruo tuo. Sed & cum tota Ecclesia precabor: *Libera me Domine de morte aeterna in die illa tremenda, quando cali mouendi sunt & terra, dum ueneris iudicare seculum per ignem.* Ille enim dies est, quem Sophonias Propheta sic descripsit, ut sit dies ira, dies tribulationis & angustie, dies calamitatis & miserie, in qua fortes etiam affligantur, vig, iuxta Petrum iusti agrè saluentur.

ROGABO insuper DEVM immortalem pro plerisque mundi filiis & Epicureis (proh dolor) ita uiuentibus, ac si nulla diuini iudicii futuraq, vita & gehennæ perpetua cura commoueantur. Tantum abest, ut parati esse possint ad tremendum Christi iudicium siue particulare, siue generale subeundum. Rogabo igitur, ut sine omni timore peccātes, & in statu damnationis uiuentes, ad suorum nouissimorum memoriam reuocentur, & si non amore, saltem timore ad offensum Deum conuertantur, verosq, de peccatis commissis penitentiae fructus in Ecclesia præsent.

AD HÆC peram arduentes pœnitentia concionatores nobis à Deo dari, qui duros peccatorum animos concutiant, cōfessari diuini iudicij metu ac terrore vuluerent. Nam & Paulus Apostolus de futuro iudicio ita disseruit, ut Felix præses Ethnicus audito illo fuerit tremefactus, & Iona Propheta concio tantum apud Niniuitas effecit, ut ex timore illi ad pœnitentiam conuerterentur. Vnde rogat etiam Propheta Dominum: In chamo & freno maxillas eorum constringe, qui non approximant ad te. Nam qui sine timore est, Sapiente teste, non poterit iustificari.

Act. 24.

Ioan. 3.

Psal. 31.

Eccles. 1.

QUONIAM verò non modò præsens Euangelium, sed scriptura etiam omnis de postremi iudicij die loquitur, ut qui benè beateq; viuere cupiunt, frequentem eius memoriam in animo seruent, valdè mihi commendatum habebò dictum Sapientis: *In die bonorum ne immemor sis malorum, & in die malorum ne immemor sis bonorum.* Deinde quod Basilius Magnus notauit, etiam atq; etiam rememorabo, ut qui Prophetica sententiam tractans: *Venite filij audite me: timorem Domini docebo vos:* de iudicio extremo grauitè ita concionatur: Cùm te appetitus inuaserit peccandi, velim cogites horribile illud & intolerabile Christi tribunal, in quo præsidebit index in alto & excelsò throno: astant autem omnis creatura ad gloriosum illius conspectum, contremiscens. Adducendi etiam nos sumus singuli, eorum quæ in vita gesserimus, rationè reddituri. Mox illis qui multa mala in vita perpetrârunt, terribiles quidam & deformes assistant Angeli, igneos vultus præ se ferentes, atque ignem spirantes, ea re propositi & voluntatis acerbitaltem ostendentes, nocti vultu similes propter mœrorem & odium in humanū genus. Adhæc cogites profundum barathrum, inextricabiles tenebras, & ignem carentem splendore, vrendi quidem vim habentem, sed priuatum lumine: deinde vermium genus venenum immittens, ac carnè vorans, inexplèbiliter edens, neque vnquam saturitatem sentiens, intolerabiles dolores corrosione ipsa infigens. Po-

Eccles. 11.

Psal. 33. &amp;

ibidem Basilius.

stremò quod suppliciorum omnium grauiſſimum eſt, opprobrium illud & conſuſionem ſempiternam. Hęc time, & hoc timore inſtructus, animam à peccatorum cõcupiſcentia tanquam freno quodam reprime. Sic ille Baſilius.



# DOMINICA III.

## ADVENTVS.

### *Sequentis Euangelij Argumentum,*

Luc. 7.

Hom. 2. in  
Matth.

**I**OANNES Baptiſta in Herodiano carcere conſuſus, duos diſcipulos ad Chriſtum Iudeis concionantem ablegat, qui de vero Meſſia pereunẽtentur. His ita reſpondet Chriſtus, vt præſentibus miraculis, quæ tunc palàm patrabat, ſe Meſſiam ipſum eſſe non obſcurè declararet. Deinde coram turba Iudæorum qui aderant, eundem Ioannem eximie laudat, vt pote ab officio, conſtantia & veſtitus aſtinitate. Hęc ſumma eſt ſequentis Euangelij, quod Adventui quidem noſtro pulchrè quadrat. Nam ille nobis proponitur, in doctrina & vita conſiderandus, qui ſanctos vates omnes eiſdem Adventus nuncios præcelluit, ſanctus etiam priuſquam natus, quique Meſſiæ aduentum in carnem & ad iudicium luculentius, quàm quiſquam alius, commendauit & vſit, ſuum vt honorem Domino Ieſu vnico Redemptori ac orbis iudici clariffimè aſſereret atque vindicaret. Prudenter autem Chryſoſtomus monet, quæ de cauſa Ioannes hoc loco diſcipulos mittat, Chriſtumque Dominum conſuli cupiat. Ioannes ait, in carcere ſciens, ſe iam in exitu conſtitutum, volebat diſcipulos ſuos Chriſto adiungere, tanquàm ſi prouidus pater moriens filios ſuos

conſignet

confignet fideli tutori. Desiderabat enim viuens plenam fidem videre discipulorum, eosque in Christo perfectos, vt iucundius moreretur. Et sicut Ioannes in prima quidem facie per discipulos suos interrogabat Christum: Tu es qui venturus es, an alium expectamus? sic & Christus in prima quidem facie renunciabat dicens: Ite, & dicite Ioanni, &c. reuera autem ad discipulos eius loquebatur. Augustinus sensum hîc mysticum sequitur, vt Ioannes, qui discipulos mittit ad Christum, typum gerat, veteris legis, velut conclusæ carcere quodam ignorantia, & indigentis vera luce doctrina, gratiaque Christi. Præmittitur ergo inquit, lucerna ante solem, seruus ante Dominum, amicus ante sp̄sum, præco ante iudicem, vox ante Verbum. Et ideo de seipso dicit. Ego vox clamantis in deserto, quia verbi annunciator & prædicator erat.] Ex Christi quidem verbis hoc loco recitatis, quibus Iudæi & increduli omnes haud parum erudiuntur, idem Ioannes tum propter meritam vitæ, tum ob doctrinæ officium ingentem habet commendationem, ac Prophetis antefertur. Idem à Chrysologo non temerè dicitur schola virtutum, magister vitæ, sanctitatis forma, norma iustitiæ, virginitatis speculū, castitatis exemplum, pœnitentiæ via, fidei disciplina, maior homine, par Angelis, silentium Prophetarum, lucerna mundi, Domini testis, ac præcursor Christi iudicis.

Serm. i. in  
vigil. S. Io-  
annis Ba-  
ptistæ.

Ioan. i.

Serm. 127.

EVANGELIUM EIVSDEM

Dominicæ. Matth. x i.

**Q**UAM audisset Ioannes in vinculis o-  
pera Christi, mittens duos de discipu-  
lis suis: ait illi: Tu es qui venturus es,  
an alium expectamus? Et respondens Iesus ait



illis, Euntes renunciate Joanni quæ audistis & vidistis: Cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur: & beatus est qui non fuerit scandalizatus in me. Illis autem abeuntibus cœpit Iesus dicere ad turbas de Ioanne: Quid existis in desertum videre? arundinem vento agitatam? sed quid existis videre? hominem mollibus vestitum? Ecce qui mollibus vestiuntur, in domibus Regum sunt. Sed quid existis videre? Prophetam? Etiam dico vobis & plus quàm Prophetam. Hic est enim de quo scriptum est: Ecce ego mitto Angelum meum ante faciem tuam, qui preparabit viam tuam ante te.

---

NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Cum audisset Ioannes in vinculis opera  
Christi, mittit duos de discipulis suis.  
De Ioannis eiusdem vinculis.*

**M**AGNVS reuera Ioannes, & omni exceptione maior, quem non modò Malachias Propheta, sed & Malach. 3. Christus ipse publicè multisque modis commendauit. Est ille verè lucerna ardens & lucens, Propheta & Ioan. 5. plus quàm Propheta: est missus à Deo Angelus, quo maior Matt. 11. vel sanctior inter natos mulierum nemo surrexit: est de quo idem Dominus luculenter asseruit: *A diebus Ioannis Baptiste vsq; nunc regnum cælorum vim patitur, & violenti rapiunt illud. Omnes enim Prophete & lex vsq; ad Ioannem prophetauerunt.* Rectè igitur Tertullianus eundem Ioannem inter vetera & noua limitem quēdam, Gregorius autem Nazianzenus veterum nouorumq; medium sine mediatorem constitutum appellat. Eoq; mihi magis vsui erit præsens Euangelium, quod iterum de sacro aduentus instituto admonet, quando non modò dictum Ioannem huius aduentus clarissimum testem, sed etiam eius discipulos de hoc aduentu dubitantes, in medium profert. Nec minus obscuritatis atque caliginis in plurimis Iudæis hærebat, qui sub Ioanne neque Christum verum Messiam, neque salutare eius aduentum fide firma percipiebant, vt idcirco illorum nomine haud iniuria Christus interrogetur: *Tu es qui venturus es, an aliam expectamus?* qui nempe sit promissum Abrahamæ semen, in quo gentes omnes benedicentur, inclytusque Rex & filius Dauid, quem nostri maiores ad restituendum Israël tot seculis expectârunt.

HÆC mihi causam suggerent, vt ex animo gratias agam clementissimo Deo, qui suos Prophetas inde ab initio ad Ioannem Baptistam vsque, sicut illustrissimum, ita postremum etiam testes misit, eosq; venturi Messie fidos esse prænuncios voluit. *Non enim faciet Dominus Deus verbū, si vati Amos credimus: nisi reuelauerit secretum suum ad seruos suos Prophetas,* per quos nunquam nō populum suum fideliter erudiuit. Deinde illorum in Ecclesia Doctorem dolebo vicem, qui perinde ac Ioannes, quantumuis in Domini messe accuratè laborent, suumque officium strennè obeant.

Isai. 53.  
Ioan. 12.

Ioan. 1.

Ioan. 1.

Luc. 1.

Matt. 3.  
Marc. 1.

Ioan. 3.

tamen parum proficiunt apud auditores. Ex horum ergo persona verissimè dicitur: *Domine quis credidit auditui nostro? & brachium Domini cui revelatum est?* Vnde cum Ioannes Euangelista de Christi tractaret aduentu, summamque hominum ingratitudinem innuere vellet: *In mundo erat, inquit, & mundus per ipsum factus est, & mundus eum non cognouit. In propria venit, & sui eum non receperunt.* Adhuc alijs veræ lucis filijs, qui cum fide Christum receperunt, ex animo gratulabor, quod hominem à Deo missum Ioannem, ac illius nuntiatum de lumine Christo testimonium sint libenter amplexi, seque totos Agno Dei tradiderint, qui tollit peccata mundi, & aduentu suo complet omnia. Nec fuit ferè quisquam, in quo tanta fidei lux, tantumque desiderium huius aduentus, quantum in eodem Ioanne, primum appareret. Hic etenim nondum in lucem editus, & materno Elizabethæ utero conclusus, non modo Messia ac Domini sui in Virgine concepti præsentem cognouit aduentum, sed etiam iam tum præ gaudio subsiliit, atque in illius occursum prodire gestiuit, ut quod voce non poterat, nouo sensu & ineffabili gaudio demonstraret. Idem velut terrestris Angelus à Deo delectus, & in sua eremo vasta mirabiliter cōstitutus, vocem clarissimam ac efficacissimam edidit, qua cunctos non omninò surdos ad Christi Regis cognoscendum aduentum excitare, primusque regnum cœlorum poenitentibus promittere non dubitauit.

Proinde meum esse munus ducam, ut hunc Ioannem nunquam satis laudatum Prophetam, ac velut incomparabilem doctorem aduentus latus admittam, & sicut lectissimum diuini spiritus organum excipiam reuerenter, meq; probatoribus eius discipulis diligenter adiungam. Habet enim Ioannes non paucos imbecilles, tardos, morosos atque difficiles discipulos ac auditores, quibus nō ad eò fidei placeat simplicitas, quàm contendendi ac disceptandi libido arrideat. *Rabbi, inquit, qui erat tecum trans Iordanem,*

*cultu testimonium pertulisti, ecce hic baptizat, & omnes ve-*  
*niunt ad eum.* Nec erant illis dissimiles Iudæi, ad hæsitan-

dum quàm ad credendum vsq; procliuiores, vt hinc Chri-  
 stum circumdantes dicerent: *Quousq; animam nostram tol-* Ioan. 10.  
*lis? si tu es Christus, dic nobis palam.* At verò mihi curan-

dum est, vt in rebus fidei carnis mundi quæ iudicio locum  
 nullum concedam, sed in obsequium Christi intellectum 2. Cor. 10.  
 omnem veluti captiuum redigam, & in suscepta quidem fi-  
 de persistam immobilis. Expectent ac somnient, quam diu  
 velint, suum Christum Iudæi, ad eò quidem dementes ac  
 stolidi, vt pro Messia ferè arripiant, quicquid inter Prophe-  
 tas vel Heroes vident excellere, ac maiestatem aliquam  
 præ se ferre. Vnus Ioannes Baptista mihi pluris erit, quàm  
 ingens & incredula Iudæorum caterua, cùm sciam illum  
 amplissimis diuini Spiritus dotibus, & certissima vitæ sán-  
 ctimonia, simulq; irrefutabili scriptorùm maximorum te-  
 stimonio nobis commendari. Cum hoc ipso magistro  
 coniungam discipulum, eumque spectatissimum Andre-  
 am, qui antea in schola Ioannis versatus, Christo Domino Ioan. 1.  
 se totum addixit, nec solum Simoni germano fratri, sed &  
 nobis omnibus hoc nunquam abolendum testimonium  
 tradidit: *Inuenimus Messiam, quod est interpretatum* Ioan. 1.  
*Christus.*

IAM verò quod ad Ioannis vincula pertinet, mirabor  
 vetus ac detestandum mundi ingenium, qui sui semper si-  
 milis, in optimos quosque grassatur, illosque immani odio  
 persequitur. Quid inter natos mulierum quæso inculpa-  
 tius? quid modestius, castius, religiosius, constantius? quid  
 in spiritu ardentius, in victu abstinentius, in cultu corporis  
 ac pœnitentia seuerius, in Doctorum ordine ne magis vulgo  
 celebratum? Fuit enim ille semper, sicut prædixerat Ange-  
 lus, coram Domino magnus, & Spiritu sáncto repletus ex  
 vtero matris. Contemnit tamen illum ingens turba ho-  
 minum, & audet publicè calumniari, Dæmonium habet.  
 Accedit & Herodes rex, aut tyrannus potius, præclare qui-  
 dem

Luc. 1.

Matt. 11.

Marc. 6.

Matth. 14.

dem

Isai. 57.  
Psal. 33.  
Sapient. 3.

2. Tim. 3.

Ecclef. 34.

Matth. 5.

1. Tim. 5.

Ecclef. 4.  
Prouer. 28.  
& 12.

Iacob. 1.

dem de illo sentiens, sed iustitiam eius reprehensionem non sustinens, atque ideo illum in tetræ carcerem coniecit, & sanctum Prophetæ docentis officium planè suppressit. Quid quod incesta pellex Herodias extremam illi necem meditatur, & filiam subornat meretriculam, quæ ut dignum lasciuia sua præmium ferat, haud potest nisi præciso Ioannis Baptista capite, crudelem explere libidinem? Ergone hoc summi Dei iudicium cum admiratione cogit? quandoquidem ut Prophetæ dixit: *Iustus perit, & non est qui recogitet in corde suo.* Fuerunt & sunt, eruntque semper multæ tribulationes iustorum, quos velut aurum in igne probari, & vrendo magis magisque splendescere necesse est. *Omnes enim qui pie volunt viuere in Christo, persecutionem patientur,* Apostolo teste. Quocirca hoc ego Ioannis exemplo inciratus, meam in cruce patientiam confirmabo. *Qui enim non est tentatus quid scit?* simulque sanctum iustitiæ zelum illo duce induam, qui magnatum iras, obscurum carcerem, dura vincula, funestamque mortem tuendæ veritatis studio alacriter sustinet, seque beatum arbitratur, quoniam propter iustitiam ab impijs indignè crudeliterque tractatur, quando publicum Regis adulterium publicè corrigit, reipsa declarans quod à Paulo præceptum est Ecclesiastæ. *Peccantem coram omnibus argue, ut & ceteri timorem habeant.* Est enim hoc iusti officium planè proprium, sicut sapiens docuit, usque ad mortem pro iustitia certare, qui & Salomonic teste, *quasi Leo confidens absque terrore erit, & non contristabit illum, quicquid ei acciderit.* Merito igitur me pudeat, quod Ioannis innocentiam ac patientiam mihi magis non habeam familiarem, & illam beatitudinem verè non expetam, de qua scriptum est: *Beatus vir qui sustinet tentationem: quoniam cum probatus fuerit, accipiet coronam uitæ, quam Deus promissis diligentibus se.*

*Cæci vidēt, claudi ambulāt, leprosi mundātur:  
De Ioannis discipulis.*

ME AM confirmabo fidem in Christum Dominum, qui suum aduentum certis & irrefutabilibus indicijs, sicut Isaias prædixerat, liquidò comprobauit. Eidem ex animo gratias agam de tot tantisq; miraculis palàm editis ad suam doctrinam Euangelicam orbi adstruendam, vtpote qui, vt illi aiebant, vir potens erat in opere & sermone coram Deo & omni populo. His miraculis commotus Nicodemus apertè Christo fatetur, omnesq; sapientes fateri necesse est, *Rabbi scimus quia à Deo venisti magister: nemo enim potest hæc signa facere quæ tu facis, nisi fuerit Deus cum eo.* Væ igitur omnibus, qui aduentum Domini firmissimis testimonijs confirmatum non agnoscunt, & gratiosum hoc diuinæ visitationis tempus, ac annum Domini acceptum gratis animis non amplectuntur. In illos enim Christi oratio competit: *Si mihi non vultis credere, operibus credite.* Sicut & illa: *Si opera non fecissem in eis, quæ nemo alius fecit, peccatum non haberent.* Illud porrò admirabilius, Christum non modò per se, sed post mortem quoque per suos tam stupenda edere miracula toto ferè orbe terrarum. Dedit enim suis discipulis, primisque fidelibus virtutem & potestatem super omnia dæmonia, & vt languores curarent, suisq; miraculis maiora patrarent. Idemq; Christus non solum per sanctos viuos, sed etiam defunctos, eorumq; reliquias miracula multa operari, & infinita orbi conferre beneficia non desinit: sicuti vel inuitis Arianis Græci Latiniq; Patres confitentur, & innumeri homines experiuntur. *Mirabilis enim Deus in sanctis suis,* quemadmodum & in Propheta Eliseo, licet defuncto, sese potentem ostendit. Igitur quæ salus nobis per Christum obligit, eam signis & portentis, variisque virtutibus & Spiritus sancti distributionibus, sicut Paulus ostendit, potenter confirmatam habemus.

Erit mihi quoque cordi, quod Christus hoc loco asserit: Pauperes euangelizantur, & optabo ex animo, in horum pauperum albo recenferi, de quibus alibi traditur: *Beati pauperes spiritu, quoniam ipsorum est regnum cælorum.* Pro-

Isai. 35.

Luc. 24.

Ioan. 3.

Luc. 4.

Ioan. 10.  
& 15.

Matth. 10.

Luc. 9.

Ioan. 14.

Psal. 47.

4. Reg. 13.  
Eccles. 48.

Heb. 2.

Matth. 5.



|           |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                              |
|-----------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Matt. II. | pter hos idem Christus exultat in Spiritu sancto, Deoque Patri latus gratias agit, quandoquidem illis, vti paruulis atque pauperibus, magna reuelantur mysteria, quæ alioquin mundi sapientibus atque prudentibus absconduntur. Vnde apud Lucam & hoc affirmat: <i>Spiritus Domini super me: propter quod unxit me euangelizare pauperibus.</i> Ego verò mihi tantò magis metuum, quantò minus Euangelicæ simplicitatis atque modestiæ domi meæ suppetit, vti hisce medijs diuinagratia & sapientia mihi cōmunicetur. Etenim sicut Salomon astringit, <i>ubi fuerit superbia, ibi erit &amp; contumelia: ubi autem est humilitas, ibi &amp; sapientia. Simplicitas iustorum dirigit eos.</i> Nam & Deus ipse, qui sapientiam præstat paruulis, hoc dilertè promissit: <i>Ad quem respiciam nisi ad pauper-culum &amp; contritum spiritu, &amp; tremementem sermones meos?</i> Ceterùm in Ioannis discipulis, qui cum Christo Domino colloquuntur, illud in primis vitium fugere discam, ne vlli hominum vel magistrorum atq; magnatum me nimis fauentem & addictum præbeam. Vt enim Hieremias affirmat: <i>Maledictus homo qui confidit in homine, &amp; ponit carnem brachium suum, &amp; à Domino recedit cor eius.</i> Et Paulo quidem illi carnales & secundū hominum ambulare dicuntur, qui humanis ducti affectibus, inter se contentiones & æmulationes exercent, atque in hominibus inaniter gloriantur, neque de omnibus sincerè & candidè iudicant, sicut illa Christi requirit sententia: <i>Nelute iudicare secundum faciem, sed iustum iudicium indicate.</i> Quare nulla mihi sit pars cum hisce discipulis in cēsendo tam morosis & iniquis, vti magistrum suum obscurari vereantur, Christi q; gloriam inclarescere doleant, eiusq; verbis & operibus, quibus tunc Euangelium ad Dei gloriam illustrabatur, offendantur magis quam delectentur atq; corrigantur. Digni erāt igitur, quos Christus vnā cum similibus alijs hoc dicto verberaret: <i>Beatus qui nō fuerit scandalizatus in me.</i> Nec solum Iudæi & Capharnaitæ: sed etiam infideles ac hæretici hoc proprium tenent, vt quæ benè dicta, scripta & facta sunt, in suam perni- |
|-----------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

ciem sapè deprauent, vtq; instar araneorum, ex bonis floribus præsens venenum depromant ac augeant. In eo quidem ego maximè laborabo, vt rebus per se bonis ad offensionem atque perniciem nunquam abutar: mala verò in bonum studiosè conuertam, & si possim, arte ac ratione corrigam. Hoc enim summi æternique boni est proprium, pessima etiam in optima conuertere, nihilq; mali permittere, nisi & bona quædam ex illis eliciantur, ac Deum ipsum diligentibus in bonum omnia cooperentur. Monent me prætercà hi discipuli, nullum præbere locum hæsitati atq; tērationi, si qua in fide ac religione suboritur. Etenim quoniam hi nimium sibi sumunt, neque in simplicitate cordis quærunt Dominum, & carnis potiùs quàm spiritus iudicio fidunt, à Christi & Euangelij negotio fiunt magis alieni, vt etiam Apostolis palàm obtrecent. Vnde quantò frequentius ac vehemētiùs de fide hoc æuo certatur, quantoq; plures nouandæ & corrumpendæ fidei studio vacant (mira enim hominum libido est de sacris contendendi) tanto magis ego pectus meum in puritate fidei consolidabo, illudque aduersus omnes nouæ falsæque fidei ventos irruentes præmuniam ac defendam. Nam in scdam illam tempestatem, proh dolor, incidimus, de qua orthodoxum præmonuit Paulus. *Mali homines & seductores proficient in peius, errantes & in errorem mittentes. Tu vero permane in his quæ didicisti & credita sunt tibi, sciens à quo didiceris.* Vnde alibi quoque admonet, receptum fidei ac doctrinæ genus non esse mutandum, & seriò imperat: *Si quis vobis euangelizauerit præter id quod accepistis, anathema sit.* Ac alibi: *Fratres state & tenete traditiones.*

Rom. 8.

Sapien. 1.

Matt. 9.

2. Tim. 3.

Galat. 1.

2. Thess. 2.

*Ecce ego mitto angelum meum ante faciem tuam, qui præparabit viam tuam ante te.*

Rom. 15.

Lnc. 3.

Ioan. 3.

Matth. 3.  
& 7.

Luc. 1.

MAGNOPERE desiderabo, vt Christi Domini ver-  
bis & Euangelistarum testimonijs, quæ ad Ioannem Bap-  
tistam spectant, suum apud me constet pondus, illaque mihi  
fructum adferant salutarem. Nihil enim ambigam pror-  
sus, quin eiusmodi dicta & facta non solum Iudæis, Ma-  
choretis & Ecclesiasticis, verum etiam cuiuscunque ordi-  
nis Christianis vsum multiplicem conferant, iuxta illud:  
*Quæcung, scripta sunt, ad nostram doctrinam scripta sunt.*  
Docet igitur me præclara Ioannis historia, vt meam in Ec-  
clesia vocationem qualemcunque honestam consequar,  
retineam & ornem, atque in ea semper Deo hominibusq;  
probatum esse contendam, nulli grauis, sed amabilis ac vti-  
lis omnibus. Docet in Dei Agnum & Messiam vnicum  
credere, veramque fidem aperte ac fortiter profiteri, nec  
solis Dei promissis, Patrumque meritis fidere, sed & vita &  
obedientia me filium Abrahamæ comprobare. Docet, carnis  
voluptates & communes hominum cupiditates non alere,  
sed reprimere & castigare, ciborum lautitias contemnere,  
victus ac vestitus asperitate gaudere, neque secundum car-  
nem, sed iuxta spiritum ambulare. Docet, virtutis cauere  
iactantiam, & externa specie probitatis non gloriari, sed om-  
nem animi submissionem, vitæque modestiam colere.  
Docet non insultare, sed condolere peccantibus, & alio-  
rum sceleratorum onera ferre, ac si liceat, de illis benè me-  
reri, eorumque salutem procurare, quemadmodum ille  
publicanos, milites ac meretrices ad veram pœnitentiam  
informauit, omnesque dignos pœnitentiæ fructus facere  
monuit diligenter. Docet, non solum in filium Dei cre-  
dere, & credentes habere vitam æternam, sed etiam bonis  
vacare operibus fidei, charitatis, iustitiæ aliarumque virtu-  
tum, vt idcirco dicat, sicut confirmauit & Christus: *Omnis*  
*arbor quæ non facit fructum bonum, excidetur & in ignem*  
*mittetur.* Quid multis? Ioannes inde à materno utero exi-  
miè sanctus & maximis diuini spiritus donis ornatus ita se  
comparauit, vt sicut ab Angelo fuerat prænuntiatum, mul-

torum

torum corda conuerteret, plebemque Domino perfectam pararet, nec ipse minora præstaret, quàm ab alijs omnibus desideraret.

PROINDE multis nominibus habeo ingemiscere, intimeque dolere, quòd à præclara Ioannis doctrina & disciplina, quam ille moribus & exemplis perpetuò exornauit, tam procul absim, vt meritò me vitæ meæ pœniteat ac tœdeat, vtq; Baptistæ discipulus esse vel dici non merear. Vbi quæso frequens oratio, & seuera ieiunatio, qualem ille suos discipulos docuit, & vnà cum illis obseruauit? Scio quis dixerit: *A diebus Ioannis Baptiste regnum cælorum vim patitur, & violenti rapiunt illud.* Sed sanctam hanc vim ipse mihi ac veteri homini non infero, vt Ioannis huius collega, & violentus regni cœlestis inuasor aut prædo videri possim. Nec expendo Hieronymi sententiam: Nisi vim feceris, regnum cælorum nō capies. ] Promissum à Ioanne præmium, quod mihi cum electis Angelis in cœlo contingat expeto: sed annexum pœnitentiæ laborem ac studium, quo seipsum innocens Ioannes afflixit, prorsus defugio ac exhorreo. Vbi præterea non possum hanc nostram ætatem longè corruptissimam, & sceleribus omnibus inquinatissimam nō deplorare, in qua peccandi illecebra maxima impunitas viget, & profanæ, impiæ, diabolicæque voces, vt antea nunquam, passim vulgò sparguntur, nimirum seruum esse hominis arbitrium, fato regi omnia, à Deo non curari opera, confessionem & pœnitentiam nō exigi, sed hominem sola fidè iustificari atque saluari, Dei præcepta seruari non posse, neque secundum illa Christum in extremo iudicio iudicaturum, vt alios id genus pestilentes errores, cum Ioannis nostri doctrina moribusque pugnantes, hîc missos faciam. Demum salutis meæ rectius consultum iri putabo, si Deus meis votis annuat, vt Ioannem aliquem velut fidum impetrem pædagogum, qui me diuini timoris expertem concuriat, me dormientem excitet, nimiumque securum ad benè ac beatè viuendum vrgeat ac impellat. Quod enim Ioan-

Matt. 9.

Matt. 11.

In epistola  
ad Eustochium.



nes olim apud suos discipulos multosq; auditores effecit, idipsum apud me & amicos meos procurari desiderabo, ut animi nostri sale spiritali adpersi, ad gratiam Euangelicam præparentur, nostraque vinea fidi coloni opera posthac sedulo excolatur. //

## DE PRECIBVS CVM HOC EVANGELIO CONIVNGENDIS.

**P**RECANDVS mihi Deus pro sanctæ fidei dono in his confirmando & augendo, qui perinde ac arundines, vel sicut Paulus inquit, uti parvuli fluctuantes, novæ falsaq; doctrinæ ventis circumaguntur, quia super Petram fundati non sunt, & sicut Christus ait, sed tempus credunt, & in tempore tentationis recedunt.

**PRÆTEREA** pro divini verbi concionatoribus rogabo Dominum, ut suum in Ecclesia munus obeant, legitime vocati ac missi, rectaq; per ostium ingressi, quemadmodum Aaron & Baptista legitimam vocationem atq; missionem habuerunt. Precabor eisdem prædicatoribus gratiam, ut doctrina simul & vitæ integritate instar Ioannis floreat, adeoq; lucerna intus ardens, forisq; lucentes, & sicut Apostolus vocat, uti luminaria in medio nationis prava & perversa, luceant & splendean. Si enim Ecclesia unquam aliàs, nunc horum ministerio & opera vel maxime indiget: tanta est bonorum operariorum penuria in vastissima messe.

**ORABO** etiam, ut pænitiencie doctrina Ioanni maxime familiaris, & in qua plurimum ille valuit, hodie maiori in pretio habeatur, ac diligentiore studio ab omnibus ordinibus excolatur. Nam res ipsa docet, ardentem pænitienciam præcones, tum auditores atq; cultores passim desiderari, quantumvis ingens peccatorum cataclismus supra modum exundaret. Peculiariter autem rogabo, simul & curabo si possim, ut patres & matres familias ad pænitienciam capeffendam se dociles præbeant,

Ephes. 4.  
Matt. 7.  
Luc. 8

Heb. 5.  
Ioan. 1.

Ioan. 5.  
Phil. 2.

*quis & suos domesticos hoc tempore verbo & exemplo inuitent  
promoveatq; &c. & Ioannes discipulos mittens ad Christum,  
non tam sui quàm illorum & ororum, quia a Christo medico spi-  
ritualiter curarentur, rationem sibi habendam esse duxit.*

VNUM & præclarum locum adscribam ex Chryso-  
stomo, qui non solum Ioannis pœnitentiam ob oculos po-  
nit, sed etiam illius imitationem à nobis exigit, quando in  
hunc modum grauissimè cõcionatur: Si Ioannes in omni-  
vitæ ratione mundissimus, cœloq; ipso clarior, & Prophe-  
tis celsior, quo nullus hominum maior fuit, quiq; tantum  
apud Deum familiaritate gaudebat, ad omnem tamen pa-  
tientiam durabat laborum, satis altè deliciarum fluxa despi-  
ciens, atque ad omnem se vitæ rigorem coarctans: quam  
nos satisfactionē adferre poterimus, quibus post tot Chri-  
sti beneficia, postq̃ue mille nostrorum onera peccatorum,  
ne minimam quidem partē illius castigationis imitamur:  
sed commensationibus & potationibus dediti, ac peregrino  
odore fragrantēs, vel potius fœtentes, nihilq; à theatrali-  
bus sceminis discrepantes, & nosmetipsos eneruantes vn-  
dique ac vndique relaxantes, in prædam diaboli præpara-  
mur.] Tum paulò post: Absistamus, inquit, ab hac fluida  
dissolutaq̃ue vita. Nequeunt enim omnino, nequeunt ali-  
quando in vnum, & cõfessionis lachrimæ & corporis con-  
uenire voluptates. Et hæc vos doceat beatus Ioannes, & ci-  
bo suo & habitu, & habitaculo. Quid igitur? inquires: ad  
huius tui vitæ asperitatem nos imperas coarctari? Non im-  
pero planè, sed suadeo: quod si facitis, etiam laudo. Sin  
vèro istud vobis impossibile iudicatis, saltem in vrbibus  
constituti, pœnitentiæ opera monstremus. Etenim iam  
iudicium assistit in ianuis: quod si adhuc esset procul, nec  
si: quidem oportebat agere securiùs: siquidem gene-  
ralem illum mundi finem vniuscuiusq; no-  
strum vitæ finis imitatur. Hactenus  
ex Chrysostomo.

Hom. 10. in  
Matth.

Iacob. 4.





# DOMINICA IV.

## ADVENTVS.

### *Sequentis Euangelij Argumentum.*

Ioan. 1.

Ioan. 5.

Malach. 3.

Dan. 9.

**T**ANTVS erat splendor nominis, vitæ, doctrinæ & baptismi Ioannis, vt ipse pro Christo à Iudæis penè omnibus haberetur, vtque ad videndum & audiendum cum innumeri homines vndique confluerent. Igitur & Iudaicus magistratus ad eundem solēnem misit legationem, suæque cum illo consilia communicanda duxit. Eiusmodi legationis meminit quoq; Christus, Iudæis hoc obijciens: Vos misistis ad Ioannem, & testimonium perhibuit veritati.] Quid autem tali tantoque teste, quem ad Iudæos misit, & per Malachiam promisit Deus, fide dignius potest desiderari? præsertim cum ille palam & constanter Messia personam & munus defugiat, soli que Domino Iesu largiatur. Nec mirum, Iudæos de aduentu sui Messia tunc sollicitos extitisse, cum rumor percelebris magis magisque increbresceret, tot seculis promissum expectatumque Messiam longius abesse non posse, quando sceptrum de tribu Iuda sublatum, & ad Herodem alienigenam translatum esse constaret: quando & prædictæ Danielis hebdomadæ compleri, communi omnium iudicio existimaretur. Ioannes interim apertè pronunciat, Messiam ipsum, de quo tanta erat vulgi contentio, in medio Iudæorum versari, ac se illius ministrum agere, baptizando scilicet atq; docendo, licet ipse cum illo collatus, vilissimi seruuli vel nanciij instar esset, quicquid demum de ipso alij vel dicerent, vel fingerent. Quare hoc Ioannis testimonium & missa Iudæorum legatio nostrum etiam aduentum illustrat, magnamq; simul Christo conci-

liat

liat auctoritatem. Hunc Ioannes facit Dei filium ante le factum, immò & Verbum illud æternum, ac simul Agnum Dei huc destinatum, vt immaculatus mundi peccata tollat, ac immundòs homines in Spiritu sancto baptizet, quique vt sponsus, cuius ipse foret amicus, cum sponsa Ecclesia, secundum carnem sit copulatus. Adiungit & illud: Qui de cælo venit, super omnes est. Pater diligit filium, & omnia dedit in manu eius.] Quæ omnia hoc modò concludit: Qui credit in Filium, habet vitam æternam: qui autem incredulus est Filio, (sive Iudæus videlicet, sive Gentilis) non videbit vitã, sed ira Dei manet super eum.] At verò ne priorem illum Domini aduentum, omni gratia utiq; redundantem, vrgere tantum videatur, posteriorẽ etiam, qui plenus est iustitia, hoc sermone luculenter inculcat: Cuius ventilabrum in manu sua, & permundabit aream suam, & congregabit triticum suum in horreum, paleas autem comburet igni inextinguibili.] Præclara hæc prorsus elogia, quæ perfectum Christi Redemptoris & Iudicis cognitionem confirmant, & tali præcone sponsiq; amico digna sunt, nosque potenter in vera Messia venientis fidẽ corroborant. Quoniam autem hoc Euangelium de Ioannis baptismo meminit sæpè, cauendus in primis est error veterum ac nouorum Donatistarum, qui inter hunc ipsum & Christianum Baptismum non distinguunt, quasi par vis ac efficientia vtriusq; sit constituenda. Et si enim scriptum legimus, quod Ioannes Baptismum pœnitentiæ in remissionem peccatorum prædicarit, tamen vt disertè monet Hieronymus, Ioannis baptisma non tam peccata dimisit, quàm baptisma fuit in remissionem peccatorum, id est, in futurã remissionem, quæ esset postea per sanctificationem Christi subsequutura. Vt enim antea præcursor Domini ipse, sic & baptisma eius præuium Dominici baptismatis fuit.] His consonant Chrysostomus ac Theophylactus, cum Ioannis baptismo remissionem peccatorum adimunt, ac docent, per illum homines ad Christi baptismum verè perfectum instructos ac præparatos fuisse. Quamobrem Ioannes ipse testatus est:

Ego baptizavi vos aqua: ille verò baptizabit vos Spiritu sancto.

Matt. 3.  
Luc. 3.

Ioan. 3.

Matt. 3.

Matt. 3.

Aduersus  
luciferia-  
nos.

Homel. 10.  
in Matt.  
In cap. 3.  
Luc.  
Marc. 1.  
Matt. 3.  
Ioan. 1.

NOTÆ MEDITATIONVM ET  
PRECATIONVM CIRCA IDEM

EVANGELIVM.

*Miserunt Iudai ab Hierosolymis Sacer-  
dotes & Levitas ad Ioannem.*

**A**VDANDI sunt hæcenus Iudaicæ Synagogæ prin-  
cipes, quòd solennem legationem ex Ecclesiæ mi-  
nistris collectam nō ad alium, quàm ad celebrem  
sanctumque doctorem Ioannem instituunt, cumque in  
causa spirituali, quæ nimirum personam Messiae & nouum  
ritum baptizandi tangit, consulant, præsertim vt graues  
motus in populo prauertant, omnemque in religione per-  
turbationem amoliantur, cum iam alij aliter de Ioanne, &  
Christo ipso sentirent ac publicè loquerentur, omnes verò  
Messiae tempus adesse persuasum haberent. Nec est dissimi-  
le, quod Herodes rex secisse legitur, qui vt Messiae patriam  
certius cognosceret, solos adiit & consuluit Sacerdotes, à  
quibus veritatem ipsam demum probè fuit edoctus. Dole-  
bo igitur, à plerisque primoribus & magistratibus hodie ni-  
mirum dormitari, planeque consilium prauum institui, quā-  
doquidem longè aliò, quàm ad Ioannem & Sacerdotes  
mittere soleant, & idcirco subortas de fide contentiones &  
controuersias magno cum Reipublicæ detrimento augeant  
potius quàm minuant & extinguant. Atqui summo sapi-  
entissimoque Deo visum est, iudicium de religione manere  
debere non penes principes vel politicos aut populares, sed  
penes sacerdotes Leuiticos, qui de doctrina religionis cog-  
noscant, iuxta illud: *Interroga Sacerdotes legem.* Et per  
Moysen præcepit Deus populo: *Quæres ab eis, qui indica-*

Matt. 1.

Agg. 1.  
Deut. 17.

Malach. 2.

Matt. 23.  
Galat. 2.

Actor. 20.

Ephes. 4.  
Heb. 13.  
1. Thefl. 5.

Matt. 23.

*bunt tibi indicij veritatem: & facies quodcumq; dixerint qui  
presunt loco quem elegerit Dominus.* Confirmat eandem

iententiam Malachias, per quem iubet Spiritus sanctus, nō  
ex alio quā Sacerdotis ore diuinam legem requiri. Sic  
enim loquitur: *Labia Sacerdotis custodiu[m] scientiam, & le-  
gem requirent ex ore eius, quia Angelus Domini exercituū est.*

Igitur Synagoga vetus nunquam non suos habuit sacerdo-  
tes & antistites, quos vti diuinæ scripturæ ac voluntatis in-  
terpretes, sanæque fidei doctores reuerenter agnosceret, ac  
fideliter sequeretur, quosque Christus etiam ipse suo tem-  
pore honorauit. Nec temerè factum est, quòd Paulus Apo-  
stolus reuelatione diuina monitus, Hierosolymam ascen-  
deret, & Euangelium à se prædicatum cum Ecclesiæ colu-  
mnis siue primarijs Apostolis conferret, ne fortè si ab illo-  
rum doctrina vel consuetudine discederet, in vacuum cur-  
reret aut cucurrisset. Sciebat enim Deo gratum, & Ecclesiæ  
necessarium esse ordinem in religione, ac in ipsis quoq; mi-  
nistis ac doctoribus consensum doctrinæ constare oport-  
tere, vt fidei vnitas atq; stabilitas retineatur. Nam apud se-  
ctarios nullus dogmatū consensus inuenitur, vt qui discor-  
dijs inter se animis & vocibus tumultuantur, ac velut in  
dissono choro suam quisque canit cantionem. Quocirca  
idem Apostolus dicere non veretur, Episcopos (nimirum  
Orthodoxorum antistites) à Spiritu sancto ad regendam  
Christi Ecclesiam institutos, nec solum Apostolos, Prophe-  
tas & Euāgelistas, verum etiam pastores & doctores à Chri-  
sto ipso datos & relictos esse ad sanctorum consummati-  
onem, quibus fideles obedire ac subiacere, & cum quibus pa-  
cem habere debeāt. Meum igitur ac omniū Christi ouium  
ad æternam salutem consequendam hoc proprium ac per-  
petuū esse munus debet, vt sicubi in causā fidei dubitemus,  
vel de sensu veræ scripturæ quid certiùs cognoscere cupia-  
mus, non Ecclesiæ hostes vel desertores, non politicos ma-  
gistratus, nec profanos homines, sed illos consulamus, au-  
diamus & sequamur, qui super cathedram cōstituti sedent,

&amp; cum

& cum Ioanne legitime vocati ac missi, Catholica præfunt Ecclesiæ. Etenim de his fideles mandatum Christi habent irrefutabile: *Omnia quaecumq; dixerint vobis, seruare & facite.* Quare Christus idem Ecclesiæ suæ doctores ac præpositos compellans, seriò sancit. *Qui vos recipit, me recipit: Qui vos audit, me audit: & qui vos spernit, me spernit.* Qua de re multa & præclara scribit Chrysostomus, grauiter in illos inuehens, qui suos pastores & sacerdotes in ordinem redigere, & excellenti dignitate spoliare non erubescunt. Atq; inter cætera pronuntiat: Hoc malorum omnium causa est, quòd rectorum auctoritas perijt, nulla illis reuerentia habetur, nullus honor, nullus metus. *Qui honorat sacerdotes, Deum quoque honorat: qui verò sacerdotem spernit, ad id sensim prolabitur, vt in Deum ipsum aliquando contumeliosus euadat.*]

*Tu quis es?*

*Non sum.*

QUANTO rarior apud homines est in dictis factisq; constantia, tantò laudabilior Ioannes Baptista existimari mereatur, quòd in vera fide, fideique doctrina & confessione firmus tanquam petra & rupes perstiterit, nec minus in vita & moribus perpetuò sibi similis ac stabilis fuerit, vt nulla ex parte pro arundine mobili à quoquam haberi queat. Proinde nec potentium fauores & honores oblati, nec applausus populi, nec Herodis ira & vincula inuictum illius animū labefactarunt, atque à veritatis & iustitiæ officio deflectere vnquam potuerunt. Hoc Ioannis exemplum addet mihi calcar ad æquabilitatem comparandam, vt in vtraque fortuna subeunda me conseruem irreprehensibilem, atq; ita meos moderer affectus, ne rebus prosperis insolèter extollar, neque aduersis frangar atque deiciar, sed semper mea sorte contentus & infractus dicam cum Apostolo: *Ego didici in quibus sum, sufficiens esse. Scio & humiliari, scio & abundare, satiari & esurire, abundare & penuriam pati. Omnia possum in eo qui me confortat.* Deinde sicut Ioānes vnā & can-

Matt. 23.

Matt. 10.

Luc. 10.

Hom. 2. in  
cap. 1. epist.  
2. ad Tim.

Phil. 4.

Gal. 1. &amp; 2.

Matt. 13.

Ephes. 4.

Heb. 13.

Rom. 14.

1. Cor. 1.

Actor. 2.

Ephes. 4.

1. Cor. 12.

Psal. 118.

1. Pet. 3.

Matth. 10.

Luc. 9.

Rom. 1.

Gal. 1.

dem fidei doctrinā atq; confessionem prodit ac retinet ita mihi quoq; faciundum putabo, ne quicquā cum illis commune habeam, qui sunt cum Galatis in doctrina instabiles, vel sicut Christus appellat, temporales, paruuliq; fluctuantes, quoniam omni vento doctrinæ in nequitia hominum circumferuntur. Apostolica enim & necessaria fidelibus est regula: *Doctrinis varijs & peregrinis nolite abduci. Optimum enim est gratia stabilire cor.* Eoq; magis Deū precabor, vt det nobis, sicut precatur & Paulus, idipsum sapere, & vno ore honorificare Patrem, ita vt non sint in nobis schismata, simus autem perfecti in eodem sensu, & in eadem scientia. Tales erant vtiq; primi Christiani mirè consentientes, de quibus Lucas asserit: *Multitudinis credētium erat cor vnum, & anima vna:* vnde nec dispar fidei professio apud illos poterat reperiri, cum sic ab Apostolis instituti essent, vt vnitatem spiritus in vinculo pacis sollicitè conseruarent, vtq; vnius corporis & spiritus integritatē vnanimiter vbiq; præstarent. Rursus hīc à Ioanne discam, vt monitus de mea fide rationem reddere, nullo periculi metu, vel humano pudore me impediri sinam, sed veritatem siue coram amicis, siue apud inimicos liberè profitear, sicut ille qui dixit: *Loquebar de testimonijs tuis in conspectu regum, & non confundebam.* Atq; hoc est, quod Apostolus Petrus à nobis exigit, inquit: *Parati semper ad satisfactionem omni poscenti vos rationem de ea qua in nobis est spe & fide.* Etenim quanti sit periculi abnegatio, suppressio vel reticentia Christianæ veritatis, vbi res ipsa postulat ingenuam professionem, satis illa Christi prodit oratio: *Omnis qui confitebitur me corā hominibus, confitebor & ego eum coram Patre meo qui in cælis est. Qui autem negauerit me coram hominibus, negabo & ego eum coram Patre qui in cælis est, Et qui erubuerit me & meos sermones, hūc filius hominis erubescet, quum venerit in maiestate sua & Patris & sanctorū Angelorum.* Quarè cum Paulo fidenter dicam: *Non erubescō Euangelium. An quero hominibus placere? Si adhuc hominibus placerem, Christi seruus non essem.*



NOTABO & illud in Ioanne, quod is ab Angelo, Malachia & Christo ipso multis nominibus prædicatus & ornatus, veras etiam hominū laudes sibi delatas repudiat, & inter alios insigniores titulos, quos meritus erat, duntaxat vocis clamantis nomē submissum agnoscit & vsurpat. Nec est illi dissimilis Iob, præclaro Dei testimonio decoratus, quod nempe in tātis opibus homo maneret simplex & rectus, timensq; Deum, & à malo recedens, quiq; nullum alium in terra sibi parem haberet. Quam verò idem ille de se ipso abiectè sentit ac loquitur, quum se facit foliū quod vento rapitur, & stipulam siccam agitātam, quin etiam putredinem mox consumendam, & quasi vestimentum quod comeditur à tineis. Igitur à Ioāne & Iob, sicut & ab Abraham alijsq; sanctis viris, quibus perpetuū cum arrogantia certamē fuit addiscam, me ipsum non solum in vitij cōmissis, sed etiam in præsentibus benefactis deprimere, ac perfectæ humilitas & modestiæ specimē præ me ferre. Scriptū est enim. *Quanto magnus es, humiliare in omnibus, & corā Deo inuenies gratiam: quoniam magna potentia Dei solius, & ab humilibus honoratur.* Obseruabo igitur, quando arrogantiæ spiritus multorum radix malorum, vel blandiens assentator, quo multi etiam boni deprauantur, id mihi suggerit, *Tu quis es?* nimirum ad cristas erigendas, quoniam ab alijs nempe iustus & insignis existimer, vel certè nō inferior æqualibus habear. Tū ego veluti superbus Adæ filius, me ipsum comprimam ac deprimam studiosè, perinde ac iniecta manu dicerem: *Quid superbis terra & cinis? Abominatio Domini est omnis arrogas. Si quis existimat se aliquid esse, cum nihil sit, ipse se seducit.* Repetam & Dauidicū illud: *Non nobis Domine non nobis, sed nomini tuo da gloriā.* Nam piæ quidem conscientiæ nihil securus atq; consultius esse ducam, quā in benefactis etiam Dei iustitiā reuereri, & cum Dauide testari: *Imperfectum meum viderunt oculi mei,* illudq; dictum Iob mihi sumam: *Verebar omnia opera mea, sciens quod non parceres delinquenti.* Docet igitur & Ioannes, vt cum magnus coram Deo

fuerim,

Luc. 1.  
Malach. 3.  
Ioan. 5.  
Luc. 7.

Iob 1. &amp; 2.

Iob 13.

Gen. 18.

Eccles. 3.

Eccles. 10.

Prou. 16.

Gal. 6.

Psal. 113.

Psal. 138.

Iob 9.

1. Tim. 1.

Iob 9.

fuerim, me tamē magnum esse nesciam, immò me Christi seruum prorsus indignum abiectumque mancipium æstimem, & sicut Paulus à Baptismo sanctus fecit, me primum summumque peccatorem statuam. Ita enim cum viro sancto mihi sentiendum est: *Etiam si simplex fuero, hoc ipsum ignorabit anima mea. Et si habuero quippiam iustum, non respondebo, sed meum iudicem deprecabor.*

### Dirigite viam Domini.

Ioan. 3.

1. Cor. 3.

Psal. 123.

Psal. 107.

Ecclef. 2.

Judith. 6.

Ioan. 1.

Isai. 40.

Hier. 7.

&amp; 26.

ET SI sine Deo Deiq; gratia nihil à nobis præclare vel institui, vel perfici possit, vnde Ioannes ipse dixit: *Non potest homo accipere quicquam, nisi fuerit ei datum de cælo*: tamen & illud cum Paulo fatendum est, nos Dei adiutores & cooperatores esse, & fideles in eo qui ipsos confortat, posse & præstare Deo grata, sibiq; verè salutaria, vt piè confidentes & sanctè audaces dicant: *Adiutorium nostrum in nomine Domini qui fecit cælum & terram. In Deo faciemus virtutem: & ipse ad nihilum deducet inimicos nostros. Nullus sperauit in Domino, & confusus est. Non derelinques præsumentes de te, sed de sua virtute gloriantes humilias.* Requirit itaque Ioannes à suis auditoribus, immò à fidelibus omnibus multa & magna, totius autem prædicationis summam & epitomen in eo constituit: *Dirigite seu parate viam Domini, rectas facite semitas eius.* Huic regulæ auræq; doctrinæ me totum accomodabo, præsertim natali Domini iam imminente, & meritò huc incitante, vt Spiritum sanctum in electo organo suo loquentem & clamantem audiam diligenter. Vbi ego primùm notabo nihil noui à Ioanne proferri, sed Isaiæ verba multò antè dicta repeti, ac simul Hieremiæ sententiam illam confirmari: *Bonas facite vias vestras, & studia vestra.* Vigigitur mihi, si fingo laborem in præceptò, ac ignauix meæ inanem prætexo fucum, dum in veteri peccato vel errore persisto, & poenitentiam agendam procrastino, neq; statim ad meliorem frugem viamque Domini redeo siue conuertor. Sic enim & alibi diuinum oraculum

pronunciat: *Lauamini, mundi estote, auferite malum cogitationum vestrarum ab oculis meis: quiescite agere peruersè, & discite benefacere: querite iudicium, subuenite oppresso, iudicate pupillo, defendite viduam.* Hæc autem omnia Ioannes vno illo verbo complexus est, *Dirigite viam Domini, vel sicut apud Isaiam legit interpres: Parate viam Domini, rectas facite semitas Dei nostri.* Ezechiel Propheta sic loquitur: *Cum se auerterit impius ab impietate sua quam operatus est, & fecerit iudicium & iustitiam: ipse animam suam viuificabit.* Præterea mihi obseruandus est ordo verborum, quibus Ioannes vtitur in officio prædicandi, initio quidem à pœnitentia sumpto, quando ab omnibus citra discrimen postulat: *Pœnitentiam agite: appropinquabit enim regnum celorum.* Sicut enim nondum regeneratis ad remissionem peccatorum Dei quæ gratiam consequendam Baptismus est necessarius, ita post Baptismum lapsi egent pœnitentia, frustra quæ virtutibus alijs vacant, nisi primum per pœnitentiam, veluti secundam post naufragium deperditæ gratiæ tabulam, Deo & Ecclesiæ reconcilientur. Nec Ioannes tantum, sed & Christus Dominus pœnitentiæ fuit serius prædicator, ac de se ipso asseruit palam: *Non veni vocare iustos, sed peccatores ad pœnitentiam,* suis quæ discipulis dedit in mandatis, ut in ipsius nomine pœnitentiam & remissionem peccatorum annuntiarent. Hinc à Petro etiam Apostolo dictum est: *Pœnite mini & conuertimini, ut deleantur peccata vestra.*

Isai. 1.

Isai. 40.

Ezech. 18.

Matth. 3.

Luc. 5.

Luc. 24.

Actor. 3.

IVSTVM igitur dolorem capiam, quod hodie tam multi aduersus Ioannis institutum ac spiritum de fide tantum doceant, & euangelicæ pœnitentiæ virtutem & sacramentum respuant, ac velut Syrenes, suis delicatis vocibus & canticis hospites & quoscunque aduenas sopire, immò & sopitos deuorare videantur. Sunt enim ex illis qui loquuntur placentia, & de quibus Deus ipse in hunc modum queritur: *Propheta tui viderunt tibi falsa & stulta, nec aperiebant iniquitatem tuam, ut te ad pœnitentiam prouocarent.* Pios au-

Isai. 30.

Thren. 2.

In lib. 1. Reg.  
5. m.

Apoc. 1.

Ioël 1,

Psal. 118.

Psal. 83.

tem & sapientes laudabo maiores, qui necessariam pœnitentiæ doctrinam & exercitationem vserūt sūdulo, & tres eius partes siue actiones, nempe contritionem, confessionem ac satisfactionem (Gregorius peccati vindictā vocat) confirmāunt, qui præterea non solum interiorem, sed etiam exteriorem, nonnunquam publicam & solemne pœnitentiam exegerunt. Sciebāt etenim per magni reserere, vt fructus pœnitentiæ digniagerentur in Ecclesia, morbiq; grauibz non leuia remedia applicarentur, & suus cōstaret vigor Ecclesiasticæ disciplinæ. Egit igitur publicam pœnitentiā Theodosius Imperator, egit Fabiola nobilis matrona, sicut & fidei desertores, qui à Cypriano & Paciano introducuntur. Ego verò mihi maximè displicebz, quòd Ioannis & Prophetarum conciones de pœnitentia propositæ, in me frigeant, neque tam sint efficaces, vt luctum intimum exprimant, verèque conuersionis fructum operentur. Quò grauius ego Deum offendi, cò magis diuina illa voce terrebor: *Memor esto vnde excideris, & age pœnitentiam, & prima opera fac. Sin autem, venio tibi, & mouebo candelabrum tuum de loco suo: nisi pœnitentiam egeris.* Nec dubium est ad lapsos & relapsos omnes pertinere, quod per Prophetam Ioëlem imperat Deus: *Conuertimini ad me in toto corde vestro, in ieiunio & sletu & plāctu.* Notabo etiā & amouebo illa obstacula, quæ me à conscientia puritate, à Dei dilectione, à proximi charitate, sancta q; pœnitentiæ officio remorātur: ea verò studia, quæ salutis meæ sunt viciniora, sectabor. Etenim quanto Messias præstantior ac sanctior nascitur, quantoq; aduentus eius gratiosior, magisq; salutaris est benè paratis animis, tantò cultius & instructius illi hospitii apparo, ne alioquin Rex regum quem adorant & Angeli, ad impurum velut stabulum declinare cogatur. Vnde cum Prophetam precabor: *Deduc me Domine in semitam mandatorum tuorum.* Et rursus illud repetam: *Beatus vir cuius est auxilium abs te: ascensiones in corde suo disposuit in valle lachrymarū, in loco quem posuit.* Existimabo, si ynquā antea nunc ad finem

huius

huius Aduentus mihi maximè vigilandum, & pensum pietatis augendum esse, non solum Ecclesia, sed & Spiritu sancto omnes & singulos ita commune faciente: *Appropinquate Deo, & appropinquabit vobis. Si quis emundauerit se ab istis* (carnis ac spiritus inquinamentis) *erit vas in honorem sanctificatum, & utile Domino, ad omne opus bonum paratum. Sicut exhibuistis membra vestra seruire munditie & iniquitati ad iniquitatem: ita nunc exhibete membra vestra seruire iustitia in sanctificationem.*

Iacob. 4.  
2. Tim. 2.

Rom. 6.

## DE PRECIBVS CVM HOC EVANGELIO CONIUNGENDIS.

**P**RECANDVS est mihi Deus pro afflictis hodie Catholicis religionis ergò, ut ne terriculamentis, periculis atq. supplicijs ullis deterriti, ab orthodoxa fide cōtra hæreticos proficenda desistant, sed potius ut sanctam Ioannis libertatem atq. constantiam in fide vindicanda & adstruenda amulentur. Scriptum est enim: Corde creditur ad iustitiam, ore autem confessio fit ad salutem. Quæ fidei & confessionis integritas, sicut & sacris Martyribus, ita etiam in glorioso sene Mathathia refulsit, quum nec blandis amicorum hortationibus, nec sauis aduersariorum minis & propositis pœnis locum præbuit, sed pro fide patrisq. legibus mortem acerbam sibi eligendam putauit. Ego, inquit, & filij mei, & fratres mei obediemus legi patrum nostrorum. Propitius sit nobis Deus: non est nobis vtile relinquere legem & iustitias Dei.

Rom. 10.

1. Mach. 2.

**O**RABO insuper pro amicis & reliquis Orthodoxis ubiq. gentium constitutis, ut viam Domino nunc parent maximè, ac singulari studio pietatis instructi, imminenti Christi natalem dignè excipiant, ideoq. sanctis Ecclesie sacramentis utantur. Is enim vel præcipuus est usus ac fructus ex Aduentus insitinto capiendus, ut salut. iris Sacramentorum perceptio ad remissionem peccatorum necessaria, in populo subsequatur, idq. à fidelibus

obtinca-

obteneatur, quod precatur Ecclesia in hunc modum: Deus qui nos redemptionis nostræ annua expectatione latificas, præsta ut Unigenitum tuum, quem Redemptorem latè suscipimus, venientem quoque iudicem securi videamus Dominum nostrum Iesum Christum.

INVOCABO & Virginem matrem, ut fida eius intercessione gratiam Dei consequar, ad aptum hospitium in me nascituro Messia præparandum. Huc materno illius exemplo excitabor, quæ gravida facta per Spiritum sanctum, in magna erat expectatione sacri partus, illumque merito videre gestiebat, quem certo sciret natiuitate sua non modò Israël, sed etiam toti orbi maximè profuturum. Unde illa non sine singulari fide, spe, charitate, alijque donis Dei longè magis quàm nos æstimare possumus, ad hunc novi Regis filijque sui ortum sese, uti nulla mater alia, sedulo præparabat. Nec enim ignorabat scriptum esse: Qui timeant Dominum, præparabunt corda sua, & in conspectu illius sanctificabunt animas suas. Tum de sapientia æterna legimus, facile illam videri ab his qui diligunt eam, & inueniri ab his qui querunt illam. Præoccupat enim eos, qui se concupiscunt, ut illis se prior ostendat.

Et quoniam sancti Patres, ut ad Christi natalem piè celebrandum moueant magis populum, similitudine Regis vel principis ad mensam, vel ad natalem suum ornandum inuitantis hospites, libenter vtuntur, non grauabor D. Augustini verba repetere, quibus eundem in modum disserit, atque ad festum imminens pulchrè Christianos hortatur: Licet, inquit, nos omni tempore bonis operibus ornatos ac splendidos esse conueniat, præcipuè tamen in die natalis Domini, sicut in Evangelio ipse dixit, lucere debent hominibus opera vestra. Considerate quæso fratres, quando aliquis homo potens aut nobilis natalem aut suum aut filij sui celebrare desiderat, quāto studio ante plures dies, quicquid in domo sua sordidum inuenerit, ordinatè mundari, quicquid ineptum & incongruum proijci, quicquid vtile & necessarium præcipit exhiberi. Domus etiam si obscura

fuerit,

Eccles. 2.

Sapient. 6.

Sermone  
de Aduen-  
tu Domini.  
Matt. 5.



fuerit, dealbatur, pauimenta scopis mundantur, & diuersis  
 resperſa floribus adornantur. Quicquid etiam ad lætitiā  
 animæ & corporis delicias pertinet, omni ſollicitudine pro-  
 uidetur. Vt quid iſta fratres chariſſimi, niſi vt dies natali-  
 tius cum gaudio celebretur hominis morituri? Si ergo  
 tanta præparas in natalitio tuo aut filij tui, quanta & qualia  
 præparare debes ſuſcepturus natalem Domini tui? Si talia  
 præparas morituro, qualia præparare debes æterno? Quic-  
 quid ergo non viſi inueniri in domo tua, quantum potes,  
 labora, vt non inueniat Deus in anima tua. Certè ſi te  
 Rex terrenus, aut quicumque paterfamilias ad ſuum nata-  
 litium inuitaret, qualibus veſtimentis ſtuderet ornatus in-  
 cedere, quā nouis vel nitidis, quā ſplendidis, quorum  
 nec vetuſtas, nec vilitas, nec aliqua ſœditas oculos inuitan-  
 tis offenderet? Tali ergo ſtudio, in quantum præuales,  
 Chriſto auxiliante contende, vt diuerſis virtutum orna-  
 mentis anima tua compoſita, ſimplicitatis gemmis, & ſo-  
 brietatis floribus adornata, ad ſolennitatem Regis æterni,  
 id eſt, ad natalem Domini Saluatoris cum ſecura conſcien-  
 tia procedat, caſtitate nitida, charitate ſplendida, eleemo-  
 ſynis candida. Chriſtus enim Dominus ſi te ita compoſi-  
 tum, natalitium ſuum celebrare cognouerit, ipſe per ſe ve-  
 nire, & animam tuam non ſolū viſitare, ſed etiam requi-  
 eſcere, & in perpetuum in illa dignabitur habitare, ſicut  
 ſcriptum eſt: *Et habitabo in illis, & inambulabo.* Et iterum:  
*Eceſto ad oſtium & pulſo: Si quis ſurrexerit & aperuerit mi-  
 hi, intrabo ad illum, & cœnabo cum illo, & ille mecum.* Nec  
 ſunt diſſimilia quæ idem Auguſtinus alibi proferat, vt po-  
 pulum excitet ad feſtum hoc celeberrimum benè purgatis  
 & paratis animis excipiendum. In natali enim Domini, in-  
 quit, fratres dilectiſſimi, quaſi in nuptijs ſpiritualibus ſponſæ  
 ſuæ Eccleſiæ Chriſtus adiunctus eſt. Tunc veritas de terra  
 orta eſt, tunc iuſtitia de cœlo proſpexit, tunc proceſſit ſpō-  
 ſus de thalamo ſuo, hoc eſt, verbum Dei de vtero virgi-  
 nali. Proceſſit enim cum ſponſa ſua Eccleſia, id eſt, huma-

Leuit. 26. &amp;

2 Cor. 6.


Apoc. 3.

Serm. 2. de  
tempore

Pſal. 84.

Pſal. 18.

nam carnem suscepit. Ad istas ergo tam sanctas nuptias inuitati, & ad conuiuium Patris, & Filij, & Spiritus sancti intraturi, videte qualibus indumentis debeamus ornari. Et ideo mundemus quantum possumus cum Dei adiutorio, corda simul & corpora nostra, vt cœlestis ille inuitator nihil in nobis sordidum, nihil fœdum, nihil obscurum, nihil oculis suis deprehendat indignum. Hæc ergo fratres dilectissimi, non transitoriè, sed cum ingenti timore debemus attendere. inuitati enim sumus ad nuptias, vbi nos ipsi, si benè agimus, sponsæ erimus. Atque hætenus ille Augustinus.



## PRÆAMBULA ET NOTÆ

AD FERIAS DOMINI NATALITIAS Religiosius celebrandas.



I MIHI & Catholicis incumbit, vt religiosè nostrum transigamus Aduentum, eiusdem sancti finem, Christi nempe festum natalitium, reuerenter excipere, digneque celebrare debemus. Hoc ipsum enim festum est ex primarijs in Ecclesia receptum, tamque vetustum, vt inde ab initio Christianismi fuerit institutum, tam insuper iucundum, vt omnes ætates & ordines fidelium recreet, ac mirificè consoletur. **a** Chrysostomo festorum metropolis, & **b** Augustino sancta, desiderabilis, gloriosa, & singularis sollemnitas dicitur, ob eam nempe natiuitatem, quæ per se sancta est & illibata, mundo honorabilis, amabilis hominibus, ob sacri mysterij profunditatem vix Angelis peruestigabilis, & vndique

**a** In oratione de S. Philogonio.  
**b** Serm. 2. de tempore.

admi-

Admirabilis, vt quæ nec primam similem viſa eſt, nec habere ſequentem, vt Bernardi verbis alludamus. Et ſanè quem admodum, cùm ad nos redit Sol vere nouo, omnia viuere incipiunt, terra parturit, arbores frondibus veſtiuntur, inferioris mundi facies innouatur ac reuiſcit: ſic adueniente ad nos per incarnationē Sole iuſtitia: Chriſto, tota mundi facies nouum quaſi colorem ac vigorem accipit, totaq; Eccleſia quotannis hoc tempore ſpiritualiter innouatur. Vnde quod Euangelicus Propheta Iſaias eſt vaticinatus, nunquam impletum eſſe magis videtur: *Latabitur deſerta & inuia, & exultabit ſolitudo, & florebit quaſi lilium. Germinans germinabit, & exultabit latabūda.* Quod feſti gaudium a Leo magnus confirmans: Non eſt, inquit ſas locum eſſe triſtitia, vbi natalis eſt vitæ.] Sicut & b Ambroſius dixit: Lætitia quanta eſt, quantuſq; concurſus, quando Imperatoris mundi celebrandus eſt natalis? ] Qui natalitius ſimul & lætiſſimus Domini Regis & Redemptoris noſtri dies, vt maiorem mihi fructum adferat, certò inprimis apud me conſtitutum habebō, ampliſſima diuinæ gratiæ munera & priuilegia in eo recondi, illiſq; offerri omnibus, qui Catholica fide & bona voluntate præditi, cœleſtis miſericordiæ fores ſibi cupiunt reſerari. Hinc Angelus magnum gaudium, quod propter natum Saluatorem non ſolis Iudæis, ſed omni populo futurum eſſet, vt præco lætiſſimus, Dei nomine annuntiauit. Quo magis ego ſanctum hoc tempus religioſè obſeruare, ac ſedulò ſanctificare nitar, certus maiorem gratiæ vbertatē his, qui huc ſe accuratiùs comparauerint, diuinitùs communicari. *Habenti enim dabitur, & abundabit.* Nullus proſectò fuit aut eſſe poteſt Princeps auguſtior ac liberalior, qui ſuos & immenſos theſauros auidiùs ac pleniore manu diſpenſare gaudeat, præterquàm natus Rex regum Chriſtus, qui ſuum natalem rectè celebrantibus fratribus propenſiſſimè fauet, maximaq; largitur chariſmata.

Proderit interim illud mihi, quùm ad precationem

Serm. 1. in  
vigil. natalis.

Iſai. 32.

a Serm. 5. de  
Chriſti natiuit.  
b Ambroſius ſerm. 14

Luc. 1.

Matt. 25.

Pfal. 137.  
& 102.

Ioan. 8.  
Gen. 12.  
& 22.  
Isai. 11.

Isai. 4.

Pfal. 44.

Isai. 9.  
1. Pet. 1.

accedam, vt Angelos veluti per choros & turmas diuisos, atque ad psallendum & orandum mirabiliter incensos, mihi ob oculos ponam, cisque me licet indignum, ad diuinæ maiestatis natiq̃ue pueri cultum offerendum adiungam, perinde ac si cum Propheta dicerem: *In conspectu Angelorum psallam tibi, adorabo ad templum sanctū tuum, & confitebor nomini tuo. Benedicite Domino omnes Angeli eius: potentes virtute, facientes voluntatem eius. Benedicite Domino omnes virtutes eius: ministri eius qui facitis voluntatem eius.* Proderit, siue comedam aut bibam, siue somnum adeam vel finiam, nati dulcissimi pueri IESV primū meminiſſe, ad illum vehemēter adspirare, circa illum velut thesaurum meum vnicum, studiosē versari, perinde ac si hoc modo illum arſaret: Vbi est qui natus est Rex Iudæorum, qui de cœlo descendit, quem virgo peperit, Emmanuel noster: Vbi est quem diligit anima mea, tantoperē à Patribus in limbo expectatus, toties in veteri lege promissus, à tot Prophetis denūtiatus, tam illustribus figuris ac typis præsignatus, tam flagrantibus priscorum fidelium votis expetitus, ob quem venturū & ipse pater credentium Abraham in spiritu exultauit? ô seculum aureum, à præſenti Abrahæ semine inchoatū, in quo gentes omnes benedicuntur. Vbi flos & fructus est stirpe tam sancta prodiens? secundū illud Isaię vaticinium: *Egredietur virga de radice Iesse, & flos de radice eius ascendet.* Et per eundem Prophetam prædictum fuit: *In die illa erit germen Domini in magnificētia & gloria, & fructus terræ sublimis.* Vbi speciosus ille præ filiis hominum, quo nullus vnquam nobilior & augustior filius apparuit? cui tam præclara competant nomina: vt dicatur admirabilis, consiliarius, Deus fortis, pater futuri sæculi, & princeps pacis, in quem desiderant Angeli prospicere. Ecce Rex tuus venit tibi mansuetus, immo & paruulus. desiderium tuum, gaudium tuum, salus tua, verus ille Salomon & Rex pacificus, cuius vultum terra desiderat vniuersa. Hunc paruulum natum, hunc filium datum diligit anima mea: huic

seruire & viuere anhelat : sit nomen eius in secula benedictum. Bone Iesu tuis fratribus & sororibus me patiaris ascribi, de quibus ipse aiebas : *Qui fecerit voluntatem Patris mei, qui in cælis est, ipse meus frater, & soror, & mater est.* Utinam tu in me, atque in omnibus, ac præsertim in Ecclesia tua magis magisque glorificeris. Per sanctam natiuitatem tuam mei quæso miserearis, & sicut Sol oriens, qui illuminas omnem hominem, mentis meæ tenebras discute, frigidumque hoc pectus ardore diuini amoris incende. Proderit demum, ut si charitatis vel humilitatis patientiæ uel opus aliquod mihi perficiendum sit, de Iosepho mediter, eiusque simplicitatem & alacritatem induam, & vnà cum illo ipso ad pueri Iesu gloriam gaudens referam omnia, uelut & ipse in Bethlehemitico stabulo constitutus, tam bono hero Iosepho adhæream, atque in humilitate non ficta subseruiam. Quibus de rebus postea copiosius.

Quod ad precectionis commodum locum attinet, cum non alium quàm Bethleem Iuda, vnà cum pastoribus quotidie quæram, Christumque puerum in præsepi positum, & fascijs inuolutum adorabo, à Matre quoque sanctissima rogaturus, ne à sacro stabulo, nisi cum accepta Filij benedictione, inanem me abire permittat. Quarè cum D. Hieronymo dicam : Ego diuersorij Bethlehemitici, & præsepis Domini amator sum, in quo uirgo puerpera Deum fudit infantem. ]Nec solus Hieronymus, sed & nobiles multumque laudatæ uiduæ Paula & Marcella hoc loco sibi sedem fixerunt, ac rus Bethlehemiticum Romanis opibus atque delicijs prætulerunt, & præsepe hoc Domini magna coluerunt religione. Vnde cum eadem Paula in specum Saluatoris fuisset ingressa, & ibi sacrum Virginis diuersorium uidisset ac stabulum, in quo agnouit bos possessorem suum, & asinus præsepe Domini sui, mixtis gaudeo lacrimis ita loquebatur : Salue Bethlehem, domus panis, in qua natus est ille panis, qui de cælo descendit. Salue Ephrata regio uberrima atque *carpophore*, (id est fertilis siue frugifera) cu-

Matt. 12.

Ioan. 1.

In epitaphio Fabiolæ &amp; Paulæ.

Vide Hieronymum cum ad Eustochium scribit de matris Epitaph. Isai. 1.

Mich. 5.

Psal. 109.

a De vita  
Constanti-  
ni lib. 3.  
b lib. 4. hi-  
stor. cap. 41.

Iob. 12.

Iob. 12.

Prou. 3.

ius fertilitas Deus est. De te quondam Michas vaticinatus est: Et tu Bethlechem domus Ephrata, nō minima es in milibus Iuda. Ex te mihi egredietur, qui sit princeps in Israël, & egressus eius ab initio à diebus æternitatis. In te natus est princeps qui ante luciferum genitus est, cuius de Patre natiuitas omnem excedit ætatem.] Quid? quod inclitus Imperator Constantinus & sancta eius mater Helena nō solum Bethlechem in magno pretio habuerunt, sicut & ab alijs plurimis factum est, verum etiam locum tam sacrum, & multorum religione celebratum, eximijs monumentis & regalibus ornamentis cohonestare curarunt, quēmodum præter alios historicos a Eusebius & b Socrates meminerunt.

His adiungi possunt spirituales affectus, & pij gemitus, tūm orationes, vt vocant, eiaculariæ, sicut & selecti probatiq̃ hymni, vel recepta cantica, quibus iam pridem Orthodoxi pulcherrimo puero Iesu, & eius latissimæ matri in omnibus penē linguis gratulantes, libenter vtuntur. Nec dici facile potest, quantam voluptatem & consolationem tot sæculorum fideles ex his ipsis ferijs perceperint, ac nunc etiam passim percipiant. Ideoque media nocte surgunt, & ad templum propensè concurrunt, vt vnà cum pastoribus Dominum recens natum reuerenter inuisant, suæq̃ue visitationis tempus agnoscant, nec minus cum Angelis Deo summo gloriam tribuant. Verū nimis longum, & à nostro instituto alienum foret, isthæc minutim persequi, quæ licet mundi sapientibus insipida, immò & ridicula & puerilia videantur (deridetur enim iusti simplicitas) tamen ad spiritualem, vt sic dicam, renascentiam spectant, & paruulis Evangelicis lacte spiritali fouendis conferunt, tantò vtiq̃; gratiora Deo, quantò ex puriore, simpliciore & ardentiore piorum pectore profiscuntur. Talibus enim paruulus IESVS paruulis vel maximè delectatur: cum huiusmodi simplicibus est sermocinatio eius.



## NOTAE

AD FERIAS NATALITIAS,  
DIESQUE OCTO RELIQUOS

PROPIVS PERTINENTES.

## I.

*De Patre caelesti donante Filium.*

**V**ERSABOR circa æternum & immensum amorem Dei Patris nos humunciones ter miferos, immò & inimicos damnationem æternam meritos adeò diligentis, vt Filium suum vnigenitum, quo nihil maius habet & charius, huic mundo quamuis impio & peruerso, post multa promissa offerret donaretque gratis, neque solum in hominis, sed infantis etiam tenerrimi forma natum proponeret omnibus mortalibus, nullo quidem excepto, amplectendum & perpetuò possidendum. *Quos enim præscluit, & prædestinauit conformes fieri imaginis Filij sui: vt ipse sit primogenitus in multis fratribus. Qui etiam proprio Filio suo non pepercit, sed pro nobis omnibus tradidit illum.* Quod verò beneficium ac munus quæso cum hoc ipso conferri, quod festum post hominum memoriam rectius à mortalibus omnino celebrari potest, præterquàm in laudē & gloriam tanti Largitoris? O igitur grauem & inexcusabilem, meritoque damnandam ingratitudinem nostram, talem si Patrem incredibiliter amantem, & in Christo donantem omnia, nos velut saxei & adamantini homines, non æsti-

Rom. 8

Malach. 1.

Psal. 108.

1. Ioan. 4.

mare, non respicere, non colere, nec redamare curemus. Certè nos ingratos ille coram cunctis creaturis meritò accuset, grauissimèque puniat, suo iure illud exprobrans: *Si Pater ego sum, ubi est timor meus?* Hic verè in Christianum ingratum, tantaque charitatis immemorem dixeris: *Dilexisti maledictionem, & veniet ei: & noluit benedictionem, & elongabitur ab eo.* Stat interim Dilecti sententia: *In hoc apparuit charitas Dei in nobis, quoniam Filium suum unigenitum misit Deus in mundum, ut viuamus per eum. In hoc est charitas: non quasi nos dilexerimus Deum, sed quoniam ipse prior dilexit nos, & misit Filium suum propitiationem pro peccatis nostris.*

## II.

## DE DEO FILIO NATO.

In Sym-  
bolo.

**S**ALVTIS ac redemptionis meę basim in eo constituam, vt Christi Domini vtrāq; natiuitatem, diuinam & humanam, syncerè confitear, nimirum Athanasij magni regulam irrefutabilem, planeq; auream sequens, quæ per totam Ecclesiam tot sæculis decantatur. Est fides recta, inquit, vt credamus & confiteamur, quia Dominus noster Iesus Christus Dei Filius, Deus & homo est. Deus est ex substantia Patris ante secula genitus: & homo est ex substantia Matris in seculo natus: perfectus Deus, perfectus homo: ex anima rationali & humana carne subsistens. Æqualis patri secundum diuinitatem: minor patre secundum humanitatem. Vtramque natiuitatem disertè confessi sunt *a* Petrus, *b* Ioannes & *c* Thomas Apostoli, sicut & *d* Paulus affirmans: *Qui cum in forma Dei esset, formam serui accepit.* Quemadmodum enim Christus in prima natiuitate spiritali *a* minor fuit: quia sine officio matris à solo Deo Patre generatus est: ita in secunda natiuitate carnali *a* maior fuit: quoniam sine Patris officio, virgināli vtero procreatus est, vt mediā inter Deum &

*a* Matt. 16.*b* Ioan. 1.*c* Ioan. 20.*d* Philip. 2.

homi-

hominem substantiam gerens, nostram hanc fragilem imbecillēq; naturam quasi manu ad immortalitatem posset educere, vt Lactantij verbis vtamur. Quocirca Dei filius sine matre de Patre genitus, idēq; filius hominis sine patre de matre natus, hunc diem sacrosanctum nobis consecrauit, diuina natiuitate inuisibilis, humana visibilis, & vtrāque mirabilis, quando tanquam sponsus processit de thalamo suo. Quantum igitur illi debeo, qui cū nullius egeret, & bonis omnibus abundaret, æternoq; Patri æqualis esset, summus cum summo illo condens & administrans omnia, tamen semetipsum ad eō exinaniuit, humanam vt naturam indueret, ac suæ diuinæ inseparabiliter copularet, idēq; frater meus & caro mea factus sit. Cuius quidem infantis erga mortales fauor, charitas, beneuolentia fuit incredibilis, nec aptius explicari posse videtur, quā verbis Prophetiis, quæ Deus ipse apud Ezechielem suauissimē loquitur in hunc modum: *Percutiam illis fœdus pacis, pactum sempiternum erit eis: & fundabo eos, & multiplicabo, & dabo sanctificationem meam in medio eorum in perpetuum. Et eris tabernaculum meum in eis: & ero eis Deus, & ipsi erant mihi populus. Et scient Gentes, quia ego Dominus sanctificator Israël, cū fueris sanctificatio mea in medio eorum in perpetuum.* Proinde diuina & humana natura in vnā Christi personam coeunte, ipsoq; Mediatore Dei & hominum ad nos placidissimē accedente, qui pax nostra factus est, habeo sanē, cur vnā cum Angelis orbi gratulantibus maiorem in modum exultem, & Propheticum illud subinde decantem, *Paruulus natus est nobis, & filius datus est nobis: vt quæ Dauidicum illud repetam: Laudentur cæli, & exultet terra ante faciem Domini, quoniam venit.*

Lib. 4. de  
vera sapi-  
entia.

Psal. 18.

Ioan. 1.  
Philip. 2.  
Hebr. 2.

Ezech. 37.

1. Tim. 2.  
Ephes. 2.

Isai. 9.  
Psal. 95.



## III.

*De Virgine puerpera.*

Genes. 3.



VAM magna fecerit Deus Mariæ puerperæ, & quidem in hac natiuitate, id verò mihi non leuiter expendendum est. Sanè vti pura illa concepit, sic & pura peperit filium, à cōmuni mulierum maledicto, vt in peccatis conceptos liberos cum dolore pariant, prorsus immunis Fuit enim illi conceptio sine damno pudoris, fuit partus sine sensu doloris, immo cum ingenti coniunctus gaudio, vt in Deo saluari suo tunc etiam Mariæ spiritus exultarit. Non eguit obstetric in hoc suo puerperio, quæ corpore nunquam languens, integris manebat viribus, nec solum in partu, & post partum immaculata, sed etiam de cœlo vbere pleno lactabat infantulum. O mater, ònutrix & custos talis tantiq; thesauri admiranda, quæ prima videret & adoraret suum mundi q; saluatorem: quæ tam dulce pondus & pignus gestaret, tam amanter exoscularetur, maternoq; iure possideret ac regeret. Nulla puerpera delicias pares, tantumq; voluptatis percepit, nedum in stabulo apud bestias, & circa præsepe, id est, in extrema paupertate potuit experiri. Nulla genitrix tam sapiens in dictis, factis & euentibus omnibus circa suum puerulum accuratius ac religiosius obseruandis. *Maria enim conseruabat omnia hæc, vt Lucas affirmat, conferens in corde suo,* nihil vt scilicet otiosum abire sineret tam grauis & sedula meditatrix. Verè Martha citra culpam sollicita, & æquæ Magdalena sanctè otiosa, quæ per omne puerperium non tam sibi quàm Filio vixit, & quietem animi maximam in illis maternis curis & obsequiis assiduè conseruauit. De illa Cyprianus hoc modo: Non habuit difficiles nixus & parturiges. Maria genitrix & obstetrix, & deuotam dilectæ soboli exhibet clientelam: attrahat, amplectitur porrigit

Sermon. de  
Christi na-  
tiuitate.

mamillam,

mamillam, totum negotium plenum gaudio. Nihil in hac re petijt ultio, nec præcedens delectatio aliquam repetijt pœnarum vsuram.]

Nec dubium, quin amoris & doloris lacrymas vberes & frequētes funderet: amoris inquam tùm naturalis; tùm spiritualis, quas Filio tam augusto, specioso, nobili, amabili, diuino habebat: doloris autem, quas Iudaicæ gentis, quin etiam totius orbis ingratitude exprimebat, quùm dictum Ioannis esse verissimum expetiretur: *In propria venit, & sui eum non receperunt. In mundo erat, & mundus per ipsum factus est, & mundus eum non cognouit.* Quis itaque non condoleat huic mulieri inter omnes benedictæ, & in oppido peregrino apud ignotos tam durè inhumaniterque tractatæ? Partui proxima nō habet quò diuertat, sed hospitibus alijs qui tunc frequentes aderant, locum dare, & omni diuersorio exclusæ, in stabulum ad bestias confugere cogitur. Nullus huius grauidæ miseretur, quæ rerum aspera inopia & vrgenti penuria premitur. Nec habet vbi genitum iam infantulum collocet, què idcirco fascijs inuolutum duro præsepi debuit imponere. Hæccine virginem ac matrem Mariæ pectus pungerent ac vulnerarent? dum apertè cernit nec sui, nec Filij, neque charitatis in summa necessitate rationem haberi, sed sæua bruma, densis tenebris, miraque barbarie plena esse omnia, fidemque & charitatem prorsus extinctam iacere. Cur igitur non admirer, & cum Bernardo dicam: O beata sola inrer mulieres benedicta, & non maledicta, sola à generali maledicto libera, & à dolore parturientium aliena. O verè nouitas inaudita, virgo peperit, & post partum inuiolata permansit: Fœcunditatem prolis cum carnis integritate, & gaudium matris habens cum virginitatis honore. Iam securus expecto promissam mihi gloriam incorruptionis in carne mea, quando-  
quidem conseruata per eum est incorruptio etiam in matre sua.]

Ioan. i.

Serm. 4. in  
vigil. natalis  
Domini.

## IV.

*Quis fructus ex consideratione Virginis  
matris colligendus.*

**R**EQVIRIT à me sacratissima Virgo, vt sibi gaudenti congaudeam, la teque gratias agam præpotenti, qui tam multa & magna ipsi ex millibus electa per Gabrielem prædixit, & per natum Filium præstitit. Hinc & anima eius iure magnificauit Dominum, & spiritus eius in Deo salutari suo gratulabundus exultauit, tanto vtrique plenius & cumulatiùs, quanto fructus Virginalis vteri nobilior, & partus mirabilior, & puerperium auspiciatus ac purius fuit. Quod gaudium inter alia eius mirifica, nec satis laudata vnquam gaudia non parùm excelsit, totiq; mundo sanctè gaudendi & gratulandi materiam amplissimam præbet. Quare in Marię persona, quæ nos ad gratulandum excitet, cōstanter illud cantat Ecclesia: Congratulamini mihi omnes qui diligitis Dominū: quia quūm essem paruula, placui altissimo, & de visceribus meis genui Deum & hominem.

Præterea si Deus tot tantisque prærogatiuis Mariam or nauit & extulit propter insignem castitatem, quoniam ex voto virginitatem ante omnes amplexa est, virgo concepit Emmanuelē, virgo illum sine grauiamine gestauit in utero, sine dolore, sine iactura pudoris peperit, & cum eadem virginitate gloriosam, cunctisque sæculis prædicandam coniunxit fecunditatem: nonnè cum Augustino à nobis iure dicatur: Diligamus præ omnibus castitatem, quia vt placere hanc sibi Christus ostenderet, pudicitiam vteri virginalis elegit. Sancta Maria credidit, sancta concepit, sanctior efficitur post partum. Exitit ipsi virgini Filius qui erat sponsus: ipse genitus, qui erat genitor. ]

Serm. 7. &  
6. in natali  
Domini.

Requirit



Requirit præterea insignis mater, ut iusti doloris lacrymas, à quibus nec illa sibi temperauit, hisce ferijs quamlibet latis adiungā, eò quòd plerique, sicut socordes & dormitantes Bethlehemitæ, natum sibi Saluatorem nec curent, nec sentiant, ideoq; cæci manentes, lumen exortum in tenebris non comprehendant. Rebus ergo terrenis prauisq; cupiditatibus dediti, quo seiplos magis amant, & turpius gratiam omnem excutunt, & pacem ab Angelis nuntiata non haud quaquam experiuntur. Igitur etiamnum pro dolor, illud Christi dictum obtinet: *Lux venit in mundum, & dilexerunt homines plius tenebras quàm lucē.* Et secundum Simeonis terribile vaticinium, natus hic puer licet lumen gentium & Israël gloria verè dicatur, & esse debeat, tamē non omnibus in resurrectionem, sed multis etiam in ruinam, atque in signum contradictionis positus manet.

Psal. lxxx.

Ioan. 3.

Luc. 2.

## V.

*Mariam in partu virginem  
persenerasse.*



ON modò Manichæi & Iouinianistæ iam pridem damnati ab Ecclesia hæretici, sed etiam nostri sæculi Caluinistæ tam sunt impuri ac im-

Vide Aug.  
lib. 1 contra  
Iulian.

pij ut perpetuam virginis matris in partu integritatem audeant inficiari: perinde ac si CHRISTVS nascens, virginem matris portas reclusit, & illa sui corporis & partefacta pepererit. Mihi verò constans Ecclesiæ Catholicæ fides retinenda est, quam à sanctis & venerandis Patribus, veluti per manus traditam, semperque defensam accepi. Probat hanc ipsam integritatem Ambrosius, quoniam Isaias dixerit: *Ecce virgo concipiet, & pariet Filiū, & vocabitur nomen eius Emmanuel.* Non enim concepturā tantummodò uirginem, sed & parituram virginem dixit. Quæ potuit virgo cōcipere, potuit virgo generare: cum semper con-

Epist. 81

Isai. 7.

Matt. 1.

ceptus

Luc. 1.  
Ezech. 44.

Lib. de in-  
stit. virgin.  
cap. 7.

Hom. 1. ex  
varijs locis.  
Hom. in illa  
verba: Ecce  
quàm bonū  
& quam iu-  
cundum.

Hom. de oc-  
cursu Do-  
mini.

Orationē  
de occurſu  
Christi &  
Simeonis.

a In Apolog  
ad Pāmach.  
b Dialog. 2.

Ioan. 20.

a Epist ad  
Volusian. &  
lib. 22. de ci-  
uitate Dei,  
cap. 8.

b Serm. 1. de  
natiuitate  
Domini.

c In cap. 2.  
Luc.

ceptus præcedat, partus sequatur. Sed si doctrinis non creditur Sacerdotum, credatur oraculis Christi, credatur monitis Angelorum dicentium: *Quia non erit impossibile apud Deum omne verbum.* Probat itidem ex Propheta Ezechiele, ubi is agit de porta clausa principi, quæ ad orientem respicit, nec aperitur, viro per illam tranſeunte. Quæ est hæc porta, inquit idem Ambrosius, nisi Maria? ideo clausa quia virgo. Porta igitur Maria per quā Christus intrauit in hunc mundum, quando virginali vsus est partu, & genitalia virginittis claustra non soluit. Mansit intemeratum claustrum pudoris, & inuiolata integritatis durauere signacula, quū exiret ex virgine, cuius altitudinem mundus sustinere non posset.] Et Origines Ambrosio antiquior ita scripsit: Virgo genuit & virgo permanſit. Mater filij facta est, & castitatis sigillum non perdidit. Quare? quia non homo iste tantū qui videbatur, sed vnigenitus erat Deus, qui in carne aduenerat.] Conſonat Eusebius Emissenus. Quia, inquit, corruptionis iniuria non fuit in conceptu, ideo integritas perseuerauit in partu. Nemo ex virgine nato filio calumniatur gloriam tantæ parentis. Quam cœlestis puer non perripuit, dum concipitur, non potuit violare dum nascitur.] Nec dissentit Gregorius Nyſſenus, à quo scribitur: Non prius apertam vuluam virginalē aperuit, signacula virginittis illæsa conſeruans, etiam post processum admirabilem. Æquē luculenter dictum est à Cyrillo Hierosolymitano: Solus Christus citra vllam virgineorum clauſtrum offensionem in lucem editus est. Accedunt his a Hieronymus, b Theodoretus ac alij de Christo testantes, quòd ex clauſo matris vtero sit primū egressus, sicut ſeruatis integris monumenti signaculis reſurrexit, & deinde clauſis ostijs ad discipulos venit. Vt omittam interim c Augustini, b Leomis & c Bedæ verba, quibus hæc ipsa Deiparæ integritas, non solū in conceptu, sed etiam in partu filij comprobatur.

Tantoque magis ego diuinum hoc venerabor miraculum

culum, quod Iudæi, Ethnici & hæretici sensu carnis inflati simul & obæcati capere non possunt, vt credant nempe Christum nascendo non minuisse, sed sacrasse & auxisse matri decus Virginitatis, illique inde gloriam incomparabilem adstruxisse, quod illa castitatem Deo sanctè promissam non solum ante partum, sed etiam in partu & post partum integrè conseruârit. De hac sola cum vniuersa confitebor Ecclesia: Quæ & vnigenitum tuum sancti Spiritus obumbratione concepit, & virginitatis gloria permanente lumen æternum mundo effudit Iesum Christum Dominum nostrum. Talis enim partus decebat Deum, qui matrem suam singulari in cœlestibus donaturus gloria, peculiari in terris præueniret gratia, qua videlicet ineffabiliter & intacta conciperet, & pareret incorrupta, vt Bernardi verbis vtamur.

## VI.

*De nati infantis exemplo.*

**E**RTO mihi persuadebo, nullum spectaculum hoc tempore iucundius, ac homini Christiano salutare magis, quàm Iesum paruulum in Bethlehem, posse proponi atque considerari. *Paruulus enim natus est nobis, & filius datus est nobis*: idemque tot sæculis ardentius quàm credi possit, à plurimis desideratus. Proinde cœli benignitas & humanitas Saluatoris nostri Dei apparuerit, & secundum misericordiam suam saluos nos facere venerit, quo pacto quiuis vel de Patris, vel de Filij bonitate diffidat, suamque in Deum spem non corroboret ac augeat vehementer? Spera in Dominum, quisquis tibi vel perditus vel incurabilis planè videris, quoniam apud Dominum, misericordia, & copiosa apud eum redemptio. Venit ad nos infimos ille summus, & in tanta humilitate atque paupertate venit, vt & Angelici chori inaudita submissionis demiren-

Isai. 9.

Tit. I. &amp; 2.

Psal. 119.

tur Exemplum. Vixdum enim natus nuditatem corporis, rerum omnium indigentiam, frigus, lachrimas, hospitij vilitatem, & lectuli asperitatem vltro subit, totus matris paret imperio, sine qua neque infantilia moueret membra, neque caperet edulium, neque sui corporis compos esse vellet. Et est ille tamen qui suos æquales infantes omnes vincit generis amplitudine, membrorum teneritate, complexionis nobilitate, vultus pulchritudine, omni demùm puritate, virtute & perfectione, quiq̃ue solus dicere queat: *Meus est orbis terra & plenitudo eius.* Ergone illum redamem, eiusq̃ue seruitio me totum addicam, qui sola charitate commotus, adeò se mihi tradidit & impendit, vt illum infantem & fratrem meum videre possim atque complecti? *Verbum enim caro factum est, & habitauit in vobis,* blandissimi pueri natura & forma suscepta, quo nihil sanè mitius, benignius, amabilius reperiri & conspici potest. Cùm diues esset, propter nos factus est pauperrimus, è summo se minimum fecit, velut omnis dignitatis, quam inde ab æterno habuit & amittere non potuit, oblitus esset. Quid multa? sic mundum prorsus immundum dilexit Deus, non Prophetam aut Angelum, sed vnigenitum suum, non ex parte sed totum largiens, qui humilis infantis habitum indueret, seque ad vagitus, lacrimas, famem, sitim & reliquas id genus miserandas arumnas mortalium demitteat, vt inde à primo ortu per omnia fratribus, peccato excepto, affimilaretur. Video interim ac miror, quomodo Legislator suum obferuet edictũ, quod Israëlitis hoc modo traditum legimus: *Omninò indigens & mendicus non erit inter vos, vt benedicat tibi Dominus Deus tuus in terra.*

En tibi Dominum Legis ac Regem Israëlitarum, qui cùm diues, adeoque bonorum omnium author & largitor esset, propter nos egenus, rerumque omnium indigens factus est, nullus vt mendicorum & pauperum egentior ac miserabilior natus esse videatur. Sed & matrem inopem, & pro nutricao patre fabrum elegit, atque omnibus vitæ

commoditatibus sese abdicauit, vili tugurio, immò iumentorum putido stabulo, in quo nasceretur contentus, nec alium requirens lectum, quàm horridum præsepe, in quo fascijs ligatus iaceret, frigeret ac lacrimaretur. An nō crucem amat ac studiosè amplectitur tenerimus puer, qui suæ natiuitati tempus asperrimæ hyemis & intempestam noctem assignat, locum verò sui ortus non in hospitio, sed in via publica, & inter iumenta & stramina deputat? Tam verum est quod ipse prædixerat: *Primam vocem similem omnibus emisit plorans, inuolumentis nutritus sum.* Ac iterum per alium Prophetam testatus fuerat: *Pauper sum ego, & in laboribus à iuuentute mea: ego mendicus sum & pauper,* quodq; idem ipse ore sacro postea comprobauit: *Vulpes foueas habent, & volucres calinidos: filius autem hominis nō habet, ubi caput suum reclinet.* Sed ò me surdastrum, qui Dominum meum de cunis docentem non audio: ò ingratum, qui tanto medico salutis medicamenta & remedia multa monstranti nō obsequor: ò insipientem, qui isthæc prima summi Regis insignia, nimirum innocentiam, humilitatem, mansuetudinem, paupertatem, patientiam nō maioris facio, neque studiosius colo, vt hic puer & mihi cedat in resurrectionem, & ego signum verum menti impressum geram de nato mihi Salvatore, iuxta dictū illud Angelicum: Et hoc vobis signum: *Inuenietis infansem pannis inuolutum, & positum in præsepio.*

Sapient. 7.

Psal. 87.

&amp; 39.

Matt. 8.

Luc. 2.

Ibidem.

## VII.

*De considerandis in hoc festo Angelis.*

**M**VLTVM profectò debemus beatis Angelis, qui nisi excellenti charitate flagrant, & de procuranda hominum salute solliciti essent, vltro de cælo in terram adeò frequentes non descenderent, totq; modis Christi nobis natalem in terris non cohonestarent.

Genes. 40.  
Marc. 6.

Primi hoc mysterium euangelizant mortalibus, ex quibus non nisi abiectos opiliones ad audiendum Euangelium deligunt, eisq; locum Dominicæ natiuitatis ostendunt, nec minus factis quàm dictis suam in nos poena dignos beneuolentiam, nouamq; lætitiā orbi comprobant: toti se demū in Dei Opt. Max. laudes effundunt, simulq; in consolandis miseris, in prædicanda pace, in natali sui nostriq; Regis celebrādo studiosè versantur. Quare hos fidos Dei ministros ducesq; nostros imitabor, vt non Pharaonis aut Herodis, sed Regis mei ac Monarchæ omnium natalem augustissimum venerer, eumq; hymnis & lætitię documentis omnibus celebrem.

Luc. 1.

Adhæc ne ab Angelorum exemplo discedam, fraternæ pacis concordiaq; studiū augebo, spirituales lætitiā præ me feram, de nato paruulo libenter & cogitabo & loquar, illudq; melos Angelicum in corde & ore frequenter habeo: *Gloria in altissimis Deo, & in terra pax hominibus bonæ voluntatis. Alleluia.* Vbi cœlestes illi spiritus & gloriam summo Deo (tanti muneris ob natum Mediatorē auctori) certatim decantant, & pacem amabilem hominibus consortio Angelico restituendis optant ac nuntiant, illis quidē mortalibus præcipuè gratulantes, qui à peccatis auersi, bonam, integram, sanctamq; voluntatem adferunt & ostendunt, neq; minus fraternæ pacis & concordie sunt studiosi. Nam & cum illis societatem pacis Angelici spiritus habere fecerant, quorum mentibus puritatem bonæ voluntatis inuenerant, vt cum Gregorio Magno loquamur.

In Euangelium de natiuitate Domini.

## VIII.

### De Bethlehemiticis pastoribus.



E e inuitus gratulabor Bethlehemiticis pastoribus, noctu in campo excubias agētib; quos tanto beneficio affecit DEVS, vt omnium Iudæorum



foelicissimi, & velut primi Christiani possint existimari. Etenim de nato in orbe Messia primum Euangelium audiunt, & Doctorem habent non hominem, sed Angelum: nec solum credunt, sed etiam obediunt, suamq; obedientiam Christi visitatione declarant, & acceptam gratiam alijs vltro communicant, vt in Deum grati, & erga proximum benefici meritò habeantur. Non enim sunt otiosi spectatores infantis, neque frigidi auditores Euangelij, nec inuidi mysteriorum occultatores, qui veritatem DEI in iustitia detineant, sed reuelatum ipsis arcanum, quod alijs mundi sapientibus abscondebatur, intimis animi sensibus comprehendunt, maximaque fide complectuntur: tum diuino lumine collustrati perficiunt, vt noua lux ipsis patefacta magis ac magis apud alios inclarescat. Tantò præterea cum fructu veritatem multis aperiunt, vt iusta tanti beneficij & miraculi admiratio in audientium animis excitetur, & DEVS multis iure glorificetur. Sic enim habet Euangelista: *Reuersi sunt pastores glorificantes & laudantes Deum in omnibus, quæ audierant & viderant.* Ac iterum: *Omnes qui audierunt, mirati sunt de his, quæ dicta erant à pastoribus ad ipsos.* Tam seduli, tam grati fuere pastores, qui nobis insuper futuros Ecclesiæ pastores ac magistros Apostolos adumbrant, quum diuinitus illustrati, mirabiliter ex rudibus & indoctis sapientes ac Theologi subito euaserint, ac Euangelium prædicarint.

Ab his ego discam, alijs dormientibus sæpè vigilare, labori manuum vacare, mundi sapientiam pro stultitia deputare, Angelos mihi amicos conciliare, cœlestibus monitis parere, sacra peruestigare mysteria, sensus & vires omnes ad Dei cultum amoremque transferre, & pro data mihi gratia fidam alijs opem exhibere. Discam præterea, quod omnis sapientiæ caput est, Christum vnum cunctis quæ amantur & expetuntur bonis, anteponere, tantumque thesaurum cupidè ac studiosè, vt apud me maneat, conseruare. Quamobrem hosce pastores Bethlehemi-

Rom. 1

Matth. 11.

Luc. 2.

Luc. 2.

Isai. 2.

ricos, qui Christiani spiritus primitias acceperunt, ob oculos mihi proponam, ac velut illorum in Christo quærendo iocius dicam: *Transcamus usq; Bethlehem, & videamus hoc verbum quod factum est, quod fecit Dominus, & ostendit nobis.* Nec dissimilis cohortatio est, qua se mutuo filij Dei ad perfectiora prouocant, iuxta Prophetam ita loquentes: *Venite, & ascendamus ad montem Domini, & ad domum Dei Iacob: & docebit nos vias suas, & ambulabimus in semitis eius.* Tum iterum: *Domus Iacob venite, & ambulemus in lumine Domini.*

## IX.

## De Iosepho Mariae sponso.



ST hic castissimus & integerrimus Mariæ sponfus & custos, idemque fidissimus Iesu nutritius pater, ac sanè dignus, cuius frequentem & venerandam ego memoriam nō in Aduentu solū, sed hoc etiam tempore custodiam. Is obedientię officium præbens, vel media hyeme in Bethlehē proficiscitur, suumq; censum pendit, vt Cæsaris edicto satisfaciatur. Idem nato in Bethlehē puero non sedet otiosus, sed presenti inopia & rei familiaris angustia commotus circumcursitat, & ex animo satagit, matri simul & puero fidum præstare procuratorem, sicut Deus hoc illi munus proprium demandarat. Iam verò quā crebrō, quā amanter ille Christum puerum spectare, de illo cogitare ac loqui, quin sensus & operas omnes ad eius ministerium conferre (dicam & somniare) non sine maxima voluptate solebat? Vbi enim thesaurus Ioseph, ibi cor, & oculus & sensus omnis eius haud dubiè versabatur. Nec deerat vera fides, quā ab Angelo iam antea instructus, tot miracula & mysteria præsens contemplaretur. Accedebat & amor feruidus, & reuerentia lætitiæque singularis, quā & nouæ sanctæq; puerperæ consideratio

Matt. 1.

Luc. 2.

non poterat non augere. An non Lucas perspicuè dixit, quod Ioseph pater eius & mater erant mirantes super his quæ de puero dicebantur? nimirum iam increbescente rumore de Angelis in aëre visis, & in campo auditis, de pastoribus primis totius historię testibus atque præconibus, de miro pueri decore atque splendore, ut qui etiam infans divini aliquid præ se ferre videretur, præ filiis hominum utique speciosus atque gratiosus. Quis ambigat obsecro verum id esse, quod *a* Origines & *b* Bernardus planè confirmant, hunc Ioseph ita Virginem, ut Dei matrem & Dominam suam, & pudicitie castitatisq; omnis exemplar suspexisse atque coluisse? qui certè non potuit non paratus esse, ut tali coniugi per omnia inferuaret.

Psal. 44.

a Hom. 1. in

diuerfos.

b Hom. 2.

de beata

virgine.

Cur non opto ac studeo eam mihi dari fidem, voluntatem, industriam, sedulitatem, obseruantiam, patientiam, charitatem? ut parte saltè ex aliqua viro tam solerti quam religioso conformer, in quo tot tantæque virtutes elucebant, & quasi perpetuæ comites erant in suscepto munere gnaviter obeundo, & in difficilibus peregrinationibus, quæ deinde consequutæ sunt, ritè conficiendis. Quare amorem Christo & matri eius debitum, vnà cum Ioseph, præstare moror? Nonne propter Christum membra eius officiosè tractabo? aut saltem lauabo pedes Domini mei? certus quoduis ministerium vel infimis fratribus præstitum, etiam ad Christum caput pertinere, & singulari æternaque mercede pensari? Non enim mentitur veritas ita promittens: *Quod uni ex minimis meis fecistis, mihi fecistis. Quisquis vnā ex paruulis receperit in nōmine meo, me recipit. Qui- cunq; pocum dederit uni ex minimis istis calicem aquæ frigidi, tantum in nomine discipuli, amen di-*

Matt. 25.

&amp; 18. 1

Matt. 10.

*co vobis, non perdet mercedem suam.*



## De primo Christi hospitio.



VLUM hospitium æquè ac Bethlechem Iuda, ciuitas Dauid, vtpote primum Christi hospitium mihi arridebit: Iustinus hoc Iudææ castellum vocat, quod ab Hierosolymis ad stadia tringintaquinque distaret. In hac dilecta domo & patria primi & secundi Dauidis nunc maximè commorabor: hic domum panis quo vescar, hic scholam sapientiæ in qua studeam, mihi propositam esse ducam. Designauit hanc domum nobis Angelus: in hac schola pastores, alijque sanctè philosophantes plurimum profecerunt. Discam igitur in Bethlechem, quàm verè dixerit Propheta: *Quis sicut Dominus Deus noster, qui in altis habitat, & humilia respicit in cælo & in terra?* Et quod alibi legimus: *Quanto magnus es, humilia te in omnibus:* quodque Christus ipse pronunciauit: *Discite à me, quia mitis sum & humilis corde.* Ac rursus: *Quicumq; humiliauerit se, sicut paruulus iste, hic maior est in regno cælorum.* Discam præterea in Bethlechem, sapientiam non commorari in terra suauiter viuentium, neque eam in domibus regum ac delicijs luxuque diuitum, sed potius in paupertatis angustijs, in asperitate vitæ, in mundi opumque contemptu, in sui odio & voluntatis proprię abdicatione reperiri. Pudebit me, hoc Bethlehemiticum Christi hospitium tam paucis esse charum ac familiare, vt qui neglectis humanæ vitæ commodis, in omni simplicitate & humilitate Domino seruiant, atq; hac regia via tendentes, veram sapientiam assequantur. Dolebo mihi non magis esse cordi crucis amorem ac studium, quàm tamen hac velut tessera & symbolo quodam diuinæ prædestinationis & perpetuæ salutis, agnoscantur electi, maximeque coram Deo & Angelis eius resurgant, qui Christi velut stigmata non grauati assumunt, & cum Paulo gerunt in corpore patiēter. *Non enim est seruus maior Domino*

In Apologia 1

Psal. 112.

Eccles. 3.  
Marth. 11.  
& 18.  
Iob. 28.  
Luc. 7.

Gal. 6.  
Ioan. 13.  
Marth. 8.

*pro*, qui alieno ac vili hospitio contentus, non habet ubi caput reclinet, suumque corpusculum ut innocentissimum, ita & tenebrissimum in via crucis apud Bethlehemitas primum satis inclementer exercet. Proposuit enim illum Pater non solum propitiatorem, qui saluum faciat populum suum à peccatis eorum, verum etiam exemplar, ducem & vexilli ferum, quem fideles perinde ac milites usque aspiciant, & præcuntem pro virili sequantur, etiam si per viam crucis gradiendum sit. Sic enim & ipse docuit: *Qui non accipit crucem suam, & sequitur me, non est me dignus.*

Discam iterum in Bethlehem, non modò sanctam paupertatem, si res ita postulet, colere, sed & pauperum viliumque personarum cōiuctu ac familiaritate gaudere, quando Rex meus inde ab initio non magnates ac diuites, sed sordidos & abiectos opiliones ortus sui conscios reddidit, illisque velut selectis amicis, per Angelum inuitatis primum se cognoscendum & amplectendum præbuit, eo ipso confirmans, pauperum & simplicium Euangelium ac regnū cælorum proprium esse. *Pauperes enim euangelizantur.* Discam cum paruulo Iesu flere lubentius, quàm cum infano vulgo ridere: discam silere studiosius, quàm loqui, ac tacendi quidem tempus proprium ac longum obseruare. *In silentio enim & spe erit fortitudo vestra.* Discam demum seruire omnibus, atque in illorum qui præsumunt, arbitrio & potestate me totum statuiam & relinquā, ut velut paruulus ex matris nutu pendere, nullamque de me sollicitudinem gerere videar: melior illius: *Amen dico vobis, quicumque non accipit regnum Dei sicut puer, non intrabit in illud.* Quid enim studij, quid reuerentiæ ac obedientiæ Christo Domino, ac deinde maioribus non debeo? cum Paulus hoc seruis atque mancipijs iniungat, ut cum timore ac tremore suis Dominis obediunt ac ministrent in omni simplicitate cordis, atque ita

Dei voluntatem ex animo faciant, certum humilitatis ac obedientiæ suæ præmium expectantes.

Rom. 3.  
Matth. 1.  
Ioan. 13.  
1. Ioh. 2.  
Luc. 9.

Matt. 10.

Matth. 5.  
& 18.

Luc. 6. & 7.

Isai. 30.

Marc. 10.  
Luc. 18.

Ephes. 6.  
Coloss. 3.





# IN FERIIS CHRISTI NATALITIIS.

## *Sequentis Euangelij Argumentum.*

**L**UCAS Euangelista Virgini Deiparæ, ut putant, familiaris, sicut ex eius ore sacro percepit, ita solus perferipit multa mysteria, tum ad huius matris personam, tum ad Filij conceptionem, ortum & pueritiam maximè pertinentia. Quodd ergo Christum Dominum ex Virgine natum in Bethlehém recolimus ( hoc enim totius festi natalitij fundamentum est) nemo rectiùs quàm ex Luca percepit: tam disertè ille circumstantias admittendæ, puræ, sanctæque huius natiuitatis omnes exponit, nimirum de tempore, loco, modo & propalatione partim ab Angelis, partim à pastoribus facta, ne quicquam ad summum hoc nati Christi mysterium reuelandum & illustrandum pertinens, possit desiderari. Etsi verò idem Lucas diuinam Christi natiuitatem, quæ ab Euangelista Ioanne ex professo tractatur, in hoc Euangelio non describit, tamè hoc satis indicat, quem Maria primogenitum in tempore peperit, illum ipsum esse à Patre genitum in æternitate, eumque simul & primogenitum & vnigenitum censerì oportere. Et ne quenquam primogeniti nomen offèndat, notat post Hieronymum Theophylactus, primogenitum vocari eum, qui primò nascitur, etiamsi nullus postea sequatur. Nec dubium est, Mariam & Ioseph ( sanctissimos castissimosque coniuges ) ex Angelo & Spiritu sancto intus habitante didicisse, hunc ipsum puerum esse Filium altissimi, nec modò sanctum, sed & mundi sanctificatorem, & idcirco IESVM diuinitus ap-

Ioan. i.

Luc. i.

latum.




latum. Nihil ergo mirum, quòd illi, vt Augustinus & Ambrosius comprobant, eundem puerum ad venerandum illud præsepe adorârint, quemadmodum & de Angelis piè opinari debemus, cùm de illorum officio Spiritus sanctus dixerit: Adorate eum omnes Angeli Dei. Nam & Apostolus Paulus hunc locum Christo attribuit, eumque Deum esse probat, quùm sit ille Rex, quem iuxta dictum hoc Propheticum adorent Angeli, siue cœlestes illi spiritus, qui Angelorum nomine comprehenduntur. Quod adorandi officium si propriè ac strictè accipiatur, nulli planè sanctorum deferri debet, vt quibus dulcè tantùm veneratio (sicut vocant) debeat. Ecclesia verò suam de adorando paruulo mentem illo vetusto cantico satis explicat: Dies sanctitatis illuxit nobis: venite gentes, & adorate Dominum, quia hodie descendit lux magna super terram, Alleluia. Sicut nempè Magi Christum paruulum adorârunt.

Psal. 96.

Hebr. 1.

Matth. 1.



IN IISDEM FERIIS EVANGELIUM LUCÆ SECUNDO.

**E**xiit edictum à Cesare Augusto, vt describeretur vniuersus orbis. Hæc descriptio prima facta est à præside Syria Cyrino. Et ibant omnes vt profiterentur, singuli in suam ciuitatem. Ascendit autem & Ioseph à Galilæa de ciuitate Nazareth in Iudæam ciuitatem David, quæ vocatur Bethlehém, eò quòd esset de domo & familia David, vt profiteretur cum Maria despon-

facta sibi uxore pregnante. Factum est autem, cum essent ibi, impleti sunt dies ut pareret. Et peperit Filium suum primogenitum, & pannis eum inuoluit, & reclinauit eum in praesepio, quia non erat eis locus in diuersorio. Et pastores erant in regione eadem vigilantes, & custodientes vigilias noctis super gregem suum. Et Ecce Angelus Domini stetit iuxta illos, & claritas Dei circumfulsit illos, & timuerunt timore magno. Et dixit illis Angelus: Nolite timere: Ecce enim euangelizo vobis gaudium magnum, quod erit omni populo: quia natus est vobis hodie Saluator, qui est Christus Dominus in ciuitate David. Et hoc vobis signum: Inuenietis infantem pannis inuolutum, & positum in praesepio. Et subito facta est cum Angelo multitudo militie cœlestis, laudantium Deum & dicentium: GLORIA IN ALTISSIMIS DEO, & in terra pax hominibus bonæ voluntatis. Et factum est, ut discesserunt ab eis Angeli in cœlum, pastores loquebantur ad inuicem: Transeamus usque Bethlehem, & videamus hoc verbum quod factum est, quod Dominus ostendit nobis. Et venerunt festinan-

tes,

tes & inuenerunt Mariam & Ioseph, & infantem positum in praesepe. Videntes autem cognouerunt de verbo, quod dictum erat illis de puero hoc. Et omnes qui audierunt, mirati sunt, & de his quae dicta erant à pastoribus ad ipsos. Maria autem conseruabat omnia verba haec, conferens in corde suo. Et reuersi sunt pastores glorificantes & laudantes Deum in omnibus quae audierant & viderant, sicut dictum est ad illos.

NOTÆ MEDITATIONVM ET  
PRECATIONVM CIRCA FESTVM  
ET EVANGELIUM.

*Verbum caro factum est, & habitauit in  
nobis. Ioan. 1.*

**I**RMA in primis fide complectar, & aduersus Iudæos, Mahometanos, hæreticos, impiosq; omnes confitebor incomprehensibile Dominicæ incarnationis mysterium, quod Ioannes tonitrui filius & sublimis Aquila mirabiliter prodidit, nos omninò certos reddens, CHRISTVM IESVM plus quàm hominem, & omni creatura præstantiorem, omni tempore & sæculo antiquiorem, ipsumq; vitæ, lucis, sapientiæ & virtutis omnis principium, fontē & causam inde ab æterno extitisse, unicū illud à Patre suo sempiterno prodiens Verbum, cui dictum est: *Filius meus es tu: ego hodie genui te:* vel sicuti alibi loquitur: *Ex utero ante luciferum genui te.* Vnde Christi per-

Psal. 1.

Psal. 109.

Heb. 1.

Sapient. 7.

In epist. ad

Epiet.

In 1. cap.

Ioan.

Isai. 53.

Matt. 11.

Lib. 1. ad

Trasimundum

Regē.

1. Tim. 2.

iona Paulo dicitur splendor gloriæ, & expressa imago substantiæ Dei, & hæres moderatorque omnium constitutus, per quem facta sunt & sæcula, Angelis omnibus excellentior, quoniam videlicet natura sit Deus, eiusdem cum Patre diuinitatis, substantiæ, virtutis atque maiestatis. De hoc solo verè dixeris: *Candor est lucis æterna, & speculum sine macula Dei maiestatis, & imago bonitatis illius.*

ÆQUALI fide percipiam & retinebo alterum verèque aureum Ioannis dictum, quo nihil miseris mortalibus suauius & amabilius esse potest: *Verbum caro factum est.* Ita verò impij & execrandi coarguuntur errores mentientium, Filium Dei in carnem conuersum, vel ante Mariam, & inde ab æterno carnem siue animam humanam assumsisse, tum ex matre corrupta hominē procreatum esse, quemadmodum Athanasius & Cyrillus annotârunt. Rectè autē Isaias in hoc mysterium intuens dixit, *Generationē eius quis enarrabit?* Diuinam enim solus Pater agnoscit, qui hunc Filium sine initio & sine genuit, illumque solus nouit: humanam verò sola virgo mater, vt nemo alius intellexit, intinēque persensit, quando sine viro, sine semine, sine peccato Verbum Patris carne sua induit, & quem vniuersus orbis non capit, sola cepit, & sine dolore peperit, non solū ineffabili, sed etiam incomprehensibili modo. Ad hanc fidem confirmandam valebit, si adscribam verba D. Fulgentij de hoc summo mysterio differentis, vt illud contra tetros multorum hæreticorum errores purum integrumque seruemus. Sic autem scribit: Ioannes illud verbum carnem factum aſſerit, quod Deum esse superius memorauit: vt ostenderet, eundem verum Deum ex Patre, qui est homo verus ex homine. Propterea verò mediator Dei & hominum Christus Iesus ab Apostolo prædicatur. Nam quia Deus erat Verbum, in eo quod Deus totum hominem suscepit pro nobis, verbum caro factum est, & habitauit in vobis. Verbum utique caro factum est, in eo quod est vna in Christo Dei hominisque persona: habitauit autem in

nobis,

nobis, quia in Christo vera totaque permanet diuina humanaq; substantia. Propter hanc in Christo vnitatem personæ, & inconfusam veritatem diuinæ humanæque substantiæ, vnus idemq; Christus & puer ab Isaia dicitur, & Filius, ac Deus pariter prædicatur. Sicut inquit, Puer natus est nobis, & Filius datus est nobis, cuius principium sub humeros eius, & vocabitur nomen eius admirabilis, consiliarius, Deus, fortis. In vno Christo non sunt duæ personæ vt alius puer, & alius Deus.] Nihil ergo mirum, quod pij omnes huius inexplicabilis mysterij sublimitate reuerentiaque commoti, ad summi numinis laudem excitantur, totque iam seculis obstupescences, hoc publicè cum Ecclesia profitentur: O admirabile commercium, creator generis humani animatum corpus sumens de Virgine, nasci dignatus est: & procedens homo sine semine, largitus est nobis suam Deitatem.

Ego verò hac ipsa Ecclesiæ Catholicæ confessione, velut sacra anchora confirmatus, ad nullam rem aliam hoc tempore me studiosius comparabo, præterquam ad hoc tantum mysterium & beneficium contemplandum: in eo venerando & prædicando sollicitè versabor, meq; ad illud intimè complectendum sæpiùs excitabo. Quare hunc diuinum infantem, velut in præsepi aut sinu matris positum, non sine fidei oculis intuebor, atque illum adorabundus ita compellabo: Vnde hoc mihi, vt æternus Dei Filius, author atque conseruator omnium, quem coelum & terra comprehendere nō possunt, ad me veniat infantis assumpta natura? Vnde inquam, hoc mihi, vt mundi monarcha, idemque Rex Angelorum frater meus efficiatur, atq; adeo seipsum deiiciat, vt nostri generis misérias & erumnas, quarum perpetuus est tenor, vltro subire, vitæque suæ primordia inter bestias, & cum lachrimis, neque sine summa paupertate, & paucissimis notus, auspicari dignetur? Quantos verò labores ac dolores ille per omnem vitam exantlandos sibi propósitos habet, vt mea & aliorum Adæ filiorum

Tit. 2.

peccata meritaſq; poenas in ſe transferat ac expiet? ſuum etiam ſacroſanctum ſanguinem, vt iræ filios Patri cœleſti reconciliet, paratus profundere. O quantum illi debeo, qui Deus exiſtens & permanens, homo ac limus eſt factus, vt me cinerem & puluerem ſplendori priſtino reſtituat, & vile mancipium Satanæ ad ſummam & æternam prouehat dignitatē? Verè apparuit benignitas & humanitas Saluatoris noſtri DEI, non ex operibus iuſtitie, quæ fecimus nos: ſed qui ſecundum ſuam miſericordiam ſaluos nos fecit, quum perpetuū exitiū promitteremur. Nonne igitur hunc mediatorem & redemptorem redamem? hunc ſalutis mee authorem ac vindicem venerer ac prædicem? huius voluntati ac miniſterio me iuſtè cōſecrem, ac totus impendam? vt propter illum abnegans impietatē omnem & ſecularia deſideria, ſobriè, iuſtè, ac piè tantiſper viuam, quoad in hoc degam ſeculo. Quocirca totius huic paruulo qui Deus & homo exiſtit, me totum offeram ac tribuam: quin & alios ad eius cultum & amorem excitans, cum Pſalmographo dicam: *Venite adoremus & procidamus ante DEUM, ploremus coram Domino qui fecit nos, quia ipſe eſt Dominus Deus noſter.*

Pſal. 94.

Iſai. 40.

EXPENDAM & accuratiùs illa verba: *Verbum caro factum eſt*, caro inquam, infirma, caro infantilis, caro tenera, caro impotens: omnis operis ac laboris impatiens, caro de qua ſcriptum eſt: *Omnis caro ſanum, & omnis gloria eius quaſi ſtos agri.* Nec modò Verbum caro factum eſt, ſed etiam inter nos & in nobis habitauit, ſuam apud nos vitam auſpicans in ſtabulo & præſepi, fundens vagitus & lachrimas. O miram ergo duritiā cordis mei, quando tam viuo & expreſſo amatae humilitatis, patientiæ poenitentiaque exemplo non commoueor, neq; illi conformor in reformatione ſpiritus mentis meæ. Opus eſt maiore ſtudio humilitatis, quæ fundamentum eſt cuſtoſque virtutum, & quæ ſola noſtras ſaluare animas poteſt. Quid magis indignum, quid deteſtandum amplius, quid grauius puniendum, quàm vt

videns



videns DEVM cœli paruulum factum, vltra apponat homo magnificare se super terram? Intolerabilis profectò impudentiæ est, vt vbi sese exinaniuit Maiestas, vermiculus inflectur & intumescat. Hoc igitur est propter quod exinaniuit se formam serui accipiens, qui in forma DEI, Patri æqualis erat: sed exinaniuit maiestate & potentia, non bonitate & misericordia. In primis igitur curauero, id quod præclare à Bernardo dictum est, sæpius in mentem reuocare: Quanti te fecit DEVS, ex his quæ pro te factus est agnosce, vt appareat tibi benignitas eius ex humanitate. Quantò enim minorem se fecit in humanitate, tantò maiorem exhibuit in bonitate, & quantò pro me vilior tantò mihi charior est. Aduerte homo, quod limus es: & non sis superbus; & quia Deo iunctus es, & non sis ingratus.

Phil. 2.

Serm. i. de  
Epiphan.

*Transseamus vsq; Bethlehem, & videamus hoc Verbum quod factum est.*

RUSTICANORVM pastorum siue opilionum sanctam indnam simplicitatem, & ex animo desiderabo, vt cum his paruulis & mihi de IESV paruulo reueletur mysteriũ, quod mundi sapientes, & sui magis quàm Dei amatores vel non capiunt, vel inaniter credunt. Non sat habent boni pastores ingens de ortu Messie mysterium ab Angelo audire, sed illud relicta sui gregis cura propius cognoscere studet, quod in Bethlehem proprijs fidei oculis sedulò contemplantur, & reuerenter suspiciunt, palamque alijs annunciant, vt Christi, velut vnici omnium Saluatoris ortus, & Angelorum de illo testimonium compluribus innotescant. Igitur ab his ego pastoribus multa iam antè commemorata dicam, in primis autem oblatam cœlestis gratiæ lucem, non tardè, nec oscitanter amplecti, in Bethlehẽ cum illis diuinè philosophari, meã in Christum natum fidem, spem & charitatem augere atq; stabilire. Docent me in super, quàm verè dictum sit illud: *Voluntatem timentium se faciet Dominus,*

Matt. 21.

quodq;

Sapien.1.

quodq; Sapiens admonet: *Sentite de Domino in bonitate, & in simplicitate cordis querite illum: quoniam inuenitur ab his qui non tentant illum: apparet autem eis qui fidem habent in illum.* Monent præterea, ad verè fideles pertinere, quod à

Psal.77.

Rege Dauid dictum legimus: *Narrantes laudes Domini & virtutes eius, & mirabilia eius qua fecit.* Rursus testatum nobis faciunt, diligentibus DEVM & quærentibus Christum, præsertim simplicibus & obedientibus, cuncta prosperè succedere. His enim diuinum promittit oraculum: *Ego diligentes me diligo: & qui manè vigilant ad me, inuenient me. Qui me inuenerit, inueniet vitam, & hauriet salutem à Domino.* Postremò si pastores sola adhuc natiuitate Domini cognita, reuersi sunt glorificantes & laudantes Deum

Rom.8.  
Prou.8.

In Euangelio de natiuitate Domini.

in omnibus quæ audierant & viderant (Bedæ verbis vtor:) quantò magis oportet nos, qui totam incarnationis illius seriem ex ordine cognouimus, qui sacramentis illius imbuti sumus, in omnibus gloriam eius ac laudem non solum verbo, sed etiam factis prædicare, neque vnquam obliuisci, quod idè DEVS homo natus est, vt nos ad imaginem & similitudinem suæ diuinitatis renascendo reficeret?

*Maria autem conseruabat omnia verba hæc, conferens in corde suo.*

GRATVLABOR sanctissimæ Virgini, ac incomparabili matri scelicissimum partum, vt quæ salua virginali pudicitia, sicuti dictum est, non modò sine omni dolore, sed etiam cum ineffabili gaudio eum, quæ sine corruptione conceperat, salua integritate peperit mundi redemptorem. Nullo obstetricum eguit adminiculo, quæ tam vegeta & integra viribus vsque mansit, vt suum infantem fascijs inuoluere, in præsepio reclinare, super illum excubias agere, immò & diuinum adorare mysterium sine vilo negotio posset. Quare mirabor huius nouæ & inauditæ puerperæ conditionem, quod sine languore ac lassitudine, cui

pari-

parientes alia sunt obnoxia, simul matrem, nutricem & obstetricem egerit, quodq; presenti semper animo, ac flagranti studio agilis & alacris ea praestiterit obsequia, quae a matre filio possunt ac debent impendi. Est sane incredibile, quantoperè illa recens natum paruulum, utpote plus quam hominem, à se cognitum reuereretur, quam ardentè amaret, quam sollicitè gestaret, lactaret, inuolueret, quam amanter eundem amplecteretur & exoscularetur. Beata verè inter mulieres & genitrices omnes, quae non solum huius ter sanctae natiuitatis fructus dulcissimos primum experta est: verum etiam de tanto beneficio sibi, nobis, filio ac Deo Patri ut latissimè, ita & piissimè voluit ac potuit gratulari. Neque minùs mirabor, hanc ipsam adeò sacri puerperij laboribus occupatam, simul egregiam agere cōtemplatricem, ac piorum perfectorumque omnium, qui sacra contemplantur, veluti magistrā & speculum existere. Etenim quaecunque verba perceperat, quascunque res gestas aspexerat, in pectoris sui scrinio venerando recondit, saepe ac multum expendit, & cum literis quoque Prophetis confert, ita ut nō solum in contemplationem, sed & in admirationem diuinæ sapientiæ ex dictis & factis omnibus raperetur. Quid ergo mihi, nisi ut hoc Mariae sequar exemplum, facere conuenit, si cum fructu quidem Christi natalem celebrare contendam? Opus est profectò non vulgari puritate atque integritate, quoniam Christus apud impudicos & carnales neque nascitur nec educatur, sed mundum & floridum requirit lectulum, in quo cubet. *Lectulus*, inquit, *nostr floridus*. Opus vigilantia & sollicitudine, quae non in Bethlehemiticis nimium ignauis ac dormitantibus, sed in Maria & Ioseph excubias agentibus reperitur. *Beatus enim homo*, ait, *qui audit me, qui vigilat ad fores meas quotidie, & obseruat ad postes ostij mei*. Opus insuper gratitudine, grataque veneratione & adoratione, qua nobis Maria & Angeli praeluxerunt, ut maximo Dei beneficio cumulati, in agendis gratijs haudquaquam cessemus. *Omni*

Cantic. 1.

Prou. 8.

Matt. 25.

Luc. 11.

Isai. 55.

*enim habenti dabitur, & abundabit. Opus deniq; non solum audire, sed etiam secundum virginæ matris exemplum custodire verbum Dei, ut velut in fertili agro conditum crescat, fructumq; multiplicem ac maturum proferat. Quomodo enim descendit imber, & nix de celo, & illuc ultra non reuertitur, sed inebriat terram, & infundit eam, & germinare eam facit, & dat semen seminanti, & panem comedenti: Sic erit verbum meum, quod egreditur de ore meo, inquit Dominus: non reuertetur ad me vacuum, sed faciet quacunq; volui, & prosperabitur in illis ad quæ misi illud.*

Isai. 11. &amp; 62

Psal. 1.

Psal. 18.

Ioan. 14.

Ergo ne tam durus, tam ingratus ac stupidus manebo, ut hoc natalitio tempore, cum electis Angelis, cum Maria matre, cum laudatis pastoribus, beatissime Trinitati non gratias agam? non pacem optem omnibus? non bonæ voluntatis argumenta declarem, & indicia præ me feram? Væ mihi, si Prophetæ vocem clarissime resonantem non persentiā. *Exulta, inquit, & lauda habitatio Sion, quia magnus in medio tui sanctus Israël. Ecce Dominus auditum fecit in extremis terra. Dicite filie Sion, Ecce Salvator tuus venit.* Germanis Dei filijs me adiungant, qui omnium serè gentium linguis hoc festum exornant, laudesq; diuinas in eo priuatim & publicè celebrant, suum ut ardorem ac studium sanctum ostendāt, ad Messiam recens natum, ut cupidissime excipiendum, ita & iucundissime amplectendum, & amantissime osculandum. Etenim pro eo quod noster habet interpret: *Apprehēdite disciplinam, ne quando irascatur Dominus, sicut Prophetæ grauissime monet, complures ex Hebræo rectè vertunt, Osculamini filium.* Osculi autē nomine singularis quidam exigitur amoris affectus, quo credentes omnes erga Christum humanæ salutis vindicem ac parentem ardere, suamque gratitudinem ac singularem zelum declarare conuenit, quando ille *tanquam sponsus procedens de thalamo suo, exultauit ut gigas ad currendum viam suam.* Is etiam perbenigne promissit: *Qui diligit me, diligetur à Patre meo, & ego diligam eum, & manifestabo ei meipsum.*

# DE PRECIBVS CVM HOC EVANGELIO CONIVNGENDIS.

**P**RECANDVS mihi Deus pro Magistratibus, ut publica pacis inducenda ac promouenda rationem maximam habeat. Natus est enim princeps pacis, ut illum vocat *Isaias*, neg. sub alio quàm *Augusto* verè pacifico *Casare* in orbem prodire voluit, pacem nobis per *Angelos* nuntians, immò & pax ipsa nobis effectus, illudq; implens vaticinium: Orietur in diebus eius iustitia & abundantia pacis: quemadmodum & *Isaias* & *Michas* fore prädixerant. Nisi verò pax Ecclesia constituatur atque conseruetur, fieri non potest, ut fideles pro summo incarnationis Dominice beneficio, commodè & iucundè gratias agant, latos conuentus instituant, hocq; festo dignum gaudium publicè concelebrent.

**O**RABO & pro ignorantibus atq; in fide errantibus plurimis, ut veritatis ac sapientia diuina luce cum pastoribus collustrentur, atq; ut ioues vagantes, sub Christo nato pastore, sicut illum promissit *Ezechiel*, in vnum ouile colligantur, collecti autem in eadem fidei doctrinæq; Catholica normâ conspirent. Adhuc quoniam bona pars Catholicorum diuini amoris ac timoris expers, adhuc securè peccat, Christi q; præceptis & exemplis improbè aduersatur, etiam atq; etiam rogabo Dominum, ut ex his pleriq; conuertantur, fiantq; homines bonæ voluntatis. Cor enim durū habebit malè in nouissimo, & qui amat periculum, in illo peribit. Cor verò ingrediens duas vias, non habebit successus, ut ab Ecclesiastico rectè docemur. Caterum quod *Angelus* pacis optat ac nuntiat, etiam sic accipi potest, ut pacis nomine, sicut *Hebraea* lingua proprietas docet, bona omnia mortalibus congruentia designentur. Vbi verò suā quis voluntatem sectatur, & non ex Dei lege ac voluntate vivit, illic exulare Christus cogitur, cuius locus in pace factus est, quisq; suis testatur: Pacem relinquo vobis, pacem meam do vobis.

**D**EMVM pro vniuerso fidelium cœtu precabor, ut omni vetustate posita, cum Christo paruulo quasi renascatur, & secun-

Isai. 9.

Luc. 2.

Ephes. 2.

Psal. 71.

Isai. 2.

Mich. 4.

Ezech. 34.

Eccles. 3.

Psal. 75.

Ioan. 14.

dum spiritum renatus, in sua quisq; vocatione perfectiorem vita rationem nouo quodam studio arripiat ac prouehat. Quare sapienter facit Ecclesia, qua tot sæculis hoc die frequenter sic Deum innocat: Concede quasumus omnipotens Deus, ut nos Vni-geniti tui noua per carnē natiuitas liberet, quos sub peccati iugo vetusta seruitus tenet. Per eundem Dominum nostrum.

VNUM verò, cum multi suppetant, Ecclesiasten dabo natalitium, qui tanti festi usum & fructum doceat luculenter: atque is est Leo verè magnus in hunc modum differens: Agamus gratias, dilectissimi, Deo Patri per Filium eius in Spiritu sancto, qui propter multam charitatem suam qua dilexit nos, miserius est nostri: & cum essemus mortui peccatis, conuincit nos Christo, ut essemus in ipso noua creatura, nouumq; figmentum. Deponamus ergo veterem hominem cum actibus suis, & adepti participationem generationis Christi, carnis renuniemus operibus.] Ac iterum idem praeclare sic admonet: Quisquis Christiano nomine pie & fideliter gloriaris, reconciliationis huius gratiam iusto perpende iudicio. Tibi enim quondam abiecto, tibi extruso paradisi sedibus, tibi per exilia longa morienti, tibi in cinerem & puluerem dissoluto, cui iam non erat spes ulla viuendi, per incarnationem Verbi potestas data est, ut de longinquo ad iuum reuertaris auctorem, recognoscas parentem, liber efficiaris ex seruo, de extraneo proueharis in filium: ut qui ex corruptibili carne natus es, ex Dei spiritu renascaris, & obtineas per gratiam, quod non habebas per naturam. Laudate igitur Deum dilectissimi in omnibus operibus eius atq; iudicijs. Sit in vobis indubitata credulitas virginæ integritatis & partus: reformationis humana sacrum diuinumq; mysterium sancto atq; sincero honorate seruitio. Amplectamini Christum in nostra carne nascentem, ut eundem Deum gloriæ videre mereamini in sua maiestate regnantem, qui cum Patre & Spiritu sancto, manet in unitate Deitatis in secula seculorum.



Sermon. 1.  
de hac so-  
lennitate.

E Serm. 2.  
eiusdem  
authoris.



# DOMINICA IN INFRA OCTAVAS DOMINI- CÆ NATIVITATIS.

## *Sequentis Euangelij Argumentum.*

**Q**UÆ sequuntur Euangelia, ex D. Luca ferè petuntur, & Christi Domini pueritiam pulchre nobis expendendam proponunt, neque minùs ad Christianam pueritiam, quæ totius Ecclesiæ perpetuum est seminarium, ritè formandam seruiunt. Quod si complures è senioribus Simeones & Annas, ac itidem ex coniugibus Iosephos & Marias, Zacharias & Elizabethas haberet Ecclesia, procul dubio longè rectius quàm hodie fieri solet, cum iunioribus & pueris, cum senioribus & coniugibus passim ageretur. Elegàtem adscribam locum ex Irenæo, qui docet Christi Redemptoris aduentum & iunioribus & senioribus vtilem ac salutarem fuisse, quando ita scribit: Omnes venit per semetipsum saluare, omnes inquam, qui per eum renascuntur in Deum, infantes & paruulos, & pueros, & iuuenes, & seniores. Idèò per omnem venit ætatem, & infantibus infans factus, sanctificans infantes, in paruulis paruulus, sanctificans hanc ipsam habentes ætatem, simul & exemplum illis pietatis effectus, & iustitiæ & subiectionis. Iuuenibus iuuenis, exemplum iuuenibus fiens, & sanctificans Domino. Sic & senior in senioribus; vt sit perfectus magister in omnibus, non solum secundum expositionem Deitatis, sed secundum ætatem sanctificans simul & seniores, exemplum ipsis quoque fiens, deinde & vsq; ad mortem peruenit, vt sit primogenitus ex mortuis, ipse primatum tenens in omnibus.]

Ac benè sane habet, natum nobis Messiam non solum ab illustri Propheta, sed etiam à laudabili Prophetissa, atque

Lib. 1. contra Valent.  
cap. 39.

Col. 1.

Lib. 5. con-  
tra Valent.

Leuit. 12.

Luc. 2.

Hom. 2. su-  
per Missus  
est.

Isai. 11.


Ioan. 3.

1. Cor. 12.

Ephes. 4.

Serm. 8.

ita à virili simul & femineo sexu, in templo publicè præd-  
cari, vt ex ore duorum irrefutabilium testium, Iudaica &  
hæretica perfidia fortissimè coarguatur, quando vtriq; na-  
turæ Christi impie contradicitur. Vides hic præterea Chri-  
stianam pietatem in Christo ipso fundari, & à veris Ecclesiæ  
ministris confirmari, sed in paucis interim senioribus, ma-  
ioribus, coniugibus & virginibus elucere, suamque decla-  
rare virtutem, vt glorificetur Deus, & Ecclesia ædificetur.  
Fœlices illi, quibus natus Messias non in ruinam, sed in re-  
surrectionem est positus. Venit enim Christus (Itenai ver-  
bis vtor) in ruinam non credentium, quibus maiorem rui-  
nam quam Sodomorum & Gomorrhæorum commina-  
tur. Venit in resurrectionem credentium & facientium vo-  
luntatem Patris eius, qui in cælis est.] Caterum de vene-  
rando senæ Simeone, quem tantoperè Lucas prædicat, Cy-  
rillo Hierosolymitano & Epiphanio credere par est, verum  
illum sacerdotem extitisse, cum in templo sanctis coniugi-  
bus Ioseph & Mariæ benediceret, sicut in lege sacerdotibus  
præscribatur. Nec est quod quæquam offendant Lucæ  
sententia, quæ Christum puerum non solum ætate, sed et-  
iam gratia profecisse subindicit. Ersi enim idem Christus  
conceptus nō minùs quàm natus, paruus æquè ac magnus,  
& infans vti vir, sapientia perfectæ pollebat & gratia, tamen  
in illa profecisse dicitur, non secundum quod erat, sicuti  
Bernardus notat, sed secundum quod alijs in corpore appa-  
rebat, quum à principio semper plenus fuerit Spiritu san-  
cto, eumque ad mensuram non acceperit, à quo veluti ca-  
pite omnis gratia in corpus, eiusque membra omnia deri-  
uatur. Gregorius Nazianzenus habet in hunc modum: Ie-  
sus proficiebat, non quodd incrementum aliquod acciperet  
(quid enim perfectis à principio perfectius fuit?) sed quodd  
hæc paulatim detegebantur & apparebant, videlicet sapi-  
entia & gratia. Quare sicut hic puer, (formandæ omnis  
pueritiæ speculum) ætate ac robore viribusque magis ac  
magis crescebat, ita & eius sapientia, quam experi-  
mentalem vocant, paulatim illustrior appa-  
rebat, & apertius cognosce-  
batur.



## EVANGELIUM EIVSDEM

Dominicæ. Luc. 2.

**E**Rat pater eius (Joseph) & mater eius mirantes super his que dicebantur de illo. Et benedixit illis Simeon, & dixit ad Mariam matrem eius: Ecce positus est hic in ruinam & in resurrectionem multorum in Israel, & in signum cui contradicetur. Et tuam ipsius animam pertransibit gladius, ut reuelentur ex multis cordibus cogitationes. Et erat Anna Prophetissa filia Phanuel, de tribu Aser, hæc processerat in diebus multis, & vixerat cum viro suo annis septem à virginitate sua. Et hæc vidua erat usque ad annos octoginta quatuor: quæ non discedebat de templo, ieiunijs & obsecrationibus seruiens nocte ac die. Et hæc ipsa hora superueniens, confitebatur Domino, & loquebatur de illo omnibus qui expectabant redemptionem Israel. Et ut perfecerunt omnia secundum legem Domini, reuersi sunt in Galileam in ciuitatem suam Nazareth. Puer autem crescebat & confortabatur, plenus sapientia, & gratia Dei erat in illo.

NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Ecce positus est hic in ruinam.*

**C**UM PRIMIS mihi renouabo dulcem memoriam recens nati Redemptoris, & optabo illū vnā cum Maria & Ioseph cognoscere simul & amare, quin etiam res à puero tam præclare gestas mecum admirari. Dicam igitur cum Psalmographo: *Quàm magnificata sunt opera tua Domine? omnia in sapientia fecisti. Mirabilia operata tua, ideò scrutata est ea anima mea.* Potissimum verò me seriò cōuertam ad illum, quem Lucas hoc loco describit Simeonem, cumque senem iustum, & prophetam Euangelicum, qui suam de Christo cognitionem ac fidem verbis perspicuis declarauit. Etenim in templo Hierosolymitano oblatum Mariæ filium reuerenter excepit, suisque brachijs lætè complexus est, ac statim illum præclaris ornauit titulis: qui nulli prorsus alij nisi soli Messia, competere possunt. Nam publicè testatus est, illum ipsum esse Mundi saluatorem, lumen gentium, & gloriam Israël, ac proinde vnicum orbis Mediatorem, Redemptorē, ac Saluatorem, antea quidem promissum & expectatum, nunc autem exhibitum ac manifestatum, initio tantæ salutis in Hierusalem facto. Confirmat igitur per Christum natum adesse tempus, vt electi omnes cum Rege Dauide cantare possint: *Notus in Iudea Deus: in Israël magnum nomen eius. Notum fecit Dominus salutare suum.* Sed enim quantò plura mihi de Christo scire & credere quàm huic Simeoni contigit? neque tamen illius oculis tantum thesaurum contemplor, nec iisdem amoris stringo brachijs, neque propter hoc summum bonum ex-

Psal. 103.

Psal. 118.

Psal. 75.

Psal. 97.

ulto in Spiritu sancto, nec mundum & terrena fastidians, ad solum illud totus adspiro, vt cum hoc sene & Paulo Apostolo mihi vsurpare possim. *Propter Christum arbitratus sum omnia vt stercora. Infelix ego homo, quis me liberabit de morte corporis huius?*

Phil. 3.  
Rom. 7.

Neq; verò sat est Simeoni blanda & dulcia de Christo concionari, vt homines consoletur, qui vt iusti saluiq; reddantur, tantum Dei misericordiae Christi; meritis credant atque fidant. Eundem enim Christum, quem Dei salutare dixerat, multis non solum in resurrectionem, sed etiam in ruinam natum ac positum esse commonstrat, multis inquam, tum Ethnicis, tum Israelitis. Et si enim vt Iacobus affirmat: *Deus intentator malorum est, ipseque neminem tentat*, ac nullius omnino mali author esse potest, tamē sicut res ipsa confirmat, ea mundi est malitia, vt sine criminibus & scandalis non viuatur, vtq; complures oblato Christi Redemptoris beneficio clam palamque abutantur, immò verò maior illorum semper sit copia, qui Christo & eius Ecclesie libentiùs cōtradiceere, quàm obedire parati sint. *Stultorum enim qui sapientiam atq; doctrinam despiciunt, infinitus est numerus*, & paucis angusta, plurimis verò spaciofa via quæ ad perditionem ducit, arridet. Vnde dixit & Paulus. *Nos prædicamus Christum Crucifixum, Iudeis quidem scandalum, Gentibus autem stultitiam*. Hinc iam sequitur miseranda electorum raritas, quàm in spiritu præuidens Isaias aiebat: *Offendent (ex habitantibus Hierusalem) plurimi & cadent, & conterentur, & irretientur & capientur*. Quamobrem Christus etiam ipse de ingrato ac damnando mundo queritur: *Venit lux in mundum, & dilexerunt homines magis tenebras quàm lucem*. Vbi singularem ego dolorem capiam, cum adeò multos hac ætate videam Christi Domini & Christianæ Ecclesiæ aduersarios atque persecutores, quemadmodum Iudæos, Tartaros, Mahometanos, hæreticos ac schismaticos manifestos, quibus velut in meridiana luce cæcutientibus, suasque densas tenebras mordicè consecretanti-

Iacob. 1.

Matt. 18.

Prou. 1.  
Eccles. 1.  
Matt. 7.  
1. Cor. 1.

Isai. 8.

Ioan. 3.

Iob. 21.

bus, non aufert sed auget potius Christus damnationem æternam. Horum nomine ab impijs dicitur Deo: *Recede à nobis, & scientiam viarum tuarum nolumus. Quis est omnipotens ut seruiamus ei, & quid nobis prædest, si ora uerimus illum?* Respondet autem his contemptoribus æterna sapientia: *Ego quoq; in interitu vestro ridebo, & subsannabo. cum vobis id quod timebatis aduenerit.* Stant enim immotæ sententiæ: *Qui non crediderit, condemnabitur. Si quis Ecclesiam non audierit, sit tibi sicut ethnicus & publicanus. Qui incredulus est filio, non videbit vitam, sed ira Dei manet super eum. Sine fide impossibile est placere Deo.*

Prou. 1.

Marc. 16.

Mich. 18.

Ioan. 3.

Heb. 11.

1. Pet. 2.

Luc. 3.

Ioan. 15.

Gal. 5.

2. Pet. 2.

Prou. 26.

DOLEBO insuper vicem illorum, quibus etiam in vera Ecclesia persistentibus, Christus hucusq; lapis est offensionis & petra scandali, sicut Petrus appellat, vel signum contradictionis, ut Simeon loquitur. Multorum enim Christianorum tanta est peruersitas, ut Christi gratia sibi oblata uti, per ignauiam, otium & luxum prorsus negligat, atque ita velut steriles ac putres arbores in horto Ecclesiæ perseuerent, sed suo tempore, diuini iudicii falce præscindendæ. Etenim *si quis in me non manserit, ut Christus ipse testatur de infructuosis, mittetur foras sicut palmes, & arefcet, & colligent eum, & in ignem mittent, & ardet.* Peiores vero sunt alij, qui Christianam vocationem suam t. tris criminibus contaminant, & siue occultè, siue manifestè peccent, nullum sacræ pœnitentiæ locum tribuunt, ut post lapsum Deo & Ecclesiæ reconcilientur. Libet enim illis, ut Paulus ait, secundum carnem viuere, carnisque operibus incumbere, & cupiditatem charitati anteferre, ut vix ullam conscientia rationem habere videantur. De quibus omnibus aperte loquitur Apostolus Petrus: *Melius erat illis non cognoscere viam iustitiæ, quàm post agnitionē retrorsum conuertere ab eo quod illis traditum est sancto mandato.* Contigit enim eis illud veri prouerbij: *Canis reuersus ad suum vomitum: & sus lota in volutabro luti.* Proinde quantò plures hoc impurissimo sæculo extra veram Ecclesiæ arcam de-

gunt,



gunt, vel in ipsa arca indignius sese gerunt, vt sine timore peccantes, in ira Dei moriatur, tantò illi acerbius mihi bonisq̃ue omnibus cum Ieremia Propheta deplorandi sunt, quandoquidem Christus non solùm à Iudais, sed etiam ab alijs gentibus reprobatus, verè factus est lapis confringens & conterens, sicuti Propheta loquuntur.

MIHI verò illuc est maximè contendendum, vt quoad licet, me Christi Domini verbo & exemplo studiosè cōformem, ne contra stimulum calcitrare, & præsenti luminì rebellare videar. *Ego enim sum lux mundi*, inquit Dominus: *Qui sequitur me, non ambulat in tenebris, sed habebit lumen vitæ.* Deinde cauebo prorsus, ne in verbo Dei scandalum patiar, quod quidem ex Catholica Ecclesiæ sensu atque consensu acceptum, purè conseruabo. *Beatus enim est*, inquit Christus, *qui in me non fuerit scandalizatus.* Nonne verba mea bona sunt cum eo, qui recta graditur? Adhuc super eundem Christum tanquàm lapidem viuum, electum, honorificatum, sicut Petrus Apostolus exigit, & super sanctam fidem omnis iustitiæ fundamētum, quemadmodum Iudas docet, me ipsum superædificabo, vt fiam & ipse domus spiritualis, & offeram Deo spirituales hostias, acceptabiles Deo per Iesum Christum Dominum nostrum. Deum sollicitè ac sæpè precabor, vt accepta Christi cognitio atque fides in me non maneat infructuosa, & ita Christi iram ac odium in me concitet, quemadmodum illis accidit omnibus, qui (Paulo teste) Christum ore quidem confitentur, virtute autem & opere abnegāt, sed potius vt cum timore & tremore meam salutem operer, sciens Christum eiusq̃ue beneficium non prodesse ad salutem alijs, nisi veris ac viujs Ecclesiæ membris, Christoq̃ue capiti obtemperantibus. Nam & Paulus docet, Christum non omnibus credentibus, sed sibi obsequentibus factum esse causam salutis æternæ, & Deum sine sanctimonia videri non posse mortalibus.

Zach. 12.  
Dan. 12.  
Matth. 21.

Act. 9.  
Iob. 24.  
Ioan. 8.

Mich. 2.

1. Pet. 1.

In epistola.

Tit. 1.

Phil. 2.

Heb. 5. & 12.

Et

*Et tuam ipsius animā pertransibit gladius.*

Ist. 2.

Matt. 2.

Luc. 2.

Serm. de as-  
sumptione  
Virginis.Lib. 13. com-  
ment in  
Ioannem.

VENERABOR & amabo Virginem matrem sacratissimam, tum ob alia multa, quæ satis in illa & de illa nequeunt prædicari, tum ob ingentes animi eius angores, ac frequentes dolores nullis quidem verbis explicabiles, qui hoc loco præacuti gladij cor virginium penetrantis nomine per Simeonem designantur. Ferrum sanè acutum, & animam eius pertransiens fuit, cum cerneret Bethlehemitas & Iudæos alios tam cæcos, ut natum præsentemq; Messiam suum non agnoscerent, bestiis etiam ingratiore, alios verè vna cum Herode hostiliter eundem puerum in sectantes, ut idcirco triste exilium in Ægypto fuerit subeundum. Nec sine magno animi dolore Christum amissum quæsiuit, & peracto triduo inuenit in templo disputantem: quem præterea in Euangelij prædicandi officio defatigari, & à multis indignè tractari, adeoque à magnatibus ad atrocia supplicia per summam iniuriam rapi, non potuit illa non molestissimè ferrè, quæ Filium præ cæteris amauit & amare debuit plurimum. Quos autem estus atq; cruciatus illa in partu diuino effugit, eosdè sub cruce filij sui cumulatè persensit ac pertulit, ita ut supra modum afflicta, prædictū Simeonis gladium in corde suo sæuientem, sicut nemo alius, experiretur. Hinc illud à Sophronio scriptū legimus: Beata Dei genitrix, quia in ea parte passa est quæ impassibilis habetur, idè (ut verum fatear) quia spiritaliter & atrociter passa est, gladio compassionis Christi plus quàm martyr fuit. Quoniam enim plus omnibus dilexit, propterea & plus doluit, in tantum ut animam eius pertransiret & possideret vis ad testimonium eximie dilectionis.] Consonat his Rubertus apertè pronuntians, Mariam in pariendo omnem euasisse dolorem, sed cum abundè subiisse, cum pendentem & morientem in cruce filium aspiceret: tunc enim illam præ omnibus matribus fuisse mulierem oppressam tristitia, nostramque omnium matrem effectam esse.

DISCAM interium hoc Virginis matris exemplo, & me afflictum, & moerentes alios consolari, quantumvis crucem acerbam & præter meritum sustineam. Nam illa omnium innocentissima, & virtutibus ornatissima, sanctissimaq; virgo, gladium spiritualem maximi doloris, & crucem acerbissimam perferre debuit, sicut Simeon in templo illi prænuntiârat. Vnde quod Angelus de Tobia protulit, huic etiam largiri debemus: *Quia acceptus eras Deo, necesse fuit ut tentatio probâret te.* Sicut & illud: *Multa tribulationes iustorum,* hos enim velut aurum in igne probari, & per pœnam ad gloriam perducere necesse est. Eadem rursus me admonet tum lætitiæ tum doloris & commiserationis humanæ, ut à pijs huiusmodi affectibus non sim alienus, sed sciam suo loco simul gaudere cum gaudentibus, & flere cum flentibus. Hoc enim officium est Christianæ charitatis proprium, & erga proximos nunquam non exercendum, ut dilectio nostra, sicut Paulus loquitur, sit sine simulatione, & si quid patitur vnum membrum, compatiantur omnia membra corporis: si verò membrum vnum gloriatur, cætera etiam membra congaudeant. Nihil verò dubium, ingens & admirandum Deiparæ gaudium, ex lætis laborum Christi, & Apostolorum successibus persæpè provenisse, illamque ob singularia Dei munera percepta illud subinde repetuisse: *Magnificat anima mea Dominum.* Quæ insuper cum Euangelij profectum impediri, & ab hostibus varia pericula nascenti primùm Ecclesiæ obijci cerneret, non poterat de prædicto sibi gladio non meminisse, & cum Propheta dicere: *Bonum mihi quia humiliasti me: Fiat Domine voluntas tua:* Placco mihi in infirmitatibus, in contumelijs, in necessitatibus, in persecutionibus, in angustijs pro Christo: Quantumvis ergo dura & tristitia multa irruant (*militia enim est vita hominis super terram*), tamē in statione mea persistam & constantem in Christum amorem cum Domina nostra præstare satagam, nulla ut doloris acerbitas, hostium sæuitia, aut tentationum vis me vnquam

Tob. 12.

Psal. 33.  
Eccles. 2.

Rom. 12.

Rom. 12.  
1. Cor. 12.

Luc. 1.

Psal. 118.  
Matt. 26.  
2. Cor. 12.  
Iob. 7.

Luc. 16.

Actor. 14.

2. Tim. 2.

Heb. 12.

à diuina lege obedientiaque & iustitia sancta diuellat ac separet. Præstat in cruce cum Maria Christo commori, quàm sine Christo cum diuite epulone in hoc mundo florere, & mundi copijs omnibus abundare. Apostolica enim doctrina est, quæ semper obtinet : *Per multas tribulationes oportet nos intrare in regnum Dei. Si commortui sumus, & conuiuemus : si sustinemus, & conregnabimus.* Iubet ergo Paulus nos in disciplina siue castigatione Domini perseuerare, ac diuinam expectare cōsolationem, quæ licet ad tempus differatur, probatis tamen certo certius obuentura sit. *Quem interim diligit Dominus, castigat : flagellat autem omnē filium quem accipit.*

*Hæc vidua erat vsq; ad annos octoginta quatuor: quæ non discedebat de templo, ieiunijs & obsecrationibus seruieus nocte ac die.*

ANNA isthæc Phanuelis filia, simulq; Prophetissa, vidua erat verè Euangelica, cuius mores ita spectabo, vt me ab illius confessione, pietate, ieiunijs, obsecrationibus, omniq; diuino cultu procul abesse cum dolore perpendam. Nec enim solùm illa ex nobili & illustri genere procreata, sed diuino etiam spiritu afflata Prophetissa commendabatur omnibus, quæ illibatum virginitatis candorem vsq; ad matrimonium, & in ipso cōiugio fidem erga maritum inconcussam semper seruauerat: quæ præterea licet in ipsa viginti ætate coniuge orbaretur, tamen vnico viro contenta vsq; manserat, & eo vsque suam vidualem castitatem protraxerat, vt annos octuaginta quatuor in illa perageret. Ad hæc velut mundo carniq; mortua, ne otiosam fuisse suspicemur, templo se dedicarat victimam, simulq; corpus quotidiano ieiunio, & animū precibus & obsecrationibus die nocteque offerre ac tradere sponte consueuerat. Rectè igitur Ambrosius illam facit viduam, quæ sit viuuda religio-

Lib. de bono viduitatis.

ne, effloresca

ne, effœcta corpore, cui & diuerforium eſſet in templo, & colloquium in prece, & vita in ieiunio. Scribit etiam de illa Hieronymus: Quia ab adoleſcentia uſq; ad octoginta quatuor annos uiduitatis onus ſuſtinuerat, & nō recedebat de templo Dei, diebus ac noctibus inſiſtens ieiunijs & obſecrationibus, idcirco meruit gratiam ſpiritualem, & nuncupari ſilia vultus Dei.] Phaniel enim in lingua noſtra vultum Dei reſonat. Quare non modò illa vidua, ſed omniũ quoque viduarum Euangelicarum excellens fuit ſpeculum & rarum exemplar, de quibus nempè à Paulo dictũ legimus. *Viduas honora, quæ veræ viduæ ſunt*, hoc eſt, quæ omni filiorum & amicorum auxilio deſtitutæ, ſuis manibus laborare nō poſſunt, vel quia paupertas illas debilitat, vel ætas conficit, & quarum ſpes omnis in Deo ſita eſt, quum interim ſecundas nuptias reſpuant. Eiufcemodi viduas Eccleſia primitiua frequentes habebat, atq; ſic honorabat, vt eas gratis alendas ſuſciperet, ac illarum neceſſitati per Diaconos prouideret.

Vbi nouos ego ſectarios admirabor, qui & virginalem & vidualem caſtiram nullo in precio habent, quantumvis à Paulo ſcribatur: *Qui matrimonio iungit virginem ſuam, benè facit: & qui non iungit, melius facit.* Ac rurfus de vidua pronuntiat, *Beatior erit, ſi ſic permaſerit.* Præterea veræ pietatis opera, quæ Lucas in hac vidua prædicat, tantum non ſordent aduerſarijs, quoniam ſcilicet nullum Dei præceptum in verbo expreſſum habeant, neque ad cultus Deo gratos pertinere videantur. Atqui contrarium planè Lucas indicat, quum notat, Annam talibus victimis frequentium ieiuniorum & precationum coluiſſe Deum nocte ac die, vt hinc etiam alij ſic verterint locum: Non diſcedebat de templo, ieiunijs ac precationibus ſeruens. Eſt & illa euidens impoſtura, quod noui doctores Annæ depranāt ieiunium, illudque non aliud niſi vitæ ſobrietatem, victuſq; parſimoniam, & ab omni peccatorum genere abſtinentiam velint agnoſcere. Quasi verò ylla fidelium ætas fuerit ab hoc

In epiſt. ad  
Furiam de  
viduitate  
ſeruanda.

1. Tim. 5.

Act. 6.

1. Cor. 7.

Ioël. 2.

a Matt. 4.

b Exod. 24.

c 3. Reg. 19.

d Marc. 2.

2. Cor. 6.

generali ieiunio libera, neq; satis è scriptura constet, aliam & propriam ieiunandi rationem ac disciplinam tùm in veteri, tùm in noua lege pijs semper esse seruata, sicut & illa Dei vox abundè comprobatur: *Conuertimini ad me in toto corde vestro, in ieiunio, fletu & planctu*, vt interim de a Christi, b Moyse, c Eliæ & d Apostolorum ieiunio sciam. Sed valeant cum nouo suo ieiunio, blandi subdoliq; doctores, quibus nihil asperum placet, & qui omnem sancti ieiunij, abstinentiæ, poenitentiæ, castitatis ac pietatis veteris consuetudinem habent exosam, iamq; in suis Ecclesijs è medio sustulerunt, nihil vt ferè cum hac Anna & probatis sanctorum aliorum operibus & institutis commune habere videantur.)

1. Tim. 5.

In Psal. 67.

Rom. 8.

1. Cor. 7.

2. Cor. 6.

1. Cor. 9.

Galat. 5.

Galat. 6.

1. Cor. 7.

CÆTERVM quibus armis in sua vocatione Anna cum ingenti laude pugnavit, mihi quoq; & omnibus, præsertim sacrum cœlibatum, amantibus, pugnandum esse censebo, vt aduersus Asinodæi siue diaboli machinationes carnisq; illecebras, nunquàm satis laudatus thesaurus pudicitie confeructur atque illustretur. Etenim vt Paulus docuit: *Vidua quæ in delicijs est, viuens mortua est*. Etsi enim illa mundo viuere ac florere vegeta videatur, dum nihil nō carni licenter indulget, tamen à Christo Domino, quem secreta non fallunt, pro mortua deputatur. Hoc est, carne viuens, mortua est spiritu, Hilario teste. Atque vt idem Paulus alibi de renatis omnibus loquens testatur: *Si secundum carnem vixeritis, moriemini*. Quare non solum huius Annæ, sed etiam dicti Apostoli sequar exemplum, qui vt suum cœlibatum, ad quem hortatur & alios, integrum custodiat, nec orandi, nec ieiunandi finem facit, clareq; pronunciat: *Castigo corpus meum & in seruitutem redigo, ne cum alijs predicauerim, ipse reprobis efficiar: Qui enim sunt Christi, carnem suam crucifixerunt cum vitijs & concupiscentijs*. Ac alibi rursus affirmat: *Qui seminat in carne sua, de carne & metet corruptionem*. Idem præterea sicut Christianas viduas, quæ in suscepto cœlibatu purè persistunt, bea-

tiores



iores facit, ita & alias, quæ castitatem Deo Ecclesiæq; promissam violant, fidemque primam irritam faciunt, æternæ damnationi subiicit. Vnde fidus Augustini sectator Fulgentius ita scripsit: Quisquis seipsum castrauit propter regnum coelorum, & in corde suo continentiam vouerit, non solum si mortifero fornicationis crimine inaculetur, verum etiam si aut vir uxorem accipere, aut mulier nubere voluerit, secundum Apostoli sententiam damnationem habebit, quia primam fidem irritam fecit.]

Huius autem Annæ tanquam germana soror fuit Paula Romana, verè spectabilis & sancta vidua, quæ corporis sui infirmitatem incredibili abstinencia & duplicatis ieiunijs contraxerat, quæ insuper exceptis diebus festis vix oleum in cibo caperet, & hoc secum in ore voluere consueuerat: *Subjicio corpus meum, & in seruitutem redigo, ne alijs predicans, ipsa reproba inueniar.* Et: *Bonum est vinum non bibere, & carnem non manducare.* Ac iterum: *Humilius in ieiunio animam meam.* In languoribus autem & crebra infirmitate dicebat: *Quando infirmus sum, tunc fortis sum.* Eadem sibi tam duram indixerat disciplinam, ut ad castitatis lauream assequendam, & ad poenitentiam in Palæstina exercendam hos canones obseruaret: *Affligendum corpus quod multis vacauit delicijs. Longus risus perpeti compensandus est fletu. Mollia linteamina & serica pretiosissima, asperitate cilicij commutanda. Quæ viro & seculo placui, nunc Christo placere desidero.*] quem admodum de illa Hyeronimus ad Eustochium virginem scribit.

1. Tim. 5.  
In lib. de fide ad Petrum. cap. 6.

1. Cor. 9.  
Rom. 14.  
Psalm. 34.

In epistola Paulæ.

## DE PRECIBVS CVM HOC EVANGELIO CONIUNGENDIS.

**P**RECANDVS est mihi Deus tum pro infidelibus, tum pro hæreticis omnibus in tot sectas hodie dissectis, qui vix un-

Matt. 24.

2. Tim. 3.

quàm antea in Christo, Christiſq; verbo & Ecclesia grauius of-  
fendi fuerunt, ac magis alios etiamnum offendunt ubique gen-  
tium. In his impletur Simeonis, immò & Christi vaticinium,  
quo prædictum eſt: Multi pseudoprophetae ſurgent, & ſedu-  
cent multos. *Ac iterum:* Tunc ſcandalizabuntur mul-  
ti. *Et Paulus adhuc euidentius:* Mali homines & ſeducto-  
res, *inquit,* proficient in peius: errantes & in errorem mit-  
tentes.

Luc. 1.

*ORABO* etiam ſapientiam & gratiam mihi neceſſariam  
dari à IESU parulo, vt ſecundùm ſpiritum in homine inte-  
riore grandescam, & eas virtutes, qua vocationi meae inprimis  
congruunt, præſertim verò ſimplicitatem & obedientiam, ma-  
gis ac magis indies aſſequar. *Vt enim* Euangelium aſtruit, pu-  
er IESVS creſcebat & confortabatur ſpiritu: & proficiebat  
ſapientia & ætate apud Deum & homines.

Lib. 3. con-  
ſtit. Apoſto-  
cap. 1.

\* Lib. de  
viduis.

*AD HÆC* Deum inuocabo pro viduali & cælibe, mo-  
naſticoq; ſtatu reformando, præſertim vt plures viri ac mulie-  
res in Ecclesia ſecundùm normam perfectioris Chriſtianiſmi,  
& ex more veteris Eccleſiae ex animo ſeruiant Deo. Petam no-  
bis viduas dari, quæ mundo ſunt mortuæ, veraq; ſpirituales, vt  
Iudith viſtricem, Annam hanc Phannelis filiam, Paulam &  
Marcellam Romanas, Monicam Auguſtini matrem, Reginam  
Vngaricam Elizabetham aliasq; ſimiles pio ſtudio am-  
mentur. Clemens Romanus exemplum huius An-  
næ cepit, ſuſiusq; tractat \* Am-  
broſius.





# IN DIE CIRCVM- CISIONIS DOMINI.

## *Sequentis Euangelij Argumentum.*

**D**E Christi Domini circumcissione, deq; nona ter sancti nominis IESV impositione, ac simul prima Dominici sanguinis effusione monet nos hic breuiter Euangelista: Pulchrè autem ab hisce mysterijs, quæ & legis veteris finem, & sacri Euangelij principium innuunt, nouum annum ordimur, Christum nempe salutis humanæ fontem & authorem spectantes, & longè quidem sælicius, quàm veteres idolorum fecere cultores, qui præsentem diem siue Calendas Ianuarias profanis epulis, omnique luxu & detestanda superstitione more suo pessimo celebrârunt, aut potius contaminârunt. Quod cùm ferre non posset præclarus Christi martyr Almachius, cultum & furorem ethpicum illis, verbis increpauit: Hodie octauæ Dominici diei sunt: cessate à superstitionibus idolorum, & à sacrificijs pollutis. Vbi certè non attinet repetere de mysterio circumcissionis, quod his quidem verbis extulit Cyprianus: Inter omnia testamenti veteris sacramenta nihil circumcissione solennius antiqua celebrauit religio, nec tantùm in Hebræos, sed etiam in Phœnices & Arabes hæc traditio inoleuit.] Nec obscurum est circumcissionis vsum & præceptũ ante Moysen extitisse, quoniam Deus legem circumcissionis etiam magno Patriarchæ Abraham eiusque filijs præscripsit: & Christus ipse contra Iudeos disserens, illud affirmauit: Moyses dedit vobis circumcissionem, non quia ex Moysè est, sed

Serm. de ratione circumcis.

Gen. 17.


Ioan. 7.  
Gal. 5.



## EVANGELIVM EIVSDEM

Festi Lucae secundo.

**P**ostquàm consummati sunt dies octo, ut circumcideretur puer, vocatum est nomen eius IESVS, quod vocatum est ab Angelo, priusquàm in utero conciperetur.

NOTÆ MEDITATIONVM ET  
PRECATIONVM CIRCA IDEM

EVANGELIVM.

*Postquàm consummati sunt dies octo.*

**V**ER IESVS siue apud Nazarenos in matris utero concipiatur, siue in Bethlehem terra Iuda nascatur, siue iuxta ritum Iudaicum circumcidatur, siue in templo etiam Hierosolymitano offeratur, legitima semper obseruat tempora, nec sustinet quicquam circa se præposterè, & sine certo Patris consilio ac præcepto effici. Deinde rogatus aliquando ut patraret miraculum, aptè respondit: *Nondum venit hora mea*, quemadmodum & alibi dixit: *Tempus meum nondum impletum est*. Igitur nõ sine peculiari prouidentia contigit, ut annis ferè triginta priuatam & obscuram vitam degeret, & quadraginta diès in deserto ieiunaret, ac quadriennium non integrum con-

Ioan. 2.

Ioan. 7.

Luc. 24.

1. Pet. 1.

Ioan. 8.

Ioan. 4.

Psal. 4.

Apo. 1.

Sapient. 11.

Ecclesi. 12.

sumeret in munere concionandi. Oportuit, sicut idem ipse testatus est, Christum pati, & resurgere à mortuis tertia die, & ita intrare in gloriam suam, quemadmodum & spiritus in Prophetis prænuntiârat eas quæ in Christo sunt passionēs, & posteriores glorias, ut Petri Apostoli verbis utamur. Tàm providè, concinnè & ordinatè circa Christum in corpore mortali versantem omnia & singula gerebantur, nullaquæ temporis portio illi temerè ac sine fructu effluebat, quoniam inde à primo conceptu peregrinationis suæ curriculum cōsultissimè atq; prudentissimè semper instituit. Id quod verbis etiam illis declarat. *Ego quæ placita sunt Patri, facio semper*: Ac iterum: *Meus cibus est ut faciam voluntatem eius qui misit me, ut perficiam opus eius.*

QUA PROPTER non sine amaritudine animæ dies meos recogitabo, ac intimum animi mei dolorem excitabo, quandoquidè vel inuitus fateri cogor, mihi puero, adolescenti, iuueni, & per ætates reliquas progredienti permultum temporis esse consumptum, quod nec Deo, nec mihi, nec proximo, ita ut par erat, tribuerim, utpote qui bonam transactæ vitæ partem inerti otio, & vanis rebus, studijsquæ saltem infructuosis contriuerim: immò & frequenter corde, ore ac opere imprudens sciensquæ peccârim, vocem non obseruans Propheticam: *Esis hominum vscq; quo graui corde? ut quid diligitis vanitatem, & queritis mendacium?* Quid mihi porrò difficilius esse queat, quàm superiorum tot septimanarum, mensium & annorum cogitationes, verba & actus in mentē reuocare, ac totius antea actæ vitæ rationem exactam illi reddere, qui solus tempora & momenta in sua posuit potestate, quique omnia in mensura & numero & pondere disposuit, ac singulos quidem homines de omnibus bene ac malè actis certissimè iudicabit? Cuncta enim quæ fiunt, adducet Deus in iudicium. Et Christi quidem siue pueri, siue adolescentis & viri exemplo corripior, quoties temerè ac præcipitanter, siue sine iudicio & deliberatione res agendas aggredior, meque naturæ quodam ardore ac

imperu,

impetu, vel certè hominum vulgari opinione ac arbitrio magis agitari quàm diuino nuntii & rationis dictamine duci regi què permitto. *Atqui omni negotio tempus est & oportunitas*, vt docuit Ecclesiastes. Caterùm sicut nihil est tempore fugacius, ita nihil etiam pretiosius atque irrecuperabilius fingi potest, cuius vsura mihi ac mortalibus omnibus ad benè beatè què viuendum non ita diu conceditur. Proinde multùm aduigilabo, vt in hac vita breui redimam tempus, illud què in opere bono consumam iuxta illud Apostolicum: *Bonum facientes non deficiamus, tempore enim suo meremur non defucentes*. Est nunc tempus quo fruimur acceptabile: sunt dies qui offeruntur, salutis ac salutiferi. Annum Domini acceptum tenemus, sed breui elapsurum, in quo vniuersis acclamatur à Christo: *Omnes sitientes venite ad aquas: & qui non habetis argentum, properate, emite, & comedite. Quarite Dominum, dum inueniri potest*. Curigitur, si sapimus, cum Christo eiusquè matre ad vnguem non obseruemus præscripta & destinata nobis tempora? *Lasciuus & imprudens non seruet tempus*, inquit Ecclesiasticus. *Qui autem agunt omnia cum consilio reguntur sapientia, teste Salomone. Quid multis? Fili sine consilio nihil facias: & post factum non penitebis*.

NOTABO insuper, quod Christus vix dies octo natus, augustolesu nomine voluit insigniri, sed ex tenerrimo corpusculo sacrosanctum sanguinè profundens, & ex hoc diro vulnere tum sibi sensum grauissimi cruciatus percipiens, tum optimè fidissimæquè matri singularem quendam compassionis, vt sic dicam, gladium porrigens. Cum enim hic puer incredibili erga nos amore flagraret, non ei sufficere poterat, quod in lucem mox editus lacrimas funderet, graui què rerum penuria premeretur, sed non multò post circumcissus suum quoque sanguinem, hoc est, redemptionis humanæ pretium cœlesti Patri pro nobis offerre curauit, qui vel vnica sui sanguinis guttula totum mundum poterat offenso Deo reconciliare. Prælusit igitur hoc facto, &

Ecclesi. 3.

Ephes. 5.  
Gal. 6.

2. Cor. 6.

Luc. 4.

Iai 55.

Ecclesi. 10.

Prou. 13.

Ecclesi. 32.



Isai. 53.  
Apoc. 1.

Prou. 29.

Thren. 3.

adumbravit cruentum sacrificium, quod pro expiandis mortalium criminibus erat in cruce immolaturus. Etenim *verè languores nostros ipse tulit, & infirmitates nostras ipse portauit. Ipse dilexit nos, & lauit nos à peccatis nostris in sanguine suo.* Ita verò nos ille docet inde à prima ætate non horrere, sed ferre crucem, & fideles pijs aduescere laboribus, sanctumque poenitentiae iugum non grauatim amplecti. *Qui enim delicatè à pueritia nutrit seruum suum, vt Salomon affirmat, postea sentiet eum contumacem. Bonum autem est viro, cum portauerit iugum ab adolescentia sua. Bonum prestolari cum silentio salutare Dei, vt Propheta Ieremias admonet.*

### *Vt circumcideretur puer.*

1, Pet. 1.

Galat. 4.

Serm. 3. de  
circumcis.

ET SI hic paruulus statim ab ipsa conceptione purus, perfectus & innocens fuit, vt idcirco Petrus illum agnum immaculatum appellet, tamen nostra causa voluit petrino cultro circumcidi, ac in tenera carne sua durum & cruentum accipere vulnus, quod certè tanto grauius illi quàm æqualibus contigit, quantò ipse maiore iudicio sapientiàq; præstabat omnibus mortalibus. *Factus enim est sub lege, immò seipsum veteri legi subiecit, vt eos qui sub lege erant redimeret,* nimirum de subiectione legis, simulque filios faceret adoptiuos, vel qui statum reciperet adoptionis, vt è seruis filij facti, in æternam succederent hereditatem. Quid mirum, inquit Bernardus, si caput pro membris accepit curationem, & si pro nobis dignatus est circumcidi, pro quibus dignatus est mori? ] Ego verò non sat habeo de hac ipsa Christi circumcisione, quæ propter nos à iugo legis veteris eximendos utique facta est, gloriari, sed obseruabo, quibus in rebus circumcisionem verè Christianam (proprium electorum signaculum) mihi debeam adhibere, nimirum in corpore, sensibus & membris omnibus, quando spiritui Christi & rationis dictamini, animæque

profectui aduersantur. Etenim paruulus noster non modò circumcisionem accepit, & simul veterem illam, quæ in membro vno fiebat, & Israëlitas omnes obligabat, abrogauit, verum etiam nouæ circumcisionis legem, quæ Christianos frenaret & in officio contineret, induxit, suoq; populo imposuit, quem nō nisi circumcisum amat atque saluat, ita vt omnis incircumcisus, sicut ab Ezechiele dictum est, Dei sanctuarium atque tabernaculum non ingrediatur. Quare nunc etiam præceptum illud in veteri lege traditum obtinet: *Circumcidimini Domino, & auferite praputia cordiū vestrorum.* Ac in primis, si meæ saluti consultum velim, prouidero, vt cor meum circumcidam & purgem, quoniam ex eo quasi seminario malorum omnia genera, quæ & Deum offendunt & conscientiam pollunt, proficiuntur. *Nam & quæ procedunt de ore, de corde exeunt, & coinquinant hominem. Ex abundantia cordis os loquitur,* vt Christus ipse pronuntiat. Cū autem Deus cordium circumcisorum sit in primis amicus, valdè mihi cōmendatum habebō sanctum & necessarium studium spiritualis circumcisionis, ideoque bellum perpetuum indicam cupiditatibus, propensionibus & affectibus prauis, à quibus me grauius infestari sentio, vt hisce tanquam peccati omnis radicibus in corde intimè residentibus magis magisq; liberer: funditū enim hæc sentina & sanies nequit extirpari. Cuius circumcisionis velut typus erat vetus illa Iudæis iniuncta circumcisio, quæ lapideis cultris ex imperio Domini à Iosue facta est, priusquàm populum in promissam terram induceret, eaq; peracta dixit ille: *Hodie Dominus abstulit à vobis opprobrium Aegypti.* Quis autem noster Iosue obsecro, nisi Christus existit? qui ad cœlestem hæreditatem, id est, terram viuientium pijs omnibus promissum aditum patefecit, nosq; spirituali circumcisione circumcidit, cū gratiam contulit, per quam cupiditates diuini amoris gladio excindere, & veterem hominem mortificare possemus. *Spiritum meum,* inquit, *ponam in medio vestrū, & faciam vt in præceptis meis ambuletis.* Ac ite-

Ezech. 44.

Ierem. 4.

Num. 15.  
& 12.

Gen. 17.

Ios. 5.

Ezech. 36.  
& 11.

Jerem. 31.  
& 24.  
Hcb. 8.  
& 10.  
Col. 2.

Serm. de ra-  
tione cir-  
cuncif.

Gal. 2.

1. Cor. 3.  
Phil. 3.  
A& cor. 7.

Gal. 6.

rum: *Dabo eis cor unum, & spiritum novum tribuam in visceribus eorum: & auferam cor lapideum de carne eorum, & dabo eis cor carneum, ut in preceptis meis ambulent, & iustitiam meam custodiant, faciantq; ea.* Similis planè promissio, & æquale pactum Dei cum noui testamenti populo, qui legem diuinam in visceribus cordium inscriptam habiturus sit, extat apud Prophetam Ieremiam, locumque illis Christianis applicat Apostolus gentium. Nihil ergo mirū quod idem Paulus à Iudæis Christianos ita discernat: *Circumcisi estis circumcisione non manu facta in exspoliatione corporis carnis, sed in circumcisione Christi, censepulti ei in Baptismo, in quo & resurrexistis per fidem operationis Dei, qui suscitauit illum à mortuis.* De quo Paulo Cyprianus etiam dicere non veretur: Corpus suum mortificabat Apostolus, non tamen circumcidens illud seminarium membrum, sed totum se crucifigēs, & omnibus extraordinarijs motibus opponens cauterium, vsque ad eò corpus suum redigens in seruitutem, ut diceret, *Vino autem iam non ego, vixit verò in me Christus.*

Hic praterà dolebo, disciplinam sanctæ veræq; circumcisionis, quam Dei verbum, Christi spiritus, Apostolorum doctrina, Sanctorum mores & ratio ipsa commendat ac exigunt, in omnibus hominum ordinibus hodie neglectam contemptamq; iacere, & pro ea regnare passim effrenem concupiscentiam, insanaeque veteris hominis dominari cupiditates, dum velut redundantes ac luxuriantes siluestris vitis nostræ ramos nullo studio refecamus atq; præscindimus. Hinc tam multi, pro pudor, carnales & inimici crucis Christi, quorum finis interitus, & Deus venter, & gloria in confusione est, sicut Paulus appellat atque deplorat. Hinc & cordibus & auribus complures incircumcisi, sicut à Stephano nuncupantur, qui Spiritui sancto resistunt, & quoniam in carne seminant, de carne metunt quoque corruptionem. Quò magis aduigilabo, ne corpori meo in morem rebellis filij, aut serui contumacis lasciuienti ni-

miūm

miūm indulgeam, sed illud potiūſ vi quadam cōprimam,  
& in ſingulis ſenſibus affectus improbos circūcidam. Sur-  
dis enim auribus mihi tranſeundæ nō ſunt Apoſtolicae vo-  
ces, quæ tam ſeriō, tam grauiter credentes omnes admo-  
nent: *Mortificate membra veſtra qua ſunt ſuper terram. Ex-*  
*ſpoliantes veterem hominem cum actibus ſuis. Si ſecundū car-*  
*nem vixeritis, moriemini: ſi autem ſpiritu facti, a carnis mortifi-*  
*catione, uiuetis. Qui Chriſti ſunt, carnem ſuam crucifixerunt*  
*cum viſiſ & concupiſcentiſ*: aut ſicut Hieronymus legit, re-  
crucifixerunt carnē ſuam cum paſſionibus, vel vt alijs pla-  
cet, affectibus ſuis. Tantoq; magis mihi diſplicebo, vt pote  
in ſchola ſanctæ circumciſionis tam malē verſatus, & qui  
procul abſum ab illo ſtatu electorum, quos vera perfectā-  
que circumciſio in reſurrectione vltima mirificē decora-  
bit. Vnde ad nouum annum ſœliciter auſpicandum mihi  
proponam nouum ſtudium in obſeruando præcepto de  
cordis & corporis circumciſione, vt quicquid cor polluit,  
& in meo corpore ſcandalizat, peccandique auget licen-  
tiam, id mihi præſcindam atque tollam. Habeo & quos æ-  
mulier duces præcuntes, Eliam Prophetam, Ioannem Ba-  
ptiſtam, Iacobum & Paulum Apoſtoloſ, Judith & Annam  
viduas, quibus hoc ſtudium circumciſionis fuit familiare,  
coſque Deo chariſſimos reddidit. Tum illos omnes ama-  
bo & colam, qui ſpiritu facta carnis mortificant, & ſeſe pro-  
pter regna cœlorum vltro caſtrant, Chriſtiſque mortifica-  
tionem & ſtigmata ſemper in ſuo corpore circumferunt,  
vt & vita Ieſu in ipſorum corporibus manifeſtetur. Memi-  
nero demū, quod etiam Lactantiuſ notat, inter carnis &  
cordis circumciſionē multū intereſſe, quū illa Iudæis  
ſoluenda præſcribatur, hæc verō à Chriſto ſic tradatur, vt  
legem æternam ſecum adferat.

Coloſſ. 3.

Rom. 8.  
Gal. 5.Deut. 10.  
Jerem. 4.  
Matt. 18.  
Marc. 9.Rom. 8.  
Matt. 19.  
2. Cor. 4.Lib. 4. de ve-  
ra ſapient.  
cap. 17.

*Vocatum eſt nomen eius I E S V S.*

INTER omnia nomina, quæ proferri aut ſingi poſ-  
ſunt,

Phil. 2.  
Luc. 1.  
Matt. 1.

Cantic. 1.

Act. 4.

Phil. 2.

Serm. 15. su-  
pra Cantic.

sunt, ego IESU nomini vsque primas deferam, quoniam illud est super omne nomen, quod ab excellentiore quadam & Angelica natura de cœlo in terras adferri, primumque sanctissimæ Virgini & sponso eius integerrimo Ioseph manifestari debuit, quodque inde ab æterno summus DEVS sibi delegit, & vnigenito suo nunquam imitandum decreuit imponere. Quid Iesu nomine mihi & pijs omnibus vnquā dulcius ac gratiosius esse possit? quod prisce Patres tot seculis expectauerūt, nec minùs ardentèr desiderârunt, cùm probè scirent, illud: Oleum effusum nomen tuum. Hoc ipsum nomen est, quod Apostoli noui modò suauissimè complexi sunt, sed etiam per totum orbem terrarum summo cum fructu prædicârunt atque diuulgârunt, cuius præterea virtutem in edendis miraculis maximâ experti sunt. Hoc nomen adeò Paulus dilexit, sibi que familiare habuit, vt in suis epistolis illud vel quingenties repetat, ac passim inculcet fidelibus, ac proinde quoscunque spirituales cibos in medium adfert, hoc diuino veluti condimento sapidiores & efficaciores reddere soleat. Quid multis? *Nullum est planè nomen aliud sub cælo datum hominibus, in quo saluari nos oporteat, nisi in IESU nomine*, sicut princeps Apostolorum palàm affirmat: *Nullum, inquam, nomen, in quo genus omne scilicet, cælestium, terrestrium & infernorum*, sicut indicat Paulus. O sacrum, venerandum, preciosum, potens & salutare nomen, nec prisce quidem Sibyllis ignorum, pijs autem in primis iucundum, vt sit illis in ore mel, in aure melos, & in corde iubilus, quod prædicatum lucet, recogitatum pascit, & inuocatū lenit simul & vngit, quem admodum de illo pulchrè sancteque Bernardus philosophatur.

QVA PROPTER singulares agam gratias immortalī Deo, qui hoc nunquā satis laudatum, & semper adorandum colendumque nomen hodie primum exhibuit mortalibus, tantumque thesaurum ad summam credentium cōsolationem orbi communicare dignatus est. Deinde quoties

hoc

hoc benedictum nomen meis insonabit auribus, externo quodam signo corporis testabor, me erga illud ipsum reuerenter affici, simulque eo delectari, cum sciam etiam demonum esse proprium, ut huius virtute nominis offendantur, terreamur atque profligantur. Adhuc quicquid Deo gratum & mihi salutare esse cupiam, huius nominis auspicijs æterno Patri offerre atque commendare adfuescam, ne obliuiscar illius præcepti Apostolici, *Omne quodcunq; facitis in verbo & opere, omnia in nomine IESV facite, gratias agentes DEO & Patri per ipsum.* Cauebo interim, ut non solum IESV nomen & vocabulum in ore habeam, sed etiam virtutem eiusdem nominis in corde reconditam seruem, illudque siue scriptum, siue nominatum, siue lectum magna religione prosequar, ac singulari amore complectar, ardentem illum inuocans, præcipuamque consolationem ac voluptatem in illo reponens, qui solus & dici & esse potest IESVS, id est, Saluator, quoniam populum suum, qui Ecclesia dicitur, saluat à peccatis eorum, uti Iosepho Angelus asseuerauit. Quare mundi etiam & amicorum præliis destitutus, cum Habacuc Propheta confidenter dicam: *Ego in Domino gaudebo, & exultabo in Deo Iesu meo.* Ac licet ab hostibus premar, & cum morte ipsa conflister, tamè æmulabor Stephanum hoc modo cum fide clamantem: *Domine Iesu accipe spiritum meum.*

Col. 3.

Matt. 1.  
Abacuc. 3.

Act. 7.

## DE PRECIBVS CVM HOC EVANGELIO CONIUNGENDIS.

**P**RECANDVS mihi Deus, ut nouum hunc annum cum orbi uniuerso, tum Ecclesia Catholica felicem esse concedat, hoc est, ut eiusdem anni principium, progressus & exitus veram animi corporisq; incolumitatem plurimis adferat: præcipuè vero ut pacem in eo publicam experiamur. Tantum enim est pacis bonum, ut in rebus etiam terrenis atq; mortalibus nihil gra-



Lib. 19. de  
ciuitate Dei  
cap. 23.

*tius soleat audiri, nihil desiderabilius concupisci, nihilq; possit  
melius inueniri, et Augustini verbis utamur.*

14 Tim. 2.

ORABO & peculiariter pro virorū magistratu, Ecclesia-  
stico nimirum & civili, per quem diuina sapientia militantem  
regit Ecclesiam, et ad Reipublica clauum sedentes, concedi-  
tum sibi populum sapienter & fortiter & iuste gubernent. Ora-  
bo etiam pro subditis, qui à sublimioribus pendent potestatibus,  
ut hoc anno sub suis magistratibus, quietam & tranquillam  
vitam ubiq; gentium agant in omni pietate & castitate. Nan-  
quàm enim rectius, quàm hoc seditioso ac turbulento, vereq;  
maligno seculo dici & cantari potuit illud: Non est alius qui  
pugnet pro nobis, nisi tu Deus noster.

Apoc. 22.

PRO XENIO spiritali diuinitus obtinendo sollicitus  
ero, ac idcirco singularem summi Dei benedictionē ac gratiam,  
qua ego pra ceteris ad benè beatēq; viuendum indigere mihi  
videbor, ardentè expetam. Neque mihi solum, sed etiam  
familiaribus ac amicis virtutes à Deo certas tribui rogabo, qui-  
bus nomen Iesu in nobis hoc anno magis magisq; glorificetur,  
& nos sicut ex malo boni, sic etiam ex bonis meliores iustioresq;  
in nostra vocatione reddamur. Scriptum est enim; Qui iu-  
stus est, iustificetur adhuc: & sanctus sanctificetur ad-  
huc: Ecce venio citò, & merces mea me-  
cum est, reddere unicuique secun-  
dum opera sua.





# IN ILLVSTRI FE- STO EPIPHANIÆ, SEV DOMINICÆ APPARI-

TIONIS.

## *Sequentis Euangelij Argumentum.*

**V**ETVS est Ecclesię traditio, fide dignis Patrum testimo-  
nijs confirmata, hoc solēni die tria mysteria celebrari:  
quandoquidē Christus recens natus tunc stella duce Gen-  
tibus primū apparuerit, & expleto vigesimo nono ætatis  
anno in Iordane à Ioanne baptismum acceperit, ac deinde  
trigesimo primo anno ad nuptias inuitatus, aquā in vinum  
conuerterit, eaque diuina virtute fecerit omnia. Sed Mago-  
rum aduentus, quibus vt Gentium primitijs, Christus hodie  
suam diuinitatem ostendit, hunc festum diem illustrat ma-  
ximè, de quo Albinus Flaccus ita meminit: Solennitas hæc  
sacratissima, quæ à Græcis Theophania vel Epiphania nun-  
cupatur, latinè verò apparitio seu ostensio vel manifestatio,  
multimoda in se continet mysteria. ] Quemadmodum  
& a Maximus Episcopus & Bernardus b Abbas compro-  
bant. Complures hoc festum Regum, & Græci festum  
sanctorum luminum vocant, quoniam non modò ingenti  
frequentia hominum, sed etiam facibus & luminibus mul-  
tis accensis, iam olim publicè celebrabatur. Et mirū fa-  
nè, quantoperè tūm Græci tum Latini Orthodoxi has ferias  
exornauerint, quas inde ab Apostolorum ætate passim re-  
ceptas ac probatas fuisse, cum ex alijs Ecclesię scriptori-  
bus, tūm ex Clemente Romano & Cypriano martyre col-  
ligi clarissimè potest. De Magis disputent contentiosi,

Lib. de di-  
uinis offi-  
cijs.  
a Sermone  
de eodem  
Festo.  
b Serm. 3.  
de Epiph.

quos

Num. 24.

Matth. 2.


a In cap. 1.  
Ezechielis  
b Serm. 32.  
de tempore  
c In Serm. 1.  
de festo E-  
piphanix.

Lib. 3. con-  
tra Valent.  
cap. 10.

quos Reges quidem fuisse multi docti probârunt, sed & veteres, nempe Tertullianus, Cyprianus, Nazianzenus, Hieronymus indicârunt, vt ea res in nullam rapi controuersiam debeat. Adhæc perpetuæ traditioni Ecclesiæ, veterumq; annalibus est consentaneum, his ipsis Regibus ac sapientibus magno in pretio fuisse Balaam vatem Madianitem, cuius vaticinio edocti, stellam promissam (meminit eius & Moyses) obseruârunt & agnouerint, eaq; duce illos ab Oriente & ex Perside ad Christum Dominum adorandum accessisse, sicut Euangelicis literis apertè proditur. Narrant & alij, hos in Persiam reuersos, Euangelicam veritatem ex Apostolo Thoma plenius intellexisse, sicut & Chrysostomi opera commonstrant, ac baptizatos de Christo ipso Gentibus prædicasse. Quod ad sacra eorum corpora pertinet hæc è Persia Constantinopolim translata, & inde Mediolanum delata fuisse legimus, quæ deinde Friderico Imperatore, eius nominis primo, Coloniam peruenierunt, vbi adhuc illa religiosè recondi tota Germania tot seculis confiteretur. Nec dubitare fas est, eosdem Magos decimo tertio post Christum natum die suum in adorando puero officiũ peregisse, ac regijs muneribus illum in Bethlehem colone stallè. Hæc enim vt communis, ita & secuta priorũ est opinio, quæ iam pridem obtinuit, etiam ab a Hieronymo & b Augustino recepta. De his ipsis, quos Casparum, Balthasarum & Melchiorem appellant, c Leo Magnus apertè testatur: Tribus Magis in regione Orientis stella nouæ claritatis apparuit, quæ illustrior cæteris, pulchriorque syderibus, facile in se inuentium oculos animosque conuerteret, vt confestim aduerteretur non esse otiosum, quod tam insolitum videbatur. Dedit ergo adspicientibus intellectum, qui præstitit signum, & quod fecit intelligi, fecit inquiri, & se inueniendum obtulit requisitus.] De Magorum muneribus nemo scripsit, vt puto, vetustior Irenæo, cuius verba libet reperere: Matthæus, inquit, Magos ab Oriente venientes ait dixisse, Vidimus enim stellam eius in oriente, & venimus adorare eum, deductosque à stella in domum Iacob ad Emmanuel, per ea quæ obrulerunt munera ostendisse, quis erat qui adorabatur: Myrrha quidem,

quòd

quod ipse erat, qui pro mortali humano genere moreretur  
& sepeliretur: Aurum verò, quoniam rex, cuius regni finis  
non est: Thus verò, quoniam Deus, qui & notus in Iudæa  
factus est, & manifestus eis, qui non quærebant eum.]



## EVANGELIUM EIVSDEM

Festi Matt. secundo.

**Q**UONIAM NATUS ESSET IESVS in Bethlehem  
Iudæ, in diebus Herodis regis, ecce  
Magi ab Oriente venerunt Ierosoly-  
mam, dicentes: Vbi est qui natus est Rex Iu-  
dæorum? Vidimus enim stellam eius in Orien-  
te, & venimus adorare eum. Audiens autem  
Herodes rex, turbatus est, & omnis Hierosoly-  
ma cum illo. Et congregans omnes principes  
Sacerdotum & scribas populi, sciscitabatur ab  
eis, ubi Christus nasceretur. At illi dixerunt  
ei, In Bethlehem Iudæ. Sic enim scriptum est  
per Prophetam: Et tu Bethlehem terra Iudæ,  
nequaquam minima es in principibus Iudæ:  
ex te enim exiet dux qui regat populum meum  
Israël. Tunc Herodes clàm vocatis Magis, di-  
ligenter didicit ab eis tempus stellæ quæ appa-  
ruit eis, & mittens illos in Bethlehem dixit: Ite

Et interrogate diligenter de puero, Et cum inueneritis, renunciate mihi, ut Ego veniens, adorem eum. Qui cum audissent Regem, abierunt. Et ecce stella quam viderant in Oriente, antecedebat eos, usque dum veniens staret supra, ubi erat puer. Videntes autem stellam, gausi sunt gaudio magno valde. Et intrantes domum, inuenerunt puerum cum Maria matre eius: Et procidentes adorauerunt eum: Et apertis thesauris suis, obtulerunt ei munera, aurum, thus et myrrham. Et responso accepto in somnis, ne redirent ad Herodem, per aliam viam reuersi sunt in regionem suam.

NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Vidimus stellam eius in Oriente Et venimus adorare eum.*

**I**AVDABO DEVM in pastoribus Bethlehemiticis, nec minus quidem in Magis Orientalibus illius gloriam predicabo. Pastoribus enim Iudæis Christum natum Angelus nuntiavit, & gentilibus Magis no-

uum sydus apparuit, vt ad Regem Christum rectâ perducerentur. *Ipse enim vnus est Deus qui iustificat circumcisionē ex fide, & praprium per fidē. Ipse est pax nostra qui fecit vtrūq; vnum*, Apostolo teste. Pastores illi tuerunt primitiæ Iudæorum, hi Magi facti sunt primitiæ gentium: illi de proximo adducti, hi de longinquo reducti. Propè enim erant Iudæi, qui Deum colebant: longè autem gentes quæ idolis seruebant, vt Fulgentij verbis vtamur: Vbi sanè mirabor Magorum intrepidam fidem, qui nullo proposito præmio, nec sine certo vitæ suæ periculo, cùm iter longum essent emensi, coràm Herode & Iudæis alijs liberè pronuntiabant: *Vbi est qui natus est Rex Iudæorum? Vidimus enim stellam eius in Oriente, & venimus adorare eum*. Spernūt enim Herodem eiusque filios, nec vlla de Cæsare Augusto cura tanguntur, sed de solo Mariæ filio, quamuis paupere & obscuro, diligenter inquirunt, illumque præ omnibus hominum filijs adorare promittunt, vbicunque demùm reperiatur. Non sciscitantur, vtrum & ex quo patre sit ille natus, sed fidem nulla ex parte hæsitantem adserunt, & vbinam ille sit natus Iudæorum rex, cuius ortum cæci Iudæi nesciebant, fidenter interrogant. De quo autem illi tam sollicitè in regia ciuitate rogant, eundem in abiecto tugurio vel stabulo, vilibusque pannis, vt cum Bernardo loquamur, coràm agnoscunt, venerantur, adorant. O præstantes heroës, virosque sapientes, quibus tantum verè diuinæque lucis affulsit, quantum in vniuerso populo Israëlítico non apparebat, qui que suam fidem spontè ac publicè in vrbe Hierosolymitana totius religionis metropoli, ingenuè primi profitentur.

Rom. 3.  
Ephes. 2.

In Serm. de  
Epiphan

In Serm. 1.  
de Epipha.

QVAM porro scelices illi sunt, quos per suam gratiam, sicut Magos per nouam stellam, vocat & illuminat Deus? vt non modò seipsos & Deum cognoscere, sed etiam alios in tenebris versantes illuminare, & multorum salutem procurare possint? Infelices autem vicissim habendi sunt, qui quoniam à Deo non illuminantur infidelitatis & malitiæ tenebris impediti, ad illorum numerū spectant, de qui-



Isai. 6.

Ioan. 12.

Iob. 24.

Eph. 5.

1. Pet. 1.

Eph. 2.

Eph. 5.

Isai. 60.

Ioan. 12.

bus est scriptum: *Excæcauit oculos eorum, & induravit cor eorum, ut non videant oculis, & non intelligant corde, & conuersantur.* Ex his pleriq; rebelles sunt lumini, quemadmodum Iob queritur, & quia surdi, immò & iuxta spiritum mortui, Deum animæ vitam amiserunt, idcirco cœlestem non audiunt vocem, singulis mortalibus nunquam non acclamantē: *Surge qui dormis, & exurge à mortuis, & illuminabis te Christus.* Mihi verò satis non erit Christum per fidem infusam (magnum certè lumen) cognoscere, sed conabor ex illis germanis esse fidelibus, virtutes eius annuntiantibus, qui de tenebris ipsos vocauit in admirabile lumen suum, sicut Apostolus Petrus loquitur, quosque idem hisce verbis non frustra cōmendat: *Iesum Christum quem cum non videritis, diligitis, in quē nunc quoq; non videntes, creditis, credentes autem exultatis lætissia inenarrabili & glorificata, reportantes finem fidei vestre salutem animarū.* Tales lucis filios requirit Paulus, & in primis optat Ephesios esse, orās illis dari spiritum sapientiæ & reuelationis in Christi agnitione, qui sit omnium princeps & caput, utq; illuminatos habeant cordis oculos, & sciant quæ sit spes nostræ vocationis, & quæ diuitiæ gloriæ hæreditatis Christi in sanctis, quæ in super supereminens magnitudo virtutis eius in nos, qui credimus. Quod verò Magis non maleficis, sed sapientibus optimè competit, id vtinā de me dici quoque possit: *Eratis aliquando tenebra: nunc autem lux in Domino.* Dici autem poterit, si quod ab eodem Apostolo statim est adiunctum obseruē: *Pe filij lucis ambulate; (fructus enim lucis est in omni bonitate & iustitia & veritate) probantes quid sit beneplacitum Deo: & nolite communicare operibus instructis tenebrarum, magis autem redarguite.* Mihi certè dictum quoque putabo illud Propheticum: *Illuminare, quia venit lumen tuum,* atque ut super me oriatur Dominus adlaborabo, in cuius lumine Gentibus omnibus ambulandum est, iuxta illud: *Ambulate dum lucem habetis, ut vos non tenebra comprehendant. Dum lucem habetis, credite in lucem, ut filij lucis sitis.*

*Qui cum audissent Regem, abierunt.*

MA G I non vulgares homines, immò Reges valdeq; sapientes viri, maiorum traditione commoti, stellam veri Messia nati indicem in cœlo primùm apparẽtem prudenter observant, & propter illam diuinitus instructi, longinquum & arduum iter etiam hieme cõficiunt. Qui cum Hierosolymam peruenissent, de nouo rege nato percunctantur, scq; illum colere velle palàm profitẽtur. Audiunt quidem Herodem insidiosè rogantem, sed insignis hypocritæ fraudulentiam facilè deprehendunt, ac de suo proposito nihil remittunt, donec puerum laboriosè quæsitũ in Bethlehẽm reperiant, & repertum magna religione & summo cultus genere prosequantur. O imitandum Magorum in fide constantiam, in labore fortitudinem, in agendo sapientiã, qui breui tempore in schola pietatis tantò operè profecerunt, vt se germanos Abrahæ filios, ac Euangelicæ fidei professores reipsa declarent, nec solùm Iudæos incredulos, sed Christianos etiam fictos ac tepidos hodie vincant ac arguant. Qui certè si coràm adessent, illis Christi verbis iam olim prolatis me quoque corripere possent: *Nondum cognoscitis, nec intelligitis? adhuc cæcatum habetis cor vestrum? oculos habentes non habetis? & aures habentes non auditis? Vbi est fides vestra?* Fatebor ergo meam ignorantiam, immò mentis meæ tenebras deplorans, & veræ lucis fontem Christum inuocans dicam: *illumina Domine tenebras meas*, sicut nempè hos Magos illuminasti. *Deus illuminet vultum suum super nos, & misceatur nostris.* Præterea me statuã inter carnales & paruulos illos lacte indigentes, quibus non temerè Paulus hoc exprobat: *Cùm deberetis magistri esse propter tẽpus: rursum indigetis, vt vos doceamini quæ sint elementa exordij sermonum Dei: & facti estis, quibus lacte opus sit, non solidi cibo.* Vnde Magos imitandos mihi proponam, qui vero fidei lumine collustrati, ducem stellam indefessè sequuntur, in suo itinere conficiendo tam seduli, vt neque hiemis

Marc. 8.

Luc. 8.

Psal. 17.  
& 66.1. Cor. 3.  
Heb. 5.

Mich. 4.

Isai. 60.

2. peritate, neque sumptuum magnitudine, neque professionis difficultate, nec periculi metu, quod à Cæsarianis & Herodianis poterat formidari, à suo proposito in Christo quarendo deterreantur. Quocirca Michæ verbum & exemplum erit mihi cordi, vt cum illo ex animo dicam: *Nos autem ambulabimus in nomine Domini Dei nostri in æternum & vltra.* Vt enim Isaias de tempore Messia prædixit: *Ambulabunt Gentes in lumine tuo, & Reges in splendore oris tui.*

*Procidentes adorauerunt eum & apertis thesauris suis, obtulerunt ei munera.*

Matt 28.

Prov. 11.

CORAM Christo eiusq; matre fundam lacrimas, quod his Magis, licet neophytis, in cultu diuino & vocatione Christianis longè sim ignauior, tepidior, irreligiosior. Desunt mihi subinde, proh dolor, oculi ad Christum non solum Patris dexteræ assidentē, verum etiam in sacra Eucharistia verè præsentem, perfectè contemplandum. *Ecce, inquit, ego vobiscum sum omnibus diebus vsq; ad consummationem sæculi.* Desunt genua ad eundem Deum regem & hominem ex intima submissione reuerenter adorādum. Desunt pia deuotæ mentis munera, quibus ille Rex regum cupit ac debet in fide, spe & charitate priuatim & publicè honorari. Desunt spiritualia & quotidiana, illiq; grata sacrificia, vt pote diuinæ dilectionis aurum, piæ precatōnis thus, & myrrha voluntariæ mortificationis. O quàm multa & magna propter Christum paruulum faciunt & sustinent Magi? in itinere quas molestias non deuorant? in stabulo quàm liberaliter, officiosè ac religiosè versantur? quàm præclaris exemplis, licet à nemine moniti vel instituti, Iudæos, immò & Christianos admonent? tantò quidem chariores Deo, & sapientum iudicio laudandi magis, quantò in suis ipsi oculis abiectiores, minusq; arrogantes in professione tota fuerunt. *Vbi enim est humilitas, ibi & sapientia,* vt Salomon

mon

mon adstruit. Docent me igitur hi prudentissimi viri, non secundum carnem, sed secundum spiritum sapere. *Nam prudentia carnis mors est: prudentia autem spiritus vita & pax: quoniam sapientia carnis inimica est Deo*, Apostolo teste. Monent, quàm sit mirabilis & potens Deus in ijs, quos è lapidibus Abrahamæ filios creare, & ex nouissimis primos facere constituit. *Non enim est distinctio Iudæi & Græci: nam idem Dominus omnium, diues in omnes qui inuocant illum.* Atque hoc illud sacramentum est alijs generationibus non agnatum, mihi quæ & Christianis prouincijs ex mera gratia reuelatum, utpote Gentes, licet omni beneficio indignas, & gehennæ poenam promeritas huc euehi, ut amplissimarum promissionum Christi in hac futuraque vita sint coheredes & concorporales & comparticipes, si nempe oblatam gratiam vnâ cum hisce Magis velint amplecti. Scriptum enim legimus: *Quotquot receperunt eum, dedit eis potestatem filios Dei fieri. Participes Christi effecti sumus, si tamen initium substantiæ eius* (Euangelicam fidem intellige) *vsq; ad finem firmum retineamus.*

Ergo verò libenter illis assentiar, qui oculatam esse fidem, & lynceos habere oculos arbitrantur, eamque fidem statuunt in hisce Magis, qui Dei Filium in stabulo pânis inuolutum, Dei quæ virtutem in teneri corporis infirmitate præsentem, ac Dei verbum in ipsâ infantia operans cognouerunt, eamque fidelem cognitionem oblatis muneribus appositè comprobârunt. Proinde cum Bernardo mirabor horum sapientiam, eosquæ in fide & confessione Centurioni & latroni, qui Christum in cruce mirabiliter cognouerant, anteponan. Inter alia verò eosdem Magos interroga- bo: Quid facitis, ô Magi, quid facitis? Lactantem puerum adoratis? in tugurio vili, in vilibus pannis. Quid facitis, quod & aurum offertis? Ergo Rex est ipse? Et vbi aula regia? vbi thronus? vbi curiæ regalis frequentia? Respondit citò Bernardus: Insipientes facti sunt, ut fierent sapientes iuxta illud Apostolicum: *Qui vult sapiens esse, stultus*

Rom. 8.

Matth. 3.

&amp; 20.

Rom. 10.

Eph. 2. &amp; 3.

Ioan. 1.

Heb. 3.

Serm. 2. de

Epiphan.

Matt. 26.

Luc. 23.

Serm. 1. de

Epiphan.

1. Cor. 3.

1. Cor. 1.

*fiat, ut sis sapiens.* Quia enim per sapientiam mundus in sapientia sua Deum cognoscere non poterat, placuit Deo per stultitiam prædicationis saluos fieri credentes. Itaque non illis sordet stabulum, nec pannis offenduntur, neque scandalizantur lactantis infantia, sed pleni fide procidunt, venerantur ut Regem, adorant ut Deum. Sed profectò qui illos adduxit, ipse & instruxit, & qui per stellam foris admonuit, ipse in occulto cordis edocuit. ] Nos ergo CHRISTVM IESVM ut verum hominem & fratrem nostrum diligamus, ut DEI Filium honoremus, atque ut DEVM ipsum vnà cum Magis adoremus. Securè in eum credamus, & nos ipsos illi quoque committamus, cui nec potestas deest saluandi nos, cum sit verus DEVS DEIQUE Filius, nec bona voluntas, cùm sit tanquàm vnus ex nobis, velut homo & hominis Filius. Atque hætenus ex Bernardi sententia: verùm ea quæ sequentur, hoc ipsum Euangelium pluribus explanabunt.

## DE PRECIBVS CVM HOC FESTO CONIUNGENDIS.

**P**RECANDVS mihi Deus pro cæcis Gentibus vera fidei luce adhuc carentibus, ut Christi Domini humilitate, paupertate & cruce non offendantur, sed instar Magorum diuinitus illustrentur, ac ad gratiam Euangelicam vocata, Christi Redemptoris regnum cupide amplectantur, nec diutius in tenebris perseuerent, ne alioquin cum ipso tenebrarum principe pereant in sempiternum. Qui enim non crediderit, condemnabitur.

**O**RABO etiam pro principibus Catholicis, ut se nouo æternòq; regnato vnà cum Magis subiciant, eosq; Christi amicos gratis animis imitentur, quos prædixit Isaias fore Ecclesie nutritios & Reginas nutrices, hoc est, ut serij sint sanctores ac promotores orthodoxæ religionis, qui temporarijs præsidijs com-

munem Christi & Ecclesia causam pro sua virili foveant, pro-  
uehant ac tueantur.

SED & meis precibus Domino commendabo eos, qui in  
Catholica fide vacillant, vel ab illa prorsus exciderunt, ad quas-  
cunq; tandem sectas prolapsi sint. Dolebo simul vicem omnium  
in fide errantium, & saniores illis mentem a Deo precabor, ut  
recipiant veram fidei lucem in Ecclesia orthodoxa usq; lucen-  
tem, sine qua cælestis gloria lucem nullus adspexerit. Quare  
scribit Irenæus: Sicut Sol creatura Dei in vniuerso mundo, sic  
& vna doctrina & prædicatio veritatis ubiq; debet lucere, &  
homines omnes illuminare, qui ad cognitionem veritatis volūt  
venire,] Et rursus: Vbi Ecclesia, ibi & spiritus Dei, ibi & omnis  
gratia: spiritus autem vernas.]

Lib. i. cap. 3.  
& lib. 3. cap.  
40.

DE MV M precabor pro futuris hoc anno peregrinationi-  
bus Catholicorum, præsertim qua religionis ergò instituentur,  
ut successus & exitus latos habeant. Nam & Magi ad Christum  
profecti in Bethlehém, non solum ab Herodiani insidijs manse-  
runt illasi, sed etiam iter prosperum, latumq; reditum sunt con-  
sequuti, quoniam diuinis monitis paruérunt.

NOTAE MEDITATIONVN  
OCTAVIS EPIPHANIE DIE-  
BUS CONGRVENTES.

I.

*Vidimus stellam eius in Oriente.*



ESTVM Epiphaniæ, quod inde ab initio Ecclesiæ  
solenniter celebratum, atq; à Christianis ubiq;  
Gentium sedulo semper obseruatum fuit, his oct-

M 3

diebu



Num. 24.

~~Gen. 12.~~

Gen. 49.

Agg. 2.

Isai. 49.

Isai. 60.

In Serm. de  
Epiphan.

diebus mihi valde commendatum habebō. Me minero diuinæ apparitionis, à qua nomen etiam Epiphaniarum dicitur, quandoquidē stella noua diu antē promissa, & insigni claritate decorata, non sine certo diuinę potentię miraculo & bono Ecclesię publico, se visendum Gentibus, quantumuis à Deo Deiq; regno alienis, prębuit. Igitur agnoscam & prędicabo summam summi Dei clemētiā, qua factum fuit, vt veterum Prophetarum oracula de futura cōuersione innumerabilium gentium, ne in suis tenebris interirēt, per Messię pręsentiam complerentur. Nam Iacob Patriarcha non modo dixerat: *Salutare tuum expectabo Domine*, sed suis etiam filiis eiusdem Messię nati hoc signū ostenderat, quod gentium foret expectatio: sicut & Aggæus prędixerat: *Veniet desideratus cunctis gentibus*. Tum Isaias Patrem inducit cōlestem ad Christum Filium ita loquentem: *Parum est vt sis mihi dux ad suscitandas tribus Iacob, & feces Israhel conuertēdas. Dedi te in lucem gentium, vt sis salus mea vsq; ad extremum terra*. Sed & alibi de hoc ipso Messia promittitur fore, vt ad illum fortitudo gentium veniat, omnesque de Saba aurum & myrrhā offerant, laudem Domino annunciantes. Quoniam verò ex his conuersis ad Christum Gentibus, mei fuere maiores, totque in Oriente & Occidente prouincię Christianę parem cum Magis fidem amplexę & professę sunt: immortales Christo regi agam gratias, & maximum hoc eius miraculum venerabor, quo ille paruulus natalitia & incunabula sua vocatis ad se Gentibus illustrauit. Tunc ille pauper & diues, humilis & sublimis fuit, portatus vt paruulus, & adoratus vt Deus, vilis in pannis, & pretiosus in stellis, cuius natiuitate comperta Herodes turbatus est, & omnis Hierosolyma cum illo, vt Fulgentium ducem sequar. Atque hic ipse Rex Iudeorum erat, ad quem properantes Magi, de quibus hoc festum & Euangelium admonet, totius ethnici populi nondum conuersi gessere typum, & quasi pręluserunt fore, vt stellarum cœlique author iam homo factus mirificum diuinumque fidei splen-

dorem

dorem longe lateq; distunderet, leq; ipsum vti solem iustitiæ & lucis aurorem, cæcis ac impijs idololatriæ nouo modo manifestaret. Ita demùm stella ex Iacob apparuit, quâ suo tempore orituram prædixerat Balaam, sicut Origenes locum interpretatur, cum ita pronunciaret: *Orietur stella ex Iacob, & consurget virga de Israël, & percutiet duces Moab.* Nec obscurum illud Zachariæ dictum: *Ecce ego adducam seruum meum Orientem.* Quæ res à Patre Ioannis Baptistæ confirmatur, cum Deum laudans loquitur: *Visitauit nos Oriens ex alto,* nimirum ad illuminandos non Iudæos modò, sed etiam ethnicos sedentes in tenebris & vmbra mortis, vt pedes eorum in viam pacis dirigantur.

Proinde Magis gratulabor, qui cum procul à fidei luce distarent, & impietatis tenebris impediti, merisq; idololatriæ sordibus assuefacti degerent, tamen sine humano studio, consilio ac præsidio tantam lucem aspiciunt, & apertis fidei oculis Deum in carne contemplantur, & contemplâdo religiosè venerantur. Adhæc omnibus hosce duces insequentibus Gentibus ex animo cõgaudebo, quibus Euangelicæ veritatis splendor apparuit, postquam Christus ipse per paucos discipulos lucis fideiq; suæ radium ad extremosq; mundi fines diffudit, eisq; efficaciter impertiuit. Nihil sanè illis Gentibus & populis in Oriente & Occidente videri poterat infortunius, qui Euangelij luce nondum accepta, omnibus flagitiorum generibus obruti, superstitionibus maximis dementati, ac diabolicis cultibus prorsus dediti, in densis tenebris ipsi tenebrarum principi seruebant. Sed ô me fœlicem, si tantus thesaurus & mundi lux Christus mihi cœco contingat iuxta promissum illud: *Dei se in fœdus populi & Gentium, vt aperias oculos cæcorum.* Sic enim latè cum Propheta dixerò: *Quia cecidi consurgâ, cum sedero in tenebris: Dominus lux mea est.* Hanc lucem non modò videre, sed & cum Magis retinere, & illa duce in via salutis ambulare contendam, quia scriptum est: *Ambulabunt Gentes in lumine tuo,* quarum vox illa propria

Num. 44.

Homel. 13.  
n cap. 22.  
Numer.Zach. 3.  
Luc. 1.

Ioan. 8.

Isai. 42.

Mich. 7.

Isai. 60. &amp; 2.

1. Ioan. 1.

Matt. 5.

Isai. 60.

est: *Domus Iacob venite, & ambulemus in lumine Dei nostri. Si autem dixerimus, quoniam societatem habemus cum eo, & in tenebris ambulamus: mentimur*, inquit Ioannes, *& veritatem non facimus. Si autem in luce ambulamus, sicut ipse est in luce, societatem habemus ad inuicem*. Vnde Christus aperte mandat, lucem vitamque nostram ita lucere coram hominibus, ut videant & alij opera nostra, & glorificent Patrem. Igitur vnà cū Magis ex filiis lucis esse contendam, & in illa persistam Ecclesia, quæ certa & salutari fidei luce nunquam caret, & in quam hoc Propheticum competit elogium: *Venit lumen tuum, & gloria Domini super te orta est*, Sicut & illa sententia promissum fuerat. *Super se orietur Dominus, & gloria eius in te videbitur*.

## II.

*Vbi est qui natus est Rex Iudeorum.*

In ferm. de  
festo Epi-  
phan.



Æc interrogatio Magorum est verè sapientum, quos & Reges & Principes facit sagax antiquitas, quosq; nō modò Germani, qui sacra illorum corpora in hunc vsq; diem Colonia reuerenter asseruant, verū etiam pij omnes tantò iustius celebrāt ac venerantur, quantò maiorem illis gratiam contulit Deus, ut primi ex omni Gentium multitudine natum in orbe Messiam agnoscerent, & Hierosolymitanis prædicarent. Ut enim Leonis magni verbis utar, consummant Magi desiderium suum, & ad puerum Dominum Iesum Christum stella præcunte perueniunt: adorant in carne verbum, in infanti sapientiā, in infirmitate virtutem, & in hominis veritate Dominum maiestatis: atq; ut sacramentum fidei suæ intelligentiæque manifestent, quod cordibus credūt, muneribus protestantur.] Quis verò non miretur obsecro, viros in ethnicismo natos & educatos, atque ab omni pietate hætenus alienos, tantam fidei simplicitatem, & confessionis ingenuitatem

adferre

adferre atque præstare potuisse? Etenim nouæ & insolitæ stellæ aspectu contenti, quæ in ipsorum regione primum eluxerat, difficile iter aggrediuntur, ignoti ad Iudæos ignotos accedunt, magna locorum intervalla emetiuntur, nec sine sumptibus & molestiis varijs media hyeme proficiscuntur. Tanta erat videndi, immò & adorandi noui Regis cupiditas, quem & Iudæorum proprium regem, neque hominem tantum, Deum ipsum adoratione dignum firmissimè statuunt, adeoque Hierosolymis, priusquam rogentur, non sine vitæ periculo audent publicè profiteri. Nihil enim minus ferre poterat tyrannus Herodes qui tunc Iudæis dominabatur, quàm se regnante, successorem ac hæredem vllum præter suos filios agnosci, & in tali vrbe Romæ inscijs palàm proclamari. Præterea Hierosolymus illi non obscurè animaduenterunt, quæ conceptam ipsorum de nato puero rege opinionem ac fidem si nō prorsus extinguere, at certè languidiorem reddere, ipsorumque animos, præsertim ob Herodem & Iudæos impiè viuentes, nihilque de nato Messia sollicitos, iure labefactare potuissent. Accessit & illud incommodum, quod rutilante stella, vnico velut duce atque solatio, ad tempus destituantur, & sic apud ignotos ignoti, planeque inter spem ac metum suspensi hæc cogantur. Quid verò in Bethlechem demùm reperiunt? nihil quidem augustum ac regium, sed sordidum stabulum, durum præsepe, viles pannos, vagientem puerum, matrem inopem, abiecta demùm omnia. Nec tamen tot laborum & sumptuum eos poenitet, nō ringuntur & conqueruntur, sed de restituta stella, deque inuento tandem puero gaudent plurimum, sibi que magnoperè gratulantur. Sic enim illorum animos illustrat, confirmat, occupat viua fides, vt se continere non possent, quin conspectum puerulum, vt amplissimum thesaurum, maximi facerent, & intimis animi sensibus complecterentur, immò & humi procidentes adorarent, ac præclaris muneribus onanum gentium nomine venerarentur.

Matt. 8.  
Luc. 17.  
Matt. 15.

1. Cor. 13.

Luc. 17.  
Gal. 5.  
1. Pet. 5.  
Ephes. 6.  
1. Ioan. 5.  
1. Pet. 1.

AN igitur me non meritò pudeat, fidem in Magis, in Centurione, in Samaritano, in Cananæa ita fulgentem, operosam, viuידam, in me sæpenuerò flaccescentem, frigidam, dormientem, ac otiosam cernere? fidem inquam, tot modis confirmatam, toto iam in orbe tot ætatibus coruscantem, cuius Magi tantum erant candidati, primi q; cultores. *Si enim habuero omnē fidem, ita ut montes transferam, charitatem autem non habuero: nihil sum. Et si tradidero corpus meum, ita ut ardeam, charitatem autem non habuero, nihil mihi prodest, si Paulo Apostolo credimus.* Quare cum Christi discipulis precari non desinam: *Domine adauge nobis fidem*, quæ nempe per charitatem operetur; & Apostolicam obseruabo doctrinam, quæ iubet, ut in fide fortes, Sathanæ resistamus, atque in omnibus sumamus scutum fidei ad tela nequissimi ignea extinguenda. *Hac enim est victoria qua vincis mundum, fides nostra, cuius fidei probatio multò pretiosior est auro, quod per ignem probatur, sicut Apostoli tradiderunt.*

### III.

#### *At illi dixerunt, In Bethlehem Iuda.*

Deut. 17.

Agg. 2.  
Malach. 2.

**E**TSI multis in rebus Herodes, utpotè ambitiosus, hypocrita, crudelis ac impius peccat, & grauiter accusari debet: tamen in eo rectè sentit, quod sicut princeps laicus, de causa fidei & religionis iudicium nō sibi velit sumere, sed illud sacerdotibus Hierosolymitanis à Deo constitutis offerat, atq; permittat integrum. Nam diuino quidem oraculo sancitum erat, ut sicubi sacris de rebus dubitatio aut controuersia incidisset, ad sacerdotes Leuitici generis, potissimum autem ad summum sacerdotem omne iudicium referretur, ei q; parerent vniuersi. Vnde scriptum & illud legimus: *Interroga sacerdotes legem. Ac iterum: Labia sacerdotis custodiens scientiam, & legem requirit*

*ex ore eius, quia Angelus Domini exercituum est.* Laudandi sunt præterea in eo sacerdotes, quòd ab Herode interrogati, suas conferunt sententias, & post collationem consentientes ad quæstionem propositam è Dei verbo respondent, ita ut quiuis intelligat, propriam Messie patriam esse Bethlehem Iuda. Cæterum iidem reprehendi merentur, quòd Magis benè, sibi verò malè consulant, quodque professione legis & auctoritate docendi nò ad salutis suæ profectionem, sed ad maiorem potiùs damnationem abutantur. Adhæc turpiter faciunt, quòd ad Christum quærendum, nec Magorum quidem seu ethnicorum præcedentium vestigia prosequi, nec ullam de Messia quærendo curam suscipere ac sustinere dignantur, Herodis interim partibus deliti, qui & propter Magorum aduentum non gauisi, sed turbati fuerunt.

CÆTERVM quoniam in pessimis quædam virtutes interdum elucet, nò grauabor ab Herode tyranno disce-  
re, ut pastoribus & doctoribus, præsertim in cathedra sedentibus, & cõsentienter idem affirmantibus, permultum de-  
ceram, eorumque authoritati in fide & religione iudicanda  
subscribam, nec minùs eorundem decretis ac legibus pa-  
team, quorum insuper doctrinam amplectendam, vitam  
verò mihi nò respiciendam purabo. Ita enim sacerdotum  
princeps & vindex Christus edixit: *Omnia quacumque dixe-  
runt vobis, (supra cathedram sedentes) seruare & facite: se-  
cundum opera verò eorum nolite facere.* Ac iterum: *Qui reci-  
pit vos, me recipit. Qui vos audit, me audit: & qui vos spernit,  
me spernit. Qui autem me spernit, spernit eum qui misit me.*  
Unde Apostolorum discipulus Irenæus illud quoque scri-  
psit: Eis qui in Ecclesia sunt presbyteris obaudire oportet,  
his qui successionem habent ab Apostolis, qui cum Episco-  
patus successionem, charisma veritatis certum, secundum  
placitum Patris acceperunt. Reliquos verò qui absistunt  
principali successionem, & quocunque loco colliguntur,  
suspectos habere, vel quasi hæreticos & malæ sententiæ,

Matt. 23.

Matt. 10.

Luc. 10.

Lib. 4. con-  
tra Valent.  
cap. 42.



1. Pet. 4.

Marc. 8.

1. Cor. 8.

Matt. 5.

Rom. 2.

1. Cor. 4.

vel quali se indentes & elatos & sibi placentes.] Præterea horum veterum sacerdotum qui arrogantissimi erant, periculo fiam cautior, ut de qualicunque cognitionis & doctrinæ & virtutis dono acceptio non mihi placeam, nec stultè glorièr, vulgique fauorem & applausum captem, sed potius Dei iudicium mihi timendum arbitrer, si præceptum negligam Apostolicum, quo sancitum est: *Vnusquisque, sicut accepit gratiam, in alterutrum illam administrans, sicut boni dispensatores multiformis gratiæ Dei.* Nec temerè suis iniunxit Christus: *Videte & cauete à fermento Phariseorum & fermento Herodis.* Certè scientia, si charitate destituatur, inflat, & qui docuerit, ac non fecerit, in regno cœlorum minimus reputabitur, meritoque à Paulo audiet: *Qui alium doces, te ipsum non doces? Quid habes quod non accepisti? Si autem accepisti, quid gloriaris quasi non acceperis?*

## IV.

*Cum inueneritis, renunciate mihi, ut ego veniens adorem eum.*

Matt. 2.


Matt. 9.

Luc. 19.

Luc. 7.

2. T. m. 3.

Tob. 12.

 HRISTVS vix natus erat in Bethlehem, & ecce mox contra illum furibundus insurgit Herodes, & insani Hierosolymitani tumultuantur, doctique in schola scribæ disceptant, immò & complures puerum hunc postea perdituri & extinctum videre cupiunt, illumque in exilium profugere cogunt. Ita Matthæus, Zachæus & Magdalena suum in colenda pœnitentia studium vix inchoant, & ecce tibi tot æmuli, obtestantes & calumniantes irruunt, Christumque ipsum vnà cum suis discipulis accusare minimè reformidant. Ad eò vera est Apostoli sententia: *Omnes qui piè volunt vivere in Christo Iesu, persecutionem patientur.* Quocirca & seniori Tobie usu venit, ut à domesticis & amicis amarulente perstringeretur, dignus qui & ab Angelo perciperet: *Quia acceptus eras Deo,*

neceffe

*necesse fuit ut tentatio probaret te.* Cur ergo mirer aut moleste feram, me ac alios meliores aliquando malè tractari, & præter meritum haberi ludibrio, bonosque ab improbis vituperari & exagitari? quando Christus & præcipui eius amici, ut Prophetæ & Apostoli, impijs contemtoribus & inmanibus persecutoribus non caruerunt. Immo verò si sancti hominibus placuissent, tam excellentes Christi serui & eximia Ecclesiæ lumina nunquam existere potuissent. - Mihi verò persuasissimum erit, à malis vituperari nihil esse aliud, nisi verè laudari: regium verò ac gloriosum, si malè audiam cum fecerim benè. Ita enim docet princeps Apostolorum: *Hæc est gratia, si propter Dei conscientiam sustinet quis tristitias patiens iniuste.* Ac iterum: *Si benè facientes patienter sustinetis, hæc est gratia apud Deum. In hoc enim vocati estis.*

1. Pet. 2.

INTERIM en tibi Herodem versipellem, vulpem, hypocritam, ex fraudibus conflatum, fallacem atque mendacem, ut qui falsum adorationis obsequiū nato puero Christo spondet, cui non multò post crudelissimus infanticida, si potuisset, sicut alijs Bethlehemiticis pueris, necem intenter. Quam verò multos Herodianos habet semper Ecclesia, in specie quidem Christum honorantes, immò & sæpè adorantes, sed vita ac moribus persecutēs, quin etiam iterum crucifigentes. Sunt enim ex eorum numero, de quibus Apostolus dixit: *Voluptatum amatores magis quàm Dei, habentes speciem quidem pietatis, virtutem autem eius abnegantes.* Præcepit Dominus Noë, ut arcam intus & extra lini-ret bitumine, eoq; præcepto iuxta Origenem indicauit, ne de hypocritarum numero simus, quos Christus dealbatis sepulchris comparauit, quæ extra quidem nitida, intus autem plena sunt ossibus mortuorum. Vult enim nos & mente & corpore sanctos esse, qui mysterium fidei in conscientia pura custodiant, Christumq; Dominum sanctificent in cordibus suis. Tantoque magis ego mihi Magos imitandos proponam, qui columbina simplicitate & simul prudentia

2. Tim. 3.

Gen. 6.

Matt. 23.

1. Tim. 3.

1. Pet. 3.

Matt. 10.

- serpentina præditi, cum hac vulpe versantur, sibi quæ à dolis atque insidijs Herodianis, ne lædantur, prospiciunt, in suo quidem instituto ut ad Christum perueniat, constanter progredientes. Nec diu hærent apud Herodem, ut nos etiam doceant ex medio Babylonis fugere, si propriam salutem amamus, quemadmodum Hieremias hortatur, & modò puri esse velimus, à pice abstinere, quando ita scriptum est: *Qui tetigerit picem, inquinabitur ab ea: & qui communicauerit superbo, induet superbiam*: cum & modicum fermentum totam massam corrumpat, Apostolo teste. Dispiciã interim sedulò, an aliquid ego cum Herode & pestilenti eius familia commune habeam, ut certè habent omnes, qui contra Petri Apostoli præceptum, non deponunt omnem malitiam, & omnem dolum & simulationes, inuidiasque. Erant utique Herodiani, qui ut Christum in sermone caperent, Pharissæis inuidis adhærebant, & ex illorum suggestione insidiabantur, digni quos illa Christi censura percuteret: *Quid me tentatis hypocrita?* Ac vetus ille mos est omnium vel ambitionis, vel inuidiæ morbo laborantium, ut bonorum virtutibus libenter obtrectent, ac virulentè illorum conatus deprauare contendant. *Ambulans enim recto itinere & timens Deum, despicitur ab eo qui insani graditur via*, sicut Salomon asserit. Mihi verò cauebo à fictis amicis, eorumque fraudulentia. tum & alios monebo, ut planè fugiant non solum Herodis, sed & Satanæ prorsus nefarios satellites, qui Christum in paruulis extinguere, & instar Pharaonis pueros Israëlitis perdere haudquaquam verentur. Vnde Bernardus præclare ita loquitur: Herodiana malitia & Babylonica crudelitas est, nascentem velle extinguere religionem, & allidere paruulos Israëlitis. Si quid enim ad salutem pertinens, si quid religionis oritur, quicumque resistit, quicumque repugnat, planè cum Ægyptijs paruulos Israëlitiçi germinis necare conatur, immò cum Herode nascẽtem persequitur Saluatorem. ] Quo magis mihi commendatum erit, quod Salomon

mon scripsit: *Qui decipit iustos in via mala, in introitu suo corrumpet. & simplices bona eius possidebunt*: quodq; Paulus tradidit: *Nolite contristare Spiritum sanctum*: videlicet in paruulis habitantem, eosq; vt Ioannem Baptistam & Episcopum Nicolaum, sapè in benedictionibus præuenientem, nec raro ad perfectiora pietatis officia inde à pueritia vocantem atq; manudentem. Væ autem illis, qui vnum de pusillis in me credentibus scandalizauerit, vt Christus ipse pronuntiat.

Prou. 28.

Ephes. 4.

Matt. 18.

## V.

*Videntes autem stellam, gausi sunt gaudio magno valde.*

**A**VDANDI sunt vtique Magi in Christo quærendo tam seduli atque indefessi, vt etiam fido duce stella destituti, coeptum iter non deserant, sed perinde agant, ac si stellam eandem ob oculos præsentem vsque cernerent. Vnde hoc etiam commodi referunt, vt cum postea illos reuideret stella, plenior latitia & voluptate oculos animosque complerent. Hinc mihi discendum est, spirituales interioresque consolationes, perinde ac lac & mel, dulceque vinum, cum suppetunt, non aspernari quidem nec abijcere, sed eis moderatè & cum prudentia vti oportere. Nam eiusmodi dulces escæ, quibus teneiores ac molliores filios recreat Deus, multis vtiliter ad tempus subtrahuntur, vt hinc Propheta testetur: *Quem docebit (DEVS) scientiam? & quem intelligere faciet auditum? ab lactatos à lacte, a uulsos ab uberibus*, hoc est, à carnis voluptatibus omni que mollioris vitæ suauitate separatos. Est quidem seruire DEO regnare, vt dici solet: sed huius regni opes, solatia & oblectamenta, quæ & breui tempore communicantur electis, diu ac multum experiri, non ita multis confert, sed illud potius, vt afflicti & sub cruce

Isai. 28.

Pfal. 79. 59.  
& 65.

Luc. 9.

Matth. 20.

Ioan. 16.

Ioan. 13 & 15.

3. Reg. 11.

4. Reg. 21.

Isai. 28.

Naum. 1.

Hebr. 12.

Gal. 6.

2. Corint. 11.

gementes dicant: *Cibabis nos pane lacrimarum, & potum dabis nobis in lacrimis in mensura. Potasti nos vino compunctionis. Posuisti tribulatione in dorso nostro.* Quare Christus ad crucem suos vocauit, eisque calicem bibendum proposuit, simul in hortans, vt in mundo pressuram potius quam consolationem expectent, quia seruus non sit maior Domino suo. Nam & Salomoni regi malè cessit quod in pace & voluptate omniq; prosperitate DEO seruiret. Hinc enim liberior, immò idololatra factus, amisit bona spiritus, quæ rex Manasses, quamlibet impius, in rebus tristibus & afflictis recuperauit, cum vexatio daret illi intellectum; & afflictus rediret ad Dominum percutientem. Bonus enim Dominus & confortans in die tribulationis.] Quid quod nonnulli de Magis asserunt, eos quoniam humanum flagitarunt consilium, Diuinum amisisse ducatum, & conuersos ad terrenum presidium, ad tempus signo celesti caruisse? Verè Apostolus tradidit: *Omni disciplina in presenti quidem non est gaudij, sed mæroris: postea autem fructum pacatissimum exercitatis per eam reddet iustitie.* Rogabo igitur ex animo, vt in via DEI bonisque cœptis constantem & infractum habeam animum, sicut ille qui bona dixit conscientia: *Mihi absit gloriari, nisi in cruce Domini nostri IESU Christi. Libenter gloriabor in infirmitatibus meis, ut inhabitet in me virtus Christi.*

## VI.

*Et procidentes adorauerunt eum.*



IRANDA isthæc Magorum sapientia, qui si antea vnquam, nunc vel maximè sublimia speculantur ac demirantur, omniq; fastu posito ad stabulum Bethlehemiticum, locum sanè vilem & sordidum, non grauatim sese demittunt. Maius illud est, quòd in summa etiam paupertate summas inuenire diuitias no-

ruunt,



runt, & post exactos longæ peregrinationis labores, in vno Christo spectando & complectendo se abundè recreant, suosque animos plus quàm dici potest explent, ac demum diuino spiritu illustrati, conditorem & redemptorem suum, licet paruulum honorant & prædicant. Nisi enim seipsum plenè cognoscerent, non se adeò deijcerent, totoque corpore humi prosternerent, indignitatis propriæ & peccatorum suorum utiq; conscij, ac proinde vitiorum omnium veniam haud dubiè precati simul & consequuti. Nisi præterea puerum apertis fidei oculis contemplarentur, Diuinum cultum adoratione supplici non exhiberent, eumq; puerum uti mortalem hominem, & natum Regem, simulque Deum æternum suis muneribus non tam scitè protestarentur. Quare, si sapio, eum Magorum spiritum mihi petam obtingere, ut cuncta quæ contemptibilia & mundo abiecta videntur, atque cum paupertate & cruce coniuncta sunt, ea propter Christum ut patienter, ita quoque libenter amplectar. Norunt quidem multi Christi Redemptorem confiteri, adorare, extollere: sed paucorū est vnà cum Magis ita Christum querere, ut illum vnicum viæ ac peregrinationis suæ scopum spectent, & cum sui despicientia & odio quæsitum toto pectore celent, & Herodianis immò Satanicis insidijs appetiti, perfectè reuereantur. Vtrumque igitur discam à Magis, ut coràm tanto Rege Regum procidam supplex, eumque adorem in spiritu & veritate. Sic enim egit & leprosus ille Samaritanus, qui supplex Liberatori suo factus, & actis illi gratijs hoc meruit elogium: *Non est inuentus qui rediret & daret gloriam Deo, nisi hic alienigena.*

Luc. 17.

CÆTERVM quod hi Magi nobilitate generis & opibus insignes, fecerunt iniussi, ut procidentes puerum Iesum adorarent, id ego tantò magis mihi & Catholicis omnibus faciendum putabo, quantò plura iam nouimus Dei oracula & præcepta de adorando Messia nobis proposita esse ac promulgata. Ex his illa sunt: *Adorabunt eum omnes reges*

Psa. 71. &amp; 21



Isai. 49.

Psal. 131.

Apo. 5. &amp; 7.

Phil. 2.

Psal. 98.

Matt. 4.

Deut. 6.

Psal. 91.

Ioan. 4.

Hom. 24. in

priorem e-

pist. ad Co-

rinth.

terra, omnes gentes seruiunt illi. Adorabunt in conspectu eius vniuersa familia Gentium. Reges videbunt, & consurgenti principes, & adorabunt propter Dominum, quia fidelis est. Adorabimus in loco ubi steterunt pedes eius. Quod si post hosce Magos tot tantique Reges & principes, ac innumeræ Gentes Christum Dominum cum alibi, tum in sanctissimo Eucharistiæ sacramento præsentem adorârunt, & ei præcipuum latriæ cultum, qui vero Deo debetur, tot seculis exhibuerunt: si præterea sancti Angeli & cœlites innumerabiles, quos Ioannes in Apocalypsi describit, in conspectu Agni procidentes adorare non cessant, quis obsecro nisi profanus & impius, hunc honorẽ suo neget ac adimat Redemptori: in cuius nomine summo iure flectitur omne genu cœlestium, terrestrium & infernorum? Quamobrem Augustinus cum illam Prophetæ sententiam interpretatur, *Adorate scabellum pedum eius*, disertè scribit: Nemo carnem illam Christi manducat, nisi prius adorauerit. Vbi incipsum reprehendam, quod Magorum exemplo neglecto, nõ magis me deiiciam, & ad Christum Christi quæ corpus adorandum sæpè non accedam religiosius, vt illi præcepto satisfaciam: *Dominum Deum tuum adorabis*: sicut & illi: *Venite, adoremus & procidamus, & ploremus coram Domino. Verè enim adoratores adorabunt in spiritu & veritate*. Certè Chrysostomus hos Magos ita depingit, vt eorum exemplum fidelibus omnibus in sacra Liturgia obseruandum proponat atque commendet, inter cætera sic disserens: Hoc Christi corpus in præsepi reueriti sunt Magi longo itinere confecto, cum timore & tremore plurimo illud adorantes. Imitemur igitur saltem barbaros nos, qui cœlorum ciues sumus. Tu verò non in præsepe id, sed in altari: non mulierem quæ in vlnis teneat, sed sacerdotem præsentem, & spiritum per abundè super proposito diffusum sacrificio vides.

Sic ille.

## VII.

*Et apertis thesauris suis, obtulerunt ei munera, aurum, thus & myrrham.*

**N**OTABO eum Nicephoro, quod cum primum ad Christum ingrederentur Magi, illum ipsum unam & matrem conspexerint, in obscura, humili & paupere casa viuentes, & in rebus omnibus ad summam parsimoniam & frugalitatem nihil reliqui facientes. Qui Magi certe plus veræ philosophiæ in Bethlechemico stabulo cognouerunt, suisque muneribus liberaliter Christo oblatis testati sunt, quam omnes omnium Iudæorum ac Ethnicorum familiæ in suis synagogis & scholis tot seculis vel docere, vel discere potuerunt. Quid enim illis ad maximam Christi cognitionem defuit, qui, ut Sedulius canit:

*Aurea nascenti fuderunt munera Regi,  
Thura dedere Deo, myrrham tribuere sepulcro.*

FVLGENTIUS eadem munera sic fusiùs explicat: Per ista tria munerum genera in vno eodemque Christo & diuina maiestas, & regia potestas, & humana mortalitas intimatur. Thus enim ad sacrificium, aurum ad tributum, myrrha ad sepulturam pertinet mortuorum. Omnia hæc sancta fides Christo veraciter offerre non desinit: dum vnum eundemque verum Deum, verum regem, verumque hominem credit, ut verè pro nobis mortuum veraciter recognoscat.] Implent igitur hi Magi vaticinium Isaïæ, qui de eiusmodi muneribus nato Messiae per Gentes offerendis prædixerat, ac se insignis fidei splendore illustratos ostendunt, qualem non inuenias apud Israëlitas. Etenim auro ipso consentitur, hunc quem adorant puerum, verum esse regem in Israël, de quo Balaam vaticinatus esset, ramque multa & præclara in Prophetis litteris promitteretur. Thure autem protestantur, eundem puerum incom-

Lib. 1. hist.  
cap. 13.

In carmine  
Paschali.

Sermone  
de Epiph.

Isai. 60.

Nam. 24.

*tanquam seipsum, manus est omnibus holocaustis tuis & sacrificijs.*

SED Væ misero mihi, qui contra Domini præceptum in conspectu eius toties vacuus appareo, aut oblationes, si non sordidas & pollutas, at certè quidem non medullatas & pingues, sed aridas potius & siccas profero. Quid autem Propheta? *Holocausta*, inquit, *medullata offeram tibi*, quæ nimirum sanctæ charitatis pinguedine condiuntur. Atque hinc spectat, quod præclare à Bernardo traditur: Duas alas habeat oratio nostra, contemptum mundi & afflictionem carnis: nec dubium, quin cœlos penetret, & dirigatur sicut incensum in conspectu Dei. Erit enim gratum sacrificium & acceptabilis oblatio nostra, in qua cum auro & thure fuerit etiam & myrrha, quæ licet amara sit, tamen perutilis est, & conseruat corpus, quod mortuum est propter peccatum, ne defluens in vitium putrescat.] Quapropter eò mihi connitendum erit, vt oblationes, preces & actiones meas ex viua fide, spe & charitate profectas, DEO summo comprobem, vtque ab Herodianis, immò Sathanicis insidijs tutus, per meliorem viam in patriam regrediar, quemadmodum & Magi in suam regionem per viam aliam regressi esse scribuntur. Id quod Cyprianus ad sensum mysticum eleganter ita refert: Adorato Domino Magi hilares alio tramite in suam patriam reuertuntur: quia necesse est, vt qui credunt ad iustitiam, ore etiam confessi sunt ad salutem, deinde vias eligant arctiores, & se districtioribus mandatis obligent: quoniam per vias latas descensusque præcipientes itur ad inferos, per arctas verò & difficiles reditur ad superos. Propter verba labiorum DEI religiosus quisque vias duras ingreditur, & iugulator voluptatum stantem ex diuerso hostem securus aggreditur. Arcta via est castitas, trames strictus humilitas: ieiunio affligi, & carnem in seruitutem redigere, scopulosa sunt semitæ; sed ad patriam superiorem non nisi per meatus difficiles armati milites reuertuntur.] O me soc-

Exod. 13.

Psal. 65.

Serm. 1. de  
Epiphan.

Psal. 140.


Ser. de stel-  
la & Magis.

Rom. 10.

- licem, si per aliam viam & ego ad cœlestem patriam properem, ac vnâ cum Magis cōperueniam, vbi verum DEI Filium non in complexu matris positum, crucique & morti obnoxium, sed in sinu & dextera æterni patris foelicissimè triumphantem, ac electos qui vota sua illi reddunt fideliter, liberalissimè remunerantem videam, & cum summo gaudio apprehendam. *Videmus enim nunc per speculum in enigmate: tunc autem facie ad faciem.* Et sicut Ioannes affirmat: *Scimus, quoniam cum apparueris Christus, similes ei erimus: quoniam videbimus eum sicuti est.* immò Deus ipse disertè promittit: *Quicumq; honorificaueris me glorificabo eum. Ego protector tuus sum, & merces tua magna nimis.*
1. Cor. 13.  
1. Ioan. 3.  
1. Reg. 2.  
Genes. 15.

## VIII.

*De Christi baptismo meditando.*

-  VONIAM ex veteris Ecclesiæ traditione constat, Christum eodem die, licet non eodem anno, à Magis in Behlehem honoratum, & à Ioanne in Iordane baptizatum fuisse, & quia de Christi baptismo Euangelium octauo festi huius die in templo recitatur, erit sanè operæ pretiū, vt ego de eodem baptismo mihi refri- cem memoriam, tantiq; mysterij, per quod in Christo re- natus primumq; illuminatus sum, minimè obliuiscar. *Quicumq; enim in Christo baptizati estis, Christum induistis,* ait Apostolus. Ac isdem baptizatis gratulans inquit: *Abluti estis, sanctificati estis, iustificati estis in nomine Domini nostri IESU Christi, & in Spiritu Dei nostri.* Sicut & Petrus affir- mat baptismi saluos facere nimirum paruulos & adultos. Vbi ego primū quidem Redemptori, qui solus baptizat in Spiritu sancto, tū meo, tum sanctorum omnium no- mine gratias agam, quòd cū annos ferè triginta natus es- set ac Ioannis ministerio neutiquam indigeret, vt pote Ag- nus planè immaculatus, vltro tamen & humiliter bap- tismum
- Matth. 3  
Ioan. 1  
Galat. 3.  
1. Corin. 6  
1. Pet. 3.  
Matth. 3.  
Marc. 1.  
Ioan. 1.  
1. Pet. 1.  
Ioan. 1.

linum serui susceperit, sui que corporis cōtactu aquas omnes sanctificans, Christianū baptismum initiārit, nobisq; & omnibus in eo ablucendis salutarem effecerit, nimirum vt qui baptizantur, ab omnibus vitiorū maculis expurgati, in Dei filios adoptētur, & Spiritum sanctum accipiant, veraq; innocentie candida veste donati, testā coelum petere, & Christi cohæredes perpetuū esse possint. De hoc baptismo sic loquitur Cyprianus: Veniebat Christus ad baptismum, non egens lauacro, in quo peccatum nō erat, sed vt sacramento perennis daretur autoritas, & tanti virtutem operis nulla personarum acceptio commendaret; quoniam remissio peccatorum siue per baptismum, siue per alia sacramenta donetur, propriè Spiritus sancti est, & ipi soli huius efficientie priuilegium manet.] Deinde quoniam Deus superbis refilit, humilibus autem dat gratiam, sæpè mihi proponam hoc præclarum raræ humilitatis exemplum, nempe summum Dei Filium, qui purgationem fecit peccatorum, inter facinorosos & abiectos planeque impuros homines, ad Ioannis baptismum accedere, suas vestes exuere, nudum apparere, inclinare verticem, baptismi beneficium quo nunquam eguit, à seruo petere, & cum promiscuo vulgo Iordanis aqua perfundi. Hinc ego non minus quàm Ioannes ipse Baptista, incredibilè Agni Dei humilitatē suspiciam, ac eiusdem Baptiste verba perpendam: *Ego à te, inquit, debeo baptizari, & tu venis ad me?* qui nempe dignus non sum, vt calceamenti tui corrigiam soluam. Respondit autem illi Dominus: *Sine modo, sic enim decet nos implere omnem iustitiam*, absolutam videlicet humilitatē, sine qua nec sacrosancta Virgo mater, nec Ioannes Baptista plūs quàm Propheta, nec Dauid eximiè Iustus Deo tantopere placuissent. Sunt autem tria quæ radicata, teste Basilio Magno, nutriunt humilitatē, assiduitas nempe subiectionis, consideratio propriæ fragilitatis, & sui cum alijs melioribus comparatio. Notabo etiam, in hoc omnem impleri iustitiam, si doctrinam præcedat exemplum, & honore se

Serm. de baptismo Christi  
& manifestatione  
Trinitatis.

1. Pet. 5.

Heb. 1.

Matt. 3.

Ioan. 1.

Matt. 3.

in uicem

Matth. 20.  
Luc. 22.

1. Petr. 5.

Prouer. 29.

inuicem præueniant qui maiorem & minorem obtinent locum, ita vt qui maior est, fiat minor, & præcessor sicut ministraror, quemadmodum Christus ipse primùm fecit, ac deinde mandauit. Tanti refert, vt in meo pectore insculptum seruem illud Petri præceptum: *Humiliamini sub potenti manu Dei, vt vos exaltet in tempore visitationis*: Et quod à Salomone scriptum est: *Superbum sequitur humilitas, & humilem spiritu suscipiet gloria.*

Matth. 3.

AD HÆC salutariter me monet præsens historia, vt si veram gloriam expetam, mundi gloriam, qua nihil est sugacius atq; fallacius, omninò contemnā, ac veluti fumum & umbram fugiam. Etenim Christus huius fucati mundi fauorem, laudem & gloriam præ se despexit, quum à publico se subducens, non secus ac peccati reus & purgatione indigus, ad Ioannis baptismum vnà cum alijs properauit, seque prorsus submisè gessit, ac Ioanni ministerium suum detrectanti cedere noluit. Verùm quantò Christus hic se deiecit studiosius, tantò magis illum Pater mox honorat & exaltat, vt qui voce coelitus demissà hunc Filium sibi præ omnibus charum & gratum esse testatur, illique coram ingenti populo maximam tribuit auctoritatem. *Hic est*, inquit, *Filius meus dilectus, in quo mihi complacui.* Neque se continet etiam Spiritus sanctus, quin specie columbæ suscepta illuc aduolet, Christi que humilis insideat capiti, ac verum Messiam omni gratia & dignitate refertum orbi declaret atque commendet. Vnde Christus etiam postea, vt eiusdem Spiritus testimonio suam doctrinam fulciat ac muniat, hæc Isaïæ verba repetiuit: *Spiritus Domini super me: propter quod unxit me euangelizare pauperibus*, vt cætera prætermittam. Cur ergo caducam huius mundi vanitatem, momentaneum que splendorē & fastum, omnemque mentis elationem & philautiam non respuo ac detestor? quando Christus corde humilis sibi nunquam placuit, ac verissimè dixit: *Regnum meum non est de hoc mundo.* Quare non sapius Domini & magistri mei verbum co-

Luc 4.  
Isai. 61.

Matt. 11.  
Rom. 15.  
Ioan. 19.

gito:



gito: *Quia de mundo non estis, sed ego elegi vos de mundo, propterea odit vos mundus.* Et quod Ioannes perspicuè dixit: *Si quis diligit mundum, non est charitas Patris in eo. Omne quod natum est ex Deo, vincit mundum?* Sed & singulis diebus Dominicis, quum sacerdos populum aqua sacra solet adspargere, chorusq; cantat Ecclesiasticus: *Asperges me Domine hyssopo & mundabor, lauabis me & super nivem de al-babor*, purificationis ac innocentie in baptismo à Christo perceptæ gratiam memoriam renouabo, & gemendo precabor, primum illum animæ meæ candorem mihi magis ac magis restitui, perinde ac si dicam: *Amplius laua me ab iniquitate mea, & à peccato meo munda me.* Etenim pro hac (peccati venia) orabit omnis sanctus in tempore opportuno. Neque ad Petrum Apostolum solum modò, sed etiam ad me & quemlibet baptizatum illud Christi verbum referam: *Si non lauero te, non habebis partem mecum.* Et quem admodum eadem Veritas aperte pronuntiavit: *Nisi quis renatus fuerit ex aqua & Spiritu sancto, non potest introire in regnum Dei:* ita confidenter ego dicere non verebor: Nisi quis regenerationis acceptæ spiritum & nitorem cōser-uauerit, vel à contracta labe peccati se in hac vita per poenitentiam expurgarit, in coelestem Hierusalem non admitte-tur, vt pote in quam nihil coinquinatum, si Ioanni credi-mus, introibit. Vnde canit etiam Plalmographus: *Quis ascendet in montem Domini, aut quis stabit in loco sancto eius?* Moxq; respondet: *Innocens manibus & mundo corde, qui non accepit in vano animam suam.*

Ioan. 15.

1. Ioan. 2.  
& 5.

Psal. 50.

Psal. 50. &amp; 31

Ioan. 13.

Ionas.

Apoc. 21.  
Psal. 23.

## I X.

*De Gentium fidelium vocatione.*

ESTVM hoc percelebre, quod magno in pretio Græci & Latini tot seculis habuerunt, ac diebus octo in Ecclesia solenniter celebrârunt, mihi par-

tim cum

Iona 1.

Isai. 11.

Isai. 65.

Osee 2.

tum cum gaudio, partim cum luctu transigere conuenit. Cum gaudio quidem ob gratiosam verèq; diuinam vocationem, cuius initium à Magis orientalibus factum est, cum Christus infans illos mirabiliter ad se stella duce perduxit, simulq; in Euangelica fide illustrauit, nimirum vt se verum lucis autorem & iustitiæ solem, qui omnem hominẽ tam gentilem quàm Iudæum ad se venientem illuminat, secundum Prophetarum oracula declararet. Cum luctu autem, propter complurium vocatarum credentiumq; gentium ingratitudinem, quæ si vnquàm antea, nunc vel maximè quidem apparet, quòd ex his complures acceptam Euangelij lucem deseruerint, vel præter Christi fideiq; nomen, cum hisce Magis & alijs antiquæ fidei principibus, nihil serè commune habere videantur. Est enim piorum omniũ receptus ille mos, vt cum Ecclesia latè hoc tempore glorientur, quòd fidelis Deus promissam Gentibus gratiam liberaliter effuderit, totq; indignis, immò & atheis principibus, populis, prouincijs & insulis fideliter comunicãrit. Ita enim per Isaiam pronuntiãrat: *Erit radix Jesse, & qui exurgit regere Gentes, in eum Gentes sperabunt*, quemadmodum Paulus locum eundem adduxit. Tùm ipse Messias ad suam vocandis Gentibus beneuolentiam explicandam hoc prædixerat: *Quæsierunt me, qui ante non interrogabant; inuenerunt, qui non quæsierunt me, dixi, Ecce ego, ecce ego, ad Gentem quæ non inuocabat nomen meum.* Et per Oseam iterum: *Dicam non populo meo, populus meus es tu, & ipse dicet: Deus meus es tu.* Proinde quàm diu festi huius octaua durat, genua mea quotidie flectam, & beatissimæ Trinitati, à qua lumen omne descendit, gratias agam, de gratuita qualiumcunque Gentium vocatione, quæ per omnia mundi climata in Asia, Aphrica, & Europa clementer hucusque facta est, multisq; salutem æternam adduxit. Etenim sedentibus in tenebris & vmbra mortis tot myriadibus impiorum, quibus nihil præterquàm ira Dei & pœna gehennæ debebatur, tandem Christus Christianæq; fidei lumen

appa-

apparuit, & gloria Domini super illos tam feliciter orta est, ut in illo lumine Deum cognouerint, & cognitum annuntiarent, verè que implerum fuerit illud vaticinium: *Aperientur porte tue iugiter, die ac nocte non claudentur, ut afferatur ad te multitudo Gentium, & reges earum adducantur.* Hinc illa turba magna & innumerabilis, quam Ioannes vidit ex omnibus Gentibus, & tribubus & populis, & linguis congregatam, eosq; omnes non solum ante thronum in conspectu Agni stantes aspexit, sed etiam Deum sonora voce laudantes audiuit.

Nec tacuerunt sanè diuina oracula, futuros etiam complures ex vocatis Gentibus, qui gratia per Messiam accepta foedè abuterentur, quoniam sicut Apostolus dixit, *cum cognouissent eum, non sicut Deum glorificauerunt, nec gratias egerunt, sed euauerunt in cogitationibus suis, & obscuratum est insipiens cor eorum.* Hos ipsos offensi Dei percutit interminatio grauis, qua dicitur: *Va eis, quoniam recesserunt à me: vastabuntur, quia prauaricati sunt in me, & ego redemi eos, & ipsi loquuti sunt contra me mendacia.* Michæas Propheta sic eosdem perstringit: *Ipsi non cogitauerunt cogitationes Domini, & non intellexerunt consilium eius, quia congregauit eos quasi fenum aræ.* Nec est dissimile dictum illud Osee: *Pereat Samaria, quoniam ad amaritudinem concitauit Deum filius: in gladio perant.* Iam verò quis Catholicæ religionis amans non doleat ac deploret, ab hac tanta Christianæ fidei gratia & vnitatem Reges, Principatus & populos plurimos excidisse, qui partim in horrendas impietatis tenebras relapsi, & præcipuè Mahometanam perfidiam secuti, partim in nefarias sectas dissecti, verum amisere lumen, & indensis tenebris contumaciter ambulant, neque se in viam adhuc reduci sustinent? Prætereo interim alios, qui Catholicam fidem inaniter iactant, & se velut putridas arbores in Dei horto demonstrant, propter quos nomen Domini tum apud infideles, tum apud hæreticos quotidie blasphema-  
tur. Quocirca sæpè Dominum precabor, nouos ut Moyses

Isai. 60.

Apoc. 7.

Rom. 1.

Osee 7.

Mich. 4.

Osee 14.

Rom. 1.  
Exod. 32.

&amp; Iere-

Ierem. 9.

Ezech. 22.

Psal. III.

Malach. 1.

Exod. 33.

Matt. 21.

Matt. 3.

&amp; 21.

Isai. 55.

Dan. 9.

Serm. 5. de  
lapsis.

& Ieremias excitet, qui luctuosissimum præsentis Ecclesiæ statum & apostaticam tot regionum defectionem, quæ sese offert vndique, suis precibus, & lacrimis identidem prosequantur, seque velut murum & sepem pro reis merito puniendis fidenter opponant. Nisi enim hic Ecclesiæ suæ tot modis afflictæ sit propitius, & lapsi ad percutientem iudicem seriò reuertantur, verendum est prorsus, ne suum regnum plerisque nationibus, præsertim Aquilonaribus, ademptum, aliò breui transferat, quemadmodum à Iudæis ad Græcos, & à Græcis ad Germanos occulto, sed iusto tamen iudicio suo, iam pridem transtulit. Est enim ut iustus, ita & miserator Dominus, qui eorum quos vult, miseretur, ideoque Magorum spiritum & ardorem in multis extinctum, in alijs facile resuscitat, novas sibi condit Ecclesiæ sedes, & ex ipsis lapidibus Abrahæ filios excitat, qui fructus regni Dei dignos adferant. Nondum enim impletum est, sed quotidie magis ac magis impletur illud Prophetæ vaticinium: *Ecce gentem quam nesciebas, vocabis: & gentes quæ te non cognouerunt, ad te current, propter Dominum Deum tuum & sanctum Israël, quia glorificauit te.* Statimque sequitur: *Quarite Dominum, dum inueniri potest.* Verè nunc tempus cum Daniele & Cypriano dicendi est: Tibi Domine gloria, tibi iustitia, nobis autem confusio.

## DE PRECIBVS CVM HOC EVANGELIO CONIUNGENDIS.

**P**RECABOR ergo Deum in primis pro his, qui sunt à Catholica fide alieni, ut cum Magis in suis tenebris vero splendore sanctæ fidei collustrentur, Christumque mundi lucem videant, hoc est, ut Euangelium obedienter suscipiant, ac fidem incorruptam abiectis erroribus profiteantur.

1. Tim. 6.

ORAO itidem pro Catholicis, ut præiosum acceptæ fidei depositum religiosè custodiant, & in lumine ambulent, ope-

ra lucis

*ra lucis faciētes, verūq; spiritus fructibus abundantes. Ita enim à Paulo scriptum legimus: Fratres mei dilecti, stabiles estote & immobiles: abundantes in opere Domini semper, scientes quod labor vester non est inanis in Domino.*

1. Cor. 5.

*AD HEC Deum iratum inuocabo pro tepidis ac ingratis illis populis, qui post acceptam & indigne habitam fidei gratiam, quasi de ore Domini euomuntur, maxime quòd pro accepta veteris fidei luce horrēdas noua veterisq; perfidia tenebras amplectantur, siue ut Apostolus loquitur, in nouum aliud Euangelium transferantur.*

Apoc. 3.

Gal. 1.

*DEVM diuinam implorabo lucem pro neophytis, ad Christiana veritatis doctrinam in nouo (ut vocant) orbe aspirantibus, aut bonam certè spem noua conuersionis pollicentibus, ut à nouis & idoneis Christi operarijs in messe illa deserta iuuentur, atq; ad pietatem omnem informentur. Qua precatio tantò erit efficacior & utilior, quantò plures & ardentiores comprecatores habebit, ad diuinam gratiam incredulis & infidelibus nunc maxime necessariam exorandam. Ego verò non intermittam per hos dies, quoad eius fieri poterit, septem recitare Psalmos penitenciales, adiunctis & Litanijs iam pridem ab Ecclesia probatis, meritoq; quum ira Dei placanda est, in vsum publicum reuocandis.*

ss s

s



O

DOMI-



# DOMINICA IN FRAT OCTAVASEPI- PHANIE.

## *Sequentis Evangelij Argumentum.*

In Lucam.

Ioan. I.

Ioan. 20.  
In Lucam  
Hom. 18.

Serm. 28. su  
per Cantica

**D**VODENNIS puer Iesus in templum Hierosolymitanum à parentibus adductus, præclarum suæ plus quàm senilis prudentiæ specimen exhibet, vt ipsis etiam doctõibus & auditoribus omnibus ingentem pariat admirationem. Voluit autem anno duodecimo ætatis suam manifestare sapientiam, vt significaret, Ambrosio teste, Evangelicam doctrinam per duodecim Apostolos non multò post promulgandam esse. Neque mysterio caret, Christum non nisi post triduum à parentibus quæsitum inueniri: vt hoc typo adumbretur, verum Messiam partim à Patriarchis in Moyfi lege scripta quæsitum ac desideratum, tandem velut tertio die à Gentibus in Evangelica lege susceptum ac manifestatum iri. Igitur Gentes ad Christum conuersæ, nunc lætè cum Philippo habent dicere: Quem scripsit Moyses in lege & Propheta, inuenimus IESVM à Nazareth. Is idem est, quem in cruce mortuum Apostoli planè amissum putabant, sed post triduum à morte resuscitatum inuenerunt, meritò vt gaudentes dicerent: Vidimus Dominum. Prudenter autem monet Origenes Christum illic esse quærendum, vbi possit inueniri, nimirum in templo diuino, & inter magistros atque doctores Ecclesiæ suæ, non autem inter hæreticos & alios qui ab Ecclesia vera sunt alieni. Et rectè à Bernardo dictum est: Ne quæras sapientiam in oculis carnis: quia caro & sanguis non reuelat eam, sed spiritus.

Nec




Nec in gustu oris, non enim inuenitur in terra suauiter uiuentium. ] Quid uerò admirabilius, & ad humanam superbiam conterendam fortius adferri possit, quàm puerum IESVM cœli terræque Dominum, non solum æterno Patri, sed etiam Ioseph fabri, pauperique matri per omnia obsequi, & uelut mancipium inseruire, annisque triginta tam obscurum & inglorium viuere, ut pro fabri filio & fabro ipso ab omnibus existimetur?

Marc. 6.



## EVANGELIUM EIVSDEM

Dominicæ Lucæ secundo.

 VM factus esset IESVS annorum duodecim, ascendentibus illis Hierosolymam secundum consuetudinem diei festi, consummatisque diebus cum redirent, remansit puer IESVS in Hierusalem: & non cognouerunt parentes eius. Existimantes autem illum esse in comitatu, venerunt iter dici, & requirebant eum inter cognatos & notos. Et non inuenientes, regressi sunt in Hierusalem, requirentes eum. Et factum est post triduum, inuenerunt illum in templo sedentem in medio doctorum, audientem illos, & interrogantem eos. Stupebant autem omnes, qui

eum audiebant super prudentia & responsis eius. Et videntes admirati sunt. Et dixit mater eius ad illum: Fili, quid fecisti nobis sic: ecce pater tuus & ego dolentes quarebamus te. Et ait ad illos, Quid est quod me quarebatis? nesciebatis quia in his que Patris mei sunt, oportet me esse? Et ipsi non intellexerunt verbum quod locutus est ad eos. Et descendit cum eis, & venit in Nazareth: & erat subditus illis. Et mater eius conseruabat omnia verba hac in corde suo. Et IESVS proficiebat sapientia, & etate, & gratia apud Deum & homines.

---

NOTÆ MEDITATIONVM ET  
PRECATIONVM CIRCA IDEM  
EVANGELIUM.

*Ascendentibus illis Hierosolymam secundum consuetudinem diei festi.*

**P**VER IESVS à parentibus ad templum Hierosolymitanum quotannis adducitur, & licet sit Legis Dominus, festos dies, præsertim Paschatis, Pentecostes, ac Tabernaculorum, sedulo celebrat, aliosque religiosos ritus, siue in Lege præscriptos, siue ab Ecclesia rece-

Deut. 16.  
Exod. 23.

ptos,

ptos, in diuino cultu, inde à primis annis obseruat. Quanto magis mihi quoque curandum est, vt pueri Iesu & parentum eius exemplo conformer, & sacras ædes frequenter inuisam, publicis piorum cœtibus lubēs interisim, Dei verbum reuerenter audiam, templi prapósitos ac ministros venerer, solennes serias ac cæremonias vsitatas non negligam, ac demùm loco & tempori sacro me ad Dei gloriam & proximi ædificationem accommodem diligenter? Sic enim Paulus de externo Dei cultu loquens præcipit: *Sine offensione estote Iudæis & Gentibus & Ecclesiæ Dei. Omnia ad ædificationem fiant. Omnia honestè & secundùm ordinem fiant in vobis.* Cuiusmodi ritus, quibus humana certè eget imbecillitas, ego maioris idcirco faciam, quòd sint conseruandæ vnitatis veræque religionis testimonia quædam & retinacula, quibus Dei populus rectiùs agnoscitur & in officio continetur, & sine quibus Catholica fides & cultus externus in multorum animis facilè languescerent, inuimò & prorsus interirent. *Vbi enim non est sepes, diripietur possessio,* vt scripsit Ecclesiasticus. Cui affine est dictum Salomonis: *Qui dissipat sepe, mordebit eum coluber.* Ea verba sic Hieronymus explicat: Sepis maceria que euulsio, Ecclesiastica sunt dogmata, & institutio ab Apostolis Prophetisq; fundata, quæ qui dissoluerit & voluerit præterire, in eo ipso quod negligit, à serpente percutitur. cumque serpentem ad inferni principem pertinere confirmat. Tum res ipsa docet, quod vbi non est ordo, confusio & immane chaos consequatur, sicut apud sectarios videre est. Etenim quemadmodum vnus sanctæ Catholicæ & Apostolicæ Ecclesiæ ciues, licet linguis, nationibus & formis varijs inter se differant, tamen velut in vna domo commorantes, vnam fidei legem, vnum baptisma, vnum Deum, vnam spem, vnumque spiritum tenent atque profitentur, & inter se ritibus etiam externis maximè conueniunt: ita qui ab hac Ecclesia se segregauerunt, discordibus inter se animis & vocibus, ritibusque tumultuantur, nullumque con-

1. Cor. 10.  
& 14.

Eccles. 38.

In cap. 10.  
Eccles.

Psal. 132.  
Ephes. 4.

Ad inquisitiones Ianuarij li. 2. c. 8.

lensum dogmatum, nullam Præpositorum reuerentiam, nullum DEI cultum externum concorditer ac religiose possunt obseruare. Eoque magis illam præclaram Augustini regulam mihi commendatam habeo: Quæ non sunt contra fidem, inquit, nec contra bonos mores, & habent aliquid ad exhortationem vitæ melioris, vbicunque institui videmus, vel instituta cognoscimus, non solum non improbamus, sed etiam laudando & imitando sectamur.]

Genes. 18.

Iob. 1.

2. Mach. 7.

Dan. 13.

PRÆTEREA ex animo petam, vt Christiani parentes & filij suum officium faciant, & facientibus lætè gratulabor, in quibus etiam bonorum authorem DEVM grato pectore celebrabo. Quin & meam operam, quacunque ratione potuero, talibus ego libenter impendam, quum ad Dei gloriam & Reipublicæ vtilitatem promouendam res momenti sit maximi proba institutio liberorum. Ab hac ipsa laudatur Abraham Patriarcha, dicente ad illum per Angelos Deo: *Scio quòd præcepturus sis filiis suis, & domui suæ post se, vt custodiant viam Domini, & faciant iudicium & iustitiam.* Probus etiam & fidus paterfamilias fuit Iob, qui consurgens diluculo, suos liberos sanctificabat, & per singulos offerebat holocausta vt illorum peccata in conuiujs commissa pro sua pietate abstergeret ac expiaret. Sed & sedula fuit materfamilias illa, quæ Machabæos peperit, sanctèque nutriuit, ac demùm ad martyrij supplicium pro legibus patrijs perferendum fortiter animauit. Laudantur & Susannæ parentes, quòd cum iusti essent, filiam suam secundum legem Moysei erudierint, vt illa inde à primis annis verè timuerit Deum, ac morti potiùs voluerit adiudicari, quàm senioribus ad libidinem sollicitantibus impurum præbere consensum. Ac sanè piorum parentum semper fuit ac esse debet proprium, vt curam filiorum gerant maximam, horumque imbecillem & docilem ætatem probè pièque formare procurent, ita vt illi quasi cum lacte materno sinceram imbibant pietatem, Dei que

cultum

cultum rebus omnibus anteponant. De quo munere Paulus parentes frequenter admonet, atque inter cetera sic præcipit: *Vos patres nolite ad iracundiam provocare filios vestros: sed educate illos in disciplina & correptione Domini. Etenim si quis suorum, & maxime domesticorum curam non habet, fidem negavit, & est infideli deterior.* Horum est semper meminisse quod Salomon prudentissimè monuit: *Erudi filium tuum, & refrigerabit te, & dabit delicias anima tua. Virga atque correctio tribuit sapientiam: puer autem qui dimittitur voluntati suæ, confundit matrem suam.* Graviter sanè peccavit Heli, & vñà cum suis à Deo seuerè punitus est, quod suos filios pro paterna cura & gravitate non corripere, sed sese illis æquo mitiorem exhiberet. Vt enim à veteribus dictum est: Blanda patrum segnes facit indulgentia natos.

VICISSIMI junioribus ac filijs Christianis id curandum est, vt progenitorum, maiorum, præceptorum ac seniorum monitis & authoritati plurimum deferant, si non filij Belial, sed Dei filij probique imitatores Abel, Sem, Iaphet, Isaac, Iacob, Iosèph & Rechabitarum, quorum in scriptura laus est, cupiant inueniri. Nihilque rectius hi fecerint, quàm si puerum IESUM, vt innocentia, obedientia, humilitatis ac virtutis omnis perfectum exemplar crebrò spectarint, certoque sibi persuaserint, florentem ipsorum & omnium adolescentum aetatem nulla re magis exornari, Deoq; & Angelis amabiliorem effici, præterquàm si Creatorem suum timeant, precationi vacent, iners ocium fugiant, studium & laborem honestum amēt, bonorum societate gaudeant, maiores reuereantur, simulque taciturnitati, sobrietati, pudicitia: & verecundia: operam sedulam dare consuecant. Nunquàm sanè obliuisci debent illius sententia: à Rege sapientissimo tradita: *Memento Creatoris tui in diebus iuuentutis tuæ, antequàm veniat tempus afflictionis, & appropinquent anni, de quibus dicas, Non mihi placent.* Etenim vt idem affirmat, & experientia quotidiana

Ephes. 6.

Coloss. 3.

Tit. 2.

1. Tim. 5.

Prou. 29.

1. Reg. 3.

Eccles. 12.

Prou.22.

Tob.4.

probatum habemus : *Adolescens iuxta viam suam positus, etiam cum senserit, non recedet ab ea.* Proinde quod optimus filij sui parens & magister Tobias dixit, huic ætati commendatum esse debet maximè : *Omnibus diebus vite tue in mente habeto DEVM, & caue ne aliquando peccato consentias, & prætermittas præcepta Domini DEI nostri. Omni tempore benedic DEVM, & pete ab eo, ut vias tuas dirigat, & omnia consilia tua in ipso permaneant.* Ac tantò sanè magis iuuentus effrenis in officio continenda est, quòd natura tenacissimi simus eorum, quæ rudibus annis percepimus, quòdque adolescentibus valdè noceat, ea quæ malè prius didicerunt, postea dediscere. Quod nihil est aliud, nisi velut induratos curuosque stipites in partem contrariam vi quadam reflectere, & in mala consuetudine superanda, quæ velut altera natura est, sibi laborem conduplicare.

*Quid est quod me quærebatis? nesciebatis quia in his quæ Patris mei sunt, oportet me esse?*

Matt.3.&4.  
Marc.1.

Quod scripsit Ambrosius, Remotior mundo, DEO fies propinquior, quodque apud Augustinum legimus : *Qui curis terrenis se implicat, à Deo se separat;* id Christus puer exemplo suo mihi præclare confirmat. Etenim licet plenus esset sapientia, & hominum consortio deprauari nō posset, tamen secedit à suis parentibus, nihilque cum propinquis & cognatis, apud quos frustra quærebatur, sibi vult esse commune, adeoque corporis & necessarij victus rationem exiguam habet, nempe totum vt se tribuat studio religionis, sui que Patris cultui ac verbo diuino integrè vacet ac seruiat. Nec est huic dissimile, quòd statim à suscepto baptismo Ioannē & parentes reliquit, vastam eremum adiit, & inter bestias vixit, vt sibi ac DEO æterno viueret, ieiunijs tantum ac precationibus dies ac noctes impendens.

Omitto



Omitto quòd precaturus montes & deserta petiuit, nonnunquam à charissimis etiam discipulis sese disiungens, vt solus cùm solo Patre quietissimè colloqueretur. Alibi verò discipulos ad secessum in hortatur, hisq; verbis illos prouocat: *Venite seorsum in desertum locum, & requiescite pusillum.* Igitur etiam si Deum vbiq; & semper mihi præsensem habeam, qui nec illius conspectum vnquam effugere possum, tamen etiam atque etiam prouidebo, vbi & quomodo me componam & instruam ad maiorem tantæ maiestatis & contemplationem & adorationem & seruitutem. Etenim non solum orare, sed etiam in spiritu & veritate adorare iubeor, simulq; in meum cubiculum, & clauso ostio ad Patrem inuocandum ingredi debeo. Vnde per Prophetam affirmat DEVS: *Vacate & videte, quoniam ego sum Deus.* Et alibi de sponsa testatur: *Ducam eam in solitudinem, & loquar ad cor eius.* Tum Hieremias pronuntiat: *Bonum est praestolari cum silentio salutare Dei,* quemadmodum diuini planè viri Moyses, Elias, & Baptista sollicitè praestolabantur. Quòd si mihi, vt illis, non licet in locis abditis tam sublimiter & perfectè philosophari, soli que Deo vacare, tamen non intermittam, mundi vanitati, carnis illecebris curisque superuacaneis, ac alijs veræ pietatis impedimentis renuntiare, ac velut ostium distractionibus mentis occludere, potissimum quando tempus exigit, vt me summo Deo diuinoque cultui seriò & studiosè applicem. Notum est enim consilium Sapientis: *Fili accedens ad seruitutem Dei, stet in iustitia & in timore, & prapara animam tuam ad tentationem.* Nec temerè iubet per Moysen Deus: *Custodi te ipsum & animam tuam sollicitè.* Et Salomonis præceptum est. *Omni custodia serua cor tuum, quia ex ipso vita procedit.*

QVAM verò multa seindies offerunt, proh dolor, quæ nos à vero DEI timore, amore atque cultu auocant, vt in his quæ Patris nostri sunt, nec toti, nec dimidiati esse videamur? Accedunt amici fures temporis, irruunt cie-

Matth. 17.  
& 26.

Marc. 6.  
Matth. 14.  
Luc. 9.

Deuter. 6.  
Ioan. 4.  
Matth. 11.  
& 6.  
Ioan. 4.  
Psal. 45.  
Osee 2.  
Thren. 3.  
Exod. 24.  
3. Reg. 19.  
Luc. 1. & 3.

Eccles. 2.

Deut. 4.  
Prouer. 4.

brò parentes ad humana curanda sollicitantes, vrgent nos opes & voluptates irritament malorum, cupiditatum fomites, & retia Diaboli, quibus animæ captæ non modò veram libertatem amittunt, sed etiam in seruitutem ac perditionem miserrimam sæpenumero abripiuntur. Nec aliter certè nobis quàm illi Philosopho accidit, qui de se non frustra testatus est: Quoties inter homines fui, semper minùs homo redij. Ita fit sæpenumero, vt nos multò magis quam hi sancti parentes, IESVM amittamus, eiusq; gratia destituamur non solum ob grauiora, sed etiam leuiora vitia, nonnunquàm, & propter otium, luxum, oblectamenta, gaudia & nescio quæ alia solatiola à rebus creatis cupidius emendicata, & quoniã in res externas leuiter effundimur, nec satis nobis cauemus ab his, quæ veluti fummi & sordes, puros DEI oculos offendunt, & hominis animum polluant. Quid autem verbum DEI? a *Qui vesebantur*, inquit, *voluptuosè interierunt.* b *Vidua qua in deliciis est, viuens mortua est.* c *Qui in veste pretiosi sunt & deliciis, in domibus regum sunt.* d *Va vobis diuitibus qui habetis consolationem terram. Va vobis qui saturati estis. Va vobis qui ridetis nunc, quia lugebitis & flebitis.* Tum res ipsa pios quotidie docet, feruorem & calorem diuini spiritus non modò rerum turpium amore ac studio, sed leuibus etiam de causis refrigerescere, nonnunquàm & prorsus extinguì aut certè quod leuitate & luxu peccatum est, id haud sine labore ac dólóre posse recuperari. Exemplo sint nobis prastantes heroës Dauid & Salomon, qui cùm sibi plusculum permitterent ac indulgerent, non modò gratiæ pretiosum velut vnguentum effuderunt, sed etiam se ac suos in graues coniecerunt ærumnas, ac diras dedere pœnas, quòd sicut Propheta Michæas admonet, cum DEO suo sollicitè non ambulassent. Proinde quicquid à vero DEI cultu & amore me auocat, aut in ipso pietatis studio remoratur, id mihi suspectum, molestum & inimicum reputabitur, si fortem & inuictum Christi militem atq; discipulum

velim

a Thren. 4.

b 1. Tim. 5.

c Luc. 7.

d Luc. 6.

1. Reg. 11.

3. Reg. 11.

Mich. 6.

velim exhibere. Tunc enim cum Christo ipſo dicam vel amiciffimis, qui institutum meum impedire conantur: *Nescitis quia in his qua Patris mei sunt, oportet me esse?* Tunc in mentem reuocabo, quod ab eodem cœlesti magistro traditum accepi: *Qui amat patrem aut matrem plus quàm me, non est me dignus; & qui non accipit crucem suam & sequitur me, non est me dignus.* Tunc & ego constanter cum Apostolo Petro dicere habeo: *Obedire oportet DEO magis quàm hominibus*, quantumuis nempe charis, excellentibus atque importunis, si diuinæ quidem voluntati ac meæ salutis aduersentur. Etenim summo parenti & supremo Domino summam dilectionem atque fiduciam, & maximam insuper obedientiam ac subiectionem præstare omnes debemus, vt ne ordinem ab ipso præscriptum, qui solus præferri vult omnibus, non faciliè vnquam violemus.

Luc. 2.

Matth. 10.

Act. 5.

*Et descendit cum eis, & venit Nazareth, & erat subditus illis.*

PVERO IESV duodenni non satis erat præclarum sui specimen in templo coràm plurimis edidisse, vt hinc etiam sapientibus ac doctoribus ingenti esset admirationi, sed paulò post sese abijcere voluit, velut præ filiis alijs hominum nihil egregium ac excellens habere videretur. Igitur ex templo digreditur, parentes comitatur, ad oppidulum Nazareth reuertitur, in priuatis versatur ædibus, magnaquæ cum simplicitate obit domestica ministeria, quæ nō solùm à filio, sed à seruo etiam atque mancipio suscipi solent, eaquæ fideliter exequitur omnia. Cum enim in forma Dei esset, ipseque Rex Regum, & Dominus dominantium, quem adorant & Angeli, non sat habuit formam serui accipere, sed seruile quoque ministerium apud abiectissimos per omnia subiit. Vnde non subditus erat tantummodò Patri cœlesti, (Sicut mandatum dedit mihi Pater, inquit,

Philipp. 2.

Apoc. 19.

Hebr. 1.

sic fa-

Ioan. 14.

*se facio*) sed etiam matri pauperi, & nutritio fabro, qui suum victum labore & arte fabili quotidie quaritabat. Hosce coniuges velut suos parentes, maiorem in modum ille coluit & honorauit, ad eorum caput & voluntatem se totum accommodauit, illorum arbitrio & potestati sese permisit, nullum vilis ministerij vel seruitij genus, quo ipsis gratificari posset, pratermisit, vitamque sub illorum imperio tam obscuram quam pauperem ad annum usque trigesimum duxit.

1. Petr. 2.

Rom. 13.

Tit. 3.

Sapient. 6.

Exod. 20. 21

Eccles. 3. 18.

Rom. 13.

Ephes. 6.

1 Petr. 5.

Philip. 2.

Genes. 6.

Hierem. 35.

Genes. 2. 9.

Hebr. 12.

O mirandum & inauditum obedientiæ simul & humilitatis exemplum, quod ego sæpè multumque considerare, & à summo DEI Filio discere debeo. Vix mihi ac omnibus alijs Adæ filijs, qui contra progenitores vel maiores suos erigunt ceruices, debitamque illis reuerentiam ac obedientiam negant, cum proprio magis arbitrio fidunt, quam alieno se imperio duci regiisque sustinent. Nihil sanè mirum, quèd Apostoli cunctos Fideles cunctos ita instituant, vt nihil fere magis quam obedientiã & subiectionem tum parentibus, tum magistratibus fidelibus & infidelibus exhibendam inculcent. Fecit celi terræque Dominus, quod per Prophetas & Apostolos accuratè præcepit de parentibus honorandis, deque potestatibus sublimioribus colendis & obseruandis: quandoquidem qui potestati resistit, Dei etiam ordinationi resistit, & sibi damnationem certam acquirit. Tantòque magis omnem inobedientiam mihi fugiendam putabo, quantò certiùs constat, neglectæ obedientiæ scelere totum genus humanum sic afflictum fuisse ac perditum, vt non nisi Redemptoris nostri obedientia, qui se ad mortem usque crucis obediẽtem ostendit, potuerit reparari. Irrisit Cham patrẽ Noë, & idcirco maledictionem accepit cum sua posteritate: cuius fratres Sem & Iaphet, vt potè morigeri filij, singulari sunt gratia cumulari. Obediuerunt parenti Ionadab Rechabita, quum nouas durasque leges illis præscriberet, & magnis muneribus illos DEVS cohonestauit. Malè cessit Esau, quod Iacob &

Rebeccam

Rebecam parētes optimos offenderet, qui nec pœnitentia locum ante mortem inuenit. Quam verò misere Absolon periit, cū regem & patrem David profligare, ac e suo regno deturbare tentaret? Quid Saul primum regem Israëlitarum nisi inobedientia perdidit? quoniam Sacerdotis mandato & imperio repugnauit. Proinde quod contra eundem Saul dixit Samuel, ad me quoque spectare iudicabo: *Melior est, inquit, obedientia quàm victime: & auscultare magis quàm offerre adipem arietum: quoniam quasi peccatum ariolandi est repugnare: & quasi scelus idololatrie nolle acquiescere.*

ADSCRIBAM hoc loco nonnulla, quæ Christi suis parentibus subditi illustrent exemplum, sicut Basilus Magnus prudenter notauit, simul nobis Christi & parentum eius humilitatem obedientiamque commendans. Christus inquit, prima sua ætate parentum suorum imperio erat subiectus, & labores corporis omnes æquo vnà cum ipsis animo illis obediens tolerauit. Verisimile est enim eos iustitiæ quidem & pietatis cultores, exiguos tamen & pauperes, neque necessarijs ad viuendum copijs satis instructos fuisse: quod etiam ex præsepi intelligi potest, in quo venerabilis ille fatus & foetus continebatur. Solebant etiam illi, vt videtur, in assidujs corporis laboribus versari, & hac ratione quotidianum sibi victum quærere. Porro Iesus cū his, vt diuinæ literæ prædicāt, esset subiectus, sine dubio in perferendis etiam vnà cum ipsis laboribus, morigeram suam obedientiam declarabat.] Ac alibi rursus ita scribit: Ista & similia contra animi superbiam perpetua nobis ipsis obsignamus, nos ipsos deturpantes, vt à Domino exaltemur, imitantes Dominum, qui ad extremam vsque humilitatem è coelo descendit. Cum infans esset, mox in spelunca, neque lecto, sed præsepi imponitur. Deinde in domicilio fabri & matris pauperculæ enutritur, subditus eidem matri & illius sponso. Docetur (in templo scilicet) audiens quorum instructione non egebat; interrogans verò & interrogando

3. Reg. 18.

1. Reg. 15.

1. Reg. 15.

In Constit.  
monast. c. 5.

Luc. 2.

In serm. de  
humilitate.

Homel. 1.  
super Mis-  
sus est.

gando admirabilem declarabat sapientiam. Subditur Io-  
anni, & baptismum suscipit à seruo Dominus. ] ut cætera  
prætermittamus. Vbi Basilium sequitur Bernardus, præ-  
sentem locum diligenter expendens, & inter alia scribens:  
Erat inquit Lucas, *subditus illis*. Quis? quibus? Deus ho-  
minibus. DEVS inquam, cui Angeli subditi sunt, cui prin-  
cipatus & potestates obediunt, subditus erat Mariæ: nec  
tantum Mariæ, sed etiam Ioseph propter Mariam. Disce  
homo obedire, disce terra subdi, disce pulnis obtempera-  
re, erubescere superbe cinis. DEVS se humiliat, & tu te ex-  
altas? DEVS se hominibus subdit: & tu dominari gestiens  
hominibus, tuote præponis auctori? Quoties enim ho-  
minibus præesse desidero, toties DEVM meum præire  
contendo.

## DE PRECIBVS CVM HOC EVANGELIO CONIUNGENDIS.

PRECANDVS mihi Deus est pro Christianis adeò irreligio-  
sis, ut sacras ades aut raro inuisant, aut fructum ex eis nul-  
lum capiunt. In his illi more suo vagari, garrere, vanaq; tra-  
ctare malunt, quàm cum Christo puerops adesse caribus, do-  
ctores & concionatores ordinarios audire, ritus Ecclesiæ publi-  
cos honorare, & sacræ preces fundere. Non temerè autem  
Christus templum domum Patris, domum suam & orationis  
appellauit, ardentiq; zelo illud expurgauit, & ne vas quidem  
per illud transferri sustinuit.

ORABO itidem pro parentibus, ut graue munus à DEO  
ipsis impositum sciunt, & fideliter obeant, in suis filiis hoc secu-  
lo corruptissimo educandis. Ita & præceptoribus & magistris  
petam gratiam, ut concedita sibi iuuentutis verbo exemploq;  
legitimam operam præstent, nihilq; studij ac opere in iuuentu-  
re rectè formanda prætermittant. Est ætas illa simplex & do-  
cilis, sed simul mollis, leuis, inconstans, præceps, lubrica & pe-

culans,

Matth. 21.

Ioan. 2.

Marc. 11.



*utrans, quæ sub disciplina iugo vix contineris satis possit. & quæ perpetuam preceptorum vigilantiam exigat, Bonum est autem viro, cum portauerit iugum ab adolescentia sua.*

Timo.

Ephes. 6.  
Heb. 13.  
1. Pet. 2.

Tit. 3.

ORABO etiam pro contumacibus, proteruis & rebellibus non solum filiis, sed & quibuslibet seditiosis subditis Principum ac Magistratum, ut Apostolicam doctrinam obseruent, quæ iubet non modo filios parentibus morigeros, sed & seruos in omni timore Domini non tantum bonis & modestis, sed etiam dyscolis subditos esse, suis ut Præpositis obediant atq. subiaceant vniuersi. Admonere illos, inquit Paulus, Principibus & potestatibus subditos esse, dicto obedire, ad omne opus bonum paratos esse.



# DOMINICA SE- CVNDA POST EPI- PHANIAM.

## *Sequentis Euangelij Argumentum.*

**I**N hoc Euangelio Christus honorat coniugium, cum non solum vnâ cum lectissimis amicis interest nuptijs, sed & primum in illis miraculum patrat, aqua in vinum generosum conuersa. Neque solum hic elucet Christi potentia, sed rara etiam Deiparæ benignitas apparet, cum pro egenis coniugibus fideliter intercedit, ac necessarij vini copiam impetrat. Merentur & laudem discipuli, qui nec lasciuia, nec crapulæ in hisce nuptijs indulgent, sed in Spiritu firmiores inde discedunt, Christoquæ fortius in

in per-

Luc. 14.

Matth. 24.

Matth. 19.

a Lib. 1. cap.  
30.b ad Quod  
vult Deum.  
1. Tim. 4.In epist. 3.  
ad Probam  
de virgini-  
tate cap. 9.

Heb. 13.

In Apolog.  
ad Pámach.  
cap. 1.

in perpetuo adhærent cœlibatu. Est sanè coniugium lau-  
dabile, si inter legitimas personas ritè contrahatur, & con-  
tractum in timore Dei cum pace mutua coniugum sine di-  
uortio & adulterio decenter pieque transigatur. Quod si-  
cut compluribus ad fornicationem sædamque libidinem  
effugiendam remedium est salutare: sic rursus non paucis  
ad benè beateque viuendum adfert impedimenta, multas-  
que molestias & grauias in commoda creare consuevit. Ob-  
fuit sanè coniugium ingrato conuiuæ, qui ad cœlestes nu-  
ptias vocatus, ac libidini nimium immerfus dixit: Vxorem  
dixi, & ideo non possum venire.] Et hodie multos reperim-  
us nupturientes, atque in omnem libidinem præcipites,  
quorum lasciuia sub finem mundi frequentem fore Chri-  
stus ipse prædixit inquiens, futuros tandem homines, qua-  
les erant in diebus ante diluuium, comedentes & biben-  
tes, nubentes & nuptui tradentes. Nec frustra quidem ab  
Apostolis dictum fuit: Si ita est causa hominis cum vxore,  
vt non expedit nubere.] Cæterum Saturninus & Marcion,  
vt a Irenæus asserit, sicut & Manichæi secundum b Augu-  
stinum, & Taciani quos Encratitas appellant, Christianis  
nuptias prohibuerunt, ipsumque damnarunt coniugium,  
quemadmodum Apostolus eiusmodi hæreticos in Ecclesia  
sequendos prædixerat. Quocirca ne quisquam in hunc  
lapidem impingat, & Christianas nuptias per se illicitas aut  
veritas puret, Fulgentij verba de vera Ecclesiæ doctrina  
subijciam. Scimus, inquit, nuptias non esse peccatum, sed  
Dei opus & Dei donum: quas ipse Dominus connexuit fidei  
vinculo, gratificauit benedictionis dono, multiplicauit  
propagationis augmento. Nouimus honorabile connu-  
bium in omnibus, & thorum immaculatum. Nouimus à  
Deo non coniugia, sed fornicationes & adulteria iudican-  
da. Fornicatores enim & adulteros iudicabit Deus.] Et an-  
te Fulgentium ita scripsit Hieronymus: Inter Iouinianum  
& nos ista contentio est, quod ille ex æquet virginitati nu-  
ptias, nos subijciamus: ille parum vel nihil, nos multum in-  
teresse dicamus.] Ac iterum: Ita nuptias recipimus, vt vir-  
ginitatē quæ de nuptijs nascitur, præferamus.] Porro quod  
Christus hoc loco ad matrem loquitur: Quid mihi & tibi

est mulier? non ad Deiparæ obiurgationem torquendum est, neque adedè durè & asperè dictum, sicut prima fronte verba sonant, debet à nobis accipi. Sic enim Iustinus Martyr, petuētus author, hunc ipsū locum explicat: illud, Quid mihi & tibi mulier? non ad obiurgationem dictum est matri à Scruatorē, sed quasi hoc demonstrare vellet: Non nos ij sumus qui curam suscepimus vini, quod in nuptijs consumitur; tamen præ amore si vis, nè deficiat eis vinum, dic ministris vt faciant quæ ego eis dixero, & videbis eis non deesse vinum: id quod etiam accidit. Non ergo verbis matrem obiurgauit, cum eam factis honorarit. ] Bernardus presentem locum sic interpretatur, vt Christus hîc illos doceat, qui perfectioris vitæ normam amplexi sunt, nè se carnis affectibus propter parentes & amicos sinant impediri, neque spiritualia studia semel cæpta negligant. Quàm diu enim de mundo sumus, inquit, debitores nos constat esse parentibus. Ac postquàm reliquimus nosmetipsos, multò magis ab eorum sollicitudine liberi sumus.]

Lib. quæst.  
ad ortho-  
dox. quæst.  
136.

Serm. 2. de  
mutat. aque  
in vinum.



## EIVSDEM DOMINICÆ

Euangelium Ioannis secundo.

**N**uptiæ factæ sunt in Cana Galilee, & erat mater IESU ibi. Vocatus est autem IESVS, & discipuli eius ad nuptias. Et deficiente vino, dicit mater IESU ad eum: Vinum non habent. Et dicit ei IESVS: Quid mihi & tibi est mulier? nondum venit hora mea. Dicit mater eius ministris: Quodcunq; dixerit vobis, facite. Erant autem ibi

P lapidea

lapidea hydris sex posita, secundum purificationem Iudeorum, capientes singula metretas binas vel ternas. Dicit eis IESVS: Implete hydrias aqua. Et impleverunt eas usque ad summum. Et dicit eis IESVS: Haurite nunc, & ferte Architriclino. Et tulerunt. Ut autem gustavit Architriclinus aquam vinum factam, & non sciebat unde esset, ministri autem sciebant qui hauserant aquam, vocat sponsum Architriclinus, & dicit ei. Omnis homo primum bonum vinum ponit: & cum inebriati fuerint, tunc id quod deterius est. Tu autem servasti bonum usque adhuc. Hoc fecit initium signorum Iesus in Cana Galilee, & manifestavit gloriam suam: & crediderunt in eum discipuli eius.

NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Nuptie facte sunt in Cana Galilee.*



INGVLARES Christo Domino gratias agam, qui coniugium inde ab orbis exordio in paradiso institutum, in lege naturæ ac Moyfi confirmatum,

Gen. 2. & 9. & velut necessarium Ecclesiæ seminarium, tot seculis con-

seruatum,

seruatum, nunc etiam miraculorum suorum primitijs co-  
honestat & consecrat. Deinde cum Ecclesia Catholica cre-  
dam firmiter, coniugium Christianum non modò lauda-  
bilem vitæ statum, eiusque perpetuum ac indissolubilem  
inter duos coniuges nexum, verum etiam è septem Eccle-  
siæ Sacramentis vnum venerandum & efficax, illudque si-  
gnum sacrum esse, quo indiuidua Christi cum Ecclesia cõ-  
iunctio significatur, in quo Sacramento coniugatis pecu-  
liaris ad illos sanctificandos, & ad liberos piè nutriendos,  
Dei gratia conferatur. Rursus verò cum Orthodoxis o-  
mnibus mihi persuasum habeo, cœlibatum piè susce-  
ptum & obseruatum, non minore laude dignum, quin et-  
iam summo Deo gratiorem, & fidelibus, si velint, ad benè  
beatèq; viuendum commodiorem esse, quàm ipsum con-  
iugium. Quare sicut Christus cum parente sua & discipu-  
lis, & primo quidem hoc miraculo matrimonium coho-  
nestauit, ita idem Christus cum castissima virgine matre,  
& vterque Ioannes, alijque complures in vtroque sexu ve-  
rè sancti, vitam in cœlibatu perpetuam laudabiliter transe-  
gerunt, & seruandæ castitatis exemplum alijs præbuerunt.  
Hosce duces mirum quàm multi in vtroque sexu, quan-  
toque studio cunctis Ecclesiæ seculis consecrati sint, voto  
etiam conseruandæ castitatis frequenter edito, & ad eam  
tuendam sanguine profuso, vt spirituales nuptiæ cum im-  
mortali sponso Christo contractæ, non minorem quàm  
carnales vim, perfectionem ac dignitatem integram ob-  
tinerent. Certè Paulus perpetuæ continentiæ custos ac  
professor, palàm alios inhortatur, vt consiliū hoc Euan-  
gelicum, *Qui potest capere, capiat*, amplectantur; & scribit  
inter cætera: *Bonum est homini mulierem non tangere. Di-*  
*co non nuptiis & viduis; bonum est illis si sic permancant, sicut*  
*& ego. Alligatus es uxori? noli querere solutionem. Solutus*  
*es ab uxore? noli querere uxorem. Volo omnes homines esse si-*  
*cut meipsum*, id est, in iugi ac perpetua castitate viuere. His  
consonans Ambrosius, Iure, inquit, laudatur bona vxor,

Ephef. 5.

Matth. 19.  
1. Cor. 7.In epistola  
83. & 82.



Serm. 22. ad  
soror.

1. Cor. 7.  
Ephes. 5.

Ephes. 5.  
Genes. 2.

Matth. 19.

Isai 56.  
Apoc. 14.

Tob. 6.

Ibidem.

[sed melius pia virgo præfertur.] Et Bernardus ad huc luculentius loquitur: Bona est castitas coniugalis: sed melior est continētia vidualis: optima verò integritas virginalis.] Quapropter ego salaces Ioviniani discipulos, qui hodie sunt plurimi, detestabor, quia coniugium exæquant virginitati, nihilque plus meriti ac præmij virginali ac viduali quam coniugali castitati largiuntur, ideoque sacris literis, & præsertim Apostolo Paulo, & patribus omnibus clarissime contra dicunt. Conseruanda est interim coniugio sua laus & gloria, utpotè quòd Catholico ritu legitime contractum, si thorum immaculatum vel cubile impollutum habeat, res est utique honorabilis, DEVM autorem habet simul & confirmatorem; prodest ad vitanda scelera fornicationis, adulterij ac omnis nefariæ libidinis, medium insuper est necessarium ad populum DEI propagandum, ac demùm Sacramentum existit magnum, sacrumq; signum illius intimæ coniunctionis symbolum, quæ inter Christum sponsum, eiusq; sponsam Ecclesiam indissolubiler intercedit.

QUOTIRCA singularem Dei providentiam commendabo, quæ suauiter ita disponit, ut boni probique coniuges nunquam desint Ecclesiæ, & vicissim largitur Evangelicos spadones & eunuchos, sicut à Christo dicuntur, ut cum perfecta animi corporisque castitate non apud incredulos, sed in populo Dei omnibus ætatibus floreat, maximam integritatis suæ lauream, quam Isaias & Ioannes promittunt, in cœlis consequuturi. Deinde mihi ac bonis omnibus iustum creabit dolorem, quòd quotidie cernamus indecoras & funestas nuptias à multis contrahi, & paucis id esse cordi, quod sanctus Angelus Raphaël futuro sponso Tobix terribiliter dixit: *Hi qui coniugium ita suscipiunt, ut Deum à se & à sua mente excludant, & suæ libidini ita vacent sicut equus & mulus quibus non est intellectus: habet potestatem demonium super eos.* Ac iterum: *Accipies virginem cum timore Domini, amore filiorum magis quàm libidine ductus, ut*



*in semine abraha benedictionem in filijs consequatur.* Multoq;  
magis illos deplorabo coniuges, inter quos mutua dissensionum & iurgiorum flamma flagrant, quum amore coniugali nihil coniunctius esse oporteat: quiq; thorum suum grauisimo adulterij crimine inquinare non metuunt. Atqui detestandum mœchiæ peccatū cum diuina lege in veteri nouoq; testamento sæpè tradita, nec minùs cum prima coniugum institutione ac omni honestate & castitate coniugali ex diametro pugnat, sed & sicut in Dauide & Salomone adulterantibus cernitur, tristissimos habere exitus solet. Tantoq; magis gratiam precabor coniugibus Catholicis, vt firmo charitatis vinculo copulati, ab omni foeda libidinis genere se liberosq; puros conseruent, ac semper meminerint, adulterij interdicto omne impuritatis & impudicitia genus, quo quidem polluitur corpus, in sacris literis prohiberi, seque saluos esse non posse, nisi Apostolico dicto paruerint. *a Fugite, inquit, fornicationem, b Fornicatores & adulteros indicabit Deus. c Hac est voluntas Dei, sanctificatio vestra, vt abstineatis vos à fornicatione, vt sciat unusquisq; vestrum vas suum possidere in sanctificatione & honore, non in passione desiderij, sicut & Gentes quæ ignorant Deum.*

*Vocatus est autem IESVS & discipuli eius ad nuptias.*

NON nisi vocatus ad nuptias venit Christus, & à matre sua rogatus insigne patrat miraculum, vt aquam in vinum diuina virtute conuertat. Proinde maioris ego faciam necessarium fidei opus atque officium precationem, quæ nobis toties in Euangelio commendatur, & Christum ipsum esse censebo, quem noui coniuges, immò & cuncti res suas foeliciter auspicaturi inuocare, sibiq; propitium habere debeant. Vt hinc etiam Apostolus mandârit fidelibus, *Omne quodcunq; facitis in verbo aut opere, omnia in nomine Domini nostri Iesu Christi facite.* Nam & luculenta & ve-

Exod. 20.

Leuit. 18.

Ezech. 22.

Math. 15.

Heb. 13.

2. Reg. 25.

3. Reg. 11.

a 1 Cor. 6.

b Heb. 13.

c 1. Thess. 4.

Matt. 6. &amp; 7

Luc. 11. &amp; 18

Coloss. 3.

Ioan. 14.  
Apoc. 1.

rè dulcis est promissio Saluatoris: *Si quid petieritis, & in nomine meo, hoc faciam.* Tum idem in Apocalypsi non modo se principem Regum terræ, sed etiam A & O, principium & finem, primum & nouissimum, atque in secula seculorum viuentem appellat. Illud verò maximorum malorum fontem esse ducam, quòd fideles cùm aliàs, tùm in statu officioque nouo aggrediendo non tam ambitionis, auaritiæ & Veneris, quàm Christi Domini obliuiscantur, quoniam eius gloriam & regnum non ob oculos ponunt, eius fauorem & præsidium non expetunt, eundem rerum suarum principium & finem non statuunt, eiusque dexteram & benedictionem tùm ad mala depellenda, tùm ad bona consequenda supplices non inuocant & implorant. Nihil ergo mirum, quòd in his quæ subinde instituiamus, tam sinistrè ac infelicitè nobiscum agatur, quoniam non super petram, sed super arenam stultè ædificamus, neque cum Petro Apostolo dicere volumus: *Præceptor in verbo tuo laxabor etc.* Habentes ergo Pontificem magnum qui penetrat celos IESVM Filium DEI, vt Paulinis verbis illis vtar, *Adeamus cum fiducia ad thronum gratia eius, vt misericordiam consequamur, & gratiam inueniamus in auxilio opportuno.* Qui verò hunc suum Redemptorem non ad eunt, eumque honore debito fraudant, dum voluntatis & legis eius rationem exiguam tenent, in grauem eiusdem iram incurrunt, sæpèque frustra illum inuocant. De illis ergò æterna loquitur sapientia: *Tunc inuocabunt me, & non exaudiam: manè consurgent, & non inuenient me, eo quòd exosam habuerint disciplinam, & timorem Domini non susceperint.* Tantoque magis formidabo, ne ad me quoque spectet terribilis illa iusti Dei interminatio: *Va filij desertores, ut faceretis consilium, & non ex me: & ordiremini telam, & non per Spiritum meum.*

Matt. 7.  
Psal. 5.  
Hebr. 4.

Prouer. 1.

Isai. 30.

CÆTERVM Christi potentiam fide magna in eo complectar, quòd solo nutu aquam inspidam in vinum excellens conuertit, ac insigni miraculo virtutem suam di-

uinam

uinam assidentibus mensa conuiuiis aperte declarat. Quæ res uti præsentium discipulorum animos valde commouit, ita meam quoque fidem in Christum iure confirmabit, nihil ut ambigam de illius verbis, promissis ac operibus, quæ naturæ alioquin facultatem & potentiam humanam omnem excedunt. Quid enim illi difficile videatur, qui manifestauit gloriam suam, quum panes benedictionis suæ gratia multiplicauit, & aquam in vinum conuertit? nimirum ut eò magis in fide aliorum miraculorum, ac præsertim sacrosanctæ Eucharistiæ, stabiliremur. Hic enim panem & vinum in suum corpus & sanguinem toties arcana virtute conuertit, quoties ad altare Sacerdos verbis utitur consecratorijs, ut, sicut Cyprianus loquitur, sacramento visibili ineffabiliter diuina se infundat essentia, panisq; supersubstantialis vita sit animæ, & sanitas mentis. Nam qui ad Patris sui gloriam, & ob sponsæ suæ amorem cuncta ex nihilo condidit, cur non eodem amore suadente, quasdam creaturas mutaret, suamque nobis domesticis potentiam declararet? Proinde cum Ambrosio confidenter dicam: Si tanta vis est in sermone Domini Iesv, ut inciperent esse quæ non erant: quanto magis operatorius sit sermo Christi, ut sint quæ erant, & in aliud commutentur? ] Ac iterum: Si tantum valuit humana benedictio (sicut in 4 Moyse & b Eliseo cernimus) ut naturam conuerteret; quid dicimus de ipsa consecratione diuina, ubi verba ipsa Domini Saluatoris operantur? ] Multum igitur apud me valebit hæc aquæ in vinum admiranda conuersio, indeque ad rem Eucharisticam conuersus, cum Chrysostomo animosius profitebor, Christum Dominum sua virtute conficere Sacramentum, ut corpus suum & sanguis in altari præstò sint, cum Sacerdos verba illa proferat consecratoria, Hoc est corpus meum, Hic est sanguis meus. Atque ut magis confirmer in hac doctrina Ecclesiæ, quæ sacri Euangelij fida interpret est, habeo quem sequar illustrem doctorem Cyrillum Hierosolymitanum, qui præsentem locum ad rem Eucharisticam

Ioan. 6.  
Marth. 14.  
Marc. 6.

Serm. de cæ  
na Domini.

Lib. de ijs  
qui in my-  
ster. initian-  
cap. 9. & lib.  
4. de Sacra-  
ment. cap. 4  
a Exod. 7.  
& 8.  
b 4. Reg 2.

Homel. 2.  
in 2. ad Ti-  
moth &  
Homel. de  
proditiōe  
Iudæ.

Careche. 4.  
Myſtagogi-  
ca.

applicans ante mille ducentos annos in hunc modum ſcripſit: Chriſtus aliquando aquam mutavit in vinum, quod eſt ſanguini propinquum, in Cama Galilææ, ſola voluntate: & non erit dignus cui credimus, quòd vinum in ſanguinem tranſmutaſſet? Si enim ad nuptias corporeas inuitatus ſtupendum miraculum operatus eſt, & non multò magis corpus & ſanguinem ſuum filijs ſponſi dediſſe illum confitebimur? Quare omni cum certitudine corpus & ſanguinem Chriſti ſumamus.]

*Deſiciente vino, dixit mater Ieſu ad eum: Vinum non habent.*

NIMIVM proſecto hebes ac ſtupidus fuero, niſi beneficentiam & charitatem in proximos conferre diſcam, utpote Chriſti Domini ac præceptoris exemplo clariffimo incitatus. Is enim ut nouorum coniugum, à quibus inuitatus erat, pudori conſulat, ac præſenti illorum inopiæ ſubueniat, præter omnẽ expectationem vinum largitur præſtantiffimum, ſeq; conuiuiſ omnibus perquàm humanum ac liberalem oſtendit. Sic ille de immerentibus, nihilq; minùs quàm de præſente Meſſia cogitantibus benè meretur, meq; docet fraternæ charitatis, ac alienæ indigentix curam habere, ut quæ aliorum ſunt, magis quàm propria ſpectem commoda, utque non ſolùm verbo & lingua, ſed & opere & in veritate proximum diligam, ſicuti Apoſtoli præceperunt.

Ioan. 3.  
1. Cor. 13.  
1. Pet. 4.  
Hebr. 13.

Rom. 12,

VB I reſpiciam quoque Domini mei matrem eximix pietatis & charitatis affectu redundantem, quæ cum gaudentibus gaudere, & cum ſlentibus flere, & afflictiſ amicis intimè compati nouerat. Hinc illa non poteſt non ſollicita eſſe, ut amicis pauperibus, eorumque pudori proſpiciatur, & præſens vini tollatur penuria in conuiuiſ nuptiali. Qua ratione monet tempeſtiuè filium, & menſæ miniſtros præparat, plenaque fide procurandi negetij finem nullum facit quoad optatã gratiam impetret, ut ſatis vini

ſit con-

sit conuiuiis omnibus in mensa refocillandis. Tantam habet curam pia mater, nihil vt desit vicinis & cognatis verecundis, vtque nouorum coniugum in tractandis hospitibus inopiæ succuratur, ac honestè illic omnia transigantur. Vbi meam ego fidem erigam atque confirmabo, nihil dubitans, præpotentem Deum iuxta promissionem suam mihi ritè precanti fore propitium, tantoq; magis ea quæ peto, largitutum indigno, quantò submissius aliorum ipsi gratiorum & Sanctorum preces ac intercessionem adiunxero instar Centurionis. Et inter Sanctos quidem nulli amplius quàm Deiparæ Virgini Mariæ tribuam, illamq; cum omnibus orthodoxis aduocatam Ecclesiæ & misericordiæ matrem honorabo, simulq; cum *a* Athanasio mano, *b* Gregorio Nazianzeno, & *c* Ephrem Basilij diacono piè inuocabo, nimirum vt ipsa apud filium intercedente, mihi pro aqua tribulationis & angustia, vinum spiritualis consolationis & gratiæ concedatur. Nam probatum exemplum Bernardi sequar, qui ad hanc ipsam gratiæ inuentricem, simulq; Christi genitricem tam libenter quàm vtiliter confugere, sequè illius intercessionem commendare solitus fuit, atque idcirco ad domesticos inter cætera disseruit. Quoties mihi necesse est, fratres, post lacrimas & querimonias vestras exorare Matrem misericordiæ, vt suggerat suo benignissimo filio, quoniam vinum non habeatis? Et ipsa dico vobis, charissimi, si pia à nobis pulsata fuerit, non deerit necessitati nostræ, quoniam misericors est & mater misericordiæ. Nam si compassa est verecundiæ illorum, à quibus fuerat inuitata, multò magis compatiatur nobis, si piè fuerit inuocata. ] Neque tamen huius tantæ matris inuocatione atque intercessione sola me consolabor, verùm etiam quod ab illa ministris in Cana dictum & iniunctum est, ad me simul pertinere, mihi que seriò demandatum esse cogitabo: *Quodcumq;*, inquit, *dixerit vobis, facite.* Nam & Pater de sublimi cælo resonans, & mater ex conuiuiu nuptiali loquens, magno consensu postulapt, vt fideles

Ioan. 16.

Luc. 7.

*a* In Serm. de Deipara.  
*b* In tragædia de Christo patiente.  
*c* In oratione ad Virginem.

Serm. 2. de mutat. aque in vinum.

Ioan. 2.

Matth. 3.  
 & 17.

Heb. 5.

Ioan. 15.  
Matth. 12.

Deut. 18.

non modò Dei verbum audiant, & auditum fide complectantur, sed etiam opere perficiant, seque citra exceptionem & excusationem omnem obediētes vsque demonstrent. Vnde Paulus etiam testatur, factum esse Christum omnibus non credentibus tantum, sed & obtemperantibus sibi causam salutis æternæ: quemadmodum & ipse Dominus illo dicto satis ostendit: *Vos amici mei estis, si feceritis quæ ego precipio vobis.* Ac alibi planè testatur: *Quicumq; fecerit voluntatem Patris mei qui in cælis est: ipse meus frater & soror & mater est.* Qui autem verba (Messia) quæ loquetur in nomine meo, audire noluerit, ego vltor existam, per Moysen de se Deus ipse testatur.

## DE PRECIBVS CVM HOC FESTO CONIUNGENDIS.

Heb. 13.  
Ephes. 6.  
Coloss. 3.

**P**RECANDVS mihi Deus pro Christianis coniugibus, ut suam vocationem, quæ magni est momenti in Ecclesia, sapè multumq; perpendant: præterea Iosephi & Mariæ, Zachariæ & Elisabethæ memores, diuino cultui & amoris proximi satisficiant, nec sint ulli offindiculo, sed vitam inculpata[m] præsent priuatim ac publice. Ad hæc peculiarem gratiam à Deo petam, ut coniugium sua constet reuerentia, ideoq; vir & uxor cum iuniore Tobia illud ritè auspicentur, thorum seruantes immaculatum: liberos verò suos (Ecclesia seminarium) à peccandi consensu periculis & occasionibus, eosq; in timore Dei sedulo instituunt, nec minùs ab alijs, qui probata vita atque doctrina sunt homines, ac præsertim in scholis, probè instituendos curent.

Marc. 14.

**R**VRVSVS Dominum orabo, ut Maria charitas atq; compassio in multorum, præsertim diuitum animis reuiuifcat, nimirum ad benè merendum de indigentibus, miseris ac afflictis coniugibus, quorum ingens ubique copia cernitur. Semper enim pauperes habebitis vobiscum, inquit Dominus, & cum vo-

lucritis,



lueritis, potestis illis benefacere. *Quare Paulus etiam fideles hortatur*: Charitas fraternitatis maneat in vobis, & hospitalitatem nolite obliuisci.

Heb. 13.

PRECABOR etiam pro ijs, qui contra Dei Ecclesiā, præceptum castitatem conjugalem, immò & vidualem & virginalem violant, & fornicando conspurcant. Orabo & pro ijs, qui sanctam continentiam promiserunt, ut fidem datam præstent, ac præceptum Domini illud obseruent: Cùm votum voueris Deo tuo, non tardabis reddere: quia requireret illud Dominus Deus tuus. Et si moratus fueris, reputabitur tibi in peccatum. Eoq; magis commendabo illos Deiparae matri, quam ex voto virginitatem & promississe & seruasse Augustinus affirmat, ut illa ipsa intercedente, manna caelesti corroborari, & vino digna consolationis recreari, suos vincant hostes, suaq; voluntate persoluāt. Qui enim vicerit, inquit summus Agnothea, dabo ei sedere mecum in throno meo. Et præclare idem dixit Augustinus: Illis qui se non continent, utiq; expedit nubere, & quod licet expedit: quæ autem vouerint continentiam, nec licet, nec expedit.]

Deut. 23.

Libr. de sanct. virgin.

Apoc. 3.

Lib. de adulterin. coniugijs, ca. 15.



# DOMINICA III.

## POST EPIPHANIAM.

### *Sequentis Euangelij Argumentum.*

**D**Ocet Christus in monte populum, suamque doctrinam statim illustribus adstruit miraculis, mundato primùm leproso Iudæo, & sanato deinde puero, siue ut Lucas expressit, seruo Ethnici Centurionis. Ita verò se Dominus perfectū doctorem ostendit, utpote potens in opere & sermone corā Deo & omni populo: quoniā egrotū

Luc. 7.

Luc. 14.

Luc. 19.  
Act. 10.

Luc. 17.  
In cap. 8.  
Matth.  
Matt. 21.


Lib. 1. super  
Matth.

Serm. 6. de  
verbis Do-  
mini.

vnum lepra, & alterum paralyti laborantem incolumitati subito restituit. Manet quippe hoc proprium Messie presentis officium, tum Iudaicum, tum Gentilem populum licet perditum, liberare atque saluare, nec minorem potentiam atque clementiam in agendo quam in docendo monstrare. *Venit enim Filius hominis querere & saluum facere quod perierat. Pertransiit benefaciendo & sanando omnes oppressos à Diabolo, quoniam Deus erat cum illo.* Caterum leprosus hic imaginem illorum gerit, sicut Augustinus indicat, qui licet in Ecclesie populo numerentur, verum tamen fidei admixtos habent errores, & ideo hæretici ab Ecclesia iure censentur atque puniuntur. Tales à Christo curari, & Ecclesie reconciliari non possunt, nisi de fide & religione iudicium sacerdotum audiant, sequæ illis ut iudiciis subijciant, & consentientem cum ipsæ doctrinam profiteantur. Unde Lucas de alijs etiam decem leprosis refert, quod priusquam à Christo curarentur, hoc præceptum acceperint: *Ite, ostendite vos sacerdotibus.* Quod verò Christus fidem Centurionis, siue, ut Hilarius vocat, Tribuni, admiratur & prædicat, non obscure adumbrat futuram conuersionem fidemque Gentium, quæ in amplectendo Euangelio Iudæos excellerent, verosque regni Dei fructus proferrent. Immo Christus Iudæos à Dei regno excludendos, & Gentilem populum, ex quo erat Centurio, ad gratiam vocandum, atque sanctis Patriarchis aggregandum esse hoc loco perspicue tradit. Hieronymus rectè monet, Centurionis huius mirandam videri fidem, humilitatem atque prudentiam: fidem in eo, quod credidit ex Gentibus paralyticum à Domino posse saluari: humilitatē, quod se iudicauit indignum, cuius rectum Christus intraret: prudentiā demum & fidem, quod intra mortalis corporis tegmen, diuinitatem latentem videret atque adoraret. Augustinus pulchrè dixit: Centurio dicendo se indignum, præstitit dignum, non in cuius parietes, sed in cuius cor Christus intraret. Ceterum ut nos consolatur quod Christus de fructu & effectu iustificantis fidei prædicat Centurioni, ita vicissim nos merito terret, quod adiungitur de futuris exte-

rioribus,

noribus, seu extimis ac profundissimis tenebris, deque he-  
tu ac stridore dentium, hoc est, de acerbissimis horrendi  
infernī cruciatibus, quos etiam filij regni, nisi resipiscant,  
perpetuū sint subituri.



## EVANGELIUM EIVSDEM

Dominicæ Matth. VIII.

**C**UM descendisset Iesus de monte, secu-  
ta sunt eum turbae multae: & ecce le-  
prosus veniens, adorabat eum dicens:  
Domine, si vis, potes me mundare. Et exten-  
dens Iesus manum, tetigit eum, dicens: Volo:  
Mundare. Et confestim mundata est lepra  
eius. Et ait illi Iesus: Vide nemini dixeris: sed  
vade, ostende te Sacerdoti, & offer munus quod  
præcepit Moyses, in testimonium illis. Cum au-  
tem introisset Capharnaum, accessit ad eum  
Centurio, rogans eum, & dicens: Domine puer  
meus iacet in domo paralyticus, & malè tor-  
quetur. Et ait illi Iesus: Ego veniam & curabo  
eum. Et respondens Centurio, ait: Domine non  
sum dignus, ut intres sub tectum meū: sed tan-  
tūm dic verbo, & sanabitur puer meus. Nam  
& ego homo sum sub potestate constitutus, ha-  
bens

*bens sub me milites: & dico huic, vade, & vadit: & alio veni, & venit: & seruo meo, fac hoc & facit. Audiens autem Iesus miratus est: & sequentibus se dixit, Amen dico vobis, non inueni tantam fidem in Israël. Dico autem vobis, quod multi ab Oriente & Occidente venient, & recumbent cum Abraham & Isaac & Iacob in regno cælorum: filij autem regni ejicientur in tenebras exteriores: ibi erit fletus & stridor dentium. Et dicit Iesus Centurioni: Vade, & sicut credisti fiat tibi. Et sanatus est puer ex illa hora.*



NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Ecce leprosus veniens adoravit eum, dicens.*

Ioan. I.

**R**A T I A singentes agam Christo Redemptori, qui de summo cæli monte descendens, se miseris mortalibus visibilem præbuit, quia *Verbum caro factum est, & habitavit in nobis*, ut ille non modò ludæis per hunc leprosum designatis, sed etiam Gentibus, per Centurionem præfiguratis, cœlestem doctorem simul & medicum exhiberet. Cum enim homines sacrorum essent ignari, & in rebus spiritualibus planè rudes, ac præterea in corpore & animo gravissimè laborarent, tam clementi ac

potenti

potenti doctore & medico plurimum indigebant. Venit ergo ille ad illuminandos omnes qui sedebant in tenebris & umbra mortis, ac salutarem adferre voluit opem ægrotis verèque calamitosis, ac tantum non perditis. Nisi talem haberemus doctorem, haud dubiè oves maneremus errantes, animarum nostrarum pastore & Episcopo destituti, sicut Petrus Christum appellat. Nisi præterea eiusmodi nobis medicus obtingeret, nulla morbis nostris curandis remedia suppetere, dictum illud Propheticum impleretur: *Misit verbum suum, & sanauit eos: & & puit eos de interitionibus eorum.* Eòque magis ego Christi bonitatem amabo & prædicabo, qui hoc loco in leproso & seruo Centurionis curâdo præstare cœpit efficaciter, quod alibi promittens dixerat: *Alias oves habeo, quæ non sunt ex hoc ovile* (veteris scilicet Synagogæ,) *& illas oportet me adducere,* (nimirum ex Gentibus) *& vocem meam audient, & fiet unum ovile & unus pastor.* Sic enim Pater æternus pollicitus antè fuerat: *Populus quem non cognoui, seruiuit mihi: in auditu auris obediuit mihi. Filij alieni mentiti sunt mihi, & claudicauerunt à semitis suis.* Nam & Christus de Iudæis reijciendis, deq; Gentibus in illorum locum adoptandis, vt alibi sæpè, sic etiam in fine huius Euangelij palàm varicinetur.

Luc. 1.

Isai 53.

1. Petr. 2.

Psal. 106.

Ioan. 10.

Psal. 17.

Matt. 11.  
& 23.

CÆTERVM iure dolebo, me in Christi schola tam diu versatum, hætenus tam parum profecisse, vt propositi Leprosus & Centurio, velut noui in fide tyrones, me longo post interuallo reliquisse videantur. Ille enim vix audito Christo, eiusque miraculis nondum conspectis, nullum alium nisi illum ipsum sibi propitium esse cupiunt, ad illum non sine ingenti fide, humilitate, ac precatione spontè properant, de illius potentia nihil ambigunt, submissè erga illum sese gerunt eundem publicè confitentur, & ardentè implorant, parati etiam haud dubiè illius monitis & iussis obtemperare. Quàm verò sum ego segnis, frigidus, incompositus in cultu diuino, in veneratione Christi &

Malach. 1.

Luc. 12.

\* Luc. 8.

Matt. 17.

Psal. 6.

Psal. 108.

Psal. 36.

Job. 4.

Ecclesi. 2.

Leuit. 14.

vlu factorum? vt meritò illud audiam: *Filius honoras Patrem, & seruus Dominum suum. Si ergo Pater ego sum, ubi est honor meus & Dominus ego sum, ubi est timor meus, dicit Dominus exercituum. Hypocrita, faciem cali & terra nescis probare: hoc autem tempus quomodo non probatis? \* Vbi est fides vestra? Quousq; ero vobiscum? vsquequo patiar vos? Ceterum exemplo leprosi discam, aliorum oblitus, meipsum & præcipuos animæ meæ morbos, velut præsentem lepram, quæ à solo Deo curetur, sapè & cum mœrore perpendere, atq; hinc pudebundus ad Christum confugere medicum, apud quem veram animi munditiam ac perfectam sanitatem liceat recuperare. Huc autem spectat, vt me non secus ac leprosum, id est, impurum, sœdum, despicabilem, immò Deo & Angelis eius abominabilem, bonorumq; conuietum & gaudio indignum statuam: atque idcirco sollicitus & anxius cum Propheta dicā: *Domine ne in furore tuo arguas me: neq; in ira tua corripas me. Miserere mei Domine, quoniam infirmus sum: Sana me Domine, quoniam conturbata sunt ossa mea. Libera me quia egenus & pauper ego sum: & cor meum conturbatum est intra me. Neque tantum in fide & cum humilitate precabor, sicut leprosus supplex orauit, verum etiam illius exemplo meam sanitatem & agnitum, meq; totum Dei sapientiæ & voluntati permittam, ideoque ex illius præscripto libenter agam ac perferam omnia, paternæ illius bonitati succedam & euentum omnem securè committens, Scriptum est enim: *Revela Domino vitam tuam, & spera in eum: & ipse faciet. Pete à Deo vt vias tuas dirigat, & omnia consilia tua in ipso permaneant. Nullus sperauit in Domino, & confusus est. Quis permansit in mandatis eius & derelictus est? aut quis innocauit eum, & despexit illum? Quoniam pius & misericors est Deus, & remisit in die tribulationis peccata, & protector est omnibus exquirentibus se in veritate. Præterea leprosus de obedientia præstanda me admonet, quando quidem etiam à lepra mundati, vt legi satisfacerent, aues duas***

offerre,



offerre, corpus lauare, pilos radere, hyssopo aspergi, & à sacris ad tempus abstinere debeant. Quare mihi satis non erit à peccato mundari, nisi mundatus illam Christi obseruem regulam: *Ecce sanus factus es*, inquit, *tam noli peccare, ne deterius tibi aliquid contingat.* Cum his coniungam dictum Sapientis: *Sacrificium salutare est attendere mandatis, & discedere ab omni iniquitate.* Dauid ita dixit: *Sacrificate sacrificium iustitie, & sperate in Domino.* Sed & aliud Christus ab hoc leproso exigit, nimirum:

*Vade ostende te Sacerdoti.*

VARIAS ob causas hic leprosus ad sacerdotem à Christo mittitur. Primum propter humilitatē, vt sacerdotibus deferre honorem videatur. Erat enim in lege præceptum, vt qui mundati fuerant à lepra, offerrent munera sacerdoti. Deinde vt mundatum videntes leprosum, aut crederent Saluatori, aut non crederent, & si non crederent, inexcusabiles forent: & simul nè, quod in Christo sapissimè criminabantur, legem ipse infringere videretur, sicut Hieronymus notat. Ego verò vt nō solum ad leprosi, sed Christi etiam humilitatem amplectendam, & præcipuè sacerdotibus exhibendam magis exciter ac impellar, præclara Cypriani verba quæ ad hūc locum spectant, sedulò meditabor. Sic autem habent: Dominus etiam noster ipse Iesus vs Christus, rex & iudex, & Deus noster vsque ad passionis diem seruauit honorē Pontificibus & sacerdotibus, quamuis illi nec timorem Dei; nec agnitionem Christi seruassent. Nam cum leprosum emundasset, dixit illi: *Vade & monstra te sacerdoti, & offer donum.* Humilitate ea, qua nos quoque esse humiles docuit, sacerdotem adhuc appellabat, quem sciebat esse sacrilegum ] Vbi præterea Pauli Apostoli profert exemplum, qui impio & Mosaico Pontifici tantum tribuit, vt ad se excusandum, quod contra illum liberius videretur inuectus responderit: *Nesciebam fratres, quia princeps est sacerdotum.* Scriptum est enim: *Principi po-*

Ioan. 5.

Exod. 35.

Psal. 4.

Leuit. 14

Lib. 1. comment. in cap. 6. Matt.

Lib. 3. epist. 9.

Luc. 7.  
Matth. 5.  
& 11.

Actor. 23.

Exod. 22.

Ecclef. 7.

*puli tui non maledices. Præterea dictum illud Sapientis repetit: Ex tota anima tua time Deum, & sacerdotes eius sanctifica. Honora Deum, ex tota anima tua, & honorifica sacerdotes.*

2. Cor. 5.

Ioan. 10.

Lib. 1 epist.  
3. ad Corne-  
lium.

Ezech. 24.

2. Paral. 26.

4. Reg. 15.

AD HÆC singulares agam gratias Christo Opt. Max. Pontifici, qui sicut olim per se ipsum leprosos consolatus est, cosq; perfectè mundavit, ita nunc etiam per Sacerdotum ministerium plurimos, nè in vitiorum suorum sordibus & pestibus moriatur, verbo suo mirabiliter recreat, expurgat, absoluit atq; sanat. Etenim Euangelicorum sacerdotum est proprium, vñà cum Paulo dicere: *Posuit in nobis verbum reconciliationis. Pro Christo legatione fungimur, tanquam Deo exhortante per nos. Obsecramus pro Christo reconciliamini Deo. Non enim mentitur Veritas Christus diserte promittēs nō omnibus, sed constitutis Dei Ecclesiæq; ministris, quos ipse sibi vicarios constituit. Accipite Spiritum sanctum: quorū remisistis peccata, remittuntur eis: & quorū retinueritis, retenta sunt.* Illorū verò leproforū vicem dolebo maximè, qui sacerdotū & prapositorum Ecclesiæ autoritate contempta, incurabiles perstant; & quia suos morbos quamlibet pestilentes & contagiosos non agnoscunt, meritò per sacerdotes à cœtu sanorum excluduntur. Sunt enim illi novis sectis addicti, prauisq; imbuti opinionibus, præsertim de necessarijs poenitentiae partibus atque actionibus exhibendis. Quod enim de sui sæculi moribus refert Cyprianus, ad istorum consuetudinem maximè pertinet. Datur opera, inquit, ne satisfactionibus vel lamentationibus iustis delicta redimantur, ne vulnera lacrimis abluantur. Pax vera falsæ pacis mendacio tollitur, salutaris sinus matris nouerca intercedente præcluditur.] Quare in hos competit Propheticum illud dictum: *Immunditia tua execrabilis, quia mundare te volui, & non es mundata à sordibus tuis: sed nec mundaberis prius, donec quiescere faciam indignationem meam in te.* Nec sunt isti dissimiles Oziæ Regi Iuda, qui Sacerdotū officium sibi sumens, incurabili

lepra in

lepra in fronte percussus fuit, & ea pœna diuinitus inflicta, nunquam potuit liberari, regno etiam ipso priuatus. Adeo nihil confert, Christum iactare medicum, & eiusdem violare præceptum, quo immundi omnes vt suas impuras emundent conscientias, ad sacerdotes, qui inter lepram & lepram discernant, & ad clauēs Ecclesiæ petendas remittuntur. Vnde scribit Pacianus, in remissione peccatorum illud facere Deum, quod per suos facit sacerdotes, iuxta illud: *Quacunque alligaueris super terram, erunt ligata & in celo*, quemadmodum eundem locum Augustinus interpretatur. Atque vt differentem veteris ac nouæ legis potestatem in sacerdotibus agnoscamus, \* Chrysostomus nō obsecrè dixit: Corporis lepram purgare, seu potius purgatos probare, Iudæorum sacerdotibus solis licebat: at verò nostris sacerdotibus non corporis lepram, verum animæ sordes, non dico purgatas probare, sed purgare prorsus concessum est. ] Quocirca tantò rectius & securius me à peccato mundari putabo, quantò frequentius & submissius hūc leprosum Euangelicum imitabor, vt sicuti loquitur Cyprianus, apud sacerdotes exomologesi facia, & peccata mea dolenter confitear, animi mei pondus exponam, ac salutarem medelam, paruis licet ac modicis vulneribus exquiram, sciens à Paulo scriptum esse: *Deus non irridetur*. Hoc enim est spirituale lepram illis medicis purgandam detegere, quos princeps sacerdotum Christus ad reos absoluentes instituit, & semper adhibuit Ecclesia. Nam vt Lucas de primitiua scripsit Ecclesia, *multi credentium veniebant confitentes & annuntiantes actus suos*. Nec dubitat Cyprianus Episcopus disertis mandare verbis: Confiteantur singuli delictum suum, dum adhuc qui deliquit in saculo est, dum admittit confessio eius potest, dum satisfactio & remissio facta per sacerdotes, apud Dominum grata est. ] Quamuis autē lepra quodlibet enorme peccatū designat, quo se homo velut immundū à Deo, coetūq; sanctorū separat, sicut diximus: tamen vt multi cū Augustino annotarūt, praua infide

Leuit. 13.

&amp; 14.

In epistola ad Simpronian.

Matth. 18.

Lib. 20. de ciuitate

Dei, cad. 9.

&amp; in homel. 50.

\* Lib. 3. de sacerdot.

In epistola 5. ad Corneliū. &amp; serm. 5. de lapsis.

Gal. 6.

Actor. 19.

Serm. 5. de lapsis.

Lib. 2. qua-  
stion. Euan-  
gelic. &  
term. 10. de  
verbis A-  
post.

doctrina seu hæresis pro lepra spiritali maximè habenda, & mihi pro lepra longè pestilentissima deuitanda est. Et sanè accidit hæreticis, vt iuxta mysticum sensum cum leprosis communem habeant colorum varietatem, pestemque contagiosam, quæ diu latere non possit, ac multis officia vehementer. Quid multa? Quoties de curanda lepra spiritali agitur, toties ad Christum velut primum medicum confugere, & ex illius præscripto sacerdotibus Euangelicis obedire necesse est.

*Dominè non sum dignus, vt intres sub  
tectum meum.*

Matth. 8.  
Luc. 7.

MECUM benè agi crediderim, si huius Euangelici nec satis vnquam laudati Centurionis vel serui, vel emulatores esse possim: tam præclara de illo prædicant Euangelistæ. Is est qui populum Dei Israëlicum diligit, & sacras ædes ad cultum Diuinum augendum extruit. Etenim seniores Iudæorum de illo licet alienigena, & primo fructu ex gentibus, vt ait Chrysostomus, ita testantur: *Diligit gentem nostram, & synagogam ipse adificauit nobis.* Is prouidum & industrium herum agit, vtpotè profanos milites in pace & disciplina domestica continens, vt omnes officio suo facerent satis. Is fidum & gratum sibi seruum tantoperè amat, vt illo restituendo patris potius quàm domini studium officiumque declaret: Is enim fastu posito, de seipso, vt subdito valdè submissè: de Christo autem à Iudæis neglecto sublimiter ac gloriosè sentit ac loquitur. Subornat ergò seniores ex Israëlitis, qui pro se & ægroto seruo intercedant apud Dominum, vtpotè quem per se non audet accedere, & cuius beneficio, immò & in suas ædes ingressu, se prorsus indignum esse pronuntiat. Quàm multas veræ iustitiæ partes expleuit, qui singulare studium erga Ecclesiam ob extructam synagogam, sublimiori potestati promtam obedientiam, Christo Domino incomparabilem fidem, ægroto seruo admirandam charitatem, ac toti

deinùm

demum familiæ fidam curam & prouidam gubernationem bona fide tribuit ac impendit.

PRÆTEREA ex Ioanne Cassiano meminero, fructum ut mihi adferat præclara, & Euangelico Centurione digna isthæc confessio: *Nam & ego homo sum*, inquit, *sub potestate constitutus, habens sub me milites: & dico huic vade, & vadit: & alij, veni & venit, & seruo meo, fac hoc & facit.* Quam is est miles exercitatus, & sapiens militum dux: qui per omnia suis magistratibus paret, ac iuri suo subiectos ad nutum parere facit, ut sic domesticos omnes in pace regat atque custodiat, quia nemo illorum suam propriam, sed omnes Domini faciunt voluntatem. Atque hoc modo si sensam mysticum requiram, Christianæ animæ perfectionem hic deliniatam putabo, quæ nimirum in eo consistit, ut summo Deo, eiusque Vicariis debitam præstem obedientiam, & me ipsum sensusque meos, tanquam seruos, in officio contineam, tum cogitationes & curas rationis imperio subdam, omniaque mihi concredita in ordine certo conseruem. Hoc enim est profectò Euangelicum Centurionem agere, & spiritalibus armis esse munitum, quibus Christi milites bella Domini præliari decet, quemadmodum Apostolus Paulus Ephesijs accuratè præscripsit. Inprimis autem mihi cauebo à pestilenti illorum errore, qui solum Centurionis fidem speculantur, eamque nihil aliud faciunt, præterquam fiduciam diuinæ misericordiæ peccata remittentis propter Christum: ea enim fide hominem duntaxat iustificari, & iustum viuere imperitis persuadere contendunt. Atqui Euangelistæ sicut fidem, ita & virtutes alias in Centurione commendant, nobisque imitandas proponunt: fidem autem illius in eo collocant, quod certò crederet, Christum absentem corpore, & maiestate præsentem, omnibus præstare principibus medicis & creaturis, quia seruo suo iam agenti animam solo verbo succurrere, & sanitatem integram subito restituere, immò & sua prouidentia quælibet gubernare ac disponere possit.

Collatione  
7. cap. 5.

Luc. 7.

Ephes. 6.

Gal. 5.

Iacob. 2.

1. Iob. 3.

Rom. 2.

Ephes. 2.

lit.

Luc. 7.

Matt. 3.

Ioan. 1

Homel. 5.  
in diuers.

Hæc illius rara quidem & eo tempore incomparabilis erat fides, quam apud Iudæos quarere, sed neutiquam inuenire licebat, sicut & Christi verba demonstrant. Errant autem, qui ex hac fide construunt & comprobant fidem illam, uti vocant, specialem atq; nouitiam, nec simul includunt firmum assensum illorum quæ reuelauit Deus, ut à fidelibus omnibus iuxta doctrinam Ecclesiæ certò & sine ambiguitate credantur. Ita fit, ut illi de fide sine fide philosophentur. Errant præterea, quòd hac seu potius inani præsumptione contenti, non urgeant fidem, quæ iuxta Paulum per charitatem in tenentis operatur, & simul poenitentiam obedientiamq; coniunctam exigit, quemadmodum Apostoli suis in scriptis euidenter ostendunt. Ex his Iacobus perspicuè tradit: *Fides sine operibus otiosa est. Fides ab Abraham operibus consummata est: ex operibus iustificatur homo, & non ex fide tantum: Fides sine operibus mortua est.* Et Ioannes affirmat: *Qui facit iustitiam, iustus est: qui facit peccatum, diabolo est.* Tum si Paulum audimus, factores legis iustificabuntur, nosq; sumus Dei factura, creati in Christo Iesu, in operibus bonis, quæ præparauit Deus, ut in eis ambulemus.

Postremo non obliuiscar admirandæ humilitatis, quam in Centurione velut nihil præclari haberet aut ageret, seipsum tam studiosè deiecit, ac suam indignitatem publicè professus est. *Domine non sum dignus ut intres sub tectum meum.* Nam & seniores quos ex Israëlitis delegerat, sibi anteposit, & Christi magnitudinem spectans, seipsum planè despexit, itaq; ut antea Ioannes Baptista fecerat, se prorsus contemptibilem ducit. Vbi ego huius tanti viri, quem admiratur & Christus, exemplum non laudabo solum, sed etiam studiosè imitabor, maximè sacrosanctam Eucharistiam percepturus. Sic enim & veteres orthodoxi fecerunt, & eisdem verbis Centurionis uti consueuere, sicut & Origenes his verbis monuit: Quando sanctum cibum, illudq; incorruptum accipis, epulum, quando vitæ pane & poculo



fructis, māducas & bibis corpus & sanguinē Domini, tunc Dominus sub tectum tuum ingreditur. Et tu ergo humilians te metipsum, imitare hunc Centurionem, & dicito: *Domine non sum dignus, ut intres sub tectum meum.*]

## DE PRECIBVS CVM HOC EVANGELIO CONIVNGENDIS.

**P**RECANDVS est mihi Deus pro legitimo usu ac fructu miraculorum, quæ per Deum & Sanctos tot sæculis patrantur ubiuis gentiū, nimirum ut sint mortalibus diuina glorie manifestationes, factarum à Christo promissionum exhibitiones, Ecclesie vera insignia, orthodoxæ fidei testimonia, Sanctorum ornamenta, fidelium presidia, miserorum solatia, hæreticorum flagella, ac demum infidelium ad Catholicam religionem amplectendam excitamenta. Sicut autē inuidi Pharisei iam olim Christi miracula per summam nequitiam insectati sunt, ita deinceps impij Ariani, sicut de illis testatur Ambrosius, Sanctorum miracula pro Satanæ ludibrijs, per meram calumniam publicè prosciderunt. Ab his porro eandem cantilenam nostri didicere Sectarij, in eo certè consencientes, ut Ecclesiam gloria miraculorum, velut illustri nota inuidè spoliēt, honoremq; Deo debitum in Satanā transferre audeant, atque ita consensui totius venerandæ antiquitatis, & irrefutabili omnium temporum experientiæ, non sine maxima impudentia contradicant.

Luc. 11.  
Matt. 12.  
Marc. 3.  
Serm. 91.

**O**RABO insuper pro leprosis ac agrotis alijs, præsertim incurabili morbo diuexatis, ut cum Iob grauiter afflicto, & Lazaro multis modis ærumnoso mendico suam crucem, uti diuinitus impositam, patienter ferant, vig. partim humanam benignitatem, partim diuinam consolationem in suis cruciatibus magis ac magis experiantur. Martyre Cypriano digna est sententia: Infirmorum & omnium pauperum curam peto diligenter habeatis, sed & peregrinus, si qui indigentes fuerint, sumtus suggeratis de quantitate mea propria.]

Iob. 2.  
Luc. 16.  
Lib. 3. epist. 24.

RVRSVS *innocabo Dominum pro heris ac magistratibus, qui se pro virili ad Evangelici Centurionis componant exemplum, & in domesticis subditisq; gubernandis suo fungantur munere, ita ut recta primum in Deum fide & humilitate, tum sincera in proximū charitate sint conficiendi. Etenim sicut principum & magistratum officio nihil in hac vita iucundius ac speciosius apparet, ita nihil apud Deum est gravius & damabilius, si perfunctoriè res agatur, maioriq; cura propriæ dignitatis, quàm subditorum vel publicæ utilitatis ratio habeatur. Quare non temerè scriptum illud extat : Iudicium durissimum in his, qui præsumunt, fiet, & potētes potenter tormentantur.*

Sapient. 6.



## DOMINICA IV. POST EPIPHANIAM.

### *Sequentis Evangelij Argumentum.*

NOVVM describitur miraculum veri Messie proprium, in cuius potestate non modò terræ, sed maris etiam manet imperium, ideoq; sævis hic ventis imperat, ac gravissimam tempestatem vno verbo compescit, & præterea ex turbulento mari pacatum ac serenum sine negotio reddit. In hunc maris conditorem simul & moderatorem illud Psalmographi dictum propriè competit: Tu dominaris potestati maris, motum autem fluctuum eius tu mitigas. ] Eam divinam Christi potentiam (hominum enim facultatem omnem excedit) discipuli nauigantes experti, & publica confessione testati sunt, cum viderent non modò

Psal. 83.

morbos

morbos & dæmones, verum etiam ventos, ac mare, brum licet elementum, CHRISTI iussu obtemperare. Fœlices & illi, quibus ad portum salutis eternæ nauigantibus Christus nauclerus obtingit. Hos enim ille à præsentis naufragio, & contra surdi maris violentos fluctus, id est, aduersus graues quarumlibet tentationum aculeos, custodit immunes. Qui nauclerus interim à suis fidem, precationem ac obedientiam exigit, varijsq; modis illos, quam diu in hisce vitæ mortalis fluctibus nauigatur (Militia enim est vita hominis super terram) exercet. Etsi verò idem Dominus non raro dormire, vel nauim suam prorsus negligere videatur, tamen hoc pastore in gubernandis ouibus nihil vigilantius, hoc Rege in conseruando populo suo nihil fortius, hoc Pontifice in expiandis animorum sordibus nihil fidelius potest reperiri. De illo verissimè canimus: Clamauerunt ad Dominum cum tribularentur, & de necessitatibus eorum liberauit eos. Et statuit procellam eius in auram & siluerunt fluctus eius. Et latati sunt, qui siluerunt, & deduxit eos in portum voluntatis eorum.] Dormit interim secundum humanitatem, qui semper vt Deus vigilat, & qui nobis cum suis virga visitat dormire, cum verò adest periclitantibus, vigilare videri consuevit.

Iob. 7.

Psal. 106.

## EVANGELIVM EIVSDEM

Dominicæ Matth. viii.

**A** Scendente IESU in nauiculam, sequuti sunt eum discipuli eius. Et ecce motus magnus factus est in mari, ita vt nauicula operiretur fluctibus. Ipse verò dormiebat. Et accesserunt ad eum, & suscitau-

iunt cum, dicentes: Domine salva nos, perimus. Et dicit eis **JESVS**: Quid timidi estis modica fidei? Tunc exsurgens imperavit ventis & mari, & facta est tranquillitas magna. Porro homines mirati sunt dicentes: Qualis est hic? quia venti & mare obediunt ei.



NOTÆ MEDITATIONVM ET  
PRECATIONVM CIRCA IDEM  
EVANGELIUM.

*Ascendente Jesu in nauiculam.*

Genes. 7.

Luc. 5.

2. Thef. 2.

**C**OMMUNIS Patrum est sententia, quam ego firmiter amplectar, Ecclesiam Catholicā, extra quam salus nulla obtingit mortalibus, partim per arcam Noë, partim per dictam vel Petri nauiculam designari, nobisque considerandam esse. Ego verò meam de Ecclesia fidem tantò magis renouabo atque confirmabo, quantò plures hodie se se offerunt, qui discessionem ab Apostolo Paulo prædictam nefarie facere pergunt, seque ipsos ingratos matris Ecclesiæ desertores, ac improbos persequutores magis ac magis ostendunt. Certò igitur statui, Ecclesiam veram, cuius membrum me profiteor, semperque per DEI gratiam profitebor, esse vnam visibilem, sanctam, Catholicam & Apostolicam fidelium congregationem, simulque domum DEI viuī, sicut Paulus appellat, columnam item & firmamentum veritatis. Nec

dubitabo,

dubitabo, hanc Ecclesiam doceri & regi semper à Spiritu sancto, quemadmodum Christus veritas æterna promisit, eamque non solum à politicis, sed etiam & præcipue quidem ab Ecclesiasticis magistratibus, quàm diu stabit mundus legitimè gubernari: tùm in eadem verbum DEI rectè semper doceri, veraque sacramenta salutariter percipi, ac demùm hanc domum supra petram fundatam, nullis vel dæmonum, vel hominum fraudibus ac viribus euer-  
 ti ac expugnari posse. De hac Christi sponsa, & veritatis omnis magistra cùm Gregorio magno constanter dixerim; Sola est Ecclesia, per quam sacrificium Dominus libenter accipiat: sola quæ pro errantibus fiducialiter intercedat. Vnde etiam de agni hostia Dominus præcepit dicens: *In vna domo comedetur, nec efferetis de carnibus eius foras.* In vna namque domo agnus comeditur, quia in vna Catholica Ecclesia vera hostia Redemptoris immolatur: de cuius carnibus diuina lex efferri foras prohibet, quia dari sanctum canibus verat. Sola est in qua opus bonum fructuosè peragitur: vnde & mercedem denarij non nisi qui intra vineam laborauerant, acceperunt. Sola est, quæ intra se positos valida charitatis compage custodit. Vnde & aqua diluuij arcam quidem ad sublimiora sustulit, omnes autem quos extra arcam inuenit, extinxit. Sola est, in qua superna mysteria veraciter contemplemur: vnde & ad Moytèn Dominus dicit: *Est locus apud me, & stabis supra petram.* Et paulò post: *Tollam manum meam, & videbis posteriora mea.* Quia enim ex sola Catholica Ecclesia Deitas conspicitur, apud se esse locum Dominus perhibet, de quo videatur. ]

CÆTERVM ad hanc Ecclesiam amplectendam, conseruandam atque propugnandam nihil me commouebit magis, quàm quod constat, Christum huius veluti nauiculæ summum, fidissimum & præorientem esse nauclerum, cui meritò etiam gratias ingentes agam, quòd pro ardenti charitate sua illius curam paternam suscepit, & susce-

ptam

Ioan. 14.  
& 16.

Matth. 16.

Lib. 2. Mo-  
raliũ cap. 7.

Exod. 12.

Matth. 7.  
Matth. 20.

Genes. 7.

Exod. 33.

Matt. 28.

Isai. 54.

Isai. 59.

Isai. 60.

3. epist. Ioan

Psal. 120.

Luc. 5.

Matt. 16.

Luc. 22.

Isai. 41.

ptam nunquam velit deponere, sed illi promissioni semper  
 satisfacere: *Ecce ego, inquit, vobiscum sum omnibus diebus*  
*vsq. ad consummationem seculi.* Sicut & antea per Prophe-  
 tam Isaiam dixerat, suam sponfam consolans: *Misericordia*  
*mea non recedet à te, & fœdus pacis meæ non mouebitur.* Ipse  
 est quem Pater æternus per Prophetam affatur: *Hoc fœdus*  
*meum cum eis, Spiritus meus qui est in te, & verba mea qua po-*  
*sui in ore tuo, non recedent de ore tuo, & de ore seminis tui a-*  
*modo vsq. in sempiternum.* Quid verò de Ecclesiæ hostibus  
 ac defensoribus? *Gens, inquit, & regnum quod non seruiert*  
*tibi, peribit, & gentes solitudine vastabuntur.* Quò minùs  
 ego mirabor, complures gentes & insulas, nec pauca regna  
 & imperia hodie reperiri, quæ miserandum in modum pe-  
 rierint ac pereant, quæque in impiorum hostium veniant  
 potestatem, quandoquidem à Christi corpore & regno, id  
 est, ab vnitæte & obedientia Ecclesiæ Catholicæ sese præsci-  
 derunt, suaq. à fide defectione meruerunt, vt ob suam in-  
 gratitudinem ac perfidiam de ore Domini euomantur. Et si  
 verò inter gubernatores ac remiges nonnunquam ludas,  
 Diotrepes, alijque falsi fratres in hac naui reperiuntur, im-  
 mò etiam ad clauem sedent, tamen primarius gubernator  
 est, manetque Christus, de quo in re summo cum Dauide  
 canimus: *Ecce non dormitabit neq. dormiet qui custodit Israël.*  
 Is est, qui in vna Petri nauicula sedet ac docet, simulque su-  
 am in illa præpotentem virtutem ac fidam protectionem  
 continenter ostendit, nec sinit vnquam, vt eadem Petri  
 naus vel maris fluctibus vel hostium iniuria opprimatur,  
 sed iuxta suum promissum efficit, vt portæ inferi aduersus  
 illam non præualeant, fide nimirum Petri nunquam defi-  
 ciente. Atque huc spectat quod apud Isaiam suauissimè  
 promisit Deus Ecclesiæ sub nomine Israël ita loquens:  
*Seruus meus es tu, elegi te, & non abieci te. Ne timeas, quia ego*  
*tecum sum, ne declines, quia ego Deus tuus. Confortauit te, &*  
*auxiliatus sum tibi, & suscepit te dextera iustî mei. Ecce con-*  
*fundentur & erubescunt omnes qui pugnant aduersum te, erunt*

quasi



*quasi non sint, & peribunt viri qui contradicunt tibi. Et tequitur postea: Quia ego Dominus Deus tuus, apprehendens manum tuam, dicensq; tibi, Ne timeas, ego adiuui te. Quam pulchrè autem ista congruunt cum illis, quæ Christus dixit ac fecit discipulis in naui periclitantibus valdeq; turbatis? Confidite, inquit, ego sum, nolite timere. Tum ipsdem discipulis moerentibus post cœnam dixit dulciter: Paracletus Spiritus sanctus vos docebit omnia. Pacem relinquo vobis, pacem meam do vobis. Vado & venio ad vos.*

Marc. 6.

Ioan. 14.

### *Domine salua nos, perimus.*

NON mihi sat erit in vera Ecclesiæ naui persistere, extra quam velut arcam Noë, nauigantes omnes certissimum naufragium faciunt sed meam quoque stationem in mystica naui acceptam pro virili tuebor, & quoad eius fieri potest, aliquam eiusdem nauis partem expurgare vel releuare conabor. Nostra enim & publica peccata, que impunè prorsus abire sinimus, summū Deum sic offendunt, vt ex benigno Patre iratum iudicem, & seuerum ultorem esse cogant, ideoq; ille filijs inobedientibus hoc modò interminatur: *Nisi panitentiam egeritis, omnes similiter peribitis.* Ac iterum: *Va genti peccatrici, populo grani iniquitate, semini inquam, filijs sceleratis,* Cæterum vt sciamus, peccatorum qui sunt & manent in Ecclesia, longè potiorrem ac tolerabiliorem quàm aliorum infidelium esse conditionem, significanter de filijs Ecclesiæ Propheta dixit. *Ipsè autem est misericors, & propitius fiet peccatis eorum: & non disperdet eos.* Vnde cùm Sion diceret: *Dereliquit me Dominus, & Dominus oblitus est mei,* ita Sion, id est, Ecclesiam Dominus per Isaiam consolatur: *Nunquid obliuisci potest mulier infantem suum, vt non misereatur filij uteri sui? & si illa oblita fuerit, ego tamen non obliuiscar tui.*

Luc. 13.

Isai. 1.

Psal. 77.

Isai. 69.

IA M verò inter alia firmum in rebus calamitosæ per-  
fugium semper fuit & est pia & ardens communisq; precatio  
fideilium, vt qua Deum ipsum quamuis iratum, sibi pla-

catum fa-

- catum, fauentem, amicum ac beneficum efficere possunt.
2. Paral. 20. Hoc probè nouerat pius rex Iosaphat, qui à barbaris hostibus circumuallatus, vnà cum toto populo ad orationem sese conuertit, atque inter orandum ita dixit : *Cùm ignoremus quid agere debeamus, hoc solum habemus residui, ut oculos nostros dirigamus ad te.* Et per Prophetam respondit illis Deus : *Nolite timere, nec paueatis hanc multitudinem : non est enim uestra pugna sed Dei.* Nouerant id ipsum Betulienfes, quùm ab impijs Assyrijs obsiderentur, quorum sacerdos magnus Eliachim præclare dixit : *Scitote quoniam exaudies Dominus preces uestras, si manentes permanseritis in ieiuniis & orationibus in conspectu Domini.* Nouerant demum hoc ethnici, quibuscum in summa tempestate maris Ionas nauigauit, quoniam non solum suum quisque Deum sedulò inuocauit, sed etiam Ionæ dormienti velut insultando dixerunt : *Quid tu sopore deprimeris ? surge, inuoca Deū tuum, si fortè recogitet Deus de nobis, & nō pereamus.* Proinde quantum nunc asperioribus flagellis ferimur, quantoque grauioribus aduersus nauim Ecclesiasticam procellæ vndique concitantur : tantò sanè diligentius ac fortius in hac summa tempestate Apostoli nobis veniunt imitandi, vt Christum veluti dormientem nauclerum inuocemus, & necessarias ab illo suppetias expetamus. Orandi verò modum Paulus illis verbis indicat : *Adeamus cum fiducia ad thronum gratiæ eius : vt misericordiam consequamur, & gratiam inueniamus in auxilio opportuno.* Igitur in hoc precandi munere nunc maximè versabor, quando si vnquàm antea, Iesus Ecclesiæ suæ princeps ac vindex dormit, suamque Ecclesiam grauissimis fluctibus & procellis agitatum, ac tantum non demersam, quasi deserit iudicio plurimorum. Precabor autem, vt Catholicis idem quod iam olim Israëlitis dicere liceat : *Excitatus est tanquam dormiens Dominus, tanquam potens crapulatus à vino, & percussit inimicos suos.* Etenim qui Petrum in mare mergi incipientem, simulque orantem sua dextra sustentauit, potestis quoque tempestates

horrendas, quæ toti naui Ecclesiæ minantur exitium, è vestigio sedare, & exoptatam Ecclesiæ pacem inopinatamque tranquillitatem reddere. Tantum illud mihi potissimum erit curæ, vt inter precandum partim miseriam meam, partim incredibilem Christi virtutem & immensam bonitatem, quæ pœnitentibus ac orantibus promissa est, cum fide viuâ perpendam. Habeo enim mandatum Domini serium & crebrò mihi recolendum: *Vigilate omni tempore orantes, vt digni habeamini fugere ista quæ futura sunt, & stare ante finem hominis.* Tum alibi cunctis fidelibus præcipit: *Petite & dabitur vobis, quærite & inuenietis, pulsate & aperietur vobis. omnis enim qui petit accipit, & qui quærit, inuenit, & pulsanti aperietur.* Sicut autem Apostolorum precatio hic efficax fuit, vt cessaret sæua tempestas, ipsiq; prosperè nauigarent: sic Ecclesia primitiua comprecante factum est, vt Petrus Apostolus Herodiano carcere mirabiliter liberatus, nō modò latè ad suos rediret, sed etiam in Oriente & Occidente plurimùm prodesset Christianiūq.

Matt. 4.  
& 7.

Luc. 21.

Luc. 11.

Act. 12.

### *Venti & mare obediunt illi.*

OBSERVA BO in primis admirabile consilium & singularem amorem Dei, qui suos fideles tempestate ac tribulatione primùm exercet, deinde verò mirificè consolatur, & solido gaudio perfundit, vt hinc summa eius potentia & par beneuolentia explorata rectiùs prædicetur. Hoc est quod Sara Raguelis filia in suis precibus ad Deum effusis comprobauit: *Pro certo, inquit, habet omnis qui te colit, quòd vita eius, si in probatione fuerit, coronabitur: si autem in tribulatione fuerit, liberabitur: & si in corruptione fuerit ad misericordiam tuam venire licebit. Non enim delectaris in perditionibus nostris: quia post tempestatem tranquillum facis, & post lacrimationem & fletum exultationem infundis.* Quam iocundam commutationem sensit Dauid, qui ab impio rege Saul multis modis diuexatus, ita cecinit: *Misit de*

Tob. 3.

3. Reg. 19.

20. 22.

Psal. 17.

*summo,*

Iob. 11.

1. Reg. 2.

Psal. 65.

Sapient. 6.

*summo, & accepit me, & assumpsit me de aquis multis: eripuit me de inimicis meis fortissimis. Sensit & Tobias cecitate percussus, & à suis illusus: vnde laudans Deum aiebat: Benedicote Domine Deus Israël, quia tu castigasti me, & tu saluasti me. Sensit rursus Anna sterilis matrona, quam & ancilla procax afflixit, sed quæ mater effecta canrauit cum gaudio: Dominus mortificat & viuificat, deducit ad inferos & reducit. Sensere demùm tot Martyrum milia, quorum vna in cœlesti regno semper durat confessio, Transiimus per ignem & aquam: & eduxisti nos in refrigerium. Præterea meam in Christum fiduciam & precandi contentionem augebit, quòd videam hoc loco in Christi manu esse omnia, cuius potentix dæmones & homines, venti & maria nequeant resistere, sed seruire cogantur, nimirum vt rebus piorum afflictis ac desperatis præter omnem naturæ cursum & ordinem succurratur. Quarè tentationum turbinem siue præsentem, siue ingruentem & horridam quorumlibet malorum tempestatem non verebor, sciens ad profectum electorum à Christo geri omnia, maximè cum fidei & orationi ardenri inuigilatur. Adeò verè dictum est illud: Tuus Domine sermo sanat omnia. Tu es qui vita & mortis habes potestatem, & deducis ad portas mortis & reducis. Creatura tibi factori deseruiens, exardescit in tormentum aduersus iniustos: & lenior sit ad benefaciendum pro his qui in te confidunt.*

Hic ego valdè mirabor insignem Christi prouidentiam in naui Ecclesiæ gubernanda, quam ille contra immanes hostes tot seculis præclare tuetur, atque ita prospexit, vt hostiles etiam conatus & inipetus ad Ecclesiæ suæ commodum vertat. Permisit quidem Iudæos contra nascentem Euangelij lucem, primamque Ecclesiam insurgere, sed quæ hinc tantò clarior per orbem vniuersum facta est. Permisit ethnicos & barbaros magistratus in Christianum sæuire sanguinem, qui passim effusus, semen ac seminarium fuit Ecclesiæ, vbiuis ferè gentium deinde mira-

biliter efflorescentis. Permisit à perfidis hæreticis unitatem & pacem fidelium lacerari: sed per horum canum latratus & morsus piorum doctrina certior, purior ac spectabilior facta est, magisque nituit veritas & confessio orthodoxa. Est ita quidem, nostri temporis hæreticos magnum dedisse damnum Ecclesiæ, nec solum perturbasse, sed etiam ex infirmis Catholicis perdidisse plurimos, dum uti lupi rapaces in Dominicum ouile grassantur. Rursus verò, si verum fatebimur, ex illis ipsis hæreticis multa commoda magnique fructus in Ecclesia quotidie colliguntur, nosque mirandæ Christi sapientiæ gratias agentes, cum Zacharia meritò dicimus: *Salutem ex inimicis nostris.* Etenim præsens hæreticorum vigilantia & furor, dum bono tritico sua zizania inspergere, & inspersa promouere moliantur, pastores velut dormientes, ut è somno surgant exuscitat, Episcopos ad suos greges rectius custodiendos impellit, Magistratus ad hostes Ecclesiæ comprimendos adigit, doctores ac Theologos sacra studia diligentius tractare cogit, ac omnes demùm veræ salutis amantes huc propellit, ut addiscendæ obseruandæq; doctrinæ orthodoxæ maiorem curam ac operam tribuant. Adcò verum est Apostoli dictum: *Oportet hæreses esse, ut qui probati sunt, manifesti fiant in Vobis.* Et quod ab eodem affirmatur: *Scimus quoniam diligentibus Deum omnia cooperantur in bonum.* Rectè igitur ab Hilario dictum illud accepimus: Hoc Ecclesiæ proprium est, ut tùm vincat cùm læditur: tùm intelligatur cum arguitur: tùm obtineat cùm deseritur.]

Quæ cum ita sint, pro mea virili adlaborabo, ut fortem & infractum seruem animum, quantumuis nos premant ingētes clades, & publicæ calamitates Ecclesiæ. Mea enim cum Habacuc Propheta communis erit fides & precatio, ut dicam ad Dominum: *Cùm iratus fueris, misericordie recordaberis.* Et vocem Ecclesiæ propriam illam esse ducam: *Si consistant aduersum me castra, non timebit cor meum. Si exsurgat aduersus me prelium, in hoc ego sperabo. Dominus*

Luc. 1<sup>r</sup>

1. Cor. 11.

Rom. 8.

Lib. 7. de Trinit.

Habac. 3.

Psal. 26.

&amp; 117.



Ecclesi. 14.

a 2. Cor. II

b Phil. 3.

c Rom. 9.

d 2. Cor. II.

e 2. Cor. 12.

Psal. 22.

Dan. 14.

Ion. 1.

Ioan. 2.

Luc. 10.

Iob 13. &amp; 17.

*mihî adiutor: non timabo quid faciat mihî homo. Dominus mihî adiutor, & ego despiciam inimicos meos. Præterea velut ego in communi consistam naufragio, cum ordines ferè omnes Ecclesiæ pessimo esse loco videatur, mihî primùm, qui enim sibi nequam est, cui alij bonus erit? ) ac deinde alijs in hoc mari periclitantibus suppetias ferre conabor. Notum enim est exemplum doctoris gentium, a quem omnium Ecclesiarum sollicitudo premebat, b & qui crucis Christi inimicos lacrimis prosequabatur, proque suis fratribus c optabat esse anathema. Quis infirmatur d ait, & ego non infirmor? quis scandalizatur, & ego non uror? e Ego libentissimè impendam & superimpendar ipse pro animabus vestris. Potissimùm verò meam in Christo fiduciam & precandi curam augebit, quod hoc loco cernam in Christi manu esse omnia, cuius potentix dæmones & homines, venti & maria nequeant resistere, sed quoties illi visum fuerit, ad nutum servire debeant, nimirum ut rebus siue priuatis, siue publicis piorum quamlibet afflictis ac desperatis præter omnem naturæ cursum & ordinem subito succuratur. Quare tentationum turbinem & periculorum malorumque magnitudinem, quantumvis exitialem, non verebor, cum sciam ad profectum electorum à Christo geri omnia, & bonorum quidem salutem in malorum perpeffione magis quam in prosperitate versari. Meminero sæpè magnanimi Regis, qui seipsum in cruce consolans aiebat: *Esse ambulauero in medio umbra mortis, non timebo mala, quoniam tu mecum es. Virga tua & baculus tuus ipsa me consolata sunt. Parasti in conspectu meo mensam aduersus eos qui tribulant me.* Esto verò ut cum Daniele in lacu leonum, & cum Iona in profundo maris lateam, neq; minus quàm Iob vlcerosus, & Lazarus mendicus deferat ab amicis & mortalibus omnibus. Atqui tantò viciniorem mihî Deum esse confidam, quantò minus humanæ consolationis & opis affulget: satis mihî fuerit cum viro sano dicere: *Etiam si occideris me, in ipso sperabo, ipse erit sal-**



*uator meus. Pone me iuxta te, & cuiusvis manus pugnet contra me. An non Paulus me docuit arbitrari omnia propter Christum ut stercora, & in tribulationibus gloriari? Cum illo dicere habeo: Mihi vivere Christus est, & mori lucrum. Sicut abundant passionibus Christi in nobis, ita & per Christum abundat consolatio nostra. Mihi absit gloriari nisi in cruce Domini nostri Iesu Christi, per quē mihi mundus crucifixus est, & ego mundo.*

Phil. 3.  
2. Cor. 12.  
Rom. 5.  
Phil. 1.  
2. Cor. 1.  
Galat. 6.

## DE PRECIBVS CVM HOC EVANGELIO CONIVNGENDIS.

**P**RECANDVS est mihi Deus pro navi Ecclesie valdè concussa, & ubiuis gentium si antehac unquam, nunc maximè quidem laborante, tot ventis ac tempestatibus in illam undique irruentibus. Quam ut iratus Deus respiciat ac benignè tranqillet, peculiariter orabo pro Episcopis & praposis Ecclesiasticis, nec non pro principibus & magistratibus politicis, tanquā prapris nāvis Ecclesiastica gubernatoribus, ut suum illi munus ad erigendam atque propugnandam Christianam Reipublicam prastare velint ac possint. Nam & Apostolico praecepto iubemur, pro regibus & omnibus qui in sublimitate sunt, obsecrationes, orationes & postulationes facere, ut quietam & tranquillam vitam in omni pietate & castitate agant Orthodoxi.

1. Tim. 2.

**R**URSUS Dominum innocabo pro Ecclesia Catholica persequutoribus, siue aperto Marte, siue occultè pacem Christianā & Ecclesia tranquillitatem oppugnent atque labefactent, siue scientes idem, siue imprudentes Christū in Catholicis insectentur. Per magni enim refert, ut eiusmodi cæcus oculus aperiat Deus sicuti Saula persequutori aperuit, Stephani Martyris precibus exoratus.

Act. 9.

**S**ED & pro multis nimium hodie curiosis crebrò precabor, qui ad sua vitia coniucentes, Pastorum ac Magistratum sene-

Exod. 22.  
Iob. 34  
Isai. 3.  
1. Pet. 2.  
Tit. 3.  
Ephes. 6  
Lib. 4. cpi-  
cola 4.

ros agunt censores, ac libenter illis obsecrant, pro quorum salute Deum imprimis orare debebant. Non enim cogitant miseri, qualem quantamq. observantiam subditi maioribus, tū in dictis, tū in factis debeant; (Dys enim non detrahes) & Deum ipsum esse, qui propter peccata populi regnare faciat hypocritas, quiq. subditis non bonis principes donec effeminatos, qui pretereā iubeat, subditos non bonis tantum & modestis, sed etiam dyscolis Dominis in omni timore morigeros ac subiectos esse. Ad iungam locum insignem Cypriani, quomodo is ad orandum suos excitāris tempore valde turbulento. Admoneo, inquit, religiosam sollicitudinem vestram, ut ad placandum, atq. exorandum Dominum non voce sola, sed & ieiunijs & lacrimis, & omni genere deprecationis ingemiscamus. Intelligendum est enim & confitendum, pressura istius tam turbidæ multitudinis, quæ regem nostrum maxima ex parte populata est, & adhuc usq. populatur, secundum peccata nostra venisse, dum viam Domini non tenemus, nec data nobis ad salutem celestia mandata servamus.]



## DOMINICA V. POST EPIPHANIAM.

### *Sequentis Evangelij Argumentum.*

**P**ARABOLA est de duobus seminatoribus, bono & improbo, ex quibus ille agro suo semē bonum tritici inserit, hic velut inimicus lolium siue zizania etiam & nocte superseminat, nimirum ad triticū in eodem agro vitiandum. Cum verò servi huius heri animaduertent zizania cre-


scere, & nocere tritico, querelam ad ipsum Dominum deferunt, & operam suam ad zizania quæ nata fuerant, eradicanda pollicentur. Prohibet autem herus hanc eradicationem, iubetque tempus messis expectari, in quo triticum à zizanijs planè separetur, nè alioquin si statim zizania tritico mixta tollantur, ipsum quoque triticum periclitetur. Vbi quaestio incidit, & sæpè tractari solet, si Christus iubet zizania tollerari, sint nè puniendi & extinguendi hæretici? ut passim à Catholicis iam pridem fieri solet. Theologus quidam & breuiter & eruditè hoc modò responderet: Angeli vetantur hîc omnes malos perdere: non vetatur autem iudex hæreticum interficere, (neque enim sine causa is gladium portat,) & eatenus vetatur, si periculum sit, ne boni quoque hac occasione tollantur. Qua de re plura dicemus postea. Vult sanè Christus in hac docere parabola, quod omne bonum à Deo, malum autem ab inimico Satana proficiscatur: tùm non decere Christianos, ut ad malorum punitionem leuiter ac precipitanter irruant, malos autem bonis in hac vita commixtos tantisper viuere, quoad in extremo iudicio bonorum malorumque perfectà fiat separatio. Cæterùm quoniam discipuli accedentes postea rogauerunt: Edisere nobis parabolam zizaniorum agri,] notatu digna sunt verba Christi, quibus ipse parabolam eandem illis ac nobis explicuit: Qui seminat, inquit, bonum semen, est Filius hominis, ager autem est mundus, bonum verò semen hi sunt filij regni, zizania autem filij sunt nequam. Inimicus autem qui seminauit ea, est diabolus, messis verò consummatio seculi est. Messores autem Angeli sunt. Sicut ergò colliguntur zizania & igni comburuntur, sic erit in cõsummatione seculi. Mittet Filius hominis Angelos suos, & colligent de regno eius omnia scandala & eos qui faciunt iniquitatè: & mittent eos in caminum ignis. Ibi erit fletus & stridor dentium. Tunc iusti fulgebunt sicut sol in regno Patris eorum.



Rom. 13.

Matt. 13.

Ibidem.



## EIVSDEM DOMINICAE

•Euangelium Matth. XIII.

**S**IMILE factum est regnum cælorum homini, qui seminauit bonum semen in agro suo. Cum autem dormirent homines, venit inimicus eius, & superseminauit zizania in medio tritici & abiit. Quum autem creuisset herba, & fructum fecisset, tunc apparuerunt & zizania. Accedentes autem serui patrisfamiliæ, dixerunt ei, Domine, nonne bonum semen seminaſti in agro tuo? Vnde ergo habet zizania? Et ait illis, Inimicus homo hoc fecit. Serui autem dixerunt ei, Vis imus & colligimus ea? Et ait, Non: nè fortè colligentes zizania, eradicetis simul cum eis & triticum. Sinite utraque crescere vsque ad messem, & in tempore messis dicam messoribus: Colligite primum zizania, & alligate ea in

fasci-

*fasciculos ad comburendum, triticum autem congregare in horreum meum.*

NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Simile factum est regnum cælorum homini, qui seminavit bonum semen in agro suo.*

**G**RATIAS inprimis agam optimo redemptori, qui tam sapienter ac frequenter parabolis Euangelicis utitur: ut Marcus euidenter asserat: *Multis parabolis loquebatur eis verbum, prout poterant audire: sine parabola autem non loquebatur eis, seorsum autem discipulis suis differebat omnia.* Quod parabolicum docendi genus tali doctori utique congruebat, qui se totum rudibus & imperitis auditoribus accommodare gaudebat, cœlestiaque nouæ legis mysteria vulgaribus hominum animis, quoad eius fieri poterat, patefacere & insculpere desiderabat. Vnde quoniam non cum diuitibus & doctis, sed præcipuè cum pauperibus, piscatoribus, ac idiotis illi sermo erat quotidianus, peculiariter exultauit in Spiritu sancto, Deoque Patri gratias egit, quandoquidem ea quæ docendo traderet, non sapientibus & prudentibus, sed paruulis reuelarentur. *Pauperes, inquit, euangelizantur. Spiritus Domini unxit me euangelizare pauperibus.* Hinc mihi colligendum est, qualis & ego Euangelij auditor esse debeam,

Marc. 4.  
Matt. 13.

Matt. 11.

Ibidem.  
Luc. 4.  
Isai. 61.

- Prou. 3. & 2. pauper nempè spiritu verèque simplex, quia *cum simplicibus sermocinatio eius, & protegit simpliciter gradientes*. Notabo insuper hoc exemplum lenitatis & charitatis in Christo plenissimum, vt discam non solum in docendo, sed etiam in conuersando beneuolentiam & humanitatem illis declarare, qui rudes ingenio, parumq; dociles, & mundo crassi abiectiq; videntur. Germanus verè imitator Christi fuit Paulus, sæpè multumq; seruiens paruulis, lacte, non solido cibo indigentibus, nec satis instructis in clementis exordij sermonum DEI. Quocirca Corinthijs quos ipse carnales vocat, charitatè suam hoc modo commendat: *Cum liber essem ex omnibus, omnium me seruum feci, vt plures lucrificerem*: Ac postea: *Factus sum infirmis infirmus, vt infirmos lucrificerem: omnibus omnia factus sum, vt omnes facerem saluos*. Curigitur molestè feram, si res ita postulet, me cum pueris repuerascere, & minorum ac agrestium consulere imbecillitati, quando nec dubitauit summus doctor Christus crassum docere vulgus, & rusticas proferre similitudines, reque ipsa illud complere, quod per Prophetam promiserat, dicens: *Aperiam in parabolis os meum, eruclabo abscondita à constitutione mundi?*
- Heb. 5. Christum fuit Paulus, sæpè multumq; seruiens paruulis, lacte, non solido cibo indigentibus, nec satis instructis in clementis exordij sermonum DEI. Quocirca Corinthijs quos ipse carnales vocat, charitatè suam hoc modo commendat: *Cum liber essem ex omnibus, omnium me seruum feci, vt plures lucrificerem*: Ac postea: *Factus sum infirmis infirmus, vt infirmos lucrificerem: omnibus omnia factus sum, vt omnes facerem saluos*. Curigitur molestè feram, si res ita postulet, me cum pueris repuerascere, & minorum ac agrestium consulere imbecillitati, quando nec dubitauit summus doctor Christus crassum docere vulgus, & rusticas proferre similitudines, reque ipsa illud complere, quod per Prophetam promiserat, dicens: *Aperiam in parabolis os meum, eruclabo abscondita à constitutione mundi?*
1. Cor. 3. & 9. Curigitur molestè feram, si res ita postulet, me cum pueris repuerascere, & minorum ac agrestium consulere imbecillitati, quando nec dubitauit summus doctor Christus crassum docere vulgus, & rusticas proferre similitudines, reque ipsa illud complere, quod per Prophetam promiserat, dicens: *Aperiam in parabolis os meum, eruclabo abscondita à constitutione mundi?*
- Psal. 77. Curigitur molestè feram, si res ita postulet, me cum pueris repuerascere, & minorum ac agrestium consulere imbecillitati, quando nec dubitauit summus doctor Christus crassum docere vulgus, & rusticas proferre similitudines, reque ipsa illud complere, quod per Prophetam promiserat, dicens: *Aperiam in parabolis os meum, eruclabo abscondita à constitutione mundi?*

PRÆCIPVE autem admonēbit me proposita parabola, duos & incomparabiles esse Dominos, Christum & Satanam, nulli non sæpè considerandos. Prior est sanè optimus & fons bonorum omnium: alter verò pessimus, omniumq; malorum origo. Ille in suo agro amat triticum, quod cum seminatum creuerit ac maturuerit, colligit & recondit illud in horreo suo. Hic de suis tantum zizanijs ad nocendum cogitat, quæ uti impostor versipellis, clam & nocte inserit tritico, & inserta occultè prouehit ad messem Dominicam corruptēdam, & deinum ad ignem suæ domus iufernalis augendum conuertit. De illo verè bono seminatore eiusq; salutari semine scriptum est: *Ecce exijt qui seminas seminare semen suum*. Et illud: *Neq; qui plantat est aliquid, neq; qui rigat, sed qui incrementum dat Deus*.

Marc. 13.  
Luc. 8.  
1. Cor. 3.



Qua de re plura dicemus, cum ad Sexagesimæ Dominicam venietur. Cæterum de maligno seminatore, qui capitalis & irreconciliabilis Dei bonorumq; omnium est ac manet inimicus, loquitur Apostolus, quòd sit serpens Euam seducens astutia sua, quodq; se transfiguret in Angelum lucis ac ministros habeat Pseudo apostolos operarios subdolos, qui & ipsi se in Apostolos Christi nòrint transfigurare, per quos & corrumpantur sensus fidelium, & excidant à vera fidei simplicitate. Ego verò hunc ipsum vt versutissimum, ita pestilentissimum aduersariū, tot satellitibus & copijs instructum, cum ob alia multa, tum idcirco extimescam ac detestabor, quòd nò solum infidelibus liberè ac potenter dominetur, sed etiam in agro Dei, id est, Ecclesia, vim tantam obtineat, vt plus illic infœlicis lolij, quàm salutaris tritici, quod solus seminat Christus, passim crescere videamus. Idem inimicus nocte ac die indefessè procurat, vt quæ iam pridem probè pieq; instituta & ordinata sunt, magis ac magis abrogentur, suumq; robur amittant ac obsolescant. Tum aduersus Dei voluntatem, legem & Ecclesiam miris artibus vsq; pugnat, suosq; nouos ministros subornat & armat, qui noua dogmata, nouos ritus, nouas sectas ingerant, atq; stabiliāt, cum optimè nòrit, nouitatem ipsam leuitatis esse filiam, matrem temeritatis siue nutrice, sed & sororem omnis superstitionis ac impietatis. Gaudet in super dissensionem & contentionem omnem, sed hæresim potissimum, excitare atq; propagare, vt idcirco Cyprianus de illo testetur: Hæreses inuenit & schismata, quibus subuerteret fidem, veritatem corrumperet, scinderet vnitatem. Rapt de ipsa Ecclesia homines, & dum sibi appropinquare iam lumini, atq; euasisse seculi noctem videntur, alias nescientibus tenebras rursus infundit, vt cum Euangelio Christi, & cum obseruatione eius & lege non stantes, Christianos se vocent, & ambulantes in tenebris habere se lumæ existiment, blandiente aduersario atq; fallente, qui secundum Apostoli vocem transfigurat se ve-

2. Cor. 11.  
Gen. 3.

Lib. de simplicitate  
prælatorū.

1. Cor. 11.

lut in Angelum lucis, & ministros subornat suos, velut ministros iustitiæ, asserentes noctem pro die, interitum pro salute, desperationem sub obtentu spei, perfidiam sub prætextu fidei, antichristum sub vocabulo Christi, vt dum verisimilia mentiuntur, veritatem subtilitate frustrentur.]

*Cum autem dormirent homines, venit inimicus, & superseminauit zizania in medio tritici.*

Ex animo sanè dolebo, bonum fidumq; Patrem familias optato fructu suo fraudari, & hostili Satanæ opera impediri, quo minùs illi maturescat seminatùm triticum, atque in suum paratum horreum inuehatur. \* Quid enim ille minus meretur, quàm vt optimi seminis desiderio fructu careat, & pessimi hostis fraude circumueniatur, amplæq; messis lætitia destituatur? Vnde quod apud Isaiam legimus hic herus merito vendicet sibi: *Quid est quod debui ultra facere vineæ meæ, & non feci ei? An quod expectaui vt faceret vinas, & fecit labruscas?* Rursus iustum mihi dolorem exprimet, quò videam non hic tantùm à Satana, verum etiam à mortalibus plerisq; peccari, causamq; non leuem præberi; vt retri abusus, ac pestilentes errores in Dei domum violenter irrumpant, & Satanæ quidem regnum augeant vehementer. Dormiunt enim homines omnibus ætatibus Ecclesiæ, & plurimi semper in vtramq; autē dormiunt suaq; dormitantia non modò Christi causam negligunt, ac seipsos perdunt, sed etiam funesta summi hostis Satanæ studia nutriunt & confirmant, vt zizania mirum in modum crescant, & triticum Christi aut suffocent, aut impediunt, quò minus ad maturitatem peruenire, & honestum locum in cœlesti horreo assequi possit. Dormiunt in primis Ecclesiastici pastores ac doctores, & cum summo Ecclesiæ detrimento stertunt quia huius mundi curis malisq; cupiditatibus distracti, pro pastoribus mercenarij, pro

Isai. 5.

Ioan. 10.

Isai 28.

& 56.

doctori-

doctoribus canes muti, & pro vigilantibus custodibus in Sion cœci speculatores esse non rarò videntur. Dormiunt politici Magistratus & principes, quos nulla vel exigua cura tenet abigendi vulpes versipelles, quæ vineam Domini demoluntur, quosq; piget Christi sacrum ouile lupis rapacibus liberare, verosque ministros Ecclesiæ conseruare atq; defendere. Dormiunt ciues in Republica Christiana, cuiuscunq; demùm sint ordinis aut conditionis, quos exilis tenet zelus, ingensq; torpor ac tepor occupat ad domum Dei in his tantis motibus vindicandam, & quibus non lubet amplius sacræ orationis & salutariû sacramentorum armia necessaria sumere, vt iratum prorsus Deum sibi ac suis reconcilient, eumq; in grauissimis Ecclesiæ angustiis atque periculis fauentem sentiant.

Cantic. 1.

Ioan. 10.

Quæ maior quæso ac fœdior dormitantia videri potest, præterquam innumerabilium Catholicorum (de alijs enim dicere nō attinet) qui à veteri & Catholica pietate ac disciplina indies longiùs degenerant, nihilq; sibi cauent ab apertis Satanæ insidijs & imposturis, per quas ille falsam prorsus fiduciam & noxiam securitatem nunc peccantibus inserit atq; confirmat, perinde ac si de iustitia Dei & pœnis peccatorum vanè scriptura concionetur, solaque fides ad salutem illis sufficiat, qui etiam scientes ac volentes diuinas & humanas leges clàm palàmq; transgrediuntur? Ita demùm fieri necesse est, vt si antehac vnquàm, nunc maximè pro electo tritico pestifera zizania vi magna prorumpant, vtque Christi regnum in has præsentis angustias redactum (grassatur enim cum suis zizanijs vbiq; gentium Satan) indies debilitetur atque contrahatur. O tempora, ó mores, quòd velut insani ac ebrij in hac grauissima tempestate, quæ nostram nauim tantùm non obruit, cum Iona dormimus, immò & sine fronte ac timore peccare pergimus, neq; solùm horrenda criminum & scandalorum inundantium colluie, totq; flagellorum immani acerbitate nō cōmouemur, verùm etiam velut de zizanijs

Ion. 1.

accerseri

accerfendis & augendis folliciti, Satanæ magis quàm Deo inferuimus. Meritò igitur, qui malis nostris delectatur princeps tenebrarum & zizaniorum rideat, cum cernit nos videntes ac volentes perire, & nullo ferè prohibente sua crescere zizania, illudq; triticum quod superest, nostra inertia in Christi agro magis magisque supprimi atq; conculcari.

Pfal. 118.

1. Pet. 5.  
Iob 1. & 2.  
Matt. 26.

3. Reg. 19.

Ephes. 4.  
Dan. 9.

HABEO interim, cur meam sortem & ipse deplorem, ac veteris torporis longaq; dormitantia in via Dei pertusus, tristis cum Psalmodographo dicam: *Dormitauit anima mea, confirma me in verbis tuis. Viam iniquitatis amoue à me, & de lege tua miserere mei.* Vigilat sanè qui nunquàm dormit inimicus ille Satan, & tanquàm leo rugiens ad me deuorandū circuit, ac die nocteq; Christi ouibus insidiatur. Illius enim propria vox est: *Circuiui terram, & perambulaui eam.* Ego interim dormiens præceptum Domini mei non obseruo: *Vigilate & orate, ut non intretis in tentationem.* Pergit autem ille mille artifex sua superseminare zizania, vt salutare triticū in me iam antè seminatum, & coeptum Dei opus impediat, maturumq; agri mei fructum obruat. Quò magis mihi aduigilandū est, ne præualeat inimicus, & pro malo Angelus bonus audiendus, sicut Elias illum audiuit, quando non solum de somno exsuscitatus, sed etiam efficaci cibo confortatus fuit, vt suum iter & longum quidem, vsq; ad montem Dei Oreb perficeret. Non enim frustra moneimur: *Nolite locum dare diabolo. Nolite contristare Spiritum sanctū.* Habeo præterea cur mihi Daniele mimitandum proponam, qui vt communem præsentis Ecclesiæ calamitatē vel auerteret vel mitigaret, multum in oratio vigilauit, nec sua tantum, sed & populi peccata coràm Deo summo submisit voluit confiteri. Cum illo ipso mæstus & ego inelamabo: *Tibi Domine iustitia, nobis autē confusio faciei, sicut & regibus, & principibus & patribus nostris qui peccauerunt.* Habeo demū, cur hunc exulceratum Ecclesiæ statū cogitans, cum Apostolo Paulo desceā rot tantosq; Christi inimicos, & simul bonos

omnes

omnes cohortans illis verbis Apostolicis utar: *Omnes vos, inquit, filij lucis estis, & filij diei: non sumus noctis, neq. tenebrarum. Igitur non dormiamus sicut & ceteri: sed vigilemus & sobrij simus. Qui enim dormiunt, nocte dormiunt: & qui ebry sunt, nocte ebry sunt. Nos autem qui sobrij sumus, induiti (simus) lorica fidei & charitatis, & galeam spem salutis. Vbi prudenter Paulus nos instruit, vt contra principem & regnum tenebrarum tribus armis, quibus nihil præstantius est Christiano, fide, spe & charitate nos maximè communiamus: ita verò in conseruando tritico, & excutiendis zizanijs procul dubio fortiores erimus atque sceliciores.*

Phil. 3.  
1. Thess. 5.

*Sinite utraq. crescere vsq. ad messem.*

IACOBVS & IOANNES Apostoli, vt Lucas recenset, aliquando in Samaritanos inciderunt, & eorum barbarie offensi, quòd Christum hospitem transeuntem nollent admittere, haud sine stomacho dixerunt: *Domine vis dicimus ut ignis descendat de cælo, & consumat illos?* Hanc præcipientem discipulorum effervescentiam & inmodicam vindictæ cupiditatem Christus non probauit, sed illa oratione redarguit: *Nescitis cuius spiritus estis.* Ita hoc etiã loco seniorum improbat consilium, qui ad zizania eradicanda suam offerunt, aut potiùs obrudunt operam, ad seueritatem quàm ad misericordiam utique procliuiiores, & ad destruendum magis, quàm ad ædificandum intenti. Est iustus quidem Deus & iustitias diligit nec relinquit virgam peccatorum super sortem iustorum, vt Propheta testatur: sed idem vt sapiëntiam suam in agendo declaret, certum & proprium sibi tempus ad absolutâ malorum punitionem reseruare decreuit, *Mea est ultio, inquit & ego retribuam eis in tempore,* nimirum futuri seculi, & maximè in extremo iudicio, quando boni à malis perfectè separabuntur, iuxta illud: *Ibunt hi (peruersi scilicet & maledicti) in supplicium æternum, iusti autem in vitam æternam.* Proinde Christus de iudicio extemo differens, confert seipsum pastori, qui suas

Luc. 9.

Psal. 10.  
& 142.

Deut. 32.

Matt. 25.  
Ibidem.

Matth. 13.

Matth. 13.

Matt. 3.

Ioan. 3.

Matth. 11.

1. Pet. 2.

Genes. 7.

2. Tim. 2.

Matth. 23.

Matth. 18.

oues ab hœdis separar, ea videlicet separatione, quæ coeli & inferni longissimis discreta spacijs, omnem incolarum societatem & communionem in æternum excludit. Ipse est qui Angêlos mittet, vt de regno suo colligant omnia scandala, & operantes iniquitatem, eosq; in caminum ignis conijciant. His Ioannes Baptista consonat, Christi iudicis potestatem ita depingens: *Cum ventilebrum in manu sua, & permundabit aream suam. & congregabit triticum suum in horreum, paleas autem comburet igni inextinguibili.*

VERVM enimverò quia non misit DEVS filium suum: vt iudicet nundum, sed vt saluetur mundus per ipsum, sicut Ioânes asserit, iure amabo immensam Christi benignitatem, per quam ille durante hoc mundo, statuit etiam nequissimis ac ingratisimis parcere mortalibus: quum illos vsque ad mortem patienter expectet, de omnibus benemereri paratus, & qui nullos à se repellens, venientes omnes elementer excipiat & amplectatur, quandoquidem Petro teste, non vult aliquos perire, sed omnes ad poenitentiam reuerti desiderat. Hinc præterea meam & Catholicorum omnium confirmabo fidem, quæ certò semper statuit ac docuit, Ecclesiam visibilem esse ac conspicuam, nec solum ex bonis & electis, sed etiam ex prauis, & sicut vocant, reprobis constare fidelibus. Est enim illa eritque semper, quàm diu in terris militat, tãquàm ager Christum & dæmonem habens seminatore; & idcirco in illo triticum simul & lolium vnà nascuntur atque proueniunt. Est similis arca Noë, in qua & munda & immunda seruabantur animantia: Est domus illa magna, sicut Paulus loquitur, non solum vasa aurea & argentea, sed etiam lignea & fictilia suo ambitu comprehendens. In hoc Dei templo sæpè docent & præsumt improbi, quos Christus tamen in cathedra sedentes iuber audiri, & fratres peccantes non modò vult corripi, sed etiam Ecclesiæ denunciari. Ab hoc Christi corpore licet suas habente rugas & maculas, me nunquam diuelli patiar, memor præclaræ sententiæ, quam

me do-



me docuit hoc pacto Cyprianus: Ersi videntur in Ecclesia esse zizania, non tamen impediri debet aut fides aut charitas nostra, vt quoniam zizania in Ecclesia esse cernimus, ipsi de Ecclesia recedamus. Nobis immò laborandum, vt frumentum esse possimus, vt cùm cœperit frumentum dominicis horreis condi, fructum pro opere nostro & labore capiamus.] Nec obliuiscar doctrinæ Apostolicæ, vt quacunq; ratione liceat, succurram lapsis, errantes reuocem, ac de igne rapiam periclitantes. *Nam qui conuertit secerit peccatorẽ ab errore via sua, saluabit animam eius à morte, & operiet multitudinem peccatorum.*

Lib. 3. c. 10.  
2. Cor. 11. 19.  
Matth. 18. 17.

Gal. 6.  
1. Thess. 5.  
Iudæ. 1.  
Iacob. 5.

CÆTERVM me nihil offendet, quod quidam propositis Christi verbis, *Sinite utraq; crescere*, perperam abutuntur, talemq; sensum illis affingunt, ac si hæreticos plectere, ac de medio tollere Christianis Magistratibus interdicitur. Est ingēs profectò malum hæresis, est morbus omni lepra perniciosior, est pestis omni peste nocentior, est crimen omni furto & flagitio detestabilius. Nec desunt antidota & pharmaca, quibus tales agroti sæpè curantur, nimirum precatio, admonitio, disputatio, instructio, interminatio, correptio & coràmi iudice accusatio. Quid verò si hæreticus ita sit præ fractus & contumax, vt nullam prorsus lenem curationem admittat, ipsumq; contemnat iudicem, à quo legitimè damnari potest ac excommunicari? Nul- lum sanè Christi præceptum extat de illo in Ecclesia tolerando aut fouendo: sed & Christi verbum atque mandatum est: *Attendite à falsis Prophetis. Si Ecclesiam non audierit, sit vobis sicut ethnicus & publicanus.* Igitur & Pàulus non modò scripsit hæreticum esse deuitadum, sed etiam Hymenæum & Alexandrum hæreticos tradidit Satanæ, vt discerent nō blasphemare, ac de prauis Galatarum doctoribus ac seductoribus pronunciauit: *Vtinam absceindantur qui vos conturbant.* Rectè quidem Christus affirmat: *Sinite utraq; crescere*: sed non loquitur politicis Magistratibus, neq; de hæreticis intelligi vult magis quàm de alijs flagitiosis, in quo-

Matt. 7.  
& c. 13.  
Tit. 3.  
1. Tim. 1.  
Galat. 5.

Rom. 13.

Contra e-  
pist. Parme-  
niani, & in  
epist. 48. ad  
Vincentiũ,  
& lib. 3. con-  
tra Cresco-  
nium.

Epist. 50. ad  
Bonifaciũ,  
& epist. 48.  
ad Vincent.

Psal. 2.  
4. Reg. 3.  
4. Reg. 23.

iubet gladio animaduerti: propterea enim illum principi-  
bus & Magistratibus politicis assignauit, sicut & Paulus non  
obscure confirmat. Adde quod seipsum Christus velut in-  
terpretatur, cum verba illa interponit: *Ne forte colligentes*  
*zizania, eradicetis cum eis & triticum.* Vnde prudenter Au-  
gustinus colligit, præceptum illud: *Sinite utrag, crescere,* in  
eo seruandum esse, quando zizania sine extirpatione tritici  
nequeunt extirpari, quod nimirum hæretici non possint  
extingui, nisi cum eis & Catholici trucidentur. Alioquin  
vbi hic metus & hoc periculum abest, neque damnum, sed  
emolumentum Ecclesiæ ex hæreticorum punitione sperari  
& percipi posse videtur sapientibus, hæreticos velut ziza-  
nia eradicare non modo licet, sed etiam decet ac expedit,  
nonnunquam & præsens postulat necessitas, vt summi Dei  
gloriæ, puritati religionis, & vtilitati publicæ consulatur.  
Ac fuit quidem Augustinus in hac aliquando sententia, ne-  
minem ad vnitatem Christi esse cogendum, solaque dispu-  
tatione cum hæreticis agi oportere: sed postea scripsit &  
docuit in hunc modum: Multis profuit, quod experimen-  
tis probauimus & probamus, prius timore & dolore cogi,  
vt postea possint doceri, aut quod jam verbis didicerant, o-  
pere sectari.] Persuasit igitur Augustino certa magistra re-  
rum experientia, non obesse sed prodesse plurimum Eccle-  
siæ, quod contumaces hæretici, qui doctores & pastores Ec-  
clesiæ contemnunt, à politicis magistratibus vi quadam ad  
resipiscentiam adigantur, metuque legum ac imperio si-  
mul & gladio ad Catholicam vnitatem cōuertantur. Sunt  
enim velut phrenetici, quibusdam vinculis constringendi,  
& sicut somno lethargico laborantes, vt ad se redeant, dure  
ac fortiter exsuscitandi. Nam isthæc potestas ad fidem co-  
gendi hæreticos, diuino etiam iure competit Ecclesiæ, &  
principibus demandata est, vt sicut Propheta iubet: in ti-  
more & tremore seruiant Deo; sicut iam olim Ezechias &  
Iosias reges sua in impios seueritate Domino fideliter inser-  
uerunt. Prudens omitto Christianorum exempla Cæsa-

rum,

rum, Constantini, Theodosij & Honorij, qui magna cum laude damnârunt sui temporis hæreticos Ecclesiæ rebel-  
lantes & contradicentes. Hoc enim est ad magnam cœ-  
nam inuitatos conuiuas vt veniant & intrent, compelle-  
re, seq; Niniuitarû regi conformare, qui totam ciuitatem  
suam ad pœnitentiam amplectendam coëgit, & Paulinum  
confirmare dictum illud: *In promptu habentes, vel parati vl-  
cisci omnem inobedientiam, cum impleta fuerit vestra obedi-  
entia.* Quare Bernardus etiam de his perniciosis Ecclesiæ  
hostibus sapienter ita iudicauit: Melius procul dubio gla-  
dio coercerentur, illius videlicet, qui non sine causa gladi-  
um portat, quàm in suum errorẽ multos trajcere permit-  
tantur. Dei enim minister ille est, vindex in iram ei quia  
malè agit. ] Ac rursus: Dolendum valdè, inquit, quòd non  
solum laici principes, sed & quidam, vt dicitur, de clero, qui  
cos magis persequi debuerant, propter quæstum sustine-  
ant. ] Supersedeo ea testimonia repetere, quibus in verbo  
suo Deus fideles ad puniendos & necandos impios iam pri-  
dem excitauit ac impulit. Atque vtinam hodie Magistra-  
tus non lenitate & indulgentia potiùs, quàm rigore ac se-  
ueritate in hac parte peccarent. Vtinam, inquam, ad ve-  
terem laudatissimorum principum zelum propius acce-  
derent, quando illi subortas pestilentes in fide opiniones,  
earumq; authores iam pridem exstinxerunt, atq; ita neces-  
sariam Ecclesiæ vnitatem atque concordiam, quæ nunc  
tàm misèrè scissâ est, pulcherrimè defenderunt.

Luc. 14.

Ioan. 3.

2. Cor. 10.

Serm. 66.  
super cant.

Rom. 13.

Deuter. 13.  
17. & 18.  
3. Reg. 18.  
1. Machab.  
1. & 2.

## DE PRECIBVS CVM HOC EVANGELIO CONIUNGENDIS.

**P**RECANDVS est mihi Deus, vs puram & Dominicam  
sementem amemus, amatamq; conseruemus, neq; illam pesti-  
feris zizanjs qua nocte superfeminat Satan, in nobis corrup-  
pi permittamus, maximè cum hoc tempore complures no-

2. Tim. 4.

uanda & mutanda veteris religionis perquam cupidi & studiosi reperiantur. Impletur enim Paulinum vaticinium: Erit tempus cum sanam doctrinam non sustinebunt, sed ad sua desideria coaceruabunt sibi magistros, prurientes auribus.

*P E T A M* insuper à Deo gratiam, ut maioribus & minoribus auferatur noxia dormitantia siue somnolentia, eaq; cum sancta vigilantia commutetur in hac grauissima Ecclesia tempestate, & fidei perturbatione. Cum enim dormirent homines, iam olim hæreses orta fuerunt, & abusus inualuerunt, sicut nunc etiam ingenti cum Ecclesia detrimento fieri cernimus.

Rom. 13.  
Lib. 2. epist.  
7.

*C A T H O L I C I S* Magistratibus optabo augeri gratiam suam ut officia in faciant in malis coercendis, & in apertis fidei hostibus excludendis, quoad eius fieri potest, saluabonorum & Reipublice incolumitate. Scriptum est enim: Princeps Dei minister est, vindex in iram ei qui malum agit. Atque huc spectat præclara Cypriani adhortatio, qua nobis Catholicis non minus quam veteris Ecclesie hominibus conuenit. Nixtus inquit, votis nos inuicem foueamus, custodiamus, armemus: oremus pro lapsis ut erigantur: oremus prostantibus, ut non ad ruinas usque tententur, oremus ut qui cecidisse referuntur, delicti sui magnitudinem agnoscetes intelligant, non momentaneam neq; præpositam desiderare medicinam.]





# DOMINICA VI.

## POST EPIPHANIAM.

### *Sequentis Euangelij Argumentum.*

**R** VRSVS alias parabolas duas de crescente grano sinâpis, & de fermento farinæ commixto tradit hoc Euangelium, in quo Christus naturam & vim Euangelicæ doctrinæ nobis explicat, si illam corde sincero accipiamus, sicut plurimi quidem fideles à Christo & Apostolis adhuc viuentibus acceperunt. Ea enim doctrina vel prædicatio, quantumuis humilis & parua in principio videbatur, mirum quantam acrimoniam & efficaciam continuerit, quam latè se per mundum breui tempore diffuderit, quantumq; mutationis & fructus præter hominum opinionem attulerit mortalibus in orbe terrarum. Igitur ea ipsa doctrina non est dissimilis grano sinâpis, licet exili & ferè minimo inter omnia semina, quod tamen terræ mandatum exsurgit super omnia olera, vt fiat arbuscula, in cuius ramis habitent & gaudeant volucres cæli. Eadem est ferè ratio de fermento à muliere abscondito in farina, per quod etiam adumbratur Euangelica doctrina, quoniam occulta vi transmutauit, ac etiam nunc transmutat animos, & velut ex insipido valdè sapidum lautumque cibum reddit quin etiam diuersas gentes in vnum Ecclesiæ corpus transformat, quemadmodum modicum fermentum diuersis farinæ mensuris commixtum, totam conspersionem in vnum simul corpus vnire consuevit. Hilarius per hoc fermentum intelligit CHRISTVM significari, ed quodd ille accepta à nobis natura virtutem diuinitatis suæ humanæ naturæ communicauerit. Nec dissentit Chrysologus ita

In Matth.

Serm. 98.

Lib. 2. super  
Matth.

scribens, Christus est regnum cælorum, qui velut granum sinâpis in hortum virginis corporis missus, orbe toto Crucis in arborem creuit, ac tantum dedit fructus sui saporem. Conteritur autem passione, ut quidquid est vitale, suo saporet & condiret attractu. Nam sicut in integritate grani sinâpis virtus habetur occulta, apparet verò virtus eius vehementissimè, si teratur: ita Christus corpore teri voluit, qui suam voluit latere virtutem.] Cæterum fermentum ad Apostolos & Apostolicam Ecclesiam referri potest, quia sicut fermentum licet modicum, magnam farinæ copiam vi sua conuertit, sic pauci Apostoli suæ prædicationis virtute, vniuersum penè orbem ad iugum Euangelicum pertraxerunt. Hieronymus ita loquitur: Mulierem istam & ipsi Ecclesiam interpretamur, quæ fidem hominis farinæ satis tribus commiscuerit, credulitati Patris, & Filij, & Spiritus sancti.] Alijs verò placet per hanc mulierem quæ fermentum in tribus farinæ satis abscondit, animam hominis accipi, quæ prædicationem Euangelij occultat, tribusque partibus, nempe rationali, concupiscibili & irascibili commisceat, ita ut ex his una fiat contemperatio per doctrinæ communionem, ac totus homo spiritualis efficiatur.



## EVANGELIUM EIVSDEM

Dominicæ Matth. XIII.

**I**n illo tempore proposuit IESVS Discipulis parabolā dicens, simile est regnum cælorum grano sinâpis, quod accipiens homo seminavit in agro suo, quod minimum quidem est omnibus seminibus: cum autem creuerit maius est omnibus oleribus, &

fit ar-



fit arbor, ita ut volucres cœli veniant, & habitent in ramis eius. Aliam parabolam loquutus est eis. Simile est regnum cœlorum fermento, quod acceptum mulier abscondit in farina satistribus, donec fermentatum est totum. Hæc omnia loquutus est Iesus in parabolis ad turbas, & sine parabolis non loquebatur eis: ut imple-retur quod dictum erat per Prophetam dicen-tem: Aperiam in parabolis os meum, eructabo abscondita à constitutione mundi.

NOTÆ MEDITATIONVM ET  
PRECATIONVM CIRCA IDEM

EVANGELIUM.

*Simile est regnum cœlorum grano synâ-  
pis, quod accipiens homo seminavit  
in agro suo.*

**A**VD ABO æternam Christi sapientiam nobiscum tam clementer agentem, ut Euangelicam doctrinam ex paruis & humilibus inijs ad maximâ perduxerit, & idcirco contulerit grano sinâpis, inter omnia semina perexiguo, sed sensim procedenti in arbusculam, quæ suos ramos extendit, & cœli volucres fouet, cuius prætereà semen contritum, secundum Plinium, ad pellenda venena confert, magnamque vim ad morbos curandos

Lib. 20.  
cap. 22.

Hebr. 4.

Rom. 1.

Luc. 2.

1. Cor. 1.

Isai. 11.

Isai. 60.

obtrinet. Iraque & meo fidelium omnium nomine ingentes Christo Domino gratias agam, qui nobis hoc granum diuinumque semen, quod initio plurimis vile prorsus & abiectum, & inter omnes quidem disciplinas minimi esse pretij videbatur, tam viuudum, acre, potens, pretiosum & salutare mundo effecerit, ut merito cum Paulo testemur: *Viuus est sermo Dei & efficax, & penetrabilior omni gladio ancipiti, & peringens usque ad diuisionem animæ ac spiritus, compagum quoque ac medullarum & discretor cogitationum & intentionum cordium.* Hoc ipsum verbum seu Euangelium, quod virtus Dei est ad salutem omni credenti, cum primum exoriretur, Iudæis quidem & Græcis fuit signum contradictionis, ut Simeon dixit, & uti Iudæis scandalum, ita Græcis stultitia, ipsis autem vocatis Iudæis ac Græcis DEI virtus, Dei que sapientia, quemadmodum Paulina verba declarant. Ac philosophorum quidem dogmata, quibus olim ethnici tantoperè gloriabantur, semina quoque & grana dici viderique possunt, quæ cum accedente humano studio creuerint, tantum in olera & herbas, quæ citò arescunt & corrunt, ebulliunt quidem, sed ut nihil in eis firmum ac solidum, sed omnia potius flaccida & marcida reperiuntur. Prædicatio autem Evangelica, quantumvis à multis & doctis & præpotentibus oppugnaretur, non in olera, sed velut in arborem sublimem, lateq; in orbe diffusam, ac firmiter stabilitam paucis annis excreuit, multisque gentibus & populis mirifice profuit. Impletum enim illic videas Isaia vaticinium, quo prædictum fuerat: *Repleta est terra scientia Domini, sicut aqua maris operientes.* Ac rursus ad Ecclesiam velut spirituales Hierusalem ab eodem vate dictum legimus: *Ecce tenebra operient terram, & caligo populos: super te autem orietur Dominus, & gloria eius in te videbitur, & ambulabunt gentes in lumine tuo.*

PROINDE miraborego multorum hodie fidelium vanitatem ac insipientiam, qui profanis literis & humanæ

doctrinæ

doctrinæ ad eò sunt dediti & immerſi, vt parùm aut nihil  
 vacent ſpiritalibus ſtudijs, vtque diuinæ doctrinæ & ſapi-  
 entix theſaurum, quem potiſſimùm in ſacro Chriſti Eu-  
 angelio, velut pretioſam margaritam incluſam habemus,  
 nauſcabandi negligat. Nec in paucos competit Paulinum  
 illud: *Euauuerunt in cogitationibus ſuis, & obſcuratum eſt in-  
 ſpiciens cor eorum: dicentes enim ſe eſſe ſapiētes, ſtulti facti ſunt.*  
 Nam verè tradit Sapientix liber: *Vani ſunt omnes homines,*  
*in quibus nō ſubēſt ſcientia Dei.* Tum illorum iniri numerus  
 non poteſt, qui pro vera ſapientia ſtultam huius mundi ſa-  
 pientiā, ſicut Paulus appellat, cupidè amplectuntur, & dum  
 ipſum omnis ſapiētiæ, vel ſicut Ieremias loquitur, *aqua vi-  
 na fontem derelinquunt, quaſi ciſternas diſſipatas ſibi fodiunt:*  
*unde pro generoſo vino aquam bibunt impuram, que ſiim*  
*nulli vnquā exſtinguit.* Beatus autem homo, ſicuti canit Da-  
 uid, *quem tu erudieris Domine, & de lege tua docueris eum.* V-  
 bi non ſine cordis mei triſtitia cogitabo, quòd ad eò mul-  
 tum temporis ac ſtudiij in rebus literiſque profanis con-  
 triuerim, ſacris autem literis, quibus nihil excellentius, ac  
 ſalutaris doctrinæ cognitione, velut ſolido piorum cibo,  
 meum fraudarim animum, perinde ac ſi porcorum ſili-  
 quis magis quàm pane cœleſti delectater: *Qui verò ignorat,*  
*ignorabitur,* Apoſtolo teſte. Cuius ſœdæ ignorantix tam  
 inſœlix effectus eſt, vt apud Iſaiam *queratur Deus: Pro-*  
*pterea captiuus ductus eſt populus meus, quia non habuit ſci-*  
*entiam.* Propterea dilatauit infernus animam ſuam, & *ape-*  
*ruit os ſuum abſque vello termino.* Quid autem prodeſt ho-  
 mini liberalibus artibus inſtructo, omnibusque linguis ex-  
 culto, ſi pro charitate ædificante, inſtante ſcientia ſit præ-  
 ditus? Immo verò ſi habuero prophetiam, & nouerim  
 myſteria omnia, & omnem ſcientiam, & ſi habuero om-  
 nem fidem, ita vt montes transferam, charitatem autem  
 non habuero, nihil ſum: vt Apoſtolus de ſe ipſo pa-  
 lām aſſimat. Quo magis miſerum ac miſerandum eſt,  
 nos de CHRIS TI doctrina & Euangelica lege tam præclare

Matt. 13.

Rom. 1.

Sapient. 13.

1. Cor. 1.

1. Cor. 2.

Pſal. 91.

1. Cor. 14.

Iſai. 5.

1. Cor. 8.

1. Cor. 13.

Luc. II.

I. Ioan. 2.

Iacob. 4.

sentire ac gloriari: sed in ea profitenda & illustranda tam frigide segniterque versari, vt ethnici etiam olim in suæ philosophiæ studijs persequendis & promouendis longè fuerint accuratiores. Etenim non pauci illorum vt sine Deo, sine fide vano discendi desiderio satisfacerent, multas prouincias laboriosissimè peragrârunt, sicut Pithagoras, & Plato: alij diuitias omnes sponte contempserunt, vt Socrates, & Crates Thebanus: nonnulli vt commodius pro suo arbitrio philosopharentur, quemadmodum Cynici & Academici, vitam sibi sordidam & loca pestifera non grauatim amplexi sunt. *Ideo ipsi iudices nostri erunt,* & suo tempore nostram socordiam & ingratitudinem vel incusabunt, vel condemnabunt, quòd in meridiana luce cæcutiamus, & pro auro carbones complectamur, quoniã humanæ doctrinæ fumo contenti, pro dolor, Christianè philosophari & Euangelicè viuere in postremis habemus. Atqui perspicuè dixit Ioãnes: *Qui dicit se in Christo manere, debet, sicut ille ambulauit, & ipse ambulare. Qui dicit se nosse Deum, & mandata eius non custodit, mendax est, & in hoc veritas non est.* Tùm à Iacobo Apostolo scriptum est: *Scienti bonum facere, & non facienti, peccatum est illi.*

*Quod (granum sinapis) minimum quidem est omnibus seminibus, cum autem creuerit, maius est omnibus oleribus.*

Psal. 21.

GRANVM hoc sinâpis non modò Euangelicam doctrinam, sed & Christum ipsam ac lectissimos eius amicos mihi designabit. Ac Christo quidem latus idcirco gratulabor, quòd sese vt rebus alijs multis, ita etiam grano sinâpis crescenti, & eximo in altum exsurgenti comparârit, ac similem omninò fecerit. Quid enim humilior Filio hominis obsecro, qui cum amarissimum calicem biberet, de seipso illud verè testatus est: *Ego sum vermis & non homo,*

*opprobrium*

*opprobrium hominum, & abiectio plebis: omnes videntes me, deriserunt me. Cum enim in forma Dei esset, humiliavit semetipsum, factus obediens usque ad mortem, mortem autem crucis. Iam verò quid hoc ipso electissimo grano sublimius atque gloriosius, quod in hortum virginei corporis missum, Crucis in arborem crevit, ac fructus sui saporem dedit maximum toto orbe terrarum? Hoc ipsum granum sic exaltauit Pater, ut nouissimo virorum, qui & vir dolorum dicitur, nomen daret super omne nomen, eumque super omnes coelos exaltaret, nec solum ab hominibus, sed etiam ab ipsis Angelis vellet adorari. Adorent eum, inquit, omnes Angeli eius. Quid illo excelsius & augustius fingi possit, qui rediuius de seipso palam affirmat: *Mihi data est omnis potestas in caelo & in terra*? iamque is sedet in excelsis ad dexteram Patris. Neque modica erit mihi consolatio, quod Christus caput suis etiam præcipuis membris largitur, ut velut grana sinâpis iure habeantur, quia primum in specie vilia & abiecta, deinde mirum in modum splendida & gloriosa inueniuntur. En tibi virgam de radice Iesse, & ancillam villam Domini, fabrique Iosephi coniugem, obscuram vulgo & pauperem, cuius & animam scæuus gladius à Simeone prædictus sæpè pertransiuit, quæ demùm & post Apostolos & mulieres, uti scribit Lucas, locum in Ecclesia primitiua nouissimum sibi vendicauit. Succreuit autem hoc insigne granum, & ad culmen illud peruénit, ut super omnes choros Angelorum exaltaretur, & Regina fieret sedens à dextris DEI in vestitu deaurato, quia humilitatem eius respexit & amauit ille, qui in altis habitat, & humilia respicit in caelo & in terra. Quod si me ad Apostolos porrò conuerto, paruam, imbecillem, ignobilem & contemptam turbam, id est, exiguum granum sinâpis, mihi videre videor, quæ de seipsa hoc non vanè prædicat: *Vsq. in hanc horam & esurimus, & sitimus, & nudi sumus, & colaphis cedimur, & instabiles sumus*, (hoc est, incertis vagamur sedibus) *& laboramus operantes manibus nostris*.*

Phil. 2.

Isai. 53.

Phil. 2.

Psal. 96.

Matt. 28.

Hebr. 1.

Isai. 11.

Luc. 1. &amp; 2.

Luc. 2.

Act. 1.

Psal. 44.

Luc. 1.

Psal. 112.

1. Cor. 4.

Pfal. 114.

Matth. 15.

Pfal. 44 &  
46.

Apoc. 21.

Matth. 19.

Luc. 22.

Ioan. 12.

Matth. 18.  
& 19.

Matt. 13.

Luc. 8.

Prou. 14.

Ioan. 16.

Pfal. 125.

2. Tim. 2

*Tanquam purgamenta huius mundi facti sumus, omnium per-  
ipsemam usque adhuc, perindè ac si dicas, quisquilix & ster-  
quilinium. Sed hos inopes à terra, hos pauperes de sterco-  
re sic erexit & euexit DEVS, vt eisdem principibus populi  
sui aquarit, immò præposuerit, dignosque fecerit, qui lux  
mundi, sal terræ, principes populorum, & Ecclesiæ funda-  
menta in scripturis appellarentur, & qui demùm super se-  
des duodecim, velut summi iudicis assessores, orbem ali-  
quando iudicent vniuersum.*

CÆTERVM vā mihi, nisi & ipse cum Apostolis, im-  
mò & electis omnibus me deiiciam & extenuem, granum-  
que sināpis, aut sicut alibi CHRISTVS dixit, granum fru-  
menti minimum siam. Faceſſat illa quæ tam multos ob-  
cæcat ac perdit arrogantia, philautia & ostentatio, omnis-  
que humana celsitudo mihi sordeat, vt sim vnus ex paruulis,  
quorum est regnum cælorum. Habet hoc sibi mundus proprium,  
vt initio blandiatur, & speciosa quædam promittat, & ad  
tempus arrideat suis amatoribus, cum voluptas, diuitiæ & gloria  
ex voto succedūt. Verùm ista fucata, fluxa & momētanea bona  
sunt, Christus ea spinas vocat, quæ non explent animum, & in-  
fœlici fine clauduntur, ac luctum plerisque perpetuum creant.  
*Extrema enim gaudij luctus occupat.* Quāto autem mihi consultius fuerit,  
Domino DEO sincerè ac integre adherere, illiusque morem  
ac ordinem obseruare, qui operibus suis humile quidem  
initium, finem verò splendissimum tribuere solet. Hunc enim  
operandi modum tenet maximè, vt per infima & infirma  
mundi ea quæ sunt potentissima deiiciat, & è minimis ad  
maxima suos prouehat electos, iuxta illud: *Mundus  
gaudebit: vos autem contristabimini. In mundo pressuram  
habebitis. Qui seminat in lacrimis, in exultatione metent. Si  
commortui sumus, & conuiuemus. Si susinebimus, & conreg-  
nabimus.* Denique mirabor statum Ecclesiæ, quæ nobis  
per arborem hîc designata videtur, arborem, inquam, ex  
grano sināpis prodeuntem, varijsque ramis ornata, in

quibus



quibus volucres cœli non sine voluptate habitēt & iucundē commorentur. Nam eiusmodi arbor spiritualis iam pridem à Iudæis ac ethnicis pro nihilo habita, varijsq; modis oppugnata, vix centum viginti hominum turbam initio continebat. Breui autem ita succreuit, vt sublimis ac robusta fieret, dirisque supplicij effloresceret, cuius altitudo pertingeret ad cœlum, cuius adpectus in omni terra se proderet, cuius rami pulcherrimi & fructus vberissimi etiam barbaris & gentibus essent admirationi. Quales verò & quantas Christo Redemptori gratias debeo, qui me veluti volucrem effecit, vt aliquam in hac arbore nunquam desitura partem obtinerē, & in ramis eius salutaribus vnā cum plurimis optimis habitarem. Quot enim fidelium ordines ac status in Ecclesia numerantur, tot eiusdem longē lateque patentes rami comperiuntur, in quibus volucres cœli, id est, iusti per omnes mundi ætates cœlestem potius quàm humanam vitam transigunt, & vniti spiritu se mutuò lætissimè complectuntur, vt summo iure concinant: *Ecce quàm bonum, & quàm iucundum habitare fratres in vnum.* Curabo interim, me in hac arbore ac ramis eius longissimè sparsis, non otiosè versari, sed illum obseruare Canonem Apostolicum: *Videte vocationem vestram fratres. Vnusquisque in qua vocatione vocatus est, in ea permaneat. Videte quomodo cautè ambuletis, non quasi insipientes sed sapientes, redimentes tempus quoniam dies mali sunt.*

Actor. 1.

Psal. 131.

1. Cor. 1.

1. Cor. 7.

Ephes. 6.

*Simile est regnum cœlorum fermento,  
quod acceptum mulier abscondit in  
farinæ satis tribus, donec fermenta-  
tum est totum.*

Quæ in parabolis Euangelicis à Christo adferuntur, plerunque rerum notissimarum sunt similitudines, & populari

pulari quidem captui congruentes, in quibus nos anxie curiosos esse non decet, sed magis de summa sententiæ cogitare. Nec dubitabo, illuc spirituales interpretationem ac intelligentiam exigi, eamque sapè diuersam à doctis rectè probari statuam. Per hanc sanè mulierem, quæ in farina fermentum abscondit, ego in primis accipiam Christi sacram humanitatem, quæ tanquam optima fidissimaque mater, nos Adæ filios summis doloribus peperit, & incredibili amore diligit quamlibet immerentes. Vt mater obliuisci non potest infantis, quem in vlnis gerit, & suo spiritu præsidioque fouet, ac quodam modo abscondit, vt thesaurus sit in vasis fictilibus, & decor filiorum ab intus maneat absque vlla ostentatione. Abscondit, inquam, hæc mater suas opes in filiis, quos per Euangelium generat, præsertim in pauperibus mundoque despectis, vt fide per dilectionem operante, secundum spiritum perfectius ambulent, iustique magis ac magis iustificentur. Dico enim in Christo, inquit Apostolus: Spiritu ambulate, & desideria carnis non perficietis. Ac iterum: Si spiritu viuimus, spiritu & ambulemus. Quid verò mirum est, CHRISTVM hominem per mulierem & matrem significari? quando & se ipse gallinæ comparat, & ob affectum verè maternum dilectam urbem Hierusalem amanter ita compellat: *Quoties volui congregare filios tuos, quemadmodum gallina congregat pullos suos sub alas?* Optabo interim ex animo, æternam Dei sapientiam, quæ se diligentes diligit, & à vigilantibus inuenitur, mihi velut matrem benignam ac fidam obtingere, cum illa de seipsa testetur: *Ego mater pulchra dilectionis, & timoris, & agnitionis, & sanctæ spei. In me gratia omnis vite & veritatis. In me omnis spes vite & virtutis. Transite ad me omnes qui concupiscitis me.*

R V R S V S proposita mulier mihi designabit Ecclesiam, quæ syncerum Apostolicæ doctrinæ fermentum acciprum prudenter abscondit, & occultè cum farina com-

miscet atque contemperat, ut eiusdem farinæ tres partes in vnum redactæ, nouo & præclaro sapore imbuantur. Quocirca in hunc modum scribit Ambrosius: Mulier quæ dicitur abscondere in farinam fermentum, quæ est, nisi sancta Ecclesia, quæ quotidie doctrinam Christi in cordibus nostris conatur abscondere? ] Quod ad tria verò sata, vel tres mensuras farinæ attinet, eas ego ad tres mundi plagas, Asiam, Africam, & Europam accommodabo, Christo-que gratias reuerenter agam ob suam singularem & præpotentem virtutem in nouo fermento & Euangelica doctrina operantem, ac præterea Ecclesiæ sanctæ gratulabor, quæ per paucos pisces infinitam multitudinem piscium ex hoc vasto mundi pelago attraxerit, CHRISTOQUE sponso subdiderit cum vnitæ spiritus, & firma fide illorum, quæ ad constantem trium personarum in vna Dei essentia confessionem spectant. Nec frigidè collaborabo, ut Catholicæ doctrinæ communione, velut salutari necessarioque fermento imbutus maneam, utque tres animæ meæ vires, nimirum rationalis, concupiscibilis & irascibilis, ad cultum DEI probè commisceantur atque contemperentur, & hinc totus ego in hominem DEI transformer, siamque verè spiritualis, siue sicut Apostolus vocat, noua creatura, cui nihil prauum veterisque fermenti ad massam corrumpendam adhærescat. Petam igitur in me diuinitus compleri, quod Paulus Apostolus illo dicto quibusdam precatus est: *Ipse Deus pacis sanctificet vos per omnia: ut integer spiritus, vesper & anima & corpus sine querela in aduentu Domini nostri Iesu Christi seruetur.* Vbi præterea mihi grato pectore complectendum est, quod subindicat Christus de Ecclesia semper duratura, quando tradit, optimæ mulieris fermentum tantisper commisceri farinæ, donec massa illa penitus fermentetur. Id quod fieri non potest, nisi sonante semper Euangelica prædicatione, cum Christus ipse prædixerit: *Prædicabitur Euangelium regni in vniuerso orbe, in testimonium omnibus gentibus, & tunc veniet con-*

Serm. 5.

Gal. 6.

1. Thess. 5.

Matt. 24.

summatio.

Ioan. 10.

1. Cor. 15.

Matth. 28.

Psal. 383.

Ioan. 10.

Lib. de cō-  
siderat. c. 9  
& 10.

*summat. 10.* Eoque magis tum de perpetuitate Ecclesie, tum de prædicatione Euangelij nunquam desitura & à plurimis retinenda gaudebo, Christoq; agam gratias, firma nempe fiducia & expectatione concepta, ut omnes per gratiam cōnuerſi, vnum aliquando efficiant ouile, vnumque pastorem agnoscat, ac Deus ipse sit, omnia in omnibus. Tam fidelem habemus Dominū, qui vsque ad finem sæculi cum suis fidelibus manere decreuit, suarq; præsentia ac mansionis virtutem contra hostes exhibet singularem. Hoc enim est, quod regius Propheta promisit: *Benedictiones dabit legislator, ibunt de virtute in virtute: videbitur Deus Decorum in Sion.* Quin & Christus ipse velut suū officiū explicans, hoc nobis affirmat: *Ego sum pastor bonus, & cognosco oues meas, & cognoscunt me mea. Ego vitam æternam do eis, & non peribunt in æternum, & nō rapiet eas quisquam de manu mea.* Omitto interim, quod Bernardus hanc parabolam sanctissimæ Virgini matri accommodat, tali nempe mulieri, quæ suæ fidei fermento in utero virgineo tria permiscuit sata, hoc est tres CHRISTI naturas in vnitæte personæ commixtas tenuit atque in lucem edidit.

## DE PRECIBVS CVM HOC EVANGELIO CONIUNGENDIS.

Actor. 6.

Actor. 11.


**P**RECANDVS est mihi DEVS, ut diuina sapientia & doctrina complures habeamus professores atque cultores verè studiosos, utq; DEI verbum & Euangelica Philosophia suam in nobis, quemadmodum in primis puelibus, vim & acrimoniam potenter exerat. De illis dixit Lucas: Verbum DEI crescebat, & multiplicabatur numerus discipulorum in Hierusalem valdè: multa etiam turba sacerdotum obediebat fidei. *Ac iterum:* Erat manus Domini cum eis, multisq; numerus credentium, conuersus est ad Dominum.

*PETAM in super à Domino, grana sinapis electa concedi, hoc est, tales Ecclesie ministros atque cives, qui se Christo, Mariæ, Apostolis & sanctis alijs in eo conformant, ut ab ipsis ad summa in omni humilitate & simplicitate consurgant, suaque vocatione dignè ambulent, sicut & Paulus à Thessalonicensibus postulauit. Superbum enim sequitur humilitas, & humilem sequitur gloria, teste Salomone.*

Thess. 2.

Prouer. 29.

*ORABO huicitati bonum suppetere fermentum, nempe sanam & saluarem doctrinam, quæ animos hominum perinde ac farinam insipidam ad se pertrahat, & tres animæ vires siue potentias ad bonè beateq; viuendum reformet in plurimis.*



DOMINICA VLTIMA POST EPIPHANIAM ET SEPTVAGESIMÆ PROXIMA.

**S***I quando post sextam Dominicam quæ præcessit, alia celebranda supersit, quod non adeò frequenter accidere solet, illud Euangelium unà cum suis notis hic inseratur, quod ferijs Diui Matthiæ Apostoli adscriptum postea inuenietur, & ex undecimo capite Matthæi depromitur, nimirum: Confiteor tibi Pater, Domine cæli & terræ & quæ sequuntur.*



# DOMINICA SE- PTVAGESIMÆ.

## *Sequentis Euangelij Argumentum.*

EX parabolis Euangelicis isthæc minima non est, quam Christus proponit de patrefamilias suam vineam procurante sedulò, illamque vocatis colonis elocante, vt hi transacti laboris sui præmium referât, siue maturè, siue tardè ad laborandum accesserint. Maturè quidem in hanc vineam vocati venêre Iudæi: tardè verò Gentiles, nempe post Christi in cælos ascensum facti participes Euangelicæ gratiæ, quam priores Iudæi proorsus indignè repudiârunt, salutis quoque Gentium invidentes, & quodammodò contra Dei bonitatē obmurmurantes, sicut ex actis Apostolorum perspici potest. Nihil verò attinet excutere singula, quæ in huiusmodi parabolis adferuntur. satis fuerit præcipua excerpere, & scopum ipsum loquentis Domini cum primis ob oculos habere. Illud est extra controuersiam, non solum in Iudæis, sed etiam in Gentilibus Christianis impleri quod in Epilogo traditur, nouissimos nempe fieri primos, & primos nouissimos: tum ex multis vocatis ad lucem, gratiam & laborem, paucos electos reperiri, quibus æternæ vitæ denarius tandem persoluatur. Aded satis non est, quodd à patrefamilias in vineam vocati accedimus, ac promissa illius liberalitate nos ipsos consolamur, nisi & oblata gratiæ in vinea cooperemur, vt eum Paulo quisque bona conscientia dicat: Gratia Dei sum id quod sum, & graria eius in me vacua non fuit. Vnde & Concilium Arausicanum Secundum

A. 2. 11. & 15.

1. Cor 15.  
Cap. 28.

luculen-



luculenter hoc tradidit: Debetur mercēs bonis operibus, si fiant: sed gratia quæ non debetur, præcedit vt fiant.] Sanè quisquis in vinea Ecclesiæ non est, aut in eadem non laborat, sed otiosè, aut quod peius est, criminose viuit, de promisso denario frustra sibi blanditur. Omnis enim arbor quæ non facit fructum bonum, excidetur & in ignem mittetur, iuxta Christi sententiam. Igitur excutiendum est à cordibus religiosis, (Augustini verbis vtor) ne mala securitate salutem suam perdant, si ad eam obtinendam sufficere solam fidem putauerint, benè autem viuere, & bonis operibus viam Dei tenere neglexerint.]

Matth. 7.

Lib. de fide  
& operibus  
cap. 14.

## EIVSDEM DOMINICÆ

Euangelium Matth. x x.

**D**ixit IESVS Discipulis suis, Simile est regnum cælorum homini patrifamilias, qui exiit, primo manè conducere operarios in vineam suam. Conuentione autem facta cum operarijs ex denario diurno, misit eos in vineam suam. Et egressus circa horam tertiam, vidit alios stantes in foro otiosos, & dixit illis: Ite & vos in vineam meam, & quod iustum fuerit dabo vobis. illi autem abierunt. Iterum autem exiit circa sextam & nonam horam & fecit similiter. Circa undecimam verò exiit, & inuenit alios stantes, & di-

T

cit

cit illis: *Quid hic statis tota die otiosi? Dicunt ei, Quia nemo nos conduxit. Dicit illis: Ite & vos in vineam meam. Cum serò autem factum esset, dixit Dominus vineæ procuratori suo: Voca operarios, & redde illis mercedem, incipiens à nouissimis usq; ad primos. Cum venissent ergo qui circa undecimam horam venerant, acceperunt singulos denarios. Venientes autem & primi, arbitrati sunt quòd plus essent accepturi, acceperunt autem & ipsi singulos denarios. Et accipientes, murmurabant aduersus patrem familias, dicentes: Hi nouissimi una hora fecerunt: & pares illos nobis fecisti, qui portauimus pondus diei & aestus. At ille respondens uni eorum dixit: Amice non facio tibi iniuriam: nonne ex denario conuenisti mecum? Tolle quod tuum est & vade. Volo autem & huic nouissimo dare, sicut & tibi. Aut non licet mihi quod volo facere? An oculus tuus nequam est, quia ego bonus sum? Sicerunt nouissimi, primi: & primi, nouissimi.*

*Multi enim sunt vocati: pauci  
verò electi.*



NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Paterfamilias exijt primo mane con-  
ducere operarios in vineam suam.*



INGVLARES gratias cœlesti patri familiâs agam,  
qui humani generis pro sua bonitate misertus Ec-  
clesiam verâ perinde ac electam vineam inde ab  
orbe condito plantat, colit atque conseruat, missis ad il-  
lam per aetates omnes, præsertim noui testamenti, fidis co-  
lonis, qui suis laboribus vineę huic impensis digna tandem  
præmia consequantur. Hinc illa Dei promissio per Ieremi-  
am facta Ecclesiæ: *Ecce ego mittam piscatores multos, dicit*  
*Dominus, & piscabuntur eos: & posthac mittam eis multos ve-*  
*natores, & venabuntur eos de omni monte, & de omni colle, &*  
*de cauernis petrarum.* Ac rursus: *Dabo vobis pastores iuxta*  
*cor meum, & pascunt vos scientia & doctrina.* Tum Isaias de  
huiusmodi Euangelicis operarijs id vaticinatur: *Vos autē Sa-*  
*cerdotes Domini vocabimini: ministri Dei nostri dicitur vobis:*  
*fortitudinem gentium comedetis.* Quos ministros operari-  
os ego tantò maioris faciam, & ab omnibus pluris facien-  
dos iustiusque venerandos putabo, quantò certius munus  
illorum Deum habet authorem, quantoque semper Ec-  
clesiæ conducibilius ac magis necessarium fuit. Quid e-  
nim esset atque efficeret sine colonis vinea? Certè inculta  
& deserta iaceret. Quid sine pastoribus oues? vtiq̃ue va-  
gantes & errantes essent, ac contra luporum rabiem se tu-  
eri minimè possent. Quid sine sacerdotibus Ecclesia? non  
Dei verbum in ea prædicaretur, non sacramenta dispensa-

Ierem. 17.

Ierem. 3.

Isai. 61.

a Cantic. 6.  
b Roma. 10.  
c Exod. 7.  
d Ioann. 1.  
e Luc. 5.  
f Rom. 13.

Hierem. 23.  
Ibidem.

1. Cor. 11.

1. Cor. 4.

Cantic. 2.  
Ezech. 13.

Lib. 4. con-  
tra Valenti-  
num cap. 43

Ibidem.

rentur, non spirituales iudices & medici suū officium facerent, ac demum Ecclesia dissonans chorus magis quàm quod dicitur, *a* castrorū esset acies ordinata. *b* *Quomodo enim predicabunt nisi mittantur?* sicut *c* Moyses, Aaron & d*o* loannes à Deo vocati & missi venerunt, & quoniam *e* rete sibi cōcreditum in nomine Domini eiecerunt in mare prouentum Ecclesiae maximū attulerunt. Etenim *f* *quae à Deo sunt, ordinatae sunt*, Apostolo teste. Illos verò fugiam; ac detestandos magis quàm probādos existimabo, qui cum Dominicae vineae cultores videri haberi que postulent, à cœlesti Patrefamilias vocati & missi non sunt, & hac iusta illius querela notantur: *Non mittebam Prophetas, & ipsi currebant: non loquebar ad eos, & ipsi prophetabant. Vae pastoribus qui disperdunt & disacerant gregem pascuae meae, dicit Dominus.* Arguit eorūdem & Paulus, cum loquitur de falsis fratribus, Pseudapostolis, operarijs subdolis, transfigurantibus se in Apostolos Christi Sathanæque ministris, qui sibi nempe honorem sacerdotij sumunt seq; in munus Euangelicum & Ecclesiasticum ingerunt, cum nullo tamen iure testari possint: *Sic nos existimet homo et ministros Christi, & dispensatores mysteriorum DEI.* Cum autem hoc genus hominum, immò vulpium, nostram vineam hodie furenter demoliat, ac mundus istiusmodi nouis doctoribus ac ministris ob ipsorum blandiloquentiam valdè oblectetur, verba Irenaei verè Apostolici viri notabo, quibus illi ipsi nobis liquidò depinguntur. Eis, inquit, qui in Ecclesia sunt presbyteris obaudire oportet, his qui successionem habent ab Apostolis, qui cum Episcopatus successionem charissima veritatis certum secundum placitum Patris acceperunt. Reliquos verò qui absistunt à principali successione, & quocunq; loco colliguntur, suspectos habere, vel quasi haereticos & malae sententiae, vel quasi scindentes & elatos, & sibi placentes. ] Ac postea iterum: Apud eos qui sunt in Ecclesia presbyteri, est Apostolica doctrina. ] Absit igitur ut animam & salutē meam nouis permittram ministris &

magistris,



magistris, qui suæ vocationis & ordinationis rationem reddere nequeunt, nec solum à nostræ, sed etiam à veteris Ecclesiæ sacerdotibus alieni, ac inter se disiecti sunt, totque velut colenda idola proponunt, quot falsa & impura dogmata venditant imperitis. Iubet autem Apostolus nos pacem habere cum iis ministris, qui legitimè missi populo Præpositos agunt, & acceptas tenent traditiones: illosque penitus deuitari vult, qui inordinatè, & non secundum Ecclesiæ traditiones ambulant. Vnde illum præscribit canonē: *Si quis vobis euangelizauerit præter id quod accepistis, anathema sit.* Sed & illorum sortem ex animo deplorabo, qui perindè ac olim Galatæ, nouis præstigijs fascinati, legitimè missos & institutos Ecclesiæ ministros non agnoscunt, nec audiunt, quin & Catholicos Episcopos siue præsentis, siue superioris ætatis superbè contemnunt & repudiant, quodque intolerabilius est, pro pastoribus & doctoribus ordinarijs lupos rapaces, pro veris sacrorum ministris falsos & suppositios illos amplectuntur, qui per ostium nunquam ingressi, & ab ostiario minimè probati, in Ecclesiastica munia seipsos ingerunt, aut à profanis magistratibus intrudi se sustinent. Quid autem isthuc est aliud, præterquàm coelesti Patrifamilias, eiusque vocationi & missioni palam repugnare, oues pastoribus, & discipulos magistris legem dare, Christum Dominum in suis vicarijs loquentem & pascentem eijcere, ac demum reipsa se immundos hædos pro electis ouibus declarare? Ouium certè siue germanorum Dei filiorum, id est, fuit, eritque semper proprium, secundum diuinas illas regulas viuere: a *Ne imitaris prudentiam tuam: ne sis sapiens apud semetipsum.* b *Audi disciplinam patris tui, & ne dimittas legem matris tue.* b *Oues mee vocem meam audiunt.* A *lienum autem non sequuntur, sed fugiunt ab eo, quia non norunt vocem eius.* d *Omnia honestè & secundum ordinem faciunt in vobis.*

1. Thess. 5.

2. Thess. 2.

Galat. 1.

Galat. 3.

Ioan. 10.

a Prou. 3.

b Prou. 1.

c Ioan. 10.

d 1. Cor. 14.

*Quid hic statis tota die otiosi.*

Ioan. 5.

Ioan. 4.

Matt. 26.

Luc. 5.

Psal. 127.

Psal. 14.

Iob. 5.

Ecclef. 4.

Luc. 19.

Apoc. 14.

NOTABO ingenium & morem nostri Patrisfamilias, qui tantam pro sua vinea procuranda curā gerit, toties ad operarios conducendos egreditur, & suorum labore delectatur. Hinc quos otiosè stantes offendit in foro, scuerè corripit, conductis singulis vineæ suæ partem excolendam assignat, atq; ut ad laborandum sint omnes alacriores, suum cuique laboris præmium pollicetur, & per procuratorem præstat fideliter. Adeò verè dixit Christus: *Pater meus usq; modo operatur.* Ac de seipso idem disertè pronuntiat: *Meus cibus est, ut faciam voluntatem eius qui misit me, ut perficiam opus eius.* Tum alios etiam sui similes, hoc est, in labore indefessos socios & collegas requirit, dormientes discipulos increpat, Petro in piscatione versanti benedicit, ac operanti per Prophetam id promittit: *Labores manuum tuarum quia manducabis, beatus es, & benè sibi erit.* Nec est dispar illa promissio, in Dei tabernaculo habitaturum, suamq; in monte sancto requiem habiturum esse, qui ingreditur sine macula & operatur iustitiam.

Nonne igitur meritò me mei pudeat ac pigeat, quod subindè laborem fugiens ad otium adspiro, & in his quæ ago, me torpentem ac segnem seruum illi exhibeo, qui me ad laborandum non modò conduxit, sed etiam creauit? *Homo enim nascitur ad laborem, & avis ad volatum.* Tum Sapientis præceptum est: *Noli esse inutilis & remissus in operibus tuis.* Neque vlli hoc in mundo quiescendi, sed laborandi, ac post laborem huc ritè confectum, in alio seculo quiescendi, spaciū datur. *Negotiamini, inquit, dum venio.* Et à Ioanne scriptum legimus, *Beati mortui qui in Domino moriuntur. A modò iam dicit Spiritus, ut requiescant à laboribus suis. Opera enim illorum sequuntur illos.* Quamobrem opera fidei & charitatis in vinea præcedant necesse est, ut homini non solùm de vera post mortem quiete, sed etiam de cœlesti mercede prouideatur. Constitutus est pro-

curator,



curator, immò ludex omnium Christus, *Pater enim omne iudicium Filio dedit*, qui solis operarijs, non autem otiantibus & sterilibus fidei iactatoribus, mercedem ex a quo retribuat. *Ecce, inquit, venio cito, & merces mea mecum est, reddere unicuique secundum opera sua.* Væ igitur mihi, si pretiosi temporis usuram amitto, aut si preposterè laboro, ut neque ad scopum propositum respiciam, neque mihi ac alijs fructum salutarem, sicut Pater familiâs requirit, adferam. Tantum abest, ut illas voces diuinas, quas impleri necessum est, surdis transire auribus debeam: *Operamini non cibum qui perit, sed qui permanet in vitam æternam. Venit nox, quando nemo potest operari. Ambulate dum lucem habetis, ut non vos tenebrae comprehendant. Ante obitum tuum operare iustitiam: quoniam non est apud inferos inuenire cibum. Quodcumque facere potest manus tua, instanter operare.* Ut hinc etiam Apostolus, qui non solum ore Euangelium prædicabat, sed suis quoque manibus laborabat, fideles omnes horretut: *Operam detis ut quieti sitis, & ut vestrum negotium agatis, & operemini manibus vestris, sicut præcepimus vobis.*

PROINDE sic me comparabo, ut contra otium & inertiam segnitiamque perpetuò pugnem, in studio autem ac labore honesto corpus hoc exerceam, quod velut seruus immorigerus, adeoque ut asinus piger, quærit diuertacula, heroque suo laborem exigenti obstrepit ac recalcitrat. Sed quid remedij contra hunc morbum præbet Sapiens? *Cibaria, inquit, & virga, & onus asino: panis & disciplina & opus seruo.* Ac iterum: *Seruo maleuolo tortura & compedes, mittit illum in operationem, nè vacet. Multam enim malitiam docuit otiositas.* Nam & iners otium in causa fuit, ut Sodomitæ, sicut apud Ezechielem legimus, in spurcissimum illud nefariæ libidinis scelus prolaberetur. Tum Rex Dauid quantumuis pius, dum otio vacat, in turpe adulterium, horrendumque homicidium incidit. Eo magis ac diligentius mihi cauendum est, nè cum aliâs, tum in diuino

Ioan. 5.

Apoc. 22.

Ioan. 6. 9. &amp; 12.

Eccle. 14.

Eccle. 9.

1. Cor. 4.

1. Thess. 4.

Eccle. 33.

Ezech. 16.

2. Reg. 11.

cultu otio actorpori indulgeam, oblitus illius qui dixit: *Sustinete hic & vigilate mecum. Vigilate & orate, ut non intretis in tentationē.* Vetat igitur Salomon dormire pigros, & vigilantis formicæ sectandam proponit industriam. Si enim impiger fueris, venies inquit, *ut fons mensis tua & egestas longè fugiet à te.* Sed & me ipsum inculabo, qui Domini vocè iuste corripì dignus sum, ut audiam sæpè: *Quid hic statis tota die otiosi?* Ita verò dicentem & obiurgantem Dominum audiam maximè quando vesperi deprehendero, me per diem parum aut nihil operæ fecisse pretium, sed velut cum Petro sine fructu fuisse piscatum, aut cum Appelle nullam duxisse lineam.

Luc. 5.

Vbi moestus ego mecum reputabo, quàm sibi malè consulant plurimi, cœlesti optimoq; Patrifamilias indignè resistentes, seque præclara mercede, quam referre poterant, defraudantes, quandoquidem sub conductis verisq; cultoribus vineæ, in ea ipsa nolunt persistere, aut si persistunt, tempus quo laborandū erat, otiosè, inmò & vitiosè transigunt: tùm si laborant, nō ut oportebat sincerè laborant, ut suas operas ad gloriam Patrifamilias, & proximi commodum referre, atq; in charitate cuncta perficere satagāt. Quocirca Chrysostomus cum quæstionem illam proposuisset, Si est victus Sathan & profligatus, quid ergo est quòd sæpè vincit? commodè respōdit, hoc ex nostra ignavia provenire. Bone Deus, quàm graue durumq; iugum sustinent filij seculi, quàm immanes labores mundi & carnis amore victi suscipiunt, & sine fructu perferunt? Sed miserrimi tandem & serò poenitentes fatebuntur: *Lassati sumus in via iniquitatis & perditionis, & perambulavimus vias difficiles, viam autem Domini ignoravimus. Quid nobis profuit superbia, aut divitiarum iactantia quid contulit nobis? Transierunt omnia illa tanquàm umbra, & tanquàm nuntius præcurrens. Quoniā spes impij tanquàm lanugo est quæ à vento tollitur; & tanquàm spuma gracilis quæ à procella dispergitur: & tanquàm fumus qui à vento diffusus est.*

Psal. 123.

Sapient. 5.

*Multi sunt vocati, pauci verò electi.*

AGNOSCAM & prædicabo iustum Dei iudicium, qui summæ bonitatis gratiæq; suæ contentū in mortalibus ingratissimè vindicat, ut ex plurimis ad Ecclesiā vocatis, fidemque professis, paucos tandem ad gloriam eligat atque assumat. Cur enim severā Dei iustitiam non sentiant, qui tantoperè illius misericordia cōuersis oblata, & pœnitentibus promissa, tam turpiter abutuntur, ut in vinea Domini non nisi vitem infrugiferam, & vuas vel putridas vel immaturas proferant? Proinde iratus Paterfamilias de illis meritò quæritur: *Quid est quod debui vltra facere vinea mea & non feci ei? an quod expectavi ut faceres vuas, & fecit labruscas?* Cæterum ad paucos electos, & sedulos vineæ cultores non pretinent, qui sola DEI vocantis bonitate, Christi q; meritis & Euangelij promissis contenti, se nimirum hodiè consolantur, cum sine obseruatione legis, sine respectu operum, sine meritis præcedentibus iustitiam & salutem credentibus audent polliceri. Hos enim Propheta verberans dixit: *Popule meus qui te beatū dicunt, ipsi te decipiunt, & viam gressuum tuorum desipiant. Dicite iusto, quoniam bene, quoniam fructum adinventionum suarum comedit. Va impio in malum: retributio enim manuum eius fiet ei.* Et Ioannes Apostolus contra eosdem vanæ fidei iactatores, qui gloriam absque merito, & meritum absque opere volunt habere, ut Bernardus loquitur, nos præmunienti ait: *Filioli, nemo vos seducat: qui facit iustitiam, iustus est. Qui facit peccatum, ex diabolo est.* Et apud eundem diuina vox adstruit: *Esto fidelis usque ad mortem: & dabo tibi coronam vitæ.* Ac iterum: *Ecce venio citò & merces mea mecum est, reddere unicuique secundum opera sua.* Quare illorum cœcitatem desitebo, qui cum iustitiæ bonorumq; operum fructibus destituantur, & velut resecti sint à verà vite palmites, tamen quia Christo credunt & fidunt, etiam si redarguentē conscientiam sentiant, nec de peccatis doleant, de salute sua

Isai. 5.

Isai. 3.

Apoc. 22.

In epist. ad  
Colonienses.

Apoc. 2.

Apoc. 22.

Ioan. 15.

Pfal. 2.

Luc. 1.

\*Philip. 2.

a Philip. 1.

b Matth. 6.

c Pfal. 118.

d Heb. 10.

1. Tim. 4.

Heb. 14.

1. Theff. 1.

2. Tim. 4.

Pfal. 17.

Hebr. 6.

Matth. 10.

certo statunt, ac de propitio sibi Deo stultè gloriantur. Ego verò sacris literis obtemperabo, quæ fidelibus iubent seruire Domino in iustitia & sanctitate\* suamque salutem cum timore & tremore operari, a Euangelio digne conuersari, b thesauros in cælo recondere, ac demùm c spe mercedis æternæ, vel propter retributionem, aequa & iusta præstare, Dei que voluntatem facientes reportare promissionem. Quidquid autem noui fingant aduersarij, qui credentium benefacta deprimunt, vt fidem nescio quam extollant ac iacent, ego cum vera Ecclesia ingenuè confitebor, opera ex fide procedentia, & ex charitate facta, nulli non Christiano ad benè beateque viuendum necessaria esse, illaque nō solum fidem & charitatem internam testificari, sed internam quodque institiam augere, & fiduciam quandam gratiæ Dei & vitæ æternæ animis ingenerare: quin etiam cœlestis beatitudinis meritum ac præmium nobis comparare, maioreque gratia dignos efficere, non propter operum quidem dignitatem, si illa in se considerentur, sed ob gratiosam illam Dei cum credentibus factam conuentionem, & ob inhabitantem Christi spiritum, quo duce vim accipiunt, vt sint hi digni cœlesti & perpetua retributione. *Pietas enim ad omnia utilis est, promissionem habens vitæ quæ nunc est, & futura. Talibus hostijs* (beneficentiæ & communionis) *promeremur Deum, & per patientiam Dei regno digni habemur*, sicut in fide & veritate doctor Paulus affirmat, qui coronam iustitiæ suis benefactis repositam, & à iusto iudice Christo reddendam fidenter expectabat. Neque solum Pauli & Dauidis, sed & iustorum in Domino gloriantium propria vox est: *Retribuet mihi Dominus secundum iustitiam meam, & secundum puritatem manuum mearum retribuet mihi*. Nec enim iniustus est Deus, vt bonorum operum piè factorum obliuiscatur, quin potius ad eò liberalis atque munificus existit, vt iuo nomine porrectum fratri calicem aquæ frigidæ non sinat manere irremuneratum.

QVONIAM

QVONIAM verò Christus in Euangelio sæpè testatur, Matt. 20.  
 multos vocatos, sed paucos electos esse, etiam atque etiam & 22.  
 cauebo mihi ab illorum exemplo, qui licet vocati in vinea  
 persistant, & credant cum Ecclesia, tamen vocationi suæ  
 malè respondent, atque idcirco velut infrugiferi palmites,  
 reiecti ac recisi, inflammas inferni abijciuntur. Sic enim  
 Christus ipse testatur de Patre loquens: *Omnem palmis in* Ioan. 15.  
*me non ferentem fructum, tollet eum.* Ac iterum: *Si quis in*  
*me non manserit: mittetur foras sicut palmes, & arefcet, &*  
*colligent eum, & in ignem mittent & ardet.* Hinc ego saluta-  
 rem Dei metum concipiam, & omni abiecta præsumptione  
 & arrogantia cum Petro Apostolo sollicitus dicam: *Si in* 1. Pet. 4.  
*stus vix saluabitur: impius & peccator ubi parebunt?* Con-  
 firmat hoc quoque Christus, vbi rogatus ab alijs, *Si pauci* Luc. 13.  
*sunt qui saluantur?* hoc modo respondit: *Contendite in-*  
*trare per angustam portam: quia multi, dico vobis, querent in-*  
*trare, & non poterunt.* Qui rursus ob paucitatem electorum  
 velut ingemiscens: *Quam angusta, inquit, porta & arcta via* Matt. 7.  
*est, quæ ducit ad vitam, & pauci inveniunt illam.* Tantoque  
 minùs me commoueri sinam turba & multitudine pec-  
 cantium, qui licere sibi quodlibet arbitrantur. *Stultorum* Eccle. 1.  
*enim infinitus est numerus.* Ac licet peccantium multitudo  
 peccandi licentiam vulgo subministret, tamen criminum,  
 quæ à iusto Deo vindicanda sunt, nullam facere potest im-  
 punitatem. Et scriptura ipsa testatur: *Melior est unus ti-* Eccle. 16.  
*mens Deum, quàm mille filij impij.* Ac iterum legimus: *Ne* Eccle. 24.  
*amuleris viros malos, nec desideras esse cum eis.* Obseruabo  
 igitur quod ab Ieronymo præclare dictum est: Non de-  
 bemus ad multitudinem respicere, quæ nullum viuendi  
 tenens ordinem, non tam ratione ducitur, quàm quodam  
 impetu fertur. Nec imitandi nobis sunt illi, qui sub Chri-  
 stiano nomine gentilem vitam agunt, & aliud professione,  
 aliud conuersatione testantur, atque vt Apostolus ait, De-  
 um confitentur se nosse, factis autem negant. Inter Chri-  
 stianum & gentilem non fides tantùm debet, sed etiam vi-  
 ta distin-

2. Cor. 6.

Ecclef. 3. 2.

a Gal. 6.

b 2. Cor. 9.

c 2. Cor. 3.

In Psal. 129.

ta distinguere, & diuersam religionem per diuersa opera monstrare. *Nolite*, ait Apostolus, *iugum ducere cum infidelibus. Qua enim participatio iustitia cum iniquitate?* Denum pro virili curauero, ut aliorum cura neglecta, de me ipso iudicando ac sanando sim sollicitus, eam nempe partem excolens vineæ, quæ mihi à summo Patrefamiliâs concredita & assignata est. Ita enim & scriptura mandat: *Aliora te ne quaesieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus eius ne fueris curiosus.* a *Quæ seminaueris homo, hæc & metes.* b *Qui parçe seminat, parçe metet.* c *Vnusquisque propriam mercedem accipiet secundum suum laborem.* Extat elegans Hilarij locus ad præsentem Euangelij parabolam alludens, ac fideles omnes piè hisce verbis inhortans: *Hora vndecima est, inquit, conclusa diei sunt tempora: curramus omnes, festinemus, nè nox adsit, nè hora prætereat. Beatus quidem qui à mane vsque in noctem laborans, pactum denarium tanquam debitum postulans.]*

## DE PRECIBVS CVM HOC EVANGELIO CONIUNGENDIS.

Matt. 9.

**P**RECANDVS est mihi DEVS pro eligendis & instituentis pastoribus, concionatoribus & ministris Ecclesiæ, quæ ficut electa & dilecta Christi vinea, operarijs idoneis atq; necessarijs hac velut vltima diei hora instruat. Vix enim unquàm Christus præceptum magis, quàm hoc seculo Ecclesiæ infestissimo, fuit obseruandum. *Messis quidem multa, inquit, operarij autem pauci. Rogate ergo Dominum messis, ut mittat operarios in messem suam.*

**O**RABO & pro auditoribus Euangelij, ut operarios atque ministros risè vocatos, ordinatos ac missos duntaxat admittant, seq; in vinea Domini firmiter contineant, ac eos iustitie fructus proferant, quibus aternam iustitia coronam à iusto



iudicereddendam promereantur. Ita enim in fide & veritate  
Doct̃or gentium Paulus de se ip̃so testatur: Bonum certamen  
certavi, cursum consummaui, fidem seruavi: in reliquo  
reposita est mihi corona iustitiæ, quam reddet mihi Do-  
minus in illa die iustus iudex.

1. Tim. 2.

2. Tim. 4.

PECULIARITER autem inuocabo Dominum, ut me pos-  
sim, velim ac sciam accommodare ad sacrum Ecclesiæ Catholi-  
cæ institutum, quo ab hac ipsa Dominica Septuagesima dicta;  
latum Alleluia canticum tollitur, & populo Dei ad Pascha vs-  
que tempus luctuosum indicitur atque commendatur. Ete-  
nim sicut optimis & sapientissimis Patribus placuit, luctus qui-  
dam spiritalis est, quem in diuino cultu chorus Ecclesiasticus  
exprimit, ut credentes omnes miserandum effectum peccati,  
& graues Israëlitarum calamitates sibi ob oculos ponant, at-  
que hac ratione seipsos ad grauioris penitentia officia paula-  
tim excitent. In quo vult & saluari instituto tantò me liben-  
tius confirmabo, quantò mundus hoc quidem tempore lasciuior  
ac petulantior esse consuevit, omnes ferè luxui suo laxans habens,  
ut Bacchum & Venerem potiùs quàm Christum & pieta-  
tem colere velle videantur. Ego verò cum electis, quos paucos  
fore Christus pradixit, meminero Enangelij de conductis ope-  
rarijs, qui sanctum laborem, ut promissum denarium accipi-  
ant, strenuè subire & exantillare contendunt. Meminero pra-  
tereà Epistolæ, in qua seipsum Apostolus Paulus nobis imitan-  
dum proponit, ac apertè denuntiat: Castigo corpus meum  
(iraneus legit, Liuidum facio corpus meum) & inseruitutem  
redigo. Sic currite ut comprehendatis. Imitemur ergo &  
nos hunc Apostolum, sicut hortatur (verbis enim Augusti-  
nianis vtor) & castigemus corpus nostrum, & in seruitutem  
redigamus, si mundum vincere volumus.] Ac peculiariter  
operam dabo, ut velut à cælesti Patre familias vocatus, nouum  
studium ad conscientia mea vineam repurgandam atque co-  
lendam adferam, & ab hoc tempore maiorem granitatem in-  
duam. Seria enim & cum sensu quodam doloris coniuncta de-  
bet esse meditatio de primorum parentum lapsu, exilio, miseria,

1. Corin. 9.  
Lib. 5. con-  
tra Valent.Lib. de agō:  
Christian.  
cap. 6.

Ram. 5.

Lib. de Ec-  
clesiasticis  
dogmatib.  
cap. 38.Vide & Ful-  
gent. de fi-  
de ad Petru  
cap. 26.

Ephes. 2.

1. Tim. 2.

Ioan. 1.

Apoc. 21.

Eccles. 40.

Psal. 17.

Psal. 6.

effectibusq; peccati. Hoc enim illorum peccatum, omnium ma-  
lorum lerna, & humane calamitatis atque perditionis fundus  
existit, vii Apostolus illis verbis declarat: Per vnum ho-  
minem peccatum in hunc mundum intrauit, & per pec-  
catum mors: & ita in omnes homines mors pertransiit, in  
quo omnes peccauerunt. Ex qua sententia probat Augusti-  
nus, Ad prauaricationem non ipsi soli, sed etiam eius propa-  
gini, tot nempe humano generi, nocuisse, neque tantummodo  
panem, sed & peccatum, quod est mors animæ, per vnum ho-  
minem in omne genus humanum transisse. Vt hinc etiam par-  
uuli in peccato concipiuntur, & natura ira mortisq; subiecti  
nascentur, atque offenso Deo non reconcilientur, nisi gratia  
subleuentur illius, qui est mediator Dei & hominum, Agnus  
ille immaculatus qui tollit peccata mundi, & nunc facit om-  
nia. Quare humanam sortem, que propter peccatum tot tan-  
tisq; periculis ac penis vsque subiecta est, nunc maximè deploro,  
illudq; dictum Ecclesiastici meditor: Occupatio ma-  
gna creata est omnibus hominibus, & iugum graue super  
filios Adam à die exitus de ventre matris eorum vsque in  
diem sepulturæ. *Neg, verò me solùm vt Adæ filium respiciam,*  
*sed etiam perinde ac peccati, mortis ac damnationis reum*  
*statuam, & assumpto luctu vnâ cum Propheta, immò cum tota*  
*Ecclesia nunc lamentante testabor: Circundederunt me ge-*  
*mitus mortis, dolores inferni circundederunt me, eogq;*  
*precabor magis, vt iustissimus Deus me in furore suo*  
*non arguat, neq; corripiat in ira sua, quam*  
*ego iam pridem promerui.*





# DOMINICA SE-

## XAGESIMÆ.

### *Sequentis Euangelij Argumentum.*


**M**irus est zelus & ardor Iudæorum in Euangelio audiendo, ex quibus complures vndique & turmatim ad Christum docentem vtrò confluunt, quem nonnunquam per montes & ad deserta vsque prosequuntur, quin etiā integros cum illo dies sine cibo transigunt. Hac occasione Dominus parabolam de semine proponit, & in illa quatuor auditorum Euangelij genera explicat, ac duntaxat postremum probat eorum, nempe, qui solidum fructum ex audito Dei verbo cum patientia referunt, atque ita bonorum operum, omniumque virtutum segetē in granario cœlesti condendam seruant. Reliquos vt ineptos Euangelij auditores Christus rejicit, etiam si cupide ac lætè audiant, & ad tempus credāt, similesque sint Herodi Regi, qui Marco teste, Ioannis Baptiste fuit auditor, sciens eum virum iustum & sanctum, imò & multa iuxta doctrinam perceptam faciens, & libenter Ioannem audiens. Cæterum in hoc Euangelio, tanquā in illustri speculo, cernunt omnes, qui tantum cœci non sunt, quibus de causis bona pars hominum verbi Dei vel prædicari, vel audiri, vel lecti fructum amittat, suamque salutem æternam nō solum ob enormia crimina commissa excutiat, verum etiam leuibus de causis negligere soleat. Sinunt etenim semen magna Dei gratia seminatum, à dæmonibus deuorari, veritatem lucentem, sed non redarguentem diligunt, tentationum aculeis superantur, in via DEI cœpta se leues & inconstantes præbent, segniter &

Marc. 6.

oscitan-

non habebat humorem. Et aliud cecidit inter spinas, & simul exorta spina suffocauerunt illud. Et aliud cecidit in terram bonam: & ortum fecit fructum centuplum. Hac dicens clamabat: Qui habet aures audiendi, audiat: Interrogabant autem eum discipuli eius, quæ esset hæc parabola. Quibus ipse dixit: Vobis datum est nosse mysterium regni Dei, ceteris autem in parabolis, ut videntes non videant: & audientes non intelligant. Est autem hæc parabola: Semen est verbum Dei. Qui autem secus viam, hi sunt qui audiunt: deinde venit Diabolus, & tollit verbum de corde eorum, ne credentes salui fiant. Nam qui supra petram, hi sunt, qui cum audierint, cum gaudio suscipiunt verbum: & hiradices non habent, quia ad tempus credunt, & in tempore tentationis recedunt. Quod autem in spinas cecidit, hi sunt, qui audierunt, & à sollicitudinibus & diuitijs & voluptatibus vitæ euntes suffocantur, & non referunt fructum. Quod autem in bonam terram, hi sunt, qui in corde bono, & optimo audientes verbum retinent, & fructum asferunt in patientia.





## NOTÆ MEDITATIONVM ET PRECATIONVM CIRCA IDEM

EVANGELIVM.

*Exijt qui seminat, seminare semen suum.*

**D**Eincomparabili Christi Domini benignitate mirabor, qui ad eò sit audius humanæ salutis, vt per se ac suos ministros Catholicos non desistat verbum suum diuinum (fidei sapientiæ, iustitiæ, omnisque virtutis semen ac fundamentum) longè lateq; in orbe spargere, ac idem semen agro licet sterili, petricoso, spinoso & infructuoso mandare. Tantum illi desiderium, tanta cura est de omnibus benè merendi, suumque semē omni auro pretiosius latè spargendi cū utilitate & fructu mortalium. Neque tamen ignorat, diuturnam hanc operam suam paucis duntaxat electis profuturam, vt hinc meritò illud Propheticum sibi sumat: *Quid est quod debui ultra facere vineæ meæ, vel terræ meæ, & non feci ei?* Ingentes igitur agam gratias Christo vt optimo, sic & liberalissimo seminatori, de quo dixit Propheta: *Nisi Dominus exercituum reliquisset nobis semen, quasi Sodoma fuisset, & quasi Gomorrha similes essemus.* Ob hoc ipsum diuinum semen & mihi & vniuersæ gratulabor Ecclesiæ, cui tam inæstimabilis thesaurus, panisque cœlestis obrigit, longè vt rectiùs Christiani quàm Israëlitz hoc sibi sumant quod olim Moyse prodidit: *Hæc est vestra sapientia & intellectus coram populo, vt audientes vniuersi præcepta hæc dicant: En populus sapiens & intelligens, gens magna. Nec est alia natio tam grandis quæ habeat Deos appropinquantem sibi.* Quæ omnia regius Prophetæ vno velut dicto complectens, euidenter affirmat: *Non fecit taliter dominationi, & iudicia sua non manifestauit eis.*

Isai. 5.

Isai. 1.

Deu. 4.

Psal. 148.

*Halleluia.*

*Halleluia.* Quid enim verbo DEI illustrius, augustius, solidius, fructuosius, cum in eo tanquam pulcherrimo speculo, Deum Deique voluntatem cernamus, & Paulus apertè doceat: *Omnis scriptura diuinitus inspirata, utilis est ad docendum, ad arguendum, ad corrigendum, ad erudendum in iustitia: ut perfectus sit homo Dei, ad omne opus bonum instructus.* In hoc ipso verbo continetur lex Domini immaculata, conuertens animas testimonium Domini fidele, sapientiam præstans paruulis, vti Psalmographus Dei verbum & legem mirificè prædicans, canit. Quare nullum mihi Manna dulcius, nullum pignus charius, nullum studium præstantius, iucundius ac frequentius erit, præterquam in DEI verbo versari, & in diuina lege nocte ac die meditari; hoc quippe officium filiorum DEI est proprium, ac mortales verè sapientes facit. Magno igitur feruentique pectore complectar, quod de verbo suo DEVS ipse pronuntiat, per Prophetam inquiens: *Quomodo descendit imber & nix de celo, & illic ultra non reuertitur, sed inebriat terram, & infundit eam, & germinare eam facit, & dat semen ferenti & panem comedenti: sic erit verbum meum quod egreditur de ore meo; non reuertetur ad me vacuum, sed faciet quaecunque volui, & prosperabitur in his ad quæ misi illud.* Hoc verbum si usquam alibi, tum in Evangelio clucet maximè & hunc effectum adfert, ut virtus DEI sit in salutem omni credenti, ac dignè illud excipienti: ut præterea iure dicatur viuus DEI sermo & efficax, penetrabilior omni gladio ancipiti, & pertingens usque ad diuisionem animæ ac spiritus, quemadmodum Apostolus tradit. Curabo autem cum eodē Paulo hoc Evangelium nō erubescere, nec in iniustitia detinere, sed illi obedire, per illud, si possim, alios in Christo gignere, illud ipsum cum Ecclesiæ præpositis conferre, iuxta illud sincerè ambulare, propter illud agere & sustinere omnia.

2. Tim. 3.

Psal. 18. &  
118.

Psal. 1.

Isai 55.

Rom. 1.

Hebr. 4.

Rom. 1.  
& 10.  
2. Thess. 3.  
1. Cor. 4.  
Galat. 2.  
Tob. 3.  
Coloss. 1.  
1. Cor. 9.



*Hæc dicens clamabat: Qui habet aures  
audiendi, audiat.*

1. Reg. 3.

Isai 50.

Exod. 9.  
& 10.

Iob. 21.  
Malach. 3.

Astor. 7.  
Ierem. 6.

Ierem. 9.

1. Cor. 2.

Proner. 18.

VT IN A M vox Christi clamantis, quæ summum & ardentissimum nostræ salutis desiderium indicat, in eas interiores aures penetraret, & ex corde meo lapideo carneum faceret, meque totum ad se raperet, vt & ipse cum Samuele possim dicere: *Loquere Domine, quia audis seruus tuus.* Et cum Ieremia Propheta: *Dominus Deus aperuit mihi aurem, ego autem non contradico, retrorsum non abij.* Sunt sanè qui surdas planè aures Deo Deique verbo præbeant, sicut obstinatus ille Pharaon Moysen admonentem non audiens, sed repellens. Eiusdem farinae homines illud DEO dicere non verentur: *Recede à nobis, & scientiam viarum tuarum nolumus: Vanus est qui seruit Deo, & quod emolumentum quia custodiuimus præcepta eius?* Alij, incircumcisas aures adferunt, vt Iudæi ceruicosi, quibus hoc ipsum exprobrat Stephanus protomartyr: & propterea Deus ipse per Ieremiam queritur: *Cui loquar, aut quem contestabor vt audiat? Ecce incircumcisa sunt aures eorum, & audire non possunt, Ecce verbum Domini factum est eis in opprobrium, & non suscipiunt illud.* Hinc & grauis illa extat interminatio: *Quia dereliquerunt legem meam quam dedi eis, & non audierunt vocem meam, & non ambulauerunt in ea, & abierunt post prauitatem cordis sui; idcirco hæc dicit Dominus exercituum Deus Israël: Ecce ego dabo populum istum absynthio, & potum dabo eis aquam fellis.* Nonnulli rursus tam obtusi sunt sensus & hebetes, vt ad audiendam & discendam sapientiam prorsus inepti ac stupidi videantur. *Animalis enim homo, vt Paulus adstruit, non percipit ea quæ sunt spiritus Dei: stultitia est enim illi, & nõ potest intelligere.* Vnde Salomon quoque testatur: *Non recipit stultus verba prudentia, nisi ea dixeris quæ versantur in corde eius.* Neq; pauci sine delectu quæcunque dicuntur audiunt, ad nugas, fabulas, detractiones

fœdosque

foedosque sermones accipiendos prompti & alacres, sed à doctrina spiritus & verbo veritatis alieni, nullam vt aurium rationem ac disciplinam curare videantur. Tam sunt in audiendo & loquendo futiles ac effusi, nihil vt cos insulso moueat quod scriptum est: *Sepi aures tuas sinitis, & linguam nequam noli audire, & ori tuo facito ossia, & seras auri-bus tuis.* Sed & illi haud leuiter peccant, qui sectis nouis addiēti, ad solum Dei verbum scriptum nunquā non prouocant, nec audire dignantur, si quid in Ecclesia prætereā iubeatur vel instituat. Eoq; magis deplorabo communem hominum incogitantiam, immò insaniam, qui tam nobili sensu disciplinæ tam perniciosè ac turpiter abutuntur, quando aures patentes habēt ad illa quæ Mundus, Caro, Satan suggerunt & ingerunt, verūm ad voces diuinas & salutis monita tantū non obsurdesunt, vt hinc surdi & aspides surdæ in scriptura sacra dicantur,

Eccles. 22.

Isai. 42.

Psal. 57.

ILLUD verò mihi dolorem animi peracerbum creabit, complures hodiè, vt antea nunquā, summa cum audacia impudentiaq; prodire, qui dum specioso verbi Dei prætextu gloriantur, multas opiniones falsas, & impios errores passim excusant, tegunt atq; defendūt. Huc enim ventum est, proh dolor atq; pudor, vt nullum ex venerandis sacramentis, nullum Ecclesiæ dogma, nullum diuinæ scripturæ volumen tum firmum sit ac integrum, quod verbi Dei specie & umbra, non aliqua ex parte vel à plebeis oppugnetur hodie atq; conuellatur. Etenim quemadmodū verbo Dei secundum Catholicæ fidei regulam ac interpretationem intellecto, & ad verę pietatis studium accommodato, nihil in rebus humanis est præstantius, bonorumque animis incundius, & magis Ecclesiæ salutare: ita vicissim eodē verbo perperam accepto, & ad impuros animi motus explendos detorto nihil perniciosius, & ad omnem religionis veræ disciplinam dissoluendam vehementius potest excogitari. Est enim ita prorsus, sicut Cyrillus memoriæ prodidit: Omnes hæretici de scriptura diuinitus inspirata sui colli-

Epist. 28.

Prou.8.

gunt erroris occasiones, ea quæ à Spiritu sancto rectè dicta sunt, sua malitia corrumpentes, & super sua capita flammam inextinguibilem augentes.] Quapropter maiorem in modum cauebo, nè mihi Christus frustra dixerit, & sonora voce clamârit, *Qui habet aures audiendi, audiat: auresque meas ad legitimum usum ac sensum disciplinæ sanctæ, maximè cùm de sacris agitur, sedulo transferre conabor.* Sic enim aterna loquitur sapientia: *O viri ad vos clamito, & vox mea ad filios hominum. Intelligite paruuli astutiam, & insipientes animaduertite. Audite disciplinam & estote sapientes, & nolite abjicere eam. Beatus homo qui audit me, qui vigilat ad fores meas quotidie, & obseruat ad postes ostij mei.*

1. Pet. 1.

1. Cor. 11.

2. Thess. 2.

Galat. 1.

Matth. 4.

Luc. 4.

Matt. 7.

Matt. 18.

1. Tim. 3.

PECULIARITER verò audiam & obseruabo non modò verbum scriptum, quod omni acceptione semper dignum est, sed etiam verbum viuaduntaxat voce traditum, siue de fide & credendis, siue de moribus & agendis monear. Nam eiusmodi verbum in Ecclesia viguit, priusquam verbum scriptum promulgaretur, affirmatè quoque Apostolo Petro: *Hoc est verbum quod euangelizatum est in vobis.* Vnde Paulus etiam Ecclesiæ traditiones atq; consuetudines non obscurè commendat fidelibus, & hoc modo seuerè interminatur: *Si quis vobis euangelizauerit prater id quod acceperitis, anathema sit.* Verbum scriptum iactent ac vrgeant noui sectarij, quod & Satan contra Dominum disputans, in medium adduxit, & quo sicut ouillo vellere, lupi rapaces omnes subdolè se contegere solent. Audiam ego Dei spiritum non in scriptura solùm, sed etià in Ecclesia loquentem, neq; illum Christiano nomine dignum, sed pro publicano ac ethnico censendum putabo, qui CHRISTI sponsam, omniumque fidelium matrem & magistram Ecclesiam, audire detrectat. Quod isthæc, utpote columna & firmamentum veritatis, docet, expressum Dei verbum habebø: quod verò contra sensum & consensum eiusdem Ecclesiæ docetur, expressum planè Diaboli verbum esse minimè dubitabo. Irrefu-

tabile

tabile verbum Dei est, quod nunquam abolebitur, *Audi fili mi disciplinam patris tui, & nē dimittas legem matris tuæ: ut addatur gratia capiti tuo, & torques collo tuo.* Audiamus insuper pastores, doctores & præpositos Ecclesiæ, in quibus ut in suis legatis atque vicarijs, Christus ipse loquitur, & à suis fidelibus audiri vult, sicut ouium ratio & officium postulat. *Qui vos audit, inquit, me audit: & qui vos spernit, me spernit: qui autem me spernit, spernit eum qui me misit.* Nec solum Ecclesiæ Catholicæ ministros & magistros tanquam à Deo missos interpretes audiam, verum etiam cum Prophetæ Regio dicere non verebor: *Audiam quid loquatur in me Dominus Deus: quoniam loquetur pacem in plebem suam, & super sanctos suos, & in eos qui conuertuntur ad cor.* Eadem ratione nō obturabo cor, sed reuerenter audiam vocem intus loquentis Dei, & inspirationem Spiritus sancti, quam Ioannes appellat vnctionem acceptam à Domino, quæ docet electos de omnibus, ac paruulis reuelat arcana. nec rarò Dei laudem de promit ex ore infantium, etiam si scriptum verbum ignorēt, aut sōnare nesciant. Adeò verè scriptū est illud, *Non in solo pane viuit homo, sed in omni verbo, quod procedit de ore Dei,* siue verbum illud scriptum sit, siue non sit, sed naturali tantum, vel Ecclesiasticæ aut politicæ legi congruat. Hinc Apostolus Paulus de gentibus licet incredulis affirmat, quòd cū legem nō habeant, naturaliter ea quæ legis sunt faciant, atque ipsi etiam sibi sint lex, qui opus legis in cordibus suis scriptum ostendant. Vult præterea omnem animam sublimioribus potestatibus, earumq; legibus esse subiectam non solum propter iram, sed etiam propter conscientiam. Tūm Apostolorum traditiones, quæ sine scripto obtinuerunt, & seniorum decreta, cuiuscemodi in sacris Cōcilijs promulgantur, à fidelibus custodiri præcipit. Quin & ipse varias leges à Christo nunquam propositas, suis epistolis inserit, atque hoc generale mandatum à Christianis omnibus exigit: *Quaecunque sunt vera, quaecunque pudica, quaecunque iusta, quaecunque san-*

Prou.1.

Luc.10.

Psal.84.

Psal.94.

1.Ioan.2.

Matt.11.

Psal.8.

Deut.8.

Matt.4.

Rom.2.

Rom.13.

Acto.15.

&amp; 16.

2.Theff.2.

1.Cor.7.

1.Tim.5.

Phil.4.

In lib. de spi-  
ritu sancto.  
cap. 27.

2. Cor. 3.

Lib. 3. con-  
tra Valent.

Ierem. 23.

2. Pet. 3.

Apoc. 2.

*ita, quaecumq; amabilia, quaecumq; bona fame, si qua virtus, si  
que laus disciplina, hæc cogitate. Quæ & didicistis & accepistis,  
& audistis, & vidistis in me: hæc agite, & Deus pacis erit vobi-  
cum.* Tantum abest, vt Paulus Arianum dogma confir-  
met, quo fideles verbo Dei scripto, tanquam asylo vnico,  
alligantur. Firma enim fuit & est semper præclara illa Ba-  
siliij Magni regula: Dogmata quæ in Ecclesia seruantur ac  
prædicantur, partim ex conscripta doctrina habemus, par-  
tim ex Apostolorum traditione ad nos delata in mysterio,  
id est, in occulto tradita recepinus.] Habent vtique Iudæi  
& hæretici verbum Dei scriptum, ad suam perniciem: ha-  
bent literam occidentem, sed habere non possunt spiritum  
viuificantem, qui & spiritus veritatis & Ecclesiæ rector atq;  
magister manet perpetuus. Vnde scripsit & Irenæus: Vbi  
est Ecclesia, ibi & spiritus Dei & omnis gratia. Spiritus au-  
tem veritas.] Ac rursus: In Ecclesia posuit Deus Aposto-  
los, Prophetas, Doctores & vniuersam reliquam operatio-  
nem Spiritus, cuius non sunt participes qui non concurrunt  
ad Ecclesiam.] Absit igitur, vt meas aures vnquam auer-  
tam à verbo siue scripto, siue nõ scripto, sed tradito & con-  
seruato in Ecclesia: Absit itidem, vt nouis ministris ac ma-  
gistris, qui verba Dei furantur, & scripturas deprauant, me  
auditorem præbeam: audiam verò Ioannem Apostolum  
semel ac iterum apertè mandantem: *Qui habet aurem au-  
diat, quid Spiritus dicat Ecclesiis.*

*Quod in bonam terram cecidit, hi sunt  
qui corde bono & optimo audientes,  
verbum retinent, & fructum adferunt  
in patientia.*

NON satis erit mihi verbo Dei lecto vel audito suum  
pondus tribuere, vt sacrosanctum & omni reuerentia dig-  
num habeatur, vtque cum fide, gaudio & affectu pio à me  
suscipiatur. Docet enim & requirit cœlestis agricola, iactum

hoc semen (omnis virtutis seminarium) in meo corde radices agere, paulatim succrescere, suam in tempore vim exerere, & superatis impedimentis omnibus, quæ non raro intercurrunt, fructum multiplicem durabilemque patientia duce proferre. Quocirca meum esse munus putabo, ut perpetuis verbi hostibus, nimirum Satanæ, mundo, carni, propriæque voluntati acre bellum indicam, utque noxias cupiditatum, malarumque tentationum herbas & radices magis ac magis euellam: ne alioquin ut plurimis accidit, diuinum hoc semen in agro meo suffocetur, & infrugiferum maneat. Quare si sapio, ingentem vigilantiam, assiduum studium, longam patientiam, & ardentem precationem adhibebo, ut semen mihi traditum & acceptum conseruare, fructumque legitimum proferre, ac ipsi seminatore comprobare possim. Illis præterea ex animo gratulabor, qui verbum Dei cum Magdalena ad pedes Domini sedentes, tranquillè & intentè audiunt: ac velut ab Angelo edocti, hoc ipsum verbum cum Domini nostri matre toto pectore complectuntur, & firmiter custodiunt.

Luc. 10.

Luc. 2. &amp; 11.

Cæterum quandoquidem Christus hac parabola indicat, non omnes, immò paucos sese idoneos verbi Dei auditores, probosque discipulos exhibere, nouum in me desiderium excitabo, ut partem cum illis habere possim, qui socordiam & iniuriam omnem in Dei verbo percipiendo & conseruando excutiunt, remque tanti momenti, id est, diuini seminis fructificationem, ex qua Dei cultus & hominis salus dependet, sedulò ponderem. Laudabo præclarum illorum exemplum, qui ut rectè secundum Dei verbum ambulent, Apostolicam imitantur prudentiam, antiqua retia deserentes, ut Dominum & magistrum suum, à quo sunt vocati, in omni vita sequantur expeditius. Amabo & reuerbor illos, qui pro diuitijs curisque temporalibus ac domesticis, quibus tam multi irretiti pereunt, bona conscientia Christo testari possunt, *Eccere linquimus omnia,*

Matt. 4.

Luc. 10.

Matt. 19.

Phil. 2..



Matth. 19.

*Sequuti sumus te.* Omnia sumus arbitrati ut stercore, ut te vnum lucrificeremus. Sicut suafisti spadones & eunuchi Evangelici esse voluimus, ut castramus nos ipsos propter regnum cœlorum. Mundo, carni & Satanæ abrenunciamus, ut diuino cultui planè vacantes, tuum semen, virtutis & pietatis omnis firmas in nobis agat radices, & sine impedimentis excreseat atque fructificet. *Nemo, enim, ut tu ipse dixisti, mittens manum suam ad aratrum, & respiciens retrò, aptus est regno Dei.* Quibus consonat Apostolica sententia: *Nemo militans DEO, implicat se negotiis secularibus, ut ei placeat cui se probauit*

Luc. 9.

2. Timot. 2.

*Nemo, enim, ut tu ipse dixisti, mittens manum suam ad aratrum, & respiciens retrò, aptus est regno Dei.* Quibus consonat Apostolica sententia: *Nemo militans DEO, implicat se negotiis secularibus, ut ei placeat cui se probauit*

Ezech. 36.  
& 18.

Psal. 50.

Dan. 9. &amp; 10

IN PRIMIS autem famem & sitim iustitiæ concipiam, ut maturum veræ fidei & pietatis fructum, secunda velut arbor in horto Ecclesiæ proferam, ideoque cor mihi peram lapideum prorsus auferri, & pro eo carneum, nouum & mundum inseri. Optabo etiam & studebo cum Daniele vir esse desideriorum, & hinc sanctæ orationi sæpè ac multum vacare non desinam, quod per illam dona, Dei omnia quæ ad benè beateque viuendum homini conferunt, efficaciter impetrentur. Nec obliuiscar Prophetæ regij, qui diuinæ legis amore ac studio mirificè delectatus, in illas voces erupit, quas ego frequenter mecum repetam: *In corde meo abscondi eloquia tua, ut non peccem tibi.*

Psal. 118.

*Cognoui vias meas, & conuersti pedes meos in testimonia tua. Quomodo dilexi legem tuam Domine, tota die meditatio mea est. Ignitum eloquium tuum, & seruus tuus dilexit illud. Custodiuit anima mea testimonia tua, & dilexit ea vehementer. Seruauit mandata tua & testimonia tua, quia omnes via mea in conspectu tuo.* Adhæc meam ipse conscientiam sæpè perscrutabor, ut norim, quibus ex causis diuini verbi optimum semen in me subbindè impediatur, quò minus Christo seminatore, mea que vocatione dignos fructus proferat. Non enim temerè Apostolus Iacobus mandat: *Estote factores verbi, & non auditores tantum.* Quin & Christus ipse luculenter affirmat: *Ille seruus qui cognouit voluntatem*

Iacob. 1.

Luc. 12.

Domini

*Dominus sui, & non se preparavit, & non fecit secundum voluntatem eius, vapulabit multis. Quid autem formidabilius, quàm si Dei verbum maximi remedij loco diuinitus datum, nobisque benignè concessum, etiam aduersarium præstet, maioremque causam creet perpetuæ damnationis? Habet enim hic quoque locum Basilij Magni sententia: Obseruandum est, inquit, ne sortè copiosioris gratiæ pondus grauioris nobis existat causa condemnationis, si ingrati inueniamur largitoris muneribus.] Nisi verò Dei verbum multis in aduersarium conuerteretur, Christus utique non diceret: *Esto consentiens aduersario tuo citò, dum es in via cum eo: ne fortè tradat te aduersarius iudici, & iudex tradat te ministro, & in carcerem mittaris.* Notauit enim & Augustinus, Dei verbum siue præceptum hoc loco aduersarium dici, quandoquidem veteris hominis desiderijs contradicat, eumque ob commissa vitia quasi debitorem redarguat, ac iudici Christo etiam puniendum tradat, nisi pacem cum hoc aduersario maturè in eamus, ac legem per charitatem impleamus, & cum illa nos concordemus. Quid multis? sicut Dei verbum audire & custodire sapientiæ ac virtutis omnis caput & summa est, ac salutem homini perpetuam adfert: sic rursus audire illud & non custodire, stultitiam, infortunitatem ac perditionem omnem procreat mortalibus. Id quod Christus illis verbis indicauit: *Beati qui audiunt verbum DEI, & custodiunt illud. Si quis non audierit verba mea & non custodierit, ego non iudico eum: sed sermo quem loquutus sum, ille iudicabit eum in nouissimo die.]**

In regula  
cap. 3.

Matt. 5.

In Psal. 129.

Galat. 6.

Luc. 11.

Ioan. 12.

## DE PRECIBVS CVM HOC EVANGELIO CONIUNGENDIS.

**P**RECANDVS est mihi DEVS pro diuini verbi dispensationibus, ut concredidit sibi thesaurū, qua fide ac diligentia  
par est,

Rom. 10.

par est, in docendo ministrant, suisq; auditoribus optimè consulant. Nihil enim est dubium, ex bonis & sedulis verbi Dei seminatoribus multa pendere, quæ ad communem populi utilitatem tum in fide, tum in moribus prouehendam maximè pertinent. Quomodo enim inuocabunt, in quem non crediderunt? aut quomodo credent ei quem non audierunt? Quomodo autem audient sine prædicante? Rursus, quomodo sine pane verbi Dei, qui proprius est anima cibus, non famescet, fameq; miseranda non peribit populus, ut horrendam iræ Dei comminationem suo maximo malo experiat? Ecce, inquit, dies veniunt, & emittam famem in terram: non famem panis, neque sitim aquæ, sed audiendi verbum Domini. Ut nihil difficilius & vtilius, ita nihil etiam rarius inuenias bono & perfectio sue seminatore, siue cõcionatore, quem & Angelum Dei, & tubam Euangelij, & lucem populi non immerito appellaris.

Amos 8

RVRVS DEVM inuocabo pro auditoribus Euangelij, nè sint socordiores Iudeis, ad Christum docentem tam studiosè concurrentibus, ipsumq; cum voluptate & gaudio totos dies auscultantibus. Precabor populo singularem prudentiam, nè sinat hunc diuinum thesaurum per demonis, carnis, & mundi tentationes sibi vel eripi, vel impediri: sed potius ut diuini Verbi fructum constantia & patientia sibi comparare nitantur. Verendum est autem prorsus, graue ac metuendum iudicium illis imminere, qui diuitijs, luxu, curisq; terrenis oppressi, ut grauiora interim vitia sileam, hodiè verbum Dei & sacra ferè omnia fastidiunt, ut de cultu quidem Dei & negotio aterna salutis vix quicquam curare serio videantur. Contra hos in iudicio surget Regina Saba: surgent & Ninivite, summamq; nostram ignauiam atque ingratitude condempnabunt, eritq; tunc remissus iudicium terræ Sodomorum.

Matt. 12.

Luc. 11.

Matth. 11.

ORABO itidem pro verbi Dei corruptoribus, qui sub pretexto Euangelij & sacra scriptura, mortifera errorum venena populo licenter venditæ & per Europam tam latè quàm perniciosè diffundunt. Quod enim Apostolus iam olim est va-

*vicinatus, nunc magis ac magis impleri cernimus: Erit, inquit* 2. Tim. 4.  
tempus, cum sanam doctrinam non sustinebunt: sed ad  
sua desideria coaceruabunt sibi magistros, prurientes auri-  
bus, & à veritate quidem auditum auertent.



# DOMINICA QVIN-

## QVAGESIMÆ.

### *Sequentis Euangelij Argumentum.*

**E**VANGELII summa duabus partibus absoluitur, Chri-  
sti nempe vaticinio atque miraculo. Etenim ille Hiero-  
solyman proficiscens, Apostolis prædicit imminere passio-  
nem suam acerbam, eiusque præcipuas partes aut circum-  
stantias, ac scelicem eiusdem exitum prænu-  
tiant, Discipulis  
quidem hoc tantum mysterium non assequantibus. Dein-  
de non sine luculento miraculo curat in via Barthimæum  
(sic enim à Marco dicitur) qui cum cæcus & mendicus ef-  
set, misericordiam itendidem implorat, ac propter fidem,  
non minus cordis quàm oculorum recipit lucem. Ad prio-  
rem partem spectat insignis fidei articulus, quem Christia-  
ni omnes de passione Dominica profitentur, & Ecclesia ad  
finem Quadragesimæ singulari cum pietatis affectu nobis  
meditandum proponit. Altera pars Christi Domini de-  
clarat potentiam, quàm cum ægroti ac ærumnosi mortales  
alij, tum cæci oculisque capri sæpè deprehenderunt, sicuti  
passim narrant Euangelistæ. Quamobrem cum Dominus  
Ioannis Baptistæ discipulis loqueretur, sequè verum Mes-  
siam vellet ostendere, primùm illud inter miracula recen-  
suit: Cæci vident. Ac verè dixit Sidonius ab eodem Domi-  
no illuminatus: A seculo non est auditum, quia quis aperuit

oculos

Marc. 10.

Matth. 11.

20. &amp; 21.

Marc. 10.

Ioan. 9.

Matt. 11.

Ioan. 9.

Galat. 6

Rom. 4.

oculos cæci nati.] Nostrum est in Christi cruce & passione, velut in basi salutis humanæ gloriari, vt qui traditus est propter delicta nostra, & resurrexit propter iustificationem nostram, Apostolo teste. Sed & cum Barthimæo laborare debemus, vt Christi nobis gratiam applicemus, ac in primis vitiōrum animiq̃ue caliginem effugiamus. Qui enim spiritualiter cæci sunt, nec se ipsos, nec Deum rectè cognoscere, multoq̃ue minus Christo suo medico grati esse, ipsumq̃ue ducem sectari possunt, vt se Barthimæo conforment.

## EIVSDEM DOMINICAE

Euangelium Luc. xviii.

**A**SSUMPSIT JESVS duodecim, & ait illis: Ecce ascendimus Hierosolimam, & consummabuntur omnia quæ scripta sunt per Prophetas de Filio hominis. Tradetur enim Gentibus, & illudetur, & flagellabitur, & conspuetur: & postquàm flagellauerint occident eum, & tertia die resurget. Et ipsi nihil horum intellexerunt, & erat verbum istud absconditum ab eis, & non intelligebant quæ dicebantur. Factum est autem, cum appropinquaret Hiericho, cæcus quidam sedebat secus viam, mendi-

cans.



*cans. Et cum audiret turbam prater-  
euntem, interrogabat quid hoc esset. Dixerunt  
autem ei, quod Iesus Nazarenus transiret.  
Et clamavit, dicens: Jesu fili David miserere  
mei. Et qui praebant, increpabant eum ut ta-  
ceret. Ipse verò multo magis clamabat: Fili  
David miserere mei. Stans autem Iesus, iussit  
illum adduci ad se. Et cum appropinquasset,  
interrogavit illum dicens: Quid tibi vis fa-  
ciam? At ille dixit: Domine, ut videam.  
Et Iesus dicit ei: Respice, fides tua saluum te  
fecit. Et confestim vidit: & sequebatur illum,  
magnificans Deum. Et omnis plebs ut vidit,  
dedit laudem Deo.*



NOTAE MEDITATIONVM ET  
PRECATIONVM CIRCA IDEM  
EVANGELIVM.

*Ecce ascendimus Hierosolymam, & con-  
summabuntur omnia, quae scripta  
sunt per Prophetas.*



HRISTO Domino gratias imprimis agam, qui  
velut optimum Imperatorem ageret, milites suos  
ante congressum munit ac instruit, ut ab impen-  
dentibus malis atque periculis illi sint magis immunes.

Quare



Matth. 16.  
17. & 20.

Hebr. 12.

Rom. 5. & 4.

Psal. 68.

Psal. 37. &

34.

Isa. 43.

Matt. 27.

Luc. 23.

1. Cor. 6.

Quare non solum hoc loco, sed & alibi crebro memoriam tuæ passionis repetit, eamque; sicut modò discipulis, sic mihi etiam ac fidelibus alijs vult esse diligenter infixam. Ut hinc etiam sonet Apostolica tuba: *Recogitate cum qui talem sustinuit à peccatoribus adversum semetipsum contradictionem ut ne fatigemini animis vestris deficientes. Nondum enim usque, ad sanguinem restitistis, adversus peccatum repugnantes.* Quæ Dominicæ passionis ac mortis memoria tantò erit mihi commendatior, quantò certiùs constat, Christum, non suam sed meam omniumque; filiorum Adæ causam tot tantosque; cruciatus fuisse perpeßum. Cum enim adhuc peccatores essemus, ut Paulus affirmat, *Christus pro nobis mortuus est*, & sicut propter delicta nostra traditus, ita & resurrexit propter iustificationem nostram. Nihil ergo mirum si Optimus Maximusque mundi Redemptor cum ingratissimis fidelibus exposculet, quandoquidem tanti muneris in se collati memoriam excutiant, eique; pro bonis mala sapè graviterque; peccando rependant. Sic enim queritur: *Sustinui qui simul contristaretur, & non fuit: & qui consolaretur, & non inveni.* Ac iterum: *Qui retribuunt mala pro bonis, detrahebant mihi, quæ mihi debebant bonitatem.* Nec minùs ad me dictum illud Christi patientis referam: *Servire me fecistis in peccatis vestris, præbuißi mihi laborem in iniquitatibus vestris.* Quare maiorem in modum dolebo, sacratissimam Christi passionem, quæ sanctorum omnium immanes afflictiones multis modis excellit, mihi non magis esse cordi, cum per illam & aperta monumenta, & resuscitados mortuos, & scissas esse petras legamus, cumque spectatores illius ita commoti fuerint, ut percutientes pectora sua domum reverterentur.

Rursus verò me ac fideles alios non iniuria consolatur ac erigit, eundem Christum pro summa bonitate sua ultro venisse, suos ut labores ac dolores, suamque vitam & mortem nobis indignis impenderet ac donaret. Nam verè in nos dictum Pauli competit: *Empti estis pretio magno, pre-*

*tiſo nempè ſanguine Chriſti agni immaculati & incōſamnu-  
ti, ſicut Petrus affirmat. Vnde Chriſtus ipſe dicebat: Ego ſi  
exaltatus fuero à terra, ( vt in cruce quidem factum eſt ) om-  
nia traham ad me ipſum. Addit & illud animū credenti-  
bus quod Chriſtum hīc affirmantem audiam, Ecce aſcen-  
dimus Hieroſolymam. Non enim id ſolū ad Apoſtolos, ſed  
ad Chriſtianos etiam omnes dictum accipiam, vt ſciamus  
iter, quod Chriſtus per acerba paſſurus, ad metropolim Hi-  
eruſalem inſtituit, velut typum ac imaginem extiſſe illius  
peregrinationis, quæ cunctis ad benè beateque viuendum  
eſt neceſſaria: nimirū vt ſupernam Hieruſalem adituri,  
cum ſuo Principe crucē ferant. Non enim habemus hic ma-  
nentem ciuitatem: ſed futuram inquirimus: eam nempè quæ  
ſurſum eſt Hieruſalem & mater noſtra, ciuitas Dei viu-  
entis, & Hieruſalem cœleſtis, ſicut idem Paulus appellat. Nec  
enim ſatis Chriſto fuit vnā cum diſcipulis Hieroſolymam  
proſciſci, ſed vt vaticinia Prophetarum impleret, viam  
crucis aſperam & ſpinofam elegit, ſeq; in illa ducem & co-  
riphæum omnium ſtatuit credētium, qui ad cœleſtem pa-  
triam ſalutarē meditantur aſcenſum. Quid verò, ſi crucem  
refugiat caro? quemadmodū diſcipuli quoq; ſermonem  
Domini de cruce ignominioſè ferenda, vt inſuaūē & hor-  
ridum non modo nō capiebant, ſed & principiò improba-  
bant. Sic enim aiebant: Abſit à te Domine, non erit tibi hoc:  
Verbum enim crucis nondū illis ſapiebat. Mihi verò Chri-  
ſti nō modò verbum, ſed etiam exemplum erit ſatis, vt pa-  
tienter ac libenter capiti crucifixo adhæreſcam, & com-  
munem cum illo voluntatem affectumque ſentiam. Scio  
etenim quòd ipſe pronuntiārit: Ego ſum via, veritas & vi-  
ta. Si quis vult poſt me venire, abneget ſemetipſum, & tollas  
crucem ſuam, quotidie, & ſequatur me. Qui non baiulat  
crucem ſuam, & venit poſt me, non poteſt meus eſſe diſcipulus.  
Oportuit ſanè pati CHIRITVM, & ita intrare in glo-  
riam ſuam, exemplo nobis relicto pulcherrimo, vt ſicut  
Petrus admonet, præcedentis Domini & magiſtri veſti-*

1. Pet. 1.  
Ioan. 12.

Heb. 13.

Galat. 4.  
Heb. 12.

Matth. 16.

Ioan. 14.  
Luc. 9.  
& 14.

Luc. 24.

1. Pet. 2.

Heb. 12.

Luc. 23.

Luc. 16.

Iob. 21.

Prou. 14.

Matt. 20.

Rom. 8.

Iacob. 1.

Epist. 7. ad  
Olympiam.

gia sequere inur, qui proposito sibi gaudio, sustinuit crucem, si Paulo credimus, confusione contempta. Absit igitur, ut diuino resistam numini, cui sic visum est, sine cruce gloriam electis non impertiri, sed crucem post Dominum ferendam imponere, quam non grauatim sustineant, sicut Simon Cyrenensis non nisi coactus illam voluit sustinere. Sectentur alij mollia ac delicata, cum diuite epulone quotidie viuant splendide, & ducant in bonis dies suos, ut in puncto ad infernum descendant, & extrema gaudij luctus nunquam finiendus occupet. Ego magni faciam crucis Christi non solum professores ac veneratores, sed & amatores, quales in primis Apostoli ac Martyres extiterunt, eosque æmulandos mihi proponam, qui sub spinoso capite delicata esse membra noluerunt, sed omni potius patientia crucifixum Dominum in vita & morte honorarunt. Ingenti ac dura cruce grauatus ille patientiæ omnis exemplar, præcessit, viamque crucis insuetam suo sanguine sanctificatam, nobis longè planiorem reddidit, crucisque vexillum suis militibus palam erexit. Cur igitur molestè feram, mihi cum sanctissimis viris communem esse sortem, ut eundem cum Domino & eius assecclis calicem bibam, utque viam angustam simul & salutarem ingrediens, vitam beatissimam illam assequar, de qua Paulus pronuntiauit: *Existimo quod non sunt condigne passionibus huius temporis, ad futuram gloriam quæ reuelabitur in nobis. Si compatimur & conglorificabimur.* Atque ut maius in me propter Christum patiendi, immò & latius cum illo resurgendi desiderium excitetur, memorabilem illam Iacobi sententiam mecum animo sæpè reputabo: *Omne gaudium, inquit, existimate fratres mei, cum in tentationes varias incideritis: scientes quod probatio fidei vestre patientiam operatur.* Et præclare scripsit Chrysostomus: Nihil ita claros & bonos æmulatores bonis satiat infinitis, sicut turba tentationum & pericula, & dolores, & mœrores, & sustinere semper insidias malignorum, & eorum vel ma-

ximè, à quibus ista fieri non debeant, eaque omnia ferre mansuetè.

*Tradetur enim Gentibus, & illudetur, & conspuetur, & flagellabitur.*

QVID retribuam Domino pro omnibus quæ retribuit mihi? Is non contentus, cum Deus immortalis esset, carnem humanam suscipere, in ea quoque tenerrima mortem ut amarissimam, ita & probrosissimam ultro subire dignatus est. Horrenda sunt, & nullis explicari verbis possunt supplicia, quæ Agnus hic innocentissimus, ipseque Dei filius æternus pro meis & mundi peccatis tum à ludæis, tum à Gentibus in ipsius necem impiè conspirantibus, ex charitate sola suscepit, ac summa cum patientia pertulit. Neque enim sat illi fuit corpus totum à planta pedis ad verticem usque capitis dirè vulneratum, prorsusque liuidum sustinere, nisi angores etiam & angustias cum summo moerore & sanguineo sudore coniunctas persentisceret. Hinc per Prophetam suo iure nobis acclamat, & velut ad compatiendum excitans: *O vos omnes, ait, qui transitis per viam, attendite & videte, si est dolor sicut dolor meus.* Et per alium Prophetam cuique mundatur: *Respice in faciem Christi tui.* Tum Apostolus, qui Christi Domini stigmata in suo portavit corpore, iubet omnes adspicere in authorem fidei & consummatorem IESUM, qui crucem sustinuit. Quare mihi succensebo, quod nescio quibus nugis, ineptijs ac retribus implicatus, in faciem Christi pro me traditi, illusi, consputi, flagellati & crucifixi non crebrius respiciam, quodque tantorum cruciatuum causas non desleam, non fugiam ac detester penitus, ipsa nimirum peccata, propter quæ summus factus est infimus, ac tot labores, tantosque dolores exhaustit, ab amicis desertus, & ab hostibus afflictus, immò factus opprobrium hominum & abiecto plebis. *Ipse vulneratus est propter iniquitates nostras, & attritus propter peccata nostra, qui peccata nostra ipse*

Psal. 115.

Thren. 1.  
Psal. 82.

Galat. 6.  
Heb. 12.

Psal. 21.  
Isai. 53.  
1. Pet. 2.

Luc. 12.  
Ioan. 12.  
Matt. 16 17.  
20. & 26.  
Marc 10.  
Luc. 22.

Ecclef. 19.

Cantic. 1.

Gal. 2.  
Phil. 2.

Sapient. 2.

Heb. 12.

*perulit in corpore suo.* An vllum est mysterium, quod pijs-  
simus Dominus inde à pueritia sapius in memoriam reuo-  
cauit, & maiore cum tristitia sapè perpendit? vt hinc etiam  
diceret: *Baptismo habeo baptizari: & quomodo coarctor vsq;*  
*dum perficiatur?* Ac rurſus: *Nunc anima mea turbata est, &*  
*quid dicam?* *Pater saluifica me ex hac hora.* Quod quæſo ar-  
canum Prophetiſis literis luculentiùs explanatur, & ipſo  
veritatis ore clariùs repetitur, nobisq; in ſacra Euchari-  
ſtia commemorandum expreſſius commendatur? nimi-  
rùm vt rei tantæ (nihil enim morte & ſanguine Domini ſa-  
cratiùs) grata memoria cunctorum animis penitus infix-  
a maneat. Huc igitur & illud præceptum ſpectare ducam:  
*Gratiam fideiſſoris nè obliuiſcaris: dedit enim pro te animam*  
*ſuam.* Qua de re alibi pluribus, ſub finem ſcilicet Quadrage-  
ſimæ diſceremus.

CVR ergò mihi non ſuccenſeo, quo hoc ſummum &  
leſtiſſimum opus redemptionis & ſalutis humanę non tanti  
facio, vt illud meam memoriam, intelligentiam & volun-  
tatem nocte ac die occupet, meamq; mentem penitus vul-  
neret? An non æquitati eſt conſentaneum, vt cum CHRIS-  
TI ſponſa profitear, *Faſciculus myrrhæ dilectus meus mihi:*  
*inter ubera mea commorabitur?* Immẽſum hoc eſt benefi-  
cium & incomparabile ſacrificium, quo Chriſtianum pectus  
ad illud redamandum potenter impellitur, qui ſe nobis  
totum viuens, moriens ac reſurgens impendit. Nam *dilexit*  
*me & tradidit ſemetiipſum pro me, factus obediens ad mortem,*  
*mortem autem crucis,* qua nihil ignominioſius erat atque a-  
trocioſius, vt idcirco ſceleſtiſſimi hoſtes dixerint: *Morte tur-*  
*piſſima condemnemus eum.* Et verò in rebus aduerſis omni-  
que tentatione cur me non conſolor ac fulcio illius abun-  
danti virtute, qui factus eſt non modò Mediator ac redem-  
ptor mundi, ſed & militiæ noſtræ dux, & author victoriæ  
contra peccatum, mortem, Satanam & infernum obri-  
nendæ, futurus etiam noſtræ patiēticiæ, ſi volumus, liberaliſ-  
ſimus remunerator? O coringat, durum ac ferreum,

quod

quod non comminuat passionibus sui Redemptoris, sicut Petrus Apostolus loquitur. Fœlicem autem illum dixerim qui Paulum Apostolum sequens, morificationem IESU semper in suo circumfert corpore, in quo vita IESU manifestatur, quique ex animo testari gaudet, *Mihi absit gloria nisi in cruce Domini nostri Iesu Christi, per quem mundus mihi crucifixus est, & ego mundo.*

*Iesu Fili David miserere mei. Domine ut videam.*

COECVS hic & mendicus Barthimæus, vt eum à Marco appellari diximus, licet carnis oculis destituatur, mente tamen clarissimè Christum videt, quin mihi quoque videnti & precandi veram rationem ostendit. Suo enim docet exemplo, præpotentem medicum CHRISTVM, immorbus quamlibet incurabilibus desideranter quærere, & gratiam illius vel inuitis alijs, totoq; mundo obstrepente, ardentè atq; constanter implorare. Solus enim CHRISTVS existit, qui obcæcatis visum restituit, omnemq; errorum ac vitiorum depellit caliginem, vt clarè videant ac sapiant, sed & illuminati alacriter læteq; per viam regiam ambulent, quia cognitum Redemptorem perfectè sequuntur, illiq; se totos deuouent ac impendunt. Igitur me Barthimæus euidenter admonet, gratiam à CHRISTO petere ad cordis cæcitatem, quæ mihi congenita est, & sæpè intellectum obscurat, agnoscendam ac deplorandam, indiesque magis ac magis superandam. Dici enim non potest, quàm sit homini difficile se ipsum, multoq; magis DEVM ac diuina cognoscere, & cognoscendo ad veram sapientiam in hisce vitæ tenebris peruenire. *Præuim enim est cor hominis & in scrutabile: quis cognosceret illud?* vt sanctus Prophetæ testatur. Sunt profectò humani cordis tot recessus & latebræ, vt profundis densisque tenebris nunquàm non maneat inuolutum, & ea quæ scitu maximè sunt necessaria, agrè, tardè, ac imperfectè assequatur, & acceptam à

1. Petr. 4.

Galat. 6.

2. Cor. 4.

Galat. 6.

Marc. 10.

Jerem. 17.



Psal. 33.

Psal. 118.

Psal. 66.

2. Reg. 22.

Psal. 118.

&amp; 42.

1. Cor. 14.

Matth. 15.

Iob. 24.

Isai. 5.

Ephes. 5.

Ioan. 17.

De lucem frequenter amittat. Igitur quanto magis ego veræ cognitionis ac sapientiæ luce indigeo, tanto sæpius ad veræ æternæq; lucis autorem ac fontem confugiam, memor illius præcepti: *Accedite ad eum & illuminamini, & facies vestra non confundentur*: tantoque fortiùs cum Barthimæo in clamabo: *Domine ut videam*. Eòdem spectant ardētia vota Prophetæ, qui diuino licet lumine maximè collustratus esset, vt super senes intelligeret; tamen spiritualis huius lucis desiderio flagranti tenebatur, quo cum ex animo dicā & ego: *Deus misereatur nostri & benedicat nobis, illuminet vultum suum super nos, & misereatur nostri, vt cognoscamus in terra viam tuam. Tu lucerna mea Domine, & tu Domine illuminabis tenebras meas. Da mihi intellectum, & scrutabor legem tuam. Emitte lucem tuam & veritatem tuam ipsa me deduxerunt & adduxerunt in montem sanctum tuum*. Sed & libenter & crebro cum Augustino dicam: Nouerim te, nouerim me Domine. Illud verò curabo maximè, vt in meis tenebris, sine quibus non viuitur, volens non haream, neque occasionem vllam præbeam reprehensibili ignorantia, de qua dixit Apostolus: *Ignorans ignorabitur*. Sunt enim plurimi, qui suis etiam tenebris delectantur, easque contra benè monentes obstinatè defendunt, non sanè dissimiles impijs Pharisæis, de quibus aiebat Christus: *Sinite illos, cæci sunt & duces cæcorum*. Eosdem perstringit illa sententia: *Ipsi fuerunt rebelles lumini, nescierunt vias eius, nec reuersi sunt per semitas eius*. Ac ne pessimum hoc cæcitatæ genus leuiter æstimetur, Isaias grauiter sic interminatur: *Va qui dicitis malum bonum, & bonum malum: ponentes tenebras lucem, & lucem tenebras*. Eòque studiosius obseruabo, nullam vt partem habeam cum filiis tenebrarum, sed vt cum sapientibus cautè ambulem, ac in omnibus Dei voluntatem intelligam, aut certè quidem intelligere cupiam, sicut Apostolus à filiis lucis exigit. Immo & Christus ipse præcepit: *Ambulate dum lucem habetis, vt non vos tenebra comprehendant*. Oprabo igitur mihi

&amp; alij

& alijs cordis oculos dari illuminatos ad cognitionē semper augendam in his, quæ ad spem, progressum finemque vocationis nostræ spectant, vt insuper sciamus, quæ sit supereminens magnitudo diuinæ virtutis, ac cœlestis hæreditatis, sicut & Paulus indicauit.

Ephes. 1.

## DE PRECIBVS CVM HOC EVANGELIO CONIUNGENDIS.

**P**RECANDVS est mihi DEVS, vt passio Dominica (nobilissimus Ecclesia thesaurus) suum in me fructum ferat, vt quæ tantum Christi meritum in peccatoribus ad penitentiam & salutem sit efficax. Nec enim frustra de Christo scripsit Apostolus: Cum esset Filius Dei, dedit ex his quæ passus est obedientiam, & conseruatus factus est omnibus obtemperantibus sibi causa salutis æternæ. Alioquin de Christi cruce & morte frustra sibi blandiuntur, qui fide destituti, vel illa sola contenti, meritum & sanguinem Christi sibi applicare, ac Sacramentis vti cum possunt, incurij socordes ac ingrati negligunt, atq; ita volentes in suis tenebris perseuerant.

Heb. 5.

**R**VRVS orabo pro impatientibus, vindictæ cupidis, pusillanimis, timidis ac delicatis, qui non Christi, sed sui amantes, rebus duntaxat letis ac prosperis delectantur, tristibus verò & aduersis offenduntur, omnemq; molestiam, afflictionem & iniuriam defugiunt, crucem electis omnibus propositam exhorrentes. Talem enim Christum vulgus hominum sibi consingit, qui sine cruce, sine certamine, sine victoria suos coronat milites, neq; tam præceptis, quàm promissis fideles urgeat. Sed longè aliter Apostoli de Christo tradiderunt, quorum princeps Petrus disertè docuit: Christus passus est pro nobis vobis relinquens exemplum, vt sequamini vestigia eius. Tam à Paulo affirmatur: Si iustinet imus, & conregnabimus.

1. Pet. 2.

2. Tim. 2.

**P**ECVLIARITER verà mihi Dominus est innocandus pro insanis mundi amatoribus, qui nullo anni tempore magis

quam his diebus voluptati, gula, vinolentia, luxui ac libidini seruiunt, & propemodum sibi putant licere quod libet in suis festis, quæ vocant, Bacchanalibus, quando velut ethnici bacchantes, immò & tanquam brutæ suæ in omni voluptatum ac libidinum cæno sine pudore volutantur, nihilq; nisi sola vident præsentia. Verùm hoc est legem diuinam, quæ nulli potestatem peccandi concedit, turpiter violare, nec minùs pugnare cum sacro instituto matris Ecclesiæ, quæ nobis non temerè vexillum crucis nunc erigit atq; commendat, & præterea illum proponit cæcum imitandum, qui à Christo Domino illuminatus, suam fidem & gratitudinem publicè declarauit. Pudendum sanè istorum est studium, qui non solum Dominica passionis, sed & honestatis omnis obliti, tantum non insaniunt, nomenq; Christianum etiam impijs probrosum efficiunt, dum dies ac noctes in illis carnis operibus, quæ Paulus damnauit, & ad Satana regnum retulit, securè peccando consumunt. Quocirca pro eiusmodi cæcis & stultis mundi filijs, quorum infinitus est numerus, diuinam implorabo misericordiam, quæ mentem illis meliorem impertiat. Deinde Pauli Apostoli & Ieremie Propheta sequar exemplum in istis ter miserris deplorandis, qui vt Baccho, ventri ac Veneri satisfaciunt, Christum ipsum rursus crucifigere, & Ecclesiam publico ludibrio afficere, magnamq; iusti Dei iram nobis & Republica concitare non verentur: quos & pij omnes nò solum precibus & lachrymis, sed etiam alijs penitentia operibus & armis merisò prosequantur. In hos filios Belial utiq; clamare conuenit: Filij hominum vsquequò graui corde? vt quid diligitis vanitatem, & queritis mendacium? Nolite errare: Deus non irridetur. Quæ seminauerit homo, hæc & metet. Qui seminat in carne sua: de carne & metet corruptionem.

Qui in carne sunt, Deo placere non possunt. Si secundum carnem vixeritis: moriemini. Si autem Spiritu facta carnis mortificaueritis, viuētis.

Gal. 5.  
Rom. 13.

Phil. 3.  
Turen. 1.

Psal. 4.  
Gal. 6.

Rom. 8.



# FERIA QVARTA

## CINERVM, SIVE IN CA- PITE IEI VNII.

*Propheta Ioëlis lectio, capite secundo.*

**N**ÆC dicit Dominus: Conuertimini ad me in toto corde vestro, in ieiunio, & fletu, & planctu: & scindite corda vestra, & non vestimenta vestra. Et conuertimini ad Dominum Deum vestrum, quia benignus, & misericors est: patiens & multæ misericordiæ & præstabilis super malitia. Quis scit, si conuertatur & ignoscat Deus: & relinquat post se benedictionem, sacrificium & libamen Domino Deo nostro? Canite tuba in Sion: sanctificate ieiunium: vocate cœtum: congregate populum: sanctificate Ecclesiam: coadunate senes: congregate paruulos & sugentes vbera. Egre diatur sponsus de cubili suo; & sponsa de thalamo suo. Inter vestibulum, & altare plorabunt sacerdotes ministri Domini, & dicent: Parce Domine, parce populo tuo: & ne des hæ-

reditatem tuam in opprobrium, vt dominantur eis nationes. Quare dicunt in populis: Vbi est Deus eorum? Zelatus est Dominus terram suam: & pēpercit populo suo. Et respondit Dominus, & dixit populo suo. Ecce ego mittam vobis frumentum, & vinum, & oleum: & replebimini eis: & non dabo vos vltiā opprobrium in gentibus: dicit Dominus omnipotens.



*SEQUENTIS EVANGELII  
ET PRÆCEDENTIS LECTIO-  
nis argumentum.*

In Psal. 37.

Matt. 6.

Luc. 1.

CHRISTUS in Euangelio præcipuè docet, vt fideles ieiunio & bonis operibus dent operam, non more arrogantium Phariseorum & hypocritarum, qui laudem & applausum hominum in suis beneficiis venantur & aucupantur, sed qui Deum sincere spectent suarum actionum vnicum scopum, & fidelem bonorum operum ex fide & charitate manantium remuneratorem. Nihil enim prodest agere, inquit Ambrosius, nisi ita agatur vt oportet, animo scilicet ab ostentatione, iactantia & hypocritali alieno iuxta illud: Nesciat sinistra tua quid faciat dextera tua. Et si autem Christianis toto anni tempore à bonis operibus cessandum non est, quoniam in iustitia & sanctitate summo Deo seruire debent omnes omnibus diebus vitæ suæ, tamen vetus ille & constans Ecclesiæ mos est retinendus, vt quibusdam pietatis actionibus & officijs peculiaria tempora deputentur. & quemadmodum feriarum, sic & ieiuniorum vsus præscriptis quibusdam diebus communiter obseruetur. Est enim

ordinis



ordinis apud populum tanta vis, tanta vtilitas atq; necessitas, ut videat Apostolus in domo Dei viui, quæ est Ecclesia, cuncta honeste & secundum ordinem peragi, ac fideles velut ones, obedire pastoribus, omnemque animam suis magistratibus, eorumque legibus manere iubeat, id quæ non solum propter iram & timorem, sed etiam propter conscientiam. Certe illustis Propheta Ioël, ut in lectione superiore cernimus, totum populum, ac omnes eius ordines seria oratione hortatur & conuocat ad communem ieiunationem, nec minus alia tum interioris, tum exterioris pœnitentiæ officia & exercitia, sicut verum pœnitentiæ Doctorem decet, exigit. Adiungit prædicationi suæ promissionem gratiæ, quâ videmus in conuersis, ieiunantibus & obediens Iisacharitis efficacem fuisse, quoniam sicut prius iram & flagella Dei senserant, ita nunc abundantem Dei benedictionem & prosperitatem experiuntur. Vbi præterea confutatur grauis illorum error, qui necessariam homini pœnitentiam sola vitæ mutatione metiuntur, etiam si dolor & lachrimæ non accedant. Deus enim per Prophetam hoc loco requirit non modò vitæ mutationem & internam animi conuersionem, sed præterea fletum, planctum atque ieiunium, hoc est, dignos pœnitentiæ fructus, sicut Ioannes appellat ac postulat: Tum Apostolo teste, ea quæ secundum Deum est tristitia, pœnitentiam in salutem stabilem operatur. Mirum verò, tot hodie disputatores contra ieiunium insurrexisse, & paucos eius præcones, pauciores verò custodes atque obseruatores repetiri. Cur verò Christianis ieiunium indicere, & indictum seruare non liceat ac deceat, quando sacra Scriptura testatur, Saul & Iosaphat, id est, Iudaicos Magistratus, sicut & Niniuitarum Regem illud cum laude & fructu publicè instituisse atque celebrasse? Nec vltimum fuit seculum Ecclesiæ, quo præceptum ieiunij quadragesimalis inde à temporibus Apostolorum in Oriente & Occidente non recipere tur atque obseruaretur. Quæ de re plura paulò post subiiciemus.

1. Cor. 14.

Heb. 13.

Rom. 13.

Ioël 2.

Luc. 3.

2. Cor. 7.

1. Reg. 13.

2. Paral. 29.

1. Esdr. 8.

Hester. 4.



## EVANGELIUM EIVSDEM

Diei Matth. VI.

**I**n illo tempore dixit Iesus Discipulis suis, Cum ieiunatis nolite fieri sicut hypocrita tristes: exterminant enim facies suas, ut appareant hominibus ieiunantes. Amen dico vobis, quia receperunt mercedem suam. Tu autem cum ieiunas, unge caput tuum, & faciem tuam laua: ne videaris hominibus ieiunans: sed Patri tuo qui est in abscondito: Et Pater tuus qui videt in abscondito, reddet tibi. Nolite thesaurizare vobis thesauros in terra, ubi aerugo & tinea demolitur, & ubi fures effodiunt & furantur. Thesaurizate autem vobis thesauros in caelo: ubi neque aerugo neque tinea demolitur, & ubi fures non effodiunt, nec furantur. Vbi enim est thesaurus tuus, ibi est & cor tuum.

NOTÆ MEDITATIONVM ET  
PRECATIONVM CIRCA IDEM  
EVANGELIUM.

Cum

*Cum ieiunatis, nolite fieri sicut hypocritæ tristes.*



ALDE mihi metuam & cauebo à teterri-  
mine, quod hypocrisis dicitur, & in sanctos etiam  
cadit, bonaque illorum dissipat omnia, vt iure à  
Christo reprehendantur. *Attendite, inquit, à fermento*  
*Phariseorum, quod est hypocrisis.* Est enim hoc subtile ma-  
lum, secretum virus, venenum latens, virtutum fucus, ac  
tinea sanctitatis, vt Chrysologi verbis vtamur. *Spes hypo-*  
*critæ peribit, gaudium hypocritæ ad instar puncti. Non venit*  
*in conspectum Dei omnis hypocrita,* sicut Scriptura testatur.  
Frustrà prorsus cum elatis Phariseis laborat, quisquis ieiu-  
nium, orationem & eleemosynam hypocrisi contaminat,  
& hominum applausum, quo nihil vanius, magis quàm  
Dei gloriam, cui omnia seruire debent, aucupatur. Habe-  
ant Iudæi & hæretici alijsque humanæ gloriæ affectui dedi-  
ti, habeant inquam sua ieiunia simulata, tetrica, supersti-  
tiosa, quæ odio, liuore & contentione persæpè polluantur,  
omnisque meriti & cœlestis præmij sunt expertia. Nos Ca-  
tholici, vt à viris Apostolicis edocti sumus, hoc die ordinur  
sacrum & solenne ieiunium, & quod, nisi re bona perperam  
abuti velimus, animabus corporibusque nostris curandis  
institutum, ac publicæ poenitentiae non sine ratione ma-  
xima destinatum est. Quod quidem mentis corporis-  
que sacrificium sic institui, æternoque DEO offerri do-  
cet CHRISTVS, vt spiritualem quandam alacritatem &  
lætitiâ præ nobis feramus, velut diem festum agentes,  
vtque simul letas & puras conscientias cum castis & sin-  
ceris ieiunijs coniungamus. Etsi verò de vno speciali ab-  
usu, qui per vanam gloriam & hypocrisin à ieiunantibus  
committitur, hoc loco disseratur, tamen operæpretium  
fuerit plures etiam abusus, qui sacri ieiunij fructum ex-  
tinguunt vel imminuunt, hic breuiter in memoriam re-  
uocare.

Luc. 12.

Serm. 7.

Iob 8. 13.

&amp; 20.

Matt. 6.

Matth. 6.  
Matt. 5.

2. Cor. 6.

Ioan. 3.  
Matth. 12.  
Actor. 13.

Psal. 93.

Matth. 6.

ABVSVS est, idcirco quempiam à ieiunio abstinere, vt longè ab hypocrisi absit, neque pro Pharisa habetur. Nam CHRISTVS qui vetuit, nè iustitiam nostram faciamus coràm hominibus, idem quoque disertè præcepit: *Sic luceat lux vestra coram hominibus: vt videant opera vestra bona & glorificent Patrem vestrum qui in caelis est.* Est enim aliud bona opera facere, vi humanam gloriam aucuperis, aliud verò, vt bonorum omnium authorem Deum glorifices, quemadmodum in veteri nouo testamento pij factitauerunt. Quocirca docet Apostolus, vt cum alijs in rebus, tum etiam in ieiunijs nos DEI ministros exhibeamus, ac neminem offendamus. Abusus est, neque ieiunij spiritualis quo à peccatis abstinetur, neque corporalis, quo caro castigatur, rationem certam habere, cum vtrumque tamen suo in scripturis fundamento nitatur, nec solum in Niniuitis, sed etiam in Apostolis iure commendatur. Abusus est, ieiunij ab Ecclesia indicti difficultatem & impossibilitatem excusare, vel sicut Scriptura loquitur, laborem in præcepto fingere. Adcò enim delicatum, & ab Ecclesiastici ieiunij lege alienum hoc seculum cernimus, vt ex plurimis vix paucos, qui quod optimis maioribus nostris facile visum est, se sustinere posse confidunt, pauciores verò, qui debitam hinc obedientiam præsent, ac matrem Ecclesiam audire dignentur. Abusus est cum graui etiam errore fideique defectu coniunctus, quòd complures ieiunio nullum pretium ac meritum vel præmium cœleste largiuntur, ac veluti rem ad iaphoram faciunt. Atqui CHRISTVS hos ipsos non obscure verberat, cum docet, rectè ieiunantes à summo DEO respici, illisque suam in cœlis constare mercedem, & certam pendi retributionem. *Pater tuus*, inquit, *qui videt in abscondito, reddet tibi.* Vbi tota quidem Christi oratio satis ostendit, ad Christianam pertinere iustitiam, vt omni simulatione remota, non sola fide nitamur, sed etiam ex ieiunio, precatione & eleemosyna fructum meritumque solidum colligamus,

vel sicut

vel sicut ipse loquitur, thesauros nobis in coelis thesaurizemus. Abusus est, ieiuniorum vim ac vtilitatem adeò imbecillum ac languidâ facere, velut illorum præsidij parùm indigeamus, vt ea quæ ad iram DEI placandam, & veniam gratiamque homini impetrandam sint inefficacia. Atqui tanta ieiuniorum piè institutorum vis est, vt illis velut apertissimis armis, sanctissimi etiam homines sicut Moyses, Elias & Ioannes, sese communiant, & Christus ipse iisdem instructus, de pessimis demonibus dicat: *Hoc genus demoniorum non ejcitur, nisi per orationem & ieiunium.* Abusus est, quosdam deliciosos potius quàm religiosos esse Quadragesimæ obseruatores, exquirêtes nouas suauitates magis, quàm veteres concupiscentias castigantes. Ieiunant enim non vt solitam temperando minuant edacitatem, sed vt immoderatâ differendo augeant auaritatem. Quid autem absurdius, quàm tempore quo caro arctius est castiganda, tantam suauitatem carni procurare, nec obseruare illud quod scriptum est: *Post concupiscentias tuas non es, & à voluntate tua auertere.* Quod iacoberrimum præceptum si omni tempore obseruandum est, quantò amplius his diebus, vt omittam reliqua, quæ de sui temporis corruptelis conquerens profert Augustinus. Abusus est denique ieiunium Ecclesiasticum tantum cibi abstinentia, vel sobrio victu metiri, & inter temperantiâ & ieiunium discrimen tollere, nec reliqua obseruare, quæ Ioël & Ecclesia cum ieiunio volunt esse coniuncta, nimirum corporis castigationem, animi submissionem, veramque erga offensum DEVM conuersionem ac pœnitentiam, potissimum autem vt sicut corpus à cibis, ita mens ab iniquitate ieiunet.

QVId multis? graues errores ac pudendi abusus, velut pessima zizania Dominico agro per Saranam inspersa, pullularunt, & sanctum Christianumque ieiunium perinde ac electum triticum propemodum suffocârunt, nullum vt præceptum Ecclesiæ odiosius, & ad præstandum

difficilius

Exod. 24.  
3. Reg. 19.  
Matt. 11.

Matt. 17.

Eccle. 18.

Serm. 157.

Ioël. 2.

Vide Cano-  
nes Apost.  
synodum  
Gangren. &  
Toletan. 8.  
Lib. de hæ-  
resibus.

2. Theff. 2.

1. Cor. 8.

2. Machab.  
6. & 7.

Isai. 22.

difficilius plerisque videatur. O tempora, ó mores; quod  
priscis fuit antidotum & cœleste quasi medicamentum,  
dum ieiunio, abstinentiæ, continentixque vacarent, id  
nobis adeò desipit ac euilescit, ut vix tenuem eius umbram  
& imaginem ferre posse videamur. Extant non pauci Ca-  
nones Ecclesiæ, qui anathema dicant omnibus indicta &  
solennia ieiunia spernentibus atque violantibus. Et Aëri-  
ani quidem ab Augustino & Damasceno hæreticis aggre-  
gantur, quòd statuta Ecclesiæ ieiunia improbarent, &  
Quadragesimæ ieiunium abrogarent, simulque ciborum  
delectum nullum permetterent Christianis. Dolebo igitur,  
hîc veteris Ecclesiæ autoritatē & Apostolicas insuper  
traditiones, quas Paulus observari præcipit, tam indignè  
negligi atque conuelli. Quotus quisque obsecro, in ani-  
mum inducit suum, ut cum eodem Paulo dicat: *Si esca  
scandalizat fratrem meum, non manducabo carnem in ater-  
num, ne fratrem meum scandalizem?* Perijt illa senis Eleaza-  
ri & Machabæorum constantia, qui ne contra patriam re-  
ligionem quid committerent, atrociam perferre supplicia, &  
suum profundere sanguinem, quàm prohibitas gustare  
carnes maluerunt. Absit autem procul, ut siue Sathanæ,  
siue satellitibus eius, ac alijs quibuscunque Catholicæ pie-  
tatis hostibus tantum concedat Orthodoxus, quantum  
noui sectarij temerè sibi postulant, & passim vsurpant in  
tollendo ciborum delectu, omni que ieiunandi lege dissol-  
uenda, nulla interim ratione habita vel scandali, vel obe-  
dientiæ, vel consuetudinis, vel ordinis, vel pœnitentiæ  
tot seculis vsitata. Absit inquam adeò Catholicos delira-  
re, ut Evangelicam libertatem, sicut isti faciunt, in carna-  
lem planè licentiam conuertant, ac vulgo malè sano, sem-  
perque ad deteriora propenso, sanctæ pœnitentiæ & mul-  
tis necessariæ abstinentiæ laxent habenas, ventri potiùs  
quàm DEO & spiritui seruientes. Ita enim dictum illud  
Propheticum impleretur, quod in plurimis iam impleri  
cœptum est: *Vocabit Dominus Deus exercituum in die illa*

*ad fletum*

*ad fletum & ad plañctum, ad caluitium, & ad cingulum sacci. Et ecce gaudium & letitia occidere vitulos, & iugulare arietes, comedere carnes & bibere vinum. Comedamus & bibamus, eras ei im moriemur. Quæ postrema verba in persona Epicuræorum dicta repetit & Paulus, sed hoc statim adiungens: Nolite seduci. Corruptunt mores bonos colloquia mala. Euigilate iusti (hoc est, à peccato expergiscimini ut iusti sitis) & nolite peccare: ignorantiam enim Dei quidam habent.*

*Tu autem cùm ieiunas, unge caput tuum.*

MAGNI faciam & lubenter amplectar ieiunium, de quo Christus ipse de iustitia Christiana differens, non minus quàm de elemosyna & oratione fideles admonendos duxit, quod præterea suis discipulis, ablato semel sponso, familiare fore prædixit, cuius insuper exemplum in suis Prophetis ac Apostolis, immò & in se ipso luculentum proposuit & expressit. Quam virtutem non hypocriticè, sed sincero corde institutam tanti fecit, ut eam summo Deo gratam esse, & certa in cœlis mercede pensari, sicut diximus, diserte pronuntiarit. Certè quemadmodum nulla est arx munitissima, quæ per sitim & famem oppressa non capiatur: sic nullum est vitium, quod ieiunio & abstinentia non frenetur atque comprimatur. Chrysostomus apertè pronuntiat: Oportet nos esse in ieiunio, nec est propterea corpori incorruptio, sed medicina & cura. Nam qui ieiunant, à fluxibus corporis liberantur, & qui se præparant (ieiunio,) superfluitatem carnum liquefaciunt, & animam deficientem nutriunt.] Ac iterum: Ieiunium, inquit, Angelorum imitatio est pro nostra virili, contemptus præsentium, schola precum, alimonia animi, frenum oris, & mitigat concupiscentias.] Nec dubitat Leo Magnus dicere: Quid potest efficacius esse ieiunio, cuius obseruantia appropinquamus Deo, & resistentes diabolo, vitia blanda superamus? Semper virtutis cibus ieiunium fuit: de ab-

1. Cor. 15.

Matt. 6. & 9.

Exod. 24. & 18.

3. Reg. 19. Matt. 4. & 6.

Serm. 1. de ieiunio.

Serm. 2. de ieiunio decimi mensis.



stinentia prodeunt cœlestes cogitationes, rationabiles voluntates, salubriora consilia, & per voluntarias afflictiones caro concupiscentijs moritur, virtutibus spiritus innouatur.]

QVOCIRCA mihi valdè curandum est, vt non modò secundum corpus, sed & spiritualiter ac religiosè, ieiunem, verumque ieiunij fructum ac meritum assequar. Frustra enim ieiuno, nisi caput vngam, id est, Deum in primis colam, & faciem siue conscientiam meam ab animi sordibus, quibus DEI aspectus offenditur, lauem ac vindicem. Siquidem & diuinum præceptum extat: *Lauamini, mundi estote, auferite malum cogitationum vestrarum ab oculis meis.* Nec est dissimile dictum Ieremiæ: *Laua à malitia cor tuum Hierusalem, vt salua sis: vsq; quò morabuntur in te cogitationes noxiæ?* Ac Iudæi quidem more suo purgabant vnguementis corpora: vnde socrus ad Ruth ita loquebatur: lauare, & vngere & induere cultioribus vestibus. Ego verò, vnà cum Magdalenavngam caput, & lauabo faciem, vt peccata mea iam antè commissà, non solum fide & dilectione, sed etiam dolore, lachrymis & poenitentia diluam, easque præcipuè labe ac sordes detergā, quæ castum, & sanctum ieiunium vitare consueverunt, vt pote ambitionem, fastum, hypocrisin, iactantiam. His pestibus opponam gloriæ humanæ contemptum, mei desipientiam, humilitatem, simplicitatem & charitatem, quæ non inflatur, non est ambitiosa, nec querit quæ sua sunt Apostolo teste. Quare non laudes hominum quæram, sed internum decorem amabo, sciens ad electorum Ecclesiam illud pertinere: *Omnia gloria filia Regis ab intus.* Vt hinc cum Paulo dicere debeam: *Mihi pro minimo est, vt à vobis iudicer, aut ab humano die. Gloria nostra hæc est testimonium conscientie nostræ. Si hominibus placerem, Christi seruus non essem.* Ieiunans in primis cauebo, ne dictum illud Propheticum in me competat: *Ecce in die ieiunij vestri inuenitur voluntas vestra.* Et spirituale ieiunium cum corporali semper coniungam, vt

animus

Isaï. 1.

Ierem. 4.

Ruth. 3.

Luc. 7.

1. Cor. 13.

Psal. 44.

1. Cor. 4.

2. Cor. 1.

Galat. 1.

Isaï. 58.

animus non minus à vitijs refrenetur, quàm corpus ab ei-  
cis se abstinere. Sic enim Ioannes Baptista cum discipulis:  
sic Paulus & Apostoli semper probi, semper sobrij ieiunâ-  
runt, peculiarem etiam sibi abstinentiam indicentes atq;  
seruantes. Nec ignoti sunt pueri Babylonici, qui legumi-  
nibus contenti, non modò cibos mensæ regalis oblatos re-  
pudiârunt, sed etiam in abstinentiæ & ieiunij schola præ-  
clare versati sunt. Tum inter sanctas matronas Hester & lu-  
dith numerantur, quæ suam à ieiunio laudem obtinent  
singularem, sicut & illa Euangelica vidua simulque Pro-  
phetissa, quæ non discedebat de templo, ieiunijs & oratio-  
nibus nocte ac die seruans Deo.

Matth. 9.

Dan. 1.

Hester. 4.

Iudith. 9.

&amp; 13.

Luc. 2.

*Thesaurizate vobis thesauros in cælo.*

Hic scopus, hæc ratio est Quadragesimæ sanctæ no-  
bis in eundem, ut quod hætenus in agro cordis repurgando,  
& veris animi opibus cumulandis neglectum est, id nouo  
strictioris & crebrioris abstinentiæ, continentiæ, pœniten-  
tiæ studio, ac bonorum operum vberioribus fructibus re-  
sarcitur. Atque hoc est nouum in cælo thesaurum nobis  
recondere, vel sicut Ioël inquit, ieiunium sanctificare:  
id quod sine aliarum virtutum, præsertim humilitatis, pœ-  
nitentiæ, orationis & charitatis studio & exercitatione, fie-  
ri neutiquam potest. Ac suam sanè mentem quomodo nos  
ieiunare velit Ecclesia, non obscurè prodit, cum ita decan-  
tari iubet publicè: Immutemur habitu, in cilicio & cine-  
re: ieiunemus & ploremus ante Dominum. Emendemus  
in melius quæ ignoranter peccauimus. Nec est otiosa  
cœremonia, quæ ab eadem Ecclesia nobis hodie per ci-  
neres exhibetur, verbis illis grauissimis per sacerdotem v-  
nicuique prolatis & commendatis: *Memento homo, quia*  
*puluis es, & in puluerem reuerteris.* Nam inter alia, quæ  
nos Ecclesia: filios ad Dei timorē & vitæ correctionem, ve-  
rumq; ieiunij & pœnitentiæ studium meritò excitent, per-  
multum valet humanæ miseriz & mortalis conditionis

Matth. 6.

Ioël. 2.

Genes. 3.

Matt. 11.

Ion. 3.

nostræ memoria, præsertim si seria sit & frequens: quando illa vel sola impellit hominem, vt peccatorū suorum conscius, coram Deo & Ecclesia sese humiliet, nullamque defugiat pœnitentiam, ac maximè communis ieiunij disciplinam. Veterum sanè mos erat, sicut Christus in Evangelio significat, in cilicio & cinere lugere, ieiunijs vacare, ac pœnitentiam publicè agere, quemadmodum Niniuitas egisse constat.

Vbi meipsum iudicabo ac reprehendam, quòd iustitiæ diuinæ inimicor, peccata mea tum scienter tum ignoranter patrata excusare magis quàm accusare soleam, nec illa diligentius ponderare, deslere & expiare satagam: quin potius pœnitentiam omnem, præsentem licet ac necessariam animæ medicinam, libenter prorogem ac detrectem, ideoque à frequenti precatione & ieiunatione, vt quæ corpori molesta est, me non rarò subducam. Non enim pudore suffundor, neque cordis mei deploro duritiam, quòd à veterum pœnitentia, immò & Sanctorum exemplo, qui carnis castigationem amârunt, & in seueritate vitæ Deo seruiuerunt, me procul abesse videam. Nota vox est patientis viri Iob, quem Deus ipse commendauit: *Ipse me reprehendo, inquit, & ago pœnitentiam in fauilla & cinere.* Tum rursus: *Saccum consui super cutem meam, & operui cinere carnem meam.* Nec obscurum est, Regem & Prophetam inclytum Dauid in ieiunijs fuisse frequentem, qui & nocte intempesta ad precandum Deum surgere, lectumquæ suum lachrymis perfundere, & varijs pœnitentiæ officijs operam dare consueuerat: *Cinerem, inquit, tanquam panem manducabam, & potum meum cum fletu miscebam à facie ire indignationis tue.* Acalibi: *Ego autem cum mihi molesti essent, induebar cilicio, humiliabam in ieiunio animam meam.* Neq; contentus erat Daniel seipsum agnoscere peccatorem, & diuinam prædicare misericordiam, sed vt verè pœnitentis declararet officium, integris hebdomadis à pane, carne & vino abstinet, peccata sui populi confitetur, atque

inter

inter alia sic loquitur: *Posui faciem meam ad Dominum Deum meum, rogare & deprecari in ieiunijs, sacco & cinere.* Prætermitto luculenta scripturæ testimonia, quibus peccatores Deus non solum ad cilicium & cinerem, sed etiam ad publicum luctum & planctum, verbis disertis excitauit. Nobis verò qui plerumque sine timore peccamus, & peccandi finem non facimus, valde metuendum est, nè tandem Niniuitæ, Bethulienſes alijsque plures, qui olim seriò pœnitentes Deum sibi propitium reddiderunt, in extremo iudicio stantes, nostram accusent, immò & damnent peruiaciam, quandoquidem neque rem, neque speciem, neque virtutem verè pœnitentiæ retinemus, sed potiùs secundùm duritiam & impœnitens cor, sicut à Paulo dicitur, iram in die iræ nobis thesaurizamus.

Ionæ 3.  
Iudith. 4.  
& 8.  
Esther 4.  
& 14.  
1. Mach. 3.  
Rom. 2.

## DE PRECIBVS CVM HOC EVANGELIO CONIUNGENDIS.

**P**RECANDVS est mihi DEVS pro Catholicis magistratibus, ut sacrum hoc Ecclesia matris institutum, & solenne ieiunium reuerenter amplectantur, & à suis etiam subditis obseruari enixè procurent. Etenim Samuel, Ioël, Esdras, Saul, Iosaphat una cum Niniuitarum rege ieiunationem publicam suis indixerunt subditis, eamque cum illis obseruantes presentem DEI benedictionem & optatam gratiam perceperunt. Certè Ambrosius perspicuè scripsit: *Non leue peccatum est indictam fidelibus Quadragesimam violare, & ieiunia consecrata ventris voracitate dissolvere. Ieiunemus continuo & deuotè hoc spacio temporis, ut propicietur nobis Dominus. Ieiunemus à cibis, ut multò magis ieiunemus à vitijs.* Monet itidem Augustinus, ut dies illos corporibus salubres & anima medicinales: ita cum Dei adiutorio sanctè ac spiritualiter celebremus ut obseruatio Quadragesime non nobis iudicium pariat, sed profectum.

1. Reg. 7.  
Ioël 2.  
1. Esdr. 8.  
Ierem. 36.  
Ion. 3.  
Serm. 25.  
& 27.  
Serm. 35.

Serm. 2. &  
11. de Qua-  
drag.

Hom. 2. de  
Quadrag.

In epist. ad  
Lætam.  
Can. 35.

ORABO etiam pro salutaris successu Ecclesiasticarum concionum & piarum exercitationū, quæ ab Orthodoxis nunquam ferè magis, quàm per Quadragesimam ubiq; gentium laudabiliter instituuntur, ac de veteri more salutariter peraguntur. Parum enim religiosus alio tempore demonstratur, qui in his diebus religiosior non inuenitur. Quid acceptius hoc tempore? Quid salubrius his diebus, in quibus vitij bellum indicitur, & omnium virtutum profectus augetur? Nemo tam sanctus est, ut non sanctior, nemo tam deuotus, ut non debeat esse deuotior, sicut ante mille annos à Leone Magno dictum accepimus.

PRÆTEREA non mihi solū, sed etiam Ecclesia vniuersa, quæ tot populos longè lateq; complectitur, precabor à Deo felicem Quadragesimam, in qua languentium animarum singularis expurgatio atq; spiritualis medicatio plurimis obtingat. Cum enim mundano puluere religiosi quoq; corda sordescant, magna diuinæ institutionis salubritate prouisum est, ut ad reparandam mentium puritatem quadraginta nobis dierum exercitatio mederetur, in quibus aliorum temporum culpas & peccata opera redimerent, & ieiunia casta decoquerēt, quemadmodum idem Leo differuit. Caterū ut penitentia tum interior tum exterior maiorem in me fructum pariat, sicut institutum Ecclesie omninò requirit, non abs re fuerit veterem piorum obseruare morem, ut certa quadam sanctæ penitentiae opera & exercitamenta, mihi hoc sacro tempore assumenda proponam, illisq; continenter insistam. Nam & Hieronymus ita scripsit: In Quadragesima continentie vela pandenda sunt, & tota aurige retinacula equis laxanda properantibus. Et in synodo Triburiensi definitum legimus: Diebus Quadragesimæ & ieiuniorum, summa deuotione ieiunandum, & omni intentione est orandum, atq; unicuiq; pro facultatibus suis elemosyna tribuenda, & nulla lites vel contentiones habenda.]





# DOMINICA PRI- MA QVADRAGESIMÆ, DICTA INVOCAVIT.

## *Sequentis Euangelij Argumentum.*

**P**Ræclara est historia de Christo Domino, qui statim à Baptismo in desertum secedens, seuerè ieiunauit, & graui-  
ter à Satana tentatus, eundem in deserto, templo & monte  
deuicit, nosque itidem deuincere docuit, potissimum cum  
à gula, iactantia seu vana gloria & auaritia sollicitamur. V-  
bi Christus etiam nobis commendat arma militiæ spiritua-  
lis, quibus contra hostes omnes pugnare suos vult milites,  
vt ipsius gratia duce victores euadant, ab Angelis etiam suo  
tempore honorandi. Arma illa sunt mundi contemptus,  
secessus, ieiunium, precatio, scripturæ telum seu medita-  
tio, vigilantia, patientia & fortitudo. Præterea docet præ-  
sens historia, quod ingenium, qui mores existât antiqui ser-  
pentis & hostis omnium terribilissimi, quo nullus alius ad no-  
cendum ardentior, & ad fallendum fraudulentior esse po-  
test, quique ad perniciem hominum nihil prorsus intentatum  
relinquit. A minimis ille incipit, vt mortales paulatim  
ad grauiora ac turpiora deducat, sequè in Angelum lucis  
callidè transfigurat, & quasi theologum simulans, è sacris  
etiam literis disputare nouit atque contendere, ipsumque  
Christum oppugnando audet aggredi. Scitè igitur de Sceta-  
rijs Hieronymus dixit: Neque sibi blandiantur, si de Scriptu-  
rarum capitulis videntur sibi affirmare quod dicunt, cum  
& diabolus de scripturis aliqua sit loquutus, & scripturæ  
non in legendo consistant, sed in intelligendo. Est & illud

2. Cor. II.

Contra Lu-  
ciferianos.



Hom. 13. in  
Matth.

Chrysoft.  
Serm. 1. de  
Ieiunio.

Satanæ proprium, sollicitare plurimos fideles, ut de templo Ecclesiæ & de gradu altiore, quem sibi delegerunt sanctæ vocationis atque virtutis, sese ipsi demittant atque præcipitent, ut quæ suum Dominum tentate præsumant. Fallit etiam ac mentitur impostor ille, quantumvis ampla & speciosa promittat, huc intentus maximè, ut patriæ cultum Deo summo surreptum, sibi usurpet ac arroget, hominibus verò impie dominetur. Mirum sanè, nos tam multa & horrenda de hoc mundi principe & rugiente leone cognoscere atque confiteri : neque tamen contra illum ipsum malorum omnium incentorem, cui in sacro Baptismo nuntium remissimus, in ieiunio & precatione pugnare fortiter, ut cum Christo rege vincamus, & victores effecti, ministros & congratulantes beatos Angelos habeamus. Et Chrysoström quidem hoc Evangelium ad Christianum ieiunium sic applicat : Considera, inquit, cum quanta malignitatis arte diabolus ad Christum accedat, quod quæ præcipuè tempus observet. Non enim ieiunantem tentat, sed elurientem, ut scilicet discas, quàm sit bonum grande ieiunium, & quod hæc adversus diabolum arma sint maxima, quod quæ post Baptisma non delicijs atque temulentia, non mensæ epulis onusta, sed ieiunio animum debeamus intendere. Propter eam enim & Dominus ieiunavit, non quia hoc indigeret ipse, sed ut nos utique doceret, quibus peccata ante Baptisma dominatio ventris intulerat. ] Ac alio iterum loco : Baptizatus Saluator propter nos, & profectus in eremum, prius ieiunavit, & tum signa facere cepit, non ipse ieiunio opus habens : nos autem docens pro virili ieiunij præmissionem. ] Ac iterum : Non est luctu digna victoria Iesu : sed ieiunemus nos ipsos curantes, operamque dantes, ut passionum illius participes simus.



## EIVSDEM DOMINICAE

Evangelium Matth. iv.

*Ductus*

**D**ictus est JESVS in desertum à spiri-  
tu, ut tentaretur à diabolo. Et cum  
ieiunasset quadraginta diebus et qua-  
draginta noctibus, postea esuriit. Et accedens  
tentator dixit ei: Si filius Dei es, dic ut lapides  
isti panes fiant. Qui respondens dixit: Scriptum  
est: Non in solo pane viuit homo, sed in omni  
verbo quod procedit de ore Dei. Tunc assumpsit  
eum diabolus in sanctam ciuitatem, & statuit  
eum suprapinnaculum templi, & dixit ei: Si fi-  
lius Dei es, mitte te deorsum. Scriptum est enim,  
Quia Angelis suis mandauit de te, & in mani-  
bus tollent te, ne forte offendas ad lapidem pedem  
tuum. Ait illi Jesus, Rursus scriptum est: Non  
tentabis Dominum Deum tuum. Iterum assump-  
sit eum diabolus in montem excelsum valde,  
& ostendit ei omnia regna mundi, & gloriam  
eorum, & dixit ei: Hac omnia dabo tibi, si ca-  
dens adoraueris me. Tunc dicit ei Jesus: Vade  
retrò Satana. Scriptum est enim: Dominum  
Deum tuum adorabis, & illi soli seruias.

Tunc reliquit eum diabolus: &  
ecce Angeli accesserunt &  
ministrabant ei.



NOTÆ MEDITATIONVM ET  
PRECATIONVM CIRCA IDEM  
EVANGELIVM.

*Ductus est IESVS in desertum à Spiritu,  
ut tentaretur.*

Luc. 3.  
Matth. 3.  
Luc. 13.

In ferm. de  
ieiun. & tē-  
rat. Christi.  
Marc. 1.

Act. 1.

**I**NGENTES Christo Domino gratias agam, qui se nostra omnium causâ tam submisce gessit, cum annos natus triginta, & à Ioanne Baptista tinctus in Iordane, Euangelij prædicandi potestatem à cœlesti Patre maximam accepisset. Vastum quippe desertum ingreditur, ibique suo, id est Spiritu sancto duce & comite, ut loquitur Cyprianus, conuersatur, nec solum à communi hominum conuictu secedit, sed & relictis omnibus vnâ cum bestiis, sicut Marcus expressit, solitariè viuit. Neque in deserto quidem oriatur, sed nouum & seuerum pœnitentiæ amplectitur institutum, silentij amans, patientiæ custos, pauperratis cultor, abstinentiæ continentiaq; obseruator, qui studiū vigilandi, plorandi, ieiunandi & orandi (insons enim pro fontibus patitur) in quadraginta dies ac noctes vsque producit. His pœnitentiæ operibus suum corpus ut sanctissimum, ita & tenerrimum ille castigat: his armis munitus, cum in festo Sathana congregitur, & nec sibi parcat, nec Sathana quicquam indulget, graues interim conflictus, quum huc illucque pertraheretur sustinens. Mirum est igitur, me tanti Regis & magistri exemplo, qui cœpit facere & docere, non magis ad commiserationem & pœnitentiam commoueri, qui certè quantò longius à dicta Domini mei perfectione, & à prima illa in baptismo accepta innocentia disto, tantò me studiosius colligere, ac diligentius instruere habeo, ut noua & seuera viræ discipli-

na suscep-

naſulcepta, veluri membrum Capiti aliqua ex parte conformen. Etenim *qui dicit ſe in Chriſto manere, debet ſicut ille ambulauit & ipſe ambulare*, & præterea crebrò illud Magiſtri ſui dictum perpẽdere: *Exemplum dedi vobis, vt quemadmodum ego feci, ita & vos faciatis*. Ac niſi Paulus ita ſe Chriſto conformaſſet, nunquàm fanè auſus fuiſſet ſcribere: *Imitatores mei eſtote, ſicut & ego Chriſti*. Rurſus hæc auſteræ vitæ ratio à Chriſto Domino inſtituta non obſcurè monſtrat, Deo placere morem & ſtudio Anachoretarum, vitam ſolitariam ſeu Eremiticam ſibi deligentium, qualem & Ioannes Baptiſta, & Antonius Magnus, aliique complures non ſine laude Eccleſiæ coluerunt. Quod vitæ inſtitutum confirmauit Baſilius, defendit Chryſoſtomus, Hieronymus commendauit, inter alia ſcribens: *Militium CHRISTI perfectio eſt, exutam mentem habere à cunctis terrenis negotijs & tumultu ſæculi, iuxta illud Apoſtoli: Nemo militans Deo, implicat ſe negotijs ſecularibus, vt ei placeat cui ſe probauit*. Citat inſuper illud ex Ieremia: *Bonum eſt viro, cum portauerit iugum ab adoleſcentia ſua. Sedebit ſolarius & tacebit, quia leuauit ſe ſuper ſe*. Eoque minus apud me valebunt Manichæi, Donatiſtæ, Circumcelliones, & vani horum affectu, qui Anachoretis & monachis petulanter inſultant, vt idcirco etiam ab Auguſtino iure coarguantur.

1. Ioan. 2.

Ioan. 13.

1. Cor. 11.

Lib. 2. comment. in lament. Ierem.

2. Tim. 2.

Thren. 3.

In lib. de moribus Eccleſ. Cathol. &amp; in Pfalmos.

Heb. 4. &amp; 1.

DE INDE gratias ex animo agam eidem Domino Redemptori, verèq; miſericordi & fideli Pontifici noſtro, qui poteſt & vult cõpati infirmitatibus noſtris, ac idcirco tentatus eſt per omnia pro ſimilitudine absque peccato, vt & per omnia ſuis fratribus aſſimiletur, ſi Pauliniſ verbis vtendum eſt. Adibo ergo firma cum fiducia ad thronum gratiæ eius, nec dubitabo miſericordiæ conſequendæ, & gratiæ inueniendæ tempus adeſſe, quandoquidem humilis idemq; potens Dauid, qui certè Chriſtum nobis præfigurabat, hoſtem immanem ac ſuperbum Goliath ita proſtrauit, vt electum Dei populum periculo & opprobrio maximo liberâ-

1. Reg. 17.

Luc. 11.

Ioan. 14.

1. Ioan 3.

1. Cor. 10.

Ioan. 16.

Psal. 107.

Iob. 1. 2. 41.

rit, & victoriam felicissimam reportarit. Hic iam fortissimè armatus apparet, qui mundi huius principem vicit, ac sibi soli sumere potest illud: *Venit princeps mundi huius, & in me non habet quicquam.* De quo victore rursus Ioannes affirmat: *In hoc apparuit Filius Dei, ut dissolveret opera Diaboli.* Non enim Christus contra demonem, cumq; infestissimum, tantummodò pugnat, ac de illo triumphum agit, verum etiam contra eundem hostem pugnandi vincendiq; gratiam & fortitudinem credentibus promeretur & præstat, simulq; suis membris pugnandi & vincendi formam ostendit. Quid verò est, quod in omni tentatione memagis fulciat & consoletur, quàm quod Christus meus Satana fortior ei dominetur, quodque Deum talem habeam, de quo Paulus apertè pronuntiat: *Fidelis Deus est, qui non patitur vos tentari supra id quod potestis, sed faciet etiam cum tentatione prouentum, ut possitis sustinere.* Quantumvis igitur me vexet ac affligat Sathan, ad Christum tanquam certum asylum confugiam, memor illius promissi. *In mundo pressuram habebitis sed confidite, ego vici mundum, immò & mundi principem.* Tantoque maiorem induam animum, ut fidenter & constanter cum Propheta dicam: *In Deo faciemus virtutem, & ipse ad nihilum deducet inimicos nostros.*

VERVM enim verò prætereundem non est, quid Imperator Christus à suo exigit milite, ut in pugna cum hoc Satana conficienda suum expleat munus. Exigit sanè Satanam non pro nihilo haberi atque contemni, sed potius formidari ut hostem capitalem, nocendi fallendiq; artibus instructissimum ac potentissimum, de quo scripsit Iob vires eius maximas expertus: *Non est super terram potestas quæ comparetur ei, qui factus est ut nullum timeret. Omne sublimè videt, ipse est Rex super uniuersos filios superbia.* Exigit, nihil ut cum illo commune habeam, cui tãquàm irreconciliabili & semper insidiantia aduersario abrenūtiaui, quiq; magnis copijs munitus, nullos alios sicut fideles & Christi seruos, ex ira inuidiaque summa vsque persequitur.

Vnde à



Vnde à Paulo dictum accepimus: *Non est nobis colluctatio aduersus carnem & sanguinem, sed aduersus principes & potestates, aduersus mundi rectores, tenebrarum harum, contra spiritualia nequitia in cælestibus*: hoc est contra spirituales nequitias. Exigit, vt cum nequissimo & perniciosissimo hoste congressuri, non ociemur atque dormiamus, sed vigilemus; non vt corpori & voluptati indulgeamus, sed vt sobrii simus ac frugales; non vt vlla in parte consilij eius monitisq; cedamus, sed vt omninò resistamus. Hinc illæ voces Apostolicæ, quæ meis auribus frequenter insonare debent: *Sobrii estote & vigilate: quia aduersarius vester diabolus, tanquam leo rugiens circuit, querens quem deuoret, cui resistite fortes in fide. Nolite locum dare diabolo, Resistite diabolo, & fugiet à vobis.* Exigit demum, vt grande aliquid aggressurus, hoc Domini præclarum sequar exemplum, qui duce spiritu in desertum actus, & post Dæmonem superatum in eodem spiritu regressus fuit, sicut Lucas non obscurè indicat. Igitur non omni spiritui credam, sicut & Ioannes prohibet, quando Sathanas in lucis etiam Angelum se facile transfigurat, & sub specie prætextuq; boni saluntur plurimi, sed probandus est mihi spiritus, & verus duntaxat ac syncerus amplectendus, vt ducē illum sequar, & eodem iuuante spiritu quod ritè inchoauero, constanter absoluiam. Sic enim scriptum legimus: *Spiritus tuus bonus deducet me in terram rectam. Esto firmus in via Domini. Qui perseuerauerit usq; ad finem, hic saluus erit.*

*Postquam ieiunasset quadraginta diebus & quadraginta noctibus, postea esuriit.*

Ego si me Christi & corporis eius membrum profiteor ieiunium Quadragesimale non secus quàm salutare antidotum, & singularem thesaurum amplectar. Quod ieiunium absque cibo & potu non modò clarissimi Prophetæ

Moyse

Ephes. 6.

1. Pet. 5.

Ephes. 4.  
Iacob. 4.

Luc. 4.  
1. Ioan. 4.  
2. Cor. 11.

Psal. 142.  
Eccles. 5.  
Matth. 24.



Vide diem  
Cinerum.

Gal. 5.

Matt. 17.

Serm. 34.

In epistola  
ad Marcel-  
lam.

Lib. 1. quest.  
super Gen.  
cap. 169.

a Exod. 24.

b 3. Reg. 19.

c Matt. 4.

Serm. 65.

Matt. 6.

In Epistola  
ad Philipp

Moyſes & Helias, ſed etiam Prophetarum Dominus ac Redemtor noſter Chriſtus, amplexi ſunt, primumque conſilio diuino ſeruarunt. Eſt hoc ipſum ab Apoſtoliſ, vt docebimus, Spiritu ſancto repletis traditum, ab Eccleſia, ſancta receptum, à venerandis Patribus prædicatum, à fidelibus tot gentium receptum, communi piorum conſenſu tot ſeculis corroboratum, atq; ad communis populi omniumque credentium purificationem hætenus conſervatum, ſolis autem hæreticis & carnalibus illis inuiſum, qui ſine moleſtia & cruce perpetuò gaudere, ſine armis hoſtes vincere, ſine vi ac labore cum Chriſto cuiusque Sanctis in cœlo regnare inaniter prorsus ac ſtultè conſidunt. Habet ſanè ieiunium in ſacris literis & præceptum & præmium, quemadmodum è ſuperioribus clariffimè liquet. Et Euangelici ſpiritus proprium ſemper fuit, ſanctæ continentia abſtinentiaque ſpiritu carnem cum vitijs & concupiſcentijs crucifigere, ac dæmones ipſos, quamuis feroces & atroces, per orationem & ieiunium proſtigare. Quamobrem cum Ambroſio ingenuè dicam : Bonum eſt quidem cunctis temporibus ieiunare, ſed melius Quadrageſimam ieiunare cum Chriſto. Hanc enim Quadrageſimam nobis Dominus ſuo ieiunio conſecrauit.] Et cum Hieronymo teſtabor : Nos vnā Quadrageſimam ſecundum traditionem Apoſtolorum toto anno tempore nobis congruo ieiunamus.] Credam & Auguſtino ita ſcribenti : Non fruſtra quadraginta dies ieiuniorum ſunt conſtituti ; quibus a Moyſes & b Helias & ipſe c Dominus ieiunauit : & Eccleſia præcipua obſeruatione ieiuniorum Quadrageſimā vocat.] Cuiuscemodi Quadrageſimæ dies venerabilè ac medicinale tempus appellat, per quod ieiunantes peccatorum noſtrorum vulnera curare, ſimulque cum ieiunijs orationem & miſericordiam coniungere debeamus, quando Chriſtus his tribus de rebus tam ſedulò concionatur, & in illis Chriſtianam iuſtitiam ponit. Quid autem vir Apoſtolicus, idemque Chriſti Martyr Ignatius ? Quadrageſimā inquit, nolite pro

nihilò

nihilo habere: imitationē enim continet Dei conuersationis.] Proinde si vltos alios, certē Quadragesimæ dies solennibus ieiunijs consecratos obseruabo, & sicut me docuēre Patres, religione maiore prosequar. De illis ipsis cum Chrysostomo ingenuē dicam: Propitiationis tempus adest: temporis opportunitatē nē contemnamus. Abijciendorū peccatorum tempus est: gratiā nē negligamus: sed ieiunemus à cibis, & primū à peccatis.] Et ne causam ieiunandi nesciam, Ieiuna, inquit, quia peccasti: ieiuna vt non pecces. Ieiuna vt accipias: ieiuna vt permaneant quæ accepisti. Ieiunemus, nē consurgant in nos concupiscentiæ.]

Serm. i. de  
ieiunio.]

Ibidem.

Quo magis illorum cœcitatem paremque infelicitatem deplorabo, qui se à communi Patrum Ecclesiæq; consensu tam leuiter patiuntur abduci, & veteres Epicuræi, aut noui Aëriani & Iouinianistæ, quā sanctorum filij & Ecclesiæ Catholicæ ciues esse malunt hoc tempore, quo sacra ferē omnia impunē profanantur atque violantur. Nec enim modò crucis & pœnitentiæ, sed etiam ieiunij, continentia & abstinentia inimici passim grassantur, de quibus rectē cum Ambrosio dixeris: Qui sunt hi præceptores noui, qui dicunt nullum esse abstinentiæ meritum, nullum frugalitatis, nullam virginitatis gratiam, pari omnes æstimare pretio, delirare eos qui ieiunijs castigant carnem suam, vt menti subditam faciant? Quæ istos Epicuræos noua schola misit?] Ego verò his non Euangelicæ, sed falsæ, sed carnalis libertatis professoribus, omnisq; sacræ continentia & abstinentia obrectatoribus, qui in Iouiniani schola institui, carni tam egregiē adblandiuntur ac patrocinantur, me totum opponam, nec latum digitum à doctrina discedam Apostolica, quæ nobis eiusmodi canones nunquā abolendos reliquit: *Vos in libertatem vocati estis fratres, tantū nē libertatem in occasionem deris carni. Quasi liberi, & non quasi velamen habentes malitiæ libertatem, sed sicut serui Dei, animas vestras castificantes in obedientia charitatis. Obsecro vos in quā aduenas & peregrinos, abstinere vos à*

In epist. 82.  
ad Ecclesiā  
Vercellensem.

Gal. 5.  
1 Pet. 2.

Ibidem.

1. Ioan. 1.

2. Tim. 2.

Gal. 5.

2. Cor. 6.

Matt. 18.

Ioël. 2.

In eundem  
Ioël. 2.Serm. 1. de  
ieiunio.Hom. 16. in  
Euang.

Eccl. 2.

Serm. 1. de  
Quadrages.

*carnalibus desiderijs, quæ militant aduersus animam. Qui dicit se in Christo manere, debet sicut ille ambulauit, & ipse ambulare, nimirum in iustitia ac sanctitate, cumque sui abnegatione, cruce & patientia. Si commortui sumus & conuermus. Si sustinebimus & conregnabimus. Qui sunt Christi, carnem suam crucifixerunt cum vitis & concupiscentijs, siue ut Augustinus legit, cum passionibus & desiderijs. Exhibeamus nosmetipsos sicut Dei ministros in laboribus, in vigilijs, in ieiunijs, in castitate. Neque verò mihi sat erit, in auctoritate Ecclesiæ conquescere, quam si contemnam, ethnicus haberi mereor, & solenne quadragesimæ institutum probare atque defendere non ero contentus, sed curabo etiam summi Dei obseruare præceptum, qui per Ioëlem Prophetam ad peccatores etiam hodie clamat: Sanctificate ieiunium, predicate curationem, sicut legit Hieronymus. Vnde discimus eodem admonente, ieiunium sanctificari cæteris bonis operibus, & sanctificatum curationi proficere peccatorum. Quid est aliud sanctificare ieiunium, inquit Maximus, nisi causa ieiunij sancta velle, iusta facere & iniqua vitare? quemadmodum eundem locum & Gregorius Magnus interpretatur.*

*Accedens tentator, dixit.*

MULTA ex Euangelio colligam, quæ hoc sacro tempore, ac sæpè aliàs, mihi ad benè beatèque viuendum congruere possunt. Primum sit, ut communem humani generis hostem, callidissimum utique serpentem, ac pijs maximè insidiantem, tunc vigilanter obseruem, cum seriò me ad Deum, studiaque diuina conuerto. Vnde sapiens prouidè monuit: *Fili accedens ad seruitutem Dei, sta in iustitia & in timore, & prepara animam tuam ad temptationem.* Cum enim Christus insolita & seuera vitæ disciplina corpus exercet, ab infesto dæmone, ut nunquam aliàs, interpellatur atque vexatur. Ut hinc etiam Leo Magnus nos moneat sapienter: *Accedentes ad Quadragesimæ initium,*

id est,

id est, diligentiorē Domini seruitutem, quia quasi ad quendam agonem sancti operis introimus, ad pugnas tentationum animos præparemus, & intelligamus, quanto studiosiores pro nostra salute fuerimus, tanto nos vehementius ab aduersarijs impetendos. Ob hoc autem Dominus se tentari à tētatore permisit, vt cuius munimur auxilio, eiusdem erigeremur exemplo. ]

1. Petr. 5.

ALTERVM est, vt si meæ saluti consultum velim, nulum Satanæ locum concedam, sed sicut Petrus monet, resistam in fide fortiter, cū blandè & insidiosè ingerit ille cogitationes ad curam ventris, ambitionem & regni affectationem, siue vt alij dicunt, ad gulam, superbiam & auaritiam instigantes atque pellicientes. Nam hæ sunt malorum omnium quasi radices, ex quibus occasionem quoq; sumpsit versutissimus præstigiator, vt hisce machinis DEI Filium ieiuniorum tempore peteret ac oppugnaret. Vt enim Ioannes affirmat: *Omne quod est in mundo concupiscentia carnis est, & concupiscentia oculorum, & superbia vita.* Tantoque magis aduigilabo, vt Paulino præcepto satisfaciam, quod omnibus Christi militibus obseruari est maxime necessarium. *Induite, ait, vos armaturam Dei, vt possitis stare aduersus insidias diaboli, & in omnibus perfecti stare.* Et Christus quidem exemplo suo nos admonet, Satanam eiusq; spicula citra moram depellere, nè alioquin si prauum & ab hoste inspersum semen increseat, labor in zizanijs extirpandis conduplicetur, aut etiam irritus planè reddatur. *Beatus autem qui tenebit & allidet paruulos suos ad petram.* Est hostis ille cū ei tempestiuè resistitur, vt formica debilis: cum verò ei consentitur, fortis vt leo, qui tamen vincere nunquā potest, nisi consentientem. Quæ ratione Iacobus quoque dixit: *Vnusquisq; tentatur à concupiscentia sua* (sicut & à tentatione diaboli) *abstractus & illectus. Deinde concupiscentia cū conceperit, parit peccatum. Peccatum verò cū consummatum fuerit, generat mortem.*

1. Ioan. 2.

Ephes. 6.

Psal. 136.

Iacob. 1.

TERTIVM est, ut vsum habeam armorum spirituum, quibus aduersus callidissimum hostem CHRISTVS non modò dimicauit, sed etiam pulcherrimè vicit, suosque milites perpetuò dimicare & vincere voluit, ut ipsi deum post superatam gulam, superbiam & auaritiam, veluti victores à sanctis Angelis honorificè habeantur atque tractentur. Arma verò Christi fuerunt poenitentia, oratio, humilitas, mortificatio, Scriptura sacra: sed præcipuè quidem ieiunium, præsens utique contra dæmonem armatura, & efficax homini medicina, quæ peccatricem carnem castigat, ac Deum iratum reconciliat, eiusque gratiam promeretur, ut parres frequenter comprobant. Hinc Ecclesia literis diuinis instructa, fateri non veretur publicè, Deum esse qui corporali ieiunio vitia comprimat, mentem eleuet, virtutem largiatur ac præmia per Christum Dominum nostrum. Prædictis armis instructi pugnauerunt, & mirifica confecerunt Moyses, Elias, Daniel, Eldras, Ninivitar, Iudith, Hester, Anna, alijque complures, æternam in laudem consequuti, quòd non modò contra se ipsos ac dæmones, verum etiam cum Deo ipso ieiunando piè pugnarent ac vincerent. Quotiens enim à Deo obtinere conati sunt (Cypriani verbis utor) ieiunijs incubuerunt, & lachrymis, & pernoctantes in orationibus, cilicijs carni hærentibus, supplices beneficia postulauerunt.] Dolebo igitur, me non solum à Christi, sed etiam Sanctorum veterumque fidelium exemplo procul abesse, & in ieiunijs quidem siue ab Ecclesia indictis, siue sponte susceptis hætenus tam segniter esse versatum, Christi que armis malè munitum incedere, ut de nulla quidem corporis castigatione seu maceratione cum Paulo Apostolo gloriari, & carne subacta secundum spiritum ambulare, ac me ipsum vincere facile possim.

QUARTVM & postremum illud est, ut in magnis Satanæ tentationibus ac vitæ periculis sæpe mihi ob oculos ponam Christum ieiunantem, ac simul laboriosè pugnātem,

Serm. de ieiunio & tēt.

1. Cor. 9.  
2. Cor. 6.  
& 11.

& nostra insuper ieiunia pœnitentiæque opera sanctifican-  
tem. Quid enim Christi seruum ac militem deceat magis,  
præterquàm sicut Paulus loquitur, ad propositum certa-  
men per patientiam currere, & adspicere in authorem fi-  
dei & consummatorem IESVM? Cauebo autem à com-  
muni & graui illorum errore, qui fide fiduciaque cõtenti,  
dici potiusquàm esse volunt Christi milites, & sine labore  
pugnam cum hoste grauissimo se conficere possè arbitran-  
tur. Refellit autem illos idem Apostolus inquitens: *Non co-  
ronatur, nisi qui legitime certauerit.* Quare monet etiã Chry-  
sostomus, vt eos imitemur, qui ad pugnam ituri, diligenter  
se instruunt, & vident, si scutum, si gladium, hastam, sagittas  
habeant, suamq; ante congressum præparant armaturam.  
Porro cum spiritualibus armis, quæ Paulus Christiano cõ-  
mendat militi, meam quoq; in Christum fiduciam valdè  
coniungam, quia per hũc ipsum princeps mundi huius eij-  
citur foras, & in sacro baptismo renati per illum ipsum de  
potestate tenebrarum eripimur, tantaq; virtute donamur,  
vt Satanæ tentationes ac vires omnes superare, immò il-  
lum ipsum, tanquàm leonem & draconem sub pedibus cõ-  
culcare possimus. Tã verè dictum est illud à Christo: *In  
nomine meo demonia eicient.* Sicut illi ciecercant, quos Ioan-  
nes his verbis affatur: *Scribo vobis adolescentes, quoniam vi-  
cistis Malignum.* Quare confidenter & sapè cum Paulo re-  
petam: *Deo gratias, qui nobis victoriam dedit per Iesum Chri-  
stum Dominum nostrum.* Sed & illud eximiam mihi præbe-  
bit consolationem, quòd in ipsa pugna contra hostes in-  
cunda non modò inuictos Christi milites ac socios prælu-  
centes, sed & sanctos Angelos custodes ac ministros mihi  
fauentes habeam, vtpote qui ex diuino præcepto nos in  
vijs omnibus custodiunt, atque aduersus tetros & imma-  
nes dæmones nunquam non studiosè tuentur. Sic e-  
nim Apostolus de his electis Angelis pronuntiat: *Omnes  
sunt administratorij spiritus in ministerium missi propter eos,  
qui hereditatem capiunt salutis.* Et Propheta testatur:

Heb. 13.

2. Tim. 2.  
Hom. 13. in  
Marcum.

Ephes. 6.

Ioan. 12.  
Coloss. 1.Psal. 90.  
Marc. 16.  
1 Ioan. 2.

1. Cor. 13.

Psal. 90.  
Heb. 1.

Psal. 59.



a Genes. 19.  
b Tob. 12.  
c Act. 12.  
d Exo. 12. &  
4. Reg. 19.

Psal. 26. 117.  
& 59.

*Immetet Angelus Domini in circuitu timentium eum, & eripiet eos. Hanc fidam Angelorum tutelam a Loth, b Tobias, c Petrus alijque pij sapè senserunt, nec minùs quidem d Israëlita in Ægypto, & cùm capitales illorum hostes Assyrios Angelus ad centum octoginta quinque millia nocte vna trucidaret. Quocirca cùm Christus tam fidos ac potentes ministros habeat, eosque nobis in pugna & post pugnam attribuat, est sanè cur in acie consistam fortius, & cum Propheta Regio alacriùs dicam: Dominus illuminatio mea & salus mea: quem timebo? Dominus mihi adiutor, & ego despiciam inimicos meos. Si consistant aduersus me castra, non timebis cor meum: si exurgat aduersus me praelium, in hoc ego sperabo. In Deo faciemus virtutem, & ipse ad nihilum deducet tribulantes nos.*

## DE PRECIBVS CVM HOC EVANGELIO CONIVNGENDIS.

Serm. 69. de  
tempore.

**P**RECANDVS est mihi Deus, ut Quadragesimale ieiuniũ, qua decet reuerentia & obedientia, ordiar ac prosequar, illudq; mihi tum in animo tum in corpore salutare percipia. Nec enim obliuisci debeo, quod Augustinus docuit, sanctæ Quadragesimæ dies omnium cum veneratione suscipiendos, & ad iram Dei placandam esse destinatos, per quos mali à bonis, luxuriosi à castis, intemperantes à ieiunantibus, hæretici à Catholicis separantur. Sanctus igitur & salutaris inquit, Quadragesimæ cursus est, quo adducitur ad misericordiam peccator per penitentiam, iustus ad requiem.]

Ioël. 2.

1. Esd. 8.

PETAM & gratiam concionatoribus & Ecclesiasticis hominibus diuinitus dari; ut rectè pieq; ieiunandi formam & exemplum populo præbeant, simulq; cum Ioële & Esdra sedulo urgeant doctrinam de ieiunio & penitentia, si unquam antea, nunc maxime quidem labefactam atq; neglectam. Sic autem Esdras in sua concione loquitur: Prædicaui ieiunium, ut affli-

geremur

geremur coram Domino Deo nostro, & peteremus ab eo viam rectam nobis & filijs nostris, vniuersæque substantiæ nostræ.

ORABO insuper Dominum pro Ecclesia nostri temporis, ut salutaris ieiunij disciplina, qua passim hodie collapsa iacer, nouo piorum studio erigatur, & à Magistratibus maximè restituatur. Etenim vulgi luxus, ventrisq; studium, quo corpus & animus passim misere corrumpuntur, omnē ferè usum & cultum sanctæ temperantiæ & abstinentiæ nobis obruunt & extinguunt, ut plurimi iam è spiritualibus carnales, & è Christianis Epicuri quodammodo facti esse videantur. Tantoq; magis non solum orandi, sed plorandi etiã rationem habere debeo, ut Christi præceptum serium, non adeò licenter passim violetur. Attendite inquit, vobis, nè fortè grauentur (non tantum corpora, sed &) corda vestra in crapula & ebrietate. Beati qui esuritis: quia saturabimini. Væ vobis qui saturati estis: quia esurietis. Sicut in diebus Noc: ita erit & aduentus filij hominis. Sicut enim erant in diebus ante diluuium comedentes & bibentes, nubentes & nuptui tradentes vsque ad eum diem, quo intrauit Noë in arcam, & nō cognouerant donec venit diluuium, & tulit omnes: ita erit & aduentus filij hominis. Ego verò Christi Domini tum exemplo, tum amore commotus, aliquem mihi secessum tanquàm spirituale desertum, deligam, in quo minus mundo familiaris, sapius ad me ipsum redeam, & conscientie propriæ rationem solito exactiorem geram, Deo interim ieiunij & precationibus accuratius vacans, quo ad cius fieri potest. Neq; solum à cibis vetitis me libenter abstinēbo, verum etiã vitij quibusdam, ut veluti pestes abscedant, ac veteri Adæ, ut nō regnet in mortali meo corpore, acrius bellum indicam, simulque contrà carnem demonemq; pugnare legitimum ducam. Hoc enim tempus militiæ Christianæ proprium est iuxta a Bernardum, & quo anni totius decime, sicut Gregorius loquitur, bonorum omnium auctori Deo religiose à quolibet persoluenda sunt. Parum religiosus alio tempore demonstratur, qui in his diebus religiosior

Luc. 21.


Luc. 6.

Matth. 24.

a Serm. i. de  
Quadrages.

Hom. 16. in  
Euangelia.

non inueniuntur, in quibus bellum vitis indicitur, & omnium  
virtutum profectus augetur. Digna ab infidelibus reprehensionem  
carpemur, & nostro vitio lingua impie in iniuriam se religionis  
armabit, si ieiunantium mores à puritate perfectæ continentia  
discreparint. Non enim in sola abstinentia cibus  
stat nostri summa ieiunij, nec fructuosè corpori esca subtrahitur,  
nisi mens ab iniquitate reuocetur, ut Leonis Magni verbis  
vramur.



## DOMINICA SE- CVNDA QUADRAGESIMAE, DICTA REMINISCERE.

### *Sequentis Euangelij Argumentum.*

**P**ROponitur ingens miraculum Christi, qui se iterum fortio-  
riorem Satana esse declarat, quum Cananzæ filiam pro-  
lato verbo vno liberat pessimo dæmone. Monstratur &  
eximia fides & perfectæ oratio Cananzæ genere Syrophœ-  
nissæ, ac ethnicæ mulieris, matris vtique calamitosæ, & ma-  
trone non modò negotiosæ, sed etiam prudentis admo-  
dum ac indutriæ, quum Christum summam Dei sapientiam  
ac virtutem arte mirabili tractat, immò quasi capit, captum-  
que ligat, si iuxta spiritum iudicare velimus. Quamobrem  
illa sua precatione & instantia non tam impetrat quàm ex-  
torquet partim sibi pacem in grauissima pugna, partim fi-  
liæ sanitatem, & plenam à vexatione dæmonis liberatio-  
nem. Et Christus quidem huius Euangelicæ mulieris exi-  
miam fidem suspicit, publicèq; commendat, immò nobis,  
omnibusque ex ethnicismo natis commendatiorem facit.

Que magistra gentium non modò fidei constantiam, sed etiam precandi sedulitatem ac feruorem nos egregiè docet: simulquè Christi morem ingeniumquè declarat, vt qui soleat fidelium preces non nisi saepe multumquè rogatus exaudire, & qui nostris precibus ex ardenti pectore profusus non solum inuocari, sed etiam vrgeri & cogi gaudeat. Oportet, inquit, semper orare, & non deficere.] Nam & vidua impium iudicem frequenti & importuna precatione permouet, vt suis satisfaciatur votis in aduersario improbo tandem vindicando. Præterea quemadmodum in Centurione, ita etiam in hac muliere typum habemus Ecclesiæ Christianæ, quæ post Christum in cælos assumptum ex idolatricis gentibus colligenda erat ad veram Euangelicæ fidei professionem. Primum autem Christus à Iudæis, eorumquè finibus cum Euangelio suo secedit, ac deinde fidem Cananæ respicit, quasi præludens regnum Dei ab ingratissimis Iudæis ad gentes, licet ob vitæ impuritatem canes, & tanta gratia indignas, transferri oportere. Quamobrem Apostoli à Christo missi, cum à Iudæis ad gentes transirent, apertè dixerunt: Vobis (Iudæis) primum oportebat loqui verbum Dei: sed quoniam repellitis illud, & indignos vos iudicatis æternæ vitæ, ecce conuertimur ad gentes, sic enim præcepit nobis Dominus.] Tanti refert vt Christi gratiam nobis gentibus oblatam, vnà cum ingratissimis Iudæis, in vacuum non recipiamus, sed vnà cum Cananæ sedulò quæramus, ac studiosè complectamur, perpetuòque retineamus. Id quod Paulus Apostolus illis etiam verbis indicauit: Dicis: fracti sunt rami vt ego inserar. Bene: propter incredulitatem fracti sunt; tu autem fide stas, noli altum sapere, sed time. Si enim Deus naturalibus ramis non pepercit: ne fortè nec tibi pareat.]

Luc. 18.

Matth. 8.

Act. 14.

Rom. 11.

## EIVSDEM DOMINICÆ

Euangelium Matth. xv.



**E**gressus JESVS secessit in partes Tyri & Sidonis. Et ecce mulier Cananea, à finibus illis egressa, clamauit dicens: Misere mei Domine fili David, filia mea malè à demonio vexatur. Qui non respondit ei verbum. Et accedentes discipuli eius, rogabant eum, dicentes: Dimitte eam: quia clamat post nos. Ipse autem respondens, ait: Non sum missus nisi ad oues quæ perierunt domus Israël. At illa venit & adorauit eum dicens, Domine adiuua me. Qui respondens, ait, Non est bonum sumere panem filiorum, & mittere canibus. At illa dixit, Etiam Domine: nam & catelli edunt de micis quæ cadunt de mensa Dominorum suorum. Tunc respondens JESVS, ait illi, O mulier, magna est fides tua: fiat tibi sicut vis. Et sanata est filia eius ex illa hora.



NOTÆ MEDITATIONVM ET  
PRECATIONVM CIRCA  
EVANGELIUM.

*Ecce mulier Cananea à finibus illis  
egressa clamauit.*

**M**AGNOPERE laborabo, ut meum ieiunium non sit vanum atque infrugiferum, sed vere Christianum, Deo gratum, simulque animo & corpori salutare: sicut illud *a* Achab regi & *b* Niniuitis conuersis optimè cessisse legimus. Agam insuper gratias Domino, qui sacrum, ac multis tamen inuisum ieiunium nobis in verbo suo commendauit, simulque docuit, hoc ipsum sancta & frequenti precatione ornare, fulcire atque promouere. Est enim ita, sicut Angelus Raphaël disertè tradidit: *Bona est oratio cum ieiunio: & quod alibi pronuntiatur: Exaudiet Dominus preces vestras, si manentes permanseritis in ieiunijs & orationibus in conspectu Dei.* Quemadmodum & à Cypriano scribitur: *Efficax est oratio præcedente ieiunio.* Quare non sat habuit Moyse, qui facie ad faciem Deum est contemplatus, ieiunare, & sicut Chrysostomus rectè notauit, bis Quadragesimam obseruare, sed etiam suas ad Deum preces pro Iudæis hostibus fudit, ut illos offenso Deo reconciliaret. Et Helias Israëlitis auriga, qui medius inter Deum & populum stabat, dierum quadraginta ieiunium egit, & familiare cum Deo colloquium habuit, priusquam curru igneo in cælum raperetur. Tum Ioannis Baptistæ vita quasi perpetuum ieiunium fuit, de quo Christus ipse testatus est: *Venit Ioannes neg, manducans, neg, bibens: à quo magistro discipuli quoque didicerunt frequenter ieiunare, ac simul obsecrationes facere, sicut Euangelista confirmat. Ieiunarunt & Apostoli post sponsum ipsis ablatum, quemadmodum illis prædixerat Christus, eosque ferè semper ieiunasse Chrysostomus docet. Nec minus interim orationi & verbi ministerio vacârunt, qui & orantes & manus Paulo atq; Barnabæ imponentes, ad prædicandum Euangelium eos dimiserunt, quemadmodum Lucas comprobabat. Etsi verò iidem Apostoli in Christum crederent, & ex magna fide patrarent miracula, tamen ad immane quoddam dæmoniorum genus eiiciendum tam diu manserunt imbecilles ac inhabiles, quàm diu ieiunia & preces cum sua*

a 3. Reg. 21.

b Ion. 3.

Tob. 12.

Iudith. 4.

Serm. de ieiun. &amp; tenta.

Deu. 9. &amp; 19

Homel. 1. in

Genesim.

Exod. 24.

&amp; 32.

1. Reg. 19.

4. Reg. 2.

Matt. 11.

Matt. 9.

Hom. 71. ad

popul. Antio.

Act. 6. &amp; 13.



Matt. 17.

Serm. 2. de  
ieiunio se-  
ptimi men-  
sis.

Psal. 34.

Matt. 13.

Luc. 6. &amp; 9.

Matt. 26.

Ioan. 18.

Luc. 22.

Ioan. 17.

Heb. 5.

Luc. 23.

fide non coniunxissent. Vnde cum admirantes rogassent à Domino: Quare nos non potuimus eicere dæmonem? tale responsum acceperunt: *Hoc genus (dæmoniorum) in nullo potest exire, nisi in oratione & ieiunio.* Magnum igitur, ac dæmonibus quoque formidabilem armaturam in eo statuere convenit, si quis ferociores dæmones siue in se, siue in alium grassantes, ieiunio & oratione munitus oppugnet, quoniam tunc illorum tyrannidem duce Christo deuincet. Vt hinc Leo Magnus asserat: Grata est Deo, & terribilis diabolo ieiunantis oratio: nec latet quantum acquirit suæ salutis, quæ tantum præstet alienæ.

Eoque magis vetus Ecclesiæ institutum probabo, quo factum cernimus, vt Christum non modò in superiore Dominica ieiuantem, sed etiam circa supplicem Cananæam modò versantem nobis propositum habeamus. Vult enim sapiens mater, vt Christi regis ieiunantis exemplum Filij sedulò contemplantur, qui & ipse cum ieiunio multas longasq; preces die ac nocte profusas, haud dubiè copulauit, & cum Propheta Regio dicere potuit: *Humilabam in ieiunio animam meam, & oratio mea in sinu meo conuertetur.* Meminerunt & Euangelistæ, quòd Christus vt oraret, in montem & hortum exierit, quodque in oratione pernoctarit, & inter orandum genua flexerit, neque pro se tantum, sed etiam pro Petro & alijs sub mortem sedulò fuerit precatus. Vnde ad eundem Petrum dixit: *Ego rogaui pro te, vt non deficiat fides tua.* Pro alijs verò per Apostolos credituris illud rogauit Patrem, vt omnes vnum essent, ac Filij Dei claritatem æternam agnoscerent, & cum suo capite perpetuò versarentur. Ac viuendi sanè finem ille facere noluit, nisi cum clamore valido & lachrimis Patri sese offerret, & preces supplicationesq; illi ipsi in cruce pro se ac hostibus commendaret. Quapropter & Christi redemptoris exemplum, & Ecclesiæ matris institutum, piorumque omnium nunquam satis laudata consuetudo, si aliàs toto anno, nunc quidem me ad ieiunandum & orandum ma-

xime con-

xime concitabunt. His enim duabus velut alis (ieiunio & oratione) in cœlum subuehimur, terraque sublimiores dattonibus robustiores, summoque Deo chariores reddimur, nihil ut mali non amoliri, & bona cuncta impetrare possimus. Ieiunium certè orationi deuotionem & fiduciam donat, ut Bernardi verbis utar: oratio virtutem impetrat ieiunio, & ieiunium gratiam promeretur orandi. Ieiunium oratorem roborat, oratio sanctificat ieiunium, & Domino representat. ] Iustum verò mihi dolorem creabit, quod non solum à Christo eiusque Prophetis, & Apostolis, sed etiam à Iudaicis mulieribus, ut *a* Iudith, *b* Hester, *c* Sara *d* Anna, tum in ieiunij, tum in orationis vsu & contentione superer, meque illis valde dissimilem præstem. Quid quod Paulus Apostolus Christianos admonet coniuges, à re vxoria ad tempus abstinere, ut eò rectius ieiunio & orationi vacent? sicut Græcorum codicum lectio euidenter ostendit. Nisi verò me ipsum plus satis amarem, facile quidem intelligerem, & corpus velut indomitū equum, rebellemque; seruū ieiunio mihi subigendum, & animam orando in Deum erigendam, diuinæque virtute, ut in gratia proficiam, confortandam esse. Sed me am incusabo ingnuam, qui multis modis æger, medicinam meis vulneribus congruentem defugio, & quantò magis me in via Dei torpentem ac mollē ostendo Christi militem, tantò plus honoris Deo auctori & redemptori meo subtrahō, tantòque grauius ab hostibus meis, ut pote mundo, carne & Satana, quibus nihil est perniciosius, subinde lædor ac vulneror. Tempus igitur esse putabo, ut de finibus veteris hominis egressus cū nostra Cananæ nouā induam spiritus alacritatem, nouumque; studium præstem in Christo Domino mihi demerendo. Id verò fieri poterit, si tres comites à Christo cōmendatos ad sobriè iusteq; viuendum mihi adsciuerō, nimirum ieiunium, orationem ac misericordiam, atque ita veras iustitiæ Christianæ partes, hoc potissimum acceptabili tempore, & exercitare, & ea quæ immortali Deo, ipsique

Serm. 4. de  
Quadrage.

*a* Iudith. 4.  
& 8.

*b* Hest. 4.

& 14.

*c* Tob. 3.

*d* Luc. 2.

1. Cor. 7.

Matt. 6.

Tit. 2.

proximo,

Serm. 60.  
de tēpore.

Serm. 1. de  
ieiunio de-  
cini mēsis.

Daniel. 4.

Serm. 43.

proximo, & mihi debentur, bona fide præstare contendere. Vt enim Augustinus dilucidè scribit: Hæc est iustitia hominis in hac vita, ieiunium, eleemosyna, oratio. Nec minus luculenter Leo Magnus ponunciat: Tria sunt quæ maximè ad religiosas pertinent actiones, oratio scilicet, ieiunium & eleemosyna: quibus exercendis omne quidem tempus promptū, sed illud studiosius obseruandum, quod Apostolicis accepimus traditionibus consecratum. Oratione propitiatio Dei quæritur, ieiunio concupiscētia carnis extinguitur, eleemosynis peccata redimuntur, simulq; per omnia DEI in nobis imago renouatur, si & in laudem eius semper parati, & ad purificationem nostram sine cessatione solliciti, & ad sustentationem proximi indefinenter simus intenti. ] Eòdem spectat illa Chrysologi adhortatio: Si volumus Moyse gloriæ, Helix vitæ, Ioannis virtutibus, omnium Sanctorum meritis applicari, insistamus orationi, vacemus ieiunio, misericordia seruiamus. Qui in his vixerit, qui per ista fuerit communitus, iacula peccati, diaboli tela, mundi machinas, vitiorum cuneos, mala carnis, voluptatum laqueos, arma mortis, Christianus armiger & bellator Dominicus non timebit.

*Miserere mei Domine, fili David, Domine adiuua me.*

Genes. 32.

LVCTATUR cum Angelo DEI Iacob Patriarcha: luctatur & cum Christo Domino Cananæa, & velut extorquet victoriam, quoniam diu multumq; tentata & probata, in precandi officio sedula & inuicta perseverat. Primum enim precante illa, immò & per compita vociferante, nè verbo quidem respondit Dominus. Deinde Apostoli pro illa intercedentes, nihil impetrant. Venit & illa supplex & lachrymabunda, misericordiam petens, & repulsam quoque patitur. Adhæc velut iratus Dominus eandem pro ethnica, ac etiam instar canis, hoc est, vt omni gratia indignā auersari, ac velut bestiam inhumaniter tractare videtur.

In tali

In tali certamine illa mœrens, non despondet animû, non remittit fiduciam, non queritur aut murmurat, non irata vel tœdio victa discedit, non miratur duriciem contra naturam & consuetudinem suam id recusantis, quod sæpè alijs vel non rogatus concesserat, suamque gratiam nulli nō offerentis, si precarentur afflicti. Quid autem isthuc est aliud, nisi vt Scriptura loqui solet, toto pectore clamare ad Dominum, seu inuocare, adeoque cum Deo pugnare; & omnipotentem capere, ligare, vincere? nimirum seria, forti, constāti & ardenti precatione? Quam orandi rationem tenuit & Propheta Moyses, quum ardentem inuocaret Dominum, & iratum laboriosè placaret, vt sceleratus populus pœnas non lueret peruiaciæ suæ. Nam velut retinentem, & ad vindictam paratum Deum ita suis precibus mutauit ac flexit, vt is quasi vim passus, atque ab orante superatus responderit: *Dimitte me vt irascatur furor meus.* Nec est dissimile quod Ieremiæ precanti respondit iratus Deus: *Non obfistas mihi, quia non exaudiam te* Dei enim potentiam serui preces impediabant, inquit Hieronymus. Cur ergo non libenter & frequenter mea & aliorum lugentium, siue pœnas promerētium causa preces fundam, licet optatam gratiam non statim impetrem? Vt enim Chrysostomi verbis utar, Propter hoc differt & expectat Deus, vt occasione accipiat, quæ iustè nos sua cura dignos faciat. Siue autem consequamur, perseueremus inquit, semper in oratione; & non solum gratias agamus, si consequamur, sed etiam si repulsum passi fuerimus. Nam cum Deus aliquid nobis denegat, non minus est quàm si concessisset. Nescimus enim nos, quæ nobis conducant, sicut ipse nouit. Absit igitur vt moleste feram mea vota non exaudiri, sicut nec Paulus exauditus fuit, quando vt carnis stimulo liberaretur orauit. Etenim sapientissimus Deus quum rogatur, largiri multa differt, vt orantem fortius ad petendum exciter, ac patientem maiore cumulet præmio, sæpeque illi maiora & meliora quàm petita, donare disponit. Præclare orat,

quisquis

Exo 8.15.17  
Nahum. 12.Deut. 9.  
Exod. 32.Exod. 32.  
Ierem. 7.In epist. ad  
Gaudent.Hom. 20. in  
Genesim.

2. Cor. 12.

Thren. 3.

Ecclef. 35.

Marc. 11.

Matth. 7.

Luc. 11.

Ioan. 16.

Rom. 5.

quisquis cor & manus in Deum simul attollit, sicut Propheta illo dicto præcepit: *Leuemus corda nostra cum manibus ad Dominum in celos.* Tum verò cor vnâ cum manibus leuo, cùm orationem operatio, & opus oratio fulcit, Deoque commendat. Nihil enim est dubium, orationem meam à Satana plurimùm obseruari, magnoque studio impediri, quum hoc Satanæ flagellum sit maximum, quo suas artes & fraudes ille confringi ac dissipari fert molestissimè. Loquor autem de pia, humili, constanti & feruenti oratione, de qua verè dixeris: *Oratio humiliantis se penetrat nubes,* quamque Christus suis fidelibus toties commendat. *Omnia, inquit, quaecumq; petieritis in oratione credentes, accipietis. Petite & dabitur vobis: querite & inuenietis: pulsate & aperietur vobis. Omnis enim qui petit, accipit: & qui querit, inuenit: & pulsanti aperietur. Petite & accipietis: ut gaudium vestrum sit plenum.*

QVARE si vnquam aliàs, nunc maximè orandi pensum augebo, & Cananæam imitabor, quæ mundi præsidij & opera medicorum destituta, sed & propter sequentem in filia dæmonem grauiter afflicta, nullum precandi finem facit, quoad exoptatum beneficium assequatur. Quoniam verò fide & oratione constanter pugnat, truculentum vincit Satanam, magnamque Christi laudem promeretur. Hanc mulierem mihi & piè precaturis omnibus velut speculum & exemplar esse propositâ existimabo, vt quæ cum sua oratione varias & insignes virtutes coniungit, & à nobis etiam precaturis coniungendas esse commonstrat. Docet me patientiam rebus aduersis ac tristibus adhibere, etiam si crux cruce, & afflictio afflictione cūuletur, & nullum suppetat præsidium. Etenim *tribulatio patientiam operatur, patientia autem probationem, probatio verò spem: spes autem nō confundit,* Apostolo teste. Nec adèò Cananææ virtus eluceret, nisi cū in summis versatur angustijs, à Christo veluti repelleretur, quin etiam quasi conuicio afficeretur, diuq; in sua fide & patientia, perinde vt aurū in igne, probaretur.

Docet



Docet, vt coràm DEO me submissè gerā, sicut illa te catellam seu bestiam agnoscere verita non est, Iudæos interim velut Dominos, Deiq; filios non obscurè prædicans. Nam Gen. 18. & magnus pater, Dei que familiaris amicus Abraham de se tam modicè sensit, vt diceret: *Loquar ad Dominum meum. cum simpuluis & cinis.* Docet præterea, vt IESVM Nazarenū filium Dauid, verum nempe Messiam in lege & Prophetis celebratum, immò verum quoque Deum & hominem, vera fide complectar, & suppliciter colam, nec minus palam adorē, vt pote qui Satanæ possit imperare, nostrumq; in rebus aduersis & desperatis securum esse perfugiū velit. Hunc ipsum ego non modò cum Cananæa, sed etiam vnā Mat. 2. 15. 18. cum Magis & Apostolis, adeò que cum Angelis, præsertim in sacrosancta Eucharistia, reuerenter adoro, ac externis ritibus ad religionē decēter compositis prosequar. Psal. 96. Dignum enim & iustum est, *vt in nomine IESV omne genu flectatur, cælestium, terrestrium, & infernorum,* vt que gentes omnes adorando seruiant Opt. max: Redemptori supplices, sicut & illi triumphans in cælo seruit Ecclesia teste Apocalypsi. Apoc. 5. Docet insuper, vt charitatem sinceram & flagrantem in me foueam, & proximo declarem, alienis quidem miseris æquè ac proprijs indolescens. *Charitas enim non querit qua sua sunt, sed qua aliorum, & iubet non modò gaudere cum gaudentibus, sed etiam flere cum flentibus,* sicut ardens charitate Apostolus tradit. 1. Cor. 13. Rom. 12. Docet demum, vt fidem non mortuam, & quæ tantum in labijs natat, sed eam quæ per charitatem operatur, amplectar atque conseruem. Quid Gal. 5. multa? Tot modis ac indicijs illa suam fidem testatur, confirmat & ornat, vt CHRISTVS de magna illius fide miretur, eamque laudet publicè. Habuit utique fidem iustificantem, sed multis, vt diximus, virtutibus decoratam, valde que raram vt illo quidem tempore, quo Christianæ fidei nostræ prima veluti fundamenta iaciebantur. Habuit fidem inquam, non sanè nudam, non inanem ac mortuam, quam Iacobus Apostolus improbat, non modicam



Galat. 5.  
1. Cor. 16.

vel pusillam, quam & CHRISTVS reprehendit, sed viuam, operosam, ingentem, excellentem, & præclaris diuini spiritus fructibus cohonestatam, breuiter fidem operantem per charitatem, neque disiunctam à vera pœnitentia. De qua fide dixit Apostolus: *State in fide, viriliter agite, & confortamini: omnia vestra in charitate fiant.*

Lib. de orã-  
do Deum.  
Luc. 13.

a Psal. 2.  
b Ioan. 4.  
c Sap. 1.  
d 1. Pet. 2.  
e Psal. 144.

Coloss. 3.

Gal. 6.  
Coloss. 3.

Vtinam verò ego huius Cananææ vel frater, vel hæres esse possim, vt perfectæ fidei virtutem inde à baptismo infusam vsque custodiam, & in ea ipsa progressus faciam, mihi quæ Christum totum lucrifaciam, quemadmodum ista quidem in Christianismo adhuc neophyta lucrifecit, quæ suam fidem tot certaminibus ac victorijs illustrauit, immò & Christo Domino comprobauit, vt is roganti nihil negare amplius posse videretur. *Fiat*, inquit, *tibi sicut vis.* Meritò igitur illa me pudefacit, qui toties ad Christum accedo, quoties precationem, velut sacrum cum illo colloquium, & Angelorum opus, sicut Chrysostomus vocat, instituo. Sed vbi mea fides? quum velut sterilis ficulnea perseuero, tot quæ vana phantasmata mentem meam ita distrahunt ac perturbant, vt crebrò nec Deum præsentem reuerear, nec Angelos assistentes obseruem, ac me ipsum quoque loquentem vix intelligam. Non hoc est *a* in timore Dei seruire, non *b* orare & adorare Dominum in spiritu & veritate, non *c* illum in simplicitate cordis quærere, non *d* spirituales Deo quæ acceptabiles hostias offerre. *e* Prope est Dominus omnibus inuocantibus eum. Sed mox addit Propheeta: *omnibus inuocantibus eum in veritate.* Vbi porrò mea est charitas, vt instar Cananææ alienam calamitatem pro mea ducam, & afflicto compatiar ex animo, me quæ totum iuuando proximo libenter ac diligenter impendam? Et si verò fideles omnes proximis vt fratribus, officiosa charitate, quæ perfectionis est vinculum, debent esse coniuncti, iuxta illud: *Alter alterius onera portate: & sic ad implebitis legem Christi:* tamen liberorum cura, tutela & gubernatio ad parentes maximè pertinet, quos viscera misericordiar

inducere,

induere, & liberis malè habentibus, ex animo misericordes ac fidos esse conuenit. *Si quis autem suorum, & maxime domesticorum curam non habet,* (sicut indulgens ille pater Heli non habuit,) *fidem negauit, & est infideli deterior.* Postremo, quæ mihi Christiana est prudentia? dùm præsentibus Dei flagellis ac varijs Satanæ tentationibus vti nescio, sicut Cananæa conuenienter vsa est, quando humanis consilijs atque prædijs postpositis, ad solum Christum in calamitate sua confugit, fidem in illum confessione, precatione, cultu prodidit, eius misericordiam in graui luctu feruenter implorauit, ac licet tardè ab illo exaudiretur, inimò etiam repelleretur, tamen in fide & oratione inconcussa perstitit, donec sui voti compos efficeretur. Tantò magis meminero cœlestium mandatorum: *a Sine intermissione orate, b Non impediatis orare semper. c Vigilate, omni tempore orantes. d Si moram fecerit, expecta illum: quia veniens veniet & non tardabit. e Renela Domino viam tuam, & spera in eum: & ipse faciet. Expecta Dominum, & custodi viam eius, & exaltabit te. Orationi instate, vigilantes in ea.*

### *Et sanata est filia eius ex illa hora.*

CANANÆÆ fides non solum illustris, quæ Iudæos omnes meritò pudefaceret, sed etiam viuax & efficax fuit, quæ nec solum ipsi matri, sed & filix pro qua precabatur, plurimum contulit. Et complura sunt id genus exempla in Euangelio tradita, quibus doceamur, Christum aliena etiam fide delectari, quandoquidem propter illum Reguli filium, seruum Centurionis & paralyticum per tegulas dimissum restituit sanitati, suamque diuinam potentiam simul & maximam bonitatem in summis periculis, morbisque desperatis depellendis prodidit euidenter. Proinde meam & Catholicam confirmabo fidem, certus quòd eadem ratione parentum fides etiam paruulis in Baptismo subueniat, & salutarem illis licet nec credentibus, nec in-

1. Tim. 5.

1. Reg. 2.

a 1. Thess. 5.

b Eccles. 18.

c Luc. 21.

d Hab. 2.

e Psal. 36.

Col. 4.

Ioan. 4.

Matt. 8. &amp; 9.

Serm. 66. in  
Cant. Can-  
tic.  
Matt. 9.  
Lib. 4. con-  
tra Parmen.

Serm. 14. de  
verbis Apo-  
stol. & lib. 3.  
de libero ar-  
bitri. & lib.  
4. de bap-  
tismo contra  
Donat.  
Ca. 2. de pœ-  
nit. medi.

Act. 12.

telligentibus, virtutem adferat. Probat id Bernardus ex hoc ipso Evangelio: Nemo mihi dicat, inquit, quia non habet fidem, cui mater impertit suam. Magna est Ecclesiæ fides. Nunquid minor Cananæ mulieris, quam constat & filix sufficere potuisse & sibi? Ideò audiuit: *O mulier magna est fides tua, fiat tibi sicut petisti.* Nunquid minor fide illorum, qui paralyticum per tegulas demiserunt? ] Eadem est Oprati Mileuitani sententia, probantis exemplo nostræ Cananæ, fidem & deuotionem parentum paruulis cum baptizantur, ad æternam conferre salutem. Testatur & Augustinus nō semel, paruulos vti parentum peccato pollui, sic etiam illorum fide purgari, à quibus ad baptismum offeruntur: qui ex firma Ecclesiæ autoritate, baptismi Sacramento initientur, ac fidelibus alijs aggregentur. Vnde porrò colligit, suam cuique fidem valdè prodesse, quando & aliena fides paruulis commodata, illis ipsis ad salutem proficiat. Vtitur his quoque verbis: Paruulis ad consecrationem remissionemque originalis peccati prodest eorum fides, à quibus offeruntur. ]

Quod si Cananæ huius fidelis intercessio tam Christo grata, & obsessæ à dæmone filix adeò efficax fuit, vt vim hostis infestissimi profligaret, ac miserrimæ puellæ sanitatem animæ simul & corporis obtineret, multa ego & magna mihi pollicebor de communi & vnanimi totius Ecclesiæ precatione, per quam peculiaria negotia summo Deo commendantur, vel creaturæ quædam benedicuntur atque sanctificantur. Eiusmodi precatione factum est, vt Petrus totius Ecclesiæ princeps & pastor Herodiano carcere liberaretur, vtpote pro quo fiebat oratio sine intermissione ab Ecclesia. Quid verò tot credentium millia, præsertim vno spiritu, pari fide, & conformi oratione coniuncta non impetrent, siue mala deprecanda, siue bona expetenda sint? Vidimus autem communes Ecclesiæ preces maximè adhiberi, quando à sacerdotibus, tanquam legatione pro Ecclesia fungentibus, supplicationes publicæ ad altare

funduntur, vel certis dici horis, sicut & Clemens præcipit, Deo commendantur. Dici non potest, si verum fateri volumus, quanta sit vis istiusmodi precationum atque benedictionum, quarum gratia Deus Ecclesiæ filijs etiam immerentibus parcat, multaque largitur, & hostium arcet insidias, sicut experientia sæpè comprobauit. Docet certè Paulus Apostolus, hisce communibus votis & precationibus fidelium permultum esse tribuendum, quandoquidem toties in suis epistolis meminit, & amanter efflagitat, vt in suo ipse ministerio multorum intercessione subleuetur, & magistratus quoque iuuentur. Notat & Chrysostomus, tres pueros Babylonicos in sua precatione obseruasse, vt quoniam se ipsos ad impetrandam populo veniam sufficere non crederent, ad patrum merita confugerent, proficientes interim, se nihil de suo adferre amplius, quàm humiliatum spiritum & cor dolore contritum. Quicquid ergo Ecclesiæ hostes ac pestes obganninant, ego de Ecclesiæ Catholicæ siue in terris militantis, siue in cælo triumphantis supplicationibus publicisque precibus præclare semper sentiam, illisque me & meos siue viuos, siue mortuos, fideliter commendabo. Tùm Christo totius Ecclesiæ capiti de hoc tanto thesauro nobis collato, & in articulo fidei de communione Sanctorum incluso, gratias agere non intermittam. Sinamus autem errare cæcos & cæcorum duces, qui vt se ipsos iam dicta Sanctorum communione defraudent, ac insuper velut resecti à vera vite palmites, ab omnibus agnoscantur, cùm Ecclesia Catholica eiusque Sanctis, precibus & benedictionibus, hucusque probatis & receptis nihil volunt habere commune. Quare nullus illorum id sibi verè sumere potest, quod Orthodoxus in Domino gloriabundus cum Prophetâ latè decantat: *Par-*

*ticeps ego sum omnium timentium te,  
& custodientium manda-  
ta tua.*

Lib. 7. Cōst.  
Apost. c. 40

Rom. 15.  
Ephes. 6.  
Heb. 13.  
1. Tim. 2.

Hom. 4. &  
41. in Matt.  
Dan. 3. & 9.

Matth. 15.

Ioan. 15.

Psal. 118.

## DE PRECIBVS CVM HOC EVANGELIO CONIVNGENDIS.

Apoc. 11.

**P**RECANDVS est mihi Deus, ut horrendam Satana nunc longè lateq; grassantis tyrannidem comprimat, nè tam multa templa, immò & corda humana occupet atq; vastes. Etenim in hac extrema mundi senectâ magis ac magis impletur illud vaticinium, quo prædixit Ioannes Apostolus fore, ut draco ille magnus & serpens antiquus, qui seducit uniuersum orbem, quiq; nouit modicum sibi tempus ad pugnandum superesse cum mortalibus, non sine ira vehementi in terram descendat, ac nouo studio mulierem Sole amictam persequatur, praliūq; faciat cum reliquis de semine mulieris, qui custodiunt mandata Dei, & habent testimonium IESV CHRISTI.

**R**OGABO insuper Dominum, ut spiritus fidei, orationis ac ieiunij, qui in multis hodie iacet extinctus, hoc sacro præsertim tempore magis magisq; resuscitetur. Nec mihi solum, sed etiam alijs, qui quotidianam cum Satana luctam inire debent, optabo sanctorum Angelorum fida præsidia, quibus communiti, in supradictis Cananae virtutibus maiore progressionem faciant, nec de sua tantum, sed aliorum etiam pereuntium salute procuranda solliciti esse conentur.

**A**D HÆC pro afflictis & tentatis orabo, quorum nempe fidem & patientiam tentat Deus, vel quos paterna virga corripit, ut in suis illi tenebris lucem, & in angustiis pacem diuina visitationis percipiant, quemadmodum Cananaea percepit, tanto Christi beneficio penitus exhilarata. Commendabo insuper Christo parentes, ut norint cum Cananaea iustam liberorum habere curam, & gratiam illis necessariam precando quarant & impetrent.







# DOMINICA TER-

## TIA QUADRAGESIMÆ,

### dicta OCVLI.

#### *Sequentis Euangelij Argumentum.*

**O**stendit Euangelium non vulgare Christi miraculum in sanato homine calamitoso, quem & cæcum & surdū & mutum fecerat hostis in hominum perniciem coniuratiſſimus Satan. Christus autem hoc ipſo Satana quantumvis robusto & armato fortior, oculos, aures & linguam homini miserrimo perfectè restituit, vt ille videre, audire & loqui, suorumque sensuum vsū habere commodum posset. Etenim sicut Ioannes affirmat: In hoc apparuit filius Dei, vt dissoluat opera diaboli.] Præsentes verò spectatores de Christo eiusque miraculo malè sentiunt & loquuntur, vt ille suam innocentiam meritò tueatur. Vnde grauitèr de suis miraculis, & præsertim de dæmonum expulsionè, hîc disſerit, ac fidem illis irrefutabilem adstruit, nec modò Iudæos, sed alios etiam impios & blasphemos aduersarios quadruplici ratione retundit, solidèque probat, miracula sua nullo Satanæ ministerio vel adminiculo, sed propria & diuina virtute patrari, & salutem adferre mortalibus, signumque præbere gratiæ latentis antea, sed nūc patefactæ & oblatae mundo, quando Messias tam potenter operatur, ac regnum Satanæ qui mundi Princeps erat, magis magisque labefactat. Admiscentur quædam ad eundem Satanam, eiusque simul & Christi regnum pertinentia. Illud notatu dignū est, inter multos Euangelij auditores: aded paucos, vt Christus queritur, electos reperiri, qui Dei verbum non solum audiant, sed

1. Ioan. 3.

Matt. 7.



1. Ioan. 3. & 5  
Apoc. 1.  
& 22.

etiam custodiant, hoc est, non solum in mente seruent, verum etiam quod fide conceperunt, faciant & opere compleant, sicut hunc locum Theophylactus & Beda interpretantur. Ita de mandatis Dei custodiendis Ioannes sæpe loquitur, sicut & in Apocalypsi, Beatus qui legit, & qui audit verba prophetiæ huius, & seruat ea quæ in ea scripta sunt.] Audiunt quidem plurimi Christum hic disserentem, & summum vident miraculum: sed hinc alij ad bilem & liuorem concitantur, vt etiam horrendas in Christum blasphemias euomant: alij in admirationem tantum rapiuntur, ac Dominum tentare, & curiosa magis quam salutaria exquirere non verentur. Vnica duntaxat muliercula reperta est, quæ diuinitus edocta, suam de Christo fidem publicè profiteretur, simulque nefaria calumniatorum ora, suo sermone laudatorio confutaret atque retunderet. Postremò videas hoc loco execrandum hominum genus atque ingenium, qui tumore & inuidia nequitiaque exacerati, pro acceptis beneficijs pessimam referunt gratiam, vt quos amare & colere maxime debebant, illos hostiliter insectentur, eorumque benefacta in peiorem partem intorqueant, mordeant ac deprauent. Eiusmodi Satanæ filij erant liuore malitiaque pleni Pharisei, non dissimiles quidem serpentibus, qui more suo cuncta quæ comedunt, in venenum vertere solent. Tantoque magis nos admirari decet Christi Domini mansuetudinem, qui peruiaces ac implacabiles aduersarios, si quando cum illis disputat, tam benignè & candidè tractare consuevit.



## EIVSDEM DOMINICAE

Euangelium Lucae xi.



RAT JESVS eiciens demonium:  
& illud erat mutum. Et cum eiecisset  
demonium, loquutus est mutus: &

*admirata*

admirata sunt turba. Quidam autem ex eis dixerunt, In Beelzebub principe demoniorum eijcit demonia. Et alij tentantes, signum de cælo querebant ab eo. Ipse autem ut vidit cogitationes eorum, dixit eis. Omne regnum in seipsum diuisum desolabitur, & domus supra domum cadet. Si autem & Satan in seipsum diuisus est: quomodo stabit regnum eius? quia dicitis in Beelzebub me eijcere demonia. Si autem ego in Beelzebub eijcio demonia: filij vestri in quo eijciunt? Ideò ipsi, iudices vestri erunt. Porro si in digito DEI eijcio demonia: profectò peruenit in vos regnum DEI. Cùm fortis armatus custodit atrium suum: in pace sunt ea quæ possidet. Si autem fortior eo superueniens, vicerit eum: vniuersa arma eius auferet in quibus confidebat, & spolia eius distribuet. Qui non est mecum, contra me est: & qui non colligit mecum, dispergit. Cùm immundus spiritus exierit de homine, perambulat per loca inaquosa, quarens requiem. Et non inueniens dicit, Reuertar in domum meam unde exiui. Et cùm venerit, inuenit scopis mundatã & ornatam. Tunc vadit & assu-

mit septem alios spiritus nequiores se, & ingressi, habitant ibi. Et sunt nouissima hominis illius peiora prioribus. Factum est autem: cum hæc diceret, extollens vocē quædam mulier de turba dixit illi, Beatus vëter qui te portauit, et vbera qua suxisti. At ille dixit: Quinimò beati qui audiunt verbum DEI, & custodiunt illud.



NOTÆ MEDITATIONVM ET PRECA-  
TIONVM CIRCA EVANGELIVM.

*Erat IESVS eiciens demonium.*



Voniam in hoc Euangelio, sicut etiam in præcedentibus, frequēs fit mentio de spiritibus immundis & nequam, qui dæmones vulgò dicuntur, in mentem mihi reuocabo, quæ quantaq; sit istorum superbia, inuidia, fraudulentia, nequitia, crudelitas, peruicacia: quomodo in vita & morte hominibus bonis & malis insidientur, quales illorum tentationes mihi plus detrimenti adferant: tum quibus præsidij ad mille illorum nocēdi artes & technas dissipandas, magis egeam in mea vocatione, nimirum vt ab eorum insultibus liberior conseruer, & sub Imperatoris Christi signis expeditius militē. Quandiu enim hîc viuatur, ardua nobis & ppetua est colluctatio siue lucta non cum vno, sed multis variorum ordinum dæmonibus, & sicut Paulus vocat, principibus, potestatibus, mundi quæ rectoribus, siue, vt Hilarius vertit, mundi potentibus. Ac mundi quidem princeps, omniumq; dæmonum caput (Apostolus & huius sæculi Deū appellat) est Lucifer supremæ quidē Hierarchiæ supremus Angelus. Is à Ioanne varijs nominibus insignitur, vt qui sit draco magnus sub se suos con-

tinens

phel. 6.

Cor. 4.  
poc. 12. 20

tinens Angelos, serpens antiquus, diabolus & Satanas, orbis seductor, & cum illis depugnans maximè, qui mandata Dei custodiunt, & IESV Christi habent testimonium. Hunc ipsum DEI & bonorum omnium capitalem aduersarium, humanæ saluti semper inuidētem ac obsistentem, præsens etiam Euangelium proponit, cumque CHRISTVS fortem vocat armatum, in atrio palatioque suo præpotentem, quoad ab alio fortiore vetera illius arma tollantur, & ipse spolijs priuatus & ligatus, in abyssum proijciatur. Hic improba & insatiabilis est bellua, calliditate & versutia cuncta præcellens animantia, tyrannus iridem ac rex super vniuersos filios superbix, adeò suis confidens viribus, vt putet quasi paleas ferrum, & quasi lignum putridum esse, nullamque prorsus potestatem illi similē super terram reperiri, quemadmodum sanctus ille Iob Saranicas technas expertus prodidit. Fortis quidem ille natura sua, qui inter primos Angelos à DEO creatus, hoc sibi sumere non metuit: *In celum conscendam super astra Dei, exaltabo solium meum, sedebo in monte testamenti in lateribus Aquilonis. Ascendam super altitudinem nubium, similis ero Altissimo.* Fortis idem longo rerum vsu & perpetua vigilantia, qui nos dies & noctes impugnat, nihil remittens de sua peruicacia & improbitate. Fortis rursus insaturabili nostri odio, quo ad opprimendos illos fideles rapitur, qui arctissimis se cum DEO vinculis adstrinxerūt, vt verè à Propheta dicatur, *Cibus eius electus.* Fortis demum culpa ignauiaque nostra qui peccando vires illius maiorem in modum augemus, ac dormitando insuperalem ferè illum reddimus. *A quo enim quis superatus est, huius & seruus est,* Petro Apostolo teste. Verè perui-gil ac indefessus ille aduersarius, qui circumeundo totum orbem perambulat, ac tanquam leo rugiens & famescens continenter quærit quem deuoret, ac deuoratum in sua retineat potestate, cum non solum in terris, sed etiam apud inferos hominibus dominari, & seuißimum præstare tyrannum, maximè gaudeat.

Gen. 3.

Iob 41.

Isai. 14.

Abacuc. 1.

2. Pet. 2.

Iob 1.

1. Pet. 5.

Pſal. 23.

Rom. 16.

Ephes. 6.

Ioan. 3.

Matt. 6.

Genes. 3.

Ioan. 8.

Sapient. 2.

Pſal. 12.

Pſal. 7.

De institut.  
renuncian-  
tiũ. cap. 37.

QVÆ cū ita sint, victori Satanæ CHRISTO, Regi gloriæ, Dominoque forti & potenti in prælio, vt pſaltes regius canit, ingentes agam gratias, quoniam subacto Satana, suum Dei que regnum nunquam euertendum erexit, eamque virtutem fidelibus contulit, vt illum ipsum cum toto serpentino sodalitis sub suis pedibus contere possint. Agam quoque gratias, quod non sine ingenti beneficio verbum DEI tanquam gladium spiritus, & fidei scutum acceperimus, in quo tela nequissimi ignea, si volumus, teste Paulo, extinguere possimus. Eadem Christi gratia contigit, quod huic principi, sub cuius imperio nascuntur omnes, secundum institutionem Apostolicam, quum primum ex aqua & spiritu renasceremur, abrenūciauerimus, nos quasi sacro & inuiolabili iuramento adstringentes, vtrumque hostem deterrimum (Satanam & mundum) nobis tota vita fugiendum ac detestandum esse, vt in solis CHRISTI castris, cui nos totos dedidimus, fideliter militemus. Nec temerè quidem factum est, vt in Dominica precatione, sicut Chrysostomus & Basilii interpretantur, Satanæ fiat mentio, nè obliuiscamur vnquam cœlesti nos ope indigere, vt ab illo malo, inuicem pessimo aduersario, qui & tentator dicitur, liberi ac illa si conseruemur. Malus est ille profecto, quia peccati omnis author & homicida, qui ab initio in veritate non stetit, quiq; bellum homini insert perpetuum, atque illius exitio maximè delectatur. Ac licet fide armatis & innocentia testis nocere non possit, tamen nullum finem facit tentandi nos externis malis, & quacunque ratione fieri potest, in carne & spiritu domi forisque diuexandi. Proinde si sapio, cum Propheta precari non desistam, vt nè talis inimicus mihi præualeat, atque ita dicam: *Domine Deus meus in te speraui: saluum me fac ex omnibus persequentibus me, & libera me, nè quando rapiat vt leo animam meam, dūm non est qui redimat, neq; qui saluum faciat.* Nec obliuiscar vnquam sententiæ à Cassiano traditæ: Versutus serpens calcanea nostra semper obseruat, id est, insidia-



tur exitui nostro, & vsque in finem vitę nostrę nos supplantare conatur. ] Sępę in super in mentem reuocabo, quod Bernardus notauit, Christi milites in hoc vocatos esse, vt crebros adeoque continuos habeant conflictus aduersus dęmones natura subtiles, & exercitatione longa deprauatos: tum in nobis esse situm, si manus illi dare velimus, quia nemo nostrum ab illo deiiciatur ac superetur intuitus. *Sub te est o homo appetitus tuus, & tu dominaberis illius.* Potest, ait, inimicus excitare tentationis modum: sed in te est, si volueris dare seu negare consensum. In tua facultate est, si volueris inimicum tuum facere seruum tuum, vt omnia tibi cooperentur in bonum. ] Hinc extat pręceptum illud Apostolicum nulli non obseruandum: *Subdite estote Deo, resistite autem diabolo, & fugiet a vobis.* Sicut & princeps Apostolorum mędat omnibus fidelibus: *Sobrii estote & vigilate, quia aduersarius vester diabolus tanquā leo rugiens circumit, quarens quem deuoret, cui resistite fortes in fide.* Fuit sanę in hoc Satana debellando miles peritissimus Antonius Magnus, reque ipsa didicit, & alios docuit: quibus armis hostis ille maximę profligetur. Pertimescit Satanias, inquit, piorum vigilias, orationes, ieiunia, voluntariam paupertatem, misericordiam & humilitatem, maximę verō ardentem amorem in Christum Dominum. ] Sic autem Antonium docuisse, immō & fecisse, fide dignum testem habemus Athanasium. Neque dissentit ab his martyr Cyprianus, vbi monet contra immanem hunc hostem nos bellum assiduū gerere, eoque magis cauendum esse, nē idem in nobis demum vacantem inueniat, & arma quidem hęc nobis ad defensionem esse sumenda: Sit in manibus, inquit, diuina lectio, in sensibus Dominica cogitatio: oratio iugis omninō non cesser, salutaris operatio perseueret, vt quoties inimicus accesserit, & clausum aduersum se pectus inueniat & armatum. Tunc enim non inueniet domum vacantem, & ad expugnandum paratam.

Genes. 3.

Sermon. 5.  
de Quadragē  
ges

Genes. 4.

Rom. 8.  
Iacob. 4.

1. Pet. 5.

In vitę D.  
Antonij.

Si in



*Si in digito Dei eijcio demonia, profectò  
peruenit in vos regnum Dei.*

Ioan. 14.

Matt. 28.  
Ioan. 11.

INGENTI consolationi & mihi & fidelibus omnibus esse debet, quòd in Christi regno, id est in Catholica Ecclesia versemur, ac proinde Spiritum sanctum in ea veluti templo suo presentem doctorem, qui veritatem nos omnem doceat, usque habeamus. Sed & Christo Domino gratias à nobis agi par est, qui è cœlo veniens, hoc regnum excellens in terris fundauit, atque sicuti promisit, in illo ipso administrando ad mundi finem usque nobiscum perseverat. Nam & præcipua mortis eius causa fuit, ut filios Dei qui erant dispersi, in vnum hoc regnum congregaret, & congregatos in unitate & pace Ecclesiæ perpetuo conseruaret. Ex animo autem dolebo, tot ac tantos aduersarios visibiles atque inuisibiles passim inueniri, qui huic Christi regno & Ecclesiæ sanctę vnioni hostiliter aduersentur, & si ante hac vnquam nunc maximè quidem bellum funestissimum inferant. Ad quam rem non desunt tetris dæmonibus copię, non arma, non artes mille nocendi, habet regnum suum ita cõstitutum, ut sub suo principe viuentes, alij alijs mutuò subseruiant, & communibus deinde studijs ad Ecclesię hominumque iniuriam consilia sua constanter dirigant omnia. Non enim est Satanás in se ipsum diuisus, uti præsens docet Euangelium, sed nouit regnum suum tràquillum seruare & augere, idèòque impigros & consentientes è suis domesticis adhibet procuratores, qui certis etiã legibus in officio suo continentur, & dei domum oppugnent. Hinc ego meam confirmabo fidè de cõseruatione & profectu regni, quod Christus tenet, semperque tenebit in Ecclesia per bonos ac indignos ministros administrãda. Qñ cum sit Rex & Monarcha omnium sapiētissimus, procul dubio potest & vult, ut cum decenti ordine cuncta in Ecclesia peragantur, utque varij credentium status secundum certas subiectionis & obedientię leges eo dirigantur, ut fide & charitate coniuncti, ad

benè

benè beatèque viuendum perueniant. Eòq; maioris ego posthac faciam, ac religiosius colam vnionem & harmoniam illam sanctissimam, quæ Christo capiti cum corpore mystico, & inter ipsa membra eiusdem corporis intercedit nullo vnquam tempore dissoluenda. Hæc enim est illa vnio, quam Christus pro nobis moriturus, suis fidelibus à Patre dari petiuit, & discipulis quoq; post cœnam vltimam commendauit, imò sine qua ipsum Christi regnum stare, & durare, ipsisq; portis inferorum præualere neutiquam posset. Adeò verum est illud: *Omne regnum in se ipsum diuisum, desolabitur.* Vbi enim diuisio, ibi desolatio. Vbi deest ordo, mox indecora sequitur confusio. Et sicut concordia bonorum omnium parente, res paræ crescunt: sic fœda discordia cunctorum nutrice malorum res maximæ dilabuntur. Eodem spectat & illa Christi sententia: *Qui non est mecum, contra me est: & qui non colligit mecum, dispergit.* Qui enim pacem Christi & concordiam rumpit, aduersus Christum facit. Qui alibi præter Ecclesiam colligit, Christi Ecclesiam spargit, vt Cypriani verbis vtamur. Christi est eritque semper officium; à diabolo dispersos colligere in vnum corpus, illudq; perficere, vt totius multitudinis sibi cohærentis cor vnum sit & anima vna. *Ipsè facit habitare vnanimes in domo. In pace factus est locus eius. Non est dissensionis Deus, sed pacis.*

DOLEBO igitur vehementer, in mundo passim regnare Beelzebub; qui fideles etiam collectos dispergat, Christi que regnum in præsentis angustias redigat, quantumuis à CHRISTO fuerit superatus, & in tartarum religatus. Dolebo insuper, maiorem quàm vnquàm antea, distractio-nem animorum, & sectarum colluuiem apud Europæos apparere, indèque grauissimos Reipublicæ motus in religionis negotio magis magisque importari. Et neque spes quidem optatæ tranquillitatis affulget, quamdiu homines nouandæ fidei cupidi, in suo pergent sensu abundare, & odium potius quàm desiderium ac studium adferent Eccle-

Ephes. 5.

Ioan. 14.

&amp; 17.

Matth. 16.

Luc. 11.

Luc. 11.

In tract. de  
simpli. præ-  
latorum.

Ioan. 11.

Actor. 4.

Pl. 67. &amp; 75.

1. Cor. 14.

Apoc. 20.

|                                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
|---------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--|
| Thren. 1.<br>& 2.                                 | <p>fiaticæ pacis &amp; cōcordiæ refarciendæ. Propterea hunc turbulentum Ecclesiæ scissæ statum, in quo nihil magis quàm dulcis &amp; amabilis concordia desideratur, ego sæpè deplorabo, quemadmodum &amp; Ieremias suo seculo grauitèr deplorauit, simulque Paulinum induam animum ad crucis Christi &amp; Ecclesiæ eius inimicos lachrymis prosequendos, quoniam Spiritum sanctum pacis omnis authorem &amp; amatorem contristant, immò &amp; extinguunt, malumque simul spiritum, qui ad sciendam vnitatem fidemque subuertendam cuncta molitur, ingenti studio consecretantur. Præterea discam à Paulo, per sacrosanctum nomen IESU Christi illos obtestari qui nouas de fide contentiones pro sua libidine spargunt atque defendunt, illisque vna cum Paulo dicam <i>Obsecro vos fratres per nomen Domini nostri IESU Christi, vt id ipsum dicatis omnes: &amp; non sint in vobis schismata: sitis autem perfecti in eodem sensu &amp; in eadem scientia</i>, vel sicut legunt nonnulli: <i>sitis perfecti eadem mente &amp; eadem sententia</i>. Alios verò qui constanter Ecclesiæ cōcordiam quærent ac retinent, eum eodem Apostolo, si possim, confirmabo, simulque cohortabor, vt solliciti esse pergant seruare vnitatem spiritus in vinculo pacis. Eisdem repetam &amp; illud: <i>Idem sapite: pacem habete, &amp; Deus pacis &amp; dilectionis erit vobiscum</i>. Quam Ecclesiæ pacem atque vnitatem ego mihi &amp; alijs tantò magis commendabo, quantò frequentius illam diuina scriptura proponit, eaque magis ad singularem electorum consolationem stabiliendam pertinet. <i>Vnus enim est &amp; magister vester, vnus b pastor Christus</i>, qui &amp; vnum amat ouile, vnum habet corpus, vnā sponfam, columbam &amp; amicam. Quid autem his Apostoli verbis luculentius? <i>Vnū corpus &amp; vnus spiritus: vnus dominus, vna fides, vnum baptisma</i>. Hoc vnitatis sacramentum, hoc vinculum concordie inseparabiliter coherentis ostenditur, quando in Euangelio tunica Domini morientis non diuiditur omninò nec scinditur. Mystero enim vestis huius declarauit Ecclesiæ vnitatem, vt Cyprianus affirmat, qui &amp; negat Christi</p> |  |
| Ephes. 4.                                         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
| 1. Cor. 1.                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
| Ephes. 4.                                         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
| 2. Cor. 13.                                       |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
| a Matt. 13.<br>b Ioan. 10.                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
| Ephes. 4.<br>Cantic. 6.<br>Ephes. 4.<br>Ioan. 19. |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |
| De simplicitate prælati.                          |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                 |  |

sponfam,

sponsam cum incorrupta sit ac pudica, posse vnquam adulterari: illum verò à promissis Ecclesiæ separari, quisquis ab Ecclesia segregatus, adulteræ iungitur. Nec pertinet, inquit, ad Christi præmia, qui relinquit Ecclesiam Christi, alienus est, profanus est, hostis est. ] Honore autem Ecclesiæ saluo, salua pax est, vt præclare dixit Tertullianus.

*Extollens vocem quedam mulier de tur-  
ba dixit illi.*

Lib. de Ba-  
ptismo.

QUANTVMVIS insaniat Satan, & impij fremant & frendeant, portæque inferi contra Petram insurgant, tamen suos habet Christus vsque professores, & testes, & cultores; quin & subinde infantes & lactentes excitat, ex quorum ore defensionem laudemque suam perficiat, & oppugnatam veritatem magis ac magis illustret vindicetque. Quare mihi negligendi, imò & veluti pestes deuirandi sunt hoc seculo sectarij, qui si antea vnquam, nunc maximè quidem se furiosos Satanæ pugiles exhibent, quum in Christum eiusque Sanctos, & sacramenta sint omnino balthemi atque contumeliosi. Illos autem amabo atque complectar, qui velut luminaria quedam, vt Paulus appellat, in medio nationis prauæ & peruersæ lucent, quiq; causam oppugnatæ religionis non solum verbis & scriptis defendunt, sed & inculpatis moribus & rerum suarum iactura, præsentique vitæ discrimine cōfirmant ac asserunt. Quocirca nobis agnoscenda, & peculiariter celebranda est hæc insignis Christi virtus ac gloria, quòd etiamnum in medio inimicorum ora multis paruulis aperiat, & linguas infantium non rarò disertas faciat ac efficaces, vt eò magis pudefiant aduersarij, oppugnata & veritas inclarescat. Neq; minus curabo, vt quanto plures hodie canes cōtra Orthodoxos oblatrāt & mordent, tantò liberius atque constantius ego meam & Ecclesiæ fidem profitear, nihilque in edenda veræ fidei confessione remittam, vel ob amicorum gratiam, vel improbitatem calumniatorum. Est enim Catholici cum Paulo testari: *Non eru-*

Matt. 16.

Psal. 8.

Matt. 21.

Phil. 2.

Rom. 1.

Psal. 115. 118.

*besco Evangelium*: Et cum Propheta dicere: *Credidi, propter quod loquutus sum. Loquebar de testimonijs tuis in conspectu Regum, & non confundebar.* Etenim quò magis fidei veritas oppugnatur ac læditur, eò liberiores testes & ardentiores confessores exigit, vt sua Deo & veritati gloria tribuatur.

Psal. 150. 67.  
& 115.

R V R S V S ab hac Euangelica muliere, quam volunt Marcellam appellatam, & in domo Marthæ ancillam fuisse versatam, non iniuria discam studium illud DEO gratum esse, quo CHRISTVS in se & Sanctis suis ab Ecclesia prædicatur & colitur: Ita enim nos docuit per Psalterium regium Spiritus sanctus: *Laudate DEVM in Sanctis eius, Mirabilis & gloriosus Deus in Sanctis suis. Preciosa in conspectu Domini mors Sanctorum eius.* Et quoniam Sanctos alios, cuiuscunq; sint ordinis, incomparabilis illa Virgo virginum & lectissima CHRISTI mater Maria longè præcellit, singulari quodam honore & cultu illam prosequar, quemadmodum isthæc laudabilis piaque matrona non sine diuino spiritu fecit, & simul ante illam insignis Angelus Gabriel & sancta Elisabetha suo nos docuerunt exemplo. Tantoque constantius veteri Ecclesiæ Catholicæ instituto me conformabo, vt castissimum Deiparæ vterum, & sanctissima eius vbera celebrem, vtque cum veteri poëta Sedulio lætè canam: *Salve sancta parens, enixa puerpera regem. Benedictus utique fructus ventris Mariani, utpote omnis diuinæ benedictionis & humanæ salutis fons, meritò prædicatur.* *Benedicta & tu inter mulieres*, vt Gabriel & Elisabetha inquirunt; *benedicta inquam*, in vitæ mortalis ingressu, progressu & exitu, in anima & corpore glorioso, vt hinc te beatam generationes omnes iure concelebrent. Quòd si beati sunt omnes qui verbum Dei audiunt & custodiunt, vt hinc Veritas manifestè testatur, quantò beatior cæteris pijs & iustis Christi mater nobis est existimanda, quæ antequàm ad hoc maximum dignitatis genus vt virginea Domini mater esset prouheretur, ab Angelo ad se missa, &

Luc. 1.

Luc. 1.



ab ipso Filio sibi subdito Dei verbum audiuit, auditumque summa fide, humilitate, pietate & charitate complexa est, seque dignissimam verbi custodem perpetuò præbuit? Igitur nō solum in hac nostra Marcella, sed etiam in præstantibus omnium ætatum hominibus laudabo vetus institutum, quo factum est, vt in Mariæ laudem piæ voces extollerentur, hymni decantarentur, virtutes eius & merita prædicarentur, talisque mater & regina, quæ nec primam visa est similem, nec habere sequentem, priuatim & publicè commendaretur. Rursus non sine tristitia meminero, me à Deiparæ Virginis perfectione atque iustitia, quæ satis extolli nūquam potest, tam procul abesse, vt cum illa conferri nulla ex parte queam. Dolebo insuper, foelicitatem mihi nequaquam competere, quam CHRISTVS diuini verbi auditoribus atque custodibus siue obseruatoribus hîc tribuit. *Beati inquit, qui audiunt verbum Dei & custodiunt illud.* Nihil magis exoptat Dominus præterquàm vt plurimos habeat sibi matres verè spirituales, hoc est, qui diuini verbi cœleste semen mysticè concipiant ac retineant, donec in eis pariat vitam æternam. Etenim licet mater Christi secundum carnē sit ynica, quæ illum corporaliter conceperit ac generârit, eaque ratione homines & Angelos omnes excellat, tamen hunc maternitatis, vt sic dicam, titulum largitur etiam Christus alijs obedientibus, qui verbum Dei cum fide percipiunt, & in corde conseruant atque sic excolunt, vt verbi simul auditores & factores iure dicantur. Quocirca scriptum legimus. *Maria conseruabat omnia verba hæc, conferens in corde suo. Quicumq; fecerit voluntatem Patris mei qui in cœlis est, ipse meus frater & soror & mater est. Non omnis qui dicit mihi Domine Domine, intrabit in regnum cœlorum, sed qui facit voluntatem Patris mei ipse intrabit in regnum cœlorum.*

Iacob. 1.

Rom. 1.

Luc. 2.

Matt. 12.

Matt. 7.



## DE PRECIBVS CVM HOC EVANGELIO CONIVNGENDIS.

2. Petr. 2.  
Iud. 1.

**P**RECANDVS est mihi Deus pro varijs hodie generibus blasphemantium, præsertim hæreticorum, per quos, ut Petrus Apostolus fore prædixit, via veritatis blasphematur, quisq; in his quæ ignorant, blasphemare non verentur. Nunquam enim Ecclesia petulantiores habuit insectatores, atque impudentiores illusores, qui sacra ferè omnia conuellerent atq; conspuerent, quin & apud populum infamarent. Quæ ratione Ioannis impletur vaticinium de illis, qui authore Satana contra Sanctos bellabunt, simulq; blasphemi erunt in nomen Dei, & tabernaculum eius, aliosq; in cælo habitantes. Datũ est enim Bestiæ, eiusq; ministris, os loquens magna & blasphemias, nimirum ut immanem ac furiosam planeq; diabolicam in blasphemando libidinem expleant.

Apoc. 13.

**O**RABO etiam pro plerisq; Catholicis in Christi regno quidem versantibus, sed contra fidem Christo datam Satanae multa permittentibus, consentientibus, colludentibus, perinde ac si duobus dominis inservire simul ac satisfacere possint. Neg, enim illam Christi sententiam secum expendunt: Qui non est mecum, contra me est: & qui non colligit mecum, dispergit. Certe qui Christo per fidem & charitatem non adherent, licet nomen Christianum profiteantur, & de filiorum Dei familia esse velint, tamen non ad Christi, sed ad diaboli regnum spectant. Et ubi Christi spiritus non habitat, ibi nequitia spiritus figit pedem, ac hominem illum suis laqueis irretitum, ad sædiora usq; pertrahit, ut sermo Christi compleatur: Fiunt nouissima hominis illius peiora prioribus.

Matt. 6.

Luc. 11.

Ibidem.

**R**URSUS in me alijsq; petam zelum augeri ad conuertendos illos, qui captiui sunt Satanae, ac in illius manent potestate. His precabor efficacẽ Christi gratiam, ut cæci aperiant oculos, & surdi recte audiant, sed & muti salutarem linguæ usum teneant, præsertim verò ut peccatorum suorum iuxta ritum

2. Tim. 2.

*Catholicum debitam faciunt exomologesim.* Si enim confitemur peccata nostra, fidelis est CHRISTVS & iustus, vt remittat nobis peccata nostra, & emundet nos ab omni iniquitate, *Ioanne Apostolo teste.*

1. Ioan. 1.



# DOMINICA QVAR.

## TA QVADRAGESIMÆ,

### DICTA LÆTARE.

#### *Sequentis Euangelij Argumentum.*

**L**Audanda est virtus diuina Christi tam insigne miraculum efficientis, vt quinque millia hominum, exceptis fœminis & pueris, quinque panibus hordeaceis ac duobus piscibus, in vasto deserto simul alantur, adeoq; saturentur. Maius sit isthuc miraculum, cum absumtis panibus & piscibus tantum superest reliquiarum, quantum iussi Apostoli collegerunt, vt ex micis relictis duodecim coplinos reportarent. Meretur & laudem tanta hominum turba, quæ in deserto pascitur: quandoquidem cateruatim & studiosè pauperem Dominum ad desertum vsque sectatur, & commeatum interim vitæ sustedandæ necessarium negligit, vt verbi diuini pabulo animos foueat ac recreet. Præterea ex hoc miraculo cuncti præsentem agnoscunt Messiam, gratisque animis concelebrant, nec minus Christi mandato parent iussi per Apostolos in fœno vel gramine confidere. Cæterum quemadmodum Christus potenti benedictione panes hic multiplicauit, & multa hominum millia in deserto nutriuit, id quod sæpè ab illo factum legimus: ita in hunc vsque diem idem non desinit, quæ summa ipsius erga nos est benignitas & prouidentia, per totum orbem iacta in terram

Matt. 14. 15.  
Marc. 4.  
Luc. 9.

Pfal. 144.  
146.

Matt. 26.  
1. Cor. 11.

Exod. 16.

Sap. 16.

Pfal. 110.

Ioan. 6.  
& 10.

grana multiplicare, & mortales innumeros ubiq; gentium quotidie pascere, merito vt oculi omnium erigantur, suamq; fiduciam in illum collocet, qui aperit manum suam, & implet omne animal benedictione, cibumq; iumentis præbet in tempore oportuno. Sed multo præstantius est miraculum ab eodem Christo in Cæna postrema editum, quando panem Eucharisticum benedixit, & benedictum illum per manus ministrorum altaris vsque distribuit, nè defit vnquam Manna veris Israëlitis ad cælestem patriam in hoc mundi deserto peregrinantibus. Ita enim vetus figura completur, de qua scriptum extat: Angelorum esca nutriuisti populum tuum, & paratum panem de cælo præstitisti illi sine labore, omne delectamentum in se habentem, & omnis saporis suauitatem.] Hæc illa est esca, quam in spiritu præuidens Psalmographus, ac velut nobis congratulans decantauit: Memoriam fecit mirabilia suorum, misericors & miserator Dominus: escam dedit timentibus se.] Hoc illud manna est de cælo datum, & panis viuus, qui mundo vitam tribuit, Christo ipso suas oues pascente atque sustentante, sicut præsentis miraculo Israëlitis exhibito præfigurauit.



## EVANGELIUM EIVSDEM

Dominicæ Ioan. vi.

**I**n illo tempore. Abijt Iesus trans mare Galilææ, quod est Tyberiadis: & sequebatur eum multitudo magna, quia videbant signa, quæ faciebat super his qui infirmabantur. Subijt ergo in montem Iesus, & ibi sedebat cum discipulis suis.

Erat

Erat autem proximum pascha dies festus Iudaorum. Cum subleuasset ergo oculos IESVS, & vidisset quia multitudo magna venit ad eum, dicit ad Philippum: Vnde ememus panes: ut manducent hi? Hoc autem dicebat tentans eum. Ipse enim sciebat, quid esset factururus. Respondit ei Philippus: Ducentorum denariorum panes non sufficiunt eis, ut unusquisque modicum quid accipiat. Dicit ei unus ex discipulis eius, Andreas, frater Simonis Petri: Est puer unus hic, qui habet quinque panes hordeaceos, & duos pisces. Sed hæc quid sunt inter tantos? Dixit ergo IESVS: Facite homines discumbere. Erat autem fœnum multum in loco. Discubuerunt ergo viri numero quasi quinque millia. Accepit ergo IESVS panes: & cum gratias egisset, distribuit discumbentibus: similiter & ex piscibus quantum volebant. Ut autem impleti sunt, dicit discipulis suis: Colligite quæ superauerunt fragmenta, ne pereant. Collegerunt ergo, & impleuerunt duodecim cophinos fragmentorum ex quinque panibus hordeaceis & duobus piscibus, quæ supersuerunt his, qui manducauerant.

*Illi ergò homines cùm vidissent, quod JESVS  
fecerat signum, dicebāt: Quia hic est verè Pro-  
pheta, qui venturus est in mundum.*



NOTÆ MEDITATIONVM ET  
PRECATIONVM CIRCA  
EVANGELIVM.

*Cùm subleuasset oculos Jesus, & vidisset quia  
multitudo magna venit ad eum.*

**R**adicanda est mihi DEI benignitas, quo authore  
præter alia dona, sensus videndi vt præcipuus, ita  
& nobilissimus, mihi alijsque Adæ filijs tribuitur  
& conseruatur. Accepi enim oculos membrum inter cæ-  
tera præstantissimum, ac veluti corporis animique lucer-  
nam cum Sole ipsò comparabilem ob ingentem ac multi-  
plicem eius utilitatem. Sicut autem extincto sole, cuncta  
perturbari, ac suo vigore & robore destitui necesse est: sic &  
amissis oculis pedes homini sunt inutiles, manus otiosæ, ac  
animus ipse mœret ac torpet. Vt hinc etiam captus oculis  
Tobias dicere non dubitârit: *Quale gaudium mihi erit, qui  
in tenebris sedeo, & lumen cæli non video?* Tantoque magis  
Christo Domino gratias agam, qui cum plerisque cœcis  
tàm clementer egerit, vt eis valdè calamitosæ lucem, qua  
nihil amabilius, restituerit, nec minus animo quàm corpo-  
re ipsos illuminârit, quandoquidem id proprium Messîæ  
opus fore prædixerat Isaias. Mirabor insuper Christi sapien-  
tiam, qui suos oculos tàm compositè ac maturè guberna-  
uit, vt præclarum nobis exemplum præbuerit ad nostros

etiam

Tob. 5.

Matt. 11.  
20. & 21.  
Ioan. 9.

Isai. 35.



etiam oculos in officio continendos, ac legitimè exercitandos. Nunquàm de illo sanè scriptum legimus, quod vel vno ictu oculorum peccàrit, eosque vagos, leues, elatos ac petulantes habuerit, sicut vulgaris quidem hominum est consuetudo. Talem verò Christum nobis proponit Euangelium, cui sint oculi demissi, humiles, graues, moderati, quos ille grandia quædam dicturus aut facturus, vel etiam precaturus, studiosè aperire, seu in cœlum leuare solitus esset, quos præterea peculiariter ad suos discipulos & pauperes turbamq; plebeiam libenter conuerteret non sine gratia singulari. Proinde cùm præsentem hominum multitudinem quæ multis pauperum millibus constaret, paucis panibus vellet explere, suos primùm oculos subleuauit, ad illos omnes humanissimè contemplandos. Et Euangelicam legem in monte traditurus, priusquàm suū os aperiret, primùm conspexit auditorum frequentiam, qui vndiq; confluxerant. Respexit autem homines, cùm oculos suos ira circumtulit, vt intuitus ille magno esset bono præsentibus: & eximium illis beneficium impertiret. Quare cùm vidisset viduam, cuius in Naim vnicus filius demortuus efferebatur, se vitæ ac mortis Dominum declarauit, simulq; matri, filio & populo consolationem maximam attulit. Videns turbas, misertus est eis, quia erant vexati & iacentes, sicut oues non habentes pastorem: mox autem ipse veluti Dominus messis, suos elegit & extrusit operarios, ad messem illam excolendam. Videns aliquando ciuitatem Hierosolymam, non solum in medio applaudentium super illam fleuit, sed etiam in templum ingressus, cæcos & claudos restituit sanitati. Videns Matthæum in telonio sedentem, & publicanorum principem Zachæum ex arbore spectantē, ex illo quidem Apostolum, ex hoc autem Abrahæ filium euestigiò fecit. Respexit & Petrum in domo Caiphæ, & statim amaras poenitentię lacrymas in illo, qui turpiter ipsum abnegauerat, excitauit.

NONNE igitur me pudeat ac pigeat, quòd maiorem



oculorum meorum rationem non habeam, sed quemadmodum *a* Eua, *b* Dina, *c* David, illis frequenter abutar, neque à liberiore & vago ad spectu meos abducā oculos continenter? Quoties idem mihi vsuuenit quod Ieremiæ contigit ita conquerenti: *Oculus meus depradatus est animam meam: Ascendit mors per fenestras nostras?* Quòd si certa oculorum disciplina non constaret sapientibus, scriptura certè oculos vagos, sublimes, elatos & adulterij incessabilisque delicti plenos, disertè non reprehenderet, neque grauius hoc traderet: *In facie prudentis lucet sapientia: Oculi stultorum in finibus terra: Sapientis oculi in capite eius.* Vnde maiorem sanè laudem promeretur, qui vt se animo castissimum demonstraret, fide bona testari potuit: *Pepigi fœdus cum oculis meis, vt nè cogitarem quidem de virgine.* Quid quòd futurus omnium iudex Christus tam puros & oculos & animos exigit, vt hanc terribilem proferat sententiam: *Ego dico vobis, quia omnis qui viderit mulierē ad concupiscendum eam, iam mœchatus est eam in corde suo.* Primus enim peccati gradus est spargere oculos ad concupiscendum, licet non concupiscas: secundus concupiscere, licet non mœcheris aut forniceris: tertius est pessimus, seruire libidini atque mœchari. Proinde si concupiscis, etiam si opus venerem non subsequatur, mortale peccatum admisisisti, neque sine poenitentia potes Deo reconciliari. Absit igitur, vt vulgi more ac errore seductus, in spectando & concupiscendo id mihi licere putem quod libet, vt quæ vanis me oblectem spectaculis, quæ plerumque sunt irritamenta malorum, ac animos etiam bonos non rarò aut inficiunt, aut corrumpunt. Mirabātur aliquando Apostoli, quum splendida & sumptuosa templi Hierosolymitani ædificia suis oculis obiecta spectarent, quin etiam Dominum ad ea contemplanda inuitabāt. Is velut irridens communem hominum in spectando stultitiam atque vanitatem, haud leuiter ita respondit: *Videtis hæc omnia? Amen dico vobis, non relinquetur hic lapis super lapidem, qui non destruat.* Perin-

de ac si dicat, sicut alibi scriptum legimus: *Cuncta subiacent vanitati: quæ de terra facta sunt, & in terram pariter reuertuntur. Non satiatur oculus visu, nec auris auditu impletur.* Væ mihi, si nullum oculis frenū imponam, sed liberè illos vagari permittam, vt me ad impuram concupiscentiam ac vetitam libidinem pertrahant. Quo sæpius ac grauius meis oculis pecco, sicut à mundi filiis passim fieri solet, eò maiorem de meipso intemperantiæ ac voluptatis poenam sumere debeo, vt cum Propheta dicam: *Exitus aquarum deduxerunt oculi mei, quia non custodierunt legem tuam.* Hoc enim est quod Paulus illis verbis flagitauit atque præscripsit: *Sicut exhibuistis membra vestra in seruire immunditiæ & iniquitati ad iniquitatem: ita nunc exhibete membra vestra seruire iustitiæ in sanctificationem.* Cuius rei si quis alius, mulier illa peccatrix, quæ ad pedes Dominicos fleuit amarissimè, exemplum nobis clarissimum præbet. Adhæc Christum Dominū in eo imitari satagam, vt meos oculos non solū à mundi splendore, fastu & luxu, rebusq; vanis prudenter abducam, verū etiam eosdem ad indigentes, miseros & afflictos subleuandos, studiosè cōuertam. Sic enim scriptum legimus: *Ab inope nē auertas oculos tuos.* Ac iterum *Noli auertere faciem tuam ab illo paupere: ita enim fiet, vt nec à te auertatur facies Domini.* Nūquā verò precari cum Propheta desinam: *Auerte oculos tuos, nē videant vanitatem.* Mundus insanus fruatur, quā diu potest, oculo sinistro, nequam & scandalizante, quemadmodum scriptura loquitur. Pro illo mihi sanè oculum simplicem, castum & verecūdum dari & augeri desiderabo, vt eò rectius dictū Salomonis obseruem: *Oculi tui, inquit, recta videant, & palpebra tue præcedant gressus tuos.* Et Christus ipse testatur: *Si oculus tuus fuerit simplex: totum corpus tuum lucidū erit. Si autem oculus tuus fuerit nequam: totum corpus tuum tenebrosū erit.*

Eccle. 3.

Eccle. 1.

Psal. 118.

Rom. 6.

Luc. 7.

Ioan. 12.

Eccle. 5.

Tob. 4.

Psal. 118.

Matt. 6. 18.

&amp; 29.

Eccle. 14.

Prou. 4.

Matt. 6.

*Accepit IESVS panes, & cum gratias egisset, distribuit discumbentibus.*

Heb. 2 & 4.  
Pfal. 9.

Pfal. 103.

Matt. 6.

Pfal. 36.

1. Petr. 5.

Pfal. 55.

Luc. 22.

CHRISTO Domino, vti optimo fidelissimoque Pastori, gratias frequenter agam, cui de suis fidelibus alendis & conseruandis certissima, fidissima, verèque paterna semper cura est, vel nobis non cògitantibus atque dormientibus. Est enim non modò Pontifex magnus, verum etiam fidelis & misericors, sicut à Paulo dicitur, qui possit compati infirmitatibus nostris, & velut Propheta loquitur, adiutor poster manet in opportunitatibus. Hic est idem, qui de paucis granis segetes multiplicare, ac tot hominum millia immò verò mundum vniuersum, quàmlibet alioquin ingratum ac impium, quotidie sustentare ac nutrire non desinit. Eò magis illi cum viua fide acclamabo, sicut me Propheta docuit: *Omnia à te expectant Domine, vt des illis escam in tempore: Dante te illis, colligent: aperiente te manum tuam, omnia implebuntur bonitate. Auertente autem faciem, turbabuntur: auferes spiritum eorum, & deficient, & in puluerem suum reuertentur.* Cur igitur tanta mihi de ventre, cibo, potu & vestimento cura est, qualem ethnici perpetuà gerunt & Christus suis prohibet fidelibus? *Nolite inquit, solliciti esse dicentes, Quid manducabimus? aut quid bibemus? aut quo operiemur? hac enim omnia gentes inquirunt.* Cur illi non fido, qui omnem mei curà libenter suscipit, & susceptam nunquàm deponit, per suum Prophetam ita mihi præcipiens: *lacta super Dominum curam tuam, & ipse te enutriet,* sicut & per Apostolum Petrum cunctis mandauit fidelibus: *Omniem sollicitudinem vestram projicientes in eum, quoniam ipsi cura est de vobis.* Quare siue suppetant, siue desint huic vitæ necessaria confidenter dicam: *Dominus regit me,* siue vt quidam legunt: *Dominus pascit me, & nihil mihi deerit, in loco pascuæ ibi me collocauit.* Nam & Christi cura erga suos discipulos tanta fuit, vt ipsorum testimonio ad victum nihil defuerit, cum sine sacculo, pera & calceamentis ad prædicandum Evangelium mitterentur. Cæterum ego tantò magis curabo Christum habere Dominum, atq; in illius manere familia & potestate, quòd nullus herus ac princeps reperiatur ditior.

*Gloria enim & diuitie in domo eius. Meus est inquit, orbis terra, & plenitudo eius. Nec est aut fuit quisquam eo liberalior, ut pote qui potens est omnem gratiam in nobis abundantiore reddere, ut in omnibus semper omnem sufficientiam habentes, in omne opus bonum abundemus, Paulo Apostolo teste, utq; cum illo ipso verè confidens Christo dicere queam: Ego didici in quibus sum sufficiens esse: omnia possum in eo qui me confortat. Quid autè dulcius & amabilius à Christo dici, & à nobis audiri posset quàm illud: Misereor super turbam, quia ecce iam triduo sustinent me, nec habent quod manducent? Tam præclare cum Christi auditoribus atque discipulis agitur, nullam ut inopiam & egestatem timere debeant, quia Christo fidelissimo Domino & magistro curæ sunt, & præ alijs omnibus ab illo diliguntur, fouentur, protegentur atque benedicuntur, quin etiam sanctos ab illo Angelos accipiunt, quorū præsidio in vijs omnibus quotidie custodiantur, ne suos pedes in lapidem vllum impingant. Non enim est inopia timentibus eum. Primum querunt regnum Dei, & idcirco reliqua illis adijciuntur, sicut Christus ipse promisit. Quid ergo consultius ac securius, præterquam Christo fonti bonorū omnium adhærere, qui suis auditoribus atque discipulis tantum habet honoris, ut illis etiam non sollicitis, cum suæ vocationi satisfaciunt, propensè opituletur, & simul eorū corporibus ac animis necessaria vltro largiatur, crebrò insuper saturitatem, copiam & abundantiam vel non petentibus tribuat? Benedictio enim Domini diuites facit: quemadmodum in Abraham, Isaac, Iacob & Dauide clarissimè cernimus, quos locupletissimos fuisse constat.*

POSTREMO suo me Christus exemplo admonet, cum proximis, præsertim verò indigentibus, humaniter agere, de illorum subleuanda inopia cogitare, & cum amicis pijsque viris fida miscere consilia, sicut ipse hoc loco suos consuluit discipulos, ut erga pauperes etiam non rogantes curam paternam ostēdat. *Beati enim misericordes, quoniam*

Psal. 111. 49.

2. Cor. 9.

Phil. 4.

Marc. 8.

Psal. 90.

Matt. 6.

Prouer. 10.

Matt. 9.

Psal. 40. *ipsi misericordiam consequentur. Beatus est vir qui intelligit  
 super egenum & pauperem. in die mala liberabit eum Domi-  
 nus.* Quocirca sæpè in mentem reuocabo; quod à Tobia  
 Tob. 4. cuiq; nostrum æquissimè commendatur: *Quomodo porue-  
 ris, ita esto misericors. Si multum tibi fuerit, abundanter tribue:  
 si exiguum tibi fuerit, etiam exiguum libenter impartiri stude.*  
*Præmium enim bonum tibi thesaurizas in die necessitatis.* Pu-  
 da bit me interim illius ingratitudinis, qua se multi grauiter  
 obstringunt, & ego nonnunquam polluo, quoniam acce-  
 ptis à Deo donis & beneficijs per intemperantiam abuti-  
 mur, frugali & moderato victu non contenti, & de super-  
 uacaneis ac delicatis alimentis, cultioribusq; vestibus solli-  
 citi: qui præterea rerum illarum quibus non egemus, co-  
 piam & abūdantiam perire potiùs sinimus, quàm ad vsum  
 & ministerium pauperum conuertere curamus. Adcò ni-  
 hil nos mouet clarissimum & rationi maximè consentane-  
 um Christi præceptum: *Colligite fragmenta nè pereant.* Mul-  
 tos enim filios & sectatores habet diues epulo, qui Lazaro  
 mendico contempto, sibi tantùm viuebat suauiter, maio-  
 remq; canum quàm pauperū curam sustinebat. Et exem-  
 plum filij prodigi nimiùm est vulgo familiare, dum suas pe-  
 cunias & opes vanè, superbè & luxuriosè viuendo plerique  
 consumunt, tantùm vt mundo, libidini ac ventri satisfaci-  
 ant. Petrus autè & Paulus etiam in mulierculis ornamenta  
 vestium reprehendunt, & propter illa iratus Deus, qui fasti-  
 & luxū prohibet, per Isaiam graues poenitas sceminis inter-  
 minatur. Proinde mihi curandum putabo, vt maiorem vi-  
 tæ frugalitatem, temperantiam ac simplicitatem à me ipso  
 exigam; quandoquidem Apostoli & alij sectatores Domi-  
 ni nō nisi panibus hordaceis & pisciculis paucis aluntur, &  
 quæ illis fragmenta cibi supersunt, nè quod pereat, in alio-  
 rum etiam commodum colligere & conseruare nō inter-  
 mittūt. Præterea meminero fraternæ misericordiæ in pau-  
 peres exercendæ, quoniam diuino præcepto sancitum est:  
 Isai. 58. *Frange esurienti panem tuum, & egenos vagosq; induc in do-*

*mus tuam. Et Paulus ita scripsit: Eſſote inuicem benigni, miſericordes: ambulate in dilectione, ſicut & Chriſtus dilexit nos. Is miſericordiam magis quàm ſacrificiũ exigit, ac euidenter affirmat: Beatius eſt magis dare quàm accipere.*

*Hic eſt verè Propheta qui venturus eſt in mundum.*

Ex vno beneficio benefactorem, immò & mundi Saluatorem agnoſcunt, gratisque animis concelebrant ſaturati paucis panibus Iſraëlitz. Quantò autem rectius me alioſque Chriſtianos id facere decet, vt in acceptis à Deo ſummo beneficijs, ſiue parua, ſiue magna videantur, nos fonti bonorum omniũ gratos verbis factisque teſtemur? *Sine ergò manducatis, ſine bibitis, ſiue aliud quid facitis*, inquit Apoſtolus, *omnia in gloriam Dei facite, gratias agentes Deo & Patri per ipſum.* Extat autem apud Chryſoſtomum peculiaris gratiarum actio, quàm ille à pijs alijs acceptam ac viſitatam ſtudioſè commendat, & ego ad menſam rectè ſectabor. Habet autem hymnus ille in hunc modum: Benediſtus Deus qui me paſcis à iuuentute mea. Qui das eſcam omni carni, imple gaudio & lætitia corda noſtra, vt omnem ſufficientiam habentes abundemus in omne opus bonum in Chriſto Ieſu Domino noſtro. Cum quo tibi gloria, honor & imperium cum ſancto Spiritu in ſecula. Amen. Gloria tibi Domine, gloria tibi ſancte, gloria tibi Rex, quoniã dedisti nobis cibos: imple nos gaudio & lætitia in Spiritu ſancto, vt inueniamur in conſpectu tuo acceptabiles, nec pudeſciamus, quando reddes vnicuique ſecundum opera ſua.]

In primis autem gratias agam de ſummo exhibitio myſterio & excellentiſſimo Eucharitiæ Sacramento, quod Chriſtus iam tunc preſenti miraculo præludebat, nimirum ſubindicans fore, vt ipſe ſicut præpotenti benediſtione panes in deſerto multiplicaret & auxiſſet, ita & mirabili diuinaque virtute ſua cœleſtem inſtitueret panem, nouumque manna præſtaret, quo fideles in hoc mundi deſerto paſce-

Ephes. 4.

Matt. 9.  
Act. 10.

1. Cor. 10.

Hom. de  
vita monacho.Exod. 16.  
Num. 11.



Ioh. 6.

In epist. ad  
Ephesios.  
Act. 1. 2.c A. olog. 2  
b Lib. 4. & 5  
de Sacram.  
c De cœna  
Domini.In cap. 14.  
Marci.

Psal. 21.

1. Cor. 11.

ret, eumque panem benedictum per ministros constitutos populo distribueret, ac tanto quidem cum fructu manducantium, ut illi diuinæ benedictionis virtutem, si vellent, maximam perciperent, sanctèque saturarentur. De hoc pane Christus apud Ioannem eodem capite aduersus Capharnaitas fufè disserit, ac manifestè promittit: *Panis quem ego dabo, caro mea est promundi vita.* Ac iterum inquit: *Hic est panis qui de celo descendit. Qui manducauerit hunc panem, viuet in æternum.* Idèoque Ignatius illum vitæ panem appellat, quo fideles in Ecclesia primitiua quotidie Luca teste, vescébantur. *a* Iustinus Martyr & *b* Ambrosius hunc panem non esse communem & visitatum sed supersubstantialem, & cibum sermone Domini consecratum, disertè testantur. *c* Cyprianus panem illum vocat nō effigie, sed natura mutatum, & verbi omnipotentia carnem factum. Panis quidem in altari nobis videtur, si carnis & oculorum sequamur iudicium, sed qui ineffabili operatione in corpus sanguinemque Christi transformatur, sicut Theophilactus affirmat. Igitur o me felicem, si hoc pane filiorum Dei, quo nihil sanctius, dulcius ac præstantius esse potest, sciam uti conuenienter, quemadmodum vtuntur illi, de quibus canit Psalmographus: *Edent pauperes & saturabuntur: & laudabunt Dominum, qui requirunt eum: viuent corde eorum in seculum seculi.* Sic enim eundem locum Eusebius, Augustinus & Euthimius de proprijs Eucharistiæ effectibus dictum inrerpretantur.

QVONIAM verò tempus imminet, quo Christianus populus Eucharisticum panem sumere, & Christo se vnire debet maximè, etiam atque etiam desiderabo, ut sacra illa communio legitimè peragatur, neque ad iudicium & condemnationem, sed ad salutem æternam fidelibus conferat. Huc autè cum primis pertinet, ut sciant, à quibus Ecclesiæ ministris hunc diuinum panem petere & accipere debeant. CHRISTVS quidem in deserto panem per se benedixit, & benedictum Apostolis dedit, toto populo distribuendum.

Nec mi-

Nec minorem fructum fumentibus impetijt, quàm si omnes ex ipsis CHRISTI manibus illum percepissent. Est enim ipse Sacramentorum novi testamenti author, institutor atque sanctificator: ex ipsius benedictione pendent omnia, quæ in sacris & venerandis mysterijs peraguntur, ac ipsius nomine consecrantur, atque in ipsis credentibus efficiuntur. Visum est autem illi, sacerdotum operam & ministerium adhibere, qui succederent Apostolis, panemque sanctum proprijs Domini verbis conficerent, ac populo dispensarent. Dolebo igitur illorum vicem, qui panem non Eucharisticum, sed profanum ac pollutum à novis falsisque ministris accipere solent, ut pote qui tanti sacramenti siue conficiendi, siue dispensandi nullam obtinent facultatem, quoniam à nullis Catholicis Episcopis ordinati. Non igitur misit illos CHRITVS ad benedicendum, suaque sacra populo ministranda, cum non sine mysteriorum DEI dispensatores, & idonei ministri novi testamenti, legitimi que Ecclesiæ sacerdotes, sed omnis sacri sacerdotij & sacrificij, quod per presbyteros exercetur, ex professo hostes atque contentores. Nihil autem referre putabo, hanc sacram alimoniam per sacerdotes, siue dignos, si vitam spectes, siue indignos populo exhiberi. Etenim æque mali sicut boni ministri verè conficiunt sacramenta, & alijs porrigunt, modò ea forma & materia vtantur, quam ex CHRISTI instituto semper Ecclesia Catholica seruauit, idque facere proponant, quod eadem facit Ecclesia in sacramenti administratione. Nam & præsens docet Euangelium, Philippum, Andream & reliquos Apostolos suis næuis laborasse, quòd firmos in fide & precatione animos non adferrent, nihil autem hoc vetuisse, quòd minus populi sui Christo misereretur, turbas aleret ac saturaret pro summa sua benignitate. Adèò verum est quod Augustinus tradidit, sanctitatem sacramenti ab immundis & indignis Ecclesiæ ministris non pollui, siue cum per eos datur, siue cum ab eis accipitur.

Malach. i.

1. Cor. 4,

2. Cor. 3.

Lib. 4. de  
Baptismo  
contra Do-  
nat. cap. 13.

Ioan. 6.

Sap. 16.

Isai. 25. &amp; 51.

Psal. 16.

&amp; 46.

DENIQUE monebit me præsens historia, vt officium meum in agendis CHRISTO gratijs præstem sedulo, quoties nobis sacrosanctus & Eucharisticus ille panis maxima CHRISTI liberalitate donatur, & ex altari porrectus editur, nimirum vt manducantes tam diuino cibo non modo reficiantur, sed & saginentur, ac spiritualibus charismatis compleantur. Benedictus ille, qui corpus suum sub specie panis quotidie offert ac exhibet fidelibus, vt eos hoc pane viuo, qui de cælo descendit, darique mundo vitam, tam laurè tam largè munificèque pascit in Ecclesia. Panem enim Angelorum, qui omne in se habet delectamentum, æque pauper ac diues, seruus ac dominus, ancilla ac hera manducat ubique gentium, vbi Catholici hoc sacramentum dispensant. Benedictus præterea, qui suis imitatoribus admirandum Latrare huc vsque concedit, adeòq; perennem quæ verbis nullis explicari potest, abundantiam & saturitatem in cœlesti patria, vt promisit, ita præstabit liberalissimè. *Faciet enim Dominus exercituum omnibus populis conuiuium pinguium, conuiuium vindemie, conuiuium pinguium medullatorum*, vt Prophetis verbis vtamur. Ad hanc saturitatem, quæ sola humanos explet animos, cum Dauid adspirabo, simulque ex animo dicam: *Satiabor cum apparuerit gloria tua. Ac iterum: Replebimur in bonis domus tua.*

## DE PRECIBVS CVM HOC EVANGELIO CONIVNGENDIS.

Ioan. 6.

PRECABOR pro Christiano populo, qui proximum Pascha celebrabit, vt ad salutarem esum sanctissimi Sacramenti se ritè componat, eiusq; vim & effectum in vita & morte efficacem sentiat. Huc plurimum contulerit obedientia, quam populus in sano iussu discumbere, CHRISTO & discipulis eius ante distributum panem alacriter declarauit, nihil interim de calice vel potu sollicitus. Nam & scriptum est, Si quis manducauerit ex hoc pane, viuet in æternum.

ORABO *idem* pro ingratis & auaris prodigisq; donorum Dei dispensatoribus, & illis omnibus, qui tum corporali, tum spirituali Christi benedictione per intemperantiam, auaritiam & prodigalitatem abutuntur, ac interim pauperum alendorum, & frugalitatis temperantiæq; adhibenda curam habent exiguam, ut Christum pauperem in electis eius membris agnoscant ac foueant. Tantum abest, ut sectentur propositam Apostolorum liberalitatem, qui tametsi forent egeni, totum tamen victum & comestum suum in gratiam alenda turba libenter offerebant & impendebant, tantoq; maiorem Christi benedictionem in plenis reportatis cophinis sentiebant. Fecneratur enim Domino, qui miseretur pauperis, & vicissitudinem suam reddet ei.

Prouer. 19.

ROGABO etiam, obedientibus Ecclesia filiis dari constantiam, atq; ut ex iustis hoc tēpore iustiores, & ē sanctis sanctiores fiant optabo: quin etiam quod in me fuerit, ad laborabo, sacrum ut Pascha dignè à multis celebretur, & communes gratie Christo, qui diues est in misericordia, ab Orthodoxis agantur.

Apoc. 22.

Rom. 10.

# DOMINICA PAS.

## SIONIS, SIVE

### IUDICA.

#### *Sequentis Euangelij Argumentum.*

**H**Oc Euangelium quasi Apologiam Christi continet, quam suam ille vitam atq; doctrinam ut irreprehensibilem rueret, simulque se Deum esse declarat. Agit autē contra Iudeos Euangelij auditores pessimos, qui veritatem diuinam audire & fide complecti non sustinent, ipsumque Prophetarum Dominum ac Messiam suum infensis animis verbisque contumeliosis publicè insectantur, immò & lapidibus in sacro templo perdere moluntur. Tam immane odium

1. Pet. 2.

Ioan. 12.

Rom. 12.

Prou. 15.

Rom. 4.

Iacob. 1.

Ioan. 8.

Gen. 15. 22.

Luc. 19.

istorum animos occupârat, vt in Christi perniciem furiose conspirarent, nullumque scuitæ suæ finem facerent, nisi Regem gloriæ, quem hic lapidibus obruere in votis habebant, atroci mortis supplicio tandem interemissent. Præterea Euangelium docet, quanta Christus lenitate hostes implacabiles exceperit, vt pote qui, cum malediceretur, non maledixerit, sed charitatem tum in respondendo, tum in benefaciendo illis maximam declarârit, & secedens ad tempus, implacabili illorum furori cesserit. Sic enim docere nos voluit, vt nè accepta iniuria malum malo pensemus, sed sicut Paulus loquitur, cum omnibus hominibus, quantum in nobis est, pacem habeamus: sed & malum in bono vincamus, nullum iræ & amarulentia locum cōcedentes. Nec enim temerè dixit Salomon: Responsio mollis frangit iram: sermo durus suscitatur furorem: lingua sapientum ornat scientiam. ] Rursus confirmat Euangelium ad electas Christi omnes pertinere verbum Dei, quod cum fide ac desideranter audiat, simulque opere fideliter compleatur, & veros Abraham filios faciat. Is non modò in fide nobilis, vt hinc pater credentium appelletur, sed etiam obedientia & operibus valdè commendatus fuit, vt amicus Dei vocetur, & Iacobus de illo asserat, quodd fides eius operibus fuerit cōsummata. Quare Christus etiam Iudæis apertè testatur: Si filij Abraham estis, opera Abrahæ facite. ] Hic idem est Abraham, cui contigit ingens beneficium, vt Christi Messie in carne venturi diem siue tempus, quod post mille & nōgentos annos consequutum est, oculis fidei videret, eaque spiritali visione delectatus, exultaret plurimùm, quodd iam tum intelligeret, è suo semine nasciturum illum, in quo gentes omnes benedicerentur. Multa & magna sunt mortem effugere, quia nihil mundi filijs formidabilius, & vitæ æternam seu immortaltatem, qua nihil optabilius, consequi. Vtrumque promittit Christus in hoc Euangelio ijs, qui verbum Dei tum audiunt, tum seruant, quemadmodum germanos Abraham & Dei filios cum Zacharo facere decet.

EVANGELIVM EIVSDEM  
Dominicæ Ioan. viii.



**I**n illo tempore dixit IESVS turbis  
Iudeorum & principibus sacerdo-  
tum: Quis ex vobis arguet me de  
peccato? Si veritatem dico, quare vos non cre-  
ditis mihi? Qui ex Deo est, verba Dei audit.  
Propterea vos non auditis, quia ex Deo non es-  
sitis. Responderunt ergo Iudai, & dixerunt ei:  
Necne benè dicimus nos, quia Samaritanus  
es tu, & demonium habes? Respondit IESVS:  
Ego demonium non habeo, sed honorifi-  
fico Patrem meum, & vos inhonorastis me.  
Ego autem non quero gloriam meam: est qui  
quarat & iudicet. Amen dico vobis, si quis ser-  
monem meum seruauerit, mortem non videbit  
in aeternum. Dixerunt ergo Iudai: Nunc cog-  
nouimus quia demonium habes. Abraham  
mortuus est, & propheta & tu dicis: si quis  
sermonem meum seruauerit, non gustabit mor-  
tem in aeternum. Nunquid tu maior es patre  
nostro Abraham, qui mortuus est? & Pro-  
pheta mortui sunt. Quem te ipsum facis? Re-  
spondit IESVS? Si ego glorifico me ipsum, glo-  
ria mea nihil est. Est Pater meus qui glo-  
rificat me, quem vos dicitis, quia DEVS



vester est: & non cognouistis eum. Ego autem noui eum. Et si dixero quia non scio eum: ero similis vobis, mēdax. Sed scio eum, & sermonem eius seruo. Abraham pater vester exultauit ut videret diem meum: & vidit, & gauisus est. Dixerunt ergo Iudaei ad eum: Quinquaginta annos nondum habes, & Abraham vidisti? Dixit eis IESVS, Amen amen dico vobis, antequam Abraham fieret, ego sum. Tulerunt ergo lapides ut iacerent in eum. IESVS autem abscondit se, & exiuit de templo.



NOTÆ MEDITATIONVM ET  
PRECATIONVM CIRCA  
EVANGELIVM.

*Quis ex vobis arguet me de peccato?*

Ioā. II. & 12.



X Evangelica historia colligam & perpendam, quatuordecim ferè dies ante passionem Domini effluxisse, quibus Iudaei ira odioque flagrant, in Messiae sui mortem cōspirauerint, & contra illum ut antea nunquam, cōsilia miscuerint sanguinolenta. Quo tempore seditiosi & furibundi homines in has voces impias, sicut prædictum ante fuerat, proruperunt: *Circumueniamus iustum, quoniam inutilis est nobis, & contrarius est operibus nostris, & improperat nobis peccata legis, & diffamat in nos pec-*

Sap. 1.

cata discipline nostra. Promittit se scientiam Dei habere, & filium Dei se nominat. Factus est nobis in traductionem cogitationum nostrarum. Contumelia & tormēto interrogemus eum, ut sciamus reuerentiam eius, & probemus patientiam illius. Morte turpissima condemnemus eum, ut cetera pratermittamus. Nec tanē ignorabat Dominus, quid isti tenebrarum filij molirētur, & suæ luctuosæ passionis tempus imminens, ac sæpè suis prædictum, nō sine mœrore quodam expectabat. Nunc anima mea, inquit, turbata est: & quid dicam? Pater saluifica me ex hac hora. Baptismo habeo baptizari. & quomodo coarctor, usq; dum perficiatur? Ego verò tantò magis amplectar Ecclesiæ sanctæ institutum, quantò illud vetustius ac laudabilius esse intelligo, dum huic Dominicæ nomen à Christi passione peculiare inditur, & credentes omnes excitantur, ut sese deinceps ad sacratissimum eiusdem passionis mysterium meditandum religiosè componant, & postremam quidem Quadragesimæ partem in Domini & Redemptoris nostri cruce morteq; recolenda collocent. Eodē præsens Euangeliū referam, in quo capitales Christi hostes, tantorumq; cruciatuum eius auctores egregiè depinguntur. Est illis frons profectò ænea, sepulchrumpatens est guttur eorū: linguis suis dolosè agebant, venenum aspidum sub labijs eorum, quorum os maledictione & amaritudine plenum est: veloces pedes eorum ad effundēdum sanguinem, ut Prophetæ verbis utamur. Quapropter minus ego facere non possum, quàm ut optimo Redemptori gratias reuerenter agam, qui cum esset sanctus, innocens & impollutus Pontifex, sicut illum Paulus appellat, Agnusq; semper immaculatus, ut neq; ab immaniissimis & petulantissimis aduersarijs vnus criminis vel peccati posset conuinci, tamen nefandis illorum conuitijs nihil respondit, sed in respondendo summam obseruauit modestiam, atque à furentibus illis omninò secessit, sicut quando in Ephrem est commemoratus. Id verò fecit, non ut sibi consuleret, aut quia mortem timeret, cum posset amulos suos odio-

Ioan. 12.

Luc. 12.

Psal. 13.

Hebr. 7.

1. Pet. 1.

Luc. 4.

Ioan. 8.

Ioan. 11.

Isaiæ. 53.  
1. Pct. 2.

Matt. 12.  
Isai. 24.  
Matt. 11.

Matt. 10.

Prou. 24.  
Psal. 50.

Psal. 129.

sè retundere, miraculis obruere, ac verbo perdere. Fecit autem, ne liuorem inimicorum vltro videretur prouocasse, subtrahens occasionem impij facinoris, si fortè illi mitescerent, aut resipiscerent. Ad hunc modum suo respondit officio verus ille Messias, de quo scriptum est: *Iniquitatem non fecit, neq; dolus fuit in ore eius, qui cum malediceretur, non maledicebat. Non contendes neq; clamabit, neq; audiet aliquis in plateis vocem eius. Arundinem quassatam non confringet, & linum fumigans non exstinguet*, licet Matthæus Prophetica verba nobis recitauit. Nihil ergò mirum, quòd Christus ipse cunctos ad sui exemplum prouocans dixerit: *Discite à me, quia mitis sum & humilis corde*. Discimus ab eo sanè, malorum scuitiam non prouocare, & persecutionem non accersere, quum temeritatis proprium sit vltro se tradere, & leui de causa seipsum in mare præcipitare. Discimus multorum furori cedendum esse, vt si illi non resipiscant, saltem nè benefactis irritati lædant innoxios, ac reddantur etiam ipsi sceleratiores. Discimus ab eo ipso fuga periculum declinare, & persecutorum insanix locum dare, ita ut de ciuitate in ciuitatem fugere nobis liceat. Discimus demùm Euangelicam doctrinam non terroribus, conuiitijs aut contentionibus indigere, sed mansuetudine, modestia, pietate nostra ornandam, propagandam atque defendendam esse.

Vbi me ipsum non iniuria incusabo, qui à perpetua Christi Domini innocentia, leuitate atq; mansuetudine tam procul disto, quam sum ad impatientiam, iram, contentionem atq; odium facilis ac procliuius, in peccatis utique conceptus, ac natus, qui post acceptum etiam baptismum sine peccato nō possum viuere, & cum iustis vel quotidie cado septies, semperq; Deum rogare habeo: *Amplius laua me ab iniquitate mea, & à peccato meo munda me, quoniam iniquitatem meam ego cognosco, & peccatum meum contra me est semper. Si enim iniquitates obseruaueris Domine, Domine quis sustinebit?* Verùm hæc peccatorum confessio (nam

& *in*flus prior est accusator sui) me nihil impedit, quo mi-  
 nus veteris vitæ poenitentia ductus, ad melioris nouæque  
 vitæ studium totus adspirem, meque bonæ conscientiæ &  
 sanctæ confidentiæ testimonio magis magisque munire con-  
 tendam. Siquidem vt Scriptura confirmat. *semper sana præ-*  
*sumit perturbata conscientia, secura verò mens est inge conui-*  
*uium.* Nec ego conscientiæ tantum sed etiam sanæ meæ  
 rationem habendam putabo, vt vitam vbiq; inculpatam,  
 de qua nullus iure possit queri, transigam, nulli nempe cri-  
 mini obnoxius, quod apud Paulum dicitur irreprehensi-  
 bilem, vel sine crimine esse. Quare laudantur Ioannis Ba-  
 ptista parentes, quod iusti essent ambo ante Deum, ince-  
 dentes in omnibus mandatis & iustificationibus Domini  
 sine querela. Vnde Paulus etiam à fidelibus hoc exigit: *Pro-*  
*videntes bona non solum coram Deo, sed etiam coram homi-*  
*nibus.* Ac rursus: *Sine offensione estote Iudeis & Gentibus &*  
*Ecclesie Dei, sicut & ego per omnia omnibus placeo.* Cæte-  
 rum vbi de peccatis agitur, multum aduigilabo, vt valde  
 discernam inter ea quæ ex ignorantia & infirmitate, ac rur-  
 sus quæ ex industria meraque malitia cum Dei & proximi  
 offensione committo. Peccauit ex ignorantia Paulus Eccle-  
 siam persequens: peccauit & Petrus ex infirmitate Christum  
 abnegans: longè autem grauius peruiaces & obstinati Iu-  
 dæi deliquerunt, vt pote Christo & Apostolis præfactis  
 animis repugnantes: Si autem volens & sciens Deum of-  
 fendam aut conscientiam, perinde fecero, ac si manum in  
 flammam ardentem iniiciam, aut me ipsum nudus in ma-  
 re præcipitem, quoniam culpam & poenam in hoc futuro-  
 que mundo conduplico. Notabo igitur in veteri lege aliud  
 sacrificium pro eo, qui nescienter vel ex fragilitate peccas-  
 set, & aliud pro grauioribus peccatis expiandis à Deo ipso  
 decerni, & Christum non obscure peccantium discrimen  
 his verbis exposuisse: *Ille seruus qui cognouit voluntatem*  
*Domini sui, & non se preparauit, & non fecit secundum vo-*  
*luntatem eius: vapulabit multis.* Qui autem non cognouit,

Prou. 18.

Sap. 16.

Prou 15.

1. Tim. 3.

Tit. 1.

Luc. 1.

Rom. 12.

1. Cor. 10.

1. Tim. 1.

Matt. 26.

Act. 7.

Leui. 4. 5. 6.

Luc. 12.

Num. 15.

*Et fecit digna plagis: vapulabit paucis. Nec dissentit lex ver<sup>o</sup>, quæ per Moysen tradita præcipit: Tàm indigenis quàm aduenis vna lex erit omnium qui peccauerint ignorantes. Anima verò quæ per superbiam aliquid commiserit, siue ciuis sit ille, siue peregrinus, quoniam aduersus Dominum rebellis fuit, peribit de populo suo.*

*Propterea verbum Dei non auditis, quia ex Deo non estis.*

Ioan. 10.

ME IPSVM sedulò inspiciam, & omnes conscientiarum mearum angulos perscrutabor, vt sciam, an summi Dei voluntatem & verbum, quo nihil est sanctius, cupidè, latè ac studiosè audiam atque complectar. Qui enim ex Deo est, hoc ipsum Dei verbum audit, non frigidè quidem & oscitanter, sed auidè ac desideranter, nec minus reuerenter ac sedulò. Quod si hunc tantum, cœlestem quæ thesaurum negligo, si vocem summi pastoris libenter non audio, ex Deo prognatus non sum, nec illis annumerari debeo, qui se veros Dei probant electos, quoniam alacres & fidi sunt verbi diuini auditores atque custodes. *Oves enim meæ, inquit Dominus, vocem meam audiunt & sequuntur.* Vè igitur non modò Iudæis, sed & credentibus omnibus, qui prauis affectibus imbuti, curis quæ terrenis impediti, verbum Christi vt Dei verbum audire atque complecti recusant, vel certè cum fastidio & sine fructu illud percipiunt, & Dominicum hoc semen, cuius inexplicabilis est potentia, in suis suffocari animis vltro patiuntur. Cur ergò me ipse non arguo & corrigo, quòd ad nugas & fabulas non inuitus aures arrigo, in lege autem Domini siue audita, siue lecta, die ac nocte cum Dauide non meditor, nec illam vnà cum Magdalena toto pectore haurio, vt ex illius præscripto integrè pendeam, sensus quæ meos omnes illi subijciam? An non expressè Christus tradidit: *Quid vocatis me Domine, Domine, & non facitis quæ dico?* Cur verò Dei spiritum nobis promissum & in baptismo communicatum habemus? an vt

Psal. 118.

Luc. 10.

Luc. 6.

otiosè viuamus, licenterque peccemus? *Spiritum meum*, inquit, *ponam in medio vestri, & faciam ut in præceptis meis ambuletis, & iudicia mea custodiatis & operemini.* Torqueant alij verbum ad sola promissa, & adiuncta præcepta negligant, ac illa impossibilia esse fingant, ut se tantum fide consolentur, quæ certè sine obedientia & operibus est manetque mortua. Ego semper meminero, illos omnes miserè falli, qui sunt verbi tantum auditores, & nolunt operis esse factores, sicut Iacobus euidenter affirmat. Nec obliuiscar Christum hîc de verbo Dei differere, quod non modò diligenter audiatnr atque credatur, sed etiam fideliter obedienterque seruetur, hac addita insigni promissione: *Amen amen dico vobis; si quis sermonem meum seruauerit, mortem non videbit in æternum.* Rectè igitur ab Hieronymo dictum legimus: Præcipua tibi cura sit legem nosse diuinam: nec sufficere tibi putes mandata Dei memoria tenere & operibus obliuisci: sed ideò illa cognosce, ut facias quicquid faciendum didiceris. *Non enim auditores legis iusti sunt apud Deum, sed factores legis iustificabuntur.*

Ego autem hoc sacro tempore, quod pœnitentiæ doctrinam & usum flagitat maximè, illud Dei verbum & præceptum in primis mihi commendatum habebo, quod peccatoris cum Deo reconciliandi seriam conuersionem & integram pœnitentiam exigit. Nam apertæ sunt Dei voces, nec possunt à quoquam eludi: a *Pœnitentiam agite, appropinquauit enim regnum cælorum.* b *Conuertimini ad me in toto corde vestro.* c *Conuertimini ad me, & conuertar ad vos.* d *Nisi pœnitentiâ egeritis, omnes similiter peribitis.* e *Conuertimini & agite pœnitentiam ab omnibus iniquitatibus vestris, et non erit vobis in ruinam iniquitas.* Atq; hoc ipsum Dei verbum, cui nemo nisi impius contradicat, talem requirit conuersionem ac pœnitentiâ, quæ cor contritum & spiritum humiliatum offerat Deo, neq; solum antea acta peccata per sinceram confessionem Deo & sacerdoti factam, sed etiam

Ezech. 36.

Iacob. 2.

Ibidem.

Ioan. 8.

Ephes. 2.

In epist. ad  
Celanciam.

Rom. 2.

a Matt. 4.

b Ioel. 1.

c Zachar. 1.

d Luc. 13.

e Ezech. 18.

Psal. 50.



Serm. de  
pœnitentia.

1. Ioan. 2.

Ioan. 20.

Matt. 18.

1. Ioan. 1.

2. Cor. 7.

Ion. 3.

1. Cor. 11.

per fructus pœnitentiæ dignos exhibitos castiget ac vindicet. Hoc est quod Chrysostomus præclare tradidit scribens: Perfecta pœnitentia cogit peccatorem omnia libèter ferre: in corde eius contritio, in ore confessio, in opere tota humilitas. ¶ Dignum enim est, ac rationi cōsentaneum, ut quibus modis summum Deū offendi, offendi autem corde, ore ac opere, eisdem offenso Deo reconcilier; corde quidem per contritionem, ore per confessionem, ac opere per satisfactionem, sicut hoc nomē citra omnem iniuriam Redemptoris nostri, qui pro peccatis mundi propitiatio factus est, à Patribus receptum atque probatum durat. Cæterum in agnoscendis censendisq; peccatis non sequar morem illorum iudicum, qui duntaxat de crassis, foedis, enormibus & cum publica honestate pugnantibus criminibus ferre iudicium solent, sed in decem Dei præceptis, velut in illustri speculo, me vitæque meæ maculas corde, lingua & operatione, immò & omissione contractas, enixè contemplanor, ita ut in amaritudine animæ meæ transactum tempus recogitem, humiliq; confessione meam conscientiam detegam iudici spirituali, qui loco CHRISTI remittendorum ac simul retinendorum peccatorum potestatem non humanam, sed diuinam accepit. *Si enim confiteamur peccata nostra, quemadmodum à Ioanne Apostolo dicitur, fidelis est & iustus Dominus, ut remittat nobis peccata nostra, & emundet nos ab omni iniquitate.* Ac præceptum est Apostolicum nulli non necessarium, qui Deum sibi propitium & communionem salutarem petit: *Mundemus nos ab omni inquinamento carnis & spiritus, perficientes sanctificationem in timore Dei.* Quæ animi mundatio atque purificatio sine operibus pœnitentiæ ad placandum Deum haudquaquam fieri potest. *Vidit autem Deus non solum Ninivitas, sed & illorum opera, quia conuersi sunt de via sua mala, & misertus est super malitia quam loquutus fuerat ut faceret eis, & non fecit.* Si enim nos ipsos dijudicemus, non utiq; iudicemur à Domino.

Abraham

*Abraham pater vester exultavit ut videret diem meum: vidit & gavisus est.*

MIRABOR vim & potentiam diuinæ gratiæ in Abraham Patriarcha operantis, vt Christum nondum natum, multisque seculis expectandum, in spiritu prævideret illumque veluti præsentem haud sine singulari voluptate & profusa lætitia complecteretur. Nec solus Abraham, sed & multi Reges, Prophetæ & iusti eundem Messiam in Spiritu longè antè conspexerunt, & conspiciendo mirabiliter exultarunt: de quibus verè Paulus testatur, quòd iuxta fidem defuncti sint, nō acceptis repromissionibus, quas à longè adspexerunt & salutarunt. Eò magis ego meam deplorabo sortem, qui præcis eiusmodi Patribus, si auream noui testamenti spectem ætatem, beatior videri possum, & in spiritu tamen sum maneoque languidior atque frigidior, quando tantum ardoris & fructus, quantum illi è sola venturi Messiae promissione hauriebant, ego ex maximo eiusdem Messiae exhibiti beneficio non capio, neque fidelibus alijs sicut illi fecerunt, pro debita gratitudine studeo communicare. Vnde sancta & spirituali consolatione, qua propter donatum orbi Messiam Christianum pectus affici & incendi oportebat, destituor, vt in me non impleatur dictū illud Propheticum: *Exulta & lauda habitatio Sion: quia magnus in medio tui Sanctus Israël*: quemadmodum & Zacharias ob præsentem in carne Messiam exultare nos iubet atque iubilare. Ac multò magis dolebo, complures hodiè mihi similes esse, qui neque gaudij, neque doloris sensu propter optimum maximumque Messiam commoueantur, sed velut degeneres filij, à suæ matris Ecclesiæ iam gaudentis, iam lugentis saluari instituto planè desciscant. Vexilla Dominicæ crucis nunc proposita & erecta non spectamus, & saxis ferè duriores, suscepta pro nobis Christi vulnera cæcis quasi oculis præterimus: tantum abest, vt nos ad pium luctum, veramque pœnitentiam, huic temporis

Luc. 10.

Heb. 11.

Isai. 12.

Zach. 9.

con-

Vide Epi-  
pha: Lib. 3.  
hæres 75.

Gala 5. & 6.  
2. Cor. 4.

Galat. 6.

Galat. 2.  
2. Cor. 1.

congruam, excitemus. Longè aliter fideles Epiphaniij sæculo factitârunt quorum animos effusus ille Christi sanguis mirabiliter vulnerabat, & amoris dolorisque lachrymas exprimebat, nec minus alebat greges seriò pœnitentiam. Sic enim illi posteriores Quadragesimæ dies expendebant, vt partim Dominicæ passionis viuam gratamque memoriam declararent, partim grauioris pœnitentiæ vlti-  
rò susceptæ officijs, ac ardentioris pietatis studijs, si antè vnquam, nunc maximè quidem iucumberent. Proinde forensibus negotijs renunciabât, humi cubabant, sicca duntaxat aridumque cibum edebant, vigilias, ieiunia & preces augebant, ac omnes demum animarum salutes (Epiphaniij verbis vtor) per sanctas afflictiones exquirebant, & exercitabant. Væ igitur huius ætatis tempori atque torpori, quando tam paucos reperire licet verè in cruce Domini sui gloriantes, & carnem suam crucifigentes, IESV que mortificationem in corpore suo circumferentes, quemadmodum Apostolis ac veteribus Orthodoxis erat familiare.

CVR igitur me ipsum non arguo atque castigo, qui summum & grauissimum Dominicæ passionis mysterium vel tunc tandem, cum sic iubet Ecclesia, non magis reco-  
lo, honoro, sanctifico? Quarè cum Paulo ipso crucem amplectens non pronuncio: *Ego stigmata Domini IESV in corpore meo porto?* An me pudeat ac pigeat aliquid pro Christo patiente agere vel sustinere, qui dilexit me & tradidit semet ipsum pro me? Non fallit profectò Apostolica regula: *Sicut abundant passionibus Christi in nobis: ita & per Christum abundat consolatio nostra. Sicut focum passionum estis, sic eritis & consolationis.* Quam ego vereor, nè aliquando vti malefactorum, sic quoque tam supinæ socordix & foedæ ingratitude nostræ pœnas graues dare cogamur, vt pote qui alijs & profanis & domesticis in rebus tam solertes ac industrij, in Dei autem cultu Christique amore supra modum negligentes ac nauseabundi versâmur, totque modis à piorum maiorum patrumque vestigijs aberramus. Vti-

nam

nam utinam nostro magno malo, ac nimium serò tandem non experiamur, quàm verè Propheta dixerit: *Maledictus qui facit opus Dei negligenter.* Quod autem inenarrabiles CHRISTI cruciatus, siue internos, siue externos consideres, singulari communiq̃ue luctu piorum excipiendi sint, non solum docet Ecclesia, sed iam pridem quoque Zacharias Propheta, immò per illum CHRISTVS ipse non obscure verbis illis prædixit: *Adspicient ad me quem confixerunt, & plangent eum planctu, quasi super unigenitum, & dolebunt super eum, ut doleri solet in morte primogeniti.* Qua de re pluribus alibi disseretur.

Jerem. 48.

Zachar. 12.

## DE PRECIBVS CVM HOC EVANGELIO CONIVNGENDIS.

**P**RECANDVS est mihi CHRISTVS pro perfidis hæreticis & cunctis Ecclesiæ infestis persecutoribus, siue ignoranter siue malignè peccantibus. Etenim in funesta illa tempora incidimus, de quibus hoc Paulus est vaticinatus: Mali homines & seductores proficient in peius: errantes & in errorem mittentes. Illud Catholicos ornat maximè, si norint ex hostium insectatione atq̃ iniuria fructum capere salutarem, si præteream his quæ mater Ecclesia eos docuit, firmi ac stabiles perseveret, iuxta illud Apostoli dictum: Tu verò permanc in his quæ didicisti & credita sunt tibi.

2. Tim. 3.

Ibidem.

**O**RABO etiam Deum pro legitimo usu verbi diuini in multorum animis restituendo, ut non solum fide, sed etiam operibus, ac imprimis obedientia probent se germanos Abrahamæ filios, iuxta illud Christi dictum: Si filij Abrahamæ estis, opera Abrahamæ facite, cuius nimirum fides, ut Iacobus inquit, operibus consummabatur. Quid aliud Abrahamæ vita quæso fuit, nisi perpetua quedam obedientia in observando illo Dei præcepto: Ambula coram me & esto perfectus? Obediuit iussis facultates ac patriam relinquere, & unicū mactare filium: peregrinos excepit ac tractavit humaniter, Dei leges cernoniisq̃ servauit.

Ioan. 8.

Iacob. 2.

Genes. 12. 17


18. 22. &amp; 26.

1. Cor. 2.

Isai. 53.

1. Pet. 2.

AD HÆC petam à Deo gratiam, ut ab hoc tempore usq;  
ad Pascha, Christum crucifixum & quæ ad sacram eius passio-  
nem spectant, mihi sæpè multumq; proponam, & cum fructu  
mediter, verèq; cum Paulo dicere queam: Non iudicavi me  
icire aliquid inter vos, nisi IESVM CHRISTVM, & hunc  
crucifixum. Præcipua igitur mysteria, quæ ad sacra illa Pe-  
træ foramina, & ad immensos Redemptoris mei dolores & an-  
gore pertinent, his diebus legam studiosius, totamq; h. s. eria in  
velut in illustri speculo à quatuor Evangelistis fabricato con-  
templabor, simulq; orandi & penitentiam agendi studium, au-  
gebo, ad IESV crucifixi amorem referens omnia, ut qui vul-  
neratus est propter iniquitates nostras, & atrox propter sce-  
lera nostra, ut ipse luore sanaremur, & peccatis mortui, in-  
stittæ vivamus.



# DOMINICA PAL- MARVM, QVÆ ET VLTI- MA EST QVADRAGESIMÆ.

## *Sequentis Euangelij Argumentum.*

Matt. 21.

Marc. 11.

Luc 19.

Ioan. 12.

Zach. 9.

DE Palmarum die, vti vulgus appellat, insignis lateque  
patens extat historia ab omnibus Evangelistis descri-  
pta, ut sciamus Christum Dominum Prophetæ Zachariæ  
vaticinio fatisfecisse, quandoquidem asino vectus, & Hiero-  
solymam ingressus, verum se Messiam agnoscendum, publi-  
ceque honorandum præbuit Israelitis. Eum ingressum  
non solum Apostoli, sed refert etiam hominum turbæ, ci-  
uesque simul & pueri Hierosolymitani egregie cohonestâ-

runt. Apostoli quidam asinum vnà cum pūlo soluunt, ad Christum adducunt, ac suis regunt vestibus. Populus autem in turmas diuisus: alij enim præcedebant, alij comitabātur Dominum, varijs modis ac lætis indicijs, faustisque vocibus produnt suam erga illum beneuolentiam ac gratitudinem vel inuitis hostibus ex mera inuidia hic ohmurmurantibus. Ingens profectò celebrisque pompa illa fuit, qualem Iudæi Iesv Nazareno, vt suo Regi ac Messia, nunquam antea exhibuerant, sælices haud dubiè futuri, si talem fidei confessionem, paremque animi gratitudinem mordicus retinuisent. Verùm illi ad vetus ingenium reuersi, & in summæ ingritudinis crimen relapsi, Christum tot modis à se laudatum citò deinde abnegant, atque vt suis perfidis impijsque proceribus ac Phariseis satisfaciant, ad atroces cruciatus, mortemque horrendam rapiunt, simulque gratiam, Euangelium & Apostolos eius præfracti & læui repudiant. Quæ res vt eorum Reipub. ruinam extremam attulit, ita Christo etiam in medio illo triumpho lachrymas amaras expressit. Nec desunt è Christianis hodie plurimi, qui Iudæorum instar, ad tempus credant, suamque fidem externis tantùm ritibus profiteantur, immodò & Christi beneficijs ac meritis egregiè gloriantur: sed qui in tempore tentationis à vera fide, aut certè à sancta obedientia recedant, adeoque diuini timoris expertes, sicut Paulus loquitur, voluntariè peccare, & Christum iterum crucifigere nō vereantur. Tantùm abest, vt saltem hoc sacro tempore se colligant ac iudicent, criminaque sua veris pœnitentiæ fructibus diluant, atque ad sacrosanctum Pascha dignè ac reuerenter excipiendum sese componant. Omitto cetera iam suprà in hoc ipsum Euangelium dicta, quum circa Dominicam primam Aduentus versaremur.

Matt. 21.

Act. 13. 14.

Heb. 10. &amp; 6



## EIVSDEM DOMINICÆ

Euangelium Matth. xxi.

Cum





*Q*UAM appropinquasset **JESVS** Hierosolymis, & venisset Betphage ad montem oliueti, tunc misit duos discipulos dicens eis: *Ite in castellum quod contra vos est, & statim inuenietis asinam alligatam & pullum cum ea: soluite & adducite mihi. Et si quis aliquid vobis dixerit, dicite, Quia Dominus his opus habet: & confestim dimittet eos.* Hoc autem factum est, ut adimpleretur quod dictum est per Prophetam, dicentem: *Dicite filie Sion: Ecce Rex tuus venit tibi mansuetus, & sedens super asinam & pullum filium subiugalis.* Euntes autem discipuli, fecerunt sicut praecepit illis **JESVS**. Et adduxerunt asinam & pullum, & imposuerunt super eos vestimenta sua, & eum desuper sedere fecerunt. Plurima autem turba strauerunt vestimenta sua in via: alij autem cadebant ramos de arboribus, & sternebant in via. Turbae autem quae praecedebant & sequebantur, clamabant, dicentes: *Osanna filio David: Benedictus qui venit in nomine Domini, Osanna in excelsis.*

NOTAE MEDITATIONVM ET  
PRECATIONVM CIRCA  
EVANGELIVM.

*Cum appropinquasset Iesus Hierosolymis,  
& venisset Betphage ad montem Oliueti.*

**Q**UANTVM ego indignus debeo clementissimo & maximo Redemptori, qui hoc die à palmis dicto tam multa & magna pro sua ingenti charitate contexit? Iterum peregrinatur, vt sibi dilectos Hierosolymitanos, quorum proceres in mortem ipsius iniquissimè conspirauerant, etiam non rogatus vel expectatus inuisit. Per suos discipulos petit & accipit, vt verè pauperem decedat, a sinu alienum, quo vectus Prophetæ Zachariæ vaticinium compleat, simulque se Regem & Messiam promissum exhibeat Israëlitis. Occurrentem sibi habet turbam hominum, à qua & latè & honorificè excipitur, atque per urbem ipsam deducitur, licet obstrepant inuidi Pharisei. Ille verò oblati vulgi laudibus & faustis præsentium acclamationibus atque gratulationibus adeò non delectatur, vt ad conspectum urbis & in medio applaudentium tristes fundat lachrymas, & apertè prodatur hunc suum luctum ad urbis patriæque suæ funestum, miserandum & deplorandum exitium pertinere. Porro in templum ingressus, Euangelium docuit, & curauit ægros, simulque Patris sui ædem, ciec̃tis inde negotiatoribus, ardenti zelo purgauit. Multo igitur labore hic dies Christo constitit, qui deinde cum nullus in vrbe vel hospitium, vel cibum auderet offerre, ex eadem vrbe digressus, ad amicos redijt in Betha-

Ioan. 11.  
Zach. 9.

niam. Quæ omnia mihi cordi esse debent, ac iustum in me desiderium excitant & studium, Christo Domino meo in susceptis suis laboribus compatiendi, ac simul de meis proximis, siue amici sint, siue hostes, ubique benemerendi, nullum ut defugiam officium, quod illis etiam immerentibus ad Dei gloriam à me potest attribui & impendi. *Non enim est seruus maior Domino suo*, qui toties hanc urbem sanguinariam clementer inuisit, illamque profundis flagitiorum vndis obrutam præclaris beneficijs sibi deuincire nunquam destitit. Hinc illa ipsius verba ex ingenti miseratione atque charitate prolata: *Ierusalem Ierusalem inquit, quæ occidis Prophetas, & lapidas eos, qui mittuntur ad te: quoties volui congregare filios tuos, quemadmodum auis nidum suum sub pennis, & noluisti.* Ita me docuit Christus non parcere laboribus, sed omnia potius experiri in aliorum gratiam, quibus prodesse possum, etiamsi nullus vel exiguus fructus inde consequatur. Nam & ipse rerum, tam futurarum quam præsentium conscius, optimè nouerat, suisque prædixerat, inuincibilem istorum fore malitiam, qui acceptis beneficijs longè deteriores atque damnabiliores effecti, incredulitatis & peruiacix suæ excusationem nullam haberent, ipsumque vitæ autorem essent excruciaturi. Tantò magis mihi commendatum habebam quod Salomon & Paulus discretis verbis præceperunt: *Si esurieris inimicus tuus, ciba illum: si sitieris, da illi aquam bibere: prunas enim congregabis super caput eius, & Dominus reddet tibi.* Hoc tantum Paulus adiungit: *Noli uinci à malo, sed vince in bono malum.* Ergo non mihi otio, luxui ac desidii vnquam vacandum, aut labor ullus recusandus est, si fratrum salui vel commodo consulere possim? quando IESVS corpori tam tenero ac delicato nihil indulget, sed perpetuis excursionibus, vigilijs, concionibus & occupationibus incumbit, nullam ut temporis partem sine fructu abire permittat. Vnde suis etiam mandat fidelibus: *Operamini non cibum qui perit, sed qui permanet in vitam æternam. Ambulate dum lucem ha-*

*betis, ut non tenebra vos comprehendant. Negotiamini dum venio.*

NEQVE OSCITANTER notabo, Christum Dominum in tanto vrbis applausu, ac in medio veluti triumpho constitutum, adeò sibi non placere, ut etiam mœstissimo sit animo, verbaque tristissima proferat, & lachrymas vberes fundat, sicut Lucas ostendit. Propterea ut me aliqua ex parte Christo Redmtori conformem, à quocunque lauder, & in oblati quibuslibet honoribus singularē seruare modestiam nitar, nihil ut mihi placeam, quemadmodum & sibi Dominus non placuisse, sed potius probra, maledictiones & miseras expectasse, illisq̃ saturatus esse scribitur. Quid verò arridente fortuna, quæ blandiendo plures quàm sœuendo perdit, inconstantius, fragilius atq̃ fallacius potest excogitari? Ingētem sanè honorem & celebrem pompam Christo, ut Regi ac Messia suo, hoc die exhibent Hierosolymitani. Eam verò lætitiā, tantumq̃ decus incredibilis crudelitas & incomparabilis ignominia in eadem vrbe ac hebdomada excipit atq̃ comitatur. Siquidem ingratis finii ciues illum ipsum vitæ ac salutis authorem, quem filium David & regem Israēl, ac benedictum Patri legatum publicè salutant & celebrāt, paulò post latroni nefario postponunt, maleficum, seductorem, blasphemum & regni assectati reum faciūt, eundem ad crucem, terribilissimum nempe mortis genus rapiūt, spinis & sentibus caput eius dilacerant, totumq̃ corpus flagris concidunt inmaniter. Cur igitur magni faciam, ac non potius, contemnā quorumlibet mortalium laudem, fauorem, applausum? cū sit veluti res planè vitrea, caduca, inanis, multisq̃ pestifera. *Soli enim Deo honor & gloria in secula seculorum. Tibi Domine illustra*, inquit Daniel, *nobis autem confusio.* Neq̃ ingenti vacant periculo, qui popularem auram venantur & consequuntur, si Propheta verè dixit: *Deus dissipauit ossa eorum qui hominibus placent: confusi sunt, quoniam Deus spreuit eos.* CHRISTO gratiæ, qui me docuit futura potius quàm

Luc. 19.

Rom. 15.

Psal. 68.

Thren. 3.

1. Timot. 1.

Iudæ. 1.

Dan. 9.

Psal. 52.

- præsentia considerare, dulcesque vitæ huius illecebras, & quælibet mundi blandimenta spernere, rebus quoque læris præsens antidotum, quod in tristium memoria situm est, opponere sapienter. Cùm enim vrbs Hierosolymitana in Oriente nobilissima & celeberrima floreret, ac sibi pacata & prospera cuncta polliceretur, CHRITVS imminetia illius Reipub. pericula, & suam præterea crucem ac mortem funestissimam in mentem reuocauit, & hinc dolorem persensit maximum. Quocirca mihi quoque dictum
- a Ecclef. 21. & mandatum illud esse censebo: a *In die bonorum nè immemor sis malorum. Malitia hora obliuionē facit luxuria magna,*
- b Iacob. 4. & in fine hominis denudatio operum illius. b *Quicumq; voluerit*
- c Ecclef. 7. *amicus esse huius seculi, inimicus Dei constituitur, c In omnibus operibus tuis memorare nouissima tua, & in æternum non peccabis: d Omnis caro fœnum, & omnis gloria eius quasi flos agri.*
- d Isaiæ. 40. Quod vltimum Isaiæ dictū Ecclesiasticus hisce verbis complexus est: *Omnis caro sicut fœnum* (vel vt alij legunt, vestimentum) *veteraſcet, & sicut foliū fructificans in arbore viridi.* Tantoque diligentius aduigilabo, vt si gloriari velim, non in carne sed in spiritu, neque in mundo, sed in Christo crucifixo meam gloriam constituam, & hoc quidem tempore potissimum cum Apostolo Paulo sæpe dicam: *Mihi absit gloriari nisi in cruce Domini nostri IESV CHRISTI, per quem mihi mundus crucifixus est, & ego mundo.* Nihil sane Christo nunc gratius, nihil homini conducibilius, & Ecclesiæ institutō congruentius fuerit, quàm vt nos patientes & ardentes crucis Christi amatores reipsa probemus. *Sicut enim Christum pati oportuit, ac ita intrare in gloriam suam;* ita de viuus CHRISTI membris cum Paulo verissimè dixerimus: *Per multas tribulationes oportet nos intrare in regnum Dei: Si commortui sumus, & conuiuemus. Si sustinebimus, & conregnabimus.*
- Gal. 6.
- Luc. 24.
- Actor. 14.
2. Timot. 2.

*Euntes autem discipuli fecerunt, sicut  
præcepit illis IESVS.*

NON temerè factum arbitrabor, quòd Christus duos discipulos ad asinum eiusque pullum adducendum, & rursus ad agnum paschalem parandum; emittat, quemadmodum idem Dominus binos discipulos ante faciem suam destinavit in omnē civitatem & locum, quò erat ipse venturus. Hac enim ratione commendatur mihi & fidelibus omnibus Evangelicum & suave iugum, quo nihil nobis debet esse commendatius, iugum scilicet Christianæ charitatis & fraternæ concordie, vt hac nota oues ab hœdis, fideles ab infidelibus probè discernantur. Igitur in hac ipsa virtute, qua nihil Deo gratius, & ad internam externamque pacē fouendam Christianis est æquè necessarium, me domi ac foris exercitabo. Est enim preceptum Domini, quod satis infigi mentibus & opere compleri nunquàm potest: *Mandatum novum do vobis, vt diligatis inuicem, sicut dilexi vos, vt & vos diligatis inuicem. In hoc cognoscent omnes quia discipuli mei estis, si dilectionem habueritis ad inuicem.* Atque his consonat illa principis Apostolorum sententia: *Ante omnia mutuam in vobismetipsis charitatem cōtinuam habentes, quia charitas operit multitudinem peccatorum.* Iam verò his duobus missis discipulis sceleriter cessit, quòd Christi mandato paruerunt; licet sui magistri mentem consiliumque nondum intelligerent, ac fortassè mirarentur etiam, cur de adducendo asino eiusque pullo vt nunquàm antea, sollicitus esset. Ita mihi certò persuasum habebo, quod quicquid obedientia duce aggrediar, id mihi nō posse perperam succedere, immò & Christo placiturum, (*Obedientia enim melior est quàm victima*) idemque opus si non alijs, at certè quidem mihi profuturum esse. Quòd si obedientiæ virtutem, quæ fidei soror, & humilitatis est filia, cum charitate sancta coniunxero, non potero in mea vocatione non stabili & crescere: nec dubium, aduersa & molesta quæque, diligentibus ac obedientibus in bonum cooperari. *Omnia enim sanctis in bona, vt monet Ecclesiasticus, impiis verò & peccatoribus* (qui filij Belial, id est, sine iugo esse dicuntur) in

Matt. 26.

Marc. 14.

Luc. 10.

Matt. 11.

Ioan. 13.

Ibidem.

1. Pet. 4.

1. Reg. 15.

Rom. 8.

Eccles. 39.



1. Reg. 15.  
9. & 10.

Luc. 5.  
Ioan. 21.

Ioan. 6.

Psal. 44. 138.

Ioan. 20.  
Matt. 18.  
Matt. 19.  
Marc. 16.  
2. Cor. 5.

*mala conuerterentur.* Vnde cum Saul in oculis adhuc suis paruulus, ex voluntate patris a sinas amissas quereret, regnū inuenit. Obediuit Petrus Domino, ut eius iussu in mari Genezareth piscaretur, & mox ingentem piscium multitudinem cepit, immò & piscator hominum, & pastor pastorum electus est. Quid abiectius pauperibus & idiotis Apostolis apud vulgus? sed quoniam Christo parebant, & ex charitate suos panes quinque hordeaceos Domino benedicendos offerebant, longè facti sunt locupletiores, tantamque hominum turbam suis panibus exlaturarunt, atque ad summum dignitatis gradum in Ecclesia peruenerunt, populorum etiam principes in Scriptura nominati.

PRÆTEREA de his ipsis Domini discipulis mecum expendam, quod in tota illa hominum Christo adherentium frequentia primas tulerint, ac pulchrè simul typum gesserint pastorum atque doctorum Ecclesiæ. Horum enim est proprium, vocari ac mitti à Christo, & præcipuam cum illo familiaritatem alere, propter peccata ligatos licet viles ac simplices, in Christi nomine soluere, & solutos ad illum ipsum adducere, suaque vestimenta, ut Dei habitaculum fiant, subternere. Nota sunt enim verba Domini, quibus peculiariter demandauit: *Quorum remiseritis peccata, remittuntur eis. Quaecumq; solueritis super terram, erunt soluta & in cælo. Sinite paruulos venire ad me. Predicatum Evangelium omni creatura.* Vnde Paulus quoque dixit: *Pro Christo legatione fungimur, tanquam Deo exhortante per nos. Posuit enim in nobis verbum reconciliationis.* Iam verò quod ad turbam hominum, Christum hîc comitantiū attinet, singularem mihi consolationem adferet, tam multos diuersi ordinis, ætatis & sexus homines ad celebrandum Christum conuenire, vnoque fidei, spei & charitatis afflari spiritu, atque vno demum corde & ore Deum glorificare. Quid pulchrius ac felicius obsecro, quam in præclara & sancta illa tot mille fidelium Ecclesia reperiri, quæ relictis seclis omnibus, sese cum Christo rege & capite coniungit, illi se totam

offert ac dedicat, illius laudes, vel inuitis aduersarijs, celebrat continenter? *Laus enim eius in Ecclesia Sanctorum*, si Psalmographo credimus: omnisque Deum timentis consens debet esse professio: *Apud te laus mea in Ecclesia magna: vota mea reddam in conspectu timentium eum. Particeps ego sum omnium timentium te, & custodientium mandata tua.* Optabo in super, me pueris ac paruulis illis posse aggregari, qui cum cœru sanctorum coniunguntur, ac pro sua imbecillitate Christo inseruiunt, & voces etiam non intellectas Deo fundunt. Vtinam verò mihi liceat ex illis esse paruulis, de quibus Christus ipse verba illa Prophetica repetiuit, ac suis æmulis nimium prudentibus obiecit: *Ex ore infantium & lactentium perfecisti laudem*, vt ex corde & ore meo diuina quoque laus, apud amicos & inimicos perficiatur. Quid quòd Christus cum asino tam clementer agit? cum illum ad se perducere præcepit, ac tam vilis iumentum ministerio vtitur, illiq; se sponte sessorem ac rectorem exhibet. Desiderabo igitur, vt cum Propheta sincere possim dicere: *Tantumquam iumentum factus sum apud te*, nec erubescam, sed gaudebo potius, me Christi asinū iuxta sensum mysticum existimari. Nam præclare mecum agi putabo, si asino, licet abiecto & despecto, multis in rebus conformari, ac vitam illi similem instituere queam. Est enim hoc animal exiguo pabulo contentum, penurix, famis ac laboris patiens, ad plagas ferendas assuefactum, ab arrogantia & superbia alienū, simplicitatis amans, ad humilia quæq; propensum ac facile. Habuit sanè Christus & semper habebit suos asinos, hoc est, longo peccatorum iugo pressos & oneratos, grauiterq; laborantes & inertes, qui diuino potius quam humano indigent præsidio atque medicamento. His à Christo ipso benignissimè acclamatur: *Venite ad me omnes qui laboratis & onerati estis, & ego reficiam vos.* Tollite iugum meum super vos. Nam vt sapiens quoq; testatur: *Pusillum & magnum ipse secit, & aqua est illi cura de omnibus.* Quicquid ergo de me cogitent ac iudicent alij, ego qui inter Christi seruos me sem-

Psal. 149.  
& 21.

Psal. 118.

Matt. 21.  
Psal. 8.

Psal. 72.

Matt. 11.

Sap. 6.

Luc. 2.

1. Cor. 6.

per infimum ac minimum cōstituam, bonas afini dotes æmulabor, & ex animo petam aliquam cum illis habere partem, qui non grauatim, sed libenter iugum Domini, immò Christum ipsum vnà cum iusto Simeone portant, seque illi regendos subijciunt, vt hinc Christiferi siue Christo-phori meritò appellentur. Magna enim vis est illius præcepti Apostolici. *Glorificate & portate Deum in corpore vestro.*

*Turba quæ præcedebant & sequebantur, clamabant.*

ISRAELITÆ hoc die multa in Christi gratiam tentant atque perficiunt, quæ vt Phariseis liuore plenis displicuerunt, ita Deo certè non ingrata fuerunt, licet nullo in scripturis præcepto exigenterentur. Nam turmatim Christo procedunt obuiam, suas vestes in via sternunt, illique & asino conculcandas exhibent, palmarum ramos ab arboribus auulsos manibus circumgestant, lætis & consonis vocibus CHRISTO, non secus quam principi maximo, & filio hæredique Regis Davidis exoptato applaudunt & congratulantur. Neque dissimilis est tam paruulorum quàm virorum ardor in Christo, licet à maximis tunc proceribus contempto, votis flagrantibus excipiendo. Ita enim diuinitus erant edocti, vt corde, ore ac opere vnanimiter profiterentur, quòd IESVS Nazarenus qui asino humiliter infidebat, verè esset & à cūctis haberi deberet tot seculis expectatus, & petribus antiquis promissus, iamque ab æterno Patre in orbem destinatus, ac summis miraculis declaratus Messias, vnicus ille Israëlitarum Rex & semen inelytum Abrahamæ, in quo gentes omnes benedicuntur. Addit hoc quoque Lucas de pietate populi: *Cum appropinquaret Dominus iam ad descensum montis oliueti, cæperunt omnes turba descendentiū laudare DEVM voce magna super omnibus quas viderant virtutibus, dicentes, Benedictus qui venit Rex in nomine Domini, pax in calo: & gloriā in excelsis.*

Genes. 22.

Luc. 19.

HINC

HINC meam ego fidem confirmabo, vt quæ ad decos Ecclesiæ ritus in cultu diuino seruandos pertinent, licet sine scripto, & veluti per manus ad nos transmissa peruenierint, suum tamen apud me pondus habeant, ac sedulo custodiantur. Nam & Paulus Corinthios laudat, quòd viua voce ab ipso tradita & accepta firmiter obseruarent, ac fidelibus omnibus ita præscribit: *State & tenete traditiones quas didicistis, siue per sermonem, siue per epistolam nostram.* Neque solum in ceremonijs Ecclesiasticis, verum etiam in Catholicæ fidei rebus mihi semper commendatum habebò, quod ab Origene vetusto Theologo didici: Illa sola credenda est veritas inquit, quæ in nullo ab Ecclesiastica traditione discordat. ] Ac velut se ipsum explicans magis: Non debemus ait, exire à prima & Ecclesiastica traditione, nec aliter credere, nisi quemadmodum per successionem Ecclesiæ Dei nobis tradiderunt. ] inde singularem mihi dolorem creabit prædictum Iudæorum in honorando Christo ardorem adeò deferuisse apud Christianos, vt paucos reperire liceat in exercenda pietate, & diuino cultu flagrantés, quantumuis in clara Euangelij gratiæque splendentis luce versentur, & complures CHRISTI Domini gloriam ore iacent, & illius meritis gloriantur. Vincunt nos profectò Iudæi in suis cœtibus colligendis in Christo publicè celebrando, in beneficijs eius atque miraculis recolendis, in ceremonijs Ecclesiasticis obseruandis. Quam nos demùm gloriã tanto Redemptori debitam, siue apud amicos, siue inter inimicos reddimus, qui magis ac magis in eius cultu, obsequio seruitioque torpemus? Quid summo illius amoris rependimus, qui eiusdem præceptis & exemplis, si non sermone, at re ipsa quidem repugnamus. vt impiorum etiam iusta censura damnemur? Quis nos ardor occupat, quod studium ad regnum illius illustrandum, vel modicis sumptibus exornandum impellit? Quam exigua cura tenet amplissima illius beneficia, præsertim sub mortem acerbissimam mundo exhibita, sacris saltem his die.

1. Cor. 11.

2. Thess. 2.

Lib. 1. Periar-  
ch. & in  
Euang.  
Matth.

Heb. 9. &amp; 12

buspiè cōmemorandi? Fātemur immēnsos Christi labores, & grauissimos cruciatus pro nobis ex amore susceptos & exantlatos fuisse: sed neque illius merita neque vulnera, ferreos & lapideos animos nobis emolliunt, vt ad pœnitentiam & gratitudinem seriò conuertamur, illumquē redamemus, qui viuens ac moriens se totum nobis impendit. Vnde Paulus de illo commemorat: *Sanguis Christi qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis, ad seruendum Deo viuenti.* Addit autem & illud: *Recognitate eum, qui se sustinuit à peccatoribus aduersum semetipsum contradictionem,*

Hom. 3. o. in  
Genes.

ET iam antea quidem dictum est, quid scripserit Epiphanius de feruenti veterū fidelium pietate ac pio feruore, vt sanctum hoc Quadragesimæ tempus cum fructu absoluerent. Subiungam nunc Chrysostomum, præclarum sancti Ecclesiasten, qui suos auditores, immò Catholicos omnes, grauiter admonet de studijs huic temporis congruentibus, vt sanctam hebdomadam legitimè celebremus: Ecce inquit, tandem ad finem sanctæ Quadragesimæ venimus, & ieiunij nauigationem perfecimus, appulimus quæ Dei gratia in portum. Verum non ideò negligentes simus, sed hac de causâ iterum maius studium, maiorem diligentiam, maioremque vigilantiam exhibeamus. Itaque quemadmodum naucleri & cursores & athletæ vbi ad finem veniunt, magis enituntur & vigilant, eodem modo & nos facere oportet. Quia in magnam hanc hebdomadam peruenimus Dei gratia, nunc maximè & ieiunij cursus intendendus, & magis continuandæ sunt preces, faciendaque diligens & pura peccatorum confessio, & in bonis operibus sedulitas, eleemosyna larga, æquitas, māsuetudo aliarq; virtutes, quibus ornati, vbi in diem Dominicum venerimus, Domini liberalitate fruamur. Magnam autem vocamus, inquit, hebdomadam, quia magna quædam & ineffabilia bona contigerunt nobis in illa. Solutum enim tunc est bellum

diutinum,

diutinum, extincta mors, maledictio interempta, diaboli  
 tyrannis dissoluta, vasa eius direpta. Deus hominibus  
 reconciliatus est, cœlum penetrabile factum est, Angel  
 nominibus conuiuunt, distantia coniuncta sunt, sepes sub  
 ata, septum remotum. Deus pacis pacifica fecit omnia,  
 quæ in cœlis & quæ in terris. Hac de causa Magnam Heb  
 domadam vocamus, quia tantam nobis donorum multi  
 tudinem in illa largitus est Dominus. Et idcirco fideles &  
 ieiunium intendunt, & vigilias, & pernoctationes sacras, &  
 eleemosynas faciunt, vt hebdomadæ huic honorem habe  
 ant. Nam si Dominus talia bona in illa nobis donauit, quo  
 modo non & nos debemus, quantum possumus, reueren  
 tiam & honorem ostendere? ] Vbi deinde Christiano  
 rum regum seu principum suo sæculo vñtatum morem su  
 biicit, qui hoc ipso tempore prohibuerunt ciuilibus vacare  
 negotijs, & fores clauserint iudiciorum, sed & reos in car  
 ceribus soluerint à vinculis, vt omnes ad curanda spiritua  
 lia essent expeditiores. Proinde Rogo inquit, vt si vnquam  
 aliàs, nunc repulsis vanis cogitationibus, & mente purgata  
 ac vigili adesse velimus. ] Suffecerit autem è multis supe  
 riora repetiuisse, vt omnes intelligant, sanctam & seueram  
 veteris Ecclesie disciplinam, à qua pro dolor, nos tanto  
 perè discessimus, vt Propheticum illud meritò nobis occi  
 nat: *Via Sion lugent, eo quòd non sint qui veniant* (vt sanè  
 oportebat) *ad solennitatem.* O si hanc nobis gratiam daret  
 Deus, vt Apostolica turba, quæ nunc in Catholicis perstre  
 pit Ecclesijs, nostris etiam auribus & mentibus insonaret,  
 atq; ab omnibus intimè persentiretur. Sic autem habet:  
*Hoc sentite in vobis, quod & in Christo Iesu, qui cum in forma*  
*Dei esset, non rapinam arbitratus est esse se æqualem Deo, sed*  
*semetipsum exinaniuit, formam serui accipiens, in similitudi*  
*nem hominum factus, & habitu inuentus vt homo.*  
*Humiliauit semetipsum, factus obediens*  
*vsq; ad mortem, mortem autem*  
*crucis.*

Thren. 1.

Phil. 2.



## DE PRECIBVS CVM HOC EVANGELIO CONIVNGENDIS.

**P**RECANDVS mihi CHRISTVS est pro Catholicis breui ad sacram confessionem & communionem de more accessuris, ut non modò sinceros animos in Catholica fide fundatos adferant, sed etiam ad bene beatèq; vivendum, sacrosancta passionis & mortis, immò & resurrectionis Dominice participes fiant.

**O**RABO etiam pro inimicis crucis, omnibusq; in peccati morte consipientibus, ut ad spiritualem vitam reuocentur, ne frustra pro illis CHRISTVS suum fuderit sanguinem: quonià in cruce fuit exaltatus, ut ad se traheret omnia,

**D**ABO etiam operam, ut nouam à Deo gratiam impetrem, qua me paruulum exhibeam cum pueris Hebræorū in CHRISTO reuerenter excipiendo, & si opus sit, publicè honorando, quin etiam fideliter ad crucē vsq; comitando, quicquid demum instabiles vicini, prauiq; socij moliantur. Perinde ac si cum Thoma dicam: Eamus & nos, ut moriamur cum eo.

**D**EMVM per hanc hebdomadam sanctam, Græci magnam vocant, ut diximus, quotidie aliquid fecero, ut me mortificationis & pœnitentiæ memorem, immò & studiosum amatorem ostendam, idem nimirum sentiens, quod in CHRISTO IESV pro me capto, illuso, flagellato, vulnerato, crucifixo ac mortuo, id est, miserandum in modum excruciato, ut ego perditus vitam in ipso ac salutem perpetuam inuenirem. Nec enim obliuisci debeo Apostolicæ sententiæ: CHRISTVS semel pro peccatis nostris mortuus est, iustus pro iniustis: ut nos offerret DEO, mortificatos quidem carne, viuificatos autem spiritu. Felix qui cum Paulo verè dixerit: Adimpleo ea quæ defunt passionum CHRISTI in carne mea, pro corpore eius, quod est Ecclesia.





# IN DIE COENAE DOMINI.

## *Sequentis Euangelij Argumentum.*

**I**N hac memorabili historia, quæ Christum seruii linteo præcinctum, & suorum discipulorum pedes lauātem exhibet, cunctis mortalibus admirandū simul & imitandum Christianæ humilitatis exemplum proponitur atque commendatur. Petrus Apostolus nonnihil cum Christo Domino, sed ex modestia religiosa contendit, suam nempe indignitatem cum præsentis Domini maiestate conferens: seridū autem admonitus, nō sine pudore suos pedes lauandos offert, ac Domini mandato parer, vt filium decebat obedientiæ. Cæterū vt præsentis norint mysterium, minusq; mirentur exemplum inusitatum, Christus ipse facti sui rationem exponit, & singularem submissionem fraternūque obsequium, quo fideles omnes omnibus ætatibus inter se mutuū certare debent, præscribit & exigit. Quod verò ad Petrum dicitur: Qui lotus est, non indiget nisi vt pedes lauet,] eò spectat, vt sciamus eos, qui cum Apostolis Christiano baptismo mundati sunt, sine omni peccato non posse viuere, atque ad quotidianas vitæ humanæ sordes, quas etiam iusti contrahunt, abstergendas, purgatione quadam indigere. Quare Apostolus baptizatos affatur: Mundemus nos ab omni inquinamento carnis & spiritus, perficientes sanctificationem in timore Dei.] Augustinus ergo vult Dominum hîc significasse, vt propter humanos quibus in terra versamur affectus, nouerimus nos sine peccato non viuere, quantumlibet in iustitia profecisse videamur: opus autem


elle

2. Cor. 7.

Tract. 58.  
in Ioan.

In Euang.  
de cœna  
Domini.  
Sermon. de  
ablutione.  
Actor. 15.  
Dan. 4.  
1. Pet. 4.  
Prouer. 10.  
& 15.

esse ad purgationē, ut charitatis & humilitatis ministerium  
vel maxime adhibeamus. Et quoniam plerique diuini timo-  
ris obliui, grauius polluantur, & maioribus vitiorum sordi-  
bus sese conspurcant, debent illi quemadmodum Beda mo-  
net, accuratiore purgationis exercitio sese purgare, sicut o-  
rationibus, vigilijs, ieiunijs, lacrymis ac eleemosynis, ut ad-  
hærentes animæ sordes, sicut Cyprianus loquitur, quotidie la-  
na satisfactione lauentur. Et si enim fide corda purificari le-  
gimus, tamen cum eadem diuina Scriptura ingenuè profi-  
teri debemus, peccata eleemosynis redimi, & iniquitates  
misericordijs pauperum, charitatem esse quæ operiat mul-  
titudinem peccatorum, iustitiam à morte liberare, per mi-  
sericordiam & fidem peccata purgari, & peccata hominum  
propter pœnitentiam à Deo dissimulari siue remitti.



## EVANGELIVM EIVSDEM

Dominicæ Ioan. XIII.

**N**te diem festum Pascha sciens Iesus  
quia venit hora eius, ut transeat ex  
hoc mundo ad Patrem, cum dilexisset  
suos qui erant in mundo, in finem dilexit eos. Et  
cœna facta, cum diabolus iam misisset in cor, ut  
traderet eum Iudas Simonis Iscariotes, sciens  
quia omnia dedit ei Pater in manus, & quia à  
Deo exiuit, & ad Deum vadit, surgit à cœna,  
& ponit vestimenta sua, & cum accepisset lin-  
teum, præcinxit se. Deinde misit aquam in  
peluim, & cœpit lauare pedes discipulorum, &

exter-

extergere linteo, quo erat pracinctus. Venit ergo ad Simonem Petrum. Et dicit ei Petrus: Domine, tu mihi lauas pedes? Respondit IESVS, & dixit ei: Quod ego facio, tu nescis modò: scies autem postea. Dicit ei Petrus: Non lauabis mihi ~~mihi~~ pedes in aeternum. Respondit ei IESVS: Si non lauero te, non habebis partem mecum. Dicit ei Simon Petrus: Domine non tantum pedes meos, sed & manus & caput. Dicit ei IESVS: Qui lotus est, non indiget nisi ut pedes lauet, sed est mundus totus. Et vos mundi estis, sed non omnes. Sciebat enim quisnam esset, qui traderet eum, propterea dixit: Non estis mundi omnes. Postquam ergo lauit pedes eorum, accepit vestimenta sua: & cum recubisset iterum, dixit eis: Scitis quid fecerim vobis? Vos vocatis me Magister & Domine: & benè dicitis: sum etenim. Si ergo ego laui pedes vestros, Dominus & magister: & vos debetis alter alterius lauare pedes. Exemplum enim dedi vobis, ut quemadmodum ego feci vobis, ita & vos faciatis,







## NOTÆ MEDITATIONVM ET PRECATIONVM CIRCA IDEM

EVANGELIUM.



**M**IRIFICA & incredibilis charitas, quæ in tota Christi vita sese prodidit, sub eius mortem erga discipulos & credentes omnes magis eluxit, eaq; mihi & pijs omnibus qui matrem Ecclesiam audiunt ac sequuntur, hoc tempore diligenter expendenda est. Charitatis erat, cum tanta non solum humilitatis, sed etiam amoris significatione seruire discipulis quamuis abiectis, ut singulorum, & inter hos Iudæ quoque traditoris pedes sanctis suis manibus ipse magister ac Dominus lauaret ac tergeret. Charitatis erat, longo & ardenti quo flagrabat desiderio satisfacere, suum ut corpus & sanguinem in sacrosancta Eucharistia sub specie panis & vini institueret, summumque hoc donum & *inimósinon* perpetuo relinqueret fidelibus. Ita enim re ipsa præstitit quod iam antè promiserat inquitens: *Panis quem ego dabo, caro mea est pro mundi vita.* Charitatis erat, suam erga discipulos insignem beneuolentiam post extremam coenam prodere, quando mirè suauem longumque sermonem habuit, ut eos paternè instrueret, & ante discessum consolaretur. Charitatis erat, non solum discipulos, sed & fideles omnes, qui aliquando credituri essent, coelesti Patri sollicitè commendare, & pro illorum ac totius Ecclesiæ vnitatem conseruanda precari. Charitatis demum incomparabilis argumentum erat illustre, pro immerentibus, adeoque impijs Satanæ ac gehennæ filijs vltro se offerre Patri ad bibendum calicem tam amarum quam ignominiosum, ut ad solam imminenti cruciatuum tristissimam memoriam Dei filius totus

Ioan. 6.

Ioan. 14. 15.  
& 16.

Ioan. 17.

Matt. 26.

Marc 14.

cohorruerit, ac prolixè orans in horto, sudorem sanguineum sudeat, coque terram ipsam humectârit, Angelum verò de cœlo habuerit consolantem. Absit igitur, vt ego tantæ tamque multiplicis charitatis obliuiscar, quam clementissimus Dominus tam copiosè, potenter ac excellenter hoc ipso die manifestauit. Is velut amore ebrius, vt cum Paulo loquar, *dilexit me, & tradidit semetipsum pro me.* Is inusitata sui feruentis amoris indicia suis vt nunquàm prius declarauit, & præterea sicut Ioannes affirmat, *dilexit nos, & lauit nos à peccatis nostris in sanguine suo. Is est propiciatio pro peccatis nostris, non pro nostris autem tantum, sed etiam pro totius mundi.* Quid ergò retribuam Domino pro omnibus quæ retribuit mihi? pro omnibus inquam, hoc ipso die peculiariter à Christo Domino gestis, vel per Ecclesiam Catholicam vt quot annis agantur institutis? Etenim sicut vetustus author (Cyprianum fuisse putant) perspicuè tradit, di-  
 es ista multiplicibus mysteriis honoratur. Hac die primùm commendata est nobis fractio panis & mensa Ecclesiæ panem Angelorum hominibus proposuit ad manducandum. Hodie Christus pedes lauit Apostolis, & hoc solenni deuotione omni tempore agendum instituit. Hodie in Ecclesia cum cæteris vnctionibus ad populum acquisitionis sanctificandum in participationem dignitatis & nominis, sacrum Chrisma conficitur, in quo mixrum oleo balsamum, regis & sacerdotalis gloriæ exprimit vnitatem, quibus dignitatibus initiandis diuinitus est vnctio instituta. Hodie reconciliantur Ecclesiæ peccatores, & eiecti foras ad matris vbera reducuntur, & exclusi à cœtu sanctorum ad communionem qua caruerant reuertuntur. Hodie patent carceres, & damnati libertate donantur.] Accedit his omnibus, quod ex veteri more Pont. Max. diem Coenæ Domini non celebrat, nisi publicè promulget sententiam excommunicationis in omnes hæreticos & alios grauioribus criminibus obnoxios, nimirum vt illos velut Sacramentorum omnium vsu indignos arceat, simulque commonstret, illorum pec-

Luc. 22.

Galat. 2.

Apoc. 1.  
1. Ioan. 2.

Psal. 115.

Serm. 3. de  
vnctione  
chrismatis.



Ioan. 20.

coram Deo & Ecclesia retineri, quamdiu per seriā pœnitentiam cum Ecclesia Catholica non fuerint reconciliati. Quocirca hunc ego perclarum, totque Christi beneficijs illustratum, & iam pridem ab Ecclesia honoratum diem in precio libenter habebō, & singulari cultu transigam. Præcipuè autem curauero, Christi charitatem in meo animo renouare, quando ille diues & copiosus in misericordia, peccatores omnes ad se redamandum, tam blandè ac suauiter allicit, vt meritò cum Dauide canam: *Venite, audite & narrabo omnes qui timentis Deum, quanta fecit anima mea. Ad ipsum ore meo clamabo, & exultauit sub lingua mea.*

Psal. 65.

*Cœpit lauare pedes discipulorum & abstergere linteo, quo erat præcinctus.*

Exod. 12.

TRIA sunt opera hodie à Christo gesta, quæ mihi peculiariter habebō commendata, & accuratè perpendam. Primum est obedientiæ opus in veteris legis obseruando præcepto positum, quando Christus cum suis agno paschali vescitur. Ita enim per Moysen iniunxerat Deus: *Edant carnes agni scilicet anniculi & immaculati nocte illa assas igni, & azimos panes cum lactucis agrestibus. Renes vestros accingetis, & calceamenta habebitis in pedibus, tenentes baculos in manibus, & benedicetis festinantes.* O ritus admirandos, multisque mysterijs plenos, quos in illa cœna Christus ad vnguem obseruauit, quia venerat ad legem veterem non soluendam, sed ad implendam, quamque obedientiam à nobis credentibus exigit, ipse numeris omnibus absolutam præstitit, factus etiam minister circumcisionis, vt cum Paulus appellat. De hac ipsâ solliciti Apostoli Dominum ita præmonuerant: *Vbi vis paremus comedere Pascha?* quemadmodum ex illis duo (Petrus & Ioannes) à CHRISTO missi Hierosolymis parauerunt, nihil illorum quæ tum ex lege, tum ex consuetudine seruabantur, prætermittentes. Nec est vlla certè cùm ad cœnam Domini-

Rom. 15.

Mett. 26.

Luc. 22.

cam accedendum est, dignior preparatio, præterquam obedientiæ studium, vt obsequentes animos Deo Ecclesiæque præstemus simulque in exteriori cultu nos pijs fidelibus conformemus, Tunc enim maximè locum habet, quod & alibi seruandum præcipit Paulus: *Sine offensione estote Iudæis & Gentibus, & Ecclesiæ Dei: sicut & ego per omnia omnibus placeo.* Ac iterum: *Omnia inquit, honestè & secundum ordinem fiant in vobis*

ALTERVM Christi opus in lauandis discipulorum pedibus versatur, quod sicut horrorem Petro primum attulit, ita nobis meritò summā præbet admirationem, maximè si lauantis eximiam dignitatem cum nostra & lauandorum, qui ob peccatum impuri sunt, miseranda indignitate comparemus. Docet verò Christus, vt exemplo suo moniri, factum omnem abijciamus, summamque submissionem non solum Deo, sed & fratribus declaremus, quantumuis alios multis in rebus excellere videamur. *Si ego inquit, laui pedes vestros Dominus & magister, & vos debetis alter alterius lauare pedes. Exemplum enim dedi vobis, vt quemadmodum ego feci vobis, ita & vos faciatis.* Mandatum igitur simul & exemplum complexus est (Cypriani verbis vtor) vt hoc exemplo instructi, non dedignemur in alterutrū agere, quod factum est à Magistro, & mandato posteris religionis autoritas firmaretur. Non erubescat seruus, si facere iubetur quod prior fecit Dominus: nec difficile nobis esse debet, si sicut ille nobis donauit, & nos inuicem condonamus,] Ac receptum quidem iam olim probatumque fuit officium humilitatis, vt alter alteri pedes lauaret, quemadmodum & Paulus à Christianis requirit viduis, & piæ matronæ Theodosij maioris & Maximi cæsarum coniuges re ipsa præstiterunt. Verùm Christus externam illam lotionem non tantò perè vrget, quàm illud exigit, vt secundum Apostolicæ doctrinæ normam, fideles omnes in humilitate superiores sibi inuicem arbitrentur, non quæ sua, sed quæ aliorum sunt singuli considerantes, vtque charitate

1. Cor. 10.

1. Cor. 14.

Ioan. 13.

Serm. de  
ablutione  
pedum.

1. Tim. 5.

Vide li. 2. ca  
a Eccles.  
hist. & Sul-  
pitium in  
vita Marti.Philip. 2.  
Rom. 12.

Luc. 22.

In ferm. de  
ablutione  
pedum.

Psal. 110.

Ioan. 13.

Matt. 26.

Marc. 14.

fraternitatis inuicem diligant, & honore se mutuò præueniant. Vnde & Christus ipse præcepit: *Qui maior est in vobis, fiat sicut iunior: & qui præcessor est, sicut ministrator.* Atque hoc præsentis lauantis Christi spectaculo ita commouebor, vt me ipsum accusans atque deiciens, cum Cypriano ingenuè dicam: Clementissime magister quoties ego doctrinæ tuæ transgressus sum regulas, quoties edicta tua Domine sancte contempsi: & cum diceres mihi Reuerte-  
re, non sum reuersus, cum minarêris, non timui, cum bonus esses & lenis, exasperans fui, vltra septuagies septies in cælum & coram te peccaui. Quis tot sordes abluet? quis abrasdet stercora cõglobata? Necessè est vt ipse nos abluas: neque enim lauare nos possumus, sed in omnibus quæ agimus, indulgentiæ tuæ lauacro indigemus.]

TERTIVM Christi opus ad stupendum & incredibilem amorem pertinet, quo ille flagrans, se ipsum totum nobis tribuere voluit in sacrosancta Eucharistia, ideoque hic dies à cœna Domini nomē suum pulcherrimè traxit. Quid verò maius & melius ac pretiosius ille donaret, præterquàm hoc augustissimum corporis sanguinisque sui sacramentum, hoc mundum & iuge, totoque orbe celebrandum sacrificium, hunc nobilissimum cibum, amplissimumque Theaurum Ecclesiæ in terris peregrinantis? De quo pane cum Propheta nobis identidem cantandum est: *Memoriam fecit mirabilium suorum misericors & miserator Dominus, escam dedit timentibus se.* Cum enim Dominus dilexisset suos, in finem dilexit eos, & sciens horam iam aduenisse, vt transiret ex hoc mundo ad Patrem: admirando planè consilio effecit, ne vllò vnquàm tempore à suis abesset, sui que ingentis erga illos amoris pignus in hoc mundo ad Antichristi tyrannidem vsque mansurum reliquit. Igitur postquam cœnam, Paschalis Agni cum discipulis celebrasset, vt figura veritati & vmbra corpori cederet, panem accepit, Deo que gratias agens benedixit ac fregit, deditque discipulis suis & dixit: *Accipite & manducate. Hoc est corpus*

*meum, quod pro vobis tradetur: Hoc facite in meam commemorationem. Similiter & calicem accepit, postquam cœnauit dicens: Hic calix nouum testamentum est in meo sanguine: hoc facite, quotiescunq; bibetis, in meam cōmemorationem.* Quibus CHRISTI verbis de hoc sacramento certissimè pronuntiatis suamq; adhuc vim obtinentibus, quum à sacerdote legitimè proferuntur, adiungendæ sunt sententiæ, quas Ioannes hoc modo descripsit: *Panis quem ego dabo, inquit CHRISTVS, caro mea est pro mundi vita. Qui manducat me, viuere propter me: ipse manet in me & ego in eo: Ego sum panis viuus, qui de cœlo descendit. Si quis manducauerit ex hoc pane, viuere in æternum.* Ex quibus omnibus vnà cum Ambrosio colligam, ac mihi firmissimè persuasum habebō hoc sacrosanctum & viuificum Dominici corporis & sanguinis esse mysterium, quo fideles quotidie in Ecclesia pascuntur, atq; vnus diuinitatis participes efficiuntur, ipsumq; Christum sacerdotem & sacrificium mirabiliter & ineffabiliter illic adesse, & carni eius, qua nihil sanctius, in hoc ipso sacramento veraciter cōtineri, exhiberi ac percipi.

Luc. 22.

1. Cor. 11.

Ioan. 6..

QVOCIRCA si vllum ego sacramentum aliud, hoc vel maximè colam ac venerabor, quod ipsum sanctitatis authorem & fontem continet, & in quo Saluator noster diuitias immensas diuini sui erga homines amoris velut effudit, quodq; sumi voluit tanquàm spiritualem animorum cibum, quo in fide ambulantes alimur & confortemur. *Qui enim manducat me, inquit, & ipse viuere propter me:* Admirabor plurimū, tam multa verè suspicienda in hoc sacramento cōcurrere, nimirum post verba sacra consecrationis verum & propriū Christi Domini corpus, quod in cœlis iam sedet ad dexteram Patris illuc adesse, nullam verò elementorum substantiam remanere, & accidentia quidem panis & vini quæ cernuntur oculis, aut sensibus alijs percipiuntur, sine vlla re subiecta esse & per seipsa constare: sed & eiusdem sacramenti vsum vt benè præparatis ad salutem conferre maximè, sic alijs indignè illud vel tractanti-

Ioan. 6..

1. Corin. 11.

bus vel sumentibus, non nisi ad graue iudicium & damnationem extremam obtingere, sicut Paulus apertè mōstrauit. Putabo hīc Domini mei mortem repræsentari, quam ego extinctis & quasi sepultis corporis affectibus exprimere debeam, vt in nouitatem vitæ resurgam, vtq̃ue vnum cum illo capite & simul cum eius corpore mystico fieri possim. Dolebo insuper, complures hodiè reperiri, qui tanti sacramenti gratiæq̃ue diuinæ fructus omnes amittant, summo etiam scelere sese obstringentes, quandoquidem corpus Domini non dijudicant, & hunc diuinum cibum à comuni ciborum genere non distinguunt, neq̃ue illud vti par erat, honorant adorant ac offerunt cum Ecclesia Dei. Postremò erit mihi hoc sacramentum, sicut dicitur, Eucharistia, hoc est, bona gratia, quia Christum Dominum, qui vera gratia, atq; omnium charismatum fons est, in se continet, illamq̃ue vitam æternam, de qua scriptum est: *Gratia Dei vita æterna*, præsignificat. Tum rursus erit mihi Eucharistia, sicut hoc nomen interpretamur, gratiarum actio. Dum enim hæc purissima hostia, quæ omnes oblationes excellit, immolatur, immensas quotidie gratias pro vniuersis beneficijs in nos collatis Deo agimus, ac inprimis pro eius gratiæ tam excellenti bono, quæ nobis sacramento confertur. De qua certè gratia meritò pij omnes gloriantur, & lætè cum Propheta decantant: *Edent pauperes, & saturabuntur, & laudabunt Dominum qui requirunt eum: uiuent corda eorum in seculum seculi. Paraisti in conspectu meo mensam aduersus eos qui tribulant me. Verum de sacra Eucharistia nos alibi fusius.*

Psal. 21.

Psal. 21.

*Si non lauero te, non habebis partem  
mecum.*

NON habeo sanè cum Christo partem in Dominica mensa, nisi lotus & purgatus paratusque accessero, & nisi Apostolos, qui primùm ad hanc mensam delecti & admissi sunt (impurum Iudam semper excipio) fuero consecratus.

Hi me



Hi me docent exemplo suo, vt sacram Eucharistiam percepturus, non leuiter ac prophanter accurrā, sed ad Pascha me tempestiuè præparem. Horum enim vox est: *Vbi vis vt tibi præparem Pascha?* Atque hoc est quod Gentium Doctor iniunxit: *Probet semetipsum homo, & sic de pane illo edat.* Docent lotionem spiritualem, de qua Christus loquitur Petro, adhibere, vt non nisi lotus ac mundus sanctissimum cibum capiam. Audiunt igitur Apostoli à Domino: *Iam vos mundi estis propter sermonē meum*, in baptismo scilicet, verbi mei per fidem accepti virtutemundati, Non enim salutaris est homini communio nisi præcedente Christi gratia, & fide cor illuminante. Quæ gratia partim in baptismo, partim, si de relapsis agitur, in pœnitentiæ Sacramento cum fide percepto, confertur & accipitur. Mundantur confitentes à sacerdotibus, quum absoluuntur, iuxta illud Christi promissum: *Quorum remiseritis peccata, remittuntur eis.* Prudenter itaque factum est, vt Christus antequàm Apostolis hoc Sacramentum daret, quamuis iam mundi essent, pedes eorum lauerit, eo ipso declarans, omnem diligentiam abhibendam esse, nè quid nobis ad sacram mensam accedentibus desit, quod ad summam animi integritatem & innocentiam spectare videatur. Adhæc Apostoli docent, vt ego Eucharistiam sumpturus, curiositatem & ratiocinationem siue Capharnaiticam siue hæreticam prorsus excludam, meumquè intellectum hic maximè captiuem in obsequium Christi. Non enim Apostoli in carnis iudicio, quum solum panem & calicem præsentem cernerent, sed in verbo Christi, suum corpus & sanguinem inuisibilem illis promittentis, acquiescebant, nihil dubitantes verissimum esse quod supra naturæ facultatem affirmabat Dominus æterna veritas dicens: *Hoc est corpus meum quod pro vobis tradetur: Hic est sanguis meus, qui pro multis effundetur.* Docent, non solum fide, sed etiam charitate, tanquàm nuptiali veste, opus esse, nimirum vt ante Sacramenti sumptionem in gratiam redeam cum aduersarijs & offensis

Matt. 26.  
1. Cor. II.

Ioan. 13.

Ioan. 20.

Matt. 26.

Ioan. 13.



Matt. 5.

Ioan. 18.

Marc. 16.

Gal. 5.

Homil. de  
Baptismo.

proximis, omnesque tanquam in CHRISTO fratres, sincera dilectione complectar. Hanc quippe Christus eodem loco tantoperè inculcauit, & alibi disertè docuit: *Si offers munus tuum ad altare, & ibi recordatus fueris quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offeres munus tuum.* Docent iterum, de hoc summo beneficio, quod à gratiarum actione suum, ut dictum est, nomen sumpsit, fonti bonorum gratias agere, quemadmodum illi post hunc diuinum cibum acceptum, & priusquam ad hortum exirent, vnà cum Christo hymnum dixisse narrantur. Quæ omnia non suffecerint, nisi præterea ex lapsu Apostolorum non satis vigilantium, Christumquè in tentatione deferentium, discam illud obseruare præceptum: *Vigilate & orate, ut non iniretis intensionem.* Igitur ut suum fructum mihi præstet Eucharistia, spiritali quadam armatura munitus & instructus esse debeo, ut non solum ad hoc cœleste conuiuium paratus accedam, sed acceptam quoque sacramenti gratiam sollicitè vigilando & orando confernem, in primis autem ut salutarem timorem aduersus falsam securitatem opponam, nè fortasse hostibus ac eorum insidijs, siue quibus non viuunt, in pugna ipsa succumbam. *Caro enim concupiscit aduersus spiritum, spiritus autem aduersus carnem: hac enim sibi inuicem aduersantur.* Longum sit reliqua persequi, quæ ad rectum Sacramenti huius usum & fructum spectant, & quæ si placet, ex festo Corporis Christi accipi, & huc transferri faciliè poterunt. Præclare quidem docet Basilii Magni: Oportet accedentem ad corpus & sanguinem Domini, ad rememorationem eius qui pro nobis est mortuus ac resurrexit, non solum purum esse à quouis inquinamento carnis ac spiritus, nè ad iudicium edat & bibat, sed & euidenter ostendere & exprimere memoriam eius qui pro nobis mortuus est ac resurrexit, in eo quod & mortificatus est peccato, mundo ac sibi ipsi, & Deo viuunt in Christo Domino nostro. ]

DE PRECIBVS CVM HOC  
EVANGELIO CONIVNGENDIS.

**P**RECANDVS est mihi DEVS, ut graues, impios & perniciosos, de hoc maximo Sacramento errores, qui hoc a uolontate laicis, grassantur, è medio tollat, utq; contra illos ubiq; gentium Catholica Ecclesia filios in vera fide confirmet. Nunquam enim plures & peruicaciores Capharnaitas atque Sacramentarios orbis vidit: nunquam de hoc altissimo ac difficillimo mysterio maiores ac fœdiores disceptationum flamma exarserunt.

**O**RABO itidem, ut hoc Sacramentum apud Catholicos quæ par est, cura, sedulitate ac reuerentia ad altare conficiatur, offeratur atque percipiatur, nè alioquin quod nobis Orthodoxis in salutare antidotum à Christo datum est, id ad iudicium atq; damnationem perpetuam, Iuda socijs conuertatur. Vt enim Apostolus disertè testatur: Quicumque manducauerit panem hunc, vel biberit calicem Domini indignè, reus erit corporis & sanguinis Domini. 1. Cor. II.

**P**RÆTEREA misericordie diuine commendabo hereticos, qui ab Ecclesia Catholica unitate seiuncti, cœnam Dominicam in suis synagogis sacrilegè tractant, & communem populum miserè fallunt, dum panem & vinum pro Christi corpore & sanguine porrigunt, hominesq; faciunt, sicut Oseas prædixit, sine sacrificio, sine altari, & sine ephod, ne scilicet Satanae satellites & Antichristo præcursores desint, qui sacerdotio, sacrificio & sacramento sacramentorum, sicut Dionysius vocat, impiè prorsus abolendo se admissos prabeant. Osee 3.

Lib. 3. de Eccles. Hier.





# FERIA SEXTA

## PARASCEVES.

### *Sequentis Euangelij Argumentum.*

**L**atissime patet historia nunquàm satis laudata, & nobis maxime veneranda, summatim verò ab Euāgelistis proposita, de passione ac morte sanctissima Christi Redemptoris. Initium huius Euangelicæ historiæ à Iuda proditore summi potest, finem verò in cruce Christi cum alijs, quæ circa illam gesta sunt, statuere licet. Intercedūt sudor Christi sanguineus, fraudulenta proditio, sæua captiuitas, longus per varia ludicum impiorum tribunalia circuitus. Accedit turpis fugæ discipulorum, Petri lapsus, Iudæ desperatio, Iudæorum simul & gentilium nefaria conspiratio, tortorum immanitas, horrendaq; varietas suppliciorum, donec tandem ad supplicium crucis omnium & atrocissimum & ignominiosissimum veniatur. Nè verò quis putet, inter Christi & Sanctorum cruciatus parùm interesse, scire dicit Leo Magnus: Quamuis in conspectu Domini multorū Sanctorum pretiosa fuerit mors: nullius tamen infantis occisio, propiciatio fuit mundi. Quis est qui tradidit semetipsum pro nobis oblationem & hostiam, sicut Paulus asserit, in odorem suauitatis? Acceperunt iusti, non dederunt coronas, & de fidelium fortitudine exempla nata sunt patientiæ, non dona iustitiæ. [ Habet præterea Christus, causas dolendi, quales nullus alius habere potest grauissimas acerbissimasq; , si spectes incomparabilem ipsius patientis personæ dignitatem, perpetuam vitæ innocentiam atque sanctitatem, tenerriam tam sacri corporis constitutionē, ac incredibilem tan-

Serm. 12. de  
passio Do-  
min.

Ephes. 5.

tarum afflictionum vehementiam & acerbiteriam. Neque parùm illius dolores auxit mater tristissima, scandalum discipulorum, Iudaici populi perniciacia, cum horrendo totius patriæ exitio sequente coniuncta: sed & nostra Christianique populi futura socordia & ingratitude, quum prævideret tantorum cruciatuum fructum, & sui sanguinis profusi precium non ita multis, sicut plerique sentiunt, esse profuturum. Multi enim vocati, sed pauci electi, & Christus in cruce consummatus, si Paulo credimus, factus est, non voluntariè peccantibus, sed omnibus obtemperantibus sibi causa salutis æternæ. Errant igitur, qui passionem Domini ad solam consolationem, non autem ad exemplum ac imitationem sibi alijsque meditandam proponunt. Non enim frustra Petrus Apostolus docuit: Christus passus est pro nobis, vobis relinques exemplum, ut sequamini vestigia eius.] Tum Paulus clarè pronunciat: Si cõmortui sumus, & conuiuemus: si sustinebimus, & conregnabimus.] Tum alibi: Sicut abundat consolatio nostra.] Ac iterum, Si complantati facti sumus similitudini mortis eius, simul & resurrectionis erimus.] Basilij Magni Diaconus Ephræm inter alia, cum de hoc sacro die differit, sic fideles prudenter hortatur: Cauemus sollicitè fratres, nè ista omnia simpliciter audiamus, quæ pro nobis Dominus pertulit, sed ea seridè ruminemus, & iugi meditatione voluamus.] Et rursus: Hac die, inquit, Christus Saluator noster per iniquorum manus iniustissimè ligno crucis affixus est. Venite omnes, & corpus nostrum abluamus lachrymis atque gemitibus, quia Dominus noster & Rex gloriæ pro nobis impijs morti est traditus. Metuamus semper, habentes ante oculos passionem Redemptoris nostri: meditemur assidue pœnas ipsius atque supplicia.] Sic ille. Succinctè & præclarè ab Augustino dictum est: Duo sunt ad salutem necessaria, Christi passio, & nostra imitatio.

Matt. 20.

Heb. 10. &amp; 5

1. Pet. 2.

2. Tim. 2.

1. Cor. 2.

Rom. 6.

In Sermon. de  
pass. Dom.



# EVANGELIVM DE CHRISTI DOMINI PASSIONE.

Ioan. XVIII. & XIX.

**E**gressus est IESVS cum discipulis trans torrētem Cedron, ubi erat hortus, in quē introiuit ipse, & discipuli eius. Sciebat autē & Iudas, qui tradebat eum locum: quia frequenter IESVS conuenerat illuc cum discipulis suis. Iudas ergò cū accepisset cohortem & à Pontificibus & Phariseis ministros, venit illuc cum laternis & facibus, & armis. IESVS itaq; sciens omnia quæ ventura erant super se, processit, & dixit eis: Quem queritis? Responderunt ei: Iesum Nazarenum. Dicit eis IESVS: Ego sum: Stabat autem & Iudas qui tradebat eum, cum ipsis. Ut ergò dixit eis: Ego sum: abierunt retrorsum, & ceciderunt in terram. Iterum ergò interrogauit eos: Quem queritis? Illi autem dixerunt, Iesum Nazarenum. Respondit Iesus: Dixi vobis, quia ego sum. Si ergo me queritis, sinite hos abire. Ut impleretur sermo quem dixit: Quia quos dedisti mihi, nō perdidisti ex eis quenquam.

Simon



Simon ergò Petrus habens gladiū eduxit eum,  
et percussit pontificis seruum, et abscidit au-  
riculam eius dexteram. Erat autem nomen  
seruo Malchus. Dixit ergò Iesus Petro: Mitte  
gladium tuum in vaginam. Calicem quem de-  
dit mihi Pater, non vis ut bibam illum? Co-  
hors autem, et tribunus et ministri Iudeorum  
comprehenderunt Iesum, et ligauerunt eum,  
et adduxerunt ad Annam primum. ~~E-~~  
ra enim socer Caipha, qui erat pontifex anni il-  
lius. Erat autem Caiphas, qui consilium dede-  
rat Iudeis, Quia expedit vnum hominem mo-  
ri pro populo. Sequebatur autem Iesum Simon  
Petrus, et alius discipulus. Discipulus autem  
ille erat notus pontifici, et introiuit cum Iesu  
in atrium Pontificis. Petrus autem stabat ad  
ostium foris. Exiuit ergò discipulus alius qui  
erat notus Pontifici, et dixit ostiaria: et intro-  
duxit Petrum. Dicit ergò Petro ancilla ostia-  
ria: Nunquid et tu ex discipulis es hominis  
istius? Dicit ille: Non sum. Stabant autem  
serui et ministri ad prunas, quia frigus erat: et  
calefaciebant se. Erat autem cum eis et Pe-  
trus, stans et calefaciens se.



Pontifex ergò interrogauit Iesum de discipulis suis, & de doctrina eius. Respondit ei Iesus: Ego palàm locutus sum mundo, ego semper docui in synagoga, & in templo, quò omnes Iudei còueniunt, & in occulto locutus sum nihil. Quid me interrogas? interroga eos, qui audierunt quid locutus sum ipsis. Ecce hi sciunt quæ dixerim ego. Hæc autè cum dixisset, vnus assistens ministrorum dedit alapam Iesu, dicens. Sic respondes Pontifici? Respondit ei Iesus: Si malè locutus sum, testimonium perhibe de malo: si autem benè, quid me cedis? Et misit eum Annas ligatum ad Caiphæ pontificem. Erat autem Simon Petrus stans & calefaciens se. Dixerunt ergò ei, Nunquid & tu ex discipulis eius es? Negauit ille & dixit, Non sum. Dixit ei vnus ex seruis Pontificis, cognatus eius, cuius abscidit Petrus auriculam: Nonne ego te vidi in horto cum illo? Iterum ergo negauit Petrus, & statim gallus cantauit.

Adducunt ergò IESVM à Caiphæ in prætorium. Erat autem manè, & ipsi non introierunt in prætorium, vt non contaminarentur, sed vt manducarent Pascha; Exiuit ergò Pi-

latus

latus ad eos foràs, & dixit, *Quam accusatio-  
nem adfertis aduersus hominem hunc?* Respon-  
derunt & dixerunt ei: *Si nõ esset hic malefactor,  
non tibi tradidissemus eum.* Dixit ergò eis Pi-  
latus: *Accipite eum vos, & secundum legẽ ve-  
stram iudicate eum.* Dixerunt ergò ei Iudei:  
*Nobis non licet interficere quenquam, vt sermo  
Iesu impleretur quẽ dixit, significans qua mor-  
te esset moriturus.* Introiuit ergò iterũ in præ-  
torium Pilatus, & vocauit Iesum, & dixit ei:  
*Tu es Rex Iudeorũ?* Respondit Iesus, *Atmeti-  
pso hoc dicis, an alij tibi dixerunt de me?* Re-  
spondit Pilatus: *Nunquid ego Iudeus sum?*  
*Gens tua, & Pontifices tradiderunt te mihi:*  
*quid fecisti?* Respondit IESVS: *Regnum me-  
um non est de hoc mundo. Si ex hoc mundo es-  
set regnum meum, ministri mei utiq; decerta-  
rent vt non traderer Iudeis. Nunc autem re-  
gnum meum non est hinc.* Dixit itaq; ei Pila-  
tus, *Ergò Rex es tu?* Respondit IESVS, *Tu di-  
cis, quia rex sum ego. Ego in hoc natus sum, &  
ad hoc veni in mundum, vt testimonium per-  
hibeã veritati, omnis qui est ex veritate, audit  
vocem meã.* Dicit ei Pilatus: *Quid est veritas?*

& cum

Et cum hoc dixisset, iterum exiit ad Iudeos, Et dicit eis: Ego nullam inuenio in eo causam. Est autem consuetudo vobis, ut unum dimittat vobis in pascha: vultis ergo dimittam vobis regem Iudaorum? Clamauerunt ergo rursus omnes, dicentes, Non hunc, sed Barrabam. Erat autem Barrabas latro.

Tunc ergo apprehendit Pilatus IESUM, Et flagellauit. Et milites plectentes coronam de spinis, imposuerunt capiti eius, Et veste purpurea circumdederunt eum. Et veniebant ad eum, Et dicebant. Ave Rex Iudaorum. Et dabant ei alapas. Exiit ergo iterum Pilatus foras, Et dicit eis, Ecce adduco vobis eum foras, ut cognoscatis quia nullam in eo inuenio causam. Exiit ergo IESUS foras, portans coronam spineam, Et purpureum vestimentum. Et dicit eis: ECCE HOMO. Cum ergo vidissent eum pontifices Et ministri, clamabant dicentes: Crucifige, crucifige eum. Dicit eis Pilatus: Accipite eum vos, Et crucifigite: ego enim non inuenio in eo causam. Responderunt ei Iudei, Nos legem habemus, Et secundum legem debet mori, quia filium Dei se fecit. Cum ergo audisset

Pilatus

*Pilatus hunc sermonem, magis timuit. Et ingressus est pratorium iterum, & dicit ad IESVM: Vnde es tu? IESVS autem responsum non dedit ei. Dicit ergo ei Pilatus, Tibi non loqueris? nescis quia potestatem habeo crucifigere te, & potestatem habeo dimittere te? Respondit IESVS: Non haberes potestatem aduersum me ullam, nisi tibi datum esset desuper. Propterea qui me tradidit tibi, maius peccatum habet. Exinde querebat Pilatus dimittere eum. Iudai autem clamabant dicentes, Si hunc dimittis, non es amicus Caesaris. Omnis qui se regem facit, contradicit Caesari.*

*Pilatus autem cum audisset hos sermones adduxit IESVM foras, & sedit pro tribunali, in loco qui dicitur Lithostrotos, Hebraice autem Gabbatha. Erat autem Parasceue Pascha hora quasi sexta, & dicit Iudeis, Ecce Rex vester. Illi autem clamabant, Tolle, tolle, crucifige eum. Dicit eis Pilatus, Regem vestrum crucifigam? Responderunt Pontifices, Non habemus Regem nisi Casarem. Tunc ergo tradidit eis illum, ut crucifigeretur. Susceperunt autem IESVM: & eduxerunt. Et baiulans*

sibi crucem extulit in eum qui dicitur Caluariae locum, Hebraicè Golgotha, ubi crucifixerunt eum, & cum eo alios duos, hinc & hinc, mediū autem Iesum. Scripsit autem & titulum Pilatus: & posuit super crucem. Erat autem scriptū: IESVS NAZARENVS REX IVDÆORVM. Hunc ergo titulum multi Iudeorum legerunt: quia propè ciuitatem erat locus, ubi crucifixus est IESVS: Et erat scriptum Hebraicè, Græcè & Latinè. Dicebāt ergo Pilato Pontifices Iudeorū: Noli scribere Rex Iudeorum, sed quia ipse dixit, Rex sum Iudeorum. Respondit Pilatus: Quod scripsi, scripsi.

Milites ergo cum crucifixissent eum, acceperunt vestimenta eius ( & fecerunt quatuor partes: unicuiq; militi partem ) & tunicam. Erat autem tunica inconsutilis, desuper contexta per totum. Dixerunt ergo ad inuicem: Non scindamus eam, sed sortiamur de illa cuius sit. Vt Scriptura impleretur, dicens: Partiti sunt vestimenta mea sibi, & in vestem meam miserunt sortem. Et milites quidem hæc fecerunt. Stabat autem iuxta crucem Iesu mater eius, & soror matris eius Maria Cleopha &

Maria



*Maria Magdalene. Cum vidisset ergo Iesus matrem & discipulum stantem quem diligebat, dicit Matri suæ: Mulier, ecce filius tuus. Deinde dicit discipulo, Ecce mater tua. Et ex illa hora accepit eam discipulus in sua. Postea sciens Iesus quia omnia iam consummata sunt, ut consummaretur Scriptura, dicit, Sitio. Vas ergo erat positum aceto plenum. Illi autem spogiam plenam aceto, hyssopo circumponentes, obtulerunt ori eius. Cum ergo accepisset Iesus acetum, dixit, Consummatum est. Et inclinato capite tradidit spiritum.*

*Iudæi ergo ( quoniam Parasceue erat ) ut non remanerent in cruce corpora sabbato ( erat enim magnus dies ille Sabbati ) rogauerunt Pilatum ut frangerentur eorum crura, & tollerentur. Venerunt ergo milites: & primi quidam fregerunt crura, & alterius qui crucifixus est cum eo. Ad Iesum autem cum venissent, ut viderunt eum iam mortuum, non fregerunt eius crura, sed unus militum lancea latus eius aperuit, & continuo exiuit sanguis & aqua. Et qui vidit testimonium perhibuit: & verum est testimonium eius. Et ille scit quia vera dicit: ut*



Et vos credatis. Facta sunt enim hac ut scriptura impleretur, Os non comminuetis ex eo. Et iterum alia scriptura dicit: Videbunt in quem transfixerunt. Posthac autem rogavit Pilatum Ioseph ab Arimathæa, (eò quòd esset discipulus IESU, occultus autem propter metum Iudæorum) ut tolleret corpus IESU. Et permisit Pilatus. Venit ergo et tulit corpus Iesu. Venit autem et Nicodemus, qui venerat ad IESUM nocte primùm, ferens mixturam myrrhæ et aloës, quasi libras centum. Acceperunt ergò corpus IESU, et ligauerunt illud linteis cum aromatibus, sicut mos est Iudæis sepelire. Erat autem in loco ubi crucifixus est, hortus: et in horto monumentum nouum, in quo nondum quisquam positus erat: ibi ergò propter Parasceuen Iudæorum, quia iuxta erat monumentum posuerunt Iesum.



NOTAE QVAE DAM DE PRAECI-  
PVIS CHRISTI DOMINI AFFLICTIONI-  
BVS ET VIRTVTIBVS, CVM SÆPE ALIAS,  
tum in hebdomada sancta maximè per par-  
tes expendendæ.

## I.

*De horto in monte Oliueti.*

**R**ELIX hortus, quia conscius & testis immensæ tri-  
stitiæ ac sollicitæ precationis Domini mei, qui cō-  
fecto Euāgelicæ prædicationis officio, ad mortem  
properans, verbis, gestibus, ac sudore sanguineo, vt antea  
nunquā in incredibilem animi sui angustiam declarat, seq;  
totum ad bibendum pro nobis amarissimum calicem ex a-  
more & obediētia offert patri. *Oblatus est enim quia ipse vo-  
luit*, seipsum nempe ad patiendū offerre: excluso omni sub-  
sidio alieno. *Circumspexit*, inquit, & nō erat auxiliator: *quasi-*  
*ui*, & nō fuit qui adiuuaret. *Torcular calcaui solus*, & de *Genti-*  
*bus non est vir mecum*. Nec omittit interim suos discipulos  
ad vigilandi & precandi officium in eodem horto excitare.

Matt. 26.  
Marc. 14.  
Luc. 22.

Isai. 53.

Isai. 63.


## II.

*De cruciatibus nocte susceptis.*

**E**I mihi, quā acerba & funesta nox Filio Dei?  
quæ omnem illi libertatem & quietem adimit, at-  
que contra illum tempestatem per Iudaicos ma-  
gistratus sauiissimam concitat. Tunc ille (Angelorum deli-  
ciæ) à discipulo Iuda traditur, à nefarijs capitur, constringi-  
tur, abducitur, examinatur, accusatur, damnatur, pro latro-


Matt. 26.  
Luc. 22.  
Ioan. 18.

ne blasphemio impioque censetur à flagitiosis. Quàm verò indignè & crudeliter in Annæ & Caiphæ pontificū ædibus tractatur, tot alapis, colaphis, sputis & irrisionibus pro insana Iudæorū libidine diuexatus? *Circumdederunt me inquit, vituli multi, tauri pingues obsederunt me. Aperuerunt super me os suum, sicut leo rapiens & rugiens.* Ita demum Ieremiæ completur vaticinium: *Spiritus oris nostri Christus Dominus captus est in peccatis nostris.*



### *De Apostolis à Christo secedentibus.*

**I**mbecilles & instabiles se discipuli præbent, qui lectissimum optimumque Præceptorem contra fidem datam deserunt, ac se turpi fugæ committunt, quùm vident illum ab impijs comprehendi. Tantus enim illos metus ac terror inuaserat, vt pati scandalum viderentur, sicut Christus illis fore prædixerat. Tum præcipuus inter illos Petrus, primum illum in pugnando ardorem citò remittit, & cum inter impios versatur, timidus magistrum optimum abnegat, & palàm abiurat, quùm antea in carcerem & mortem Christum sequi promississet. Sceleratior verò Iudas est, qui vt pacto impio satisfaciat, amicum quidem osculum, sed ad prodendum innocentem sacrilegis hostibus Domino præbet, cumque paulò post foedissimæ prodicionis illum poenituisse, in foelix laqueo vitam ipse suam abrupit. Quæ mala discipulorum Christum haud leuiter afflixerunt, simulque Prophetica illa dicta confirmârunt: *Percute pastorem, & dispergentur oves. Extraneus factus sum fratibus meis, & peregrinus filius matris meæ. Homo pacis meæ, qui edebat panes meos, magnificauit super me supplantationem.*



### *De Christi patientis mansuetudine.*

QVAM



UAM præclara & amabilis illa Domini est mansuetudo, quum totam cohortem Iuda duce aduentantem, blandè salutatur, verbo ad terram sepe, at sine cuiusquam offensione prosternit, Iudam perfidè osculantem admittit, & amicè compellat, seque armatis & ferocibus hostibus capiendum, ligandum abducendumque permittit? Sed & abscissam Malcho aurem vltro restituit, nec minùs Petrum iam scdè lapsum & relapsum respicit, vt se agnoscat & corrigat. Eadem benignitate tractat latronem postea, suum illi consortium in paradiso eo ipso die pollicens, qui & velut sui oblitus, pro capitalibus & sanguinarijs hostibus Patrem in cruce clementer inuocat & implorat. Quid igitur Agno illo mansuetius? qui tollit peccata mundi, qui que per Ieremiam testatur: *Ego quasi agnus mansuetus, qui portatur ad victimam*, & in cuius sanguine lauantur & dealbantur, vt à Ioanne scriptum est, stolæ beatorum?

Ioan. 18.


Luc. 22.

Luc. 23.

Ioan. 1.

Ierem. 11.

Apoc. 7.



## V.

## De Christi capti vinculis.



MAHO & colam pretiosa vincula Domini mei, quæ illi velut facinoroso iniiciuntur, & sacræ eius manus violenter adstringunt. Nam à Satanæ ministris furentibus dirè ligatur ac religatur, simulque ad varia impiorum Iudicum tribunalia non secus quam facinorosus latro raptatur, columnæ fortiter alligatur, & clavis crassis ac ferreis ita configitur, vt corpus cruci adhæreret compaginatam, manusque & pedes vulnerati dolorem illi adferrent acerbissimum. Ad hunc modum impleri oportuit vaticinium, ab eo ipso prædictum: *Foderunt manus meas & pedes meos. Vt hinc etiam demirantes Angeli dixerint: Quid sunt plagæ istæ in medio manuum tuarum?*

Matt. 26.

Ioan. 18.

Psal. 22.

Zach. 13.

## VI.

*De patientia Domini à Iudæis comprehensi.*

Matt. 27.  
Luc. 23.

**S** Tupenda illa Christi patientia fuit, cum sustineret hostes leonibus rugientibus lupisque rapacibus inmaniores, à quibus accusaretur, damnaretur, percuteretur, totoq; corpore dilaceraretur. Nam & caput eius venerandum arundine durè cædebant, & spinis præacutis configebant, priusquam sententia Iudicis in illum esset pronunciata. Cum maiore in modum sitiret, non aquæ paululum, sed acetum & fel obtrudunt moribundo, eiq; inter extremos dolores palàm illudunt, nec solum verbis, sed etiam clavis ferreis illum crucifigunt, mortisq; genus ut atrocissimum, ita & ignominiosissimum ingenti rabie procurant ac inferunt, ut nequissimi & crudelissimi homines in hunc Agnum maximè desuarent. Habet ergò Christus quod iure lamentetur, & per Prophetam dicat: *Intrauerunt aque usq; ad animam meam, infixus sum in limo profundi, veni in altitudinem maris: & tempestas demersit me. Multiplicati sunt super capillos capitis mei qui oderunt me gratis. Confusati sunt qui persequuti sunt me inimici mei iniuste: quæ non rapui tunc exsoluebam.*

Psal. 68.

## VIII.

*De Christi in suis cruciatibus modestia.*

Luc. 23.

**N**gens & perpetua Christi patientis fuit modestia, præsertim cum ad aulam Regis Herodis pertraheretur, multisq; illic nominibus falsò & grauitè insinularetur ab his, qui apud Iudæos plurimum auctoritate valebant. Ita enim submissè apud Herodem se gessit, ut multa roganti ne verbum quidem responderit, & nec

gratiam



gratiam illius ambire neque, aulicis placere vellet. Non recusat summa sapientia pro surdo, muto, immò & pro stulto & morione deputari, quando & alba veste probrosè induitur, ac palàm illuditur, & velut explosus, non sine vulgi ludibrio ad Pilatum reducitur furiosè. Hoc est nimirum quod ipse per Dauidem loquens prædixerat: *Improprium expectauit cor meum & miseriam, & sustinui qui simul contristaretur, & non fuit: & qui consolaretur & non inueni.* Quare nos etiam cum alio Vate meritò dixerimus: *Vidimus illum despectum & nouissimum virorum, virum dolorum & scientem infirmitatem.*

Psal. 68.

Isai. 53.

## VIII.

*De patientis Christi taciturnitate.*

**T** admirandum & imitandum putabo Christi Domini silentium, qui cum malediceretur, non maledicebat, & cum pateretur, non comminabatur: tradebat autem iudicanti se iniuste, sicut Petrus affirmat. Nam & à Pontifice summo per Deum viuum adiuratus, vix pauca respondit. Tacet à falsis testibus in iudici Iudaico sæpè multumq; accusatus. Tacet, cum Pontifices illum coram præside non sine aperta calumnia insectantur. Tacet in aula Herodiana, sicut & à Pilato interrogatus, ita vt vix pauca maximèq; necessaria ei fuerit proloquutus. Non vindictam aduersus quenquā expetit aduersariorum, nec malè sed benè precatur omnibus, etiam palàm cōuiciantibus, ac immaniter affligentibus. Audit multos impudenter mentientes, & contrà ipsum importunè vociferantes, impieq; subannantes, quos omnes pertinaci excipit silentio, nihil sollicitus de sua innocentia defendenda. Tàm sedulò compleuit vetus illud Isaiæ vaticinium: *Sicut ouis ad occisionem ducetur, & quasi agnus coram tondente se obmutescet, & non aperiet os suū.* Infaniebānt interim aduersarij ira odioq; flagrantès, de quibus ipse per Dauidem fuerat vaticinatus:

1. Pet. 2.

Matt. 26.

Luc. 23.

Ioan. 18.

Isai. 53.



Psal. 68.

*Factus sum illis in parabolam, aduersum me loquebantur, qui sedebant in porta, & in me psallebant qui bibebant vinum. Tu sis improprium meum & confusionem meam.*

## IX.

*De Domini nostri afflicti benignitate.*

**I**L LUSTRIS Christi benignitas in tota eius passione mirè resulget, siue illum in Annæ vel Caiphæ palatio, siue in Herodis aula, vel in Pilati pratorio, ac in cruce ipsa præsentem sæculò intueare, peculiari- ter verò cum idem iussu Præsidis dirè flagellatur. Vestes enim illi innocentissimo detrahuntur, vt nudus cum virgineo corpore, inter sceleratos milites appareret. Offert illis manus duræ columnæ alligandas, præbetque totum corpus funibus adstringendum, nullam vt membrorum haberet liberam potestatem. Quàm patienter & clementer flagra excipit? cum fortassis & scorpionibus sæpè multum- que conciderent, à vertice quidem capitis ad plantas vsq; pedum corpus tenerrimum immaniter flagellantes. Obelluas, non homines, à quibus ille pudibundus semper- que castus diras tot plagas accipit, toto vt corpore liuidus ac sanguinolentus relinquitur. Hanc miseram sortem ille non obscurè verbis Propheticiis indicauit: *Quasi lugens & contristatus sic humilitabar, & aduersum me latati sunt & conuenerunt: Congregata sunt super me flagella. Ac iterum: In me transferunt iram tuam, inquit ad Patrem, & terrores tui conturbauerunt me.*

Psal. 34-  
& 87.

## X.

*De Christi in suis suppliciis obedientia.*

**M**ERITO mihi cordi erit incomparabilis illius obedientia, qui Patri suo cœlesti vsque ad mortem, mortem autem crucis, quæ omnium est atrocis-

sima, per-

lima, perfectè paruit, & calicem pro nobis omnibus amarissimum bibit. Quid quòd nefarijs etiam Pontificibus ac ethnico iudici, eiusque militibus effertis sese subiecit, illisque pro sua libidine se iudicandum ac torquendum planè obtulit atque permisit? plura etiam & acerbiora, si voluissent, cum summa obedientia tolleraturus, nullumque supplicij genus quod excogitare potuissent, recusaturus. Etenim nostra & contumax & vetus illa inobedientia id merebatur, vt Christi obedientia Deum nobis placaret offensum, & idcirco totus afflictus verè illud sibi sumeret: *Ego sum vermis & non homo: opprobrium hominum & abiectio plebis. Omnes videntes me, deriserunt me, sicut aqua effusus sum, & dispersa sunt omnia ossa mea.* Tum per alium Prophetam rectè illimè affirmatur: *Omnes nos quasi oves erramus, unusquisque in viam suam declinavit: & posuit Dominus in iniquitatem omnium nostrum.*

Genes. 3.

Psal. 21.

Isai. 53.

## XI.

## De fortitudine Domini patientis.

**I**NDIVIDUA est vtique Christi constantia, & admiranda fortitudo tum in angoribus animi, tum in cruciatibus corporis omnibus perferendis. Fuit enim ille, vti Propheta dixit, *Factus sicut homo sine adiutorio*, qui solus illam sibi vocem vsurpare potuit: *Deus meus, Deus meus vt quid dereliquisti me?* Habitus est idem deterior latrone flagitioso, qualis fuit Barrabas, & inter duos latrones medius in cruce pependit, postquam ad hoc acerbissimum supplicij genus ab omni populo postulatus, & ab iniquissimo præsede publicè condemnatus esset. Is ipse iam totus serè confectus, viribusque destitutus, & corpore fractus, tam ingens quàm graue ligni pondus suis humeris impositum excepit, nec sine vi & contentione maxima deportauit, frequenti populo spectante, protrudentibus militibus, ridentibus amulis, mulierum turba plorante.

Psal. 87.

Psal. 21.

Matth. 27.

Ac per

Marc. 15.

Thren. 1.

Isai. 43.

Ac per mediam quidem urbem ad funestum illum supplicij locum vsque crucem hanc probrosissimam pertulit, à nullo quidem, nisi à Simone Cyrenæo vel inuito subleuatus. Proinde inter afflictos omnes nullus æquè ac Christus hoc sibi dictum vendicârit: *O vos omnes qui transitis per viam, attendite & videte, si est dolor, sicut dolor meus.* Ac iterum velut vnumquemque nostrum compellans, per Isaiam non temerè queritur: *Servire me fecisti in peccatis tuis, præbuiſti mihi laborem in iniquitatibus tuis.*

## XII.

### *De supplicio Crucis Domini.*

Ioan. 19.

Luc. 2.

Ierem. 11.

Lib. 4. de  
vera sapien-  
tia.

**B**ENEDICTA, quæ prius apud omnes maledicta erat, Crux à tali Rege, sceptri & vexilli loco electa, defatigatis humeris tam diu, tam ægrè, tam laboriosè gestata, pro cubili & lecto Domini mei suscepta, in perpetuum speculum & exemplar omnibus qui salutem veram quærunt, proposita, tum Filio Dei ad extremum certamen perficiendum, & ad mundi principem superandum tradita, & demùm supremo altari Redemptoris ac Pontificis ad sublime sacrificium pro mundi peccatis immolandum, arcano Dei consilio destinata. O mirum & miserandum spectaculum, quod Mariæ matris & cuiusque pij animam meritò vulneret, si rectè spectetur Rex gloriæ, qui in cruce supinus iacet à vertice vsque ad calcem dilaniatus, nudus & liuidus sub dio ventis & frigori expositus, & sic ligno affixus aspero, vt eius caro laceretur, nerui rumpantur, & vulnera momentis singulis dilatentur. De hac cruce Domini apud Ieremiam loquuntur Iudæi impij: *Venite mittamus lignum in panes eius, & eradamus de terra vitam eius.* Vbi lignum Crucem significat, & panes corpus Domini, Lactantio teste: sicut Ixæneus, Tertullianus & Cyprianus locum illum accipiunt, Eòdem referunt veteres dictum illud Moyſi: *Erit pendens vita tua ante oculos tuos, & timebis*

*die ac nocte, & non credes visæ tuæ.* Et antequàm Iudæi interpretationem septuaginta corrumperent, in Psalterio lectum fuit: *Dominus regnabit à ligno*, sicut ex Iustino & Tertulliano licet convincere. Nihil autem illo dicto apertius: *Foderunt manus meas & pedes meos: dinumerauerunt omnia ossa mea.*


Deut. 28.

Psalm. 49.

Psalm. 21.

## XIII.

*De Christi afflictæ charitate.*

 V O D à Propheta dictum est: *In charitate perpetua dilexi te, ideo attraxi te miserans*, ad Christum quæ pro nobis afflictum & crucifixum referam, qui suum ineffabilem & incredibilem erga nos amorem tunc de clarauit maximè, cum sese adeò exinanivit, ut cum summus esset Dominus, se infimum seruum, virum nouissimum, opprobrium hominum, vulgi fabulam, & quem admodum Paulus vocat, legis maledictum faceret. *Maledictus enim omnis qui pendet in ligno.* Etenim velut alter Ionas, ut magnam sedaret tempestatem in qua pereundum erat alioquin cunctis mortalibus, in altissimum dolorum pelagus seipse sponte demisit, corpusque simul & animam tetræ fluctibus afflictionum prorsus immerisit. Ad hanc suæ erga nos dilectionis vehementiam designandam, cum longè minore negotio redimere hominem posset, flagellis est cæsus, spinis coronatus, clavis confossus, affixus patibulo, sceleratis annumeratus, & opprobrijs saturatus, truculentis etiam hostibus ita benignus, ut illis à Patre veniam ex amore maximo precaretur. Eadē charitate duce verba illa septem in cruce moribundus protulit, eaque consummauit omnia, quæ ad Prophetica oracula complenda & ad salutem humano generi perduto restituendam spectabant. Amantis erat brachia in cruce sua extendere, sacrum quæ caput tempore mortis inclinare, perinde ac si ad ami-

Ierem. 31.

Psal. 21.

Galat. 3.

Deut. 21.

Ioan. 1.

cum ol-

Ioan. 12.  
Rom. 5.

Colof. 1.  
Apoc. 1.

Isai. 53.

cum osculum & fidum amplexum cunctorum animas veluti sponsas pelliceret, atque ad se redamandum suauissimè inuitaret. Cæteris quidem beneficijs, quæ infinita sunt, nos ad sui amorem Christus incitauit, moriens autem tantum non compulit, quemadmodum & illo verbo subindicauit: *Ego si exaltatus fuero à terra, omnia traham ad meipsum.* Hinc à Paulo asseritur: *Commendat charitatem suam Deus in nobis, quoniam cum adhuc peccatores essemus, Christus pro nobis mortuus est.* Is amore velut ebrius, nos miseros ac perpetuæ damnationi obnoxios tanti habuit ac fecit, vt in redimendis nobis nullam rationem habere voluerit suæ naturæ innocentissimæ, personæ dignissimæ, corporis tenerrimi, animæ sanctissimæ, vitæ nobilissimæ, ac sanguinis demum pretiosissimi, quo vbertim effuso mundum vniuersum restituit, omniaque in cœlis ac terris pacificauit. De hoc amore iuste Ioannes prodidit, *I E S V S CHRISTVS est testis fidelis, primogenitus mortuorum & princeps Regum terræ, qui dilexit nos, & lauit nos à peccatis nostris in sanguine suo, & fecit nos regnum & sacerdotes Deo & patri suo.* Et ante Ioannem Isaias, vt suam Christo daret gloriam, apertè professus est: *Verè languores nostros ipse tulit & dolores nostros ipse portauit: Ipse vulneratus est propter iniquitates nostras, attritus est propter scelera nostra. Disciplina pacis nostræ super eum. & linore eius sanati sumus,*

#### XIV.

### *De Christi crucifixi corpore.*

**A**U E Christi corpus virgineum, omnis nœui ac labis expers, perpetuò purum, & omni ex parte sanctum, optimè semper constitutum, pulcherrimisque animi dotibus, & amplissimis virtutibus mirabiliter exornatum. Aue corpus Angelis iuxta ac hominibus reuerendum, in vegeta & florenti illa ætate pœnis acerbissimis à Iudæis & Gentibus excruciatum. Aue corpus flagellis

laceratum



laceratum, spinis transfixum, alapis & pugnis liuidum clauis perforatum, lancea confossum, & in aëra cum cruce subleuaturn, ac velut vna generosa in torculari pro nobis expressum. Aue corpus pro cunctis omnium peccatis expiandis traditum, & super altare crucis oblatum, vt hostia Deo esset in odorem suauitatis. Aue corpus, cuius & sensus omnes, & membra singula proprio singularique tormento discruciaturn, id effecerunt, vt oblaturn ille Agnus fieret nobis sapientia, & iustitia & sanctificatio, & redemptio. Aue corpus, quod sicut summè humiliaturn, depressum, afflicturn & morte consumptum fuit: sic etiam à morte ad vitam rediens, maximum dignitatis gloriaque gradum obtinuit, vt iam super omnia quæ in cælo & in terris & sub terris, viuunt, exaltaturn maneat, ac simul adoretur. De hoc ipso corpore, quod veri & perpetui fœderis Dei cum hominibus arca viua fuit, Christus longè ante per Isaiam denunciârât: *Corpus meum dedi percutientibus, & genas meas vellentibus: faciem meam non auerti ab increpantibus & conspuentibus.* Ad hoc ipsum corpus plagæ pertinent, quas indicat Zacharias, vt Christi vulnera, eorumque cicatrices in Christi carne residuas comprobeat: atq; hoc etiam Christi nomine adiungit: *Adspicient ad me quem confixerunt.*

Ephes. 5.

1. Cor. 1.

Phil. 2.

Isai. 50.

Zach. 13.

&amp; 12.

Apoc. 1.

## XV.

*De morte Domini crucifixi.*

**M**IRABILIS est sanè mors illius magni vereque boni Pastoris, qui vitam suam simul & sanguinem hominibus redimendis clementer impendit. Etenim sua morte tot mille credentium mortem sustulit, ipsosque mortuos, cum nulla vitæ & salutis humanæ spes reliqua esset, ad vitam perpetuam reuocauit. Mors utique crudelis & acerba, quam homines impij & scelerati tam nefariè, perturbatè, tumultuanter, immaniter procurarunt, tantisque illustrata miraculis, vt ad eius aspectum non solum homines

Iou. 10.

Luc. 23.

Matt. 27.



In Euang.  
Matthæi.  
Matt. 27.

Isai. 52.

Danici. 9.

Hebr. 9.

Hebr. 5

Apoc. 5.

Apoc. 5.

homines præfentes obſtupescerent, sed cœlum etiam ac terra cohorrescerent, ipsaque mundi elementa sui autoris occisi decessum vel lugere, vel vindicare viderentur. Nam ut Hieronymus quoque dixit: Omnis creatura compatitur Christo morienti. Sol obscuratur, terra mouetur, petra scinduntur, velum templi diuiditur.] Mors demum isthac pretiosa, potens & efficax fuit, tot malorum in utroque seculo præfenti & futuro profligatrix, bonorumque omnium adiusticiam & salutem hominis pertinentium ferox, qua mortuis vita, seruis libertas, & salus perditis restituitur, iraque diuina placatur mortalibus. Ita demum impleri constat diuina illa oracula: *Disperſiam ei plurimos & fortium (dæmonum) diuidet spolia, pro eo quod tradidit in mortem animam suam, & cum sceleratis reputatus est: & ipse peccata multorum tulit, & pro transgressoribus rogauit.* Apud Daniele Angelus ita loquitur: *Post hebdomadus sexaginta duas occidetur Christus: non erit eius populus qui eum negaturus est.* Sed quid ego multis? quando de hoc noui testamenti Mediatore, ac eius morte & sanguine Paulus præclare differit Hebræis, & inter alia nos omnes ita cōsolatur: *Sanguis Christi qui per Spiritum sanctum semetipsum obtulit immaculatum Deo, emundabit conscientiam nostram ab operibus mortuis ad seruiendum Deo viuenti: Ac iterum: Consummatus, inquit, factus est omnibus obtemperantibus sibi causa salutis æternæ.*

ADORAMUS igitur & benedicimus te Domine Iesu CHRISTE, in quo est salus, vita & resurrectio nostra, per quem saluati et liberati sumus: *quoniam occisus es, & redemisti nos Deo in sanguine tuo, ex omni tribu & lingua & populo & natione, & fecisti nos Deo nostro regnum & sacerdotes.* Qua demum ratione dignus est Agnus qui occisus est, accipere virtutem & diuinitatem, & sapientiam & fortitudinem & honorem & gloriam, & benedictionem, quemadmodum & cœlites ipsos contestari Ioannis prædicat Apocalypsis. Non præteribo Ignatij testimonium de hoc ipso die, qui

Parasceue dicitur, & ab illo Apostolico viro ita describitur: in Parasceue Christus hora tertia sententiam accepit à Pilato, permittente id Patre. Sexta hora crucifixus est, nona exspiravit, ante Solis occasum sepultus est. Sabbato sub terra in monumento remansit, in quo posuit eum Ioseph Arimathæus. Complectitur itaque Parasceue passionem, sabbatum, sepulturam, Dominicus dies resurrectionem.]

In epist. ad  
Trallianos.

# NOTAE DE RE- CTO VSV DIEI PARA- SCEVES.

**Q**UONIAM hic dies est viderique debet sacro-  
sanctus, quem veteres magna religione & gra-  
uitate in templo domique celebrarunt, nō abs-  
re fuerit pauca subijcere, quæ ad Catholicam  
pietatem hodie tum exercitandam, tum confirmandam  
facere videantur. Ac primum ego corde & ore confitebor  
in signem illum & solidæ consolationis plenum fidei no-  
stræ articulum ab Apostolis traditum, nempe, Passus sub  
Pontio Pilato, crucifixus, mortuus & sepultus. Hinc enim  
æreus ille serpens est ab Israëliti populi magistro Moyse e-  
rectus in solitudine, cuius simulacrum conspectum à vene-  
natis serpentibus saucios ac morti obnoxios mirè curabat.  
In huius cruce, sicut in re nulla alia, quæ iustitiam & salu-  
tem æternam homini conferat gloriabor, memor testātis  
hoc Apostoli: *Mihi absit gloriari nisi in cruce Domini nostri*  
*Iesu Christi, per quem mihi mundus crucifixus est, & ego mun-*  
*do.* Optabo mihi gratiam dari in hoc summo mysterio  
philosophandi, de quo idem Paulus, licet in cœlum ter-

Num. 21.  
Ioan. 3.

Galat. 6.

2 Cor. 12.

1. Cor. 1.

Ibidem.

Ioan. 20.

In Euang. Io  
annis, & lib.

15. de ciuit.

Dei, cap. 26.

In serm. de  
passione  
Christi.

Heb. 9.

1. Ioan. 2.

Rom. 8.

Apoc. 1.

tium raptus, arcana multa & ineffabilia didicisset, tamen fidenter affirmavit. *Non iudicavi me scire aliquid inter vos nisi Iesum Christum, & hunc crucifixum.* Gratulabor & illis omnibus, qui Christum hodie crucifixum & mortuum, Iudæis quidem scandalum, gentibus autem stultitiam, simulque vocatis Iudæis ac Græcis Dei virtutem, & Dei sapientiam, ingenue profitentur, illumque non cum sacrilegis Iudæis falsò & irrisoriè, sed cum fidei Thoma verè ac religiosè adorant, vt ex animo dicant singuli: *Dominus meus & Deus meus.* Maioris idcirco faciam, ac libentius venerabor Ecclesiæ sacramenta, quòd sint veluti canales à Christi crucifixi latere deriuati, per quos sacratissimæ passionis eius virtus ad nos manat, nimirum gratia, charitas, remissio peccatorum, robur spiritus, & omnia demum infirmitatis nostræ medicamenta. Vt hinc ab Augustino dictum legamus: Latus Christi apertum est, vnde sacramenta Ecclesiæ manauerunt, sine quibus ad vitam quæ vera vita est, non intratur.] Ac de sacramentis eisdem pronunciat Cyprianus: *Quicumque sunt sacramentorum ministri, qualescunque sint manus quæ vel mergunt accedentes ad baptismum, vel vngunt, qualescunque pectus, de quo sacra exeunt verba, operationis authoritas in figura crucis omnibus sacramentis largitur effectum, & cuncta peragit nomen, quod omnibus nominibus eminet à sacramentorum vicarijs inuocatum.]*

IAM verò inter omnia Christi beneficia nobis collata, nullum ego præstantius, magisque necessarium, & sæpius expendendum putabo, præterquam quod hic noui testamenti Mediator ac mundi Propitiator, cum adhuc peccatores & inimici, rei que mortis essemus, suum pro nobis sanguinem vitamque profudit. Hoc enim ipso & Pater æternus, qui proprio Filio suo non pepercit, sed pro nobis omnibus in mortem verè funestam tradidit, & Filius ipse qui nos immundos à peccatis abluuit in sanguine suo copiosè profuso, charitatem incomparabilem declarauit. Cui quidem Opt. Maximoque Redemptori vt me gratiorem osten-

dam, certò statuam illi Igatiam à me non minorem deberi, quàm si idem nò solum pro omnibus Adæ filijs, sed pro me solo hausisset calicem amarissimæ passionis. Vnde cum Apostolo fidenter & frequenter dicere habeo: *Dilexit me, & tradidit semetipsum pro me*: nimirum vt hoc inestimabile beneficium non secus æstimem, amplectar ac diligam, quàm si mihi soli fuisset impensum. Hoc enim affectu me præditum esse conuenit, quo ille insignis Christi amator Ignatius flagrans dixit: *Amor meus crucifixus est*. Atq; vt rectius obseruem præceptum illud: *Respice in faciem Christi tui*, hunc ipsum gloriæ Dominum velut in cruce pendentem, ac vulneribus plenum mihi ob oculos ponā, hisq; illum verbis, vt me docuit Augustinus, affabor: Quid commisisti dulcissime puer, vt sic iudicareris? quod scelus tuum, quæ noxa tua, quæ causa mortis, quæ occasio tuæ damnationis? Ego enim sum tui plaga doloris, tuæ culpa occisionis. O mirabilis censura conditio, & ineffabilis mysterij dispositio. Peccat iniquus, & punitur iustus. Delinquit reus, & vapulat innocens. Offendit impius, & damnatur pius. Quod meretur malus, patitur bonus: quod perpetrat seruus, exoluit Dominus: quod committit homo, sustinet Deus.] Quapropter sollicitè mihi cogitandum est, quid Christus pro tanto beneficio à me potissimum requirat, & quid ego vicissim rependere debeam. Illud verò in eo consistit maximè, summo vt odio detester peccatum, quod Filius Dei morte, mortisque tormentis acerbius, magisque inuisum habuit. Verissimum enim est quod Pater Deus per Isaiam testatur: *Propter scelus populi mei percussi eum: Omnes enim nos quasi oues errauimus, unusquisque in viam suam declinauit, & posuit Dominus in eo iniquitatem omnium nostrum*. Vnde & Christus ipse per eundem Prophetam homini loquitur: *Seruire me fecisti in peccatis tuis, præbuiisti mihi dolorem in iniquitatibus tuis*. Id quod Bernardus magis explicat, quum Christum Dominum ingrato peccatori exprobrantem ad hunc modum inducit: Nonne satis

Galat. 2.

In epist. ad Romanos. Psal. 83.

In Meditat. cap. 7.

Isai. 53.

Isai. 43.

1. Pet. 1.

2. Cor. 5.  
Rom. 6.Feria 5. de  
hebdomada  
pœnosaLib. 6. de di  
uinis offi-  
cijs, cap. 2.  
& 3.

propter te vulneratus sum? nunquid non pro iniquitate tua afflictus sum? Cur addis afflictionem afflicto? magis aggrauant me vulnera peccati tui, quàm vulnera corporis mei.] Quocirca vt Christi passio & mors, quàm nunc Ecclesia maximè repræsentat, fructum nobis genuinum ac necessarium adferat, inprimis mori debemus omnes peccato, nec obliuisci Apostolicæ sententiæ: *Peccata nostra ipse pertulit in corpore suo super lignum, vt peccatis mortui, iustitie viuamus.* Sicut & Paulus ob eandem causam affirmat: *Pro omnibus mortuus est Christus, simulq; renatis iniūgit omnibus, Existimate vos mortuos quidem esse peccato, viuentes autem Deo in Christo Iesu Domino nostro. Non ergo regnet peccatum in vestro mortali corpore, vt obediatis concupiscentijs eius.*

Adhæc præsens dies requirit, Christianum vt luctum libenter suscipiam, & publicè præ me feram. Etenim non solum de hoc die, verumetiam de præsentī tota hebdomada Bernardus, vt constantem veterum Orthodoxorum morem repetat & confirmet, verissimè dixit: Vniuersi Christiani sacra hac septimana aut præ solito, aut præter solitum pietatem colunt, modestiam exhibent, humilitatem sectantur, induunt grauitatem, vt Christo patienti quodammodò compati videantur. Quis enim tam religiosus inquit, qui non compungatur? quis tam insolens vt non humilietur? quis tam iracundus vt non indulgeat? quis tam deliciosus vt non abstineat? quis tam flagitiosus vt non contineat? quis tam malitiosus vt non pœniteat his diebus? Meritò quidem: nempe adest passio Domini vsque hodie terram mouens, petras scindens, aperiens monumenta.] His consonat sæpè Rupertus Abbas, inter alia scribens: Non ita gaudere debemus de gratia tradentis, vel de charitate morientis, vt non etiam doleamus, quòd tanto Domino, tormentorum & mortis causa fuimus. Siquidem non gaudere ingratitudinis, non dolere autem crudelitatis est.] Ac iterum: Hac die tristitia regnet, hac die contristemur ad pœnitentiam: ferrum

Domi-



Dominicæ passionis nostram pertranscat animam : Clau manuum ac pedum eius, carnem nostram configant : Crux eius nostram suspendat concupiscentiam : compati amur vt conregnemus. ] Et qui multò est vetustior Chry- sostomus, tradit ea quæ CHRISTVS pro nobis est passus, cum pœnitentia & planctu perpendi oportere. Humiliauit seipsum inquit, vt homo, te pretioso sanguine suo redemit: qui dat escam omni carni, ieiunauit propter te : qui mellis dulcedinem creauit, qui cœlum stellarum cœtu corona- uit, spinis propter te coronatus est, & vsque ad mortem o- bediens factus est. Igitur in his non lætari sed plangere con- uenit, & credere dicenti : Quæ dicitis in cordibus vestris, in cubilibus vestris compungimini. Propterea & Saluator ait: Beati qui lugent. ] Quare mihi quoq; dictum putabo, quod Propheta Ieremias hortatur : *Deduc quasi torrentem lachry mas per diem & noctem : Non des requiem, nè taceat pupilla oculi tui, effunde sicut aqua cor tuum ante conspectum Domini.*

Quod verò Christus cruce grauatus, ad lugentes mu- lieres dixit : *Filie Ierusalem, nolite flere super me*, iusta est re- prehensio muliercularū, cœcum & præposterum planē lū- ctum præ se ferentium, quia nō agnoscebant diuinam Filij Dei potentiam & ineffabilem charitatem, qua volens li- bensque pro salute perditorum properauit ad mortem, sed eum spectabant vt infirmum & imbecillum hominem, in- uito animo tam dira & indigna patientem, qui nec posset, si vellet, se ab hostilibus iniurijs ac pœnis defendere. Igi- rur huiusmodi Hierosolymitanæ mulieres egebant corre- ptione, vt indignum indecorumq; fletum compescerent, vtq; se ipsas potius ac filios suos deplorarent, quibus, sicut & vniuersæ vrbī ac regioni, ineluctabilis, extrema & horrē- da prorsus calamitas immineret. Non autem Christi mens & sentētia fuit damnare vel prohibere pium ac religiosum lugendi modum, quo Christiana Ecclesia hoc die memo- riam passionis & mortis eius lugubri pompa & flebilibus ce- remonijs concelebrat, quo præterea pij mortem Domini

Hom. 22 ad  
popul. An-  
tiochēsem.

Psal. 4.

Matth. 5.  
Thren. 2.

Luc. 23.



Ioan. 19.

Zach. 12.

Rom. 12.

Phil. 3.

Ioan. 19.

Rom. 5.

Isai. 53.

Matt. 26.

&amp; 27.

Hebr. 5.

dolore ac lachrymis, susceptisque poenitentiae operibus tot seculis prosequuntur. Quod quum faciunt, nihil de Christo indignè sentiunt, sed matrè Domini Christo intimè compatientem imitantur, & sui laudabilis Christiani quique in Christum amoris sine omni hypocrisi produnt argumenta, ac demum Zachariae complent vaticinium, quo prae dictum fuit de morte Domini studiosè deffenda. Nam & condolefcentis naturae sensus suggerit, & charitatis amicitiae quae ratio postulat, ut membra suo capiti dolenti & patienti condoleant, siue compatiantur, neque sint prorsus astorgi. Defflebo igitur cum Paulo inimicos crucis, siue sint veteres, siue noui, quibus nullum flendi tempus placet in Ecclesia, quique perfidis ludæis tam insanè quàm importunè ridentibus hodie sese conformant, quoniam se nec à nuptialibus conuiujs abstinere, & crucifixi Domini obliuiscere, genio, ventri ac luxui tantum non insani deseruiunt. Ego cum pijs maioribus paschale gaudium expectabo, atque ad illud me per salutarem luctum praeparabo, maximè tum mea, tum aliorum hominum peccata ponderans & deplorans, ut quae adeò sunt enormia & perniciofa, ut non nisi perquam acerba morte ac profuso sanguine Filij Dei potuerint expiari. Cum enim ille Agnus esset immaculatus, traditus est propter peccata nostra: vulneratus est propter iniquitates nostras, attritus est propter scelera nostra, ut Scripturae verbis utamur.

Neque lugendi solum, sed & precandi studium hoc die mihi augebitur, quando quidem Christus Dominus passionem suam ab orando in horto auspicatus est, & relictus ab omnibus, in cruce simul absoluit, quando suum spiritum Patri non sine clamore & lachrymis commendauit. Tum probatissimus Ecclesiae mos durat, ut solènes hodie preces fundantur pro Ecclesiae Esticis & politicis Magistratibus, pro varijs ordinibus Catholicorum, pro haereticis ac infidelibus, atque adeò pro perfidis ac sacrilegis Iudaeis authorem vitae excruciantibus. Accedit quod Redemptoris nostri oratio &

cruenta oblatio hodie in cruce peracta, & à nobis æterno Patri cum vniuersis Filij meritis proposita, virtutē immensam porrigit ad benè sperandum & postulandum, ad impetrandum itidem & accipiendum ea bona, quæ nobis ac alijs desideramus. Est enim nunc apud Dominum misericordia & copiosa redemptio, quando & latro serò poenitens, vt primus cum Christo paradysi esset incola, orando tam facile impetrauit, & clamante pro nobis de terra in cœlum iusti fratris Abel sanguine, pia vota mortaliū irrita esse non possunt. Omni tempore pro statu sanctæ Ecclesiæ fideliter orandum est, inquit Rupertus, sed hac die præcipuè, qua Saluator noster pro cunctis orauit, & commune pro omnibus sacrificium factus est.

Psal. 129.

Luc. 23.

Gen. 4.

Lib. 6. de diuin. offic. cap. 17.

## DE PRECIBVS CVM HOC DIE PARASCEVES CONIUN-

### G E N D I S.

*I. PRECABOR sedulo, vt bona prætermissa qua indignus ego in omni vita operari debueram, clementer Christi meritis suppleantur, mala verò commissa, & merita peccatorum meorum pena hoc efficacissimo Mediatoris sacrificio prorsus deleantur, atq; sic immundus ego, tam pretioso Agni immaculati sanguine totus abluar atq; sanctificer, ac simul ad meliorem vitam inchoandam potens auxilium Christianæ gratiæ adipiscar.*

*II. PRECABOR ad amoliendâs communes fratrum Ecclesiæ, Catholica, ac ad eò totius mundi calamitates, vt qua nullius magis quàm tanti Redemptoris incredibili charitate & immensa virtute depelli, mitigari, ac superari possunt.*

*III. PRECABOR pro Christianis Catholicis in vnitatē & obedientia fidei conseruandis, & pro summo Pastore, Petriq; Apostoli successore Pontif. Romano, vt ouile sibi concredendum rite moderetur, & vnâ cum alijs Episcopis benè præsit Ecclesiis.*

IV. PRECABOR pro Regibus, Principibus & Magistratibus, ut suscepto muneri satisfaciant, inter se consuetè viuunt, pacem conseruent publicam, Ecclesiâq; militantis strenus & fidi sint propugnatores.

V. PRECABOR pro afflictis, perturbatis, oppressis fidelibus toto orbe terrarum, ut in Christi pro ipsis mortui gratia & miseratione respirent, & in suis angoribus ac periculis efficacem Dei opem & consolationem sentiant.

VI. PRECABOR in super pro iustis, ut in vera fide, & via bona confirmentur atq; proficiant. Tum pro iniustis & charitatis expertibus, ut è morte peccati ad vitam gratia resuscitati, nè Christus pro illis frustrâ sit mortuus, offenso Creatori per penitentiam reconcilientur.

VII. PRECABOR pro infidelibus, hereticis, schismaticis, ac impijs omnibus, ut per eum ipsum vita fontem, fideiq; nostre autorem atq; consummatorem Iesum hodie crucifixum & mortuum, suorum errorum, cunctaq; impietatis tenebris liberentur, seq; ad Catholica fidei lucem, & Ecclesia Apostolica unitatem amplectendam seriò transferant.

VIII. PRECABOR & pro animabus Purgatorij, ut penarum pro suis vitijs iustitiæ Divinæ debitæ vinculis liberata, sub tali tantoq; viuorum ac mortuorum patrono desideratam quietem, & necessariam pacem in cælis adipiscantur.

IX. PRECABOR demum pro quibusvis Fidelibus viuis ac defunctis Catholicis hoc tanto & incomparabili Mediatore ac propitiatore semper indigentibus, atq; cum uniuersa Ecclesia supplex orabo: Respice quæsumus Domine super hanc familiam tuam, pro qua Dominus noster Iesus Christus non dubitauit manibus tradi nocentium, & Crucis subire tormentum.



PRÆAMBULA ET  
NOTAE AD PASCHALES FERIAS,  
AC PECVLIARITER DE CHRISTI  
DOMINI RESVRRECTIONE.



Estè ab Augustino traditur, antiquam Ecclesiæ Catholicæ traditionem esse, vt cum mœrore Quadragesimam, & cum lætitiâ Quinquagesimam post Pascha celebremus: ideoque ieiunia solennia quæ hactenus durauerunt relaxari, & lætum cani Alleluia: tum diebus omnibus inter Pascha & Pentecosten intercedentibus, beatam æternitatem nobis hoc Ecclesiæ ritu significari. Fuit sanè illud quod Pascha præcessit, tempus mœroris, mortalitatis, têtationis ac pœnitentiæ: succedit autem à Paschate consolationis, lætitiæ & regni tempus, quo Dei laudes à fidelibus frequentantur, ac simul futura nobis cum Christo in cœlo scelicitas adumbratur. Nihil verò dubium, Apostolos & Apostolicos viros diuino Spiritu illustratos præclarè sanxisse, Dominicum diem per totum annum singulari religione Christianis esse colendum, quandoquidem eo die Dominus & Redemptor noster à mortuis resurrexit, quæadmodum nos antea probauimus, ac Theophilus Alexandrinus, quem ab Hieronymo Latinè conuersum habemus, hisce verbis ostendit: Et mos & honestas à nobis exigit, vt omnem diē Dominicum honoremus, eumque celebremus, quoniam Christus Dominus noster præclarum in eo suæ resurrectionis munus obiuit. Et ideo in sacris Scuipturis ipse & primus appellatus est, vt sit nobis vitæ principium, & octauus, vt qui Iudæorū sabbatismum exuperauerit.] Clemens autem Romanus inter Apostolicas constitutiones quas recenset, hanc quo-

In epist. 119.  
ad Ianuariū.  
Et serm. 15.  
de verb. A-  
postoli, &  
serm. 251. de  
tempore.

In fine lib. 3.  
Epist. Pa-  
schalium.

Lib. 7. Apo-  
stolic. con-  
stit. cap. 31.

Ibidem  
cap. 37.

que ponit: Die resurrectionis Domini quem Dominicum dicimus, conuenite sine vlla cōuentus intermissione ad agendum gratias Deo, & profitendum beneficia, quibus nos Deus per Christum affecit.] Et postea sequitur: Diem festum resurrectionis Dominico die celebrantes, in eo lætatur qui vicit quidem mortem, illuminauit verò vitam & immortalitatem.

Homel. de  
Paschate.

In epistola  
ad Magne-  
sian.

Præterea ex veterum Patrum & sacrorum Conciliorum autoritate sit euidens, sacrosancto festo Paschatis suum certum & legitimum constare tempus quod mutare sit nefas, neque illud iuxta ritum Iudaicum obseruari oportere, quemadmodum & prima synodus Nicæna confirmauit. Est & illud extra controuersiam, inter omnes ferias inde à principio in Ecclesia celebratas Pascha excellere, multisq; præclaris nominibus insigniri. Vocatur enim prima sabbathi, dies quam fecit Dominus, solennitas solenni tatum, vt est apud Gregorium, prima & principalis ex Dominicis omnibus, dies a Christo sanctificatus, regale festum, Christi resurrectione consecratum, de quo pluribus postea disseremus. Ignatius Martyr habet in hunc modum: Omnis Christi amator Dominicum celebret diem, diem resurrectioni consecratum Dominicæ, reginam & principem omnium dierum, quam expectans Propheta dicebat, in finem pro octaua: in qua & vita nostra exorta est, & per CHRISTVM mors deuicta.] Quoniam verò in augusta Christi resurrectione, vt norunt omnes, hoc festum Paschale fundatur, & ex ea fidei salutisque nostræ basis & virtus dependet maxima, quæstiones aliquot proponemus, quibus argumentum hoc latissimè patens non nihil contrahatur, ac facilius ab omnibus cognoscatur. Ita quoque fieri poterit, vt maior ansa suppetat de hoc præstantissimo mysterio ea meditando, quæ per hæc Paschales ferias Ecclesia tot seculis modulatur, accipis animis vult maximè commendata esse.

*Quis ergo resurrexit?*



M V L T O S quidem mortuos legimus resurrexisse, quemadmodum filium viduæ per *a* Eliam, & filium Sunamiridis per *b* Eliseum ad vitam reuocatos. Resurrexit & *c* Lazarus quadriduanus, & *d* filia Iairi, *e* filiusque viduæ, sicut ex Euangelio discimus. Nos verò Christum solum hodiè resurgentem celebramus, & sancti Angeli testimonio fidem habemus, vbi sic loquitur mulieribus defunctum Dominum in sepulchro requirentibus: *IESVM queritis Nazarenum crucifixum, surrexit, non est hic. DEVS enim propter nos suscitauit IESVM CHRISTVM Dominum nostrum à mortuis, qui traditus est propter delicta nostra & resurrexit propter iustificationem nostram*, sicut Paulus perspicuè asseuerat. Hic solus est primogenitus ex mortuis, & primogenitus mortuorum, primitiæque dormientium appellatus, quandoquidem inter omnes alios, qui post mortem vnquam in terris reuixerunt, primum & summum locum promeretur, vt qui ad vitam immortalem resurrexit, idemque viuorum & mortuorum dominator esse cœpit, qui non solum alios, sed etiam se ipsum ad vitam resuscitauit, ac vnicè illud sibi vendicare potest: *Ego sum resurrectio & vita*

### Quoties autem resurrexit?

VT semel CHRISTVS pro nobis & peccatis nostris oblatuſ est, ita & semel à morte resurrexit, & *resurgens ex mortuis*, sicut Paulus affirmat, *iam non moritur, & mors illi vltià non dominabitur*. Quicquid enim ad abolendum hominis peccatum requirebatur, vnica sui corporis oblatione & morte Christus expiauit, ac poenitentibus & obediētibz omnibz voluit applicare. Resurrexerunt quidam & alij, sed non semel, quoniam ad vitam resuscitati iterum tam moriendi necessitatem eslingere non potuerunt. Solus autem inter mortuos liber est Christus, & qui iure suo dicere possit: *Ero mors tua ô mors*.

a4. Reg. 2.  
b 4. Reg 4.  
Joan. 11.  
Marth. 9.  
Luc. 7.

Marc. 16.

Rom. 4.

Colof. 1.

Apoc. 1.

1. Cor. 15.

Joan. 11.

Hebr. 9

& 10.

Rom. 6.

Psal. 87.

Olea. 13.

Quando



### *Quando ille resurrexit?*

Post suum ad inferos descensum, post patres in limbo liberatos, post destructum Satanæ regnum, post beatam illam unionem, quæ inter sanctam CHRISTI animam eiusque corpus in sepulchro facta est. Resurrexit ille Dominico die, qui à morte quidem tertius appetebat, & ante Solis exortum cum adhuc tenebræ essent, ut illud vaticinium compleretur, *Exurgam diluculo*, & quod rursus per eundem Oseam promiserat: *Viuificabit nos post duos dies: in die tertia suscitabit nos, & viuemus in conspectu eius.*

### *Quid autem de Christi descensu ad inferos?*

Nihil sanè dubium, in cruce Dominum expirasse, suumque reddidisse spiritum Patri, quando anima eius à corpore sciuncta est, & ad inferos seu infernalicia loca descendit, & veteres Patres velut in carcere quodam conclusos inuifit, adeoque liberauit. Primus enim hominum parens Adam tali tantoque crimine suos filios siue posteros omnes obstrinxerat, ut ex illis fideles etiam qui in Dei timore vixerant, ac pie defuncti fuerant, offenso Deo perfecte reconciliari, & ab omni potestate Satanæ liberari, atque ad cœlestem patriam ingredi non possent, quam diu generis humani debitum per Christi summi Pontificis, æternique sacerdotis mortem non esset persolutum. Longum interim & acerbum illis exilium subeundum fuit, ac patienter ferenda seruitus atque captiuitas ad Christi usque aduentum maximè desideratum, quoniam *spes que differtur, perdit animam*, teste Sapiente. Ceterum quantò plures hodie hunc Christi descensum ad inferos, Patrumque lymbum quos Christus velut ex carcere liberauit, in dubium vocat, adeoque pro nihilo ducunt, tantò magis ego meum in vera fide animum confirmabo, nullumque locum concedam

hostibus

Psal. 106.  
Osee 6.

Luc. 23.

Heb. 7.

Prou. 13.

hostibus Ecclesiæ, qui singularem Christi gloriam hic ob-  
 scurare, immò & extinguere moluntur. Nec enim nouus  
 aut vulgaris, sed firmus & constans, valdeque consolatori-  
 us est ille Orthodoxæ fidei articulus, quo Christum vt Sata-  
 næ Dominum, & Satanici regni destructorem, Patrumque  
 veterū liberatorem ad inferos descendisse profiteamur. Ita  
 enim ille re ipsa monstraui, se forti armato potentiorē  
 ac superiorem esse, qui illum in sua ipsius domo arripuerit,  
 arreptum ligarit ac miserit in abyssum, vniuersis eius armis  
 in quibus antea confidebat, ablatis atque distributis. At-  
 que rursus hoc modo CHRISTVS non solum vim ac po-  
 testatem, sed & admirabilem suam in genus humanum be-  
 nignitatem demonstraui, quandoquidem non tantum  
 pro nobis acerbissimam mortem subire, sed infimas etiam  
 terræ partes penetrare voluit, vt sibi charissimas animas ex  
 hoc loco ereptas ad beatitudinem traduceret, suarū cœ-  
 lestis gloriæ participes redderet. Quare hunc fidei articu-  
 lum, qui magna & præclara continet, diuini Apostoli con-  
 diderunt, sicut & Athanasius Magnus cum suo adiunxi  
 symbolo, quē insuper Ecclesia Catholica tum Græca tum  
 Latina tot sæculis concorditer vbique gentium professā est,  
 hodiēque publica & solenni ceremonia multis in locis re-  
 ligiosè testatur. De illo ipso Petrus Apostolus Spiritu san-  
 cto plenus, in prima concione verba fecit, & impossibile fu-  
 isse dixit, vt Christus mortuus in inferno detineretur. Mox  
 Dauidis Prophetæ testimonium profert, qui Christi perso-  
 nam referens, *Caro mea*, ait, *requiescet in spe: quoniam non*  
*derelinques animam meam in inferno, nec dabis Sanctum tu-*  
*um videre corruptionem.* Quæ verba sic Augustinus inter-  
 pretatur: *Caro mea non deficiet in interitum, sed in spe*  
*resurrectionis obdormiet. Quoniam neque animam me-*  
*am inferis possidendam dabis: neque sanctificatum corpus*  
*corrupti patieris.* Eadem verò est Hieronymi, immò &  
 Cypriani & Athanasij sententia. Tum idem Apostolus Pe-  
 trus rursus de Christo testatur: quòd mortuus his qui in

Luc. 11.  
 Apoc. 20.

1. Petri 3.

carcere

Ephes. 4. &  
ibid. Hierony.

Matt. 27.  
Psal. 24.

ad Trallia-  
nos.

Eccles. 24.

Zach. 9.

Coloss. 2.  
In epist. ad  
Coloss. & in  
dialogo de  
passion.

Lib. 12. Mo-  
ral. ca. 9. &  
epist. 179.

carcere erant spiritibus coram prædicator, quemadmodum ea verba Hilarius, Ambrosius & Cyrillus intellexerunt. Sed & Paulus Apostolus Christo tribuit, quod descenderit in partes terræ inferiores, sic infernum appellans, ad quem Dominus iuxta Hieronymum idcirco descendit, ut sanctorum animas quæ ibi tenebantur inclusæ, secum ad cælos victor adduceret. Vnde & post resurrectionem eius plurima corpora iustorum in sancta ciuitate visa sunt, ut Matthæus asserit Euangelista. Quod insuper à Davide dictum est: *Domine eduxisti ab inferno animam meam, saluasti me à descendantibus in lacum*, propter CHRISTVM ab inferis redeuntem & exultantem propriè dictum esse Cyprianus & Arnobius, eundem locum exponentes affirmant. Clarissimè dixit Ignatius: Descendit ad infernum solus: regressus est autè cum multitudine, & septum illud æternum rupit.

Ea propter meipsum excitabo, ut coram ex animo sanctis illis gratuler Patribus, quos tam diu expectatus, totque flagrantibus votis exoptatus Messias clementer tandem inuisit, ac ineffabili prorsus modo, vel inuitis dæmonibus, exhilarauit. Ita enim per seipsum Dominus complere voluit, quod in ipsius persona Iesus Sirach prædixerat atque promiserat: *Penetrabo omnes inferiores partes terræ, & inspiciam omnes dormientes, & illuminabo omnes sperantes in Domino*. Horum piorum animas Propheta Zacharias indicat, ad Christum ita loquens: *Tu quoque, in sanguine testamenti tui emisisti vinctos tuos de lacu, in quo non est aqua*. Idipsum præterea expressit Apostolus illis verbis: *Expolians principatus & potestates, traduxit confidenter palam, triumphans illos in semetipso*. Quod Anselmus in hunc modum explicat: Christus expoliauit principatus & potestates dæmonum, auferendo illis animas iustorum, quas in inferno propter culpam primi parentis detinebant. ] Ac rursus: Magnum gaudium factum est in lympo, quando anima Christi ad ipsum descendit, & Patres inde liberauit. ] Testatur & Gregorius Magnus, Christum ad inferos descendantem per suam gra-

tiam so-

tiam solos eos liberasse, qui eum & venturum esse crediderant, & præcepta eius viuendo tenuerant. Quibus & Rupertus consonat, cum scribit, præpotentem Christi animam descendisse ad Patres, & principes tenebrarum dissipasse, iustos autem de tenebris exeuntes, in paradysum esse receptos, & cum latrone crucifixo admodum exultasse, Christumque ipsum toto sabbato cum illis ipsis requieuisse. Quis ergo nisi infidelis negauerit, vt cum Augustino loquar, Christum apud inferos extitisse? Quis nisi profanus & insanus, Filio Dei tantoperè se demittenti, tam amanter consolanti, tamque potenter liberanti suam adimat gloriam, & sanctis patribus obstrepat impudenter, imò & expressum fidei nostræ articulum audeat in dubium reuocare? Alioquin si nouatorum insulsam petulantiam libeat æmulari, quis errandi modus ac finis erit? quando illi ex inferis hoc loco sepulchrum faciunt, & præterea negant Dominum sepulchro clauso, obstructoque lapide, ac sigillis Iudæorum quibus cõmunitum fuerat inuiolatis, ex mortuis surrexisse, quemadmodum & contra expressum Ioannis Euangelium fingunt, Christum clausis ianuis ad discipulos non penetrasse. Is enim illorum est mos, vt ceteræ sanctæ fidei, Ecclesiæque Catholicæ doctrinæ sunt consentanea, humanæ rationis modulo metiantur, Dei que verba & opera ad carnis iudicium referant, Sionis fundamenta euertentes. Quod igitur à Ioâne Apostolo mandatum est, vt non recipiatur nec salutetur, quisquis in Apostolica & sincera Christi doctrina non permanet, id præsentì etiam loco mihi faciendum putabò, omnesque huic articulo fidei repugnantes, vt Ecclesiæ veræ hostes ac pestes fugiam, veterum Orthodoxorum sanctæque Scripturæ autoritate contentus.

*Quomodo facta est isthac resurrectio?*

Ingenti certè, nec humana, sed diuina Filij Dei potentia, qui propterea dixit: *Potestatem habeo ponendi animam meam: & potestatem habeo iterum sumendi eam. Data est mihi*

Lib. 7. de diuin. officiis.

Luc. 23.

Epist. 59. & 99.

Ioan. 20.

Ioan. 2.

Ioan. 10.

Matt. 28.  
Ioan. 2.

2. Cor. 13.  
Philip. 3.

*omnis potestas in cælo & in terra. Ac iterum cum Iudæis dis-  
serens Soluite inquit, templum hoc, & in tribus diebus exci-  
tabor illud. Præterea resurrexit non successiue, sed velociter  
ac momentaneè, integrè quoque ac gloriosè, sicut Paulus  
illis verbis ostendit: *Esse crucifixus est ex infirmitate, sed uiuit  
ex virtute Dei. Idem ergò reformabit corpus humilitatis no-  
stræ, configuratum corpori claritatis sue, secundùm operatio-  
nem, qua etiam posuit subycere sibi omnia, sicut idem Aposto-  
lus asserit.**

*Qualis autem Christi resurrectio in  
corpore?*

Tract. 127.  
in Ioan.

In cap. 14.  
Luc.

Nimirum sine naturalibus defectibus, quicumque in  
corpus hominis mortale cadere possunt. Resurrexit cor-  
pus illud incorruptum, gloriosum, & præclaris dotibus pul-  
cherrimè cohonestatum, nimirum claritate, impassibilitate,  
agilitate atque subtilitate, sicuti Theologi vocant. Re-  
surrexit idem corpus Sole splendidius, Christo interim A-  
postolorum imbecillitati ita consulente, ut cum corpus ei-  
us adspicerent, occulta eius claritate non offenderentur.  
Augustinus perspicuè dixit. Moli corporis Christi, ubi diui-  
nitas erat, ostia clausa non obsisterunt. Ille quippe foribus  
non apertis intrare potuit, quo nascente virginitas Matris  
inuiolata permansit. Quare nihil huic corpori obsistere, vel  
impedimento esse potuit, quod ubi, quando & qua forma  
vellet apparuit, seque conspiciendum non omnibus, sed  
discipulis & mulieribus pijs præbuit. Vnde testatur etiam  
Theophylactus, corpori Domini naturale fuisse, clausis ia-  
nuis ingredi, & absque labore è loco in locum transire:

*Cur Christum decuit à mortuis resur-  
gere?*

Potissimum quidem idcirco, ut scripturis Prophetis  
fieret

fieret satis, quas Christus à Moyse incipiens, de sua resurrectione duob. discipulis explanauit, quēadmodum & antea dixerat, ea quæ de ipsius Passione & Resurrectione scripta fuerant consummari oportere. Ac de Iona quidē Propheeta nominatim illud exponit: *Sicut fuit Ionas in ventre ceti tribus diebus & tribus noctibus: sic erit Filius hominis in corde terra tribus diebus & tribus noctibus*, nimirum vsq; ad ipsam resurrectionem. Hanc quoque Samson fortissimus adumbravit, vt qui ab armatis hostibus obsessus nocte surrexit, suamq; virtutem ostendit maximam in debellandis hostibus, ac Dei populo liberando. Resurgentis Messiae vox propria est: *Ego dormiui, & soporatus sum, & exurrexi: quia Dominus suscepit me*. Rursus & illa consonat: *Domine probasti me, & cognouisti me: tu cognouisti sessionem meam & resurrectionem meam*. Deinde iustitiæ diuinæ congruebat illum qui summus erat, seque infra cunctos alios abiecerat, gloria & honore circundari, & super omnia in resurrectione exaltari, ita vt maximam in cruce deiectionem, & Filij Dei exinanitionem, sicut Paulus appellat, gradus honoris amplissimus comitaretur. Quocirca Christus ipse ita de se loquitur: *Ego sum primus & nouissimus: & uiuus, & fui mortuus: & ecce sum uiuens in secula seculorum, & habeo claves mortis & inferni*. Fuit & consentaneum, hoc modo naturæ humanæ succurri, quæ cū in primo parente scēdē lapsa esset, ob peccatum morti & Satanæ seruiebat, ac talem requirebat medicum, per quem & erigeretur, & in libertatē pristinam restitueretur. CHRISTVS igitur & traditus est propter delicta nostra, & resurrexit propter iustificationem nostram, sicut Apostolus prædicat: quia non solū morte sua nos à peccatis liberauit, sed resurgens etiā præcipua nobis bona restituit, quæ peccando amiseramus. Hinc iure suo Christus ipse per Prophetam hoc pronunciat: *De manu mortis liberabo eos*. Ac iterum: *Ego sum inquit, resurrectio & vita. Sicut enim in Adam omnes moriuntur, ita & in Christo omnes uiuificabuntur*, Apostolo teste. Præterea plurimū hūc confert istiusf.

Luc. 24.

Luc. 18.

Ionæ 2.

Matt. 12.

Iudic. 16.

Psalm. 3.

Psal. 138.

Philp. 2.

Apoc. 11.

Rom. 4.

Osee. 3.

Ioan. 11.

1. Cor. 15.



modi resurrectio, vt conseruetur & alatur in nobis fiducia ad hostes arcendos, periculaque cum corporis, tum animi superanda. Cur enim timeant membra sub tali Capite? quod peccatum, mortem, Satanam & infernum tam potenter quam gloriosè deuicit, sibi que fideles conformare decreuit, vt non solum contra inimicos animæ perfecti victores esse possint, sed qui etiam incomparabilem corporis gloriam, & claritatem perpetuam assequantur. Rectè igitur à Gregorio dictum est: In se exhibuit caput nostrum, quod nos eius membra tandem in nobis complendum esse sperare debemus. Etenim si *Christus resurrexit. & nos resurgemus*, iuxta illam promissionem: *Ego claritatem quam dedisti mihi, dedi eis*. De hac autem pluribus postea.

*Quibus indiçijs Christi resurrectio confirmatur?*

1. Cor. 15.  
Ioan. 17.

Act. 1.

Testatur Lucas, Christum post passionem suam in terris quadraginta dies cum suis mansisse discipulis, & multis quidem argumentis se viuum illis præbuisse, haud dubiè vt resurrectionis eius veritas, quæ naturæ legem omnem excedit, & ipsis etiam Apostolis creditu difficilis fuit, facilius ac certius comprobaretur. Qua ratione factum est, vt idem Dominus in manibus pedibusque cruci affixus, & in lacere lancea perfoctus, illorum vulnenum cicatrices ac notas, de quibus postea dicendum est, in resuscitato etiam corpore conseruaret, suisque discipulis conspiciendas præbuerit, omnem de spiritu vel phantasmate suspicionem eximens, suumque corpus non imaginarium, sed solidum esse planè confirmas. *Videte*, inquit, *manus meas & pedes meos, quia ego ipse sum*. Et quoniam vulnerati lateris plagâ seruauit apertam, & eandem discipulis coram ostendit, sic Thomam affatur: *Affer manum tuam, & mitte in latus meum*. Siquidem illi sat fore visum non est, si quas diximus corporis partes (manus, pedes & latus) videndas proponeret, nisi eandem & discipulorum manibus cōrectandas exhiberet. *Palpate*

Luc. 24.

Ioan. 20.

ait,

ait, & videte, quia spiritus carnem & ossa non habet, sicut me  
 videtis habere. Adhuc communem cum discipulis mensam  
 tenere, & cibum quoque sumere non est dedignatus, sicut  
 princeps Apostolorum in domo Cornelij confirmavit. Rur-  
 sus ex Ioanne intelligimus, Christum in discipulos insufflas-  
 se, & corporeo flatu, qui non nisi viuentis est, naturam resur-  
 gentis integram declarauisse. Illud est magnificētius, quod  
 veram & perfectam resurrectionem non solum ipse in suo  
 corpore rediuiuo, sed in alijs etiam multis ad vitam excita-  
 tis confirmauerit, cum Matthæus apertè scribat: *Multa cor-  
 pora Sanctorum qui dormierant surrexerunt, & exeuntes de  
 monumentis post resurrectionem eius, venerunt in sanctam ci-  
 uitatem: & apparuerunt multis.* Quid quod Apostolus Pau-  
 lus palam affirmat, Christum post resurrectionem visum  
 esse Cephæ, & post hoc vndecim, deinde plus quam quin-  
 gentis fratribus simul? vt omittamus interim quæ per Do-  
 minum resurgentem miracula contigerint, de quibus Io-  
 annes hoc prodidit: *Multa quidem & alia signa fecit Iesus in  
 conspectu discipulorum suorum, qua non sunt scripta in libro  
 hoc.* Qua de re plura si quis legere volet, scribit Ignatius, vt  
 veram & perfectam Christi adstruat resurrectionē. Qui vt  
 suam erga nos bonitatem ac sapientiā eximiam declararet,  
 & cōmuni mortalium imbecillitati prospiceret, grauissimū  
 fidei articulum, eumque difficillimum, qui nō parū ipsas  
 fidei nostræ columnas Apostolos initio torsit, tot modis as-  
 seruit atque stabiliiuit, vt contra Iudæos, Gentes, hæreticos  
 adeoque aduersus ipsam humanæ mentis infirmitatem,  
 carnis resurrectionem & in ipso Capite præteritam, & in  
 membris mortuisq; omnibus futuram, cuncti merito cre-  
 dant, & certissimè profiteantur. Cætera quæ huc spectant,  
 longius persequi non attinet, quoniam illa cum  
 lectionibus Euangelicis sequentibus,  
 earumque rotis facillè con-  
 iungentur.

Luc. 24.

Actor. 10.  
Ioan. 20.

Matt. 27.

1. Cor. 15.

Ioan. 20.

In epist. ad  
Smyrnenf.



IN FES TO SAN-  
CTISSIMO PASCHATIS,  
SEV DOMINICÆ RESVR-  
RECTIONIS.

*Sequentis Euangelij Argumentum.*

**T**Ractat Euangelium de pijs matronis, iam antea Christi  
amori & obsequio deditis, nunc verò, id est, Paschali &  
Dominico die, ad mortuum eius corpus honorificè in se-  
pulcro curandum & vngendum accedentibus. His Angelus  
sepulcri lapidem ingentem amolitur, ac velut iuuenis, in  
ipso sepulcro cum fulgenti veste sedens, vel stola candida  
coopertus, easdem blandè consolatur, factamque Domini  
resurrectionem primùm illis denunciat. Monet præterea,  
ut lætum eiusmodi nuncium ad Petrum & cæteros discipu-  
los mortem Domini nuntiantes perferant, foreque promit-  
tit, ut omnes illi suum Dominum & Magistrum in Galilæa  
coram ipsestent. His tribus Marijs, ut vulgus illas vocat, Dei-  
para virgo non est annumeranda, cui Christus rediuiuus iam  
antè, uti dicemus, seorsim apparuerat, & quæ in fide utique  
perfectior cognoscebat, hoc filij sui corpus vnguento Di-  
uinitatis delibutum, quam diu in sepulcro maneret, nullis  
indigere atomatibus, ut à corruptione præseruaretur. Lau-  
dem tamen & priores illæ promerentur, quoniam, ut Cy-  
priani verbis utar, primæ viderunt & cognouerunt, quæ ar-  
dentius dilexerunt, quæ deuotius quaesierunt: illæ sermo-  
cinatæ cum Christo, certificatæ quod ipse esset qui à mor-  
tuis resurrexisset, nunciant Petro & cæteris, quod Christus  
resurgens à mortuis, iam non moritur.] Atque ut minus

admiremur,

Serm. de re-  
surrection.  
Christi.

admiremur, Christo vt mortis Principi rediuiuum corpus restitui, cum Bernardo & alijs Theologis confitendum est, hanc Christi propriam, & nulli mortuorum communicatam vnquam fuisse gratiam, vt seipsum à morte resuscitaret, vereque diceret: Potestatem habeo ponendi & iterum summiendi animam meam. Neque sine ingenti miraculo contigit, corpus hoc perfecte integrum, totumq; gloriosum, sua vi per clausum sepulcrum penetrare, quemadmodū & cūm naceretur, è clauso Virginis matris utero in lucem prodijt, simulque post resurrectionem clausis ianuis ad suos discipulos, vt Ioannes ostendit, intrauit. Quibus de rebus, sicut & alijs ad mysterium Dominicæ Resurrectionis pertinētibus, nos deinceps plura dicemus. Hodie lætantur utique homines & Angeli, viui & mortui, cælum & terra, immd ad infernum utque pars lætitiæ gloriæque Paschalis descendit, quandoquidem Christo resurgente infernus apertus, renouatus mundus, & via ad cælum strata est. Hæc sunt festa Paschalia, in quibus verus ille Agnus celebratur occisus, cuius sanguine postes celebrantur, & à quo mortui ad vitam immortalem resuscitantur. Pascha quippe nostrum immolatus est Christus, qui mortem nostram moriendo destruxit, & vitam resurgendo reparauit, quandoquidem raptis funestæ mortis vinculis, aditum nobis patefecit ad patriam cælestem, è qua tot annorum millibus exulauit totum genus humanum.

Serm. in die  
sancto Pa-  
schæ.

Ioan. 10.

Ioan. 20.

Exod. 12.

1. Cor. 5.



## EIVSDEM FESTI EVAN-

gelium. Marci xvi.

**I**n illo tempore. Maria Magdalene  
& Maria Iacobi, & Salome emerunt  
aromata, vt venientes ungerent JE-  
SVM. Et valdè mane una sabbatorū, veniunt

Hb 3 ad


ad monumentum, orto iam sole: & dicebant ad inuicem, *Quis reuoluet nobis lapidem ab ostio monumenti? Et respicientes viderunt reuolutum lapidē. Erat quippe magnus valdē. Et introeuntes in monumentum, viderunt iuuenem sedentem in dextris coopertū stola candida: & obstupuerunt. Qui dixit illis, Nolite expauescere: JESVM queritis Nazarenum, crucifixum: Surrexit, nō est hic. Ecce locus ubi posuerunt eum. Sed ite, dicite discipulis eius & Petro, quia precedet vos in Galilaam: ibi eum videbitis, sicut dixit vobis.*



NOTÆ MEDITATIONVM ET  
PRECATIONVM CIRCA EVAN-

GELIVM ET OCTAVAM

festi Paschalis vniuersam.



I.

*Hec dies quam fecit Dominus: exultemus  
& latemur in ea. Psalm. CXVII.*



VM nouo & ardenti studio, nec sine lætitia quadam, hunc diem sacrosanctum celebrabo, quem admodum Propheta Dei spiritu plenus verbis su-

periori-



perioribus fideles omnes hortatur. Ac primum cœlesti æternoq; Patri non modò cum credentibus in hac vita, sed etiam cum cœlitibus omnibus ac triumphante Ecclesia ingentes gratias agere par est, quandoquidem dilectum Filium suum, eiusq; sanctam humanitatem si antehac unquam, nunc vel maximè clarificauit. Impletum est enim quod idem Christus ante mortem fuerat precatus: *Pater clarifica filium tuum, ut Filius tuus clarificet te*. Etenim Pater illum clarificauit, quem in mortem crucis traditum, & in monumento nouo sepultum, tertio die summo mane à mortuis resuscitauit, ita vt beata Domini nostri anima non sine ineffabili gaudio rursus cum corpore mortuo coniungeretur: membraque eius omnia inæstimabili honore & perfecta gloria complerentur, Christusque incomparabili dono immortalitatis amplissimè dotaretur. Hoc enim est, quod idem Christus Patrem suum alloquens, longè antè per Prophetā prædixerat, sicut & Petrus Apostolus ea verba est interpretatus: *Caro mea, inquit, requiescet in spe, quoniam non derelinques animam meam in inferno: nec dabis Sanctum tuum videre corruptionem. Notas mihi fecisti vias vitæ: adimplebis me lætitiis cum vultu tuo: vel sicut in Actis legimus: Replebis me in iucunditate cum facie tua. His conformat idem Princeps Apostolorum affirmans: Hunc IESVM resuscitauit Deus, cuius omnes nos testes sumus.*

Sed & Christo ipsi velut augustissimo Principi, ac supremo Monarchæ, inmodò & præpotenti Deo, qui clauis habet mortis ac inferni, quas possum gratias agam maximas, quòd suo promissio iam pridem per Dauidem factò abundè responderit: *Ego, inquit, dormiui & soporatus sum, & exurrexi. Vnde & illa resurgentis aperta vox extat: Data est mihi omnis potestas in cælo & in terra.* Etenim vt naturam diuinam nulli communicabilem, & ipsius propriam declararet, suapte virtute corpus illud excarnificatum, quod in sepulcro iacebat exanime, à morte ad vitam reuocauit, simulque gloriosum & immortale reddidit, dignus planè

Ioan. 16.

Psal. 15.

Act. 2.

Act. 2.

Act. 2. &amp; 3.

Apoc. 1.

Psal. 3.

Matt. 28.



Coloss. 1.  
Apoc. 1.

1. Cor. 15.

Rom. 6.

Act. 1. & 2.  
Rom. 1.  
1. Cor. 15.  
1. Pet. 1.

1. Cor. 15.

Matt. 27.

In Serm. de  
resurrect.  
Domini.

qui solus ex omnibus qui vnquam post mortem reuixerūt, primogenitus mortuorum & primitiæ dormientiū appelleretur. Primum siquidem locum inter mortuos obtinet, qui omni rursus moriendi necessitate liberatus, ad vitam immortalē resurrexit, ac alios omnes mortuos excitare constituit. Vt hinc etiam Paulus clarè pronunciet: *Christus resurrexit à mortuis, primitiæ dormientiū: quoniam quidem per hominem mors: & per hominem resurrectio mortuorum. Et sicut in Adam omnes moriuntur: ita & in Christo omnes viuificabuntur.* Ac rursus alio loco: *Christus resurgens ex mortuis, iam non moritur: mors illi ultra non dominabitur.*

Quam Christi Domini resurrectionem, vt altissimum ac maximum fidei nostræ mysterium ego tanto promptiore atque ardentiore complectar animo, quanto illud Apostoli delecti in hoc à Deo testes crebrius inculcant, quantoque euidentius per illud Christus sese declarat verum ac æternum Dei filium, qui solus de morte & Satana talem triumphum reportauit, vt cuncti iure cum Paulo dicamus legitimè: *Deo Gratias, qui dedit nobis victoriam, per Dominum nostrum Iesum Christum.* Cæterum de corporali simul & spiritali resurrectione Christi & nostra commodius postea differemus. Erit interim mihi valdè gratum ac ratum vetus institutum, quo iam pridem sancitum habemus, vt hic dies verè Dominicus, longèque sanctissimus religione maxima transigatur, ac festis alijs omnibus in vniuersa Ecclesia præponatur. Etenim eo die Imperator noster ab inferis adscendit, ac simul diem lucis effecit, in quo cæcitatibus tenebræ fugerent, vereque iustitiæ Sol splendidius, quàm antea vnquam, exoriretur, dum Victor ab inferis rediens, priscos patres tanquàm spiritalium siderum choros secum adduxit, ac non paucos suæ stupendæ Resurrectionis consortes effecit. Monet igitur Chrysostomus, omnes canere Alleluia, & pulsare citharam David Psaltis Regij hoc modo cantantis: *Hæc est dies quam fecit Dominus.*

Propter diei lætitiā inquit conuertamur ad Christi clementiam: triumphemus in Christo, qui nobis donauit misericordiæ medicinam.] Vbi Græco Chrysostomo latinum Cyprianū libet adiungere, vt singularis & eximij festi huius iam antè laudati solennitas plurium testimonio commendetur. Honorificatus est inquit, Christus resurgens à mortuis, victor mortis, spoliās inferos, & captiuos præmittens ad superos. Hucusq; per humilitatis gradus ascendens, modò gloria & honore coronatus, nil mortale, nil passibile retinens, impassibilitatis & immortalitatis donauit nos gloria, & resurgentes in beatitudine constituit sempiterna. Multa scribit & Maximus de sancta lætitia cum Paschate coniungenda. Lætetur inquit, in Christi resurrectionis die. Communis enim omnium, communis est nostra lætitia. Communis planè, quia omnes illo resurgente surreximus. Omnium enim reuixit saluti, qui pro omnium peccatis addictus est passioni.] Ac iterum: In Salvatore omnes surreximus, omnes reuiximus, omnes ad cœlestia transmigrauimus. Est enim in illo Christi homine vniuscuiusque nostrum carnis & sanguinis portio. Vbi ergò portio mea regnat, regnare me credo: vbi dominatur sanguis meus, me sentio dominari: vbi glorificatur caro mea, me gloriosum esse cognosco.] Demum Rupertus hoc ingens festum decenter ita prædicat: O verè festa dies, verè beata nox, nobilitas anni, mensis decus, arma dierum, splendor horarū, nox in qua desertus infernus, apertus est paradysus. Pascha Hebraice, Latinè dicitur transitus. Quis ergo transiuit? vnde & quò transiuit? Christus Dominus transiuit de hoc mundo ad Patrem, de morte ad vitam, de ignobilitate ad gloriam, de seruitutis regnum, de contumelijs ad honorem, de fluctibus seculi ad portum cœli, de medio latronum ad Patris consessum. Transiuimus & nos. Pascha enim nostrum Christus est, transitus noster immolatus est CHRISTVS. Transiuimus inquam, de tenebris ad lucem, de fætigatione ad requiem, de planctu ad canticum, de nu-

Serm. de  
resurrect.  
Christi.

Homel. 3.  
in festo  
Paschatis.

Lib. 6. de  
diuinis offi.  
cap. 26.

ditate ad tegumentum, de paupertate ad opulentiam, de reatu ad gratiam, de pœna ad gloriam.

Ea propter existimabo, illos nomine Christiano indignos verèq; lugendos esse, tanquam mortuos, quos nullus Paschalis lætitiæ sensus afficit, quiq; gustum non capiunt tam insignis ac potentis triumphi à Christo post labores ac dolores maximos meritò reportati. Is paulo antè inter nefarios latrones damnatus, crucifixus ac mortuus, ita nunc caput augustum erigit, vt Dominus virtutum, rex gloriæ ac leo de tribu Iuda non minus ab Angelis quàm ab hominibus perpetuò salutetur. Triumphârunt olim de suis hostibus Alexander Magnus, Iulius Cæsar, multiq; Romani heroes, sed quorum nullus vel ymbra victoriæ à Christo partæ assequi potuit: quia hic solus mortem, dæmonem & inferos, vt nihil de alijs ab illo sùbactis hostibus dicam, fortissimè superavit, & quod est admirabilius, suis etiam ministris potestatem eam tribuit, vt eosdem aduersarios, quibus nihil est formidabilius, debellare, sibiq; subijcere & conculcare possint. Hic dies est ille tertius, quo ex medijs fluctibus maris Ionas prodit, & Christus noster ex imis inferis, & per oclusum sepulchrum resurrexit, suamq; victoriam mortalibus annunciauit, & simul certos electos omnes reddidit, quod in anima & corpore lætè sint resurrecturi. Ergonè hunc ego diem reuerenter habeam, diemque proprium exultationis ducam, in quo totus præ lætitia exiliam, & iucundè cum Propheta decantem: *Cor meum & caro mea exultauerunt in Deum viuum? Vox enim exultationis & salutis in tabernaculis iustorum, nunc per omnes Hierusalem vicos cantantium Alleluia. Cur non plenus gaudio cum Isaia dixerim: Laudate cali, & exulta terra, iubilate montes laudem, quia consolatus est Dominus populum suum, & pauperum suorum miserebitur? Habeo sanè, cur vnà cum Angelis ipsis admirabundus exclamem: Attollite portas principes vestras, & eleuamini porta aternales, & introibit Rex gloria. Quis est iste Rex gloria? Dominus virtutum ipse*

*est Rex*

Psal. 13.  
Apoc. 5.

Ion. 2.

Psal. 83.  
Psal. 117.  
Tobi. 13.

Isai. 49.

Psal. 23.

*est Rex gloria.* Quid multis? neque Christi capitis, neque corporis eius Ecclesie viuum dici membrum potest, qui communi-sanctoque piorum omnium gaudio destitutus, & in sordidis mundi carnisque rebus detentus, hodie exhilaratus, hodieque in Christo rediuuiuo non lætè gloriatur. Tanto magis concinamus & recinamus omnes veteris & presentis Ecclesie probatissimum canticum:

*Salue festa dies toto venerabilis aeo,  
Qua Deus infernum vicit, & astra tenet.*

## II.

*Maria Magdalene & Maria Iacobi &  
Salome emerunt aromata.*

**D**E mulieribus ego nunquam contemptibiliter loquar, sed omnem foemineum sexum, ut potest summo Deo in paradiso conditum, tantò studio- Genes. 2.  
sius honorabo, quanto magis cum Christus die Paschae morte resurgens cohonestauit, ac reipsa praestitit, quod Apostolus pronunciat: *Quae stulti sunt mundi elegit Deus, ut confundat sapientes: & infirma mundi elegit Deus, ut confundat fortia.* Respexit hodie matrem suam Virginem, (foeminarum omnium decus incomparabile) cui se rediuuium, ut Ambrosius, Bernardus, Rupertus, alijque praeclari Theologi autumant, & rationi prorsus est consentaneum, vel primùm ostendit, cui & post summos animi compatiens exantlatos angores, resurrectionis suae gloriam festiuius haud dubiè communicauit. Respexit & Mariam Magdalenam, cui inter testes, ut vocant, praedeterminatos, post Matrem suam in primis secundum Marcum apparuit. Marc. 16.  
Respexit & socias huius Magdalene fidasque sectatrices, quarum laus extat apud omnes Euangelistas: his enim seorsim se videndum, immò & tangendum adorandumque in via prae- Matt. 28.  
buit. Eisdem sanctis mulieribus, quas multi Marias ab alijs

appellari



Luc. 24.

appellari diximus, de cœlo misit Angelum consolatorem (Lucas duos Angelos ponit) & in sepulchrali lapide moliendo adiutorem, qui nouum Euangelium de hac augusta resurrectione primus hominibus denunciaret. Respexit & Apostolos in summo mœrore versantes, ac Petrum maxime, quos per easdem mulieres resurrectionis suæ conscios initio reddidit. Quod si totam historiam passionis, mortis, sepulturæ & resurrectionis Dominicæ repetamus, fatendum est, easdem matronas viris omnibus fuisse constantiores, fideiores, religiosiores & erga suum ac nostrum Redemptorem in magnis etiam discriminibus magis officiosas. Fecit igitur illis magna qui potens est, vt primæ fierent resurrectionis Domini non solum auditrices, sed & post Angelum prædicatrices, natura quidem & sexu fragiles ac imbecilles, sed quarum sancta sollicitudo, operosaque charitas mirum in modum eluxit, vt vbi cunq; hoc de resurgente Domino Euangelium recitatur, celebris etiam illarum vigeat memoria, & in toto mundo recolatur, indeq; Paschale gaudium tum viris tum mulieribus credentibus in hunc vsq; diem quotannis augeatur.

Cant. 3.

Rom. 8.

Cuiuscemodi sanctæ sceminæ, fidæq; Christi Domini discipulæ, sectatrices ac amatrices, tantò mihi & bonis omnibus chariores esse debent, quantò constantius eidem Domino in vita & morte, immò & post mortem familiarius adhæserunt, vt ab eo diuelli non posse viderentur. *Fortis enim vt mors dilectio*, ipsaque morte nonnunquam fortior, Paulo ipso de se asseuerante: *Certus sum, quia neq; mors, neq; vita, neq; creatura alia poterit nos separare à charitate Dei, quæ est in Christo Iesu Domino nostro.* Hæ velut bonæ magistræ docent me non parcum, sed largum ac liberalem esse, vbi pecunia Christi amore in pios vsus conferenda est. Etenim Christum in terris Euangelizantem vltro de suis alabant facultatibus, siue vt Lucas ait, ministrabant, & ad Iesu demortui corpus vngendum aromata non vulgaria procurabant, secumq; ad monumentum nullo etiam adhor-

Luc. 8.

tatem ferebant. Nec dissimiles his fuere Ioseph ab Arimathæa & Nicodemus Phariseus, adeo non parcentes sumptibus, ut corpus Christi demortuum non solum in linteis ligare, sed etiam cum aromatibus in sepulchro condire voverint, ferentes mixturæ myrrhæ & aloes quasi libras centum, sicut Ioannes affirmat. Murmuret interim avarus Iudas cum suis affectis, quantum velit, & subdole queratur, immodicum omnem esse sumptum in Christi corpus magis quam in egenos à religiosa Magdalena ac istarum veluti duce, collatum. Ego secus cum Christo iudice sentiam, & istiusmodi mulierum Euangelicarum exemplum nobis imitandum putabo, nihil dubitans, bonum Deoque gratum opus esse, licet vna cum pueris ramos palmarum, vel simul cum paupere vidua pium donum attulero, unde cultus Dei, aut Ecclesiæ fabrica vel sustentatio aliqua ex parte promoueatur. *Si enim oculus tuus fuerit simplex, totum corpus tuum lucidum erit iuxta Christi sententiam.* Docent nos præterea, infractum retinere pectus in medijs periculis, ut maximè hostium terrores, minæ gladijque obijciantur. Si quidem istæ quamuis inermes & fragiles, armatos milites qui ad sepulchrum Dominicum aduigilabant, aliòsque feroces Iudæos, qui Christi familiam oderant, nequaquam extimuerunt, cum ad idem sepulchrum visendum properarent. Nam cœlestibus potius quam humanis præsidij nitar, ut confidenter in meis tentationibus cum Propheta cantem: *Dominus mihi adiutor: non timebo quid faciat mihi homo. In Deo faciemus virtutem: & ipse ad nihilum deducet inimicos nostros.* Rursus hæ mihi confirmant diuinum illud oraculum, *Ego diligentes me diligo*, & quod Psaltes non sine admiratione iusta cantauit: *Quam bonus Israël Deus his qui recto sunt corde?* Magnis enim prærogatiuis, ut diximus, ornat illas Christus, seque tantò blandior illis ostendit, quanto illæ maioribus officijs ipsum antea ex amore non ficto cohonestarant. Adeo verum est Apostoli dictum: *Sicut socij passionum estis, sic eritis & consolationis.* Qua ratione Prophe-

Ioan. 19.

Ioan. 19.

Matt. 26.

Ioan. 12.

Matt. 21.

Luc. 21.

Matt. 6.

Psalm. 117.  
& 107.

Prouer. 8.

Psalm. 72.

2. Cor. 1.



Psal. 93.

Psal. 36.

Habac. 2.

Genes. 23.

&amp; 30.

Acto. 8.

Eccle. 7.

In lib. de re  
gressu ani-  
marum ab-  
inferis.

Ioan. 19.

ta de seipso etiam testatus est: *Secundum multitudinem dolorum meorum in corde meo, consolationes tua latificauerunt animam meam.* Proinde cum adeò fidũ & suauem Dominum habeamus, qualẽ hæ mulieres expertæ sunt, etiam ad tempus angar in cruce, & amarum calicem bibam, tamen certa spe nitæ, & expectatione affuturæ mox consolationis meum fulciam animum, ac illud mihi quoque dictum arbitror *Expecta Dominũ, & custodi viam eius, & exaltabit te. Si moram fecerit, expecta illum: quia veniens veniet, & non tardabit.* Postremo non obscure commonstrant fidelibus conuenire studium curandi amicorum funera, quos Christiano luctu & pijs officijs prosequantur, quemadmodum cum laude fecerunt Abraham Patriarcha, filij Iacob, & qui Stephani lapidati corpus terræ mandârunt. Scriptum est enim: *Mortuo non prohibeas gratiam.* Qua de re alibi tempestiuus: tantum ex Hugone Etheriano, qui non ignobilis auctor est, sequentia subiiciam. Si sepulchra inquit, orationes, obsequia defunctis fieri magister noster Christus renueret, nequaquàm suum corpus mundo in exemplum exposuisset vniuerso. Ecce Ioseph & Nicodemus (idem de nostris Marijs est iudicium) multam insumpserunt pecuniam vt illud tantum à vermibus defenderetur.]

## III.

*Et valde mane vna Sabbatorum veniunt ad monumentum.*

Ioan. 10.

Luc. 24.

Marc. 16.

**M**EAM ergò segnitiam, pigritiam tarditatem, quæ in cultu Dei sæpè recurrit, cum harum mulierum vigilantia, alacritate & sedulitate haud immeritò comparabo. Etenim illæ non solis ortum expectant, neq; somno inerti vacant, sed Magdalepa quidem cum adhuc tenebræ essent, ad monumentum properat, & de alijs eius sodalibus Lucas asserit, quod valde diluculo, siue vt Mar-

cus habet,

cus habet, valde manè venerint ad monumentum. Igitur antelucem iter non omnino securum arripiunt, atque in ipso itinere sanguinarios Christi hostes, ac impios Domini sepulchri custodes negligūt potius quàm reformidant. Pratercā illis non erat satis, Christi Domini corpus à Iosepho & Nicodemo iam pretiosis & exquisitis aromatibus esse conditum, sed iuuat illas idem Corpus aliis non vulgaribus adhibitis vnguentis, non alienis, sed proprijs vngere manibus, nec horrore vllō mortui corporis, vt alijs contingere solet, in hoc officio se sinunt impediri. Tam ardens istarum in Christum erat affectus, quæ lacrymis haud dubiè & singultibus crebris, vt Cyprianus quoq; notauit mortem dilectissimi Domini deplorarunt, ac noctem illam vigilijs magis quàm somno tribuerunt. Nec minus interim ad feriandum rationem sabbati habuerunt, vt præcepto diuino satisfacerent, quia, vt Lucas asserit, sabbato secundum mandatum siluerunt. Dolebo igitur hos pios æstus & affectus, tantumque studium sanctè amantium mihi sapenmerò deesse, certoque proponam in animo, torporem, ocium, somnum, pigritiam, incuriam, & quicquid in amando Christo me impedit ac retardat, fortiter excutere, ac veteri homini ad laxiora procliui supra modum indulgere cauebo. Scio enim, quàm malè cesserit Apostolis nocturnæ orationis tempore dormientibus, vt idcirco Christus eos increpare dixerit: *Sic non potuistis vna hora vigilare mecum? Vigilate & orate, vt non intretis in tentationem.* Et Apostolicum præceptum illud exigit, *Vigilate, state in fide, vigiliter agite, & confortamini. Omnia vestra in charitate fiant.* Quod si bona conscientia testari non possum: *Media nocte surgebam ad confisendum tibi super iudicio iustificationis tuæ,* quemadmodum & CHRISTVS Dominus nocte vigilandi & sedulò precandi consuetudinem habuit, saltem illud mihi sum̃, vt cum Rege David verè confirmem: *In matutinis meditabor in te vtq; illud Isaiæ obseruem: Spiritu meo in precordiis meis de mane vigilabo ad te.* Frenim

Ioan. 20.

Serm. de resurrectione Christi.

Luc. 23.

Matt. 26.

Marc. 14.

2. Cor. 16.

Psalm. 118.

Luc. 6.

Ioan. 18.

Psalm. 26.

Isai. 26.

Eccle. 39.

In Hom. de  
militia Chri-  
stiana.

2. Cor. 10.

Galat. 5.

inter alia iusti officia id quoque postremum non est: *Cor suum tradet ad vigilandum diluculo ad Dominum qui fecit illum, & in conspectu Altissimi deprecabitur.* Atque ut præclare docet Chrysostomus, veros Christi milites decet, Angelicam vitam iuxta communionem vitæ Domini, & resurrectionem mortuorum vivere, quibus vigiliæ sint quàm somnus gratiores, qui que noctes pro diebus transigant, in hymnis excubias agentes, atque colloquia cum Deo crebriora traducentes, ita ut in carne ambulantes, sicut Apostolus loquitur, non secundum carnem militent. Etenim *qui Christi sunt, ut idem affirmat, carnem suam crucifixerunt cum vitis, passionibus & concupiscentiis.*

## IV.

*Quis reuoluet nobis lapidem à monumento? Et respicientes viderunt reuolutum lapidem.*



Secundum naturam & facultatem humanam fieri non poterat, ut saxum ingens, quo sepulcrum Domini vndique claudebatur, per hæc mulieres, ac ne per viros quidem tam facile amoueretur. Cœlesti autem & Angelica potestate factum est, ut non modò saxum illud dicto citius aperiretur, sed & illæ in monumentum Domini absque labore & difficultate, sicut optabant, ingrederentur, ac præsentibus illic duos Angelos, ut Lucas asserit, fulgenti veste amictos contemplerentur. Illustre hoc exemplum admonet, ne humanæ potentia & curiositati, exteriusque sensibus multum tribuam, ubi de sacrosanctis & arcanis fidei nostræ mysterijs percipiendis agitur, quantumvis caro & ratio, sed & mundus & heresis aduersentur, illudque opponere videantur: *Quomodo possunt hæc fieri?* Errauit prima & infortunata mater Eua, ab astuto illo serpente sedu-

Luc. 24.

Ioan. 3.  
Genes. 3.

cta, quo-

eta, quoniam prohibita arboris blando adfectui nimium indulgit, & in verbo Domini audito à sancta fidei simplicitate discessit Punivit & Angelus Gabriel patrem Ioannis Zachariam, quoniam humanam ratiocinationem sectari voluit, & ob decrepitam vxoris ætatem de promisso sibi filio dubitauit. Peccarunt itidem crassi Capharnaitæ, cum Christum de Eucharistia differentem audirent, remque tam diuinam sensu proprio metirentur: quoniam sensus carnalis, vt Cypriani verbis vtat ad intellectum tantæ profunditatis non penetrat, nisi fides accedat. Hinc & Christus quosdam è suis discipulis redarguit, quod suæ resurrectionis mysterium tot modis comprobatum, tam ægrè assenserentur, quia communi illorum ducerentur errore, qui secundum carnem iudicant, atque ab Abraham fide & obedientia procul absunt. Is enim fide confortatus, gloriam Deo dedit, *plenissimè sciens quia quacunq; promissit ille, potens est & facere.*

Proinde multis mihi modis procurandum est, vt in rebus arduis quæ captum humanum superant, carnisq; iudicium excedunt, ego Dei omnipotentiæ in virtute ac vigore fidei apprehendam, ac totus ex Dei verbo per Ecclesiam nobis reuelato pendeam. Gratiam enim Dei, qua nihil fortius, nihil præstantius est, humanæ naturæ tam inconstanti & fragili semper anteponam, neque mihi vel rationi, aut sensui, vel experientiæ (omnis enim homo mendax) sed cœlesti æternæque veritati Deo, qui nec falli potest, nec fallere, fidendum ac inhaerendum putabo, & in eius auctoritate irrefutabili conquiescam. Quod enim missus è cœlo Angelus pronúciauit, & Virgo sacrosancta credidit, id ego citra omne dubium retinebo, certissimèq; profitebor. *Non est impossibile apud Deum omne verbum.* Tum ex Euangelio planissimè patet, omnia esse possibilis credentibus, sperantibus, precantibus atque diligentibus. Alibi scriptum habemus: *Omne quod voluerit Deus, faciet: & sermo illius potestate plenus est: nec dicere ei quisquam potest: Quare ita facis?*

Luc. 1.

Ioan. 6.

Serm. de  
cœna Do-  
mini.

Marc. 16.

Roman. 4.

Psalm. 115.

Luc. 1.

Marc. 9.

Roman. 5.

Ioã. 16. &amp; 14.

Sapient. 8.

Homel. 26.  
in Euangel.

Prou. 3.  
Rom. 11.  
Isai. 5.

r. Timot. 3.  
Rom. 10.

Luc. 22.

Matt. 16.

Ioan. 14.

Matt. 28.

Ioan. 13.

Hebr. 13.

Serm. 20. de  
verbis Apo-  
stoli.

Missam ergo faciam omnem de diuinis mysterijs inquirendi curiositatem, & diuina iudicia eorumque rationem ac causam non peruestigabo, sed sancta fidei simplicitate contentus, vna cum Gregorio Magno dicam: Diuina operatio si ratione comprehendatur, non est admirabilis: nec fides habet meritum, cui humana ratio præbet experimentum.] Atque hic locum habent diuinæ sententiæ: *Ne in-nitaris prudentiæ tuæ. Ne sis sapiens apud te ipsum. Noli altum sapere, sed time. Væ qui sapientes estis in oculis vestris, & coram vobismetipsis prudentes.* Etenim corde creditur ad iustitiam, (in his nempe omnibus, quæ veritatis omnis columna, firmamentum & magistra Ecclesia nobis credenda proponit) ore autem confessio fit ad salutem, Apostolo teste. Hæc ipsa fide imbutus ego, quicquid Ecclesiæ hostes garriant, apertè profitebor, Christum Dominum ad inferos descēdisse, & ad suos discipulos per clausum sepulcrū & bo-seratas fores cū glorioso corpore penetrasse, vulnerumque cicatrices in carne sua retinuisse, à quo & septē sacramenta sint instituta, & qui Petri fidem non deficientem, Ecclesi-amque suam portis inferorum vsque robustiorem faciat, ac demum per Spiritum sanctum fideles suos veritatem omnem creditu necessarium doceat, & vsque confirmet. Eò-dem spectat quòd è mundo discessurus ille asseuerauit: *Ecce ego vobiscum sum omnibus diebus, vsq; ad consummationem seculi.* Ac iterum in extrema cœna: *Cum venerit ille Spiritus veritatis, docebit vos omnem veritatem. Iesus Christus heri & hodie: ipse & in secula.* Quid multis? Melior est fidelis ignorantia, vt ab Augustino traditur, quàm temeraria scientia.

V.

*Nolite expanescere: I E S V M queritis  
Nazarenum.*



I Euangelicam historiam, quæ Christi resurrectio-nem exponit, ritè considerem, certe multa & pre-clara sunt, quibus ad Paschale gaudium celebran-

dum ex-



dum excitet ac impellar. Etenim Angelus, qui mulieribus hodiè primum apparet, ac lætissimum Dominicæ resurrectionis adfert nuncium, florentem & æquè iucundam adolescentis ætatem præ se fert nec nisi stola candida seu veste fulgēti coopertus apparet, pauidas verò mulieres sermone blando recreat, omniq; metu soluit. Quid autem lætius & optabius, præterquàm de crucifixi & mortui Domini resurrectione nunciaret? nec solùm hoc mulieribus, sed & peccatoribus iubet reuelari, nè Petro quidem excepto, qui crebrius ac fœdius reliquis discipulis magistrum suum paulò antè abnegarat. Iam vero si mulieres ipsas nobis proponamus, hæc gaudio plena, de sepulcro alacriter currunt, ac eiusmodi nuncium in summo mœrore constitutis discipulis exponunt, iubentque bono illos esse animo, quoniam communis ipsorum magister, quem ipsi mortuum deplorant, viuat immortalis. Dicit porrò non potest, quantus gaudiorum cumulus accesserit, quum discipuli Christum ipsum viuum adipicerent, eumque in cœna Hierosolymitana præsentem & colloquentem & conuescentem haberent, qui commune & incredibile illorum gaudium verbis & signis magis ac magis auget. Frequenter enim & familiariter eos Christus inuilit, suumque excellentem erga illos amorem per dies quadraginta modis varijs declarauit, vt futuri orbis magistri, & Ecclesiæ architecti mysteria regni Dei rectius intelligerent, & in vera fide atque doctrina sese & llios solidè corroborarent.

Quæ omnia mihi ac pijs omnibus iustam præbent causam, vt hoc tempore præceptum illud Apostolicum obseruemus, quo dictum est: *Gaudete in Domino semper, iterum dico gaudete.* Cum hoc gaudio coniugam congratulationem quæ ad Christum ipsum, ad piiscos Patres, ad electos discipulos, atque ad totam demum Ecclesiam recta dirigatur. Cur enim Christo in prælio maximo tam potenter pugnandi, tam gloriôsè vincenti non gratuler, cui & multa elementa iam lætius quodammodò congratulando ser-

Marc. 16.

Matth. 82.

Luc. 24.

Marc. 16.

Ioan. 20.

Acto. 1.

Philip. 4.

*pugnandi,*



Luc. II.

Ioan. 17.

Ioan. 17.

Ioan. 16

Inquit

uiunt, quòd primus & solus ille de mundi principe verè forti armato, & simul de inferni carcere, mortisque aculeo & imperio admirabiliter, vt nemo vnquàm aliàs, triumphauit? Is paulo ante mortē precatus fuerat, & exauditus est pro sua reuerētia *Pater inquit clarifica Filium tuū*. Etenim illius anima quæ toto passionis tēpore gaudio priuata, & ineffabili tristitia repleta fuerat, in hac resurrectione summū gaudium & incomprehensibilem gloriam assequuta est: eamq; claritatem etiam alijs, præsertim in limbo miserè versantibus, insigniter communicauit. Tum qui sensus & membra sua tormentis ac pœnis horrendis subiecerat, resurgendo corpus illud incomparabili honore gloriaque compleuit, sed & suis electis gloriosi corporis dotes impertiri constituit, quòd illorum perfectionem & gloriam siue in anima, siue in corpore, suam esse ducat, & in illis veluti membris se ipse caput maximè cupiat glorificari. Vnde moriturus pro illis Patrem orauit, simulque promisit: *Pater quos dedisti mihi, volo vt vbi sum ego, & illi sint mecum: vt videant claritatem meam quam dedisti mihi*.

Deinde cum spiritus charitatis fideles gaudere cum gaudentibus postulet, priscis gratulabor Patribus tam diuturno & acerbo limbi carcere conclusis, quòd ardentissimi voti sui tandem facti sint compotes, vt cū antea essent velut populus sedens in tenebris & vmbra mortis, nūc quia lucem illam mundi Christum apud inferos relucentem adspiciunt, se velut in paradiso versari putent, summamque Redemptoris consolationem cum perfecta libertate coniunctam percipiant. Nec minus electis & dilectis Domini discipulis gratulabor, quibus Pascha foelix præter expectationem omnem illuxit, vt ex mœstissimis ob magistri sui Resurrectionem auditam atque conspectam lætissimi omnes efficerentur. Efficax enim in illis fuit Christi promissio, qua sibi prædictum audierant: *Vos nunc quidem tristitiam habetis: iterum autem videbo vos, & gaudebit cor vestrum & gaudium vestrum nemo tollet à vobis*. Cur demū toti Ecclesiæ

non gra-

non gratuler<sup>?</sup> quæ capitis & sponsi sui resurrectionem non potest pro immenso thesauro non æstimare atq; complecti, & in illo veluti fonte maximorum bonorum ita se confirmat ac recreat, vt cum principe Apostolorum non sine voluptate summa in templis omnibus pronunciet: *Benedictus Deus, & Pater Domini nostri Iesu Christi, qui secundum misericordiam suam magnam regenerauit nos in spem vitam, per resurrectionem Iesu Christi ex mortuis*, vt cætera interim prætermittam. Cui resurrectioni Ecclesia fert acceptam victoriam electorum, qui ab æterna peccati morte liberati, nunc in nouitate vitæ ambulare, & post mortē corpoream velut ex somno excitati, vitam immortalem agere, & cum Christo Domino etiam secundum carnem regnare, atque ita filij resurrectionis esse perpetuò possunt. Pro quibus inenarrabilibus beneficijs, quæ ex hac ipsa nunquàm satis laudanda resurrectione proficiuntur, atq; tot millibus fidelium quotidie communicantur, sanctam ego lætitiā præ me feram, & per hanc octauam, si possim, hymnū vel canticum aliquod stans & gaudēs recitabo, vel breuiter saltem cum Paulo illud repetam: *Deo gratias, qui dedit nobis victoriam per Dominum nostrum Iesum Christum*. Alleluia.

1. Pet. 1.

Luc. 10.

1. Cor. 15.

## VI.

*De Christi resurrectione ad futuram electorū resurrectionem applicanda.*

**S**T id quidem extra omnē controuersiam, Christi resurrectionem opus verè mirificum, sublime, diuinum, adeoque resurrectionis nostræ causam efficientem & exemplarem esse, & quod in illo ceu capite resurgente præcessit, velut figuram & prototypum eius existere, quod in viuīs eius membris post mundi finem secundum carnem resurgeturis certissimè subsequetur. Id quod Apostolus verbis planissimis semel ac iterum confirmauit. *Scientes, inquit, quoniam qui suscitauit Iesum, & nos cum Iesu*

1. Cor. 4.

- i. Theſſ. 4. *ſuſcitabit, & conſtituet vobiscum. Ac rursus: Si credimus quod*  
 i. Cor. 15. *IESVS mortuus est & resurrexit, ita & Deus eos qui dormie-*  
 i. Cor. 15. *runt, per Iesum adducet cum eo. Sicut enim in Adam omnes*  
 i. Cor. 15. *moriuntur: ita & in Christo omnes vivificabuntur, unusquisque*  
 i. Cor. 15. *autem in suo ordine, ut idem Paulus affirmat. Nec obicura*  
 i. Cor. 15. *est collatio, si aduertamus animum, quomodo membris*  
 i. Cor. 15. *cū Capite ipso pulchrè cōueniat in resurrectione. Vtrum-*  
 i. Cor. 15. *que summo cōstat miraculo, Christum per se resurgere, &*  
 i. Cor. 15. *mortuos audita in sepulchris voce Redemptoris ac Iudicis,*  
 i. Cor. 15. *ad vitam ipso iuvante protinus excitari. Christus carnem*  
 i. Cor. 15. *mortuam & sepultam recepit integrè: ita verò quisque re-*  
 i. Cor. 15. *suscitatus carne & cute sua quā nunc circumfert, & in mor-*  
 i. Cor. 15. *te ponet, circumdabitur, nihil ut desit vsquam corporis in-*  
 i. Cor. 15. *tegritati, quod ad illius veritatem, atque ad hominis decus*  
 i. Cor. 15. *& ornamentum posset desiderari. Resurrexit Dominus,*  
 i. Cor. 15. *ut dictum est, semel & subito, sed ætate florente. Eadem*  
 i. Cor. 15. *mortui cum Christo habebunt communia: semel in cor-*  
 i. Cor. 15. *pore, & in ictu oculi ad vitam resuscitandi, quādo in men-*  
 i. Cor. 15. *suram ætatis plenitudinis Christi suo occurrent Iudici. Ad*  
 i. Cor. 15. *immortalitatem resurrexit Dominus, & idcirco redituius*  
 i. Cor. 15. *impassibile corpus perpetuò ſervat. Ita & corruptibile hoc,*  
 i. Cor. 15. *in quo nunc vivitur, induet immortalitatem, neque mor-*  
 i. Cor. 15. *tis tantum, sed defectus & incommodi omnis expers vsquē*  
 i. Cor. 15. *permanebit, Resurrexit Dominus cum glorioso, claro, lu-*  
 i. Cor. 15. *cido corpore, licet hanc eximiam gloriam, quam nullus*  
 i. Cor. 15. *mortalium ferret ad spectus, coram suis discipulis pruden-*  
 i. Cor. 15. *ter occultarit. Ita sanctorum corpora tanquā Sol, in*  
 i. Cor. 15. *regno Patris eorum fulgebunt, & solari luce clariora, cor-*  
 i. Cor. 15. *pore claritatis Christi conformabuntur. Resurrexit ille cū*  
 i. Cor. 15. *dote quam vocant, agilitatis, ut facillimè & celerrimè in*  
 i. Cor. 15. *quamcunque partem moveri posset. Ad quem modum e-*  
 i. Cor. 15. *lecti tanta corporis virtute, & pernitate confirmabuntur*  
 i. Cor. 15. *ut sicut Isaias inquit, assumant pennas sicut aquile, currant-*  
 i. Cor. 15. *que & non laborent: ambulent & non deficient: ideòque*  
 i. Cor. 15. *sicut Paulus affirmat, in nubibus CHRISTO obuiam in*

aëra mirandum in modum rapientur. Resurrexit demum CHRISTVS cū subtili corpore, vt per clausum sepulcrum & obseratas ianuas sine mora non minus quàm Sol per fenestram vitream, atque adscendens ad Patrem, cœlos absque illorum incisione pertransiret. Nec erit dissimile in corporibus beatorū, quibus nihil obsistet, sed per uia erunt omnia ob incredibile penetrandi virtutem illo Pauli dicto significatam. *Seminatur inquit, corpus animale, & surget spirituale*, id est spiritui simile, quandoquidem instar spiritus, animæ dominio erit planè subditum, vt cœlorum quoque corpora penetret. Fiet igitur quod pulchrè Cyprianus de eiusmodi corpore glorioso scripsit, vt post resurrectionem non aggrauct animam, sed sit caro sine mole & pondere agilis & mobilis nullis clausa obstaculis, visu & auditu penetrans omnia & attingens, quocunq; voluerit sine impedimento discurrens.]

1. Cor. 15.

Serm. de  
resurrect.  
Christi.

Ex quibus omnibus abundè constat, Christum Dominum resurgentem non modò de sua, sed de nostra etiam iustorumque omnium resurrectione futura mortales omnes sapientissimè commonuisse. Illam ipsam ego, vt officio meo satisfaciam, ritè, frequenter ac sedulò meditabor, simulque tanto mortis victori & naturæ hmanæ restitutori gratias amplissimas agam, sicut & Petrus & Paulus Apostoli, vt antea meminimus, nobis agendas iustissimè censerunt. Hinc Præterea me aliosq; moerentes, ac ingrauiissimis etiam ærumnis positos consolabor, quemadmodum Iob afflictissimum & morti proximum fecisse constat. Etenim ad humanas imbecillitates ac ægritudines sustinendas nec minus ad mortis metum ac horrorem abjiciendum præsentissimum est antidotum, si cum eodem Iob fide ardens, illud mecum reputè & ex animo dicam: *Scio quòd Redtor meus uiuit, & in nouissimo die de terra surrecturus sum, & rursus circumdabor pelle mea, & in carne mea videbo Deum saluatorem meum. Quem visurus sum ego ipse, & oculi mei conspecturi sunt, & non alius: reposita est hæc spes mea in sinu meo,*

1. Petr. 1.

1. Cor. 15.

Iob. 19.

Rom. 8.

Quibus & illa Pauli sententia consonat: *Si spiritus eius qui suscitavit Iesum à mortuis, habitat in vobis: qui suscitavit Iesum Christum à mortuis, vivificabit & mortalia corpora vestra propter inhabitantem spiritum eius in vobis.* Ac iterum alibi: *Cum Christus apparuit, vita vestra, tunc & vos apparebitis cum ipso in gloria.*

Coloss. 3.

2. Cor. 5.

Rom 2.

1. Cor. 15.

1. Cor. 3.

Ioan. 17.

Galat. 6.

2. Cor. 1.

1. Cor. 7.

Daniel. 12.

Philip. 1.

2. Cor. 5.

Postremo hæc futuræ tum resurrectionis, tum immortalitatis memoria & expectatio acce mihi calcar addet, ut me vitamque omnem accuratè componam, nihilque prudens ac volens admittam, quod in illo ter felici beatorum statu iustum mihi pudorem, seramque pœnitentiam adferre possit. *Omnes enim nos manifestari oportet ante tribunal Christi, ut referat unusquisque propria corporis prout gessit, siue bonum siue malum.* Actum quidem ut nunquam aliàs, gloria & honor & pax omni bonum operanti rependatur, tunc stella à stella differet in claritate, tunc unusquisque propriam mercedem accipiet secundum suum laborem, Paulo Apostolo teste. Quid multis? diuinam Christi promissionem electis factam, qua nihil optabilius, impleri necesse est. *Volo, inquit, ut ubi ego sum, & illi sint mecum: ut videant claritatem meam quam dedisti mihi,* nimirum in resurrectione & ascensione. Erimus enim filij resurrectionis, capiti nostro CHRISTO conformes, & oppressa morte, subactisque hostibus omnibus, perfecta tum animæ, tum corporis beatitudine perfruemur, tantoque magis ac plenius, quanto nunc expressiora passionis Christi stigmata, in hoc corpore mortali quisque portavit. Etenim *sicut socij passionum estis, sic eritis & consolationis:* eritque tunc Christiana virgo qualibet vidua, & hæc honesta coniuge beator. *Qui autem docti fuerint, fulgebunt quasi splendor firmamentorum: & qui ad iustitiam erudiunt multos, quasi in perpetuas æternitates,* sicut Angelus apud Danielem affirmat. Ego interim cum Paulo etiam atque etiam desiderabo, vi anima mea corporis carcere liberata, in Christi regno priorem beatitudinem assequatur: sed & corpus suo tempore stola immorta-

litate



litatis foeliciter superueſtiatur, quando nimirum lacrima  
 omnis à iuſtorum oculis abſtergetur, nec vltra vox ſictus  
 & doloris, ſed laudis ac iubilationis duntaxat in Ieruſalem  
 perpetuò reſonabit.

Apoc. 21.

Eſai. 65.

## VII.

*Qua ratione Paſchameum celebrabo,  
 feſtiq; tam auguſti & celebris fructum  
 aſſequar ſalutare?*



DEI ET ſi nouo & auguſto Regi ab inferis & tu-  
 mulo reſurgenti, mortisq; ac hoſtium victori ad  
 ſuos redeunti, inter tot electorum millia & ipſe  
 inter extremos lata bundus occurrat: ſi præterea cum Ma-  
 rijs & Thoma, eiufdem maiestate in incomparabilem (*Da-  
 ta eſt enim mihi ait, omnis poteſtas in cælo & in terra*) reue-  
 renter agnoſcam, & ſupplex adorem; ſi in ſuper huic ex mor-  
 tuis Primogenito ſuper omnia exaltato, eidemq; viuor-  
 um & mortuorum dominatori, & iudici, me totum ſub-  
 miſſè commendem, ac velut mancipium addicam deuo-  
 tiſſimum. Hic etenim via mea, ſpes mea, reſurrectio mea:  
 in hoc IESV qui declaratus eſt filius DEI, & noua facit om-  
 nia, exultabo, nouumq; illud cantabo canticum cum his,  
 qui cum Leonem de tribu Iuda victorem in cœlis aſpexiſ-  
 ſent, in facies ſuas proſtrati, & vno ore pariq; cordis arden-  
 tis affectu incenſi, in has voces prorumpere non ceſſant:  
*Allelu- Ia quoniam regnauit Dominus Deus noſter omnipotens.  
 Gaudeamus & exulemus & deus gloriam ei: quia viderunt  
 nuptia Agni, & vxor eius præparabit ſe.* Ad hæc illum ve-  
 lut ipſonſum anime mee brachijs ac obuijs vlnis amplectar,  
 qui vnus vitæ & ſalutis meæ author atq; conſeruator eſt,  
 qui me regni ſui gloriæq; ſuæ participem facit, qui non ſo-  
 lùm de anima, ſed etiam de carne mea glorificanda curam  
 gerit, fidiffimam, & cum de cœlo reuerſus apparuerit, me

Marc. 16.

Ioan. 20.

Matt. 28.

Coloſſ. 1.

Rom. 14.

Habac. 3.

Rom. 1.

Apoc. 21.

Apoc. 19.



1. Ioan. 3.

Rom. 6.

Col. 3.

Ephes. 4.

Rom. 6.

Col. 3.

Ephes. 5.

1. Cor. 5.

sibi prorsus similem efficere statuit. *Scimus enim, quoniam cum apparuerit, similes erimus: quoniam videbimus cum sicuti est*, ut Ioannes affirmat. Meum igitur Pascha erit, nouo ardeptique studio huic glorioso & immortalī adhærere Principi, illi perfecte colendo curam industriamq; omnem impendere, ac resurrectionem quandam spirituales duobus argumentis testatam reddere. Primum quidem, ut ad bene beateque viuendum voluntatem mihi firmam atq; constantem in vera tuear Ecclesia: deinde ut in iugi veteris hominis mortificandi cura studioque persistam. Huc enim planè spectat, quod Paulus Christi resurrectionem ita commendat, ut simul renatos hortetur, sicut diximus, in nouitate vitæ ambulare, & eos qui in baptismo sacro spiritualiter cum Christo resurrexerunt, ea quæ sursum sunt quarere ac sapere, neque minus membra sua super terram mortificare, & veterem hominem cum suis actibus exoliare, seque ab omni vitiorum fermento incontaminatum seruare.

In Serm. de  
Paschate.

Rom. 4.

Luc. 2.

Ioan. 13.

Eoque magis infelicem illorum sortem deplorabo, qui ut sanctum Pascha, nouamque Resurrectionem profanè conspurcent, nullam vitæ nouitatem cum illo coniungunt, sed statim ad veterem peccandilicentiam redeunt, & qui paulò antè per poenitentiam Deo cœperant esse reconciliati, velut immundæ suæ, vix dum relictis vitiorum sordibus sese rursus iminergunt. Hos Bernardus amatores seculi, & crucis Christi inimicos appellat, quibus peccandi tempus facta sit resurrectio Saluatoris. Ex hoc nempe inquit, cōmessationes & ebrietates redeunt, cubilia & impudiciæ repetuntur, & laxantur concupiscentijs frena: quasi ad hoc surrexerit Christus, & non magis propter iustificationem nostram. Timendum valdè ait, ne dies ista (siquidem & ipsa posita est in ruinam & resurrectionem multorum in Israël) reprobet nos vel tanquàm manifestè alienos à Christo, Christo non cōmunicantes, vel tanquàm socios Iudæ, in quem intrauit Satanæ post bucellam. Igitur ut sa-

cro temporis & Ecclesiæ instituto satisfaciamus, Paulinum illud præceptum in Ecclesijs Catholicis decantatum obseruare par est: *Epulemur non in fermento veteri, neq. in fermento malitiæ & nequitia: sed in azymis sinceritatis & veritatis.* Celebrant Iudæi suum Pascha, quod iam antiquatum est, cum azymis, panibus, lactucis agrestibus, arreptis in manū baculis, & pedibus ad iter expeditis, atque sic asium igni agniculum festinanter manducant. Aliud Pascha Christianis conuenit, vt agnum Dei Christum ipsum edant infermentati, non solum propter nouam regenerationem in sacro baptismo perceptam, verum etiam ob Euangelicæ doctrinæ veritatem & sinceræ vitæ nouitatem assumptam, vt hoc argumento testentur, se spiritualiter cum Christo resuscitados, ac demum glorioso corpore cum eo ipso semper victuros esse. Bernardus de festo celebrando pulchrè sic differit: *Quicumque nouam quandam deuotionem & gaudium in Spiritu sancto ingreditur, nec tam compūgitur præteritorum recordatione peccatorū, quàm delectatur memoria & inflammatur æternorum desiderio præmiorum, is planè est qui cum Christo resurgit, qui Pascha celebrat, qui festinat in Galilæam.*

Quare maiorem in modum cauebo, nè vti plerisque autore Satana vsuuenit, his tam solennibus & lætis ferijs licenter abutar, ideoque non tantummodò fœlicem Christi & sanctorum, sed etiam infœlicem ac horrendam malorum resurrectionem, in animum mihi reuocare contendam. Etenim de his qui dormiunt in terræ puluere, sicut Daniel Propheta nos admonet, *alii in vitam æternam euigilabunt, alij in opprobrium*, siue vt Hilarius legit, *in confusionem resurgent, vt videant semper*, id est, non tantum afficientur opprobrio, sed illud etiam ipsi semper intuentes, incredibiliter cruciabuntur. Quod ipsum Christus hoc sermone confirmat: *Procedent qui bona fecerunt, in resurrectionem uitæ: qui verò malè egerunt, in resurrectionem iudicii.* hoc est, iudicio Dei æternis supplicijs deputabuntur. Vt

1. Cor. 5.

Exod. 12.

In Serm. de  
die sancto  
Paschat.Daniel, 12.  
In Psal. 52.

Ioan. 5.

hinc

I. Cor. 15.

Iob. 14.

Psal. 1.

Matt. 25.

Ioh. 11.

Cant. 1.

Luc. 17.

Philip. 1.

Apoc. 20.

Apoc. 21.

Isai. 65.

hunc Paulus etiam prudenter admonuerit: *Omnes quidem resurgetemus, sed non omnes immutabimur.* Boni quippe non tantum resurgent, sed etiam ad consequendam gloriam immutabuntur, ex quibus Iob beatę resurrectionis cupidus fidenter aiebat: *Exspecto donec veniat immutatio mea.* Et si verò resurgent etiam reprobi, futuri quoque immortales & incorrupti, tamen statu glorioso carebunt, & resurgent velut paleę leuissimę, non autem in concilio iustorum vel sanctorum Ecclesia, sed in cœtu cōdemnatorum, cum quibus ibunt in ignem æternum, qui paratus est diabolo & Angelis eius. Sed enim tu Domine IESU, qui es vita & resurrectio nostra, trahе me post te, vt vbi corpus tuum est, illic & ego cum Aquilis tuis congreger, ac tecū in gloria perpetuò viuam, quemadmodum Paulus etiam magnoperè desiderauit. Nulla mihi sit pars cum fidelibus & infidelibus malè viuentibus, peius morientibus, ac pessimè demum resurrecturis, vt secunda mors in illos habeat potestatem, illique gehēnæ inextinguibilis fomites & pabula, tum corpore, tum animo sine fine cum tetrīs dæmonibus excrucientur: *Pars enim illorum erit, sicut Ioannes asserit, in stagno ardenti, igne & sulphure, & secundum Isaiam præ dolore cordis, & præ contritione spiritus ululabunt.*

## DE PRECIBVS CVM PASCHALI FESTO CONIUNGENDIS.

II Pet. 1.

**P**RECANDVS est mihi DEVS, vt potens ac efficax resurrectionis Dominica fructus nō solum ad fideles, sed etiam ad infideles, totumq; orbem se porrigat, per quem, sicut Petrus Apostolus loquitur, in spem viuam & hereditatē incorruptibilem regenerentur, vt non modò Christum resurgentem videant & credant, sed credentes etiam exultent lætitia inenarrabili & glorificata, reportantes finem fidei salutem animarum.

IN VOCABO Christum Dominum, vt sicut olim lugentes

ac ploran-

ac plorantes discipulos per Angelos & Marias, immò & per seipsum plurimum est consolatus: ita singularem & Paschalem lætitiā illis impertiat, qui pace & consolatione tum spiritali, tum corporali ubiq; gentium indigent: nimirum ut marentes in Christo IESU crucifixo, mortuo & resuscitato respirent, nouumq; tam augusti festi fructum & effectum in se sentiant. Etenim ut primum Christus Dominus ab inferis rediēs triumphator, sese rediuiuū terris reddidit, hoc Paschatis die minime fuit ociosus, sed sui corporis resurrectionem, quæ summam omnibus presentibus consolationem adferebat, varijs in locis manifestauit, & noui velut solis immisso splendore, cunctorum oculos & animos mirabiliter pascere voluit & exhilarare.

ORABO in super Deum pro magna turba fidelium, qui presentis festo die, quem sanctificare maximè oportuit, indignis modis abutuntur, seq; Christo Domino ingratos, nec minus Ecclesia matri immorigeros exhibent. Nam Iudeorum instar, diuini timoris obliti, à cœlesti manna ad ollas carniū Aegyptiacas, id est, ad veterem carnalis vitæ licentiā, mundiq; vanitatem per hæc ferias cupidè prouolant, ut quod spiritu caperunt, carne consumment. Ego verò non amittam confidentiā, quæ non confundit, magnamq; habet remunerationem, & in illa rogabo Dominum ingemiscens, quòd huius tabernaculi dissolutio & corporis mei redemptio tam diu differatur: Scio enim cui credidi, & certus sum, quia potens est depositum meum seruare in illum diem, quo apparebit gloria Redemptoris, illumq; regem gloriæ cernent electi omnes in decore suo, ut in carne ipsa videant Deum, utq; pedibus eius omnia subiiciantur. Si enim Spiritus eius qui suscitauit Iesum à mortuis, habitat in vobis, (Paulinis verbis vtor) qui suscitauit Iesum Christū, viuificabit & immortalia corpora vestra propter inhabitantem spiritum eius in vobis. *Præclare scripsit hoc Martyr Polycarpus: Resuscitaturus est nos Deus ad vitam, si fecerimus voluntatem eius, & ambulauerimus in mandatis ipsius, & dilexerimus quæ & ipse dilexit, auocantes nos ab omni iniustitia.]*

Galar. 3.

Rom. 5.

Heb. 10.

Philip. 2.

2. Tim. 1.

Isai. 33.

1. Thess. 4.

in epist. ad  
Philippen.



# FERIA SECVN- DA PASCHAE.

## *Sequentis Euangelij Argumentum.*

**H**Oc Euangelio Lucas ostendit, Christum Dominum ipso Paschatis die suis discipulis frequenter apparuisse, nimirum ut eos de facta sui corporis resurrectione certiores redderet, atque ob mortem suam merentibus atque plangentibus singularem consolationem adferret. Apparuit igitur duobus illis in castellum Emaus ab Hierusalem profectis, quorum alter à Luca Cleophas, alter ab Ambrosio Ammon nuncupatur. Apparuit deinde undecim Apostolis in Ierusalem vesperi congregatis, ut Ioannes & Lucas exponunt, ac separatim etiam, nescio vbi, Apostolorum principi Petro se videndum præbuit, quem haud dubiè fuerit mirificè consolatus. De alijs apparitionibus mœstissime matri & amicis alijs eodem die factis iam antè meminimus. Præcipua verò historia, quâ hic tractat Lucas, ad illos duos pertinet discipulos, quos Christus peregrini forma suscepta, ut agnosci non posset, comitari & instruere, suisque sermonibus inflammare dignatus est. Illos ipsos velut in rebus fidei rudes obiurgat, his de resurrectionis suæ mysterio scripturas veteres aperit, & ab illis inuitatus ad mensam accedit, seque in fractione panis eisdem cognoscendum exhibet, ut ipsi deinde alios fidei suæ conscios è vestigio reddât. Id quod illi sedulò sanè præstât, qui post Christum agnitum statim relicta cœna, nocteque contenta Hierosolymam repetunt, & alijs discipulis, suisque fratribus lata denunciant. Et quia Lucas hic meminit de Emmaus, siue ut alij vocant, Emaunte, non omittemus adscribere, quod Sozomenus re-

In apologia  
David.  
Ioan. 20.  
Luc. 24.







**D**Vo ex discipulis ibant ipsa die in castellum quoderat in spatio stadiorum sexaginta ab Ierusalem, nomine Emmaus, & ipsi loquebantur ad inuicem de his omnibus quæ acciderant. Et factum est: dum fabularentur & secum quærerent, & ipse IESVS appropinquas ibat cum illis. oculi autem eorum tenebantur, ne eum agnoscerent. Et ait ad illos, Qui sunt hi sermones quos confertis ad inuicem ambulantes, & estis tristes? Et respondens unus cui nomen Cleophas, dixit ei, Tu solus peregrinus es in Ierusalem, & non cognouisti quæ facta sunt in illa his diebus? Quibus ille dixit, Quæ? Et dixerunt: De Iesu Nazareno, qui fuit vir Prophetæ, potens in opere & sermone coràm Deo & omni populo. Et quomodo eum tradiderunt summi sacerdotes & principes nostri in damnationem mortis, & crucifixerunt eum. Nos autem sperabamus, quia ipse esset redempturus Israël, & nunc super hæc omnia, tertia dies est hodie, quod hæc facta sunt. Sed & mulieres quadam ex nostris, terruerunt nos, quæ ante lucem fuerunt ad monumentum, & non inuento corpore eius, vene-

runt,

runt, dicentes sc etiam visionem Angelorum  
vidisse, qui dicunt eum viuere. Et abierunt  
quidam ex nostris ad monumentum: Et ita in-  
uenerunt sicut mulieres dixerunt, ipsum verò  
non inuenerunt. Et ipse dixit ad eos: O stulti Et  
tardi corde ad credendum in omnibus quæ lo-  
cuti sunt Propheta. Nonne hæc oportuit pati  
Christum Et ita intrare in gloriam suam? Et  
incipiens à Moyse Et omnibus Prophetis, inter-  
pretabatur illis in omnibus scripturis quæ de  
ipso erant. Et appropinquauerunt castello quò  
ibant: Et ipse se finxit longius ire. Et coegerunt  
illum dicentes, Mane nobiscum, quoniam ad-  
uesperascit, Et inclinata est iam dies. Et intra-  
uit cum illis. Et factum est, dum recumberet cum  
eis, accepit panem, Et benedixit Et fregit, Et por-  
rigebat illis. Et aperti sunt oculi eorum, Et cog-  
nouerunt eum: Et ipse euauit ex oculis eorum.  
Et dixerunt ad inuicem. Nonne cor nostrum  
ardens erat in nobis, dum loqueretur in via, Et  
aperiret nobis scripturas? Et surgentes eadem  
hora regressi sunt in Ierusalem: Et inuenerunt  
congregatos undecim, Et eos qui cum illis erant,  
dicentes. Quòd surrexit Dominus verè, Et ap-

*paruit Simoni, Et ipsi narrabant quæ gesta erant in via: & quomodo cognouerunt cum in fractione panis.*



NOTÆ MEDITATIONVM ET  
PRECATIONVM CIRCA IDEM

EVANGELIUM.

*De Iesu Nazareno, qui fuit vir Propheta  
potens in opere & sermone coram Deo  
& omni populo.*

Eccles. II.

**R**ECTE scriptum est à Sapiente, *Ante mortem nē laudes hominem quenquam.* Tantoque magis laudabo Christum Dominum à mortuis resurgentem, omnisque sanctæ resurrectionis authorem, cui & gratias ex animo agam, quòd in vita mortali tam præclare se gesserit, vt à morte laudem publicam & nunquam interituram ab omnibus toto orbe promereatur. Fuit vtrique, quemadmodum hi duo discipuli, quamuis in fide nōdum perfecti, asserunt, *Propheta potens in opere & sermone coram Deo & omni populo:* qualis nempe nec Moyſes, nec Helias, nec Helisæus, nec quisquam alius Propheta vnquam extitit, qui suum in docendo & agendo munus maiore cum fide, autoritate & potestate præstaret. Etsi enim certam firmamque fidem his commodare maximè debeam, quæ in sacris literis de Christo Dei & Mariæ filio prædicantur: tamen non adspernabor, sed libenter amplectar etiam aliorum testimonia, qui tametsi plena fide caruerunt, scripturis tamen sacris consentanea in medium adferunt, & Chri-

stianam

Itianam nobis comprobant veritatem. Ex hisce post Sibyl-  
 las non est postremus Iosephus, insignis olim apud Iudæos  
 Rabbinus, simulque scriptor Romanis percelebris habi-  
 tus, de Christo testimonium vnà cum veteribus Theolo-  
 gis recipiam & approbabo. Vocat is IESVM operum mira-  
 bilium effectore, & veræ doctrinæ magistrum, ad còq; Chri-  
 stum ipsum qui post infinita miracula, & crucis mortisque  
 perpeffionem tertio reuixerit die, quique multos tum Iu-  
 dæos tum Gentiles ad suam doctrinam perduxerit, & à quo  
 Gens peculiaris nomen suum fuerit mutuata. Cæterum  
 & huius Iosephi & præsentium duorum discipulorum con-  
 fessio plenior atque perfectior foret, si vna cum principe A-  
 postolorum agnoscerent ac faterentur, sicut Orthodoxis  
 omnibus firmissimè persuasum est, hunc IESVM non so-  
 lum à mortuis tertia die resurrexisse, sed etià præordinatis  
 à Deo testibus cum suo corpore apparuisse, simulque illum  
 viuorum ac mortuorum iudicem & vitæ autorem esse, cui  
 omnes quidem Prophetæ testimonium perhibent, & per  
 cuius nomen quotquot credunt in eum, remissionē accipi-  
 unt peccatorum.

AGAMIN super Christo gratias, quòd pro sua summa  
 benignitate se discipulis, licet infirmis ac increpatione di-  
 gnis adeò se comem ac familiarem peregrinum præbeat, il-  
 losque amanter comitari, verbisque blandis simul & aspe-  
 ris informare dignetur, donec illi perfectam ipsius agni-  
 tionem in Emmaus assequantur. Hoc enim officium ve-  
 ro Messiaë conuenit, calamum quassatum non conterere,  
 linum fumigans non extinguere, consolari lugentes, me-  
 deri contritis corde, & prædicare captiuis indulgentiam,  
 clausisque apertionem. Hic est qui clauem habens Dauid,  
 scripturas aperit, & germanum illarū sensum ignaris ac rudi-  
 bus explicat, & cum eo quidem fructu, vt ex incredulis verè  
 fideles, & ex frigidis ac torpidis ardentes ac perfectos E-  
 uangelij faciat professores. Idem se nobis peregrinum o-  
 stendit & exhibuit, quia per omnia debuit fratribus assimi-

Lib. 18. anti-  
 quitatū cap  
 4. & Sozo-  
 men lib. 1.  
 historiarū.

Act. 10. & 3.

Isai. 24.  
 Marth. 11.  
 Isai. 61.  
 Apoc. 3.

Hebræ. 2.

- lari, ut hunc etiam colonus & viator, hoc est, peregrinus à Propheta dicatur. Sic enim illum Ieremias affatur: *Quare quasi colonus futurus es in terra, & quasi viator declinans ad manendum? Quare futurus es velut vir vagus?* Sed audi hunc exultantem, & extremè pauperem peregrinum: *Vulpes inquit, foveas habent, & volucres calididos: filius autem hominis non habet, ubi caput suum reclinat.* Quid ergò mirum, nos qui Christi capitis membra sumus, taliq; peregrino & pastore suas errantes oues requirente maximè gloriamur, etià aduenas & peregrinos in sacris literis appellari? sicut & Rex præpotens David hac oratione testatur. *Peregrini sumus coram te (Domine) & aduenæ, sicut omnes Patres nostri. Dies nostri quasi umbra super terram, & nulla est mora.* Nec est dissimilis Iacob Patriarchæ confessio, qui de sua ætate rogatus, regi Pharaoni hoc modo respondit: *Dies peregrinationis vite mee centum triginta annorum sunt, parui & mali, & non perucnerunt usq; ad dies patrum meorum quibus peregrinati sunt.* Cùm sumus in corpore, peregrinamur à Domino, sicut Paulus affirmat, verèque peregrini ex hoc tristi exilio ad coelestem patriam habemus contendere, ut quilibet dicere debeat: *Advena ego sum apud te & peregrinus.* Cur ergò demens diuitias atque delicias amo? Quare mundi delector insanis cupiditatibus, variaque præsentis peregrinationis impedimenta consector, ut vel nunquam, vel tardè quidem patriam mihi promissam attingam? Non enim habemus hic manentem ciuitatem: sed futuram inquirimus. An frustrà monuit princeps Apostolorum? *Charissimi obsecro vos tanquàm aduenas & peregrinos, abstinere vos à carnalibus desiderijs, quæ militant aduersus animam.* Quotidie ad mortem proficiscor, nec meas tamen ædes instruo, & necessarium parare commeatum negligo, cùm interim scriptum esse sciam: *Ante linguorem adhibe medicinam, & ante iudicium interrogat te ipsum, & in conspectu Dei inuenies propitiationem.* Verè p̃ cum Paulo ad mortem expeditè peregrinantis est dicere.



*Quæ mihi fuerunt lucra, hac arbitratus sum propter Christum detrimenta. Omnia arbitror ut spercora, ut Christum lucrificiam: Desiderium habeo dissolui, & esse cum Christo. Mihi vivere Christus est & mori lucrum.*

Cæterum in hisce duobus discipulis cum primis notabo, quod cum Christum Dominum ignorarent, ac pro vulgari peregrino ducerent, se inde ab initio seuere admoneri ac liberè corripì sustinent. Nec propterea vel irascuntur, vel obstrepunt: quin potius monitori se dociles ac gratos exhibent, ipsumq; de resurrectione multa differentem non interpellant. Ita verò illi me docent, quod & Iacobus exigit, ut verbum Dei quod potest saluare animas nostras, in mansuetudine suscipiam, quemadmodum & Magdalena, cum sederet ad Dominicos pedes, Euangelium tranquillè & modestè percipit, suoq; infixit pectori. Vbi præterea moneor: quàm verè dixerit Salomō: *Virga atq; correctio tribuit sapiensiam, & plus proficit correctio apud prudentem, quàm centum plagæ apud stultum.* Facit Christus quod optimum Samaritanum decet, ut non modò lene oleum, sed etiam acre vinum vulneribus ægrotorum curandis infundat. *Meliora quippe sunt vulnera diligentis, quàm fraudulenta oscula odientis* teste Salomone. Sapiunt & discipuli, libera correctione Domini non offensi, sed ad illum magis ac magis amandum incensi, quemadmodum illis ipsi verbis ostendunt: *Nōne cor nostrum ardens erat in nobis, dum loqueretur in via, & aperiret nobis scripturas?* Dolebo igitur mecum agi perperam, quod cum electis Christi ouibus ex verbo Dei arguente ac terrente nō proficiam, sed in illo meras quæram delicias atque consolationes, idèòquè persæpè frigidus perseuerem, neque calorem aut feruorem vllum in me sentiam spiritualè, sicut isti sanè discipuli persenserunt. At verò docet Apostolus, Scripturam omnem diuinitus inspiratam non solum ad docendum, sed etiam ad arguendum & corrigendum valere. Et proprium est Spiritus sancti officium, mundum in nobis arguere, ac deinde consola-

Iaco. 1.

Luc. 10.

Prou. 29. 17-

Luc. 10.

Prou. 27-

2. Tim. 3.

Ioan. 16.



Tim. 5.

Isai. 30.

Isai. 3.

Psal. 38.

Psal. 72.

1. Cor. 6.

Marc. 16.

ri, idque non solum per se, sed etiam per organa sua, legitimos nempe doctores, facere solet, quando hi sic verbum Dei prædicant, ut ex præcepto Pauli peccantes coram omnibus arguantur, & cæcis improbis timor ac pudor iniiciatur. Væ igitur mundo præsentī, qui cum sit longè corruptissimus, & iram Dei maximam mereatur, nihil impensius quàm concionatorum blandiloquentiam ac dulcedinem quærit, suamque stultitiam & impietatem foveri, non autem detegi aut increpari sustinet. Vox enim illorum est propria: *Loquimini nobis placentia videte nobis errores.* Sed Propheta Isaias talibus meritò exprobrat: *Popule meus, qui te beatum dicunt, ipsi te decipiunt, & viam gressuum tuorum dissipant:* ac statim illis de futuro & tremendo Dei iudicio pergit concionari. Petam ego sæpe à Domino, ut fides mea de Christo mortuo & resuscitato in me non hæreat frigida, sed per charitatem, sicut in hæc discipulis, accendatur, adeoque in corde meo conualescat, ut tot tantisque Christi beneficijs quasi facibus ad diuinum amorem inflammer, utque in meditatione mea, sicut in mente Dauidis, spiritualis ignis magis ac magis inardescat. Ita enim & ipse dicere potero: *Quid mihi est in calo? & à te quis volui super terram? Defecit caro mea & cor meum: Deus cordis mei, & pars mea Deus in æternum. Alii adharere Deo bonum est. Qui autem adheret Domino, unus spiritus est,* ex Apostoli sententia.

*Osulti & tardi corde ad credendum in omnibus.*

ACRIS & vehemens est isthæc reprehensio duos discipulos verberans, qui circa fidem Dominicæ resurrectionis hærebant, nihilque certi eo tempore, quo veritas tanti mysterij nondum erat propalata, cõstituere poterant. Neque hos tantum, sed & alios discipulos grauiter sanè perstringit Dominus, quum iam iam cœlos petiturus, illis incredulitatem cordisque duritiam exprobrat, eò quòd alijs qui vi-

derant

derant eum resurrexisse, siue viris siue mulieribus, fidē non adhibuissent. Eādem libertate Paulus corripit, & insensatos siue stultos vocat Galaras, quod acceptam fidei Apostolicę doctrinam & normam deseruissent, seque in religione instabiles præstarent, nouis & falsis Euangelij doctoribus adhererentes. Quod si Christus tam durē sugillat discipulos in vno fidei articulo hallucinantes, tardiusque credentes, quanto minus idem hodie parceret, quantoque iustius succenseret omnibus, qui veterem, iam pridem promulgatam, receptam & probatam religionem cum noua sæpēq; damnata doctrina per summam leuitatem commutant, & apertis Ecclesię hostibus magis, quàm legitimis suis pastoribus fidunt, ea interim dogmata contemnētes, quę totius Ecclesię calculum tot sæculis metuerunt? O stulti & tardi corde ad credendum in omnibus, quę vestri maiores ab Apostolis & Apostolicis viris instituti, de Canonicis libris, de verbo Dei viua voce tradito, de libera hominis voluntate, de peccatorum iustificatione, de septem Ecclesię Sacramentis, de Sanctorum cultu, de præceptis ac traditionibus Ecclesię vnanimis crediderunt, totq; probatę synodi stabilierunt. Quę isthac incogitantia, temeritas ac perfidia est, vnā, sanctā, Catholicā & Apostolicā fidem fideique doctrinam prostituere, & pro ea recens natā, inauditam, sectariā & apostaticā religionē amplecti, quę subinde sicut luna mutatur, & infames habet authores, totq; seditiosis motibus ac nefandis sacrilegijs orbē vniuersum offendit? *A fructibus enim eorum cognoscetis eos. Vsq; quo igitur in duas partes claudicatis?*

Gal. 1. &amp; 3.

Matt. 7.  
3. Reg. 8.

Quocirca vicem illorum dolebo maximē, qui hoc seculo ad nouandam religionem tot modis adspirāt, ac velut paruuli sunt fluctuantes, vt Paulus appellat, omni nouitię doctrinę vento sese instar arundinis agitari sustinent, eoq; stultitię prolabantur, vt sectis nouis addicti, neq; scripturę sacrę testimonijs, neque concordibus Patrum sententijs, neque præclaris Dei miraculis, aut vllis rationem momen-

Ephes. 4.

tur, tanto diligentius mihi prospiciam, ut Christum futurum mox iudicem, quoniam ante ianuam assistit, amicum & fauentem habeam. Is autem verè fidelium precibus ex animo fufus, & officioſæ charitatis ſtudijs proximo ſyncerè declaratis, nulli non facilè conciliatur, atque his duobus velut vinculis (oratione & miſericordia) mirè adſtringitur ac ligatur, nihil ut homini negare poſſe videatur. Certe niſi Propheta Moyses oratione ſua quaſi manum ſupremo numini attuliſſet, & illi quodammodò vincula inieciſſet, non diuinum hoc accepiſſet reſponſum: *Dimittite me, ut traſceam, & furor meus contra eos, & deleam eos.* Nam & Regius Propheta confirmat, quòd Moyses electus Dei ſteterit in conuerſione in conſpectu eius, ut iram diuinam auerteret, nè diſperderentur Iſraëlitæ. Præterea niſi benignus & hoſpitalis Loth duos peregrinos, erant autem Angeli, apud Sodomum comiter excepiſſet, iuſtitiaſ titulum non mereretur, neque ſcriptura de illo aſſereret: *Compulit illos oppido ut diuerterent ad eum: ingreſſiſq; domum fecit conuiuium.* Ac iſtorum beneficio factum eſt, ut ipſe Loth poſtea potenter ereptus atque conſeruatus fuerit, neque cum Sodomitis impijs, ſimulq; ab omni humanitate, ut oſtendit Ezechiel, alienis, flamma ſulphureque conſumptus interierit. Proinde maiorem in modum curauero, ut hoſpitalitatis iuſtitiaſque Chriſtianæ certem officijs, quibus regnum ſuum quodammodò vendit Deus, ſequè à nobis cogi & expugnari latatur, quā nobis amicos facimus de mammona iniquitatis. Ac de oratione quidem ita præcipit Paulus: *Per omnem orationem & obſecrationem orantes omni tempore in ſpiritu: & in ipſo, vigilantes in omni inſtantia.* Miſericordiam verò ſatis illo dicto commendat: *Beneficentia & communionis nolite obliuiſci.* Talibus enim hoſtijs promeretur Deus. Ac iterum: *Charitas fraternitatis, inquit, maneat in vobis, & hoſpitalitatem nolite obliuiſci.* Cuius hoſpitalitatis & erga egenos beneficentiaſ laude cum alij multi, tum Martinus, Nicolaus, Paulinus & Gallicanus in Eccleſia egregiè ſlorue-

Exod. 32.

Pſal. 105.

Gen. 19.

2. Pet. 2.

Ezech. 16.

Luc. 16.

Ephes. 6.

Heb. 13.

Ibidem.

runt. Eoque magis mihi displicere habeo, quòd sicut in orationis usu, sic etiam in misericordiae operibus sim tepidior atque negligentior, nullam ut vim mihi aut Deo faciam cum tamen aeterna Veritas dixerit: *Regnum calorum vim patitur, & violenti rapiunt illud.*

Matth. 11.

Exod. 20.

Hebr. 2.

Jerem. 23.

Sunt & alia in hisce discipulis mihi non probanda solum, sed etiam, si sapiam, imitanda, praesertim ut festi dies à me ritè sanctificentur. Huc enim audire verbum Dei, quod illi quidem à Christo in via etiam traditum reuerenter exceperunt, & flagrantibus animis comprehenderunt. Vnde hortatur Paulus: *Propterea abundantius oportet observare nos ea quae audiimus, nè forte pereffluamus*, siue ut Chrysostomus interpretatur, pereamus. Quid enim verbo Dei & doctrina spiritus efficacius inuenitur? Deo ipso testante: *Nunquid non mea verba sunt quasi ignis, & quasi malleus conterens petras?* Adhuc isti nobis exemplo esse possunt, ut sacrum tempus nugis fabulisque vanis non teramus, sed in rebus grauib. tractandis, & in dictu audituque dignis colloquijs utiliter expendamus. Etenim de cruce morteque Domini non sine quadam tristitia colloquuntur, atque ita vetus piorum institutum comprobant, qui festos dies, sicut & peregrinationes religionis ergò susceptas, honestis & sacris condiunt colloquijs, ac potissimum de Redemptoris nostri mysterijs, alijsque sacris de rebus vel Sanctorum historijs libenter inter se conferunt, seque inuicem prouocant ad meliora. Hoc sanè ubi fit, Christus non inuitus, praestò est colloquentibus, illisque non modò suam praesentiam, sed gratiam quoque spirituales frequenter impertit, ut suum promissum compleat: *Vbi enim inquit, sunt duo vel tres congregati in nomine meo, ibi sum in medio eorum.* Et quemadmodum bonis pijsque colloquijs multa bona promouentur, & Charitas fraterna illudque Pauli praeceptum observatur: *Sermo vester in gratia sale sit conditus*: ita vicissim dici vix potest, quantam nocendi vim ac perniciem adferant verba impura, & improba, quibus honestae

Matt. 18.

Coloss. 4.

aures ac mentes inficiuntur quoniam iuxta Poëtæ Menandri senarium à Paulo citatum: *Corrumpunt bonos mores colloquia praua.* Tantòque diligentius rogabo Deum, vt quia linguæ difficillima est moderatio (*si quis enim in verbo non offendit, hic perfectus est vir*) verum & salutarem loquendi vsum ipse me doceat, vtque verba mea, de quibus rationem Christo iudicialiquando reddere debeo, ad diuinam ipsius gloriam & proximi commodum perpetuò referatur. Neq; verò mihi sat erit, festos dies verbum Dei audiendo, & sacris de rebus legendo aut colloquendo piè cohonestare, sed enitar etiam, vt mas ad Christum preces fundā religiosus, illumq; vt optimum & charissimum hospitem, ad meas ades pertrahā, vt mecum sit, ac mecum labore, vtq; cum hisce discipulis dicam: *Mane nobiscum Domine, quoniam adueperasceit.* Ea res mihi præbebit ansam de sanctissimi sacramenti communionem cogitandi, & festis diebus illam ipsam percipiendi, quando Christus ab hisce discipulis rogatus, mensam cum illis communem habere voluit, quibus & se ipsum in fractione panis patefecit, totumq; tribuit. Credā enim antiquis Theologis, vt Chrysostomo, Augustino, Theophylacto ac Bede, quorum iudicio Christus non communem, sed Eucharisticum, verèq; benedictū & cœlestem panem in Emmaus porrexit, ita & consentaneum sit, duos illos discipulos sub vna duntaxat specie panis sacramentum sumpsisse, simulque sacramenti percepisse virtutem, quoniam ad Christum verè cognoscendum in mente fuerunt illuminati. Nec dubium, hunc proprium Eucharistiæ sacrae fructum & effectum esse, vt ad cognitionem diuinorum, immò ad omnis quoq; gratiæ incrementum edentibus conferat, quemadmodum primi Christiani, cum quotidie hoc cœlesti pane vescerentur, spiritualibus bonis mirificè cumulati, re ipsa senserunt. De illis ita Lucas meminit: *Erant perseverantes in doctrina Apostolorum, & communi fractione panis & orationibus.* Magnā & ineffabile vim habet caro Christi, inquit hoc loco Theophilactus.

1. Cor. 15.

Iaco. 3.

Matt 12.

Sapient. 9.

Acto. 2.



Ioan. 6.

Ioan. 6.

In epist. ad  
Ephesios.Luc. II.  
Matt. 6.Distin. 2. de  
consecrat.  
cap. PeractaDe consec.  
dist. 2. can.  
Quotidie.

Proinde dispiciam & annitar, vt Christum Dominum & meipsum rectius agnoscam, ideoque vti frequenter & libenter, sic confidenter etiam ac reuerenter, præsertim in sacris ferijs, benedictum Eucharistiæ panem percipiam. Hic enim panis est de cœlo descendens, quem Christus velut ad mensam sedens, etiamnum sacerdotibus sub vtraque, & alijs sub vna specie in Ecclesia sua porrigit, atque id ipsum quod de sacramenti huius effectu promisit, dignè sumentibus efficaciter præstat. *Qui enim manducat hunc panem, viuet in æternum, in Christo manebit, & Christus in illo, ac resuscitabitur in nouissimo die.* De hoc sacramento vir planè Apostolicus Ignatius clarè pronunciat: Date operam, vt crebrius congregemini ad Eucharistiam & gloriam Dei. Quando enim sapius in idem loci conuenitis, labefactantur vires Satanæ, & ignita illius ad peccatum iacula irrita resiliunt. ] Præterea quod Christus precari nos docuit: *Panem nostrum quotidianū da nobis hodie*, siue vt Matthæus dixit: Panem supersubstantialem, vbi & græcus additur articulus, id veteres Theologi ad sanctum Eucharistiæ panem referunt, quemadmodum Cyprianus, Ambrosius, Hieronymus & Augustinus ostendunt. Tum ex Anacleti scriptis fit euident, fideles omnes, quoties olim quotidiano Missæ sacrificio interessent, sacram sumpsisse communionem. Magnam igitur operam adhibebo, nè animam meam hoc tam diuino quàm salutarì pane ciboque defraudem, certò persuasus, longè rectius ac laudabilius eos facere, qui peccatis lethalibus non grauati ex amore & fiducia diuinæ misericordiæ ad hunc vitæ panem Dominicis saltem diebus sumendum accedunt, sicut & Augustinus faciundum suadet, quàm qui ex timore, vel ob reuerentiam duntaxat ab illo abstinere, vel sibi alijsque abstinentum arbitrantur.

---

DE PRECIBVS CVM HOC  
EVANGELIO CONIUNGENDIS.

---



**P**RECANDVS est mihi DEVS, ut sancta hospitalitatis virtutem ac studium in multis, quorum nunc friget charitas, excitare dignetur. Eget enim vehementer Ecclesia eiusmodi beneficiis hominibus, qui instar Abraham & Loth, de peregrinis atq; pauperibus bene mereri gaudeant: quig, cum Abdia & Habacuc ministros Ecclesia suis sumptibus nutriant ac procehant. Tum Paulus eas commendat viduas, quae hospitio excipiunt exteros, & sanctorum pedes lauant, sed & tribulationem patientibus subministrant. Serium enim DEI preceptum est non minus Christianos quam Iudaos adstringens: Frange esurienti panem tuum, & egenos vagosque induc in domum tuam.

Genes. 18.  
& 19.

3. Reg. 18.  
Daniel. 14.  
1. Tim. 5.

Isai. 58.

**O**RABO itidem pro dubijs & errantibus in fide, ut diuinitus illustrati, seipsos agnoscant, & in viam regiam veritatis reuertantur. Quod fieri certè non potest, nisi Paulinam illam obseruent sententiam: Doctrinis varijs & peregrinis nolite abduci. Optimum est enim gratia stabilire cor.

Hebræ. 13.

**R**URSUS Deum inuocabo, ut Catholici in suis colloquiis minus offendant, magisq; studeant esse spirituales, neq; solum Dei verbum audire & legere contenti sint, sed & maiorem sibi gratiam comparent digna & frequenti Dominici corporis perceptione, praesertim quæ hodie à plurimis per summam socordiam negligitur, ac toto anno nè in festis quidem maioribus iteratur. Sic enim nos decet cum Augustino ratiocinari: Si Rahab meretrix salutem consequuta est cum omni domo sua, quia ducis à Deo missi exploratores semel excepit: quid ille consequetur, qui Deum intra mentis suæ domum frequenter ac deuotè receperit?

Serm. 18. secund.  
Lucâ  
Iosue. 2.



# FERIA TERTIA

PASCHAE.

*Sequentis Euangelij Argumentum.*

RECITAT

**R**ecitat Lucas apparitionem, qua Christus die Paschatis, cum Apostoli alijq; plures discipuli in Hierusalem vesperi conuenissent, corpus suum rediuuium euidenter ostendit, & cum illis vixit familiariter. Nec enim solum se illis videndum & contrectandum exhibuit, sed cum illis etiam in mensa edere ac bibere voluit, simulque sensus illorum obtusos ad Scripturas probe intelligendas aperuit & illustrauit, ac præterea verum suæ mortis & resurrectionis vsum & fructum in orbem longè lateque diffundendum explicauit. Præcipuè autem hic à Christo laboratur, vt subortam spiritus siue spectri suspicionem suorum animis eximat, ac indubitatam humani corporis sui veritatem astruat & cõfirmet. Etenim prouidebat æterna sapientia, plurimos de hac sua & aliorum mortuorum resurrectione contentiones maximas excitaturos, & humani captus tantam imbecillitatem esse nouerat, vt futuram carnis resurrectionem ægrè admodum sitis animis complecteretur. Vetumenimvero sicut in Adam omnes moriuntur, ita in Christo omnes viuificabuntur, Apostolo teste. Et sicut primitiæ mortis in Adâ, ita etiam primitiæ resurrectionis in Christo, vt scribit Ambrosius. Extat celebris ac probata historia de septè fratribus apud Ephesum olim dormiētibus, & inter sanctos habitis in Ecclesia, qui sæuiente in Christianos Decio Cæsare in speluncam seipsi abdiderunt, vbi tam forti longoq; somno latuerunt oppressi, vt ad ætatem Cæsaris Theodosij senioris vsque id est trecentis septuaginta duobus annis nō fuerint experrecti, & sani tamē ac integri omnes manserint conseruati. Cuius miraculi rumor ita commouit Cæsare Theodosium, vt ad illos inuisendos Ephesum venerit, remq; omnē ita se habere, sicut diximus, certò compcerit. Et quoniā de mortuorum resurrectione magna tunc cõtentio fuerat exorta, multi per hanc ipsam historiam in sana fide confirmabantur, Deo nimirum hoc velut antidotum illorum imbecillitati prouidente. Narrationē candem præter alios confirmat Euitatus, Simeon Metaphrastes, Nicephorus & Gregorius Turonensis. Cur verò dubitemus quæso de Christi potestate diuina, per quam aliquādo mortui velut è somno excitentur, & cum suis corporibus integris ad iudicium cõ-

1. Cor. 15.  
In oratione  
de fide re-  
surrect.

gregentur, si Christus idem Ephesijs dictis hoc contulit, ut illi tot annos velut noctem vnam dormiendo superarent, ac nullo interim detrimento corporum afficerentur? Quid multis? si Christus primitiæ dormientium non resurrexit, inanem Euangelij prædicationem, inanem & fidem Christianam esse Paulus aperte concludit.

1. Cor. 15.

EIVSDEM DIEI EVANGELIUM. Luc. xxiv.

**S** Tetit JESVS in medio discipulorū, & dixit eis: Pax vobis: Ego sum, nolite timere. Conturbati autem & conterriti, existimabant se spiritum videre. Et dixit eis: Quid turbati estis, & cogitationes ascendunt in corda vestra? Videte manus meas & pedes, quia ego ipse sum. Palpate & videte, quia spiritus carnem & ossa non habet, sicut me videtis habere. Et cum hoc dixisset, ostendit eis manus & pedes. Adhuc autem illis non credentibus & mirantibus præ gaudio dixit, Habetis hic aliquid quod manducetur? At illi obtulerunt ei partem piscis assi, & fauum mellis. Et cum manducassent coram eis: sumens reliquias dedit eis. Et dixit ad eos: Hæc sunt verba quæ locutus sum ad

vos,

*vos cum adhuc essem vobiscum: quoniam necesse est impleri omnia quæ scripta sunt in lege Moysi, & Prophetis, & Psalmis de me. Tunc aperuit illis sensum, ut intelligerent scripturas, & dixit eis: Quoniam sic scriptum est, & sic oportebat Christum pati & resurgere à mortuis tertia die, & predicari in nomine eius pœnitentiam & remissionem peccatorum in omnes Gentes.*



## NOTÆ MEDITATIONVM ET PRECATIONVM CIRCA EVAN-

G E L I V M.

*Pax vobis, ego sum, nolite timere.*

**M**Irabor ingentem Redemptoris mei bonitatem atque clementiam, qui ad maximum honoris gradum euectus, iamq; Rex gloriæ factus, omnis iniuriæ à discipulis suis acceptæ obliuiscitur. Nam cum nullo illorum exoptulat, cunctos in primo congressu amanter excipit, perinde ac si nihil in illum antè peccassent, nullamque ingratitudinis & inconstantia pœnam cōmeruissent. Et tamen hos malè sibi conscios ille tam blandè respicit, ac suauiter salutat omnes, neque modò suam pacem illis exoptat, sed & consolationem & gratiam offert singulis, ex animo condonans Petro & alijs grauem offensam, & quicquid veterem illam amicitiam poterat impedire, submouens. Quo minus admirandum putabo, quod Ioannes hūc

incredibilem Christi amorem extollens inquit, Christum cum dilexisset suos qui erant in mundo, in finē vsq; dilexisse, non sub mortē tantū scilicet, verū etiam post suam resurrectionem, quum ab humanis curis & affectionibus alienus planē factus poterat existimari. Tam seriō Christus illud seruat promissum, quo eosdem discipulos in eadem coena fuerat consolatus: *Pacem ait, relinquo vobis, pacem meam do vobis. Non quomodo mundus dat, ego do vobis.* Ac mundi quidem ingenium ac morem in illo pincernarum principe depictum cernimus, qui communem cum Ioseph carcerem tenens, suam illi fidem obstrinxerat, quod liberatus innocentis amici causam tuendam suscepturus esset. Is verō pristino gradui restitutus, sicut Ioseph prädixerat fore, omnem eius abiecit curam atq; memoriam, ac vix tandem veteris amici ac interpretis est recordatus. Vt enim blanda, sic & fucata & fallax, sæpē & pestilens est mundi huius amicitia, de qua idcirco dixit Iacobus Apostolus: *Quicumq; voluerit amicus esse seculi huius, inimicus Dei constituitur.* Est quippe mundus non dissimilis meretrici à Salomone descriptæ, quæ splendidè ornata, & ad capiendas animas multis modis instructa, blanda quidē & speciosa suis amatoribus pollicetur, vecordes autē & incautos suis illaqueat sermonibus, vt captos demum eos, perinde ac bouem qui ligatus ad macellum ducitur, ad inferos vsq; pertrahat atque perdat. Quocirca mihi commēdatum erit, quod idem Salomon subiicit ac præcipit: *Nē abstrahatur in viis illius (meretricis) mens tua, neq; decipiaris semitis eius.* Multos enim vulneratos deiecit, & fortissimi quiq; interfecti sunt ab ea. *Via inferi domus eius, vel sicuti postea tequitur: Qui applicabitur illi, descendens ad inferos: nam qui abscefferit ab ea, saluabitur.* Quam iustum igitur ac consultum fuerit, me fucato vanoq; mundo nuncium mittere, Christoq; seruire, qui non terrena nec caduca, sed spiritualia ac solida bona promittit simulq; præstat, nihil vt illo sit fidelius, qui nec fallit vnquā, nec fallitur. Ego, inquit, diligentes me diligo: & qui manē vi-

Ioan. 14.

Genel. 40.

Iacob. 4.

Prou. 7.

Prou. 9.

Prou. 8.

*gilant ad me, inuenient me. Mecum sunt diuitia & gloria, opes  
superbia & iustitia. Qui me inuenerit, inueniet & vitam, &  
hauriet salutem à Domino. Quod si Christus discipulis tam  
libenter ignoscit, seq; per humanum ingratis exhibet, mo-  
estos suauiter consolatur, ac veterem beneuolentiam om-  
nem etiam non rogatus vltro declarat, meritò certè pudo-  
re suffundor, cùm cogito, me in amando fratre tam frigi-  
dum, immò nonnunquam & amarulentum & morosum  
& asperum esse: quoniam secundùm charitatem non am-  
bulo, sed Apostolicum præceptum violo, quo sancitū est:  
Ephe. 4. & 5. *Ambulate in dilectione, sicut & Christus dilexit vos. Esote in-  
uicem benigni, misericordes, donantes inuicem, sicut & Deus  
in Christo donauit vobis.**

*Conturbati verò & contreriti, existima-  
bant se spiritum videre.*

Num. 22.

Daniel. 10.  
Lucæ. 1.

Natura sic comparatum est, vt bonorum malorum que  
spirituum apparitio non modò impios, sed & fideles, sicut  
Danielem & Zachariam Prophetas, maiorem in modum  
perturbet atq; terrefaciat. Quid quod Christi rediuiui con-  
spectus, cùm primùm ad suos à morte reuifendos venisset,  
spectantium discipulorum animis metum iniecit atq; sol-  
licitudinem, adeò vt ex Christi corpore spectrum & phan-  
tasma vellent constituere? Ego verò hanc communem ho-  
minum imbecillitatem atque fragilitatem agnoscens, pe-  
culiarem animi constantiam induam atque præstabo, quo-  
ties inopinati tristesque casus mihi se offerent inopinatò.  
Vbi me minero, sanctos etiam insolitis visionibus, quæ à spi-  
ritu bono ac maligno fiunt, turbari, has autem ea nota dis-  
cerni, quòd electi Angeli territos & pauefactos piorum a-  
nimos benignè consolentur, vt statim timor soluatur, ite-  
rumque quiescat, sicut Zachariæ & Mariæ contigit. Dæmo-  
nes autem cum apparent, horridius terrent, & supra mo-  
dum animos angunt, sicut Iulianus Apostata fuit expertus,  
teste Sozomeno. Quandocunque autem huiusmodi visio-

Luc. 1.

Lib. 5. Eccl.  
iust. c. 2.



nes vel apparitiones fiunt, in tali trepidatione nō ociabor, sed ad armaturam spiritualement confugiam iuxta illam Pauli regulam: *Accipite armaturam Dei, ut possitis resistere in die malo, & in omnibus perfectis stare.* Hæc tortis armatura & perfecta constitutio à me præstari non potest, nisi viua in primis fide meum pectus muniam, & fragilitatem humanam, quam in Daniele quoq; cernimus, ardenti precatione depellam. Igitur cum Propheta Moyse precabor: *Surge Domine, & dissipentur inimici tui, & fugiant qui oderunt te à facie tua.* Aequalis fiducia & precatio in Dauide fuit, quocum aduersus repentinos motus & terrores dixerim confidenter: *Dominus illuminatio mea & salus mea: quem timebo? Dominus protector vitæ meæ: à quo trepidabo? Dominus mihi adiutor, & ego despiciam inimicos meos.* Nec temerè quidem suos docuit Antonius Magnus, ut cū dæmones viderent, tam se quàm domos suas crucis armarent signaculo. Confestim inquit, soluentur in nihilum, quia metuūt illud trophæum, in quo saluator æreas expoliās potestates, eas fecit ostentui, quemadmodum ab *a* Athanasio scriptum est, & *b* Ignatius, *c* Cyrillus Hierosolymitanus, ac *d* Ephræm Basilij Diaconus comprobant.

Cæterum ut circa huiusmodi apparitiones minus ego fallar, (plurimi enim fraudibus & fallacijs dæmonum hinc decipiuntur) duo mihi obseruanda proponam: Alterum, ut siue mihi, siue alijs tales fiant apparitiones, non faciliè illis fidem adhibeam, nec meum de illis iudiciū præceps feram. *Qui enim citò credit, leuis est corde,* sicut dixit Ecclesiasticus. Vbi nimium credulæ ac simplices mulierculæ plurimum peccant, ac idcirco persæpè falluntur, sicut Euxæ improuidæ nimiumque curiosæ antiquus & astutus serpens imposuit ac illudit. Alterum est, ne nocturnas visiones & spirituum apparitiones eodem veluti pede metiar, sed ut prudenter potius discernam inter bonas & malas, inter veras & falsas huiusmodi apparitiones, iuxta illud Apostolicū dictum: *Charissimi nolite omni spiritui credere, sed probate*

Ephes. 6.

Daniel. 10.

Num. 10.

Psalm. 26.  
& 117.*a* In vita S.

Antonij.

*b* Ad Phil.*c* Cateche-

si. 4.

*d* De vera  
pœnitent.

Eccles. 19.

Genes. 3.

2. Cor. 11

1. Ioan. 4.

2. Cor. 11.  
Jerem. 23.  
& 14.

3. Reg. 22.  
Gencl. 37.  
& 40.

Matt. r. & 2.  
Acto. 12.  
& 27.  
2. Cor. 12.

Matt. 17.  
Luc. 9.

Matth. 27.

Ephes. 4.

*spiritus, si ex Deo sint.* Nouit enim & Satanas, vt Paulus asserit, ipseque rerum docet vsus, se in Angelum lucis transfigurare, nonnunquam & fascinare Prophetas, vt somnient mendacium, & seducant populum, Dei que verba peruertant. *Ero inquit, spiritus mendax in ore omnium Prophetarum Achab.* Neque tamen negari potest, Ioseph Patriarchæ, & Ioseph Christi nutricio, sicut & Magis Orientalibus, immò & sanctis Apostolis suas & legitimas apparitiones & reuelationes constituisse quæ non à malo, sed bono spiritu profectæ, magnam illis vtilitatem adtulerunt, certamque DEI voluntatem denunciârunt. Tum de Moyse & Helia Prophetis eximijs in Matthæo legimus, quòd in monte excelso apparuerint, & cum Christo Domino fuerint colloquuti, quos etiam tres Apostoli coràm adspexerint, & vnà cum illis cupiuerint commorari. Absit igitur, vt pro meris spectris, nedum diabolicis illusionibus habeamus omnes mortuorum apparitiones, sicut sectarij contra omnem fidem veterum, certamque experientiam nobis persuadere conantur. Nam & Matthæus Euangelista disertè testatur, corpora multa sanctorum qui dormierant, non solum è monumentis surrexisse, sed etiam in sanctam venisse ciuitatem, ac multis mortalibus apparuisse, nimirum vt indubitatiorem Christi resurrectionem redderent, cumque veluti ducem & caput in cælum vsque comitarentur. De his enim & Paulus asserit: *Ascendens in altum, captiuam duxit captiuitatem.* Demum è Cypriani operibus constat, quòd reuelationes sibi & pijs alijs factas in medium frequenter adducat, sicut & alij non obscuri nominis patres, vt Seuerus, Gregorius & Damascenus facere solent.

*Tunc aperuit illis sensum, vt intelligerent scripturas.*

Qui Apostolos de vero sacræ scripturæ sensu docuit, is quia nobiscum vsque manet, docet etiamnum, semperque docebit Ecclesiam Catholicam, adeò vt veris Christi ouibus &

bus &

bus & veritatis amantibus, de scripturæ libris & sensu, deq; rebus creditu necessarijs locus non sit dubitandi, sed certi & firmi aliquid constituendi atq; citra errorem pronunciandi habeant facultatem. Multis autem & præclaris modis Christus Ecclesiam docet, atq; ad cognoscendâ veritatem adducit. Docet enim per Prophetas & Apostolos in verbo scripto, quod vtile est ad docendum, ad arguendum, ad corrigendum, ad erudiendum in iustitia: vt perfectus sit homo Dei, ad omne opus bonum instructus, sicut Paulus perspicue tradit. Docet per pastores & doctores in verbo nō scripto, sed viua voce per Ecclesiæ ministros legitimè institutos, vocatos, ac missos tradito. Vnde cū Petrus Apostolus ex Isaia citasset, *Verbum Domini manet in æternum*, subiicit protinus: *Hoc est autem verbum quod euangelizatum, est in vobis*. Et Paulus Timotheo Episcopo mandat: *Depositum custodi*. Nam vt Origenis quoq; tradit regula, Illa sola credenda est veritas, quæ in nullo ab Ecclesiastica traditione discordat. Docet in OEcumenicis sacrisq; concilijs, quorum vt Augustinus inquit, saluberrima est autoritas. Docet in Romana Ecclesia, cuius fidem non deficientem Petro promissam vsq; conseruat, & in qua semper viguit, vt cum Augustino fatentur veteres, Apostolicæ cathedræ principatus. Atq; huc spectant luculentæ, & ad omnes sequētes ætates nobis referendæ Christi promissiones: *Qui vos audit, me audit: qui vos spernit, me spernit: qui autē me spernit, spernit eum qui misit me*. Ego dubo vobis os & sapientiam, cui non poterunt resistere & contra dicere omnes aduersarij vestri. Ecce ego vobiscum sum omnibus diebus vsq; ad consummationem seculi. Tanto magis igitur amabo & honorabo Christum Dominum, vt pote doctorem iustitiæ, sicut à Ioële vocatur, iustitiæ inquam omnis, siue ad rectè credendum, siue ad benè beateq; viuendum homini necessaria, quoniam is multis modis Christianæ prouidit Ecclesiæ, *vt iam non simus paruuli fluctuantes, & circumferamur omni vento doctrina in nequitia hominum, veritatem autem* (scientes &) fa-

2. Tim. 3.

1. Petr. 1.

Isai. 40.

1. Tim. 6.

Lib. de Petriarch.

Epist. 118. ad Ianuar.

Luc. 22.

Epist. 162.

Luc. 10.

Matt. 10.

Luc. 21.

Matth. 28.

Ioel. 2.

Ephes. 4.

1. Petr. 1.

Philip. 2.

In 2. & 3. epi  
stola.

1. Petr. 3.

Deut. 17.

Matth. 23.

*centes in charitate crescimus*, quemadmodum Paulus exposuit. Quaratione singulares huic Legislatori gratias agam omnium Orthodoxorum nomine, quos ille pro summa gratia & sapientia sua ex omnibus nationibus, linguis & populis collectos, ad magnum iustificantis & saluantis fidei donum adduxit, & hactenus in domo Ecclesiæ suæ tam pulchrè conseruat, alit, ac promouet, vt illorum plurimi ab improbis eiusdem fidei hostibus oppugnati, non modò nihil detrimenti capiant, sed ipsum quoque fidei finem, animarum nempe salutem, ingenti cum lucro sibi ac alijs assequantur. Sunt enim Philippensibus nò dissimiles, quòd velut luminaria splendeant & fulgeant in medio nationis prauæ & peruersæ, hoc est, in medio impiorum ac hæreticorum, verbum vitæ continentes, & in veritate fidei ac sinceritate charitatis irreprehensibiliter ambulantes, quemadmodum de nonnullis sui temporis fidelibus Ioannes quoque testatum reliquit.

Vbi ego cum pijs ter miseram illorum sortem deplorabo qui cum magnis ignorantia perfidiaque tenebris immersi iaceant, tamen sibi prudentes, & catti, verèq; à Christo illuminati videntur, ac præ se contemnunt alios, qui in media veritatis luce versantur. Egebant Apostoli, vt Christus illis aperiret oculos ad scripturas probè intelligendas. Hi verò sacras literas adeò faciles, luculentas ac perspicuas faciunt, vt à se & alijs ferè sine negotio cognosci & explicari possint, earumque sensum & iudicium permittunt omnibus. Atqui doctissimi Patres vno velut ore profitentur, sicut & res ipsa comprobatur, singularè obscuritatem ac frequentem difficultatem in scripturis diuinis inesse, quemadmodum & Petrus Apostolus disertè testatur. Deinde tum in Iudaica synagoga, tum in Christiana Ecclesia semper obseruatum fuit, vt certum de fide & scripturis iudicium non ad populum, sed magistratus Ecclesiasticos reserretur, illiq; tanquàm sacrorum antisites consulerentur & audirentur. Vnde dixit quoque Christus eos audiri oportere, qui super

cathedram



cathedram Moyſi federent, recteque monuit Apoſtolus, omnia quæ à Deo ſunt, ordinata eſſe, hoc eſt, legitimum & ordinarium habere progreſſum. Quàm verò præpoſtere & inordinate cum iſtis agitur, qui nè parùm ſibi ſapere, & vt multùm alijs inuidere videantur, tam probatos quàm receptos magiſtrorum gradus & ordines in Eccleſia inſulſe confundunt, & quantum quidem Pontificibus, Epiſcopis, horumque Concilijs & Patribus omnibus impudenter derogant, tantum ſibi ſuiſque collegis indigne arrogant in genuino ſcripturæ ſenſu cognoscendo, & in vera Chriſti Eccleſia deſignanda. Nec enim ſecus quàm olim à peſtilentibus damnatisque magiſtris Nouato & Donato factum fuit, rectam fidem & legitimam Eccleſiam ad ſe ſolos pertinere audacter conſingunt, atque inaniter iactant. Quid verò iſtuc eſt aliud, ſi verum fatebimur, niſi omnem de ſacris indicandi ac definiendi autoritatem vel tollere, vel incertam reddere, & ea quæ hætenus de religione ſunt conſtituta, in dubium reuocare, nullamque rationem habere illius quod Salomon prudentiſſimè dixit: *Ne tranſgrediaris terminos antiquos, quos poſuerunt patres tui?*

Rom. 13.

Prou. 22.

Ego verò Apoſtolicum ſequar præceptum, quo ſancitum eſt, vt obſeruentur ac deuitentur noui falſiq; doctores, qui diſſenſiones & offendicula præter doctrinam traditam & acceptam faciunt. Non ſanè in illis loquitur & docet Chriſtus, qui neque cum Patribus, neque cum veteribus, neque præſentibus Catholicis, ſed neque inter ſciſpoſ quidem in fidei doctrina & ſcripturæ intellectu cõſentiunt, ſed lites irreconciliabiles fouent: vt & cæci videant eos nõ eſſe ciues Hieroſolymitãos fidei & pacis vinculo colligatos, ſed potius Babylonice turris ædificatores inter ſe perpetuò tumultuantes. Ac de Chriſto quidem conſtat, illum ad ſcripturas probè intelligendas nobis eſſe neceſſarium, vt hinc *a* lux mundi, & vnus *b* magiſter omnium à Patre declaratus, qui clauem *c* Dauid habeat, meritò prædicetur. Sed neque illud negari poteſt, hunc ſapienter & prouidè facere

Rom. 16.

*a* Ioan. 9.*b* Matt. 23.3*c* Apoc. 3.

omnia, qui ordinarium in docendo & illuminando apud suos modum obseruet. Minores enim per alios maiores instruit, ouesque suas per pastores dirigit atque pascit, quemadmodum alimoniam sequenti se turbæ porrecturus panes benedixit, illosque non nisi Apostolorum manibus populo distribuendos curauit.

Habenda igitur est in primis ratio Apostolorum, quos Ecclesiæ suæ fundamenta posuit, ut Ioannes affirmat, quosque totius corporis velut oculos primum illuminauit, & quibus perpetuum veritatis doctorē Spiritum sanctum semper affore disertè promisit. Respiciam deinde ordinem Episcoporum, ut pote Apostolis ita succedentium, ut Paulus testetur, illos à Spiritu sancto ad regendam Ecclesiam esse constitutos, & qui præ cæteris hominū ordinibus in Ecclesiasticis iudicijs semper valuerunt, semperq; valebunt excellenti autoritate. Illorum est, non autem principum, non populi vel sciorum, vindicare sibi quod seniores cum Apostolis in prima synodo congregati, verbis apertis pronunciarunt: *Visum est Spiritui sancto & nobis*. Episcopos autem proximè sequuntur pastores, doctores, atque præpositi Ecclesiarum, quos tanti fecit Paulus, ut fidelibus omnibus præceperit, illis ipsis obedire & subiacere, pacemque cum illis habere: quoniam & pro subditotum animabus Deo iudici rationem sunt reddituri. Cæterum quod ad obscuros & controuersos diuinæ scripturæ locos attinet, semper meminero præclaræ admonitionis, quam de illis Clemens Petri Apostoli discipulus peritissimus, hoc modo scriptum reliquit: Sunt ait, multa in scripturis diuinis, quæ possunt ad eum sensum trahi, quem vnusquisque sibi præsumit. Et ideò scripturarum intelligentiam oportet ab eo discere, qui eam à maioribus suis secundum veritatem sibi traditam seruat.] Eoque magis laudantur præcipui Græcorum Theologi, Gregorius Nazianzenus & Basilii Magnus, quod cum omnibus authorum secularium libris remotis, solis diuinæ scripturæ voluminibus dedis-



sent operam, sicut Ruffinus commemorat, eorum intelligentiam nō ex propria præsuntione, sed ex maiorum scriptis & autoritate sequuti fuerint, quos & ipsos ex Apostolica successione regulam intelligendi suscepisse constabat.]

Lib. 2. Ecclesiast. histor. cap. 4.

## DE PRECIBVS CVM HOC EVANGELIO CONIVNGENDIS.

**P**RECA<sup>N</sup>DVS est mihi DEVS, vt gratiam discernendi spiritus nunc maximè necessariam largiatur, quum tam multi spiritu veritatis relicto, spiritibus vertiginis & erroris attendant, pauci verò probare sciant spiritus, si ex Deo sint, sicut Ioannes exigit.

1. Ioan. 4.

PETAM insuper cognitionem mihi alijsq; multis congruentem ad veras ac falsas reuelationes & apparitiones ritè discernendas, vt Christiana in illis prudentia & zelus secundum scientiam obseruetur: nec ullus locus serpentis antiqui technis tribuatur, qui cum sit Satanas, nouit se subdole in lucis Angelum transformare, sepe & pios circumuenire. Paucorū est sane cum Paulo verè testari: Non ignoramus Satanæ cogitationes.

2. Cor. 11.

2. Cor. 2.

ORABO etiam pro ministris verbi Dei, vt cum Christi spiritu & Ecclesia Catholica doceant consentienter, vtq; penitentia predicationem seriò urgeāt, sicut Christus hoc loco mandauit: Oportebat, inquit, Christum pati & resurgere à mortuis tertia die: & prædicari in nomine eius poenitentiam & remissionem peccatorū in omnes gentes. Vult enim mortis & resurrectionis suæ amplissimum beneficium salutare cunctis reddi mortalibus, ideoq; prædicandi officium delectis ministris iniungit, qui in ipsius nomine peccatorum remissionem omnibus gentibus annuncient, & ab illis partim fidem, partim poenitentiam exigant. Errant igitur turpiter ac perniciosè, qui sola fide contenti, de Christi gratia & remissione peccatorum gloriantur, ac de agenda peccatorum poenitentiam curam abiciunt, sibiq; ac alijs, licet sine timore peccantibus, salutem securè

Luc. 24.

Luc. 13.

Matt. 11.

audent polliceri. Vbi enim penitentia nō præcedit, Christi gratia & peccatorum remissio frustra offertur, & minime obtinetur. Nisi enim penitentiam egeritis, inquit, omnes simul peribitis. Idem civitatibus exprobrauit, quod post auditum Evangelium, visaq; miracula, penitentiam non amplecterentur, eisq; gehennam interminatus est.



# DOMINICA P. R. I.

## MA POST PASCHA,

quæ in albis dicitur.

### *Sequentis Evangelij Argumentum.*

Luc. 24.

**Q**VO die surrexit à sepulcro Christus, decem Apostolis (aberat enim Thomas) in Hierusalem vespere apparuit, & octavo deinde die ad eosdem redijt, sed ob Thomam præsentem maximè, quem ab errore concepto reuocauit. Prior apparitio vt excellentem Christi erga suos amorem multis modis declarauit: ita præsentium etiam animos maiorem in modum exhilarauit, ac singulari cōpleuit gaudio, quemadmodum & Lucas in Euangelio proximè antecedente comprobat. Illud Paschalem diem exornat, quod in eo Christus Apostolis ac ministris Ecclesiæ ad remittenda hominum peccata non sine flatu & verbo, tribuit Spiritum sanctum, licet etiam Hieronymus notat, indeq; sacerdotum auctoritatem stabiliri certissimè constat. Ac benè quidem cum Thoma hîc agitur, qui suum agnoscit errorem, nec inodò fidem negatæ antea resurrectionis astruit, sed & Christi diuinitatem non minus quàm humanitatem apertè confitetur. Idem verò non obsecrum præbet exemplum

hominis

hominis in fidei rebus nimium curiosi, & secundum carnem sapientis, quando se disiungit à communi Ecclesiæ iudicio, suamque opinionem quamlibet absurdam contentiosè defendit. Is verò mos est proprius hæreticorum, qui teste Apostolo Iuda, segregant semetipsos, suntque animales, spiritum non habentes. Nostrum est Christi optimi medici atque pastoris sequi charitatem, ut in reducenda oue errante nihil studij ac operæ prætermittamus, fratremque lapsum ut resurgat, omni studio subleuemus. Illud ad singularem commendationem Gentium facit, quod licet Christum eiusque Apostolos de facie non cognouerint, tamen æternæ felicitatis participes esse possint, modò credant. Credant autem & confiteantur necesse est unà cum Thoma, ab omni incredulitate alieni, neque solum Christum Deum & hominem esse sentientes, sed & firmis animis complectentes, quæcunque idem Christus siue per se, siue per Apostolos, siue per Ecclesiam nobis credenda commendat: quæ fides per charitatem operans iustificat atque saluat.

Iud. i.

Galat. 5.



## EVANGELIUM EIVSDEM

Dominicæ Ioan. xx.

**I**n serò esset die illo, una Sabbatorum, & fores essent clausæ, ubi erant discipuli congregati propter metum Iudeorum, venit Iesus & stetit in medio, & dicit eis, Pax vobis. Et cum hoc dixisset, ostendit eis manus & latus. Gausi sunt ergò discipuli, viso Domino. Dixit ergò eis iterum: Pax vobis: Sicut misit me pater, & ego mitto vos. Hoc cum dixisset, insufflauit: & dicit eis. Accipite Spiritum

te Spiritum sanctum: quorum remisistis peccata, remittuntur eis: & quorum retinueritis retenta sunt. Thomas autem unus ex duodecim, qui dicitur Dydimus, non erat cum eis quando venit Iesus. Dixerunt ergo ei alij discipuli: Vidimus Dominum. Ille autem dixit eis: Nisi videro in manibus eius fixuram clavorum, & mit- tam digitum meum in locum clavorum, & mit- tam manum meam in latus eius, non credam. Et post dies octo iterum erant discipuli eius in- tus, & Thomas cum eis. Venit Iesus ianuis clau- sis, & stetit in medio, & dixit, Pax vobis. De- inde dixit Thomæ: Infer digitum tuum huc & vide manus meas: & affer manum tuam, & mitte in latus meum: & noli esse incredulus, sed fidelis. Respondit Thomas, & dixit ei: Domi- nus meus, & Deus meus, Dicit ei Iesus, Quia vidisti me Thoma, credidisti: beati qui non vi- derunt, & crediderunt. Multa quidem & a- lia signa fecit Iesus in conspectu discipulorum suorum, quæ non sunt scripta in libro hoc. Hæc autem scripta sunt, ut credatis quia Iesus est Christus filius Dei, & ut credentes, vitam ha- beat in nomine eius.

NOTAE MEDITATIONVM ET  
PRECATIONVM CIRCA EVAN-

G E L I V M.

*Pax vobis, pax vobis.*

**M**ortis victor, veræque vitæ restitutor Christus rediuiuus redit ab inferis, & è sepulcro cum corpore glorioso resurgens, ad suos discipulos eisdem ædibus conclusos ingreditur, quum illi Hierosolymis die Paschatis sub noctem vna commorarentur. Vbi primùm ille de pace sermonem orditur, pacemque omnibus sic satis afflictis sæpè & amanter exoptat. Ego autem ex animo gratias agam, & ab omnibus mortalibus agendas putabo huic optimo maximoque Redemptori, qui vt nemo alius, summam à pace habet ac retinet commendationem. Est enim ipse princeps pacis, sicut ab Isaiâ vocatur: est & magister siue doctor pacis, vt cuius proprium est, per se suosque legatos pacem euangelizare Iudæis & Gentilibus, qui Euangelium pacis volent amplecti. Est & pacis procurator, vtpote propterea de summo cœlo missus, vt pax nostra efficere-  
tur. Venit enim ad grauissimas & diuturnas inimicitias inter Deum hominesque tollendas, & ad totum genus humanum per firmissimam pacem auctori suo reconciliandum. De illo igitur Zacharias Propheta prædixit: *Loquetur pacem gentibus.* Et Paulus affirmat: *Ipse est pax nostra, qui fecit vitrag, vnum, & medium parietem macerie soluens inimicitias in carne sua.* Duos enim populos Iudæorum & gentilium in vnum velut corpus redegit, seque illis vnum caput effecit, peccatis hominum in carne sua per passionem & mortem interfectis. Quid verò pace, & Christi pace opta-

Isai. 9.

Zach. 9.  
Ephes. 2.

bilius,

2. Cor. 5.  
Coloss. 1.

Psal. 132.

Psal. 131.

Ibidem

Ioan. 5.

Ioan. 2.

Eccles. 13.

Psal. 84.

bilis, præstantius, dulcius, perfectius ac dignius potest excogitari? quid in hac & futura vita iucundius possideri? *Deus erat in Christo*, inquit Paulus, *mundum reconcilians sibi, & per sanguinem crucis eius pacificans omnia, siue quæ in terris, siue quæ in caelis sunt.* Cæterum ut Christi pacem (bonorum omnium quasi matrem & thesaurum) mihi comparem atque seruem, in hoc enim maximè laborandum est, præsentibus discipulis me conformare nitar, quos in monte Sion congregatos, & obseratis foribus inclusos fuisse non temerè legimus. Mons ille Sion Ecclesiæ veræ typus & imago est, in qua sola Deus se videndum fidelibus exhibet, suæque bona largitur. Quare nihil ducam antiquius, præterquàm in hac domo Dei persistere, ut ad Christi pacem assequendam nullo vnquàm vel errore, vel scandalo ab Ecclesiæ vnitæ & auctoritate disiungar. Etenim de spirituali hoc monte Sion scriptum est: *Quoniam illuc mandauit Dominus benedictionem, & vitam usque in seculum.* Ac rursus: *Elegit Dominus Sion: elegit eam in habitationem sibi.* Immo verò de hoc monte Deus ipse testatur: *Hæc requies mea in seculum seculi: hæc habitabo, quoniam elegi eam.* Sed & fores mihi manebunt occlusæ, ut si sapiam, mei sensus tum interiores, tunc exteriores parùm aut nihil negotij habeant cum huius mundi strepitu, illecebris atque vanitate, ita ut me ipsum potius quam alios respiciam atque curem. Quanto enim longius à mundo absum, tanto propius ad Deum accedo, rectiusque potiora mentis bona confector. *Totus enim mundus in maligno positus est: transiitque mundus & concupiscentia eius. Qui autem facit voluntatem Dei, manet in æternum.* Est sanè mundus velut atra pix, de qua dixit sapiens: *Qui tetigerit picem, inquinabitur ab ea.* Quod ergò Propheta de se dixit, mihi quoque sumam, libereque testabor: *Audiam quid loquatur in me Dominus Deus, quoniam loquetur pacem in plebem suam, & super sanctos suos, & in eos qui conuertuntur ad cor.*

Quoniam verò Christus in hoc Euangelio nō semel, sed

ter pa-



ter pacem suis precatur domesticis, non abs re fuerit, ut ego triplicem à Deo pacem expetam, alijsque subinde cōmendare studeam, pacem nimirum externam, internam ac supernam, siue ut alij vocant, pacem temporis, pectoris ac æternitatis. Et quidem Christianæ, placidæ & iucundæ pacis me studiosum, verumque cultorem ostendam, si ab alijs abstinero, quæ pacem charitatemque fraternam dissuunt ac labefaciunt. Missos ergo faciam contentiosos, iracundos, feros, turbulentos, inquietos, obrectatores, susurrone, multoque magis genus illud hominum Deo maxime detestabile, qui nescio qua libidine insana ducti, velut aliorum paci & concordie inuideant, non sine diabolico ingenio ac more seminant discordias inter fratres. Vnde Paulus quamlibet lenis & clemens, de huiusmodi inquietis ac fratrum perturbatoribus, *Utinam inquit, abscedantur qui vos conturbant.* Ac iterum: *Qui conturbat vos, portabit iudicium, quicumque est ille.* Tum alio in loco: *Si quis videtur contentiosus esse, nos talem consuetudinem non habemus, neque Ecclesia Dei.* Nec temerè dixit Salomon: *Honor est homini qui separat se à contentionibus.* Fecit hoc Abraham Patriarcha, qui ut pacis fœdera inuiolata seruaret, ac suo etiam damno pacem fraternam redimeret, nepotem Loth tam sapienter quam modestè affatus est: *Nè queso sit iurgium inter me & te, & inter pastores meos & pastores tuos, fratres enim sumus. Ecce vniuersa terra coram te est: Recede à me obsecro, si ad sinistram ieris, ego dextram tenebo.* Nam & quæ utilia nobis, ac propè necessaria videntur, Paulus bono pacis & charitatis posthaberi vult, quando ita scribit: *Itaque quidem omnino delictum est in vobis quod iudicia habetis inter vos. Quare non magis iniuriam accipitis? quare non magis fruidem patimini?* Vnde monet etiam Alexander, qui sub Trpiano claruit Pontifex & Martyr, in hunc modum: Boni nempe & verè Christiani hominis est, rem ipsam omnibus amicitiæ ac pacis legibus prius tentare, quam in iudicio, vbi frequenter amarissimus animæ rācor innaſcitur, suum ius pertina-

Prou. 6.

Galat. 5.

ibidem.

1. Cor. 11.

Prou. 20.

Genes. 13.

1. Cor. 6.

Epist. ad  
Orthodox.

Rom. 12.

Marc. 9.

Matt. 5.

citer experiri. Si quis enim cum Deo qui est pacis author, habitare cupiat, ei necesse est, ut pacem (cum proximo) inquirat. Tantoque magis mihi commendatus erit Apostolicus ille Canon: *Si fieri potest, quod ex vobis est, cum omnibus hominibus pacem habentes.* Nam & Christi Domini mandatum est: *habete in vobis sal, & pacem habete inter vos.* Nihil enim Christiani hominis tam est proprium, quam diligenter conciliare pacem & pacificum esse, atque à contentionibus ac litibus abstinere: *Beati pacifici, quoniam filij Dei vocabuntur.*

Luc. 19.

Matt. 22.

1. Tim. 6.

Ioa. 14. &amp; 16.

DOLEBO autem plurimorum piorum vota reddi nunc irrita, quoniam licet pacem priuatam & publicam hodie passim desiderent, & à Deo ipso precentur, tamen res ipsa testatur, domos, vicos, oppida, prouincias intestinis odijs, apertis, dissidijs & exitialibus bellis, si aliàs vnquam, nunc maximè conflagrate, pacis verò cultores, custodes ac promotores paucos apparere. Cuius grauissimi mali, quod rem Christianam affligit maximè, causam esse cogitabo, quòd hic mundus nimium se conformat Hierosolymitanis, qui cum externa, politica & œconomica pace admodum solliciti essent, suamque libertatem vrgerent, Christi quidem conscientiaque pacem in postremis habuerunt, sicut Dominus flentibus etiam oculis totam illam monuit ciuitatem. Ac alibi de ciuibus illis testatur: *Illi autem neglexerunt & abierunt, alius in villam suam, alius verò ad negotiationem suam.* Accedit & radix malorum omnium cupiditas, quæ veram sanctamque pacem nobis vel eripit vel distubat. Quantò enim magis proprijs vacamus commodis Christiani, tanto iustius à Deo plectimur, ut communi etiam bonorum possessione priuemur, atque ita pro pace bellum, pro charitate inimicitias, pro iustitia nequitiam, pro diuitijs paupertatem, pro delicijs miseriam experiri cogamur. Precatus est quidem Christus pacem discipulis, & maximè mortem iam iam subiturus, sed cum hoc additamento: *Pacem relinquo vobis, pacem meam do vobis, non quo-*

modo

*modo mundus dat, ego do vobis. Ac rursus: Hac locutus sum vobis, ut in me pacem habeatis. Sic & Apostolus nē duntaxat hæreamus in pace mūdāna & temporanea potius quā spirituali, pacem cum gratia Christi libenter coniungit, sicut & cum sanctimonia, inquit: Pacem sequimini cum omnibus & sanctimoniam, sine qua nemo videbit Deum. Multis præterea imponit ficta pax, quæ à fidelibus cum infidelibus & hæreticis inita, tristes exitus plerunq; sortitur. Quare cū pius rex Iosaphat, se se cum Ochozia impio rege Iſraël fœdere amicitiaque iunxisset, sic Prophetica voce corripitur: Quia habuisti iudus cum Ochozia, percussit Dominus opera tua, contritisq; sunt naues, nec potuerunt ire in Tharsis. Tum alius Prophetæ eundem regem Iosaphat, quod pacem cum Achab nefario rege foueret, ita reprehendit: Impio præbes auxilium, & his qui oderunt Dominū, amicitia iungis, & idcirco iram quidem Domini merebaris. Fuit quidē inter Pilatum & Herodē iam similtas, iam pax: sed pacem illam statim scelerata contra Christum conspiratio est consecuta. Ea demum pax DEO grata, Reipub. salutaris, firmæque & diuturna esse consuevit, quæ Christi spiritu conglutinata, & in vnitatē sinceræ fidei fundata, puris animis excolitur atque stabilitur. Et Paulo quidem Apostolo est frequens, alijs pacem precari, sicut & CHRISTVS iniunxit: sed hanc pacem, ut diximus, ille cum gratia ferè coniungit, ut sciant fideles, se neque cum Deo, neque inter se, neque cum Ecclesia vera diu manere coniunctos, nisi proprium & excellens donum Spiritus sancti, quod pax est, diuino illis munere conferatur atque conseruetur. Fucata & fallax omninò pax est mundi amatoribus, quantumvis blandè ac latè se illi mutuo amplectantur, multoquē laudabilius est bellum pro religione vera tuenda susceptum, quam illi paci dare operam, quæ nos à Deo Deique Ecclesia & religione vera disiungit ac separat. Demum sèpè rogabo Dominum, qui pacis autor & amator est, ut idem de nostri temporis Ecclesia vndiquè concussa & perturbata dici possit,*

Rom. 1.

1. Cor. 1.

Philip. 1.

Hebræ. 12.

2. Paral. 20.

2. Paral. 19.

Luc. 23.

Luc. 10.

Rom. 1.

1. Cor. 1.

Ephes. 1.

Act. 9.

Isai. 39.

quod Lucas de primitiuo illo coetu credentium asseruit: *Ec-  
clesia quidem per totam Iudæam & Galileam & Samariam ha-  
bebat pacem, & edificabatur ambulans in timore Domini, &  
consolatione Spiritus sancti replebatur.* Præterea Regis Eze-  
chiæ precationem mihi usurpabo, *Fiat tantum, inquit, pax  
& veritas in diebus meis.*

*Et cum hæc dixisset, ostendit eis manus & la-  
tus, immò & pedes, sicut Lucas adiungit.*

Luc. 24.

O immensam ac vsque prædicandam Christi beni-  
gnitatem, qui ut discipulorum consuleret imbecillitati, ac  
rediuui corporis sui veritatem omnibus comprobraret,  
non solum se Apostolorum oculis sæpè spectandum, sed &  
eorum manibus contrectandum ac palpandum vltro præ-  
buit. Is præterea vulnorum suorum cicatrices nunquam  
expungendas, in glorioso illo corpore, & clauorum figuras  
quibus confixus fuerat, in manibus ac pedibus reservauit.  
Testatur igitur & Lucas, Dominum dixisse discipulis: *Videte  
manus meas & pedes meos, quia ego ipse sum,* quas partes corpo-  
ris palam illis etiam ad contrectandum dedit. Eadem ratio-  
ne & significantius quidem Thomam inuitat, ut digitum  
ille suum in fixuram clauorum, & manum in latus suum  
inferat, omni dubitatione semota. Nec verentur Ambro-  
sius, Augustinus ac Theophylactus asserere, Thomam Chri-  
sto paruissè, ut illum non modò Deum & hominem fate-  
retur, sed etiam digito ac manu tangeret. Quapropter in-  
gentes eidem Domino gratias agam, qui pro summa pru-  
dentia & bonitate sua glorificatam de sepulcro carnem re-  
suscitauit, & in ea præcipuorum vulnorum suorum vesti-  
gia, quæ obliterare poterat, in illo immortali corpore suo  
custodiuit. Cum illis ipsis in summum cælum ascendit, ea-  
dem passionis suæ signa, cum ad extremum venietur iudi-  
cium, toti mundo cōmonstrare decreuit. Non enim amici  
tantum ac fideles, qui tunc immortales omnes aderūt, sed

inimici etiam ac maligni hoc sibi commune habebunt, vt sui crucifixi Redemptoris confixas manus, & latus à milite perfossum coram intueantur. Nam de impijs etiam Iudæis & sceleratis Christi tortoribus hoc Zacharias Propheta prædixit: *Adspiciens ad me in quem confixerunt*, vel sicut apud Ioannem legimus: *Videbunt in quem transfixerunt*: Quod etiam alibi sic expressum habemus: *Videbit eum omnis oculus, & quis eum pupugerunt*. Hunc enim germanum huius loci esse sensum non modò Græci, quemadmodum Chrysostomus & Theodoretus, sed Latini etiam patres, vt Augustinus & Leo, confirmant. Eandem veritatem Isaias Prophetæ comprobatur, cum beatos Angelos introducit, qui ob eiusmodi notas in Christi carne seruatas tantum non obstupuerunt, summamque tanti Victoris gloriam demirantes, in has voces proruperunt: *Quis est iste qui venit de Edom?* vt cætera præteream, quæ Iustinus, Hieronymus & Cyrillus ad hunc modum explanant. Nec dissimilia profert Zacharias Propheta, vt ostendat Angelos ob dicta plagarum vestigia Christum in cœlos euntem, siue ex ingenti gaudio, siue ob aliam rationem sic interrogasse: *Quid sunt plagæ istæ in medio manuum tuarum?* Eas enim plagas ad figuras clauorum, quas sibi Dominus in carne seruauit, refert etiam Cyrillus Alexandrinus. His veteris Ecclesiæ Patribus, qui toti sunt orbi per celebres, ad stipulabor, nullumque concedam locum nouis & blasphemis Ecclesiæ hostibus, qui constantem hanc Orthodoxorum fidem de Christo cum suis in carne cicatricibus resurgente, apparente, ascendente, simulque venturo mundi iudice adeò non recipiunt, vt etiam stultum & anile delirium pro sua insipientia vocent. Ego certè cum venerabili Bedâ ingenuè profitebor, quòd sicut Christus post resurrectionem clauorum vel lanceæ loca pandendo, discipulorum fidem ac spem roborare dignatus est: ita etiam in die iudicii eadem passionis suæ indicia, & ipsam pariter crucem monstrando venturus sit, vt impietatem superbiorum in fidei ratemque confundat.

Zach. 12.

Ioan. 19.

Apoc. 1.

Isai. 63.

Zach. 13.

In cap. 24.

Lucæ.

Ac multis quidem de causis conueniebat, ut hic Redemptor humanę naturę misertus, inter alia diuini erga nos amoris documenta atque testimonia, suorum cicatrices vulnerum in glorioso illo corpore non aboleret, sed retineret. Ita enim, sicut diximus, discipulorum consuluit imbecillitati, ut maiore suę resurrectionis fidem illis astrueret, simulque posteros qui cum Thoma dubitare poterant, omni hæsitatiōis scrupulo liberaret. Deinde hæc vulnerum vestigia triumphantis ipsius augebant gloriam, & præclarum perfectę ipsius victorię, quam de hostibus retulit, documentum ostendebant. Videmus enim fortes quoque milites commendari, si quasdam in corpore cicatrices vulnerum referuent ac monstrent in corpore, quas inter pugnandum ab hostibus pro patria reportârunt. Vnde Cyprianus laudat Celerinum martyrem, de illo ita pronuncians: In seruo Dei victoriã gloria vulnerum fecit, gloriam cicatricum memoria custodit. ] Adhęc illustre specimen nobis Christus his plagis edidit, ut rectius obseruemus illud præceptum: *Respice in faciem Christi tui*. Christum enim ut Dominum contemplari debemus vulneratum, & clauis in manibus pedibusque cōfixum, & ad summam illam dolorum acerbitem ignominiamq; deductum, sicut Isaias illum quoque depinxit, inquit: *Ipse vulneratus est propter iniquitates nostras, attritus est propter scelera nostra*. Ioannes illum vocat aduocatum, quem apud Patrem habemus: de quo scribit & Paulus: *Saluare in perpetuum potest accedens per semetipsum ad Deum, semper viuens ad interpellandum pro nobis*. Cuiusmodi contemplatio salutarem & mortis & resurrectionis Dominicę memoriã nobis ac redemptis omnibus præclare innouat, simulque hortatur, ut misericordias Domini in æternum cantare non cessent, sed ex animo concinant, quoniam ille bonus & in æternum misericordia eius. Mirum igitur in modum hęc excitatur & augeatur credentium pietas, cū recolunt illa vulnera promissis homuncionibus non modò suscepta, sed etiam in car-



ne Domini conseruata, cœlum ipsum penetrasse, & nunquam abolenda esse, nimirum vt Deo Patri immensum precium humane redemptionis ostendant. Quantum igitur illi debeo Liberatori, qui hæc illustrata velut trophæa circumferens, me admonet præpotentis victoriæ de peccato, morte & Satana reportatæ? Qui præterea hæc veneranda summa humilitatis, obedientiæ ac charitatis documenta simul & excita menta meis ingerit oculis, nè talis tantiq̃ue Mediatoris & Aduocati vnquam obliuiscar, quando is in salute hominum procuranda apud Patrem suum se nobis fidissimum assidue præstat. Quare nè prorsus ingratus sim, hos perennes fontes donorū ac bonorum omnium mihi ob oculos sæpè proponam, quum de illis dulcissima extet promissio: *Haurietis aquas in gaudio de fontibus Saluatoris, & dicetis in die illa: Confitemini Domino.* Ad hæc ipsa ter beata Petræ non diruendæ foramina confugiam, in illis meū nidum firmissimum ponam, nihil habens antiquius, præterquam vt in meis angoribus atq; periculis vulnerū Domini memorando respirem. Hæc sunt eruntq; semper languētis animæ meæ medicamenta, firmaq; contra hostes omnes præsidia, quæ non modò magna religione venerabor: sed etiam flagranti amore & ardore in omni vita complectar. Rursus in mentem hæc vulnera mihi reuocabūt, quanta sit electorum futura consolatio, quum in extremo iudicij die suum Redemptorem cum hisce cicatricibus apparentem, ipsosq; ad cœlestem gloriam humaniter euocantem, certò certius conspecturi sunt. Cogitabo præterea de impijs tum iustè damnandis, quibus nihil sanè tristiùs erit, quàm istum iudicem sua illis vulnera exprobrantē & publicè ostendentem, palàm intueri. Vbi sanè locum habet quod ab Hieronymo scitè dictum est: *Cerne manus Iudæ, quas fixeras: cerne latus Romane quod foderas: Videte corpus an idem sit quod dicebatis clam nocte sustulisse discipulos.*

Isai. 12.  
Cant. 2.

In epistola  
ad Helio-  
dorum.  
Matt. 28.

*Accipite Spiritum sanctum: quorum remise-*

*Nm 3 ritus*

*ritis peccata, remittuntur eis, & quorum retinueritis, retenta sunt.*

SVMMO sacerdoti & æterno Pontifici Christo gratias agā vt possum maximas, qui missus à Patre cœlesti in hunc mundum, munere suo probè perfunctus est, vt peccatores saluos faceret, quique consulturus Ecclesiæ, potestatem dimittēdi peccata, quam vt homo acceperat, in suos transfudit discipulos per Spiritum sanctum, quem illis visibili signo insufflationis clementer impertiuuit. Si enim visum est Deo, de spiritu qui erat in Moyse, auferre ac tradere septuaginta viris, vt eandem prophetandi gratiam cum illo communem haberent, sicut Moyses ipse testatur, quomodo non magis decuit spiritum Christi sic propagari, vt primum ille in Apostolos, ac deinde in successores illorum transfunderetur? Quarè permagni faciam, & ex animo venerabor sacerdotes Euangelicos, qui Spiritum Christi participantes, vice Domini sacerdotio initiantur, & sacrosanctæ Eucharistiæ ministri ordinantur, vt per omnem vitam corpus & sanguinem Dominicum in Ecclesia consecrare, offerre, simul & dispensare possint. Non enim obscurè fuit illis iniunctum: *Hoc facite in meam commemorationem*, quod me scilicet in hac cœna facere & sacrificare vidistis. Accedit quòd eosdem sacerdotes Christus in die sacro Paschatis, hac noua & inaudita potestate cumulauit, vt ad peccata hominum dimittenda vel retinenda, quod alioquin solius Dei est proprium, amplissima polleant facultate. Etenim hîc abundè complet atque præstat, quod anteâ promiserat clarissimis verbis: *Quaecunq; ligaueritis super terram, erunt ligata & in calis; & quaecunq; solueritis super terram, erunt soluta & in calis.* Hæc autem potestas, si ritè perpendatur, sacerdotes Christianos ad ingens & sublime dignitatis fastigium euehit, vt ciuilem & regiam quoque dignitatem excellant, immò & Angelis hac in parte præstent, omnibusq; veteris legis sacerdotibus longè præferantur.

I. Tim. I.

Num II.

Matt. 26.

Marc. 14.

Luc. 22.

Matt. 18.

ferantur. Vnde vt *a* Chrysostomum & *b* Ambrosium prætermittam, scribit in hunc modum *c* Hieronymus: In veteri quidem lege quicumq; sacerdotibus non obtemperasset, aut extra castra positus, lapidabatur à populo, aut gladio ceruice subiecta, contemptum expiabat cruore. Nunc verò inobediens spiritali mucrone truncatur: aut eiectus Ecclesia, rabido dæmonis ore discerpitur.] Solis ergò Christianis competit sacerdotibus, vt diuina potestas in peccatis remittendis posita, singulari Christi munere in ipsos per Spiritum sanctum transferatur, & ab illis petatur atque accipiat. In horum enim arbitrio est munus soluendi & ligandi, sicut & remittendi retinendique peccata quælibet mortalium, quamuis atrocia & pudenda illa videantur. Illi verè dicuntur & sunt spirituales medici, iudices animarum Christi que legati & vicarij ab omnibus adeundi, qui peccatorum suorum à Domino veniam consequi, & offenso Deo reconciliari ex animo petunt. Horum est proprium inter peccata atque peccata distinguere, & eorum qui soluendi ligandi que sunt, rationem diligentem habere, vt post examen habitum norint, quorum peccata in Christi nomine vel remittere & condonare, vel retinere & absoluti-one indigna censere debeant. Proinde qui hos à Christo institutos Ecclesiæ ministros & peccatorum iudices reiiciunt, atque impœnitentes persistunt, cum illorum alioquin potestate & Ecclesiæ clauibus gaudere possint, suorum peccatorum vinculis manent adstricti, & in suorum vitiorum sordibus perpetuò pereunt, ita vt Deum vel in præsentia, vel in futuro sæculo sibi fore propitium frustra polliceantur. Verè igitur à Cypriano dictum est: Qui Christo non credit sacerdotem facienti, postea credere incipiet sacerdotem vindicanti.]

Vbi demirabor cœcum iudicium de peccatis mortalibus (stipendium enim peccati mors est) deque illorum remissione, cum putet homines rem leuis esse momenti, & sine negotio fere confici, vt quis offenso Deo reconcilietur,

a Lib. 3. de sacerdot.  
b lib. de dignitate sacerdotij.  
c In epist. ad Heliod. Deut. 17.

Ioan. 20.

Lib. 4. epist. 9.

Rom. 6.

Matth. 25.  
Ioan. 5.  
Rom. 5. & 7.

Matth. 1.  
Ioan. 1. & 3.  
1. Ioan. 2.  
Rom. 3.  
Marc. 1.  
Matt. 4. & 3.

Ecclef. 5.  
& 21.

Hebr. 10.

Ioan. 5.

& ex iniusto iustus ac saluus fiat. Atqui ex Euangelicis & Apostolicis literis fit euidens, summam hominis pestem atq; incomparabilem perniciem in peccato consistere, illudque non ignosci à Deo, nisi in vera Ecclesia fides hominis accedat, & in Christum propiciatorem eiusque sanguinem intueatur, qui cum sit Agnus Dei, mundi quoque peccata tulit, & emundat nos ab omni peccato. Deinde præter fidem opus est poenitentia, quam Christus & Ioannes à peccatoribus exigunt, sine qua nulli peccata condonantur. Hæc poenitentia tum interior ob commissi peccati odium ac detestationem, tum exterior ob sacramentalem, vt vocāt, confessionem & absolutionem est necessaria, certumq; requirit Ecclesiæ veræ ministrū, qui Christi merita homini purgando per claves applicet, sicut inde ab Apostolorum tempore semper fuit obseruatum. Quam iudiciariam sacerdotum potestatem, sine qua nullus in conscientia foro reus absoluitur, Christus hoc loco docet ac vrget maximè. Superest insuper obseruandus ille Canō Sapientis: *De propiciato peccato noli esse sine metu.* Et ille: *Fili, peccasti? non adicias iterum, sed & de pristinis deprecare: vt tibi dimittantur. Quasi à facie colubri fuge peccata.* Siquidē perfecta hominis cū Deo reconciliatio fieri nō potest, nisi melioris vitæ studio, & perpetuo peccati odio accedente, cum quo & sancta sollicitudo ad dignos poenitentia fructus edendos coniungatur. Ergone lugendi sunt omnes, qui hanc necessariam de peccatorū remissione doctrinam vel contemnunt vel negligunt vt bona quidem pars Christianorum facit, qui absque illa sese per Christum iustificari atque saluari posse confidunt, licet nullum peccandi finem faciant & ab actione poenitentia sint alieni? Parum enim expendunt, quod grauiter ab Apostolo dictum est: *Voluntatem peccatibus nobis post acceptam notitiam veritatis, iam non relinquuntur pro peccatis hostia, terribilis autem quedam expectatio iudicij & ignis amulatio, quæ consumptura est aduersarios.* Fiet proculdubio in me & alijs omnibus quod veritas æterna prædixit clarissimè: *Procedet*

qui bo

*qui bona fecerunt in resurrectionem vitæ: qui verò mala egerunt, in resurrectionem iudicij.* Ac iterum irrevocabile verbum est: *Si pœnitentiam non egeritis, omnes similiter peribitis.* Pœnitentiam autem agit (Cypriani verbis vtor) qui diuinis præceptis mitis & patiens, & sacerdotibus Dei obtemperans, obsequijs suis & operibus iustis Dominum promeretur.] Et Augustini dictum est: Pœnitentiam certam non facit, nisi odiû peccati, & amor Dei.] Quare mihi opera danda est, vt ad graue onus peccatorû meorum abijciendum, & cum summo iustissimoq; Deo, & cum sacerdotibus Catholicis pacem ineam, certoq; constituam, Christum in cœlis mihi clementem iudicem nunquam fore, nisi per legitimum eius ministrum à peccatis, quorum me pœnitet, in terris absoluar. Iudicabit me vtiq; Deus, cuius iudicium effugere nullus potest: idem me in Ecclesia sua per ministros suos iudicat, vt sine illis de remissione peccatorum accepta certus esse non possim. Iudicabo & meipsum, tanto indulgentiorem habiturus vtiq; iudicem Deum eiusque ministrum siue vicarium, quanto seuerius in meipso puniendo versabor. *Si enim nosmetipsos diiudicaremur: non vtiq; iudicaremur*, vt nempe perpetuis peccatorum pœnis per seueram Dei iustitiam plecteremur.

Cæterum in eo misericordias Domini in æternum cantabo, qui potestatem talem sacerdotibus Catholicis dedit, vt siue boni illi, siue mali existant, ab ira Dei & gehennæ flammis mortales liberare possint, quando pœnitentibus in CHRISTI nomine peccata remittunt. Id quod sanè longè est amplius, quam lepra infectos mundare, vel mortuos resuscitare. Idcirco quantò grauius ego Deum offendi, & conscientiam meam conspurcaui, tantò reuerentius me Clauibus Ecclesiæ subijciam, illosque velut summos magistratus honorabo, qui non modò verbum Dei (thesaurum inæstimabilem) sed etiam sacramenta, vt cœlestia pharmaca, nobis semper infirmis ex autoritate diuina dispensant, Christi; & Apostolorum locum in Ecclesia

Luc. 13.

Lib. 3. epist.  
18.Serm. 7. de  
Tempore.

1. Cor. 11.

Luc. 10. tenent. Hinc ego sæpius ad sacerdotum principem & vin-  
 dicem, verumque Samaritanum Christum confugiam, &  
 peccatorum omnium nomine gratias agam, quòd is cha-  
 ro sui preciosi sanguinis merito tam efficacè ac salutarem  
 medicinam, quam per sacerdotum absolutionem in con-  
 fessione accipimus, nobis clementissimè cõparauit, illam-  
 que ad perpetuam fidelium consolationem, qua sine plu-  
 rimis de salute sua desperarent, pœnitentibus peccatoribus  
 in hunc usq; diem offert & applicat. Quæ res mihi augebit  
 fiduciam, vt impensius amem ac laudem Agnũ illum im-  
 maculatum, qui pro peccatis nostris factus est propiciatio,  
 vtq; contendam satisfactiõis & reconciliationis per mor-  
 tem eius obtentæ particeps fieri, potissimum verò per Ec-  
 clesiæ Sacramenta, quæ huius passionis applicationes & ca-  
 nales rectè dicuntur, semperque in conuersis plurimum o-  
 perantur. Itaque quum verbum reconciliationis per sacer-  
 dotem absoluentem audio, non dubitabo, me in Dei gra-  
 tiam per peccatum amissam restitui, mihiq; virtutem Do-  
 minici sanguinis applicari, & conscientiæ meæ sanari vul-  
 nera, nouamq; animi pacem recuperari, ita vt in potestate  
 clauum regni cœlestis, quas Christus sacerdotibus tradi-  
 dit, securè acquiescam. Et sanè Paulus hoc beneficium ab-  
 solutionis, quod confitentibus peccatoribus consolatio-  
 nem adfert maximam, non tacuit, vbi de ministerio Sacer-  
 dotum ita disseruit: *Deus nos reconciliauit sibi per Christum.*  
 2. Cor. 5. *Deus dedit nobis ministerium reconciliationis. Pro Christo le-*  
 1. Cor. 4. *gatione fungimur, tanquàm Deo exhortante per nos.* Ac ite-  
 rum: *Sic nos existimet homo vt ministros Christi, & dispensa-*  
 tores mysteriorum Dei. Quos ministros & dispensatores tan-  
 to magis colam, quanto illorum ordo nunc vulgo habetur  
 & est contemtibilior, & cum Hieronymo dicere non dubi-  
 tabo: Absit vt de his quicquam sinistrum loquar, qui A-  
 postolico gradui succedentes, Christi corpus sacro ore con-  
 ficiunt, per quos & nos Christiani sumus: qui clauis regni  
 cœlorum habentes, quodammodò ante iudicij diem iu-  
 dicant.



dicant. Quæ porro ad historiam Apostoli Thomæ spectant, suas notas alibi accipient, & cum festo eiusdem Thomæ Apostoli coniungentur.

## DE -PRECIBVS CVM HOC EVANGELIO CONIUNGENDIS.

**P**RECANDVS est mihi bonisq; omnibus Deus pro Ecclesia pace & vniõne, si vnquam antea, nunc maxime quidē infidelium & sectariorū apertis insectationibus, ac præterea infidelium dissidijs ac simultatibus misere distracta atq; scissa, ut idcirco navis nostra in grauissimas angustias redacta esse videatur. Eoq; magis pro concordia Christianorum Principum & Magistratum diuina bonitas nocte ac die fidelibus omnibus inuocanda est. Nam & doctrina Apostolica est consentaneum, multorum fieri obsecrationes, orationes, postulationes & gratiarum actiones pro omnibus hominibus, postissimum vero pro Regibus & omnibus qui in sublimitate sunt, ut quietā & tranquillam vitam agamus in omni pietate & castitate.

1. Tim. 2.

**O**RABO etiam pro sacerdotibus idoneis & eligēdis & promouendis, qui non modo sine crimine & offensione, sed etiā cum adificatione & fructu Ecclesia suum munus impleat, vereq; sal terra & lux mundi appellari, dona & sacrificia pro peccatis decenter offerre, piscatores hominum esse, regnumq; celorum dignè & aperire & claudere peccatoribus queant.

Matth. 5.

Hebr. 5.

Matth. 4.

Ioan. 20.

**P**RÆTEREA Dominum inuocabo, ut lapsis necessarium penitentia Sacramentum pristino loco, quem apud veteres Orthodoxos habuit, nostro ferreo seculo aliqua ex parte restituatur. Non enim illud, ut oportebat, in usu & precio habetur, sed passim vel contemnitur, vel ex consuetudine quadam exercetur sine debita cordis contritione, sine pura criminum exomologesi & ea humilitate, per quam fructus digni penitentia peragantur. Præclare autem dixit Chrysostomus: Perfecta penitentia cogit peccatorem omnia libenter ferre: in corde eius contritio, in ore confessio, in opere tota humilitas.

Serm. de  
pœnitentia

DOMI-



DOMINICA SE-  
CVNDA POST PASCHA,  
QVÆ ET MISERICORDIA  
Domini vocatur.

*Sequentis Euangelij Argumentum.*

**E**uangelium pars est disputationis à Christo habitæ ad-  
uerfus inuidos Pharisæos, qui cum tel spsa fures essent ac  
latrones, soli tamen vel maxime in Iudæorum Ecclesia pa-  
stores ac rectores videri cupiebant, Christoq; Domino ni-  
hil minus quàm veri pastoris locum & munus concedebât.  
Retundit ergo illos Christus, & probat se verum & propriũ  
esse pastorem, qui præter docendi officium velit & vitã pro  
salute suarum ouium impendere, idque per suos Apostolos  
sit curaturus, vt Iudæi & Gentes hæcenus inter se dissiden-  
tes, in vnum & idem ouile colligantur, ac se pastorem agno-  
scât & amplectantur. Sic demum impletur, quod iam pridem  
per Isaiam Deus Messia promiserat hac oratione: Parum est  
vt sis mihi seruus ad suscitandas tribus Iacob, & facies Israël  
conuertendas. Ecce dedi te in lucem gentiũ, vt sis salus mea  
vsq; ad extremum terræ.] Neque tamen Christus de solo  
Pastore, sed etiam de mercenarijs, lupo & ouibus hinc dis-  
ferit. Mercenarius à Gregorio intelligitur, qui locũ quidem  
pastoris tenet, sed lucra animarũ non querit, terrenis com-  
modis inhians, suasque oues deferens, cum eas pascere, &  
contra hostes tueri maximè oportebat. Lupi typum & spe-  
cimen gerit Satan cum suis satellitibus & Antichristi præ-  
cursoribus, præcipuè verò hæreticis clàm palàmve in Chri-  
stianas animas grassantibus, vnde & Lupi rapaces in Scri-  
ptura dicuntur.

Mal. 49.

Matt. 7.  
Act. 20.  
Ezech. 22.

## EIVSDEM DOMINICÆ

Euangelium Ioan. x.

**D**ixit IESVS ad Phariseos: Ego sum pastor bonus. Bonus pastor animam suam dat pro ouibus suis. Mercenarius autem, & qui non est pastor, cuius non sunt oues propria, videt lupum venientem, & dimittit oues, & fugit: & lupus rapit & dispergit oues. Mercenarius autem fugit, quia mercenarius est, & non pertinet ad eum de ouibus. Ego sum pastor bonus: & cognosco oues meas, & cognoscunt me mea. Sicut nouit me Pater, & ego agnosco Patrem, & animam meam pono pro ouibus meis. Et alias oues habeo, quæ non sunt ex hoc ouili. Et illas oportet me adducere, & vocem meam audient, & fiet unum ouile, & unus pastor.

NOTÆ MEDITATIONVM ET  
PRECATIONVM CIRCA IDEM

EVANGELIUM.

Ego

## Ego sum Pastor bonus.



Æ C sententia in Euangelio sæpius repetita, ingentem pijs consolationem adfert, ac me peculi-  
ariter de Christo cognoscendo & amando, aut po-  
tius redamando admonet, vt qui non modo meus Redem-  
ptor & propitiator, sed & animæ meæ pastor ac Episcopus  
in hunc vsq; diem esse dignatur. Sic enim de illo Petrus A-  
postolus fideles omnes compellat: *Eratis sicut oves errantes:*  
*sed conuersi estis nunc ad Pastorem & Episcopum animarum*  
*vestrarum.* Neque tantum ille sacerdos, pastor, Episcopus  
& Pontifex, sed & Princeps pastorum, & magnus pastor, immò  
& Rex regum, & Dominus dominatum in Scripturis appel-  
latur, quoniam primatum in omnibus tenet. Ego verò hunc  
numeris omnibus bonum pastorem tunc cognoscā & com-  
plectar maxime, cum ipse in sacro Eucharistiæ sacramento  
præsens, totum se mihi ad pascendum ac reficiendum of-  
fert ac tribuit liberalissimè, perinde ac si plenus gratia &  
charitate coram dicat: *Accipite & manducate. Hoc est cor-*  
*pus meum. Illic est sanguis meus. Hic est panis de calo descen-*  
*dens: vt si quis ex ipso manducauerit, nō moriatur.* O clemen-  
tem & munificum verèque incomparabilè pastorem, qui  
non contētus corporeo nutrimento, quotidie nos egenos  
pascere, tantis etiam laboribus atque doloribus nos perdi-  
tos ex horrendis infernalis lupi faucibus eruit, atque in su-  
um præclarum ouile transfert: immò etiam num suas oves  
quàmuis immerentes, verbi sui lautissimis pascuis, & quod  
multò est amplius, sacrosancto corpore & sanguine suo ale-  
re & sustentare pergit. Quid porrò huic fido pastori æquari  
queat, si eius curam, industriam, vigilantiam fidelitatem,  
patientiam & charitatē assiduam cum aliis, quotquot vn-  
quàm fuerunt & erunt pastoribus, ritè conseramus? *Quid*  
*enim debuit ultra facere, & non fecit? Ecce ego ipse inquit, re-*  
*quiram oves meas, & visitabo eas. Ego pascam oves meas: &*  
*ego eas accubare faciam. Quod perierat requiram, & quod ab-*

sectum

1. Pet. 2.

Hebr. 7.

1. Pet. 5.

Hebr. 13.

Apoc. 19.

Coloss. 2.

Matth. 26.

Luc. 22.

Ioan. 6.

Isai. 5.

Ezech. 34.

cellumeras reducam, & quod contractum fueras alligabo: & quod infirmum fuerat, consolidabo: & quod pingue & forte, custodiam, & pascam illas in iudicio. Tum idem pastor in Evangelio disertè promittit, nec minus promissum suum implet quotidie: *Per me ait, si quis introierit, saluabitur, & ingreditur, & egreditur, & pascua inueniet.* Quem ergò pastorem Christo maiorem, fidiorem magisq; salutarē agnoscam? non Moysen, non Aaron, nō Samuelem, non Oniam, licet probi pastores suo etiam seculo extiterint, sed qui summum Pastorem maximumq; Pontificem Christum nobis adumbrarunt, & illius quasi fuerunt præcursores. Vnus hic totius ouilis à Deo electi præfectus ac pastor manet, à cuius ouili sancto me diuelli ac abstrahi non patiar. Hic populū suum in deserto pascit manna cœlesti, ideo quæ ab illo animæ meæ pabulum & alimoniam cupidissimè petam. *Venite inquit, comedite panem meum, & bibite vinum quod miscui vobis.* Penes hunc vnum pastorem præpinguia sunt vitæ pascua & amœnissima præta, quæ non solum in hoc, sed in futuro etiam seculo possunt desiderari: is est solus, qui suos fideles verbo & sacramento, immò & seipso, id est diuina humanaque natura pascit ac saturat in sempiternum.

Quocirca ego non fidam humanis præsidij, quæ arundineo baculo, ac fictili fragiliq; vasculo iure comparantur, quæ mundi amatores miserè fallunt, ac sæpenumero perdunt. *Maledictus enim homo qui confidit in homine, & ponit carnem brachium suum, & à Domino recedit cor eius.* Ego cum Psalmographo dicam audacter: *Dominus regit me,* (alij cum Augustino legere solent, pascit me) & nihil mihi deerit: in loco pascuæ ibi me collocauit, ipse est Dominus Deus noster: & nos populus pascuæ eius, & oues manus eius.

Et si verò neminem reperiri puto, qui sine turpi arrogantiæ nota hanc sibi vocem usurpare possit: *Ego sum pastor bonus.* Nullus enim bonus (essentialiter, vti vocant) nisi vnus Deus, solusq; Christus Agnus est immaculatus, qui nec pec-

Ioan. 10.

Prou. 9.

Jerem. 17.

Psal. 22. &amp; 94.

Matt. 19.

Ioan. 1.

1. Pet. 2.

1. Cor. 1.

cauit

Ioan. 10.

Jerem. 22.

Rom. 10.

Heb. 5.

cauit vnquam nec peccare poruit, nostra iustitia & sanctificatio: tamen duplicem cuiusque pastoris bonitatem agnoscam, & per illam Catholicos ab hæreticis pastoribus discernere. Primum boni & Euangelici pastoris argumentum est, si ordinariam vocationem ac probatam missionem habeat, vt per ostium ad oues ingrediat, & legitima ordinationis suæ authentico symbolo sit commendatus. Nam ad sectarios falsosque pastores pertinet, quod iratus Deus apud Prophetam queritur: *Non mittebam Prophetas, & ipsi currebant: non loquebar ad eos, & ipsi prophetabant.* Vt hinc etiam Apostolus pronuntiârit: *Quomodo predicabunt, nisi mittantur?* Verat igitur idem, nè quisquam sibi eiusmodi pastorem sumat honorẽ, nisi vocetur à Deo tanquam Aaron, quia neque Christus seipsum clarificauit, vt Pontifex fieret. Eoque magis dolebo vicem & improbitatem sectariorum, qui contempta Ecclesiasticorum magistratuum autoritate atque missione, in pastorale munus seipsos intrudunt, aut à ciuili potestate se in sacra munia ingeri patiuntur, vt idcirco legitimi vel pastores, vel ministri Ecclesiæ non possint existimari.

1. Tim. 1. &amp; 2

2. Tim. 3.

1. Tim. 6.

Ioan. 7. &amp; 10.

Altera nota veri bonique pastoris est, doctrinam non nouam, aut suspectam, sed veterem & receptam profiteri, eaque Christi oues syncerè pascere, & in officio continere. Quare Paulus etiam præcipit, vt Dei Ecclesiæ que minister formam sanorum verborum habeat, recteque tractet verbum veritatis, & in his quæ in domo Dei viuunt Ecclesia didicit, permaneat, depositumque custodiat. Nam & Christus seipsum suamque doctrinam ita contra Iudæos excusat: *Mea doctrina non est mea, sed eius qui misit me. Qui à semetipso loquitur, gloriam propriam querit.* Ac iterum de suis ouibus testatur, quòd vocem ipsius norint & sequantur, alienum verò non sequantur, sed ab illo velut adulterino fugiant, quia non nouerunt vocem alienorum. Igitur Catholici pastoris non tam vita quam doctrina mihi spectanda atque sectanda est, & in his quæ cum Ecclesia consentienter ille

docet,



docet, Christum ipsum pastorem, Christiq; vocem audire mihi videbor, sicut postea fusiùs exponemus. Nā & Paulus dicere non veretur: *An experimentum quæritis, eius qui in me loquitur Christus?* Ac iterum: *Qui hæc spernit, ait, non hominē spernit, sed Deum, qui etiam dedit Spiritum suum sanctum in nobis.* Quid quod Christus ipse asserere non dubitavit? *Qui vos audit, me audit: & qui vos spernit, me spernit.* Vnde satis mihi videri nō debet, si pastorem Christum agnoscam, sed vocem eiusdem tum in seipso, tum in suis ordinarijs pastoribus loquentem & mandantē religiosē complectar, ut me germanam & fidelem optimi pastoris ouem reipsā declarē, & ordinem in Ecclesia necessarium seruena.

*Bonus Pastor animam suam dat pro ouibus suis.*

MAGNO & æterno Pastori Christo gratias agam, quandoquidē pastorale munus in Ecclesia ouibus necessarium (quid enim sine pastore hoc imbecille pecus?) instituit singularique potestate & gratia ita communiuit, nullis ut humanis viribus ac Satanicis artibus possit hoc illorum officium aboleri. Fidis ipse pastoribus continenter assistit, eorumque conatibus successum tot ætatibus ubiq; gentium tribuit, quos idem Princeps pastorum immarcessibili gloriæ corona cohonestare decreuit. Ad hanc piorum pastorum multitudinem omnem illa Dei vox referri potest: *Ecce dedi verba mea in ore tuo: ecce constitui te super Gentes & super regno: ut euellas & destruas, & disperdas & disspes, & edifices & plantes. Bellabunt aduersum te, & non preualebunt: quia ego tecum sum, ait Dominus ut liberem te.* Atque ut certius constet, quā sit ingens præmium illorum, qui in grege Domini pascendo se gnauos exhibēt, iudex demum, cū ad finem pascendi laborandique ventū fuerit, amanter ita singulis dicet: *Enga serue bone & fidelis, quia super paucos fuisti fidelis, supra multa te constituam: intra in gaudium Domini tui.* Beatus enim ille seruus, quem cū venerit Do-

2. Cor. 13.

1. Thess. 4.

Luc. 10.

1. Pet. 5.

Jerem. 1.

Matt. 25.

Matt. 24.

*minus eius, inueneris sic facientem. Amen dico vobis, quoniam super omnia bona sua constituet eum.*

Quid verò, si ordinarij pastores officium suum non faciunt, sed seiplos potius quàm gregem pascant, ac mercenarios, de quibus Christus hîc loquitur, æmulentur, quoniam quæ sua sunt quærūt, & temporalia lucra sectantur, humanis vitijs & affectibus obnoxij? Ergone consultè fecero, si me illis in oblatrando & mordendo veluti canem, aut in conuersando tanquàm hœdum cornutum, vel in oppugnando feroci leoni aut vrsô similem præbeam? Habeant præpositi Ecclesiæ suos nœuos, vt etiam spectantium oculos offendant, & subinde cum Christi discipulis digni sint reprehensione. An idcirco meum est, Aristarchi, censoris vel iudicis personam mihi sumere, vt discipulus supra magistrum sapiam, & seruus maior esse audeam Domino suo? Hæc profectò non congruunt cum ouium natura & simplicitate, quæ omni iure diuino & humano subesse & parere debent pastoribus, & nisi ab illis regantur, eorumque sequantur imperium, facilè vagantur & errant, certumque sibi periculum & exitium creant. Vt autem illis ritè prouideatur, & à lupis tutè seruentur, pastoris vœcem audiant necesse est, & illius quidem maximi Pastoris, à quo dictum & seriò præceptum esse constat: *Omnia quæcunq; dixerint vobis (sedentes nimirum in cathedra) seruare & facite: secundum opera verò illorum nolite facere.* Dicunt enim & non faciunt. Nunc autem (Chrysostomi verbis vtor) non est dicendum, Super Cathedram Christi sederunt sacerdotes: eius enim acceperunt doctrinam.] Notat & Augustinus, Christum eodem loco fideles suos secutos facere de dispensatoribus malis, mala sua facientibus, & bona eius loquentibus. Quamobrem in his pastoribus, qui sanam doctrinam seruant, & legitima Ecclesiæ iura exigunt, quid aliud nisi Christum ipsum loquentem ac sonantem audiam, vt in illis diuinam ordinationem honorem? tam etsi illi vitam prorsus nō inculpatam, & mores magistris &

Matt. 10.  
Ioan. 13.

Matt. 23.

Hom. 85. in  
Ioan.

Epist. 137.

ministris Ecclesiæ indignos adferant, sed velut sal infatum esse videantur. Matth. 5.

Abfit interim, ut ego falsis fratribus ac apertis etiam Ecclesiæ hostibus illide assentiar, meque conformem, quibusnumquam famulare, pastorum & sacerdotum vitia numerare, illosque vulgo traducere, quin etiam totum illorum ordinem fictis sapè criminibus grauari, ac iniustum reddere, sicut & Cyprianus ætate sua factum esse deplorat. Interea verò ad voces illas diuinas obsurdescimus, quæ in verbo Dei clarissimè docent: a *Principi populi tui non maledices.*

Lib. 4. epist.

2. &amp; 9.

a Exod. 22.

b 2. Cor. 5.

c Matt. 7.

d Iacob. 2.

Matt. 5.

b *Maledicti regnum Dei non consequentur.* c *Nolite iudicare, ut non iudicemini. Nolite condemnare, ut non condemnemini.*

d *Nè Christi fidem in acceptione personarum habeatis.* Nonnè

Christus ipse testatur, impunè non abiturum, si quis verbum vnum per contumeliam dictum, in fratrem iaciat, cum insuper qui priuatum etiam hominem appellat fatuum, perpetuo gehennæ incendio esse plectendum? Iubentur oues ab Apostolis pacem habere cum pastoribus, illisque subiacere: sed & magistratibus omnibus, etiam dyscolis obedire, ac suum illis honorem tribuere, si Christi oues esse cupiant.

1. Thess. 5.

Heb. 13.

1. Pet. 2.

Quam igitur igitur veniam & excusationem illi promerentur, qui non solum in sacerdotes, sed etiam in horum antistites, summosque Pontifices scommata & conuitia linguis virulentis effundunt, aut certè procacibus illorum obtrectatoribus libenter aures porrigunt atque suffragantur? In hos nempe dictum Moyse competit: *Non contra nos est murmur vestrum, sed contra Dominum.*

Heb. 10.

Sed enim si vnquam antea, nunc vel maximè non accusandi, sed commiserandi, nostrisque precibus subleuandi sunt præpositi Ecclesiarum, quandoquidem illorum officium sectarij difficillimum, & prorsus exosum reddiderunt, ipsique velut summa tempestate iactati, ad Ecclesiæ clauum sedent, atque à sæuis hostibus grauiter vndique oppugnati, cum Apostolis in medijs horrendisque fluctibus merito clamitant: *Domine salua nos, perimus.* Quod si verum fate-

Matt. 8.

Marc. 5.

Luc. 8.

Homel. 2. in  
epist. 2. ad  
Timotheū

1. Tim. 4.

2. Tim. 4.

Philip. 2.

Ioan. tract.  
46.

Philip. 1.

Iob. 4.

Psal. 118.

Matt. 13.

1. Tim. 5.

bimur, communis contemptus ac neglectus pastorum, qui nunc passim irrepsit, omnium ferme malorum, ac præsentium hæreseon ac schismatum fontem ac fomitem præbet. Id quod Chrysostomus confirmans, perspicuè dixit: Hoc nempe est malorum omnium causa, quod rectorū autoritas perijt, nulla ijs reuerentia habetur, nullus honor, nullus metus. Quid verò isthuc noui est, officio suo deesse sacerdotes? quemadmodum & Apostolorum seculo, cum insignis Ecclesiæ puritas floreret, bonorum sacerdotum raritas ac penuria deplorabatur. Hinc illa verba ab Apostolo scripta legimus: *Hic iam queritur inter dispensatores, ut fidelis quis inueniatur. In prima mea defensione nemo mihi adfuit, sed omnes me dereliquerunt. Omnes quas sua sunt querunt, non quas sunt Iesu Christi.* Rectè igitur censet Augustinus, necessarium esse ut mercenarios audiamus, cum multi in Ecclesia commoda terrena sectantes, Christum prædicant: eos enim qui audiunt, Christi pastoris per mercenarios sonantis vocem audire, qui & meritò cum Paulo testari possunt: *Dum omni modo siue per occasionem, siue per veritatem Christus annuntiatur, & in hoc gaudeo, sed & gaudebo.*

Quocirca illos mihi deplorandos putabo, qui adeò sunt imbecilles, ut propter hominum vitia vel exempla, quæ non solum in Apostolis, sed etiam in Angelis reperire licet, grauiter offendantur, cum Propheta dixerit: *Pax multa dilectis tuis legem tuam: & non est illis scandalum.* Ac enormius etiam illi peccant, qui sese ob pastores malos vel insipientes, à vera fide & Ecclesia patiuntur abduci, nec mentis se volunt, in hoc militante Christi regno bonis malos, & triticum zizanijs semper admisceri. Sed enim improborum sacerdotum vita corrupta, Christiani sacerdotij præstantiam, ac Sacramentorum sanctitatem non magis polluit, quàm sacrilega Iudæ nefarij proditio Apostolici ordinis præcellentem dignitatem offuscet ac vitiat. *Qui verò benè præsunt presbyteri, si Apostolum Paulum sequimur, duplici honore digni habeantur: maxime qui laborant in*

verbo

*verbo & doctrina.* De alijs porrò presbyteris atque pastoribus, qui indignè præesse videntur, quod ad vitam attinet, idem Paulus non omnibus iudicandi potestatem fecit, sed Episcopo ita mandauit: *Aduersus præsbyterum accusationem noli recipere, nisi sub duobus aut tribus testibus.* Quanquàm nos de illis pastoribus Ecclesiæque ministris duntaxat loquimur, qui tametsi in vita & moribus bonos ac malos offendant, tamen Orthodoxam ac sanam doctrinam retinent, à sectaria fide alieni: dicunt enim & non faciunt. Quid multa? diligendus est pastor, tolerandus est mercenarius, cauendus est latro, vt Augustini verbis hæc omnia concludamus.

*Ego cognosco oues meas, & cognoscunt me mee.*

MAIOREM in modum oprabo me illis electis Christi quibus aggregari, quæ fide & charitate commendatæ, pastorem suum & Pontificem æternum agnoscunt, vocentque illius libenter audiunt, ac studiosè sectantur. Eiuscemodi oues à suo pastore vicissim tunc agnoscuntur maxime, cum à scædis hædis separabuntur, & in die supremi iudicii ad dexteram collocatæ, benedicti erunt filij Patris, & velut Christi fratres & cohæredes coràm toto mundo publicè celebrabuntur, atque ad æternum Dei regnum foelicissimè adsciscuntur. De his ipsis cum voluptate audiam dulcem Christi promissionem: *Ego inquit, vitam æternam do eis, & non peribunt in æternum, & non rapiet eos quisquam de manu mea.* Ac iterum alibi: *Ecce ego ipse requiram oues meas, & visitabo eas. Sicut visitat pastor gregem suum in die quando fuerit in medio ouium suarum dissipatarum: sic visitabo oues meas, & liberabo eas de omnibus locis, in quibus dispersæ fuerant. In pascuis uberrimis pascam eas, vt cætera præternitiam.* Cùm verò sit ouium proprium, lupos fugere & exhorrere, vt à quibus certum periculum & exitium sibi metuendum intelligunt, valde mihi quoque cauebo ab illo

Ibidem.

Matt. 23.

Serm. 49.  
de verbis  
Domini.

Matt. 25.

Ioan. 10.

Ezech. 34.

Matt. 7.

pestilenti doctorum genere, quos Christus lupos rapaces in Euangelio appellauit. Etenim hi nunquàm non ouibus infidiantur, & studium pestilens adhibent eisdem ouibus dispergendis, rapiendis atq; iugulandis. De his quoq; Paulus

2. Cor. 11.

monuit: *Eiusmodi Pseudoapostoli sunt operarij subdoli, transfigurantes se in Apostolos Christi.* Ac tanto quidem illi magis fugiendi ac detestandi, quod sub ouina veste truculentâ luporum

Matt. 7.

sauitiam norint abscondere, quodque pestifere doctrinæ virus in animos incautos & simplices miris modis infundant. Hinc seria Christi suas oues excitantis est admonitio: *Attendite à falsis Prophetis, qui veniunt ad vos in vestimentis ouium, intrinsecus autem sunt lupi rapaces.*

Ioan. 10.

Dolebo interim tam multos hodie reperiri, qui præsentis seculi lupos adeò non fugiunt, vt relictis & contemptis suis pastoribus vltrò lupos adeant, seq; totos illis permittant, quos & pro charissimis habet præceptoribus, & quibus miseram seruiunt seruitutem. Quid verò Christus? *Omnis inquit, qui non intrat per ostium (in ouile ouium) sed adscendit aliunde (licet se ouium pellibus contegat, seq; à Deo missum esse iactet, ac Dei verbum prædicet) ille fur est & latro.*

Hic. 13.

Quòd si Christi oues essent, Christi utique vocem in domo sua, & in ordinarijs ministris suis loquentem audirent, neque ad sectarios & latronum speluncas confugerent, vt alienos, Ecclesiæq; aduersarios summo cum periculo sequerentur. Vnde suas etiam oues Deus hortatur: *Nolite audire verba Prophetarum, qui prophetant vobis & decipiunt vos, visionem cordis sui loquuntur, non de ore Domini.* Neque sunt pauci hoc seculo, qui se Christi oues esse gloriantur, nec velint tamen cum Petro Apostolo, eiusque in Ecclesia Romana

Ioan. 10. 12.

successoribus quicquam habere commune, sicut & alios Ecclesiæ Catholicæ antistites atq; gubernatores respuunt & adspernantur. Horum cæcitatem mihi quoque deplorandam putabo, quod miseri non cernant Christum ipsum esse, qui in Ecclesia sua seruari ordinem velit, & inter alia suo loco vnum & summum pastorem ac principem o-



uium, vt ritè pascantur & in vnitatē contineantur instituerit. *Pasce* inquit, *agnos meos, Pasce oves meas.* Tum idem est Christus, qui Episcopos Apostolis vicaria ordinatione succedentes, vt est apud Cyprianum, ad regendam Ecclesiam vbiq̃ gentium dedit, totq̃ seculis conseruauit. Qui præterea non solum Prophetas & Apostolos, verum etiam pastores & doctores constituit ad consummationē sanctorum in opus ministerij, & in adificationem corporis Christi, Apostolo teste.

Actor. 20.

Ephes. 4.

QVONIAM verò non est valdè frequens numerus ouium Euangelicarum, Christo pastori se totos integrè subiicientium (pauci enim semper electi) idcirco mihi noranda sunt præcipuæ conditiones & dotes in quibus naturam & mores ouium debeam æmulari. Sunt illæ quidem suapte sponte simplices, mansuetæ, frugales, patientes, morigeræ, neminem lædunt, & de multis benè merentur sua lana, lacte, carne & intestinis, ac licet saue mactentur, non se vindicant & pugnant sicut pleraq̃ solent animantia. Eòque magis veniam à DEO petam, quòd per Christi spiritum ea non præstem, quæ natura duce oues diligenter obseruant, & ob quæ filius Dei se agnum & ouem voluit appellari. Et reuera ille Agnus est, vt Ioannes inquit, occisus ab origine mundi, & mactata ouis, vt Isaias his verbis comprobatur: *Sicut ouis ad occisionem ducetur, & quasi Agnus coram tondente se obtumescet, & non aperiet os suum.* Meum erit posthac maiorem adhibere curam, vt Christum intus forisq̃ loquentem audiam, meq̃ totum ad illius vocem & voluntatem componam, quocunq̃ ille me vocet ac ducat, quia animam meam solus suis æternis bonis & pascere & saturare promisit, inquit: *Noli timere, ego protector tuus sum, & merces tua magna nimis.* Satiabor ergo ait Dauid, cum venerit gloria tua. Petam illum à Deo mihi spiritum dari, quo afflatus Ieremias de seipso dixit: *Ego non sum turbatus tepidus, sed sequens.*

Matt. 20.

Apoc. 13.

Isai. 53.

Gen. 15.

Psal. 17.

Ierem. 17.

## DE PRECIBVS CVM HOC EVANGELIO CONIVNGENDIS.

**P**RECANDVS est mihi Deus, ut secundum cor suum Episcopos, Pastores & Doctores, hoc est, idoneos animarum medicos eligat, suamq; promissionem hoc infœlici seculo impleat: Dabo, inquit, vobis pastores iuxta cor meum, & pascant vos scientia & doctrina. De his pastoribus dixit Apostolus Petrus: Pascite qui in vobis est, gregem Dei, providentes non coactè, sed spontaneè, secundum Deum: neq; turpis lucri gratia, sed voluntariè, neq; ut dominâtes in cleris, sed forma facti gregis ex animo.

**O**RABO etiam pro Catholicis Episcopis, quos Apostolus à Spiritu sancto ad regendam Dei Ecclesiâ positos esse testatur, nimirum ut sibi & universo gregi ipsis concredito diligenter attendant, ac idcirco tum clero, tum populo visitationem simul & reformationem necessariam subinde adhibere contendant. Sic enim fiet, ut imminentes lupos facilius arceant, & pauciores mercenarios habeant, oves autem in ovili suo securius continent, æternâq; vitæ pabulo felicius pascant reficiantq;.

**A**D HÆC divinam implorabo gratiam pro Ecclesiâ unitate, ut ex Iudæis & Gentibus unum efficiatur ovile, quod sub vno summoq; pastore Christo, ac eius vicario Pontifice in terris pacificè gubernetur. Non enim rectius habere potest militans Ecclesiâ, nisi cum unum est ovile & unus pastor, sicut Christus fore prædixit, & multò ante per Ezechielem Deus hisce verbis promisit: Suscitabo super oves pastorem unum qui pascat eas, servum meum David: ipse pascet eas, & ipse erit eis in pastorem. Ego autem Dominus ero eis in Deum: & servus meus David princeps in medio eorum. Quo magis orabo pro hereticis atq; schismaticis, qui necessariam Ecclesiæ unitatem per summam iniuriam scindunt, & lacerant: dum sicut Iudas Apostolus dixit, semetipsos segregant, suntq; animales, spiritum non habentes, sed secundum desideria sua in impietatibus ambulantes.

DOMI-



# DOMINICA TER- TIA POST PASCHA, QVAE IUBILATE DICITVR.

## *Sequentis Euangelij Argumentum.*

CHRISTVS iam iam passurus vltimam cœnam cum suis discipulis in Ierusalem celebravit, & præclarū longumque sermonem habuit ad mœstos eorum animos consolandos atque præmuniendo, quoddam fixissimam quasi tempestatem statim essent experturi. Etenim tradito & a ludæis capto Domino, impletum fuit illud oraculum: Percutiam pastorem, & dispergentur oves gregis.] Egebant illi sanè timidi ac tristes fida præmonitione, quam Ioannes describit, & cuius initium est: Non turbetur cor vestrum:] finis autē sic habet: Hæc loquutus sum vobis, vt in me pacem habeatis. In mundo pressuram habebitis: sed confidite, ego vici mundum.] Ex eodem sermone desumpta sunt Euangelia, quæcūq; ab hoc tempore Dominicis diebus ad Pentecosten vsq; in Ecclesia recitantur. In his apparet vis excellens ad consolandum & hortandum, quando nos etiam in cruce versamur, vel cum alijs afflictis agere volumus: augent præterea Dominicæ & augustæ resurrectionis gaudium, cui totum Paschale tempus concinnè deputatum est. Præsens autem Euangelium habet hoc peculiare, quoddam sèpè mentionē faciat de modico tempore, quo se Christus discipulis videntum exhibere vellet.] Quod quum Apostoli non assequuntur, Christus seipsum explicans, vtrumque, mœroris scilicet & gaudij, tempus illis prænunciat, sed gaudium solidius atque durabilius fore promittit. Cùm enim vix ab illis triduo absuisset, & rediniuus ad suos in corpore glorificato rediisset.

Zach. 13.  
Matt. 26.  
Ioa. 14. & 16.

Ioan. 20.

Act. 1.

Matth. 5.

fer, magnoperè illi sunt exhilariati, sicut & illa cõfirmat sententia Ioannis: Gausi sunt discipuli viso Domino.] Quod ingens discipulorum gaudium sæpe innouatum fuit, cum Dominus post passionē suam se viuum illis præbuit in multis argumentis, per dies quadraginta apparens eis, & loquē de regno Dei, sicut Lucas euidenter commemorat. Neque solum primis discipulis, sed & pijs omnibus afflictionibus & persecutionibus hic prædicuntur, simulque iubentur illi bono esse animo, & firmam expectare consolationem, adeoque à Christo ipso pendere, qui suos nunquā deserit, sed veluti parturientibus assistit fideliter tempore suo, vt idcirco quamlibet crucem & vicissitudinem non debeant formidare. Beati enim qui lugent, quoniam ipsi consolabuntur.



## EIVSDEM DOMINICAE

Euangelium Ioan. xvi.

**D**ixit IESVS discipulis suis, Modicum & iam non videbitis me, & iterum modicum, & videbitis me: quia vado ad Patrem. Dixerunt ergo ex discipulis eius ad inuicem. Quid est hoc quod dicit nobis: Modicum, & non videbitis me: & iterum modicum, & videbitis me, & quia vado ad Patrem? Dicebant ergo, Quid est hoc quod dicit modicum? Nescimus quid loquitur.

Cogno-

*Cognouit autem IESVS quia volebant cum interrogare: & dixit eis, De hoc queritis inter vos, quia dixi vobis, Modicum & non videbitis me, & iterum modicum, & videbitis me. Amen amen dico vobis, quia plorabitis & flebitis vos, mundus autem gaudebit: vos autem contristabimini, sed tristitia vestra vertetur in gaudium. Mulier cum parit, tristitiam habet, quia venit hora eius: cum autem pepererit puerum, iam non meminit pressuræ propter gaudium, quia natus est homo in mundum. Et vos igitur, nunc quidem tristitiam habetis, iterum autem videbo vos, & gaudebit cor vestrum: & gaudium vestrum nemo tollet à vobis.*



NOTÆ MEDITATIONVM ET  
PRECATIONVM CIRCA IDEM  
EVANGELIUM.

*Modicum, & iam non videbitis me: &  
iterum modicum, & videbitis me.*

**R**ÆSCIVS omnium futurorum Christus nihil celat discipulos amicissimos, sed iam de instante morte & resurrectione, iam de futuris hostium persequutionibus multa prodit arcana. Vnde iisdem antè



Amos. 3.

Genes. 18.

Luc. 22.

Luc. 6.

Matt. 14.

Joan. 18.

Matt. 10.

Luc. 7.

ibidem.

testatus fuerat: *Vos dixi amicos, quia omnia quaecumq; audiui à Patre meo, nota feci vobis.* Nec est dissimile, quod in veteri lege faciebat Deus, futuris de rebus Prophetas pramonens, vt hinc Amos testetur: *Non faciet Dominus Deus verbum nisi reuelauerit secretum suum ad seruos suos Prophetas.* Quare & amicum suum Abraham ita compellauit: *Nunc celare potero Abraham quæ gesturus sum?* Neque modo læta & iucunda, sed etiam tristitia & acerba cum suis communicat Christus, præsertim vt ex morte sua iam imminente sciant, suos animos non leuiter vulnerandos; simulque tamen suæ resurrectionis breui sequuturam promittit gloriam, quæ gaudium illis ingens adferret. Ego verò singulares hîc gratias agam Domino, qui vt nemo alius, amicum & fidum se consolatorem partim discipulis, partim alijs etiam immerentibus sapè numero præbuit, ad nostram vtique consolationem. Etenim tametsi pauper Christus suos etiam Apostolos egenos esse voluit, tamen in his quæ ad corpus corporeamque vitam spectabāt, nihil illis necessarium deesse passus est, ideòque in eadem cœna hoc modo illos interrogauit: *Quando misi vos sine sacculo & pera & calceamentis: nunquid aliquid defuit vobis?* At illi dixerunt, *Nihil.* Iactati aliquando illi summa tempestate, vt in naui periclitarentur, quæ tantum non fluctibus cooperiebatur, ex improviso venit ad illos Dominus super mare ambulans, & ventorū impetū verbo vno dissipauit, ac mare illis tranquillū reddidit. Deinde cum ipso in horto ab hostib⁹ caperetur, nō sustinuit, suorum quenquam attingi, sed omnes conseruauit illæsos: *Sinite inquit, hos abire.* Tantam ille curam habuit discipulorū, quibus & alibi non frustra promisit: *Vestri & capilli capitis omnes numerati sunt: nolite ergo timere.* Sed ad externos veniamus, qui singularem Domini in consolando vim & efficaciam reipsa senserunt. Consolatus est tristem viduam vnico orbatā filio, cuius cadauer ad sepulchrū efferebatur, statimq; ex mortuo viuum illū effecit. Consolatus est Magdalenam peccatricem, quæ coram menſe conuiuiſ

peccata



peccata sua plurimis & amarissimis deplorauit lachrymis, eamque non solum absoluit, sed etiam postea semper charissimam habuit. Consolatus est ingentem populum, fame & inedia periturum, nisi illum in deserto panibus & piscibus exsaturasset, seque ut verum Messiam, illis agnoscendum exhibuisset. Consolatus est veteres Patres in Lybbo perinde ac in tetro carcere tot sæculis victos, quū illos ipsos, ut diximus, statim à morte amanter inuisit, ac potenter eductos secum in cœlos transtulit. Quid verò longæ & frequentes eius peregrinationes fuerūt aliud, præterquam fida officia charitatis, & consolatoriæ visitationes hominum calamitosorum? quandoquidem ut Petri verbis utamur *pertransiit benefaciendo & sanando omnes oppressos à diabolo*, docens in Synagogis Iudæorum & prædicans Evangelium regni, & curans omnem languorem, & omnem infirmitatem, sicut Matthæus affirmat. Petam igitur à Christo singularem gratiam, quæ magni est sanæ momenti, & non ita multis obtingit, ad afflictos alios ritè consolandos. Est enim hoc præclarum, ac fraternæ charitatis proprium argumentum, si quis norit ac studeat obseruare quod scriptum est: *Non desis plorantibus in consolatione, & cum lugentibus ambula. Non te pigeat visitare infirmos, ex his enim in dilectione firmaberis.*

Vbi non abs re fuerit nonnulla recensere, quæ ad probam solidamque mœrentium aut afflictorum consolationem conferunt, ut eò rectius me Christo magistro conforinem, quem Isaias quidem in hoc missum asserit, ut lugentes omnes confoletur. Huc autem in primis conducer, si virgeam necessariam fidem de certa prouidentia DEI, & quod in rebus quidem mortalium nihil temerè, casu, vel fortuitò, nihilque, ut in Iob scriptum legimus, sine causa fieri soleat. *Omnia enim per Verbum facta sunt, & sine ipso factum est nihil, beneq; fecit omnia*, siue ipsum Dei facientis consilium intelligamus, siue ignoremus. Vnde à Paulo etiam dictum accepimus: *In ipso Deo viuimus, & mouemur &*

Matth. 14.  
Ioan. 6.

Act. 10.

Matth. 9.

Ecclef. 7.

Isai. 61.

Iob. 5.  
Ioan. 1.  
Marc. 7.

Act. 17.

Pfal. 5.  
Rom. 8.

Joel. 2.

1. Cor. 10.

Pfal. 33.

Pfal. 90.

Hebr. 12.

2. Cor. 1.

*sumus.* Deinde certò statuendum est, Deum authorem & gubernatorem omnium naturâ bonum esse, & summum bonum, qui peccati author esse nolit nec possit, quoniam *non est Deus volens iniquitatem*, sed qui diligentibus se in bonum omnia cooperatur, & humanum quidem genus maxime amare consuevit. Vnde apud Prophetam non solum Dominus & Deus, sed etiam benignus, misericors, patiens, multæ misericordiæ, & præstabilis super malitia nuncupatur. Adhæc idem tam prouidus, tamque de nobis sollicitus est perpetuò, ut Paulus aperitè testetur: *Fidelis est Deus qui non patietur vos tentari supra id quod potestis: sed faciet eam cum tentatione prouentum, ut possitis sustinere.* Ac licet ille nullius egeat, solusque bonorum omnium fons & origo sit, tamen & miseri hominis commiseretur, & afflicto vel minimo compatitur, suamque illi manum pollicetur ac præstat, nec minorem pauperum quam diuitum & potentum curam gerit: *Isle pauper clamauit*, inquit David, *& Dominus exaudiuit eum: & de omnibus tribulationibus eius saluauit eum.* Ac alibi rursus Deum sic loquentem inducit: *Clamauit ad me, & exaudiam eum: cum ipso sum in tribulatione, eripiam eum & glorificabo eum.* Quid autem optabilius ac dulcius de Deo fingi potest, quàm quod à nobis Pater dici, haberi que postulet, licet nonnunquam irascatur & offensus feriat ac puniat delinquentem, immò idcirco se optimum fidissimumque Patrem esse non obscurè declarat. *Quem enim diligit ille, castigat, flagellat autem omnem filium quem recipit. In disciplina persequeretur.* Tanquàm filius offert se Deus, *Quis enim filius, quem non corripit pater?* ut cum Apostolo Paulo loquamur. Est enim ille Pater benignissimus, & sicut scriptura docet, pater misericordiarum, & Deus totius cōsolationis, cuius & sapientiæ & bonitatis nullus numerus, nullus modus aut finis constitui potest.

LONGVM verò esset dicere, quot pharmaca & remedia nobis diuina bonitas tribuerit, & quotidie suppeditet, ut aduersus tentationes, pugnas, calamitates atque pericula

munia-

muniamur, nosque ipsos & alios firmiter consolemur. Habemus & legimus præsentissimum antidotum & medicamentum firmissimum, *DE* verbum. Habemus & cernimus Christi capitis crucem præferentis, sustinentis & exaltantis absolutum exemplar. Nec desunt Patrum veterum innumera testimonia & expressa vestigia, si sequi velimus præeuntes. Elucet puerorum & puellarum exempla, quibus ad immania pro Christo & pietate ferenda supplicia merito confirmemur. Docet ipse mundus quotidie, quàm iuste illum contemnere debeamus, quando reuera hic nihil est aliud præterquàm tristitiæ luctusque patria, lacrymarum vallis, omnium scelerum lerna, Saranæ sui principis theatrum vel ciuitas, malorum omnium quæ facta sunt & fient officina atque sentina, electorum carcer, sanctorum carnificina, funestus exercitus contra Deum & Angelos perpetuò rebellis & contumax, demum infelix Babylon & fucata meretrix, quæ cum suis insanis amatoribus poenas grauissimas & nunquàm desituras dabit. Postremo de coelestibus diuitijs atque delitijs, quæ omnes manent electos, dicere supersedeo, vno atque altero Apostoli dicto contentus: *Oculus non vidit, inquit ille, nec auris audiuit, nec in cor hominis ascendit, quæ præparauit Deus his qui diligunt illum.* Ac iterum: *Id quod in presenti est momentaneum & leue tribulationis nostræ supra modum in sublimitate æternæ gloriæ pondus operatur in nobis.* Et in aliâ epistola: *Existimo quod non sunt condigne passionis huius temporis ad futuram gloriam, quæ reuelabitur in nobis.*

2. Cor. 4.

1. Cor. 2.

Rom. 8.

Atque hæc summaria sunt capita, seu fontes argumentorum, quæ dextrè tractata, non vulgarem consolandi præbent occasionem, & afflictos animos in acerbo luctu erigunt atque confirmant, vt etiam natura impatientes & pusillanimes suam crucem moderatius atque constantius ferant. Illius enim semper meminisse debent, quod princeps Apostolorum docuit: *Deus omnis gratiæ, qui vocauit nos in æternam suam gloriam in Christo IESU, modicum passio ipse perficies.*

3. Reg. 19.

Iob. 1. &amp; 2.

Eccle. 2.

Lib. 7. moralium. c. 20

Lua. 21.

Tract. 101. in Ioan.

*perficiet, confirmabit, solidabitq.* Quid igitur est obsecro, cur in paupertate, labore, morbo, persequutione & quavis afflictione angar & querar, animumque despendeam? Modicum & pusillum est, quicquid in mundo patior, si meritis vitiorum meorum pœnas, & ingentes aliorum bonorum angores, agones atque calamitates animaduerto. *Non enim melior sum quam patres mei*, sicut Elias aiebat. Modicum, inquam est, si summi Dei me visitantis charitatem, Spiritus sancti adiuuantis gratiam, ac impositæ crucis utilitatē, modò eam grato amplectar pectore, mecum recta perpendo, ut idcirco cum patiente Iob gratias Deo agens merito dicam: *Sicut Domino placuit, ita factum est: sit nomen Domini benedictum. Si bona suscepimus de manu Dei, mala quare non sustineamus?* Quare non aliter ac languidum & agrotum fidenter me illi committam, qui cœlestis ad nos medicus venit, nec modò blandis & lenibus, sed etiam acribus & amaris vititur pharmacis, ut malè sanos in domo sua restituat, ac probè purgatos famulos sibi gratiores faciat atque meliores. *Ua autem hi qui perdididerunt sustinentiam*, ut Ecclesiasticus dixit: quam illi sanè iuxta Gregorium perdunt, qui dum diu se immorari visibilibus æstimant, spem inuisibilium derelinquunt, qui que fonte bonorum Deo relicto, ex humanis præsijs toti pendēt, nec suas animas, uti Christus præcepit, possident in patientia.

*Quid est hoc quod dicit nobis, Modicum? nescimus quid loquitur.*

EXCVSARI possunt Apostoli, quòd hoc loco Christi verba, utpote obscura, quia nondum impleta, minus assequantur, ut idcirco de sensu verborum Domini inter se conquirerent, seque illum omninò nescire faterentur. Quod verò illis tunc obscurum visum est, post Domini passionem & resurrectionem sicut ijsdem, ita nobis etiam manifestius factum est, nulla ut interpretatione amplius opus esse videatur, sicut etiam indicat Augustinus. Ac frequenter qui-

dem

dem isthuc Apostolis accidit, vt de præsentis magistri verbo, sanoq; illius intellectu nihil certi constituere, sed inter se contendere soliti fuerint, quemadmodum cùm Euangelicas audirent parabolas, de quæ Christi regno & resurrectione, & de Ioannis exitu à Domino admoneretur. Quid? quòd accepto etiam Spiritu sancto ijdem discipuli inter se consultant, & synodum Hierosolymitanam celebrant, vt oborta quæstio de veteri circumcissione & legis Mosaicæ obseruatione post collatas multorum sententias definiatur, ac firmi aliquid ab omnibus obseruandum pronuncietur. *Visum est*, inquiunt, *Spiritui sancto & nobis*. Quare mirabor nouatorum audaciam ac vanitatem, qui tametsi de vero scripturæ sensu nō solum nobiscum, sed etiam inter se perpetuò pugnent, tamen sacras literas apertas & perspicuas faciunt, vt sibi & suis illarum intelligētiam polliceātur, neque vel ad Synodos, vel ad Patres illarum interpretationē referre dignentur, perinde ac si ipsi soli maximè sapiant, & magistris verè orthodoxis non egeant. Nos verò nimis verum esse comperimus, quod princeps Apostolorum luculenter affirmat, non solum in Paulinis epistolis, sed etiam in alijs scripturis, quædam esse difficilia intellectu, quæ indocti & instabiles (vt sanè sunt heretici) deprauent ad suam ipsorum perditionem. De quibus & Paulus ipse pronunciat, quòd à fide aberrantes quidam conuersi sunt in vaniloquium, volentes esse legis doctores, sed non intelligentes neque quæ loquuntur, neque de quibus affirmant. Præclare scripsit Chrysostomus: Neque vel syllaba, vel apiculus est in sacris literis, in cuius profundo non sit grandis quispiam thesaurus. Proinde nobis opus est, vt diuina gratia duamur, & Spiritu sancto illustrati, eloquia diuina adeamus. Nam & Paulo hoc accidit, vt licet Euangeliū non ab homine, sed à Deo accepisset, tamē Hierosolymam ascenderit, vt conferret illud cum Apostolis, sicut luculēter ipse testatur.

Præterea vicem illorū sincerè dolebo, qui hoc tempore foeda laborant ignorantia, qualis in Apostolis nō fuit, vt

Mat. 13. & 15  
Matt. 16. 17.  
& 20.  
Ioan. 21.  
Act. 15.

2. Pet. 3.

1. Tim. 1.

Hom. 21. in  
Genes.

Gal. 1. & 2.



nec sciant, nec velint quidē discere, quæ Catholicæ doctrinæ capita sint atque fundamenta. Manent enim eque semper imperiti, rudes ac crassi, nullamque credendi sustinent curam de controuersis nunc dogmatibus, de septem Ecclesiæ sacramentis, de traditionibus Apostolicis, de præceptis & legibus Ecclesiasticis. Bona hominum pars de more tantum audit conciones in tēplis, magnumque Catholicæ doctrinæ præ se fert fastidium, præsertim vbi nouæ aduersariorum opiniones, falsaque dogmata confutantur. Non pauci cum impijs illud dicere videntur: *Recede à nobis, scientiam viarum tuarum nolumus. Vanus est qui seruit Deo: & quod emolumentum, quia custodimus præcepta eius?* Verum hæc supina rerum sacrarum ignorantia, vt grauiter Deum veritatis omnis autorem offendit, ita etiam in populum nouæ religionis cupidum haud leuem calamitatem inducit, ac solitam eius auget inscitiam, sicut Isaias his verbis indicauit: *Propterea captiuus ductus est populus meus, quia nō habuit scientiam.* Ac iterum: *Propterea dilatavit infernus animam suam, & aperuit os suum absq; ullo termino: & descendent fortes eius & populus eius, & sublimes gloriosiq; ad eum.* Tum apud Oseam ita legimus: *Populus tuus sicut hi qui contradicunt sacerdoti. Conticuit populus meus eo quod non habuerit scientiam.* Igitur in his locum tenet Apostolica quoque sententia: *Si quis ignorat, ignorabitur.* Non quod necesse sit quēuis de vulgo religionis doctrinam exactē cognoscere, atq; de illa iudicare, quoniam vt præclare ab Augustino dictum est: Turbam hominum non intelligendi viuacitas, sed credendi simplicitas tutissimam facit. Verum vbi inter sectarios uiuitur, & noua falsaque dogmata Catholicis auribus frequenter ingeruntur, vbi & ferè cuiq; liberum de religione iudicium permittitur, illic sanè licet ac decet in promptu habere illa, quibus necessaria fidei dogmata utcunq; propugnentur. Sic enim docuit & princeps Apostolorum: *Parati semper ad satisfactionem omni poscenti vos rationem de ea qua in vobis est, spe & fide.*

Præterea



Præterea nihil multitudo illorum deploranda est, qui cum multa & magna se putant cognoscere, nesciunt tamē, nec perpendunt illud Modicum homini Christiano sæpe numero considerandum, hoc est, quàm brevis, fluxa & incerta isthac vita sit mortalium, quæ, si verum fatebimur, exigua quædam maris gutta cum toto mari collata, & veluti stella vnà cum toto cœlo comparata, immò & perinde ac momentum vnum ad infinitam futuri seculi ætatem relata debet existimari. *Quid enim est vita nostra, nisi, vt Iacobus dixit, vapor ad modicum parens? Quid omnis caro nisi fenum, & omnis gloria eius sicut flos agri, ex Isaiæ sententia? Quid vanius, fallacius, instabilius huius vitæ opibus, voluptatibus & blandimētis omnibus? quæ nunc seculi filijs abundè tribuit Deus, sed prosperitas illos sicut & diuitem epulonem euertit. Vanitas igitur vanitatum, & omnia vanitas, vt dixit ac probauit Ecclesiastes. Vt hinc etiam David affirmet: Homo vanitatis similis factus est, dies eius sicut umbra prætereunt.* Quam in re satis fuerit illius audire iudicium, qui humanæ vanitatis miseriæque sortem multùm expertus, ita scripsit: *Homo natus de muliere, breui viuens tempore, repletur multis miserijs. Qui quæsi flos egreditur & conteritur, & fugit velut umbra, & nunquam in eodem statu permanet.* Tanto autem rectius cum Augustino conquerar, mortalem hanc vitam tot amaritudinibus respersam, & quotidianis ærumnis obnoxiam semperque mutabilem, adedò multis arridere, iucundamque videri, vt se blandis eius lilecebris capi, falsisque promissis decipi, quin etiam vera æternaque vita priuari vltro patiantur. Et si enim per se vita præsens vana sit & amara, vt etiā suos cæcos amatores latere non valeat, tamen infinitam stultorū multitudinem aureo calice, quem in manu habet, potat & prorsus inebriat. Quibus hoc etiam Augustinus annectit: Felices illi, & ipsi rari, qui vitæ huius familiaritatē recutant, perfunctoria gaudia spernunt, societatem abijciunt, ne cum pereunte decipitrice & ipsi perire cogantur.] Mox de futura vita quæ præ-

Jacob. 4.  
Isai. 40.

Luc. 16.  
Prou. 1.  
Ecclesi. 1.  
Psalm. 143.

Iob. 14.

Lib. meditat. cap. 21.

Ecclesi. 1.  
Prou. 1.

ibidem.  
cap. 22.

parauit Deus his qui diligunt eum, subiicit, eam vitam vocans beatam, securam, tranquillam, pulchram, mundam, sanctam, mortis ignaram, tristitiæ nesciam, sine labe, dolore, anxietate, corruptione, perturbatione, varietate & mutatione. In qua vita est amor perfectus, & timor nullus, dies æternus, & vnus omnium spiritus, vbi præterea Deus facie ad faciem cernitur.]

*Amen amen dico vobis, quia plorabitis  
& flebitis vos, mundus autē gaudebit:  
vos autem cōtristabimini, sed tristitia  
vestra vertetur in gaudium.*

AMPLECTENDVM est utique hoc Christi Domini vaticinium, de lugendo simul & gaudento pronunciatum, quod varijs quidem modis accipi potest, & in multis quotidie solet impleri. Primùm enim ubique gentium vsu venire, sicq; natura comparatum esse cernimus, vt sicut dies noctem, & serenitas tempestatem consequitur, ita tristibus etiam lætiora succedant, & rebus aduersis mortalium prospere permisceantur. *Est enim tempus flendi, & tempus ridendi: est tempus belli, & tempus pacis*, quemadmodum prædicat Ecclesiastes. Iubet igitur Paulus redimere tempus, hoc est, naturali rerum vicissitudine nos vti sapienter, vt illam ad gloriam Dei, fraternæque charitatis officium couertamus, siue lugendum sit, siue gaudendum. Vult enim nos flere cum flentibus, & gaudere vicissim cum gaudentibus, nè alioquin sinus cum Stoicis astorgi, & sine affectione, sed vt Christo capiti benignitate & misericordia mutua cōformemur, quando & ille cum Iob sancto dicere potuit: *Ab infantia mea creuit mecum misratio: & de utero matris mee egressa est mecum.* Curabo igitur, vt non desim luctus temporis, sed vt cum Petro peccata mea, & cum Paulo multorum improbitatem desiccam: nec minus interim læter ac glorier, Deoque gratias agam ob successus felices Eccle-

siæ, &

Ecclef. 3.  
Ephes. 5.  
Col. 4.

Rom. 12.

Iob. 31.

Matt. 26.  
Phil. 3.

lia, & propter priorum beneficia, sicut & Paulum fecisse legimus. Deinde præsens Christi verbum in Apostolos propriè competit, qui post Domini mortem, cum velut orphani amisso magistro, ac Iudaïs exosi facti essent, verè luxerūt ac plorârunt, quando ad illos primum accessere mulieres de CHRISTI resurrectione nunciantes, sicut & Marcus expressit. Nec dubium est, eosdem suum moerorem cum gaudio commutasse, tot visis Domini apparitionibus per dies quadraginta, quando cum Domino resuscitato suauiter & familiariter conuixerunt. Accessit & maius illorum gaudium, cum ascendentem in monte Dominum aspexerunt, & sicut Lucas inquit, adorantes regressi sunt in Ierusalem cum gaudio magno. Quod ingens illorum gaudium non minuit, sed adeò auxit aduentus Spiritus sancti, vt nullus hostium illud auferre potuerit. Idcoque licet à principibus sacerdotum caderentur, tamen *ibant gaudentes à conspectu concilij, quoniam digni habiti essent pro nomine IESU contumeliam pati.* Nec aliter sanè illi fecerunt quàm docuerunt, omne gaudium in eo statuentes, quòd intentationes varias inciderent, in tribulationibus mirè gloriantes. Dolco igitur, me ab Apostolorum moribus tam procul abesse, & idcirco veras consolationes spiritus non perferentiscere: quia cum hisce discipulis præsentem crucem infracto animo ferre detrecto, neque Paulinum illud cogito: *Sicut socij passionum estis, sic eritis & consolationis. Sicut abundant passiones Christi in nobis: ita & per Christum abundat consolatio nostra.* Quam ego consolationem cœlestem perciperem, qui terrenam plus æquo confector, & peruerto diuinæ scripturæ ordinem: quo sancitum est: *Beati qui lugent, quoniam ipsi consolabuntur. Parasti in dulcedine tua pauperi DEVS. Esuriētes impleuit bonis, & diuites dimisit inanes.*

2. Cor. 9.  
Philip. 1. 4.

Marc. 18.  
Actor. 1.

Luc. 24.

Actor. 5.

Jacob. 1.  
Rom. 5.

2. Cor. 1.

Matth. 5.

Psal. 97.  
Luc. 1.

Neque solum Apostolis, verum etiam horum successoribus ad pascendum regendumq; Christi gregem destinatis, hoc ipsum vaticiniū accommodabo. Si enim vlli alij,

Ecclesiastici certè magistratus ob apertam fidei confessionem, & constantem Catholicę veritatis defensionem, crucem & tristitiam hęc prædictam experiuntur, suisq; certaminibus maiorem coronam & immortalem lætitiā à Christo reportant. Hi sunt, qui dum pastorale munus suū obeunt, & Apostolicis vestigijs insistant, apud homines minorem gratiam & grauiorem inuidiam sibi cōstant, multisq; persecutionū flammis obiecti, ac velut aurum in igne probati, magis corā Deo & Angelis eius, adeoq; in tota Ecclesia fulgere consueuerunt. In horum illustri ordine completur, quod à Christo ipso disertè promittitur: *Qui fecerit & docuerit hic magnus vocabitur in regno celorum.* Et sicut ab Angelo dictum est Danieli, *qui ad iustitiam erudiūt multos, fulgebunt quasi stella in perpetuas æternitates.* Magni sanè fidiq; pastores & doctores extiterunt, quos & viros Apostolicos appellare licet, Athanasius, Hilarius, Basiliius, Chrysostomus, Augustinus, Cyrillus, miris quidem modis ab hæreticis exagitati, sed quorum sapientia & virtus tantò magis resplenduit, quanto illi diutius & fortius pro Catholica pietate certarunt. Vicit Christus in illis electis organis, quibus & dedit os & sapientiam, cui resistere non possunt omnes aduersarij, ac ipsi dem laudem & gloriam cum perpetua scelicitate coniunctam abundè communicant.

Reliquum est, vt hunc ipsum locum qui latè patet, ad vniuersam etiam Ecclesiam referam, quæ nobis per mulierem parientem non temerè adumbratur, & quamdiu in terris quidem militat, hostiumque copijs est circumcincta, non potest non morere atque discrucari. Nulla unquam mulier plures & acerbiores contentiones atque pugnas pertulit: nulla ciuitas vel arx diutius & grauius per feroces milites oppugnata: nulla nauis vel à diris tempestatibus, vel à circumfremantibus piratis furiosius impetita fuit: nulla demum domus hostili magis conspirationi & obfidioni patuit, aduersus quàm Iudæi, ethnici, barbari, hæretici atque schismatici magis aperto Marte & per cuniculos ardentius decertarent, quæque plures ex domesticis pro

Matth. 5.

Daniel. 12

Matth. 10.



ditores, apostatas & prosequutores ætate vlla sustineret. Est illa quidem sancta Christoque sponso dicata, & super petram firmissimam ædificata domus, quam & Paulus columnam & firmamentum veritatis appellat. Habet autem hoc sibi proprium, vt cruci perpetuò subiecta sit, & in cruce quoque gloriatur, vt quam sibi & suis domesticis maxime familiarem ac salutarem esse cognoscit. Nec est dissimilis Israelitis, qui tantò magis multiplicabantur & crescebant, quantò grauius olim ab impijs Ægyptiacis sub rege Pharaone opprimebantur. Vt hinc etiam scripserit Ambrosius: Sicut aurum bonum, ita Ecclesia cum vritur, detrimenta non sentit, & magis fulgor eius augetur. Hoc ergò lucrum ex hostium insectatione refert Ecclesia, vt eius fides ac doctrina per illos vel inuitos illustretur, & passim à pluribus agnoscat. Eoque magis & sæpius ego Ecclesiæ capiti gratias agam, qui tale regnum, quod omnibus dominetur, in terris constituit, adeòque muniuit, vt nè portæ quidem inferorum aduersus eam, omnibus fraudibus & viribus Satanicis praualeare possint. Gaudebo igitur in huius Ecclesiæ societate versari, & cum Christo crucifixo, cum Ecclesia vidua, cum electis omnibus desiderabo communem habere sortem, vt crucem sustineam, & persecutionem patiar propter iustitiam. Sicut enim parturiens mulier non potest nõ grauius cruciari: suumque incredibilem lactum nato iam filio cum singulari commutat gaudio: ita & nobiscum agi putabo, qui primùm in cruce probamur, & per illam deinde ad verum, solidum & æternum gaudium preparati accedimus. Atque huc demum spectant illæ sententiæ: a *Qui seminat in lacrymis, in exultatione metent.* b *Transiimus per ignem & aquam & eduxisti nos in refrigerium.* c *Qui perdidit animam suam propter me, inueniet eam.* d *Si commortui sumus, & conuiuemus: si sustinebimus, & coregnabimus.* e *Per multas tribulationes oportet nos intrare in regnum Dei.* Quæ omnia verba Christus hoc vno verbo conclusit: *Tristitia vestra vertetur in gaudium.*

Matt. 16.  
1. Tim. 3.

Genes. 50.  
Psal. 118.

Matth. 16.

Matth. 5.

a Psal. 125.

b Psal. 55.

c Matt. 10.

d 2. Tim. 2.

e Act. 14.

Ioan. 16.

## DE PRECIBVS CVM HOC EVANGELIO CONIVNGENDIS.

**P**RECANDVS est mihi Deus, ut premunitum habeam animum aduersus mundi siue blandimenta, siue terricula-  
menta, quæ mentem fidelium sæpè perturbant ac vulnerant. Non enim omnium, & vix quidem paucorum est, aduersus mundi venenata spicula pectus illa sum tueri, & cum Paulo dicere: Mihi mundus crucifixus est, & ego mundo. Quicun-  
que autem voluerit amicus esse seculi huius, inimicus Dei constituitur, Iacobo Apostolo teste.

**O**RABO pro usu latitiæ atq; tristitiæ moderato legitimo-  
quæ, ut rebus prosperis affluentibus non insolebam, sed in Do-  
mino cum debita modestia gaudeam, & rursus ob quauis ad-  
uersa non pusillanimus fiam, sed tristitiam quæ secundum Deum  
est, ad mundi gaudium temperandum prudenter adiungam.  
A Seneca quidem rectè dictum est: In secundis nemo confidat:  
in aduersis nemo deficiat: alternæ sunt vices rerum. Eodem au-  
tem spectat Sapientis aurea sententia: In die bonorum nè sis  
immemor malorum: & in die malorum nè sis immemor  
bonorum. Confide in Deo, & mane in loco tuo.

**P**ETAM insuper gratiam ad breuem & incertam vitam  
meam periodum ritè in hoc curriculo transigendam, & simul fe-  
liciter absoluendam, nimirum ut temporariam tristitiam cum  
perpetua latitiâ, quam suis electis Christus promeruit ac promi-  
sit, obtinere possim. Sic enim & orauit Propheta Regius: No-  
tum fac mihi Domine finem meum, & numerum dierum  
meorum quis est: ut sciam quid desit mihi. Paucita-  
tem dierum meorum nuncia mihi: nè re-  
uoces me in dimidio dierum  
meorum.







# DOMINICA IV.

## POST PASCHA, QVAE CANTATE DICITVR.

### *Sequentis Euangelij Argumentum.*

**P**ERGIT CHRISTVS in vltima illa cœna esse consolator, vt tristes discipulorum animos erigat ac præmuniat aduersus imminentem malorum tempestatem, maximè verò vt suum abitum, & ad mortem transitum illis faciat tolerabiliorem. Cùm enim Spiritus sancti aduentus illis non solum vtilis, sed etiam necessarius foret ad imminens certamen superandum, nec minus ad munus Apostolicum rectè obeundum, eundem aduentum frustra expectari docet, nisi morte sua intercedente, quæ singularem ipsis ac toti orbi fructum adferret. Vbi de Spiritu sancto ac eius effectu præclara commemorat, ac satis ostendit, ipsum esse Deum omnis veritatis doctorem & fontem, qui Apostolos ipsos, totamq; Christianam Ecclesiam de præsentibus & futuris rebus creditu necessarijs instruat: qui præterea Iudeos ac alios Christi hostes planè conuincat summi criminis, vtpote infidelitatis; qui & ipsam Christi iustitiam, innocentiam ac dignitatem, quoddam nōpe sit victor Satanæ, omnisque virtutis autor & vindex, non obscure demonstrat. Eiusdem Spiritus est proprium, clarificare vel glorificare Christum, vt eius officium, præstantia & maiestas in medijs mundi tenebris fulgeat, cuius & doctrina, & fides, & Ecclesia, quantumvis oppugnata, de peccato, morte, mundo & diabolo, eiusque ministris generosè triumphet, & non modò per Apostolos & Prophetas, sed etiam per pastores & Doctores mirabiliter vsq; propagetur atq; defendatur. Ioannes hunc ipsum Spi-

1. Ioan. 2.

ritum unctionem appellat, ita scribens: Non necesse habet, ut aliquis doceat vos: sed sicut unctio eius docet vos de omnibus. Docet autē de omnibus creditu necessarijs, nec immediatē quidem, sed per ordinaria eius medijs & instrumenta vii sunt pastores & doctores, apli q; Christi sponsa Ecclesia, quae à Spiritu sancto viq; doctur ac regitur, ideoque columna & firmamentum veritatis a Paulo appellatur.

1. Tim. 3.



## EIVSDEM DOMINICAE

Euangelium Ioan. XVI.

**D**ixit IESVS discipulis suis, Vado ad eum qui misit me, & nemo ex vobis interrogat me: quò vadis? Sed quia hæc loquutus sum vobis, tristitia implevit cor vestrum. Sed ego veritatem dico vobis, expedit vobis ut ego vadam. Si enim non abiero, Paracletus non veniet ad vos: si autem abiero, mittam eum ad vos. Et cum venerit ille, arguet mundum de peccato, & de iustitia, & de iudicio. De peccato quidem: quia non credunt in me; de iustitia verò: quia ad Patrem vado; & iam non videbitis me; de iustitia verò: quia ad Patrem vado: & iam non videbitis me; de iudicio autem: quia princeps huius mundi iam iudicatus est. Adhuc multa habeo

vobis

*vobis dicere: sed nō potestis portare modò. Cum autē venerit ille Spiritus veritatis, docebit vos omnem veritatem. non enim loquetur à semetipso: sed quaecunq; audiet loquetur, & quæ ventura sunt, annūciabit vobis. Ille me clarificabit. quia de me accipiet, & annūciabit vobis.*



NOTÆ MEDITATIONVM ET  
PRECATIONVM CIRCA IDEM

EVANGELIUM.

*Quia hæc locutus sum vobis, tristitia implevit cor vestrum. Sed ego veritatem dico vobis, expedit vobis, ut ego vadam.*



Vanumuis leniter & amanter, maximè in extrema illa cœna, cum discipulis ager Christus, tamen illorum offensionē effugere non potuit, cum admoneret se ab ipsis breui discessurum, immò cum sceleratis acerbè morturum esse. Quæ res illorum animos ita pupugit, ut in tristitiam vehementem conijcerentur, quòd nihil illis acerbius videretur, quàm tali magistro privari, à quo vno pendebant uniuersi. Ego verò sicut humanam imbecillitatem in hisce discipulis inœrentibus agnoscam, ita & singularem Christi respōdentis prudentiam & æquitatem laudabo, ut qui non contentus blanda & iucunda illis ad consolandū asserre, amara etiam ac tristitia ad reprehendendum immiscet, quoniam instar Samaritani, ægrotorum tractat vulnera, ut vinū & oleum coniunctim infundat. Eo

Ioa. 13. & 14.

Luc. 10.

dem

Matt. 16.

Col. 4.

Matt. 18.

Ephes. 5.

Prou. 27.

Eccles. 7.

Prou. 14.

Eccles. 6.

Prou. 11.

&amp; 29.

Gal. 1. 3.

1. Cor. 1. 3.

2. Cor. 7.

1. Cor. 4.

Exod. 10.

3. Reg. 22.

Matt. 6.

Matt. 14.

dem modo agit alibi cum Petro, quem supra omnes discipulos laudat & promissis ornat, paulò post autem tam durè corripit, vt inter cætera dicat, *Vade post me Satana. Absit igitur, vt contra Christi Domini exemplum proximo suatum præstem amicum, & lata solum ac iucunda referam, sicut facere solent adulatores. Non enim celanda, sed ingenuè depromenda est veritas, neque tam suauia & grata, quàm vtilia & salutaria proferre debeo, vt syncere charitatis officium præstem, & sermo meus, quemadmodum Paulus exigit, suo sit sale conditus. Nam & præceptum est Evangelicum: Si peccauerit in te frater tuus, vade & corripe eum inter te & ipsum solū. Et Apostolus luculenter admonet: Noli te communicare operibus infructuosis tenebrarum, magis autem redarguite. Meliora enim sunt vulnera diligentis, quàm fraudulenta oscula odientis, vt Salomon asserit. Melius est à sapiente corripit, quàm stultorum adulatione decipi, ait Ecclesiastes. Habeat mundus fictum & fallax hominum genus, quos diuina scriptura diuitum amicos, mensæ socios, infideles sodales atque simulatores appellat, qui blandis fictisque sermonibus permultos fallere, & in graues errores inducere consueuerunt. Ego genuinam Christianæ charitatis & amicitie vim in Paulo mirabor atq; sectabor, qui pro sancta sua libertate Galatas in fide errantes, & Corinthios dissentientes atque carnales apertè castigat & corripit. Si, inquit, contristauit vos in epistola, non me paenitet. Ac iterum: Quid vultis? in virga veniam ad vos: an in charitate & spiritu mansuetudinis? Etenim syncerus amor, (firmissimum Christianæ societatis vinculum) vt vanum asseratorem ac fallacem hypocritam respuit, ita liberum admonitorem exigit, etiam si prolata veritas nonnunquam aures delicatas offendat, ac dicenti odium pariat. Id quod Moyse apud Pharaonem, Michæ apud Achab, sed & Ioanni Baptistæ in aula Herodiana legimus vsuuenisse.*

Præterea me ab illorum consuetudine disiungam, qui velut præposteri sint auditores Euangelicæ doctrinæ, loca

illa quæ ipſorum inſtituto & affectibus quadrant, ſolenter excerpunt: alia verò quæ ad correptionem & ſalutem eorum maximè pertinent, velut clauſis oculis prætereunt, & vix vnquàm attingunt. Placet igitur illis miſericordiæ diuinæ, libertatis Euangelicę, & iuſtificantis fidei frequēs commendatio. Ad reliqua verò quæ Chriſtianam pœnitentiam, humilitatem, obedientiam, iuſtitiam operum, carniſque mortificationem requirunt, vel naueant proſus, vel obſurdeſcunt. Delectatur vulgus illis ſerè magiſtris, de quibus per Ezechielem queritur Deus *Deceperunt populum meum dicentes: Pax, & non eſt pax: Va autem qui conſuunt puluillos ſub omni cubito manns: & faciunt cervicalia ſub capite vniuerſe etatis ad capiendus animas.* Eiſdem farinæ ſunt magiſtri ſiue doctores, qui per dulces ſermones & benedictiones, vt Paulus loquitur, innocentium corda ſe ducunt. Illos autem deplorabo maximè, qui ſicut idem Paulus fore prædixit, ſanam doctrinam non ſuſtinent, & cùm ſint prurientes auribus, magiſtros ſibi nouos coaceruant, à veritate quidem auditum auertentes, & ſicut Propheta dixit, ſurantes verba Domini.

Sunt autem varia triſtium ſeu mœrentinum genera hîc mihi diſcernenda, Habent ſuam triſtitiam hypocritæ, cum ad laudem hominum emerendam ieiunant, ac vitam aſturiorem ſimulant. Hos Chriſtus apud Iudæos illo dicto redarguit: *Cùm ieiunatis, nolite fieri ſicut hypocritæ triſtes.* Eſt & auaris triſtitia frequens, quòd optato lucro careant, & inexplibili cupiditate æſtuent. *Auarus enim non implebitur pecunia.* Proinde cùm diues adoleſcens conſilium Euangelicum de voluntaria paupertate percepſiſſet, abiit ille triſtis, Chriſtoque anſam præbuit pronunciandi, diuitem in regnū coelorum haud facilè ingreſſurum. Nec temerè monuit Sapiens: *Declina pauperi ſine triſtitia aurem tuam.* Triſtantur & quidam, ſicut Cain inuidus ac deſperans, qui non nunquàm abundantiore triſtitia, vt loquitur Paulus, abſorbentur, ac miſere proſus pereunt vel conta-

Ezech. 13.

Rom. 16.

2. Tim. 4.

Jerem. 23.

Matt. 6.

Eccleſ. 5.

Matt. 19.

Eccleſ. 4.

Genef. 4.

1. Cor. 7.

betunt.



- belcunt. *Sælix autem qui non habet animi sui tristitiam, & non excidit à se se sua, ut dictum est à Sapiente. Qui & optime monuit: Nè dederis in tristitia cor tuum, sed repelle eam à te, & memento nonisimorum. Tristitiam longè expelle à te. Multos enim occidit tristitia, & non est utilitas in illa. Quare Salomon etiam hoc tradidit: Sicut tinea vestimento, & vermis ligno: ita tristitia viri nocet cordi.* Peccauit ergo rex impius Antiochus, cum iniquissimè ferret, animumque desponderet, quòd plaga diuina percussus, ingentibus doloribus excrucietur, nullamque intus aut foris consolationem reperiret. Sed & Paulus tristitiam seculi reprehendit, quæ in plerisque mundi filiis quotidie cernitur, quando communi more & affectu hominum præditi, quæcunque aduersa & molesta illis accidunt impatientissimè sustinent, sæpeque murmurant & blasphemant, quoniam prementis doloris aculeis omninò succubunt. De his verè cum Paulo dixeris: *Seculi tristitia mortem operatur*: nimirum nisi ratio & Christi spiritus eiusmodi fœdas & inmodicas tristitias grauesque perturbationes mitiget atque moderetur. Proinde hunc inordinatæ tristitiæ spiritum, qui latè patet multaque vitia post se trahit, velut noxiam animæ meæ pestem sedulò fugiam & exterminabo. Nam & Christus dormientes præ tristitia discipulos corripuit, inquit: *Vigilate & orate, ut non intretis in tentationem.* Et Apostolica est sententia: *Tristatur aliquis vestrum? oret.* Ad quam orationem se Rex David excitauit, cum à tristitia ad sanctam lætitiā sese reuocare cupiens, aiebat: *Quare tristis es anima mea? & quare conturbas me?* Spera in Deo, quoniam adhuc confitebor illi: salutare vultus mei, & Deus meus. Est interim sancta quædam tristitia luctusque laudabilis, quem nisi Christus in suis probaret fidelibus, non palam asseruisset: *Beati qui lugent, quoniam ipsi consolabuntur.* Nec solū ita dixit, sed in luctu etiam frequenti sese exercuit, interiorem quidem tristitiam amaris lacrymis contestatus. Huc & apertè protulit a *Nunc anima mea turbata est.* b *Baptismo habeo*

baptiza-



*baptizari, & quomodo coarctor, usq; dum perficiatur? c Tristitia est anima mea usq; an mortem.* Et germanus imitator Christi Paulus dicere non dubitat: *Tristitia mihi magna est, & continuus dolor cordi meo.* Dispiciam igitur, vt hunc luctum, quo filij Dei à seculi filiis facile discernuntur, mihi reddam quodammodo familiarem, & in eo exercear sapè. Scriptum est enim: a *Beatus homo qui semper est pauidus.* b *Et, homo sapiens in omnibus metuit.* c *Cor sapientium vbi tristitia est, & cor stultorum vbi letitia.* Euangelicus autem luctus, & salutaris tristitia, si peccata mea cum a Petro & b Magdalena defleam, si cum c Corinthijs à Paulo laudatis contrister ad poenitentiam: si cum filiis Iacob & Ieremia manum Domini percutientis agnoscam, & ex animo dicam: *Merito hæc patimur: Castigaisti me Domine, & eruditus sum quasi iuneculus indomitus, Postquam conuertisti me, egi poenitentiam.* Est & illa mihi procuranda atque suscipienda tristitia, quæ, sicut Paulus inquit, poenitentiam in salutem stabilem operatur, quæque, vti Cassianus habet, obediens, affabilis, humilis, mansueta, suavis ac patiens, vtpote ex Dei charitate descendens, & sese ad omnem corporis dolorem spiritusq; contritionem extendens. Erit & illa mihi cõmendata tristitia, qua pii præditi, iuxta Ieremie exemplum, aliorum insulam leuitatem & singularem calamitatem ex animo deplorant, quã insuper ex cõsiderata diuini iudicii seueritate colligunt vel ex desiderio perfectioris vitæ, futureq; beatitudinis sedula contemplatione nutriunt atque confirmant.

*Si non abiero, Paracletus non veniet ad vos.*

NIHIL sanè mirum, Apostolos vehementi Christi desiderio & singulari amore teneri, vt sine illo magistro vitam sibi acerbam putent, eiusque præsentiam multis sibi modis retinere contendant. Communis enim illorum cum Petro erat confessio: *Domine ad quem ibimus? verba vitæ æternæ habes.* Ac tantò quidem illis tristius ac molestius fuit audire, quod sæpè Christus repetebat, mortem suam

c Matt. 26.

Rom. 9.

a Prou. 28.

b Eccl. 18.

c Eccl. 7.

a Matt. 26.

b Luc. 7.

c 2. Cor. 7.

Gen. 43.

Ierem. 31.

2. Cor. 7.

Lib. 9. de

spiritu tristi

tiæ cap. 11.

Ierem. 9.

Joan. 6.

Ioan. 7.

Tra ct. 24.  
in Ioann.

1. Pct. 2.

Tit. 2.

Ephes. 4.

Leuit. 6.

Rom. 8.

In solilo.  
quius. c. 22.

Serm. 77.

&amp; serm. 6.

in ascensio.

Domini.

esse in foribus, & propterea veterem illam consuetudinem cum domesticis hucusque habitam rumpi oportere: tam grauem ac seuam nunc ingruere tempestatem. Respondet ergo Christus, suum discessum, qui alioquin diuturnus futurus non esset, magno illorum ac totius Ecclesie bono cessurum, quod hac ratione participes fierent diuini Spiritus ac tanti hospitis amplissima dona consequeretur. Non dum enim erat Spiritus ille datus, sed nec dari poterat, nisi Iesus primum esset glorificatus, ut apud Ioannem legimus. Augustinus Christum ita loquentem inducit: Expedit vobis ut hæc forma serui auferatur à vobis. Caro quidem factum verbum habitat in vobis: sed nolo me carnaliter adhuc diligatis, & isto lacte contenti, semper infantes esse cupiatis. Si alimenta tenera quibus vos alui, non subtraxero, solidum cibum non esuriatis: si carni carnaliter adhæseritis, capaces spiritus non eritis. Quod si ergo Apostolis obstitit Christi præsentia, quo minus Spiritum sanctum possent accipere, quum eundem Dominum non spirituali prosequerentur amore, quanto magis ego meipsum impediam in Spiritu sancto percipiendo, si à carnalibus desideriis, quæ aduersus animam militant, talemque hospitem offendunt, non abstinuero, neque mundi blandimentis & carnis illecebris, vel sicut Paulus vocat, secularibus desideriis renunciauero? Hæc enim contristant Spiritum sanctum, nonnunquam & ignem diuini amoris extinguunt, cum tamen diuino sit oraculo sancitum: *Ignis in altari* (id est, in corde fidei) *semper ardebit.* Etenim *qui in carne sunt, Deo placere non possunt. Si secundum carnem vixeritis, moriemini. Si autem spiritu facta carnis mortificaueritis, viuetis. Quicumque spiritu Dei aguntur, ij sunt filij Dei.* Atque hoc est quod ab Augustino disertè traditur: Nemo potest in utroque seculo consolari, nec potest quis hic & in futuro gaudere, sed vnum necesse est ut perdat, qui alterum voluerit possidere. ] Eadem est Bernardi sententia, qui præterea scribit: Præoccupatum secularibus desideriis animum delectatio

sancta

sancta declinat. Nec misceri poterunt vana veris, æterna caducis, spiritualia carnalibus, summa imis, vt pariter sapias quæ sursum sunt, & quæ super terram.]

Quocirca mihi valdè curandum putabo, vt quæ ad carnis & sensuum externam, nec necessariam consolationem ac delectationem faciunt, in me diligentet obseruè, ac studiosè præscindam, Propheta in hunc modum testante: *Quem docebit scientiam, & quem intelligere faciet auditum? ablatos à lacte, auulsos ab uberibus*, eos nimirum designans, qui in carne sine carne, carnisq; voluptatibus prohibitis viuunt, iuxta illud. *Carnis curam nè feceritis in desiderijs.* Vbi voluptuosam carnis diligentiam nobis Paulus ademit, curam verò illius non prorsus interdixit, sicut notauit Cassianus. Et cum eodem Paulo sic me comparabo, vt rectè profiteri possim: *Si cognouimus secundum carnem Christum: sed nunc iam non nouimus*, quemadmodum tunc scilicet Apostoli Christum secundum carnem cognoscebant. Præterea imitandum mihi proponam Regium Prophetam, qui meditationibus & precibus pijs deditus, spiritualem dulcedinem sæpè multumq; gustauit, & idcirco tam latè cantauit: *Renouit consolari anima mea, memor fui Dei, & delectatus sum, & exercitatus sum: & defecit spiritus meus. Quam magna multitudo dulcedinis tua Domine, quam abscondisti timentibus te? Gustate & videte, quoniam suauis est Dominus.* Quoniam vero multa tum prospera, tum aduersa intercurrunt, quæ mentem meam à Deo ad mundum, & à Spiritu ad carnem quotidie auocant, nec minus spiritualè impediunt consolationem, habeo sanè, cur meipsum velut dormientem excitem meamq; sortem iure deplem, & gemens cum Augustino ex animo dicam: Iustum est Domine vt amittat te, quicumq; in aliquo alio magis consolari eligat quàm in te. Obsecro igitur summa veritas, nè permittas me in aliqua consolatione vana consolari; sed omnia mihi amarescât, vt tu solus dulcis appareas animæ meæ, qui es dulcedo inestimabilis, per quæ cuncta amara dulcorantur.]

Isai. 28.

Rom. 13.

Lib. de spiritu  
Gastri-  
marg. ca. 8.  
2. Cor. 5.

Psal. 76.

Psal. 30. 33.

Insoliloqui  
is, cap. 22.

Quid verò, si quidam ex hostibus Ecclesiæ sē nobis offerant, & minus carnales ac reprehensibiles, magisque spirituales & commendabiles quàm ipsi Catholici, in quotidiana vita esse videantur? Nec enim obicūrū est, in multis hæreticis quaidam peculiare & grandes elucere virtutes, & de illis multa præclare gesta sæpè prædicari. Magna fuit diuitiarum cōtemptio in Ebionitis, prodigiosa orandi assiduitas in Euchitis, nec vulgaris abstinentia vitæq; seueritas in Manichæis extitit. Verumenimverò quemadmodum externa & imaginaria fiētq; sanctitas Iudaicis non profuit Pharisæis, quorum iustitiam vt frustraneam reiicit Christus, ita & de hæreticis iudicare par est, quod vanè inaniterq; laborent, quantumvis rectè operando coram hominibus lucere & splendere videantur. Etenim opera sua bona non collocāt in nido Ecclesiæ, extra quam quicquid boni fecerit homo, Deo ingratum, & operanti non salutiferum esse necesse est. Testatur hoc sæpè Martyr Cyprianus, & luculenter scribit: Quisquis ille est, & qualiscunq; est, Christianus non est, qui in Christi Ecclesia nō est. Si potuit euadere qui extra arcam Noe fuit, & qui extra Ecclesiam foris fuerit, euadit. Confirmat hoc ipsum Augustinus in hunc modum: Quisquis à Catholica Ecclesia fuerit separatus, quantumlibet laudabiliter se viuere existimet, hoc solo scelere quòd à Christi vnitatem disiunctus est, non habebit vitam, sed ira Dei manet super eum. Habere caput Christum nemo poterit, nisi qui in eius corpore fuerit, quod est Ecclesia. Et liquidò asserit Fulgentius: Omni homini qui Ecclesia Catholice nō tenet vnitatem, neque baptismus, neq; eleemosyna quamlibet copiosa, neq; mors pro Christi nomine suscepta proficere poterit ad salutem, quamdiu in eo hæretica vel schismatica prauitas perseverat, quæ ducit ad mortem. Atque huc planè spectat Apostoli sententia, cū nuptialem illam vestem charitatem ad eò necessariam homini facit, vt liberè pronunciet: *Si habuero omnem fidem; ita vt montes transferam, & si distribuero in cibos pauperum omnes facul-*

*tates meas, & si tradidero corpus meum, ita ut ardeam, charitatem autem non habuero, nihil mihi prodest, quemadmodum eundem Apostoli locum Augustinus interpretatur. Etenim ubi sana fides non est, non potest esse iustitia, quoniam iustus ex fide vivit. Vbi iustitia non est, nec dilectio esse potest, quæ malum proximi non operatur. Vbi porro non est dilectio, vitæ corona & salus æterna frustra speratur, quæ duntaxat in vinca Dei laborantibus datur. Extra hoc Ecclesiæ corpus, inquit idem Augustinus, neminem vivificat Spiritus sanctus, quia sicut dicit Apostolus, charitas Dei diffusa est in cordibus nostris per Spiritum sanctum qui datus est nobis. Non est autem particeps divinæ charitatis, qui hostis est unitatis. Non habent itaque Spiritum sanctum, qui sunt extra Ecclesiam.*

Tract. 6. in  
Euang. Ioan  
Rom. 1.

Rom. 13.  
Matt. 10.

Epist. 50.

Rom. 5.

*Adhuc multa habeo vobis dicere, sed non potestis portare modo. Cum autem venerit Spiritus veritatis, docebit vos omnem veritatem.*

INTER alia multa officia, quæ Spiritui sancto in hoc Evangelio assignantur, non postremum illud est, quod Christus promittit, cum Spiritum post se venturum, & plura dociturum, quam quæ ipse Apostolis tradidisset, ac illi se magistro in terris discere ac retinere possent. Adiungit & illud: *Spiritus veritatis, qui nempe nec falli potest, nec fallere, cum venerit, docebit vos omnem veritatem.* In quæ verba pulchre scribit Anselmus Havelburgensis Episcopus: in hunc nempe modum: Spiritus sanctus procedens ab ore veritatis, quæ Christus est, Evangelium prius condidit: postea sanctorum patrum Concilij author & doctor omnis veritatis, sicut promissus fuerat, interfuit: Fidem quam ipse idem in Evangelio breviter condiderat, in Concilio sanctorum patrum explanavit: & quæ Filius adhuc dicere habuit, ipse procedens à filio veraciter edidit, & pleniter docuit: ut

In disputatione habita cum Nechita, lib. 2. contrapositionum, c. 23.

quam tunc soli Apostoli non potuerunt portare, eam nunc simul tota portet Ecclesia per vniuersum mundum diffusa. Itaque Spiritus sanctus sicut promissus fuerat, vt veniens doceret, tunc & nūc, & semper omnem veritatem, sententiarum patrum Concilijs interfuit, & tanquā doctō omnium præsuit.] Ad hunc ipsum Spiritum porro refert, quæ in laudem Dei circa ministerium diuinum & Sacramentorum administrationem per Catholicos doctores constituta atque ordinata seruamus. Absit igitur, vt huius firmæ & infallibilis Christi promissionis vnquā obliuiscar, per quā certi reddimur de Christianæ fidei veritate non solum in Euangelio librisque Biblicis perscripta, verum etiā Apostolis in mysterio tradita, & ab ipsis, ipsorumque successoribus viua voce prædicata & confirmata. Est enim verissimū, quod scriptum legimus apud Cyprianum: Sicut par est Spiritui sancto & Christo diuinitas: ita in suis institutis æqua est autoritas & potestas. Nec minus ratum est, quod dictante Spiritu sancto Apostoli tradiderunt, quā quod Christus ipse tradidit.] Quanquam nihil est opus ex Patribus Confirmare, vt Apostolorum traditiones & pia maiorum instituta pro doctrina Spiritus completamur, & cum Scriptura ipsa iungamus, quando id ipsum diuinis quoque testimonijs facile comprobatur. Sic enim in sacris literis legimus: a *Interroga patrem tuum, & annuntiabit tibi: maiores tuos, & dicent tibi.* b *Non te pratereat narratio seniorum: ipsi enim didicerunt à patribus suis, quoniam ab ipsis discēs intellectum.* c *Interroga generationem pristinam, & diligenter inuestiga Patrum memoriam: ipsi docebunt te, loquentur tibi, & de corde suo proferent eloquia.* d *Ne transgrediaris terminos antiquos, quos posuerunt Patres tui.* Quid autem eo luculentius, quod Christus ipse ad suos loquitur? *Non vos estis qui loquimini, sed spiritus Patris vestri qui loquitur in vobis.* Idem Christus per Paulum vas electionis differtē commendat nobis traditiones, easque iubet ab omnibus fidelibus obseruari, sicut alibi meminimus. Adfuit

sanē

Serm. de ab  
lutione pe-  
dum.

a Deut. 32.  
b Ecclef. 8.

c Iob. 8.

d Prou. 22.

Matt. 10.

1. Cor. 11.  
2. Thess. 2.



sanè ac præsuit Spiritus sanctus primæ synodo ab Apostolis  
& senioribus Hierosolymis celebrata, & idcirco illis rebus  
quæ sine scriptura illic definiuntur, hæc addita est præfatio:  
*Vñsum est Spiritui sancto & nobis.* Etenim tanta est, maner-  
que Spiritus sancti & Ecclesiæ consensus, vt quod hæc ipsa  
in religione magistra decernit, ab illo etiam autore profi-  
tiscatur, vtque Christiani doctores non tantum Euangelij  
promulgatores, sed & legum ab Ecclesia sancitarum præ-  
cones esse conueniat. Proinde Lucas Paulum & Sila colle-  
gam idcirco commendat, quod cum ambo ciuitates per-  
transirent, *tradiderint eis custodire dogmata quæ erant decre-  
ta ab Apostolis & senioribus qui erant Hierosolymis.* Demum  
ex hac doctrina Spiritus, quo nunquam destituitur, habet  
eadem Ecclesia, cur dicatur & sit omnibus ætatibus regnum  
cælorum, domus Dei viui, columna & firmamentum, cu-  
stos itidem & magistra veritatis, quam certè qui non audi-  
erit, sed in suis præpositis contemserit, is pro ethnico & pu-  
blicano, si Christum ipsum sequimur, iudicari atque dam-  
nari meretur.

Ingentes itaque Christo Domino gratias agam, qui ad  
imbecillitatem humanam subleuandam, & ad veritatem  
Euangelicam confirmandam, talem tantumq; doctorem,  
quo nihil maius, firmitus ac veracius esse potest, nempe Spi-  
ritum sanctum, nobis promisit, & vsque mittit in domum  
& templum Ecclesiæ suæ. Vnde cælestis aquila nobis accla-  
mat: *Qui habet aurè, audiat quid Spiritus dicat Ecclesiis.* Nec  
dubitabo, sed certò persuasum habebò, hunc ipsum Spi-  
ritum, quia Spiritus est veritatis sibi semper similis, ac perpe-  
tuus Ecclesiæ paracletus, suo muneri, propter quod missus  
est in terram, ad docendam scilicet omnem veritatem cre-  
ditu & obseruatu necessariam, hætenus satisfecisse, & ad-  
huc satisfacere, quantumuis variij spiritus erroris & menda-  
cij identidem per Satanam excitentur. Non potest enim  
Christus ipse nos fallere, qui luculenter ita promisit: *Ego ro-  
gabo Patrem, & alium paracletum* (præter me scilicet) *dabit*

Actor. 15.

Actor. 15.

Mat. 13. & 22  
1. Tim. 3.

Matt. 18.

Apoc. 2.

Ioan. 14.

Ioan. 10.

1. Ioan. 4.

Ioan. epist. 2

Gal. 5.  
Gal. 1.

*vobis, ut maneat vobiscum in aeternum, Spiritum veritatis. Ac iterum: Vos cognoscetis eum, quia apud vos manebit, & in vobis erit. Rursus firmiter apud me constitutum erit, eiusmodi promissiones, quæ Spiritus sancti aduentum, operationem, efficaciam & perpetuitatem ostendunt, non ad solos Apostolos, sed ad eorum quoque successores, Ecclesiæ nimirum Catholicæ antistites, pastores & doctores pertinere, & per illos ipsos ad Christianum populum deriuari, ut fideles omnes in veræ fidei vnitatem, sanamque doctrinam & confessionem veritatis ubique gentium concordem maneam, ac velut vnum ovile sub vno summo pastore contra lupos omnes tutò conseruentur, ac saluari doctrinam pascuis usque reficiantur. Vnde Ioannes non modò sui, id est, Apostolici ordinis homines, sed & succedentis Ecclesiæ præpositos nobis ita commendat: Qui nonit Deum, audit nos: Qui non est ex Deo, non audit nos. In hoc cognovimus Spiritum veritatis, & Spiritum erroris. Ea propter quidlibet ego feram potius, quam ut ab huius divini ac infallibilis magistri, hoc est, vivificantis Spiritus sancti doctrina discedam, siue de credendis, siue de agendis rebus agatur: illis verò, qui ab illa ipsa columna discesserint, ego non Aue, sed perpetuum anathema dicam: quoniam cum loquentem in Ecclesia Spiritum sanctum non audiant, sed ei superbè resistant, eiusque magisterio nolint esse contenti, modis omnibus explodi ac deuitari, atque ut hostes arceri debent, iuxta illud: Utinam abscindatur qui vos conturbant. Si quis vobis euangelizauerit præter id quod accepistis, anathema sit.*

## DE PRECIBVS CVM HOC EVANGELIO CONIVNGENDIS.

**P**RECANDVS est mihi Deus, ut sinceram, verè, Christianam amicitiam cum proximis colam, neque in hominum gratiam à veritate discedam, sed si opus sit, liberum agam admonitorem, nec facile ad amicorum vitia, si ea curare possim, conni-

ueam. Charitas enim non gaudet super iniquitate, congaudet autem veritati, Apostolo teste. Diuinum ergo sequar preceptum, quod apud Zachariam extat: Loquimini veritatem, unusquisque cum proximo suo, pacem & veritatem diligite.

1. Cor. 13.  
Zach. 8.

ORABO etiam pro mentis puritate consequenda, ut quæ hominem Deo inprimis acceptum, & eximium diuini Spiritus hospitium reddit, quando is gratiæ suæ balsamum siue unguentum, non nisi mundo nitidog, vasi committit. Eoq, magis ab omni carnis & spiritus inquinamento mundari satagam, & sanctificationem debitam, quæ statui meo congruit, in timore Dei perficiam, quemadmodum Apostolus exigit. Eiusdem est illa quoq, sententia: Si quis emundauerit se ab istis (impuris nempe vitiorum & affectuum sordibus) erit vas in honorem sanctificatum, & vtile Domino, ad omne opus bonū paratus.

2. Cor. 7.  
2. Tim. 2.

PETAM insuper Catholicis gratiam, ut Spiritus sancti virtute hoc tempore corroborati, constanter in veteri Ecclesia & religione persistant, Spiritumq, sanctum in ordinarijs ministris verè loquentem ac docentem reuerenter audiant, nullis autem noua doctrinæ ventis, erroneisq, spiritibus in nequissimorum tanquàm paruuli fluctuantes, se circumagi & seducipantur. Moneatur quippe verbo Dei: Doctrinis varijs & peregrinis nolite abduci, optimum est enim gratia stabiliri cor. Esto firmus in via Domini.

Ephes. 4.  
Heb. 13.  
Eccles. 5.



# DOMINICA V.

## POST PASCHA, QVÆ

### VOCEM IVCVNDITATIS

#### DICTA EST.

Pp 4

Sequen-

*Sequentis Euangelij Argumentum.*

CHRISTVS à suis discipulis ad mortem abiturus, inter varia media & remedia erigendis illorū animis opportuna, etiam doctrinam orandi tradit atque commendat. Est enim precatio fidelibus tam utilis ac necessaria, vt sine illa nec fides exerceri, neque consolatio impetrari, nec gratia comparari & conseruari facile possit: sine hac aqua noster ager quodammodò exarescit, ac sterilis iacet. Vt autem cum fructu fiat precatio, monet Euangelium, eam ad Deum Patrem, & quidem in Christi nomine instituendam esse, cum firma nempe fiducia consequendæ gratiæ non ob nostram dignitatem, sed propter Christi mediatoris & Redemptoris merita, per quem & propter quem Pater dona sua orantibus elargitur. Vnde alibi quoq; Christus promittit: Si quid petieritis Patrem in nomine meo, dabo vobis. ] Ac iterum: Quodcūque petieritis Patrem in nomine meo, hoc faciā. ] Indicatur hic præterea, quid in oratione petendum sit, præcipuè quidem non externum corporis aut huius mundi bonum, sed internum ac spirituale gaudium, quod cum pace conscientiæ in hac vita inchoatum, tunc perficietur, quum fidelis animus in cœlesti patria summo illo æternoque bono, quod solum beat & replet animam, iucundissimè perfruetur. Consolatur & illud meritò Apostolos atque pios omnes, quod Christus affirmat, illos tanquàm amicos à Patre diligī, quia filium eius diligant, & in eum credant. Tum ipsdem futurum promittit, vt in die reuelaræ gratiæ orent perfectè in Christi nomine, quem pro Mediatore noui testamenti, & pro sacerdote perpetuo & intercessore apud Patrem habituri atq; honoraturi, & idcirco non secundum carnem imperfecto modo cognituri sint: qui præterea sicut è cœlo in mundum ob summam charitatem descendit, ita rursus à mundo per crucem ad Patrem non sine obedientia maxima velit abire, ac suis electis locum in cœlesti regno preparare, quod cum illis perpetuò cōmunicetur. Denum Apostoli ex longo Christi sermone fructum cum capiunt, vt suam de illo fidem, quodd cordium arcana notit, & idcirco plusquàm homo sit, apertè confiteantur.

EIVSDEM









160

Q.

33.

